


**SUMMARIUM
CONSTITUTIONUM,
DECLARATIONUM, ET
ORDINATIONUM, PRO
REGIMINE SACRI...**

Pietro Martire Festa, Giovanni
Battista Coccini






Ex Bibliotheca
majori Coll. Rom.
Societ. Jesu

H

22-3.12.

~~2~~ ~~22~~
~~E~~ ~~E~~
~~12~~

88





SVMMARIVM

CONSTITVTIONVM,

DECLARATIONVM,

ET ORDINATIONVM,

Pro regimine sacri Ordinis Prædicatorum.

ADIECTIS PARTICVLIS PRIVILEGIORVM

& Constitutionum Sedis Apostolicæ, necnon Decretorum

Concil. Tridentini, ac sacrarum Congregationum DD.

Cardinalium iuxta cuiuslibet Tractatus exigentiam.

ITEM SVMMARIVM CONSTITVTIONVM, ET

Ordinationum emanatarum pro bonis moribus Monialium, ac Per-

sonarum tertij habitus sub cura eiusdem Ordinis existentium.

Collectum labore & studio P. Mag. F. PETRI MARTYRIS FESTI

Vrceani, eiusdem Ordinis Professoris.

Nunc de nouo à multis erroribus expurgatum & auctum ex Capitulis generalibus
Bononiæ anno 1615. & Vlyssippone anno 1618. celebratis.



Ex Legu



BIBLIOTHECA NAZ.
ROMA
VITTORIO EMANUELE

Mme. Jacini



PARISIIS,

Apud MICHAËLEM SONNIVM, via Iacobæ,
sub Scuto Basilienfi.

M. DC. XIX.

PERMISSV SUPERIORVM.

In quatuor partes eo ordine distributum, vt in prima, de Constitutionum editione, obligatione, duratione, mutatione, & dispensatione, de ædificiis, de Ecclesiis, & illarum cultu, & de viuendi forma Fratrum differatur. In secunda de diuersis Religiosorum statibus, gradibus, & officiis. In tertia de forma electionis canonicæ, de eligentium & eligendorum conditionibus, & quorumcumque Prælatorum institutione, auctoritate, & munere, simulque de quibusuis capitulis. In postrema de delinquentium Fratrum correctionibus, culpis, & pœnis.



BEATISS. PATRIARCHÆ
DOMINICO GVSMANO
HISPANO,

Ordinis Prædicatorum Institori, & Patrono.

FR. PETRVS MARTYR VRCEANVS
eiusdem Ordinis alumnus.

INDVXIT me ad hoc Summarium coadunandum, Sanctiss. Pater, multiplex ratio. Primum quidem, quia in comitiis generalibus Romæ coactis anno 1608. commissum Patribus requiritur, ut studio eruditorum aliquot Patrum ex diuersis prouinciis selectorum illud conscriberetur, & publicaretur. Deinde quia ad R. Pater Vicarius generalis Ordinis tunc, nunc ob egregias eius virtutes, & multas res bene gestas, præcipue in Sanctiss. Inquisitionis officio, Reuerendiss. P. F. Seraphinus Siccus Papiensis Ordinis tui Magister, & Moderator, monitis suis iam pridem huic operi ad auxilium præstandum suasit; Demum ut quasi sine ordine dispersa, sub diuersis capitibus collecta, facilius querentibus inuenta apparerent. Partes igitur Prouincia mea veriusque Lombardia qualis qualis ego sim agens hoc Summarium edidi. Edant & alij, ut tandem completum & perfectum prodeat ex pluribus, ad facilius mores Religiosorum tuorum componendos. Interim vero spem illam miram quam dedisti mortis hora te stentibus, dum post mortem promissum t. profuturum fratribus, imple, nos tuis iuuans precibus. Et qui tot signis claruisti

in agrorum corporibus, nobis opem ferens Christi agris medere moribus: Et mihi, qui tibi hos labores libenter offero in mei erga te obseruantia pignus, impetrare digneris ab altissimo D. Deo criminum remissionem. Amen.

SVPERIORIS FACULTAS.

NOS Fr. Seraphinus Siceus Papiensis sacre Theologiæ professor, & in Romana curia totius Ordinis Prædicatorum humilis Procurator & Vicarius generalis. Muneris nostri ratio exposulat, vt viros doctrina insignes motumque integritate conspicuos, quos pro animarum salute, & religionis nostræ augmento, diu laborasse, & iugiter laborare dignoscimus, sincera dilectione prosequamur. Quare cum Ad R. Pater Fr. Petrus Martyr Vrceanus Magister nostræ Prouinciæ Lombardiæ, Ordinis præfati, typis committere exoptet Summarium Constitutionum, & Ordinationum Capitulorum generalium, ac aliorum Decretorum ad Ordinem nostrum attinentium, pro communi vtilitate Fratrum conditum, ac super hoc nostram requisivisset facultatem, eius petitione annuere volentes, re prius participata cum Illust. & Reuerend. D. Cardinali de Araceli, nostri Ordinis Magistro generali, præfatam licentiam libenter elargimur, dummodo dictum Summarium iuxta seriem nostrarum Ordinationum à duobus grauioribus Patribus accurate recognitum fuerit, iudicatumque dignum vt in lucem prodire possit, seruatis omnibus quæ secundum decreta S. Conc. Trid. & Constit. Apostolicæ super hoc editas de editione librorum & eorum vsu seruari debent. In nomine Patris, & Filij, & Spiritus sancti, Amen. Datum Romæ die 21. Ianuarij 1612.

F. Seraphinus qui supra manu propria.

Fr. Lucas Castellinus Faucinus Mag. & Socius.

APPROBATIO OPERIS.

CVM nobis impositum fuerit, vt hoc opus cuius titulus est, Summarium Constit. Declarat. & Ordinat. &c. per Patrem Fratrem Petrum Martyrem Festum Vrceanum Mag. Ord. Præd. non leui labore compositum, ac diligentia collectum, prospiceremus, omnem curam & sollicitudinem adhibere conati sumus, & nihil quod catholicam fidem & bonos mores lædere in minimo possit inuenimus, nec quod regulis postremi iudicis librorum obstarer, quinimo gloriæ & honori religioni futurum esse existimamus, si typis excudendum traderetur, ac insuper profuturum non solum religiosis Dominicanæ familiæ, quibus in hoc opere tales præstuntur leges, quas obseruando coram Deo & hominibus laudabilem vitam agere possunt, verum etiam omnibus cuiuscumque Ordinis regularibus, cum iuxta præsens exemplar suas quisque moderati possit leges & mores. In quorum fidem manum propriam apposuimus.

Fr. Petrus à Florentiula lec. Theog. Prior S. Dom. Crem. Ord. Præd.

Fr. Io. Baptista à Sestulafac. Theo. professor, Prior S. Iacobi de Soncino eiusd. ord.

D. Hieronymus Creatius clericus Regularis de mandato Adm. R. P. Inquisitorii.

Attentis præfatis attestationibus imprimatur.

Fr. Desiderius Scalin Mag. & Inquisitor Cremona.

INDEX CAPITVM

PRIMÆ PARTIS.

D e ordinis Prædicatorum institutione, & Confirmatione, cap. 1.	fol. 1
De ord. Præd. nomine, & præstantia, cap. 2.	3
De unitate cordium, & morum uniformitate seruanda, cap. 3.	6
De Constit. & ordinationum nostrarum editione, cap. 4.	7
De Legum nostrarum obligatione, cap. 5.	9
De Legibus penales in ordine, cap. 6.	12
De promulgatione legum nostrarum, cap. 7. 13.	De dispensationibus, cap. 8.
De his quæ salutem animarum in religiosis impediunt, cap. 9.	17
De Constit. mutatione, cap. 10. fol. 19.	De domibus construendis, cap. 11.
De translatione domorum, cap. 12. fol. 22.	De ædificiorum qualitate, cap. 13.
De dormitorio, cellis, & aliis officiis conuentuum, cap. 14.	24
De offitio conuentus, cap. 15. fol. 26.	De ingressu mulieribus interdictis, c. 16. ibid.
De numero fratrum cuiuslibet conuentus præfigendo, cap. 17.	28
De possessionibus & redditibus non habendis, cap. 18.	30
De non alienandis bonis, cap. 19.	33
De Ecclesiarum ædificatione, consecratione, reconciliat. & immunit. cap. 20.	35
De immunitate Ecclesiarum quæ ad delinquentes ad eas confugientes, cap. 21.	38
De Cæmeteriis, sepulchris, & quarta funerali, cap. 22.	39
De processionibus & præcedentia incens, cap. 23.	42
De Ecclesiis & earum cultu, cap. 24.	44
De Ecclesiis quibus animarum cura est annexa, cap. 25.	45
De Aliaribus, sacristiis, & illarum sacris utensilibus, cap. 26.	46
De celebratione Missarum, cap. 27.	48
De Missarum numero, & earum eleemosynis, cap. 28.	51
De officio Ecclesiæ, cap. 29. fol. 54.	De inclinationibus, cap. 30.
De suffragiis mortuorum, cap. 31. fol. 66.	De ieiuniis, cap. 32.
De tempore, & loco resurrectionis, cap. 33. fol. 70.	De ciborum qualitate, cap. 34.
De collatione tempore seculi, cap. 35. fol. 73.	De infirmis, & illorum cura, c. 36. 74
De minutione, cap. 37. fol. 75.	De lectis, c. 38. fol. 76.
De refectibus, cap. 39.	77
De rursu, cap. 40. fol. 82.	De silentio, cap. 41.
	83

CAPITA SECVNDÆ PARTIS.

D e examinatioibus recipiendorum, cap. 1.	fol. 86
De his qui possunt ad habitum recipere, cap. 2.	88
De recipiendorum ætate, cap. 3.	89
De recipiendorum sufficientia in literis, cap. 4.	90
De aliis requirendis ad recipiendis, cap. 5.	91
De præfatis alterius religionis non recipiendis, cap. 6. fol. 93.	De illegitimis, c. 7.
De quibusdam aliis impedimentis suscipiendi habitum, cap. 8.	99
De qualitate informationum suscipiendarum pro recipiendis, cap. 9.	101

<u>De conuentibus & domibus nouitiorum, cap. 10.</u>	103
<u>De Magistris nouitiorum instituendis, cap. 11.</u>	105
<u>De modo praebeendi habitum nouitis, cap. 12.</u>	106
<u>De anno probationis, cap. 13. fol. 108. De continuitate anni probat. cap. 14.</u>	110
<u>De prorogatione anni probationis, cap. 15.</u>	111
<u>De bonis temporalibus nouitiorum non professorum, cap. 16.</u>	113
<u>De institutione nouitiorum in anno probationis circa personalia, cap. 17.</u>	115
<u>De obedientia voto, cap. 18.</u>	116
<u>De his in quibus religiosus non tenetur obedire Praelato, cap. 19.</u>	117
<u>De his in quibus tenetur obedire sub poena peccati mortalis, cap. 20.</u>	118
<u>De contemptu, cap. 21. fol. 120. De precepto obligante ad mortale, cap. 22.</u>	122
<u>De castitate, cap. 23. fol. 124. De paupertate fratrum in particulari, cap. 24.</u>	126
<u>De administratione bonorum temporalium, cap. 25.</u>	129
<u>De mobilium vsu religiosi concessio, cap. 26.</u>	130
<u>De mobilium concedendorum qualitate, cap. 27.</u>	132
<u>De legatis, siue censibus Fratrum particularium, cap. 28.</u>	133
<u>De vsu pecuniarum, & deposito illarum, cap. 29.</u>	134
<u>De largitione munerum regularibus interdicta, cap. 30.</u>	136
<u>De nouitiorum institutione circa alios mores, cap. 31.</u>	140
<u>De professionis obligatione, cap. 32.</u>	142
<u>Quibus casibus professio nulla est, cap. 33.</u>	144
<u>De professionis praestantia, cap. 34.</u>	145
<u>De duplici professione tacita & expressa, cap. 35.</u>	148
<u>De solutione quorundam dubiorum de validitate professionis, cap. 36.</u>	150
<u>De modo faciendi professionem, cap. 37. fol. 151. De nouitis professis, cap. 38.</u>	155
<u>De conuersis, c. 39. fol. 156. De initiandis sacris ordinib. c. 40.</u>	160
<u>De studentib. c. 41. fol. 169. De studiis generalib. c. 42.</u>	169
<u>Delectionibus habendis, c. 43. fol. 172. De Lectoribus, cap. 44.</u>	174
<u>De patribus & consiliis, cap. 45.</u>	177
<u>De Syndicis, depositariis, & inuentariis bonorum, cap. 46.</u>	179
<u>De Magisterij in sac. Theol. gradu, cap. 47. fol. 181. De appetitu magisterij, c. 48.</u>	182
<u>De magistrorum institutione, c. 49. fol. 183. De Magistrorum gratiis, c. 50.</u>	185
<u>De Baccalaucorum institutione, & officio, c. 51.</u>	187
<u>De Moderatoribus studiorum, & eorum institutione, c. 52.</u>	184
<u>De Moderatorum studij distinctis officiis, cap. 53.</u>	186
<u>De numero Magistrorum, Baccalaucorum, & Prad. generalium, c. 54.</u>	188
<u>De praedicatoris officio, c. 55. fol. 189. De Praedicatorum institutione, c. 56.</u>	190
<u>De Praedicatoribus in ordine ad Episcopos, c. 57.</u>	192
<u>De his quae cauere debent Praedicatores in concionibus, c. 58.</u>	194
<u>De Praedicatorum questu, cap. 59.</u>	196
<u>De quibusdam exemptionibus Praedicatorum, c. 60.</u>	198
<u>De Praedicatoribus generalibus, c. 61. fol. 199. De Confessariis Fratrum, c. 62.</u>	200
<u>De Confessorum approbatione per Praelatos ordinis, c. 63.</u>	202
<u>De Confessorum approbatione per ordinarios, c. 64.</u>	203
<u>De Confessorum auctoritate super sacris, c. 65.</u>	207

De auctoritate Prælatorum super fratres in quibusdam casibus, c. 66.	209
De reformatione casuum, cap. 67.	211
De Confessorum regularium auctoritate super seculares, c. 68.	212
De moderatione auctoritatis conf. reg. super seculares, c. 69.	215
De quibusdam notandis in absolutione, c. 70.	217
De itinerantibus, & illorum licentis, cap. 71.	218
De cunctis ad curiam, cap. 72.	220
De non equitando, nec pecuniis portandis, cap. 73.	222
De itinerantibus sociis, & aliis per viam servandis, cap. 74.	ibid.
De hospitibus fratribus, & extraneis, c. 75.	223
De discursu fratrum per civitatem, c. 76. fol. 226. De affiliationibus, c. 77.	217
De Bibliothecis, c. 78. fol. 229. De impressione librorum, c. 79.	ibid.
De bonis fratrum defunctorum, c. 80. fol. 231. De loco servando inter fratres, c. 81.	233
De assumptis ad Episcopatum, & alias dignitates, cap. 82.	239
De sociis Prælatorum extra ordinem, c. 83.	243
De aliis quibuscumque extra claustra degentibus, c. 84.	244

CAPITA TERTIÆ PARTIÆ

D e triplici modo eligendi Prælatos, c. 1.	248
De electione secundum formam Conc. Trid. c. 2.	250
De scrutatoribus, cap. 3.	258
De observandis in electione canonica, c. 4.	254
De postulante canonica, c. 5. fol. 256. De eligentium qualitatibus, c. 6.	257
De conditionibus eligendorum, c. 7. fol. 263. De tempore electionis, c. 8.	266
De electione Prioris, c. 9. fol. 268. De Confirmatione Priorum, c. 10.	ibid.
De Prælatibus in communi, cap. 11.	270
De Præcipuis muneribus Priorum, c. 12.	274
De institutione Supprioris, & eius potestate, cap. 13.	277
De Vicariis conventuum, & locorum, cap. 14.	278
De Vicariis Congregationum sine Nationum, cap. 15.	280
De Vicariis provinciarum, mortuo, vel amoto Provinciali, cap. 16.	281
De Vicario ordinis, mortuo, vel amoto Magistro ord. cap. 17.	284
De electione Provincialis, c. 18. fol. 284. De potestate & officio Provincialis, c. 19.	288
De electione electoris Prioris Provincialis, vel socij Prioris, cap. 20.	292
De electione Diffinitorum capituli Provincialis, cap. 21.	293
De electione Diffinitoris capituli generalis, cap. 22.	294
De electione socij Provincialis, vel Diffinitoris cunctis ad capitulum gener. c. 23.	296
De electione Magistrorum ordinis, cap. 24.	297
De Magistris ordinis auctoritate, & officio, cap. 25.	301
De inquisitoribus hereticæ pravitatis, cap. 26.	306
De Protectore ordinis, cap. 27. fol. 308. De capitulo quotidiano, cap. 28.	310
De capitulo Provinciali, cap. 29. fol. 312. De capitulo generali, cap. 30.	314
De solemnibus celebratione capituli, c. 31. fol. 318. De capitulo generalissimo, c. 32.	320
De Visitatoribus, cap. 33.	322

CAPITA QVARTÆ PARTIS.

D e exemptione regularium, cap. 1.	fol. 324
De recurrentibus ad tribunalia extra ordinem, cap. 2.	326
De his in quibus regulares ex Conc. Triad. subiiciuntur Episcopis, c. 3.	328
De delictis regularium per Episcopum puniendi, cap. 4.	330
De Conservatoribus, cap. 5.	333
De modo procedendi in correctionibus fratrum, cap. 6.	336
De modo procedendi per denunciationem, cap. 7.	338
De modo procedendi per viam accusationis, cap. 8.	340
De modo procedendi per inquisitionem generalem, cap. 9.	341
De modo procedendi per inquisitionem specialem, cap. 10.	343
De testibus, cap. 11. fol. 345. De Reis, cap. 12.	346
De appellationibus, cap. 13. fol. 347. De tortura reorum, cap. 14.	350
De levi culpa, cap. 15. fol. 351. De gravi culpa, cap. 16.	353
De literis non scribendis, vel recipiendis, cap. 17.	354
De graviore culpa inobedientium erga Prælatos, cap. 18.	355
De pœna mendicantibus saniores per extraneos infligenda, cap. 19.	356
De aliis delictis graviore culpa, cap. 20.	357
De aliis delictis similibus sparsis per Consuet. cap. 21.	358
De pœnis graviore culpa, cap. 22.	360
De pœnis accedentibus ad moniales infligendis, cap. 23.	362
De delictis puniendis pœna carceris, cap. 24.	363
De gravissima culpa, & pœna expulsionis, cap. 25.	366
De excommunicationibus ordinis, cap. 26.	369
De excommunicationibus canonum afflictiis regulares, cap. 27.	372
De Apostatis, cap. 28. fol. 374. De pœna Apostatatum, cap. 29.	377
De Indulgentiis, cap. 30. fol. 379. De applicatione beneficiorum ordinis, c. 31.	381

In annexo Summario, de Monialibus, & personis tertianis de pœnitentia B. Dominici nuncupatis, hæc summarie habes.

DE Monialium ordinis cura religioni tradita, sublata, restituta. De illarum privilegiis, exemptione, Constitutionibus, clausura, edificijs, ianuis, fenestellis, cratibus, de ingressu in illarum monasteria interdicto, & concesso, de illarum exitu, de officio diuino ab eis persoluendo, de ieiunijs, vestitu, silentio, &c. de recipiendis, de numero praefigendo, de dotibus, de electione Praefectorum, & de pœnis delictorum.

De personis Tertianis habes illarum institutionem, confirmationem, privilegia, habitum, professionem, & mores.

De famulis fratribus inserviientibus notantur privilegia cap. ultimo.

SUMMARIVM



S V M M A R I I

P A R S P R I M A

DE ORDINIS PRÆDICATORVM

Institutione, Confirmatione, & Præstantia.

De Constitutionum editione, obligatione, & dispensatione, de
ædificiis & Ecclesiis, ac illarum cultu, & de moribus
ac viuendi modo Fratrum.

De ordinis Prædicatorum Institutione, & Confirmatione.

C A P V T I.



ANNO Domini 1203. tempore Pontificatus Innocentij
3. B. P. Dominicus Ord. Prædicatorum Magister, &
institutor, natione Hispanus, de villa quæ dicitur Ca-
laroga Oxomensis diœcesis, familia nobili Gulmanorum,
vir scientia Dei plenus, vita sincerus; religione conspi-
cuus, cæpit suum Ordinem mente concipere in partibus
Tholosanis, si quidem eo tempore duodecim Abbates
Ordinis Cisterciens. cum Apostolicæ sedis Legato, missi
sunt à Summo Pontifice ad eas partes, vt fidem Catholicam prædicarent, &
hæretica venena Albigentium, quæ ea loca infecerant, pro viribus propulsa-
rent: quibus de Hispania adiunctus fuit Dedacus Oxomensis Episcopus, &
hic in comitatu suo habuit B. Dominicum. Post biennium autem redeun-
tibus ad propria D. Legato, Episcopoque Oxomensis, & aliis duodecim
Abbatibus prædictis, B. Dominicus cum paucis sibi adhærentibus perman-
sit ibidem, prædicationi, & hæresum impugnationi insistendo fere per an-
nos decem, vsque ad tempus Lateranensis Concilij, quod fuit celebratum
anno Domini 1215. sub eodem Innocentio 3. Profectus est autem vir Dei
cum Fulcone Episcopo Tholosano ad dictum Concilium, Innocentiumque
adiit, & petiit confirmationem Ordinis, qui Prædicatorum diceretur & esset,

2 *De ordinis Prædicatorum institut. & confirmatione.*

cui non acquiescenti, nocte visum est in somnis Ecclesiam Lateranensem grauem minari ruinam, & ex aduerso virum Dei Dominicum occurrere, humerisque totam illam casuram fabricam sustinere. Quapropter vigilans, & visionem intelligens, petitionem S. viri admisit hilariter, & cum adhortatus est vt ad socios rediens, regulam aliquam approbatam eligeret, & rediens illico confirmationem reportasset, Reuersus igitur ad fratres Tholosæ consistentes S. vir qui tunc erant numero sexdecim, eisque apud Prulianum conuocatis, inuocato prius spiritus sancti auxilio, vnanimiter regulam S. Augustini prædicatoris eximij, elegerunt, quasdam arctioris vitæ consuetudines assumentes, quas sibi per formam Constitutionum obseruandas statuerunt. Quæ regula electa S. vir, Romam rediens Innocentium vita functum inuenit, & ab Honorio 3. loco Innocentij suffecto, confirmationem ordinis 1216. impetrauit sub his formis.

Honorius Episcopus seruus seruorum Dei dilectis filiis, Dominico Priori S. Romani Tholosanen. eiusque fratribus tam presentibus quam futuris, regularem vitam professis salutem, & Apostolicam benedictionem. Religiosam vitam eligentibus, apostolicum conuenit adesse presidium, ne forte cuiuslibet temeritatis incurfus, aut eos à proposito reuocet, aut robur sacræ religionis infringat. Ea propter vestris petitionibus annuentes, Ecclesiam S. Romani Tholosanen. in qua diuino manipati estis obsequio, sub B. Petri, & nostræ protectione suscipimus, & presentis scripti priuilegio communimus. In primis si quidem statuentes, vt ordo Canonicus qui secundum Deum, & B. Augustini regulam in eadem Ecclesia institutus esse dignoscitur, perpetuis ibidem temporibus inuiolabiliter obseruetur. Præterea quasunque possessiones, & quasunque bonas, quæ eadem Ecclesia in presentiarum possidet iuste, & canonice aut in futurum Pontificum largitione, Regum, Principum aut fidelium oblatione, seu aliis iustis modis poterit adipisci, firma vobis vestrisque successoribus, & illibata permaneant, in quibus hæc propriis duximus exprimenda nominibus. s. Locum ipsum in quo præfata Ecclesia sita est cum omnibus pertinentiis suis, Ecclesiam de Pruliano cum omnibus pertinentiis suis. Villam de Cossenolio cum omnibus pertinentiis suis. Hospitale Tholosan. quod dicitur Arnardi Berardi cum omnibus pertinentiis suis. Ecclesiam S. Trinitatis de Lobens cum omnibus & c. Decimas à Ven. Fratri nostro Fulcone Episcopo Tholosanen. de consensu capituli sui vobis pia prouida liberalitate concessas, & c. Datum Romæ apud S. Sabinam 11. Kalend. Ianuarij, indictione 5. anno incarnationis Domini 1216. anno pontificatus sui primo.

Alia breuior Confirmatio eiusdem Pontificis.

Honorius Episcopus seruus seruorum Dei dilecta filio Fratri Dominico Priori Sancti Romani de Tholosa, & fratribus tuis regularem vitam professis, & professuris salutem, & Apostolicam benedictionem. Nos attendentes fratres ordinis tui futuros pugiles fidei, & vera mundi lumina, confirmamus ordinem tuum cum omnibus castis, & possessionibus habitis, & habendis. Et ipsum ordinem, & possessiones ac iura sub nostræ protectione, & gubernatione suscipimus. Datum Romæ apud S. Sabinam 11. Kalend. Ianuarij, indictione 5. anno incarnationis Domini 1216. anno pontificatus sui primo.

Ex Chronica, & priuilegiis ordinis.

CAPVT II.

ORdinis Prædicatorum nomen congregationi nostræ fuit impositum ab Innocen. 3. Qui dum literas scriberet B. Dominico existenti in partibus Tholosanis, imposuissetque scriptori vt scriberet hoc modo, Fratri Dominico, & sociis eius: statim reuocauit dicens, scribe Fratri Dominico, & cum eo prædicantibus. Inde paululum cogitans dixit, scribe, Magistro Dominico, & fratribus Prædicatoribus. Et ex tunc in curia, & extra, & ubique fuimus vocati fratres Prædicatores, quia os Domini sic locutum est, iuxta illud, Vocabitur tibi nomen, quod os Domini nominauit. Et ab Honorio 3. in confirmatione Ordinis, atque à Greg. 9. in bulla canonizationis S. Dom. confirmatum fuit, & antea à S. Patre nostro Dominico ardenti desiderio, lachrymosis precibus, & gloriosis meritis à Deo impetratum fuit, vt pote quia hic ordo re & nomine ad prædicandum institutus esse dignoscitur.

Est autem hic ordo cæteris ordinibus mendicantium præstantior ex multis rationibus. Primo ratione prioris institutionis, & confirmationis, quantum enim ad sui exordium capit anno Domini 1203. nam eo anno D. Dominicus hospitem suum hæreticum Tholosæ ad fidem conuertit, postea vero ab Honorio 3. anno 1216. 11. Kale. Ianuarij, vtsupra notatum fuit, cõfirmatus est, & S. Pater Bononiæ diem clausit extremum 1221. 8. Idus Augusti, & Reate fuit in Sanctorum numerum aggregatus per Gregorium 9. anno 1224. 8. Idus Iulij. Ordo autem minorum qui omnes alios mendicantes sine controuersia præcedit, capit sub B. Francisco in partibus Tusciæ 1207. Et fuit cõfirmatus ab Honorio 3. 1223. Et B. Franciscus obiit Assisi 1226. 4. Nonas Octobris, & fuit canonizatus per eundem Greg. 9. anno 1228. 17. Kalen. Augusti, ita notat Glosa. Io. Andreas, Ancharanus, & alij qui historias seculi contexuerunt.

Secundo ordo Prædicatorum aliis præstat ratione perfectionis, ille enim ordo qui essentialiter, & nominaliter ad illuminandum animas per officium prædicationis institutus est, aliis perfectior existit, quia prædicare, & docere sunt actus ex abundantia contemplationis procedentes, & maius bonum est contemplata aliis tradere, quam solum contemplari, sicut illuminare perfectius est quam lucere, quia nedum sibi sed aliis etiam prodest. Inter Ordines autem solus Prædicatorum ordo, vtpote religioni Christi magis conformis, essentialiter ac nominaliter ad prædicandum constitutus dignoscitur, vt dictum est cap. præcedenti. Alij vero Ordines ex se instituti sunt, vel ad operationes exteriores, vel ad solam contemplationem, & si sunt aliqui ad prædicandum destinati, non habent hoc officium ex se & essentialiter sibi annexum, & ex institutione, sed per auctoritatem sibi commissum, igitur Prædicatorum ordo aliis præstantior est. Quæ ratio desumpta est ex S. Tho. 2. 2. q. 188. artic. 6.

Tertio excellentior est præ ceteris Prædicatorum religio propter maiorem discretionem, B. enim Antonius præposuit discretionem quæ omnia moderatur, vigiliis, ieiuniis, nuditati, & aliis austeritatibus, moderatur namque illa

vt ad debitum finem deueniri possit. Atqui obseruatiã religionis Prædicatorum cum maiori discretione ad finem in ea intentum ordinatur, quod ex eo patere potest, quia ad continentiam seruandam, quæ est vnum substantialium votorum religionis, rationabilis, & efficacious ordinatur maceratio carnis, per abstinentiam cibi, & potus; quæ pertinet ad famem, & sitim, & per continentiam studij, vt sit in religione Prædicatorum, quam per subtractionem vestium quæ pertinet ad nuditatem, & frigus, & per opera corporalia, vt sit in alijs, igitur præstantior est.

Excedit quarto religio nostra alias religiones ratione paupertatis, cum sit cõformior paupertati Christi, & Apostolorũ, pro quo notandũ est ex d. Tho. 22. q. 188. ar. 7. triplicem esse gradum paupertatis. Nam quædam paupertas est quæ nihil in particulari possidet, in communi tamen habet abundantiam diuitiarum, & possessionum, qualis est illa ordinum ordinatorum ad opera corporalia vitæ actiue, scilicet ad militadũ, & hospitalitatem exercendam. Et hæc habet magnam sollicitudinem annexam circa temporalia, quæ à contemplatione, vt potè à fine paupertatis valde distrahit. Vnde Christus luce 18. dixit Martæ, Marta Marta sollicita es, & turbaris erga plurima. Quædã vero paupertas est quæ nihil possidet in particulari, possessiones tamen ac facultates habet in communi non abundantes sed moderatas, tum rerum mobilium, tum immobilium. Qui gradus paupertatis religionibus monachorũ, & alijs quæ ad solam contemplationi ordinantur conuenit. Habet tamen hæc paupertas aliquod viscositatis propter sollicitudinem temporalium, quæ contemplationi aduersatur. Perficitur autem huiusmodi paupertas magis, quanto minor erit temporalium sollicitudo, quod accidit cum possessiones, & alia bona moderata sunt, & non superflua, ita vt vnus vel paucorum cura sufficiat, & alij absquẽ sollicitudine manentes diuinarum contemplationi liberior vacare possunt. Est vero alia paupertas tertij gradus, quæ nec in particulari nec in communi possessiones habet, potest tamen aliqua bona ex elemosynis collecta, in communi, & non in particulari conseruare, tantũ quantum possunt sufficere ad victum, & vestitum, pro tempore non prolixo. Quæ paupertas cum curam siue sollicitudinem non exigit, & bona quæ vsu consumuntur, vt vinum, grauum, denarij, & huiusmodi ad sui amorem corda non rapiant, est maxime ab exterioribus expedita habens multum facilitatis & libertatis, vt animus in Deum, & proximum feratur. Talis autem est paupertas ordinis Prædicatorum, qui vt dictum est secundum illius institutionem, & Constitutiones ad contemplandum, & ad contemplata alijs tradendum per prædicationem ordinatus est. Talis etiam fuit paupertas Christi, & Apostolorum, qui pretia prædiorum conseruabant, & subinde distribuebatur vnicuique sicut cuiq; opus erat, vt dicitur Acto. 5. Et Christus paupertatis institutor suo exemplo hunc paupertatis gradũ docuit, qui necessaria vitæ, cõgruo tempore congregata conseruabat, habebat enim loculos Iudæ commissos in quibus recondebantur, quæ ei in dies offerebantur, vt dicitur Io. 12. & ex his sibi prouidebat, vnde Io. 4. dicitur, Apostolos in ciuitatẽ abijisse vt cibos emerent. Labentibus temporibus, cum refrignerit charitas, & mendicantes abundauerint, ex concessione Sedis Apostolicæ cepit religio no-

De ordinis Predicatorum nomine, &c.

ista habere in communi possessiones, & redditus, vt infra notabitur cap. de possessionibus, & redditibus non habendis, in tali tamen moderatione vt non sufficiant pro victu, & vestitu, sed oporteat etiam ad fratrum sustentationem necessariam mendicare, remanentibus etiam conuentibus aliquibus in quibus prædicta paupertas Apostolica conseruatur.

Præstat quinto ordo Prædicatorum alijs ordinibus ratione maioris arctitudinis, & asperitatis. Est enim arctior propter parcatem cibi, & longiora ieiunia, non enim comedimus carnes nisi ratione infirmitatis, & ieiunamus à festo S. Crucis mensis Septembris vsquæ ad Pascha Resurrectionis. Alij vero mendicantes carnes comedunt, & solum ieiunant à festo omnium Sanctorum vsquæ ad festum Natiuitatis Domini. Excedit etiam in arctitudine Monachos, & Canonicos regulares, quia cum careant possessionibus, coguntur multas pati necessitates, in victu, & vestitu, quas illi non patiuntur. Et ideo de iure cõmuni possunt monachi ad nostram religionem transire, & non è conuerso ob arctitudinem nostram. vt tradunt, Io. Andreas, & alij Canonistæ.

Summi Pontifices etiam religionem hanc excelsis laudibus ornauerunt, nam Clemens 4. à quodam milite interrogatus, vt sibi consuleret quem de duobus ordinibus prædictis scilicet & Minorum eligeret, respondisse fertur his verbis.

Sciscitaris, quem tibi ordinem, ex Predicatorum, & Minorum ordinibus prælegendum esse declarem, id conscientia tua relinquimus, magis enim tu scire potes viri vsq; obseruantias, quæ non sunt pares, sed in diuersis excedentes sunt, & exceduntur. Alterius quidem lectus est durior, vestitus grauior, & vt quidam dicunt paupertas profundior; Alterius tamen cibus est parcior, ieiunia longiora, & vt nonnulli auctori sanctior disciplina. Neutrum ergo alteri præferimus, sed in vna, & arctissima paupertate fundatos, ad vnum tendere finem credimus, salutem videlicet animarum. Et ideo siue hunc, siue illum elegeris, arctam vitam ingrederis, & per portam introibis angustam ad terram mellis suam; sic ergo vni istorum adbareas, vt amore ab altero non discedas. Frater enim Predicator reprobis est, qui Minores non diligit, & frater Minor est execrabilis qui Predicatores odit, & contemnit. (Ex decl. c. de professione.

Alex. 4. vt videre est in principio declarationum prologi, mira dicit de hoc ordine, maximè hæc.

Celestis agricola sacrum Predicatorum ordinem, quasi lignum fertile in Paradiso Ecclesia inseruit, vt delectaret amenitate, vberitate saciaret, & fructuum suauitate mulceret. Hoc lignum imbre superno irrigatum plurima poma profert, quorum odore, & sapore conualescunt debiles, languoribus decenti liberantur, carnis infirmitatibus pergrauati pabulum salutis inueniant, & internam recipiunt sospitatem, &c. Hac est illa plantatio, quæ ramos suos vndique expandens flores honoris, & honestatis fructus profert & virtutis, & odorem conuersationis longe lateque diffundit. Hic est ordo honestate floridus, præclarus scientia, virtute fecundus, conuersatione purus, à sede Apostolica merito approbatus. Huius ordinis fratres sacrarum literarum studio incumbunt, animarum profectibus diuinis officiis incessanter intendunt, predicationi ardentè insistant, & lumen doctrinæ vbiq; diffundunt. Hac & multa alia concinisc prædictus summus Pontifex.

Ex hoc autem ordine multi prodierunt heroes, Qui pro fide sanguinem

suū fuderunt, Qui mira sanctitate micuerunt, Qui libros in fidei defensione, & morum correctione ac sacrarum literarum interpretatione ediderunt, Qui vniuersalem Ecclesiam summa cum omnium lauda rexerunt, Patriarchatus, Archiepiscopatus, & Episcopatus moderati sunt, Qui lectionibus, & prædicationibus multos erudierunt, & in sancta Dei Ecclesia laboratores extiterunt, de quibus volumina ingentia librorum prodierunt.

De vnitatē cordium, & morum vniiformitate potissimum seruanda.

CAPVT III.

ANte omnia, fratres carissimi, diligatur Deus, deinde proximus, quia ista sunt præcepta nobis principaliter data. Hæc igitur sunt quæ vt obseruetis præcipimus in monasterio cōstituti. Primum propter quod in vnum estis congregati, vt vnanimes habitetis in domo, & sit vobis anima vna, & cor vnum in Deo. Lites, aut nullas habeatis, aut quàm celerrime finiat, ne ira crescat in odium, & trabem faciat de festuca, & animam faciat homicidam. Sic enim legitis, Qui odit fratrum suum homicida est. Quicumq; ergo conuitio, vel maledicto, vel etiam criminis obiectu, aliquem leserit, meminerit satisfactione quantocius curare quod fecit, & ille, qui læsus est sine disceptatione dimittere. Si autem inuicem se læserint, inuicem sibi relaxare debita debent, propter orationes vestras, quas vtique quanto crebriores haberis, tanto sanctiores habere debetis. Melior est autem, qui quamuis ira sæpe temptetur, tamen impetrare festinat, vt sibi dimittat, cui se fecisse agnoscit iniuriam, quam qui tardius irascitur, & ad petendam veniam tardius inclinatur. Qui autem nunquam vult petere veniam, aut non ex animo petit, sine causa est in monasterio, etiam si inde non projiciatur. Proinde vobis à verbis durioribus parcite, quæ si emissæ fuerint ex ore vestro, non pigeat ex ipso ore proferre medicamenta vnde facta sunt vulnera. *Ex regula.*

Quoniam ex præcepto regulæ iubemur habere cor vnum, & animam vnam in Domino, iustum est, vt qui sub vna regula, & vnius professionis voto viuimus, vniiformes in obseruantijs Canonice religionis inueniamur, quatenus vnitatem, quæ interior seruanda est in cordibus, foueat, & representet vniiformitas exterior seruata in moribus. Quod profecto eo competentius & perfectius poterit seruari, si ea, quæ agenda sunt, scripto fuerint commendata, si omnibus, qualiter sit viuendum scriptura teste innotescat.

Ex prologo Constitutionis.

Vnitas cordium, in his quæ Dei sunt secundum regulam nostram est in præcepto, sicut & cõmunitas rerum, & ideo tum circa vnitatem, tum circa cõmunitatem rerum magna est adhibenda diligentia. Dicimur autem sub vno professionis voto viuere, quia sub vnus generalis capituli, & vnus Magistri ordinis obedientia regimur. Sicut enim vnitas Ecclesiæ, ex vnitate capituli pendet, ita vnitas ordinis ex prædictorũ vnitate oritur, quibus obedire tenemur. Et sicut ex voto professionis, tenemur castè sine proprio, & sub obediẽtia capituli viuere, ita & in exterioribus obseruatijs, cærimonijs, ieiunijs, abstinentijs, & alijs statutis, ad ornatum, & decorem Canonice religionis, seu vitæ regularis vniformes esse debemus. Et ideo particulares consuetudines præter regulam, & Constitutiones sunt fugiendæ, & amputandæ.

In cap. de Certis detractionibus, & singularitatibus vitandis, hæc in proposito habentur.

Quicumque in nostro ordine inuenti fuerint singularem vitam, quocunq; modo vitiosam ducentes, & contra cõmunem modum viuendi diu ab ordine approbatũ, primo moneantur, & si admoniti, correcti non fuerint, separentur, & in diuersis conuentibus ponantur, Et si in eodem persistant, carcerali custodiæ mancipentur.

Ex decl. huius capituli habetur. Singularem, & vitiosam vitam ducunt, qui mercantias exercent, qui in arte alchimie student, & operantur, ad cartas & taxillos ludunt, sine socio per ciuitatem discurrunt, concubinas tenent, monasteria sine licentia intrant, habitum nostræ religionis non deferunt, vel occultant, venationibus, & alijs exercitijs religionis prohibitis frequentissime vacant. Et hi sunt qui carceri mancipandi sunt. Singulariter autem commendatur vniformitas, in missarum celebratione, Romæ 1569. & Venetijs 1592. Et in vestibus vt s. omnes sint de panno communi, Romæ 1580. Et ne angulis, vel plicis, & in debita magnitudine, Romæ 1601.

De constitutionum, & ordinationum nostrarum editiõne.

CAPVT IV.

VT multitudo Constitutionum euitetur, prohibemus ne de cætero aliquid statuatur, nisi per duo capitula generalia continua fuerit approbatum, & tunc in tertio capitulo immediatè sequenti poterit confirmari, vel deleri, siue per Prouinciales, siue per Diffinitores, vbicunq; illud capitulum celebretur. Inchoationes, quæ fiunt in capitulis generalibus, non mandentur executioni vsque quo approbatæ fuerint per alia duo capitula, & factæ sint Constitutiones, nisi fortè illa inchoatio per modum ordinationis fiat. Interpretationes regulæ, & Constitutionum factæ in capitulo generali,

non habeant vim Constitut. nisi per tria capitula generalia continua, in modum aliarum Constitutionum, per viam inchoationis, & confirmationis continuatè, fuerint approbatæ.

Ordinationes tam capitulorum generalium, quàm Magistri ordinis, quoad vim præcepti, & censurarum ecclesiasticarum, cum ipsis expirare volumus. Vita vero capituli, vsque ad sequens capitulum durare intelligitur. Quoad reliqua verò quomodolibet per capitulum generale, & Magistrum ordinis facta, durare volumus, donec per similem potestatem fuerint reuocata. Excepto si quem Vicariarum ordinis instituisset Magister ordinis. Hunc enim volumus cum ipso expirare.

Ab inferioribus autè capitulis, & Prælati, quomodolibet ordinata, cum ipsis (tanquam ab homine ordinata) expirare nolumus, exceptis Confessoribus tam monialium, quàm fratrum, Supprioribus, Vicariis monialium, & Magistris personarum vtriusque sexus tertij habitus, & officialibus Conuentuum absque iurisdictione. Hos enim volumus durare in sua potestate quam habent, donec reuocentur ab habente auctoritatem eos destituendi. Porro omnes Prælati à multitudine præceptorum abstineant, ne laqueum animabus subditorum iniiciant, neque propter defectum vnius, vel paucorum, quem vel quos non audent corrigere, communitatem inuoluant.

Ex prologo Constitutionis.

Nec Magister ordinis, nec aliquod capitulum, nec Prouincialis, possunt facere Constitutionem, sed hoc spectat ad tria capitula generalia continua, vel ad vnum capitulum generalissimum, quod æquipollet tribus capitulis generalibus continuis. Si tamen auctoritate apostolica aliquod in capitulo quocunque ordinetur, illud habebit vim, & robur perpetuæ ordinationis, ut patet in capitulo Romæ celebrato 1589. Possunt dicti Magister ordinis, & Prouinciales in omni capitulo facere ordinationes, quæ perpetuo durabunt, quousque reuocentur, & poterunt secundum ipsas fratres corrigere, & in ipsis dispensare ex rationabili causa. Ordinationes, & præcepta Magistri ordinis, & Prouincialium post eorum mortem, & amotionem in sua remanent roboris firmitate, quousque per eorum successores reuocentur. Et idem dicimus de gratiis per eosdem factis, exceptis dumtaxat exemptionibus quibuscunque, ex decl. prologi.

In cap. Romano 1589. declaratur censuras, & præcepta, tum capitulorum generalium, tum Magistri ordinis, cum ipsis omnino expirare, eorum tamen ordinationibus in suo robore manentibus, quousque reuocentur, quamuis contrarium haberi videatur in glosa Constitut. super prologo. Et verè glosa contrariatur textui in his, Dicit textus censuras, & præcepta à
Magistro

Magistro Ordinis, & capitulo generali facta, cessare cum illorum vita, vel amotione, glosa habet præcepta Magistri Ordinis etiam post mortem vel eius amotionem permanere, Imo id affirmat etiam de præceptis à Prouinciali factis. Textus dicit ab inferioribus capitulis, & Prælatiis. scilicet à capitulis Prouincialibus, & Prouincialibus ordinata expirare cum ipsis tanquam ab homine lata: Glosa testatur, ea remanere in robore quousque per successores reuocentur. An autem censuræ, vel præcepta per tria capitula generalia continua lata, & confirmata durent tanquam Constitutiones, aut desinant si in sequentibus capitulis non confirmantur iudices Superiores sint. Aduerti tamen in cap. Romano 1608. confirmatam fuisse excommunicationem latæ sententiæ promulgatam in capitulo Neap. 1600. contra extrahentes à communi Bibliotheca libros, quæ tamen antea etiam confirmata fuerat in cap. Romano 1601. & Valleoletano 1605.

Ex decl. autem eiusdem prologi habetur, quod si in aliquo dicto regulæ, vel Constitutionum aliquod dubium occurrerit, stabitur declarationi capituli generalis vel Magistri ordinis, dummodo illa declaratio non contineat manifestum errorem, quia in dubiis sequenda est maiorum sententia, & obedientia excusat. Et omnis illorum declaratio quamuis non habeat vim Constitut. quia non habet tria capitula generalia, tamen à subditis seruanda est, & ideo textui Constitutionum additæ sunt declarationes. Valleoleti 1605. declaratur ordinationes, & præcepta Visitatorum permanere in sua firmitate, durante auctoritate illorum à quibus missi sunt.

De legum nostrarum obligatione.

CAPVT V.

VT igitur vnitati, & paci totius ordinis prouideamus. Volumus, & declaramus, quod regula nostra & Constitut. nostræ non obligent nos ad culpam, sed ad pœnam, nisi propter præceptum, vel contemptum. Præceptum autem in regula nullum (nisi quod de natura sua est trium votorum, vel diuinæ aut ecclesiasticæ legis) contineri volumus, & declaramus. Et idem in Constitut. nisi ubi ponitur sententia excommunicationis, aut formaliter exprimitur per verbum (præcipimus in virtute S. obedientiæ) Et hoc idem in ordinationibus & prælatorum verbis & literis intelligi volumus Pœnam excommunicationis, siue excommunicationis latæ sententiæ per nulla verba tam in Constitut. quàm extra in nostro ordine intelligimus, nisi ubi explicitè & verbaliter pœna excommunicationis, vel excommunicationis latæ sententiæ exprimitur. Porro Prælati non faciant præcepta obligantia ad mortale peccatum in ira exteriori, maximè contra subditos

turbatos, & si fecerint irrita sint, & inania, facta tamen valent quo ad quascunque pœnas temporales. Præcepta quoque in scriptis facta censentur sine ira facta. Nec faciant præcepta quieto animo, nisi in scriptis, extra necessitatis articulum, præter commune præceptum, quod fit à Visitatoribus in visitationibus, facta tamen tenent.

Ex prologo.

Cum in statutis maximè sit attendenda intentio, & voluntas statuentis, & intentio, & voluntas eorum, qui nostras leges ediderunt fuerit, ut illæ non obligarent nos ad culpam, sed ad pœnam, sicut patet in secundo capitulo generalissimo celebrato Parisiis, in quo hæc Constitutio confirmata fuit. Idcirco transgressores illarum quando sunt pure Constitutiones, vel ordinationes .i. quando non habent præceptum annexum, vel alias lege diuina, aut humana prohibita, aut mandata non sunt, nõ obligant ad culpam aliquam, sed tantum ad pœnam taxatam in eis, vel taxandam per Prælatos, quam si facere recusauerint, non euadent culpam. Et quamuis pœna non debeat infligi nolenti sine culpa. ei tamen, qui voluntariè se obligauit ad aliquam pœnam, potest infligi pœna sine culpa. Tales autem sunt fratres nostri, qui voluntariè ex sua professione se obligant huic legi.

Huic proposito notanda est doctrina, S. Tho. 2. 2. q. 186. art. 9. ubi quaerit, an religiosus semper peccet transgrediendo ea quæ sunt in regula, Et respondendo affert distinctionem hanc. Contenta in regula duplicia sunt, quædam ut finis regulæ, puta quando pertinent ad actus virtutum. Et horum transgressio quantum ad ea, quæ communiter cadunt sub præcepto, obligant ad mortale, quantum vero ad ea, quæ excedunt communiter necessitatem præcepti, non obligant ad mortale, nisi propter contemptum, quia contemptus contrariatur tendentiæ ad perfectionem, quam tendentiam debet habere religiosus. Alio modo continentur aliqua in regula, ut pertinentia ad exteriores obseruantias. Inter quas sunt quædam quæ cadunt sub voto suæ professionis, prout sunt paupertas, castitas, & obedientia, & pariter horum trium transgressio obligat ad mortale. Quædam vero sunt, quæ ordinantur ad hæc, & horum transgressio non obligat ad mortale, nisi propter contemptum, ut supra, aut propter præceptum, siue contentum in regula, siue ore tenus à Prælato factum, quia hoc esset facere contra votum obedientiæ.

Et in responsione ad primum dicit, si aliqua religio est, quæ voueat seruare regulam intelligendum est, quod voueat seruare vitam regularem, quæ essentialiter consistit in illis tribus votis. Et ideo in aliis religionibus cautius religiosi profitentur, nam vouent non seruare regulam, sed viuere secundum regulam, i. tendere ad hoc, ut mores suos informent secundum regulam tanquam secundum quoddam exemplar. & hoc tollitur per contemptum. In quibusdam aliis adhuc cautius fit votum professionis, quia promittunt obedientiam secundum regulam, cui professioni contrariatur transgressio contra præcepta regulæ, aliæ vero transgressiones obligant tan-

tum ad veniale, quod est dispositio ad mortale. In alia vero religione, sordinis Prædicatorum adhuc cautius emittitur professio, quia licet promittant religiosi obedientiam secundum regulam, tamen transgressio, & omissio illorum ex suo genere non obligat ad culpam, siue venialem, siue mortalem, sed solum ad pœnam, quia secundum hunc modum se obligant ad illa seruanda. Qui tamen possunt venialiter, vel mortaliter peccare ex negligentia, vel libidine, vel contemptu.

Quid vero sit contemptus, & quid sit præceptum obligans ad mortale, dicitur infra parte secunda.

Ex decl. cap. de leui culpa. Non officit proposito, quod transgressiones religiosorum infra vocentur leuis, aut grauis, aut grauior, aut grauissima culpa, cum tamen tales transgressiones solum pœnam inferant. Ratio est, quia illa capita edita fuerunt in principio ordinis, & eo tempore transgressiones in dictis capitibus contentæ obligabant ad culpam, aut mortalem, aut certè venialem. Postea vero in cap. Parisius confirmata fuit hæc Constitutio, vt mandata nostra non obligarent ad culpam, Et ex tunc transgressio culpam non inducit, nisi antecedenter, aut consecutiue. Antecedenter quidem si transgressio fuit ex negligentia, quia tunc incurrit culpam venialem, quam non incurrit si ex fragilitate, aut inaduertentia, aut ex obliuione id fiat: Et si fuit transgressio ex leui negligentia erit leuis culpa, si ex graui negligentia erit grauis culpa, si autem fiat ex malitia grauior erit culpa. Et ob hoc etiam capitulum quotidianū dicitur capitulum de culpis, & debent fratres se accusare de culpis, quia transgressiones huiusmodi dicuntur culpæ antecedenter. Consecutiue etiam culpæ vocantur, quia pœnam incurrunt, quæ non nisi pro culpis imponi solet, vel quia transgressor si pœnam non subit taxatam, vel taxandam, culpam non euadit, formaliter tamen siue essentialiter huiusmodi transgressiones culpæ non vocantur. Et quamuis etiam de delinquente in his quæ in capitulo grauioris culpæ continentur dicatur. Vt qui membrum diaboli culpam perpetiando non erubuit fieri &c. tamen Constitutio respondet per hæc verba.

Statuimus, quod tam in Constitutionibus, quàm extra, quicquid non secundum se mortale mandatur sub quacunque pœna (nisi excommunicationis) ad solam pœnam obligat, non obstante, quod in cap. grauioris culpæ dicatur. Vt qui membrum diaboli, &c.

Ex decl. cap. de graui culpa. Quamuis in dictis capitulis de culpis continentur multa, quæ de se mortalia sunt, vt dicere opprobrium fratri, frangere ieiunia ecclesiæ &c. non tamen ideo culpa sunt, quia in Constitutionibus prohibentur, sed quia de se mala sunt. Et transgressor talium duplicem pœnam incurrit, alteram sacramentalem, quæ deleri non potest, nisi per sacramentum pœnitentiæ si sit mortalis, alteram ratione Constitutionis, quam peragere tenetur, quod si contemnit, nouam incurrit inobedientiam.

CAPVT VI.

STatuimus, quod tam in Cōstitutionibus, quàm extra quicquid non secundum se mortale mandatur sub quacunque pœna (nisi sit pœna excommunicationis) ad solam pœnam obligat. Nulla quoque potestate in ordine nostro in communi, vel particulari, aliquid ordinetur, vel prohibeatur, cum hac pœna, quod non possit absolui à peccatis, quamuis tamen Priores possunt sibi aliquos reseruare casus prout viderint expedire.

Pœnis absolutionis ab officio, priuationis vocis actiuar, & passiuar, grauioris culpæ, & aliis maioribus, quantumcunque tam in Constitutionibus, quam extra ipso facto sint incurrendæ (nisi sit pœna excommunicationis) nullus sit subiectus, nisi superueniat declaratio Prælati in particulari respectu huius quantumcunque etiam notorium facti, vel iuris interueniat.

Prælati non damnent aliquem ad pœnas grauioris culpæ, vel carceris, nisi in iudicio confessum, aut conuictum, & in scriptis. Et si secus factum fuerit, totum sit irritum, & inane. *Ex Prologo.*

Primæ particulæ huius Constitutionis ob stare videtur, quod habetur in declarationibus cap. de Nouitiis, vbi traditur, quod religionis peccat mortaliter contra votum obedientiæ, quando ei aliquid à Prælato mandatur sub pœna carceris, aut grauioris culpæ, quod eodem loco etiam repetitur. Et multi doctores tradunt, quod quando aliqui mandato apponitur gravis pœna, puta mortis, aut mutilationis membrorum, siue amissionis omnium, aut maioris partis bonorū suorum, aut etiam infamiæ, tenetur tunc obedire sub pœna peccati mortalis. At vt dictum fuit in his artēdenda est intentio, & voluntas condentis legem, qui potest cū talibus pœnis intendere non obligare ad peccatum. Et cum nostra Constitutio expressè intendat non obligare ad mortale per quamcunque pœnam appositam legi, nisi sit pœna excommunicationis, non video quomodo in tali casu timendum sit de peccato mortali: Imo crederē, quod si aliquid præciperetur sub pœna suspensionis interdicti, ac etiam irregularitatis non ob hoc transgrediens mortaliter peccaret, tum quia sola excommunicationis pœna excipitur: tum etiam, quia de suspensione dicit textus nullum ei obnoxium esse per quamcunque transgressionem, nisi declaretur in particulari. Interdictum autem & irregularitas aliquando sine culpa imponuntur.

Exigitur autē in pœnis prædictis declaratio Prælati in particulari, nisi delinquens seipsum delectet, quod & facere debet humiliter cognoscens defectum suum si factū est publicū, vel notorium. Si. n. seipsum declarat nō opus erit alia Prælati declaratione. Nullus tamen Præsidens potest declarare se

ab officio absolutum, propter quamcunque transgressionem admissam.

Romæ 1589. Nullus debet excludi a quacunque electione prætextu alicuius delicti, nisi sententialiter sit condemnatus, & per sententiam voce priuatus, quamuis ad electionem non debeat admitti ille, de quo manifestum est, eum incidisse in excommunicationem, vel commississe delictum per quod reuera in excommunicationem inciderit. Valentia 1596. Declaratur pœnas omnes priuationis in nostris Constitutionibus contentas, quando adest clausula (ipso facto) sola facti declaratione incurri, ita vt non possit iudex ipsas minuire in sententia ferenda.

De promulgatione Constitutionum nostrarum.

CAPVT VII.

Constitutiones nostræ, competentius, & perfectius seruari poterunt, si scripto fuerint commendatæ, si omnibus qualiter sit viuendum scriptura teste innotescat. *Ex prologo.*

Vt autem vos. in hoc libello tanquam in speculo possitis inspicere, ne per obliuionem aliquid negligatur, semel in septimana vobis legatur. Et vbi vos inueneritis ea quæ scripta sunt, facientes, agite gratias Domino bonorum omnium largitori. Vbi autem sibi quicunque vestrum viderit aliquid deesse, doleat de præterito, caueat de futuro, orans, vt sibi debitum dimittatur, & in tentationem non inducatur. *Ex regula.*

D. Th. p. 2. q. 90. art. 4. tradit promulgationem cuiuscunque legis necessariam esse, nam cum lex sit quædam mensura, siue regula, & hæc applicari debeat regulandis, & mensurandis, ita oportet legem hominibus applicari, & hoc fit cum per publicationem in notitiam hominum deducitur. Hæc autem notitia deducitur in publicum per scripturam, & per lectionem, vtrunque autem supra tangitur, nam Constitutio dicit, vt obseruanda in scriptis redigantur, & S. Augustinus præcipit, vt regula sua qualibet septimana legatur.

Ex decl. cap. de solemnī celebratione capituli. In quolibet Conuentu sit vnus quaternus, in quo singulis annis ordinationes, & acta capituli generalis, & prouincialis scribantur, & quater in anno legantur, & non deleantur nisi reuocentur. Et mandatur Diffinitoribus capituli generalis, & socijs Priorum, vt acta capitulorum integra ad suas prouincias siue Conuentus deferant, & eas Priores scribi, & legere faciant, vt supra, & etiam omnem adhibeant diligentiam vt à fratribus seruentur.

In cap. etiam Bonon. 1564. statuitur, vt in omnibus Conuentibus, bis aut ter in anno legantur Constitutiones in mensa, & Batch. 1574. dicitur, quod hæc lectio Constitutionum inferatur lectioni mensæ, ita vt quolibet die legatur lectio vnus capituli Constit. cum declarationibus, & actis, siue ordinationibus subsequentiū capitulorum. Et hoc etiam fuit confirmatū Romæ 1580. Et Romæ 1589. admonentur Prælati, vt singulis diebus in re-

fectorio particula aliqua Constitutionum legatur clarè, & distinctè. Et in fine omnium capitulorum generalium mandatur, vt eorum acta publicentur coram toto Conuentu quater in anno, & conseruentur, cum alijs, & earum copia apud Priores seruetur, & altera apud Magistros nouitiorum: Ita dicitur in particulari Romæ 1601. Et Romæ 1608. additur, vt tertia copia in communi deposito seruetur.

Et in decl. prologi in fine dicitur, Imponimus omnibus Prioribus Conuentualibus, & eorum locum tenentibus, sub pœna absolutionis ab officijs suis, quatenus declarationes, & ordinationes capitulorū generalium, semel in mense legi faciant fratribus simul congregatis, in capitulo, vel in mensa. Si quis autem fratrum tunc absens fuerit, teneatur sub pœna priuationis vocis cum redierit, illas legere intelligibiliter, & complete.

Et in decl. cap. de solempni celebratione capituli dicitur. Ex quibus omnibus patet (enumerauerat enim ante multa capitula generalia, in quibus statutum fuerat, vt acta capitulorum tum generalium tum prouincialium conscriberentur, & quotannis pluries publicarentur) reuocatio cuiuscunque ordinationis statuentis, quod præcepta, & ordinationes capitulorum generalium, & prouincialium, non obligant, nisi vsque ad receptionem actorum capitulorum sequentium, cuius oppositum exprimitur in capitulis nunc expressis, frustra enim conseruarentur, & legerentur, si non tenerent. Cum enim tales ordinationes factæ sint pro bono communi totius ordinis, & fratrum, auctoritate Constitutionum, ideo semper durant quousque reuocentur. Et quantum ad acta capitulorum generalium nulla ambiguitas est, quia in prologo apertè dicitur, ordinationes capitulorum generalium, & Magistri ord. durare quousque reuocentur. De ordinationibus autem Prouincialium, vel capitulorum eorum est difficultas, quia textus prologi dicit ab inferioribus Prælati, & capitulis ordinata cum ipsis expirant, nisi dicatur, quod per tria capitula generalia continua potuit in hoc mutari Constitutio hæc.

De dispensationibus.

CAPVT VIII.

AD hæc tamen in suo Conuentu Prælati dispensandi cum fratribus habeat potestatem, cum sibi aliquando videbitur expedire, in his præcipuè, quæ studium, vel prædicationem, vel animarum fructum videbuntur impedire, cum ordo noster specialiter, ob prædicationem & animarum salutem ab initio noscatur institutus fuisse. Et studium nostrum ad hoc principaliter intendere debet, vt proximorum animabus possimus vtilis esse. Priores etiam vtantur dispensationibus, sicut & cæteri fratres.

Ex prologo.

Quia abusus dispensationū multa mala parit, oportet prius scire, quid sit dispensatio, & quæ sint ea, quæ ipsam rectificant. D. Tho. p. 2. q. 97. art. 4. illam definiens dicit. Dispensatio importat quandam mensurationem alicuius communis ad singula. Vnde gubernator familiæ dicitur dispensator in quantum unicuique de familia cum mensura distribuit operationes, & necessaria vitæ. Et ob hoc etiam dicitur dispensator legis, qui ordinat qualiter aliquod præceptum commune à singulis sit adimplendum. Ex quibus verbis colligi potest talis definitio. *s. Dispensatio est quædā ordinatio Superioris, vt talis subditus in tali casu pro tali causa non teneatur seruare tale præceptum.*

Quantum autem spectat ad dispensationis causam. nota, quæ eodem in loco subinfert S. Doctor inquiens. Contingit autem quandoque quod aliquod præceptum legis, quod est ad commodum multitudinis vt in pluribus, non est commodum huic personæ in hoc casu, quia vel impediret aliquod melius, vel etiam induceretur aliquod malum. Affert exemplum idem sanct. q. 96. ar. 6. Sicut si in ciuitate oblessa fieret lex ad vtilitatem communem, vt portæ ciuitatis clausæ manerent, & casus contingeret, quod quidam ciues ab hostibus fugarentur, qui in ciuitate possent asserre vtilitatem, tunc si princeps ordinaret, vt istis portæ aperirentur, diceretur dispensare in illo præcepto cum talibus, in tali casu.

Qui vero debeant esse dispensatores, declarat cum subdit. Periculosum autem est si hæc auctoritas dispensandi relinquatur iudicio cuiuslibet, sed recurrendum est ad eum, qui potestatem habet in lege, vt Superiores regentes aliquam multitudinem, Si vero sit subitum periculum non patiens tantā moram, vt ad Superiorem recurri possit, ipsa necessitas habet dispensationem annexam, quia necessitas non subditur legi.

Quando autem errent dispensatores, subinfert dicens. Si autem absque ratione pro sola voluntate licentiam dispensando tribuat, non erit fidelis in dispensatione, aut erit imprudens: Infidelis quidem, si non habet intentionem ad bonum commune, imprudens autem si rationem dispensandi ignoret, propter quod Dominus dicit Lucæ 12. Quis putas est fidelis dispensator, & prudens, quem constituit Dominus super familiam suam.

Et in eadem quæst. in responsione ad 3. colligitur, quod in lege diuina solus Deus vel cui ille commiserit potestatem habet dispensandi. In lege autem humana publica qualis est lex ecclesiastica, non potest dispensare, nisi ille, qui ab ea lege auctoritatem habet, Et ob id Prælati religionum non habent facultatem dispensandi in lege diuina, & ecclesiastica, neque in votis essentialibus religionum, sed tantum in alijs obseruantijs regularibus. Et ex his redduntur claræ declarationes Constitutionum, ex quibus hæc colligenda sunt.

Cum dicitur Prælatus habere facultatem dispensandi, intelligitur hoc de eo qui vere Prælatus est. Et in proposito vocatur Prælatus ille solus qui habet curam animarum vt Prior Canonicè electus, & cōfirmatus per superiores; Supprior vero, & Vicarius cum non habeant curā animarū nisi ex cōmissione Prioris, vel alterius superioris, non potest dici Prælatus, & consequenter dispensare non potest præsentē Priore, nisi ex eius commissione, excepto

si Prior mortuus, vel amotus fuisset, quia tunc quasi ordinarius, vices eius in omnibus gerit. Prelatus autem in solo suo conuentu potest dispensare, nō autem in alieno, cum fratribus tamen nedum suis, sed etiam alienis ad eius conuentum declinantibus. Fratres autem subditi non possunt propria auctoritate seipsum dispensare in his quæ ad Constitutiones pertinent, sed debent à suis Prelatis sub quorum iurisdictione, & foro sunt, dispensationem petere, nam semper adest in conuentu Prelatus, vel eius vices gerens, qui possunt dispensare quando iudicauerint expedire.

Causa autem propter quam dispensatio fieri debet est salus animarum, ad quam tanquam ad finem ordo noster institutus est, ad differentiam eorum ordinum qui solum ad salutem ingredientium ordinantur. Ideo statuta religionis non debent ita rigidè observari, quod impendant finem principalem, & ordinata ad aliquem finem debent commensurari illi fini, & non impedire. Et ideo dicitur Prelatum posse dispensare quando sine ea studium, vel prædicatio, vel salus animæ impeditur. Dispensationes tamen fieri non debent in ieiunijs, abstinentijsque cum toto conuentu, nisi ex magna causa, neque etiam semper, sed aliquando, secundum quod Prelatus propter aliquam vtilitatem, aut necessitatem, siue honestam, & rationabilem causam, iudicauerit expedire. Hæc ex decl. prologi.

In decl. cap. de Nouitijs adhuc melius ista causa declaratur: Ibi enim dicitur quod causa rationabilis ad dispensandum duplex est. scilicet vtilitas, & necessitas, & vtrique duplex est, communis, & priuata. Vt in paupertate potest Prelatus dispensare concedendo vsum aliquarum rerum incertum his quatuor modis, Propter vtilitatem communem, vt quando alicui particulari conceditur vsum libri, vt prædicet, legat, consulat, &c. Propter vtilitatem priuatam, quando conceditur ad studendum. Propter necessitatem communem, quando sindaco, vel procuratori conceditur administratio bonorum Conuentus. Propter priuatam necessitatem quando vestis, vel quid aliud vni propter suam necessitatem conceditur. Et quamuis huiusmodi necessitas, & vtilitas sint sufficiens causa dispensandi, cauendum tamen est, ne in huiusmodi faciliter dispensetur, tum propter sequelam mali exempli, tum propter speciem mali. Neque hi quibus dispensatio non conceditur conqueri debent de Prelatis, quasi quod sit acceptator personarum, quia ex S. Thoma loco citato habetur, cum conditio alicuius personæ in aliquo casu exigit, quod sibi aliquid, & non alteri concedatur, non est acceptio personæ. Vnde, & in regula dicitur.

Et distribuatur vnicuique vestrum à Præposito vestro victus, & tegumentum, non æqualiter omnibus, quia non æqualiter valetis omnes, sed vnicuique prout cuique opus fuerit: sic enim legitis in actibus Apostolorum, quia erant illis omnia communia, & distribuabatur vnicuique, prout cuique opus erat.

Tanta autem est potestas Prælatorum in dispensationibus, quod vt dicit Magister P. Vmbertus, Prelatus ex causa honesta, & rationabili potest compellere fratrem subditum & extraneum in suo Conuentu, ad recipiendam

dam dispensationem inieiunijs & comedendis carnibus, & vtendis lineis, & alijs similibus, vt puta in casu in quo non vti illa dispensatione esset peccatum, & per consequens contra ordinem, aliter non potest compellere. Vnde S. Bernardus in lib. de dispensatione dicit. Votum meum non augeat Prælatus sine mea voluntate, nec minuat sine certa necessitate, alioquin remissio voti sine necessitate, non dispensatio est, sed dissipatio. Quando tamen Prælatus præcipit fratri, vt dispensationem accipiat, non debet de facili iudicare, quod Prælatus non habeat causam rationabilem, quia forte id facit causa humiliandi eum, vel alia de causa, quam ipse nescit, vt puta quia probabiliter de eius debilitate dubitat, quamuis subdito videatur quod sit fortis. Et in hoc debet iudicium suum iudicio supponere Prælati, & ei obedire, quia sæpe euenit, vt alij magis perpendant debilitatem alterius ex aspectu, quam ipsemet qui patitur, siue ex inesperienza, siue ex feruore. Et in dubio tenetur subditus obedire, quia obedientia excusat in dubijs. Ex decl. prologi.

In quibus autem religiosus Prælato præcipienti obedire non tenetur, dicitur infra 2. parte, & de dispensatione, lege quæ dicuntur capitibus de ieiunio, de cibo, de infirmis, &c.

De his qua salutem animarum impediunt in religiosis.

CAPVT IX.

Occasione eorum quæ in præcedenti capitulo dicta sunt propter illa verba Constitutionis.

In his præcipuè, quæ studium, vel prædicationem, vel animarum fructum videbantur impedire, quia ordo noster specialiter ob prædicationem, & animarum salutem, ab initio noscatur institutus fuisse, & studium nostrum ad hoc debeat principaliter attendere, vt proximorum animabus possimus viles esse.

In decl. notantur duo, primū quod spectat ad nobilitatem religionis nostræ, quæ cum pro fine habeat salutem animarum per doctrinam, & prædicationem acquirendam, & ad hunc finem essentialiter, & nominaliter ordinata sit, erit etiam alijs religionibus excellentior. Et ex S. Tho. 2. 2. q. 188. præstantia religionum ex fine ad quem ordinantur sumenda est. Sunt autem omnes ordinatæ ad charitatem Dei, in qua consistit perfectio vitæ Christianæ. In dilectione autem Dei, continetur etiam dilectio proximi. Aliquæ ergo religiones dant operam vitæ actiuæ pro salute corporali proximorum, quales sunt religiones militum ad arcendos hostes maximè fidei, infirmis seruientes, captiuos redimentes, &c. Et his nobiliores sunt illæ, quæ salutem animarum intendunt, inter quas aliquæ soli saluti animæ propriè incumbunt per opera vitæ contemplatiuè pure: aliæ vero, & propriæ, & aliorum salutem spirituali attendunt, quæ non solum contemplantur, sed etiam con-

templata alijs tradunt. Et talis est nostra religio ex sui met institutione.

Aliud est, quod cauenda sunt quædam impedimenta, quæ possent se obijcere ne ex prædicationibus, & confessionibus nostris, proveniret fructus animarum, & hæc tria sunt. Primum est, quæstus immoderatus, mundus enim avarus, & fugit quæstores importunos, & immoderatos. Secundum est officia odiosa pertractare, ut sunt Inquisitiones, Visitationes, Correctiones violentæ, Executiones testamentorum, seu arbitrarium sententiarum, & aliarum causarum similes odiosæ, ex quibus frequenter conturbatur devotio hominum erga fratres, & ordinem. Tertium est nimia austeritas in consilijs, & opinionibus, terrentur enim homines ex his, ut quandoque propriam salutem negligant. Quapropter parcendum est, ab his omnibus, & benignè quantum fieri possit homines tractandi sunt. Unde multa talia officia in diuersis capitulis generalibus prohibita sunt. scilicet. commissiones causarum, arbitria siuè iudicia, pignora siuè obsides, dispensationes alienarum pecuniarum, executiones testamentorum, tractatus, siuè consilia matrimoniorum, & tandem ardua negocia secularium, & causarum odiosarum. Et unusquisque laborare debet ut nostra conuersatio sit bona, & sancta, & fama ordinis, & fratrum integra seruetur, & in his quæ reprehensibilia non sunt, nos amicabiles omnibus exhibeamus. In decl. cap. de Itinerantibus idem repetitur, & additur quod tales causas odiosas non debent suscipi sine auctoritate, vel licentia ordinis, aut Superioris. Et de iure communi hoc prohibetur omnibus religiosis, ut habetur 16. q. 1. cap. Monachi, & cap. De præsentium, ubi dicit Glossa, quod religiosus non potest esse iudex, vel arbiter, vel aduocatus, sine licentia Superioris, & idem tradit S. Thom. quolibet 3. art. 15. ubi definit religiosum auctoritate Superiorum posse alienas pecunias in eleemosynas erogare. Et Bonifacius 8. in quodam suo privilegio concedit Magistro ordinis, Prouincialibus, ac alijs fratribus, de dictorum Prælatorum licentia, posse si requisiti fuerint esse executores testamentorum, & ultimarum voluntatum.

Romæ 1601. inhibetur omnibus, ne possint secularium negocia litigiosa apud quæcunque tribunalia procurare, neque immergere se negocijs secularibus, mercimonijs, & alijs huiusmodi, quæ vitio proprietatis proxima sunt, Confirmatur Vallesoleti 1605. Et in decl. prologi subinfertur, quod nullus audeat per iurisdictionem Episcopalem aliquem coercere. Et in decl. cap. de Nouitijs etiam mandatur, ut executores testamentorum, siuè dispensatores pecuniarum alienarum, teneantur suis superioribus rationem reddere. Et contrascentes in his debent grauiter puniri.

De constitutionum mutatione.

CAPVT X.

Perfectius poterunt ea quæ nobis traduntur seruari, si mutare vel addere vel minuere nulli quicquam propria voluntate liceat.

Ex prologo.

Porro. Magister ordinis aut Priores Prouinciales non mutant acta capituli prouincialis, aut generalis, nisi forte in speciali ex causa necessaria, & utili. Item generale statutum ordinis, vel consuetudinem diu obtentam, & communiter approbatam in ordine, nec Magister ordinis, nec Prouinciales aliquatenus audeant immutare, nisi per tria capitula fuerit approbatum. *Ex capite de solemni celeb. capituli.*

D. Thom. p. 2. q. 97. art. 1. & 2. tradit, quod cum lex humana sit quoddam dictamen rationis, quo actus humani reguntur, ex duplici capite potest eius mutatio considerari. scilicet ex parte dictaminis rationis regentis, & ex parte actuum humanorum qui reguntur. Ex parte dictaminis rationis, quia sicut in scibilibus ratio procedit de imperfecto ad perfectum, unde primi Philosophi tradiderunt cognitionem imperfectam rerum, quam posteriores perfecerunt, ita in operabilibus, nam primi attendentes bonum commune tradiderunt quedam imperfecta obseruanda in multis deficientia, & posteriores mutauerunt instituentes alia quæ in paucioribus deficiebant. Ex parte etiam actuum humanorum accidit mutatio, quia mutantur hominum conditiones, quibus secundum diuersas conditiones diuersa expediunt. Vt aliquando bonum fuit Rempubicam regi per magistratum electum à populo, sed eo euadente fastidioso, bonum est ab eo tollere facultatem hanc, & restringere illam in optimatibus, & ita accidere potest de aliis legibus.

Faciliter tamen lex mutari non debet, quia præcepta roborantur per consuetudinem & diminuuntur per reuocationem, vel mutationem. Et ideo nunquam lex humana mutari debet, nisi ex alia parte tantum pro utilitate communi recompensetur, quantum ex ista parte derogatur, quod contingit, quando vel euidentis utilitas, aut necessitas apparet, aut quia prior lex manifestam iniquitatem continet, vel eius obseruantia nocumentum affert. Hæc D. Thomas.

In decl. autem cap. De solemni celebratione capituli dicitur. Quamuis Magister ordinis non debeat ordinationes, & acta capituli generalis mutare, potest tamen ex causa necessaria, & utili, in speciali illa limitare, & etiam tollere. Et similiter quamuis non possit statutum generale ordinis, & consuetudinem diu obtentam, & communiter in ordine approbatam tollere, potest tamen ex causa rationabili, necessaria, vel utili dispensare.

Apertum autem est in Constitutionibus, quod vnum capitulum generale potest delere, & reuocare ea quæ à priori capitulo sancita sunt. Vnde in prologo hæc habentur.

Prohibemus ne de cætero aliquod statuatur (*ut Constitutio*) nisi per duo capitula generalia fuerit approbatum, & tunc in tertio capitulo immediate sequenti poterit confirmari vel deleri, &c. Item quomodolibet ordinata per Magistrum ordinis, vel capitulum generale, durare volumus, donec per similem potestatem fuerint reuocata.

Specialiter vero Magister ordinis summam potestatem habet in mutandis, & interpretandis Constitutionibus. Vnde Iulius 2. priuilegio suo 2. concedit ut infra.

Dilecto filio F. Thoma de Vio Caicrano Magistro ordinis, &c. ordinationes factas à quondam dicti ordinis generali Magistro F. Vincentio Bandello quous Apostolico præcepto firmatas, sicut & aliorum prædecessorum tuorum mutare, ac reuocare possis Apostolica auctoritate ex speciali gratia concedimus.

Idem Iulius in priuilegio 3. eidem indulget ut infra.

Quod si in Constitutionibus ordinis prædicatorum, aut circa priuilegia gratias exemptionisque à sancta Sede illi concessas, aut concedendas, quas harum tenore auctoritate Apostolica confirmamus, aliqua ambiguitas emerferit, ut illas (quo ad serenitatem conscientiarum, qua tibi subdita sunt dumtaxat) possis auctoritate Apostolica declarare, indulgemus.

Rodericus inter oracula viuæ vocis Leonis 10. refert eundem concessisse fratribus ordinis Minorum, ut in rebus dubijs, & scrupulosis subditorum fratrum cōscientias tangentibus Generalis, Prouinciales, & Custodes cum consilio aliquorum fratrum si dubium fuerit de re graui, possint auctoritate Apostolica determinare, & eorum determinationi stare debeant tuta conscientia fratres.

Et in capitulis generalibus solent Diffinitores totam suam auctoritatem conferre Magistro ordinis super actis capituli, his verbis. Damus Reuerendiss. P. Magistro ordinis omnem nostram auctoritatem circa prædicta omnia, ut ea declarare possit, quæ declaratione indigent, & eisdem addere, & detrahete, omnia denique, & singula facere, quæ nos agere possemus, secundum quod eius prudentiæ visum fuerit.

• • De domibus construendis, & concedendis.

C A P V T X I.

NVlla domus concedatur nisi à Prouinciali, & à Diffinitoribus capituli prouincialis, nec concessa ponatur, nisi ubi prædicti viderint expedire. *Ex cap. prædicto.*

Religiosi mendicantes de iure communi non possunt de nouo domos, siue loca ad habitandum recipere, nec recepta mutare, aut alienare, aut illa dimittere, sine speciali licentia Sedis Apostolicæ, plenè, & expressè mentionem faciente de huiusmodi prohibitione, alias sunt excommunicati, ut habetur de excessibus Prælatorum, cap. vnico lib. 6. Et in Clem. Cupientes, de pœnis. Ex priuilegijs tamen id possumus.

Iulius 2. hoc concedit ordini Minimorum per hæc verba, vt habetur in nostris fol. 225.

Nos Francisco de Paula, & alijs fratribus ordinis Minimorum, omnia, & singula oratoria, Ecclesias, domos, & loca eisdem concessa, & in posterum concedenda recipere, & recepta pro eorum usu, & habitatione construere, & ædificare concedimus, seu construere, & ædificari facere, absque alia desuper facienda concessione Sedis Apostolica.

At Conc. Trid. sess. 25. de reg. cap. 3. aliter definiuit his verbis.

Nec de cætero similia loca (scilicet monasteria, & domus virorum, ac mulierum) erigantur, sine Episcopi in cuius diœcesi erigenda sunt, licentia prius obtenta.

Clemens 8. decretum edidit super forma ab Episcopis obseruanda in concessione licentiarum huiusmodi, quod refertur à Quaranta verbo, Monasterium, tenoris qui sequitur.

Mori proprio, & ex certa scientia &c. harum serie declaramus, Ordinarios non posse concedere licentias ad novos Conuentus &c. etiam mendicantium erigendos imitari in locis sibi subiectis, nisi vocatis, & auditis aliorum in eisdem locis Conuentuum existentium procuratoribus, & alijs interesse habentibus, & causa cognita consideris Conuentus erigendos sine aliorum detrimento sustentari posse commodè. Si vero ab eorum sententijs ad nos appellari contigerit, eosdem Ordinarios erectionem suspendere debere declaramus, quousque à nobis vel sede Apostolica pronuntiatum fuerit. Irritum, & inane decernentes &c. Non obstantibus &c.

Ex decl. cap. prædicti. Nullus frater cuiuscunque status conditionis sue existat, sine licentia generalis capituli aut Magistri ordinis potest vllò modo loca pro ædificandis Conuentibus recipere, quod si secus factum fuerit, receptio nulla sit, & receptores sint omni voce priuati, nec possint restitui nisi per Magistrum ordinis. Et caueant Prouinciales, ne aliqua domus recipiatur cum grauibz conditionibus, nec ponatur in locis ita alijs vicinis, quod oporteat fratres occupare terminos aliorum Conuentuum. Et in petitione quam capitulo generali, exponunt, debent nominare ciuitates & oppida in quibus petunt, & causas quæ eos mouent ad petendum. Et tandem nisi prius constiterit quod sit locus idoneus pro conuentu ædificando.

Attendendum est etiam priuilegium Bonifacij 9. quod est eius 4. in quo concedit quod non possunt Conuentus ædificari propè nostros infra spacium exprimendum. Et quia hoc idem fuit etiam alijs ordinibus communicatum, ideo nec nos nostros prope suos ædificare valemus. Et est tale.

Quod nulli de ordine mendicantium iuxta Ecclesias, vel oratoria fratrum Prædicatorum vbi libet constituta, Ecclesias vel oratoria alia infra centum & quadraginta canarum spacium ædificare, seu construere, aut construere facere, seu constructa recipere possint aut debeant, auctoritate Apostolica districte inhibemus.

Clemens 4. vt habetur in libro priuilegiorum fol. 249. prædictum spacium ampliat ad trecentum cannas per aërem mensurandas, vbi alias loci dispositio mensurari non permittat, atque id prohibet cui libet ordini fundato in paupertate, & declarat eos ordines dici in paupertate fundatos, qui extra septa monasterij possessiones non habent, vel si alicubi habent, & in aliquibus membris, non tamen in alijs, & per cannam dicit intelligere longitudinem octo palmorum.

Et Valleoleti 1605. ordinatur vt nulla domus siue Conuentus tam fratrum quam monialium deinceps construatur, etiam ad petitionem cuiuscunque Principis, in quibus nouæ cœremoniæ, leges, pœnæ, pœnitentiæ, modus viuendi, vel vestiendi, vel alia quæuis, quæ ab ordine nostro videantur aliena, contraria, vel dissona, vel præter nostras Constituitur. obseruari debeant, sed Constitutiones nostræ quæ à Sanctis Pontificibus commendatæ sunt, & approbatæ, vt earum perfecti obseruatores, merito veniant canonizandi, ad vnguem rigoroſe custodiantur. Quod si secus factum fuerit, receptio ipso facto sit nulla sicut de facto, nunc pro tunc nullam esse declaramus.

De translatione domorum.

CAPVT XII.

NVlla domus posita transferatur, nisi vbi Prouincialis, & Diffinitores iudicauerunt expedire. Item nulla domus transferatur de prouincia ad prouinciam, nisi per tria capitula fuerit approbatum.

Ex cap. de domibus concedendis &c.

Hic annotanda est Constitutio Sixti 4. in Mari magno, quæ sic concedit.

Ad hæc liceat fratribus vestri ordinis, cum de prioribus locis suis, ad alia loca sic transferunt tam ædificia, seu ædificiorum materiam locorum, quæ dimittunt (dedicatis Ecclesiis dumtaxat exceptis) quam libros, calices, & paramenta secum ad alia loca transferre, ac ædificia ipsa cum solo, & aliis ad eadem loca pertinentibus (præter Ecclesias) vendere, eorumque pretium in aliorum locorum ad quæ dicti fratres se transferunt ædificationem, seu alias in eorum vtilitatem conuertere, secundum quod eis melius videbitur expedire, &c. Non obstantibus, &c.

Aduerte quod in præſenti Constitutione, non confertur licentia transferendi domos de vno loco ad alium, sed solum conceditur, quod dato casu translationis possunt etiam bona transferre. Sed vt notatum fuit cap. antecedenti prohibetur iure comuni sub pœna excommunicationis receptas domos mutare, vel alienare, aut dimittere, sine licentia sedis Apostolicæ.

Veruntamen Sixtus 4. in bulla 27. apud Rodericum concedit vt infra ordini Minorum.

Nos igitur deuotis petitionibus annuentes, tenore præſentium, facultatem impartimur, ea loca, quæ fratribus tuæ curæ commissis minus commoda esse cognoscens, vel alius onerosa, in omnibus prouinciis, & vicariatibus tuis, in manibus Ordinariorum locorum liberè dimittendi, & deferendi, prout tibi visum fuerit expedire. Non obstantibus &c. etiam Constitutionibus Bonifacii 8. &c.

CAPVT XIII.

Mediocres domos, & humiles fratres nostri habeant, nec fiant, aut permittantur fieri in domibus nostris curiositates, & superfluitates notabiles, in sculpturis, picturis, pauimentis, & aliis similibus, quæ paupertatem nostram deformant. In Ecclesiis tamen permitti poterunt. Si quis verò contrafecerit, pœnæ grauiori culpæ debitæ subiacebit.

Volumus etiam, quod fiat cum maturo consilio peritorum in arte, considerato loco illo, in ligno, vel in alia materia, formula totius domus construendæ, quam non liceat transgredi pro voluntate varia Præsidentium, sed iuxta illa ædificetur. In domibus autem constructis, mandamus nullam fieri constructionem, aut ædificationem notabilem in fabrica à Priore, vel Procuratore, nisi de licentia Prouincialis, & consilio atque assensu patrum. Oppositum autem facere præsumens in pœnam absoluitur. sic quod per triennium, nec ibi, nec alibi præsit. *Ex cap. vi supra.*

Romæ 1589. editum fuit decretum hoc, nomine Sixti Papæ 5. per Illustriss. Cardinalem Alexandrinum Ordinis nostri Protectorem, quod testatur habuisse viuz vocis oraculo. Sanctitas sua confirmat, & ordinat si opus est de nouo, quod alias etiam fuit ordinatum videlicet, quod non fiat aliquod ædificium notabile in Conuentu, (notabile inquam respectiue iuxta qualitatem, & quantitatem Conuentus,) nisi de assensu maioris partis patrum à consiliis, & cum consilio peritorum, simul etiam cum licentia Prouincialis. Rursus, quod ab vno Prelato inceptum est, subsequens prosequatur, ita quod non possit noua ædificia inchoare, si priora non sunt finita. Præcipit etiam idem seruandum esse in monasteriis monialium, ita, quod Priorissa non possit aliquod ædificium notabile inchoare, sine assensu maioris partis matrum à consiliis, nec sine licentia Prouincialis, & peritorum consilio, nec noua ædificia aggrediatur, quousque iam inchoata finita sint. Priores autem Prouinciales, aut Conuentuales, & Priorissæ si contra ordinationem istam agere præsumperint: ipso facto excommunicationem incurrant, & officio priuentur. Vi autem prohibitionis huius non intenditur, quin possint inchoari illa ædificia quibus reparatur aliqua pars collapsa Conuentus, vel quæ in ruinam tendit, nec ædificia illa, quæ extra Conuentus fiunt, quibus annui census crescunt, dummodo etiam in istis, si notabilia sunt præcedant licentia, & consensus iuxta supradicta. Romæ vero 1608. Ordinatum fuit, vt Priores fabrica aliqua monasterij iam inchoata non possint sine consensu

sui capituli expendere vltra duos aureos. Cum consensu vero capituli poterunt expendere vsque ad decem aureos, vltra quam summam adesse debet licentia prouincialis. Si vero incipienda sit noua fabrica, de peritorum consilio delineetur, eius formula siue exemplar, & à Priore, & capitulo, mittatur ad capitulum prouinciale, vel Prouincialem, & de eius licentia inchoetur.

De dormitorio, cellis, & aliis officinis Conuentuum.

C A P V T X I V.

N Vllus Magistro ordinis excepto, qui in communi tolerari possit habeat specialem locum ad iacendum, nisi propter rerum custodiam. Lectoribus autem secundum discretionem Prioris prouideatur.

Ex cap. De lectis.

Omnes fratres nostri, excepto Magistro ordinis, infirmis, & hospitibus, debent in communi dormitorio dormire, quod quidem taliter debet esse dispositum, quod possit in sero claudi, & clauis debent apud Priorem, vel aliam personam securam remanere. Qui autem extra dormitorium, sine licentia dormire præsumpserit, grauiter puniatur. Romæ 1569. dicitur. Cameras, & habitationes à communi cellarum religiosarum forma excedentes præsentì Constitutione, & speciali S. D. N. Papæ mandato auferimus, mandantes Prælatis, vt eas redigant, ad consuetam regularem formam, & si id commodè fieri minime possit, in communem vsum redigantur, & vnusquisque tali cella in communi dormitorio, nullo apparatu ornata, contentus sit. Et infra mensem ab harum notitia, Prælati, & alij abutentes huiusmodi cameris, executioni mandare præsens statutum teneantur, & quod contrafecerint pœnas absolutionis ab officiis, & amissionis cuiuscunque ac priuationis vocis actiue, & passiuæ, incurrant, quas pœnas nunc pro tunc illis infligimus, & infictas esse declaramus. Venetiis 1592. Omnes fratres cuiuscunque gradus, & conditionis sint, in communi dormitorio, & non in separatis ædiculis, vel cameris habitent, vnica tantum paupere cella contenti, Prælato, & grauiori aliquo patre exceptis, quibus duæ ad summum concedi poterunt, si hætenus tot habuere, absque eo, quod nouiter accommodentur, maxime cum aliorum incommoditate. Ab his vero superfluitates omnes, ornamenta vana, preciosa quæque, & omnia tandem, quæ religiosam paupertatem non sapiunt, omnino auferantur. Super quo omnes Superiores inuigilabunt. Proinde reuocamus omnes, & singulas licentias, quibus alicui conceditur, quod possit succedere in alterius cella, vel quod ab inferioribus Prælatis ab ea quam inhabitant remoueri non possint. Valebuntque Superiores ipsi immediati, dum expediens illis videbitur, pro vicio proprietatis à cordibus amputando, eosdem ab vna cella ad aliam transferre. Romæ 1608. mandatur, vt à cellis fratrum amoueantur omnes imagines, quæ non sunt

sunt sacræ, aut piæ, item illæ, quæ propriam effigiem fratris, vel alterius non sancti, aut pij exprimunt.

Debent in omnibus Conuentibus constitui carceres. Vnde in decl. cap. de grauiori culpa dicitur. Prouinciales procurare debent, vt in omnibus Conuentibus suæ prouinciæ sint firmi, & fortes carceres, in quibus puniantur criminosi, & rebelles. Et Romæ 1569. admonetur Priores, vt ordinationem alias factam de aptandis carceribus in eorum conuentibus cum sera, & pessulo, & clauis firmis, & fortibus, omnino executioni mandent. Et qui infra sex menses ab harum notitia id non præstiterint, à Prouinciali in uisitatione absoluantur. De pœna vero carceris agetur suo capite.

Camæræ etiam pro hospitibus deputandæ sunt. Vnde Venetiis 1592. dicitur. Præsidentes Conuentuum, & locorum omnium diligentia adhibeant, vt deputentur aliquæ camæræ pro hospitibus, cum debita licentia aduenientibus, recipiendis, quorû cura alicui fratri discreto committatur, qui eos cum humanitate recipiat, & illis necessaria procuret.

Et de cameris infirmorum statuitur Romæ 1608. vt iuxta Constitutiones in singulis Conuentibus sint aliquæ camæræ deputatæ pro infirmis, bene instructæ lectis, & lintheaminibus, & aliis necessariis: Et instituaturs vnus infirmarius qui illis prouideat &c. & Prouinciales in uisitatione Priores in hoc negligentes absoluant ab officiis suis.

Inter alias officinas deputetur vnus locus pro deposito communi, de quo statutum fuit Valleoleti 1605. & Romæ 1608. Vt in quolibet Conuentu designetur aliquis locus fortis, & securus, qui depositum commune appelletur, cuius clauem habeat semper Prior, vel Præsident conuentus, & in eo constitutur arca fortis, quæ tribus seris claudatur. Huius claues habeant singuli singulas. s. Prior aut Præsident, & duo patres depositarij, moribus, & fidelitate probati, quos maior pars patrum à consilijs idoneos elegerit: Et in prædicta arca omnes Conuentus pecuniæ deponentur regulis infra notandis, cap. de sindicis, & depositariis.

Archiuium etiam pro conseruandis scripturis erigatur, vt præcipitur Romæ 1608. his verbis. In omnibus etiam Conuentibus sit locus tutus cum armariis, & capsulis, in quibus scripturæ, priuilegia, contractus, instrumenta, liber receptionis, & professionis fratrum, & omnia iura ad Conuentum pertinentia, cum suo inuentario siue indice, asseruentur. Similiter inuentarium omnium bonorum mobilium, & immobilium tam Conuentus, quàm Ecclesiæ conscribatur cum duplici autentico exemplari, quorum alterum in archiuio, alterum in primatio prouinciæ, vel vicariæ Conuentu custodiatur.

Officinæ autem, & loca Conuentui necessaria secularibus vlla ratione non concedantur, etiam prætextu cuiusque confraternitatis. Et si quid hætenus concessum fuit præsentis statuto reuocatur, & nullam esse talem concessionem declaratur Romæ 1571. Barch. 1574. & iterum Romæ 1580. De domibus, & officinis nouitiorum dicitur infra patte secunda.

CAPVT XV.

STatuatur ſemper aliquis frater, clericus, vel conuerſus, diſcretus, maturus, & ſecurus qui ſit portarius, & diligenter ea, quæ ad officium portarij pertinent exequatur. Poterit autem aliquem fratrem, vel ſecularem honeſtæ conuerſationis habere in adiutorium, cùm neceſſitas hoc requirit.

Ex cap. de domibus conſtruendis.

Ex cap. Valleoletano 1605. In omnibus Conuentibus maximè præcipuis, ſemper ad oſtium cuſtos aſſiſtat aliquis ſacerdos, vel conuerſus, ſimul cum aliquo iuniore, diſcretus, & maturus, qui ſeculares aduentantes benignè recipiat, & de rebus ſpiritualibus colloquendo eos detineat, donec frater ab eis petitus, & à iuniore vocatus adueniat. Nec permittat ſeculares per Conuentum diſcurrere, nec ad cellas fratrum accedere, niſi eſſet perſona grauis. Oſtium autem ita interoſus ſit occluſum, vt nulla ratione à foris venientes poſſit aperiri. Vt verò facilius oſtiario innotſcat, qui fratres ſint foris, qui vero domi, mandatur, ſub pœna grauis culpæ, ne quis extra Conuentum, egredi audeat per fores Eccleſiæ, vel per alias, ſed ſolùm per oſtium commune, in quo tabula colloceatur, nomina & cognomina omnium fratrum Conuentus continens, in qua aliquo ſigno notet, fratrem domum egredientem, vel regredientem, & ſic oſtarius de quæſitis fratribus rationem reddere queat. Hæc ordinatio confirmatur Romæ 1608. & additur. Prælati autem qui in hoc negligentes fuerint, ab officiis ſuis abſoluantur, & Patificis 1611.

De ingreſſu mulieribus interdicto.

CAPVT XVI.

Mulieres clauſtrum vel oratorium, vel alias officinas noſtras non ingrediantur, niſi in die conſecrationis Eccleſiæ, & tunc licebit eis ingredi chorum, & clauſtrum. In paraſceuè verò tantum chorum intrare poterunt uſque ad officium.

Ex cap. de domibus concedendis.

In Eccleſiis noſtris debent eſſe intermedia, quæ diuidant chorum à ſecularibus, & debent vbique ſic eſſe diſpoſita, vt fratres chorum ingredientiſ non poſſint videri à ſecularibus, nec ipſi ſeculares videre. Poterunt tamen aliquæ ſeneſtræ aptari, vt tempore eleuationis Dominici corporis aperiantur, & Sacramentum à ſecularibus adoretur. Nec villo modo permittantur

mulieres interiores officinas intrare, siue sint bonæ, siue malæ, siue sint propinquæ siue extraneæ, nisi essent matronæ siue magnæ Dominæ, quæ benè, & honestè sociatæ, cum licentia Prioris vellegit Conuentum videre. Fratres autem qui mulieres in hortos nostros, vel in dormitorium, siue in cameras, aut alias interiores officinas introduxerint, pœna grauioris culpæ puniantur. Ex decl. cap. de domibus constitut.

His nostris Constitutionibus, & declarationibus, super addita fuit Constit. Pij 5. quæ incipit Religiosorum personarum, &c. edita anno 1566. in qua ita decernitur.

Quia igitur, & Carthusiensium ordinis, & aliorum regularem vitam profitentium quies non parum solet perturbari &c. Huic rei providere volentes, motu proprio, & ex certa scientia, omnes, & singulas facultates ingrediendi monasteria Carthusianorum, & aliorum quorumcunque ordinum, etiam mendicantium, mulieribus cuiuscunque status, & conditionis, & quacunque dignitate pradiis, etiam Comitissis, Marchionissis &c. sub cuiuscunque verborum tenoribus, & formis, & cum quibuscunque derogatoriis &c. etiam ab Apostolica Sede concessas reuocamus, &c. Districte prohibentes mulieribus pradiatas facultates pretendentes, sub excommunicationis late sententiæ pœna, postquam harum literarum notitiam habuerint, à qua non possint absolui, præterquam in mortis articulo, ne dicta monasteria, vel domos ingredi audeant. Ipsi monasteriorum Abbatibus, Prioribus, & aliis Præfidentibus quocunque nomine vocentur, etiam mendicantibus, sub pœnis priuationis officiorum quæ obinent, & inhabilitatis in posterum ad alia omnia, & suspensionis à diuinis ipso facto absque alia declaratione incurrendis, ne eas introducere admittere vè presumant mandamus. Non obstantibus &c.

Adduci etiam solet huic proposito particula quædam Constitutionis Gregorij 13. quæ incipit (Vbi gratiæ, & indulta) in qua licet principaliter agat de clausura monasteriorum sanctimonialium, & ingressum illius prohibeat, sub pœna excommunicationis late sententiæ, de qua in summario Constitut. monialium mentio fiet, tamen subdit hæc verba.

Abbatissis vero, & Abbatibus, & aliis monasteriorum vtriusque sexus Superioribus districte præcipimus sub eadem excommunicationis pœna, ac priuationis beneficiorum, & officiorum suorum, ac inhabilitatis ad illa, & alia in posterum obinenda, ne in monasteria, domos, & loca sua quocunque prætextu licentiarum ingrediendi, faciant vel permittant ingredi.

Notant aliqui per illud verbum (sua) nedum intelligi monasteria monialium illorum curæ subiecta, vt planus videtur sensus inferre. Sed etiam sua quæ ipsi Superiores inhabitant.

Circumfertur autem quædam declaratio Constitut. Pij 5. in hunc qui sequitur modum.

Nos Alexander Cribellus Cardinalis &c. attestamur omnibus &c. quatenus Pius 5. vix vocis oraculo vobis facto declarauit, mentem suam fuisse, & esse, vt in prædictis literis in quibus mulieribus prohibetur ingressus in monasteria religiosorum prætextu licentiarum &c. non solum comprehenduntur mulieres pretendentes licentias, sed etiam omnes, & quascunque tam in genere, quam in specie, significans tamen quod per dictas literas non præcluditur aditus mulieribus ad monasteria, & claustra

quando in eis missæ celebrantur, ac alia diuina officia, ac quando processiones fiunt, vel cadauera fidelium in eis sepeliuntur, aut etiam pro eis suffragia fiunt, sed eis concedis quod quando hæc fiunt, ad ea accedere possint. Similiter, quando verbum Dei in Ecclesia proponitur, vel ob quancumque aliam causam tantus est concursus populorum, quod commodè ingredi, vel egredi per portam communem non possunt, concedis idem Pius 5. vt mulieres yna cum aliis personis secularibus ingredi, vel egredi possint per portam Conuentus claustrî, dummodo recto tramite accedant ab Ecclesiæ ianua ad dictam claustrî portam, qua exiit ad monasterio &c. Non obstantibus &c. Datum 1568.

Hoc decretum fuit publicatum in forma breuis à Pio 5. quod refert Confectus, & est bulla 6. dicti Pontificis.

Romæ 1571. Denuntiatur à S. D. N. Pio 5. emanasse motum proprium circa ingressum mulierum in Conuentibus regularium, quo sua S. viuz vocis oraculo declarauit, non esse intelligendum de ingressu mulierum primum tempore processionis, aut etiam ad capitulum, & ad alias capellas, quæ in claustris eodem haberi solent, gratia audiendi missas. In reliquis vero expressit in omnibus seruandam esse eius Constitutionem in nostris Conuentibus.

In compendio priuilegiarum ord. minorum verbo Ingredi monasteria, duæ aliæ declarationes super hoc habentur: prima est Illustriss. Card. Alexandrini nomine congregationis regularium 1584. quam talis est.

In monasteriis, seu locis Capucinarum, quæ sunt in fieri, & fabricantur, & adhuc Conuentus ad ibi morandum non est introductus, sed solum ibi degunt aliqui fratres potius pro seruitio fabricæ, quam pro alio seruitio, clausuram nullam esse talem declaratur, vt si mulieres in eis intrant, pœnas Constituit. Pij 5. incurrant. Idemque debere dici de domibus, seu infirmariis, in ciuitate positis, cum nec Ecclesiam, nec Conuentum habeant.

Alterâ declaratio est. Cum quidam religiosus ord. Minorum perquisiuisset à sacra Congregatione, num per dictas literas Pij 5. derogatum sit concessioni suæ regulæ, quæ habet, vt singulæ Dominæ de regia stirpe procreatæ, ac etiam fundatrices monasteriorum dicti ordinis, quæ locorum prædictorum septa communiora videre postulauerint, cum sua comitiua honesta, intrare valeant, fuit declaratum non censeri derogatum quoad Reginas, & fundatrices dumtaxat.

De numero fratrum cuiuslibet Conuentui præfigendo.

CAPVT XVII.

Conuentus circa numerum duodenarium fratrum professorum, quorum decem ad minus sint clerici, & sine licentia generalis capituli, & absq; Priore, & Doctore non mittatur, nec postquam missus fuerit, dictus numerus minuatur. Et si aliquis inde subtractus fuerit, loco illius, alius assignetur. Ille vero Conuentus, qui.

pro illo tempore dictum duodenarium numerum non habebit, ad ea, quæ tractanda sunt in capitulo Prouinciali, siue in electione Prouincialis, quoad Priorem & socium, & electiones Prouincialis, nullatenus admittatur, nisi forte illo anno per fratris obitum ille numerus sit diminutus. Quod si oppositum factum fuerit totum sit irritum, & inane, prouincijs Hierosolimitana, & Græciæ, dumtaxat exceptis, ex cap. de domibus construendis.

In Constitutionibus antiquæ impressionis legitur, duodenarium, vel senarium numerum &c. Et ubi legitur mittatur, & missus, dicitur admittatur, & admissus. Ex decla. eiusdem cap. Cum Ecclesiæ nostræ sint collegiales, & in ipsis debeat diuinum officium in choro, & missa Conuentualis celebrari, oportet, quod numerus fratrum, sine quo domus pro Conuentu non debet acceptari, intelligi debet de fratribus clericis tam vocalibus, quàm non vocalibus: Et debet habere Doctorem, siue lectorem, qui fratribus legat, alias non admittatur ille Conuentus ad ea, quæ sunt tractanda in capitulo Prouinciali, nisi forte propter obitum fratrum ex pestilentia, numerus ille diminutus fuerit. Et in tali casu Priores Prouinciales, & Conuentuales operam dent efficacem, vt numerus ille reparetur. Cōuentus, qui numerum saltem senarium fratrum nunquam habuerunt vocalium, pro non Conuentibus haberi debent, & ab eis subtrahitur titulus prioratus, quem ex vi præsentis decreti subtrahimus, si tamen id fieri potest sine scandalo. Qui autem aliquando numerum integrum habuerunt, & modo ad hoc reducti sunt, quod quatuor vocales fratres cum Priore non habent, permittantur gaudere titulo Prioratus, socium vero pro electione Prouincialis, vel pro capitulo Prouinciali nequaquam eligent. Et si secus factum fuerit, totum sit irritum, & inane.

Venetis 1592. statuitur, vt possibilis adhibeatur diligentia, ne in prioratus erigantur loca, quæ postea taxatum numerum fratrum iuxta Constitut. sustentare nequeant. In posterum nulla domus in prioratum erigatur, aut erecta intelligatur, quacunque concessione factum fuisset, nisi per annum integrum ante duodecim fratres aluerit, & pro religionis necessitatibus prouiderit. Confirmatur Valentis 1596. Romæ 1601. Valleoleti 1605.

Barchinonæ 1574. Mandatur Prouincialibus, vt si quæ repererint loca, vel Vicariatus, in quibus religio minus aptè foueri possit, quin potius ocij, & dissipationis religionis fomētā, & occasiones scandali sint, ea meliori modo quo poterunt consultis grauioribus patribus, relinquere omnino debeant, cum ex his malum, & nostræ religionis detrimentum sequatur.

Valentis 1596. habetur, loca omnia in quibus ad minus quatuor fratres clerici morari non possunt, relinquuntur, sicuti præsentī decreto nos illa renunciamus, excipiendo desolatās prouincias, & existentes in Indiis ob causas nobis bene visas, & loca, quæ in itinere pro hospitio seruiunt. Et nullus Conuentus recipiatur, qui libere Superiorum iurisdictioni non relinquatur,

30 *De numero fratrum cuilibet Conuentui præfigendo.*

conformiter ad Constitutiones nostras. Et si secus factum fuerit, totum sit irritum & inane.

Est etiam cuilibet Conuentui præfigendus numerus ex sac. Concil. Trident. sess. 25. cap. 3. ubi habetur.

In prædictis monasterijs raro virorum, quam mulierum, is tantum numerus constituitur & in posterum conseruetur, qui vel ex redditibus proprijs Conuentus, vel ex consuevis elemosynis commodè possit sustentari.

Valentiz 1596. mandatur R.R. Prouincialibus, & Vicarijs congregationum, vt curent certam habere notitiam de redditibus, tam certis, quam incertis Conuentuum, & locorum suorum, & conformiter ad eos, de grauiorum patrum consilio, singulis determinatū numerum præfigant, vltra quem ad eos fratres non mittant, vt religiosi illorū necessitatibus provideri possint, & multa euitentur inconuenientia, & Parisiis 1611. idem confirmatur, & additur, vt quantum fieri possit, omnes Conuentus fratres in numero præfixo alant.

De possessionibus, & redditibus non habendis.

CAPVT XVIII.

Possessiones, siue redditus non recipiantur. *Ex cap. de domibus construendis.*

Anno 1228. Conuenerunt Parisiis, Prouinciales cum Magistro ordinis fratre Iordane in capitulo generalissimo, & vnanimiter ediderunt aliquas ordinationes, quas voluerunt in perpetuum inuiolabiliter obseruari, videlicet de possessionibus, & redditibus nullatenus habendis, aut recipiendis, &c. *Ex cap. de capitulo generalissimo.*

Ordo noster in sui initio possidere cæpit bona immobilia, & redditus. Et Honorius 3. confirmator ordinis in bulla suæ confirmationis hæc habet verba relata supra cap. 1.

Confirmamus ordinem tuum, cum omnibus castris, & possessionibus, habitis, & habendis, ipsumque ordinem ac eius possessiones, & iura, sub nostra protectione suscipimus.

Verum in 1. capitulo Generali Bonon. celebrato 1220. totus ordo renūciavit possessionibus, tam præsentibus, quam futuris, & in Cōstitutionibus positum fuit statutum, ne possessiones siue redditus, reciperentur, postea verò in capitulo generalissimo 1228. prædicta Constitutio fuit confirmata.

Clemens 4. suo privilegio 1. concedit nobis posse succedere in omnibus bonis, in quibus succederemus si in sæculo essemus, his verbis.

Ex parte vestra coram nobis fuit propositum, quod nonnulli in diuersis mundi partibus constituti, asserentes vos fore mortuos, nec valentes proprium possidere, vos quibuscumque successionebus excludere moliantur, &c. Nos itaque vestris supplicationibus annuentes, auctoritate Apostolica declaramus, quod in temporalibus bonis, in quibus succederetis in seculo existentes, licitè potestis succedere, & bonorum ipsorum possessionem apprehendere, ac vendere libere bona ipsa, eorumque pretium in utilitatem vestram

conuertere, prout vobis videbitur expedire, vniuersas autem interdicti, suspensionis, & excommunicationis sententias, contra presentium tenorem latis per quoscunque, irritas esse decernimus.

Bonifacius 9. priuilegio 1. circa possessionem bonorum decernit, vt infra.

Nos ad instar Bonifacii 8. & Clementis 6. predecessorum & c. vestris supplicationibus inclinati, auctoritate Apostolica tenore presentium indulgemus, vt ea, qua pro ornamentis, aut libris, fabrica, luminaribus, anniuersario, septimo, vigesimo, trigesimo sue aliis ad perpetuum cultum diuinum, seu pro pictantiis, aut victu ad sustentationem vestram, aut pro indumentis, necnon annuis censibus redimendis, ad quorum solutionem aliqua domus vestri ordinis obligata noscuntur; vel domibus, pradijs, & hortis, alijsque locis vobis secundum institutum vestri ordinis opportunis, aut qua prohibuismodi domibus, pradijs, & hortis, ac locis emendis, & perpetuas elemosynas, qua pro perpetuis memorijs, anniuersarijs nobis conferuntur, recipere, & ipsis gaudere, eaque, in praemissis, & alios vsus conuertere licite valeatis. Non obstantibus, & c.

Sixtus 4. in suo priuilegio 4. hanc facit concessionem in proposito.

Nos igitur attendentes & c. supplicationibus inclinati, generali Magistro, Prioribus, & fratribus domorum dicti ordinis Praedicatorum presentibus, & futuris, quod possessiones, domos, census, & alia immobilia bona eis pia fidelium largitione inter viuos, vel causa mortis donata, aut testamentaria dispositione largita, vel alias relicta, & que eis pro tempore donari, largiri, seu legari contigerit, pro subsidio studentium, & aliorum eis incumbendum onerum supportatione, in communi, & non aliter retinere, ac illa per deputandos ab eis administrare, libere ac licite valeant, auctoritate Apostolica, tenore presentium concedimus pariter, & indulgemus. Non obstantibus, & c. etiam regulis institutis dicti ordinis, & c.

Rodericus in suo bullario, post bullas Innocentij 8. refert hunc summum Pontificem, viuz vocis oraculo concessisse Vicario generali, Prioribus, & fratribus ordinis Praedicatorum congregationis Hispaniae reformatis praesentibus, & futuris, ad scrupulum conscientiarum auferendum, motu proprio, & certa scientia, vt possint habere possessiones, & redditus, dispensando super his, & auferendo maledictionem S. Dominici.

Iuxta regulam etiam S. P. Augustini, quam profitemur, licet nobis possidere bona in communi: Nam in ea legitur.

Et non dicatis vobis aliquid proprium, sed sint vobis omnia communia. Item, Qui vero aliquid habebant in seculo, quando ingressi fuerint monasterium, libere velint illud esse comune. Item, Tamen si vestra toleratur infirmitas, vt hoc recipiatis, quod posueritis, in vno tamen loco sub communibus custodibus habere, quod ponitis, ita sane, vt nullus sibi aliquid operetur, sed omnia opera vestra in vnum fiant, maiori studio, & frequentiori alacritate, quam si vobis singuli propria faceretis.

Sed tandem ad omne scrupulum tollendum, S. Concil. Trident. sess. 25. ca. 1. concedit ita.

Concedit S. Synodus omnibus monasterijs, tam virorum, quam mulierum, etiam men-

dicantium, exceptis domibus fratrum S. Francisci, Capucinorum, & eorum, qui de obsequantia vocantur, etiam quibus, aut ex Constitutionibus erat prohibitum, aut ex privilegio Apostolico non erat concessum, ut deinceps bona immobilia eis possidere liceat. Quod si aliqua loca ex predictis, quibus auctoritate Apostolica similia bona habere permissum erat, eis spoliata sunt, eadem omnia illis restituenda esse decernit.

Ex declarat. super capite de domibus construendis. Hæc sunt notanda. Primum est, quod habere possessiones, siue redditus in communi, non est contra votum paupertatis religionis, nam omnes monachi qui vouent tria substantialia vota religionis, possident bona in communi, neque est contra regulam S. Augustini ut notatum est, & Canonici regulares qui militant sub hac pariter possident redditus in communi. Neque est contra Constitut. quia, & si in eis habeatur, quod possessiones siue redditus non recipiamus, sensus est quod totus ordo eas habere non potest, manentibus Constitutionibus in suo robore, cum quo stat, quod non sit contra eas, si aliquis Conuentus, propter aliquam legitimam causam, & cum dispensatione Magistri ordinis, possessiones habeat, non enim vouemus seruare Constitutiones, alias equitando, & comedendo carnes, ageremus contra Constitut. Vnde non contrariatur Constitutio, nisi quod est contra præceptum eius, vel quando transgressio fit ex contemptu, aut quando aliquod fit contra tria vota substantialia, si vero aliquis Conuentus talia possideret cōtra præceptum Prælati, vel sine licentia, & necessitate, videretur delinquere ex cōtemptu dictæ Constitutionis, & ex consequenti peccare mortaliter. Et quamuis Magister ordinis stante dicta Constitutione, non possit cum toto ordine dispensare super ea, potest tamen loco, & tempore cum aliquibus Conuentibus ex causa rationabili dispensare, causa autem rationabilis dispensationis huius est necessitas, cui non potest subueniri sine magna sollicitudine, & sine maxima distractione à contemplatione diuinorum, quæ oritur propter multitudinem quæstuantium, & Zaratianorum, & propter sterilitatem locorum, & propter defectum charitatis quæ istis temporibus maximè refriguit. Vnde pro alendis fratribus oporteret multos habere quæstores, qui continuè quotidianum victum quærerent, & officium diuinū, studium, & prædicatio, qui sunt præcipui actus vitæ contemplatiuæ, ad quos tanquam ad finem religio nostra ordinata est, destruerentur ac dissiparentur, qui tamen cōgruè foueri possunt per possessiones moderatas, pro quarum cura vnus aut duo clerici sufficiunt, aliis omnibus liberè contemplationi deditis.

Secundo sciendum est, quod perfectio Christianæ vitæ in dilectione Dei consistit, vota vero religionis. s. obedientia, castitas, & paupertas, sunt instrumenta siue media, quibus ad perfectionem tendimus. Et inter hæc tria, infimum locum tenet paupertas, medium castitas, supremū obedientia, nam hæc voluntatem moderatur, castitas corpus, paupertas vero impedimenta exteriora. s. cupiditatem terrenorum amouet. Instrumentum autem non eo melius est quanto nobilius, sed quatenus fini intento proportionatum est, vt patet exemplo medicinæ. Et ob id vna religio non est existimanda perfectior, quæ profundiorē habeat paupertatē, sed quæ habet eam suo fini magis consonam, vnde, & religio Christi, & Apostolorum, quæ ad prædicandum

ordinata

ordinata erat, profundissimam paupertatem non coluit, cum loculos haberet, & quæ mixcebantur conseruabat, sed suo fini congruentem. Cui addendum est quod illa religio studio litterarum non vacabat, cum esset à Deo instructa, cui studio nos longis continuisque laboribus incumbere debemus. Et ideo paupertas tali fini proportionata, melior censenda est. Si ergo in nostro ordine sunt Conuentus, in quibus sufficiens numerus fratrum ali posset, cum moderato quæstu, sine occupatione multorum in eo, qui inde possent officio diuino, studiis, prædicationibus, audientis confessionum attendere, illis non inesset iusta causa retinendi possessiones, & redditus. Vbi autem necessaria vitæ haberi non possunt, nisi per importunos quæstus, quibus seculo datur murmurationis, & indignationis causa, & multi à Dei cultu studio, & proximorum salute procuranda retraherentur, iusta tunc subest dispensationis causa super hac Constitutione.

Tertio etiam notandum est aliquos, contra prædicta attulisse, D. Patrem Dominicum in vltimo suo testamento maledictionem intulisse contra eos qui in ordine possessiones adducerent, & ad eius præsentiam anno 1220. in capitulo generali editam fuisse constitutionem hanc de redditibus non habendis, quam semper ipse obseruauit. Quibus satisficit dicendo. Primo quoad testamentum, nullam talem maledictionem haberi, sed solum dixisse. Hæc sunt quæ vobis hæreditario iure possidenda relinquo charitatem habete, humilitatem seruare, & paupertatem voluntariam possidete. Et B. Iordanus D. P. Dominici primus successor in Magisterio, vitam D. Dominici compilauit, quam solam in choro esse legendam statutum fuit, Argentinæ 1260. nil de hac maledictione dicit. Quod autem 2. loco dicitur D. Dominicum eam Constituit, seruasse, respondetur etiam coram ipso editas fuisse Constitutiones de non equitando, de non vtendis lineis ad carnem, de non comendo carnes, &c. quæ omnia seruauit, tamen illorum transgressio culpam non inducit. Et dato 3. talem maledictionem induxisse, id tamen erit intelligendum, quando id fieret sine licentia Superiorum, & sine causa rationabili. Innocent. autem 8. vt supra ex Roderico notauimus, hanc maledictionem si adesset abstulit. & Concilium Tridentinum licentiam concessit, & causa dispensationis aperta est.

De non alienandis bonis.

CAP. XIX.

Tantum abest quod possessiones retinere non valeamus, quod potius nobis prohibitum est eas vendere & alienare. Circa quod primo omnium est notanda Constitutio Pauli 2. quæ huiusmodi tenoris est.

Omnium rerum, & bonorū Ecclesiasticorū alienationem, omneque pactum per quod ipsorū dominium transferatur, concessione, hypothecam, locationē & conductionē vltra bienniu, fieri prohibemus, hac perpetua valitura Cōstitutione, nisi in casibus à iure expres-

sis, & tunc in Ecclesiarum evidentem utilitatem, &c. Si quis autem contra huius prohibitionis seriem, &c. alienare præsumpserit, alienatio, concessio, hypotheca, locatio, conductio, &c. nullius sit roboris, &c. qui alienant, &c. Et qui recipiunt, &c. sententiam excommunicationis incurrant.

Et in pluribus cap. max. Barchinonensi 1374. Romano 1380. Venetiis 1392. prohibitum reperitur Præfidentibus, sub pœna absolutionis ab officio, ne bona stabilia, & fundos quos vocant alienare, & aliqua pecuniæ summa recepta, rationes, & prætensiones extinguere præsumant.

Leo tamen 10. gratiam fecit super alienatione huiusmodi, in suo privilegio secundo.

Tenore præsentium concedimus, ut pro tempore existentes Magister ordinis, & Vicarius congregationis S. Marci, sibi subditis in Italia Conuentibus fratribus ac monialibus, & collegiis virisq; sexus de pœnitentia B. Dominici nuncupatis, facultatem præbere possint, quod commutare, & vendere possint bona immobilia, quæ habent, & habituri sunt, &c. proviso tamen quod pretium eorum centum ducatorum auri de Camera, secundum communem estimationem valorem non excedat, & in emptionem vel reparationem, aut augmentum aliorum bonorum magis utilem, & necessarium, cum effectu convertantur, & ad hoc accedat assensus maioris partis vocalium Conuentus, &c. Non obstantibus, &c. Specialiter Constitutione Pauli 2.

Clemens 7. gratiam prædictam Leonis 10. declarat adhuc perseverare, etiam si Congregatio S. Marci suppressa fuerit, & redacta sub cura Prouinciarum Romanæ, & eam ampliat his verbis.

Tenore præsentium, auctoritate Apostolica, concedimus, ut pro tempore existens tam Magister ordinis quam Prouincialis Prouincie Romanæ, sibi subditis in Italia, Conuentibus, &c. dicta facultate uti possint, videlicet, licentiam bona Conuentuum & locorum huiusmodi ad certum tempus ac in perpetuum locandi, vel in Emphyteusim ad lineam masculinam concedendi, siue commutandi, aut vendendi, vel quocumque alio titulo alienandi, bona immobilia, & pretiosa mobilia minus utilia, quæ nunc habent, & in posterum iusto titulo habituri sunt, tam pro satisfactione debitorum aut pro utilitate, aut necessitate Conuentuum siue locorum prædictorum contractuum, aut eadem utilitate suggerente contrahendorum, quam alia evidenti utilitate, præuiso tamen, quod pretium bonorum immobilium si vendantur, aut quoniam modo alienentur, centum ducatorum auri de camera secundum communem estimationem valorem annuum non excedat, & in emptionem, reparationem, aut augmentum aliorum bonorum immobilium, seu prælatorum debitorum reale solutionem, cum effectu convertantur, & accedat assensus &c. Constitutionibus Apostolicis & specialiter Pauli 11. non obstantibus.

Eadem gratia concessa fuit à Sixto 4. Congregationi Lombardiæ harum serie.

Præsentium tenore vobis fratribus Congregationis Lombardia concedimus, ut de consensu Vicarii Generalis vestre congregationis, qui pro tempore fuerit, possitis commutare aut vendere possessiones, & bona immobilia quæ nunc habetis, & in posterum iusto titulo habituri estis, pro evidente utilitate vestrorum Conuentuum, super quo vestram, & Vicarii vestri conscientiam oneramus, proviso tamen quod pretium ipsorum bonorum immobilium si vendantur, in emptionem aliorum bonorum immobilium magis utilem cum effectu convertantur, & ad hoc accedat consensus maioris partis vocalium dicti Conuentus, iuxta morem vestri ordinis. Non obstantibus, &c. etiam si di-

Et bona haberent annexam deuotionem ad alia loca vel personas, &c.

Et quia etiam præfata Congregatio in Prouinciâ erecta fuit, propter quod forsan posset dubitari, nû prædicta gratia perueiret. Ideo Paulus Papa 3. declarauit sua Cõstitutione, omnes gratias, facultates, exemptiones, ac priuilegia concessa congregationi, permanere in sua firmitate etiam si in Prouinciâ erecta sit, quæ Cõstitutio inter priuilegia Prouinciæ asseruatur.

Valleoleti 1605. mandatur, vt nulli Conuentui liceat petere licentiam alienandi, vel commutandi bona stabilia, nisi in uisitatione Prouincialis, præhabito maturo consilio, cum expedire iudicatum fuerit.

De Ecclesiarum ædificatione, consecratione, reconciliat. & immunitate.

CAP. XX.

SVpposita licentia ædificandi loca nostra, de qua supra dictum est cap. de domibus constituendis, pro ædificanda Ecclesia notandum est priuilegium Honorij 4. quod est 4. inter sua, quod ita disponit.

Nos vestris supplicationibus inclinati, auctoritate Apostolica tenore præsentium indulgemus, vt si Diocesani à vobis requisiti humiliter, primum lapidem in huiusmodi Ecclesiis, siue oratorijs ponere, ac etiam altaria vestra, Ecclesias, & oratoria, ac cæmeteria, consecrare seu benedicere denegauerint, vel id facere vltra quatuor menses distulerint, vos per quoscumque malueritis Episcopos gratiam, & communionem Sedis Apostolicæ habentes, præmissa licite recipere valeatis.

Bonifacius 9. idem de verbo ad verbum confirmat, priuilegio 5. Leo 10. in bulla quæ incipit, Sacro approbante Conc. prædicta moderatur his verbis.

Nec ab alieno Episcopo, consecrationem Ecclesiæ, aut altaris, aut cæmeterij benedictionem petere, seu in Ecclesiis ædificandis primum lapidem ponere, per alienum Episcopum, aut pontificem possint, nisi ubi Ordinarius bis aut ter cum debitis reuerentiis, & instantiæ requisitus, sine legitima causa recusauerit.

Est tamen nunc obseruandum decretum Conc. Tridentini sess. 6. cap. ultimo, quod etiam repetitur sess. 14. cap. 11. de reformatione, quo cauetur, ne Episcopi munia pontificalia exercere valeant in diocesis alienis, sine licentia proprii Episcopi. Nec non, & aliud quod habetur sess. 22. cap. de euitandis in missæ celebratione, ubi Episcopis mandatur, ne patiantur priuatis in domibus, atque omnino extra Ecclesiam, & ad diuinum cultum tantum dedicata oratoria ab eisdem Ordinariis designanda, & visitanda. Sanctum sacrificium à secularibus vel regularibus quibuscunque peragi. Vbi nota illa verba oratoria per Episcopos designanda, & visitanda.

De Ecclesiarum reconciliatione, siue benedictione, habemus hæc priuilegia. Iulius 2. in priuilegio suo concesso fratribus ordinis Minimorum, quod nostris insertum est fol. 214. indulget vt infra.

Quod ipsius ordinis Generalis, Vigiles, & Prouinciales, ac eorum Vicegerentes, omnes, & singulas suas ecclesias, capisulas, cæmeteria, & oratoria vbicunque recepta, vel recipienda, solemnibus benedictionibus benedicere, ac etiam illa sanguinis, siue seminis effusione polluta, vel pollutas, quoties opus fuerit, (aqua tamen prius per aliquem Antistitem, vt moris est, benedicta) reconciliare valeant concedimus.

Et Leo 10. Prælati ordinis minorum concessit vt infra, vt habetur fol. 232. nostrorum priuilegiolorum.

Ac vestri ordinis Generalibus, Prouincialibus, Vicariis, Custodibus, Guardianis, pro tempore existentibus, &c. vt Ecclesias, cæmeteria, capitula, oratoria recepta, & recipienda, &c. & eorum quodlibet sanguinis, seu seminis effusione, seu alias quomodolibet polluta, quoties opus fuerit aqua per vos benedicta, præsertim in locis remotis, vbi Episcopum aquam benedicentem per duas dietas adire non potestis, reconciliare liberè licitè valeatis, auctoritate Apostolica concedimus.

Et nedum nobis concessum est Ecclesias benedicere, sed etiam multa alia pro vsu Ecclesiarum nostrarum. Nam bonifacius 9. priuilegio concessit.

Nos ipsorum Magistri ordinis, Priorum, & fratrum deuotis supplicationibus inclinati felicitè recor. Honorij 4. Clementis 4. Bonifacij 8. & aliorum prædecessorum nostrorum, &c. vestigia inherentes, vt de cætero, perpetuis, futuris, temporibus, huiusmodi fratres vbi libet constitui, candelas, aquam, sal, palmas, & alia ornamenta, in eorum ecclesiis seruatis solemnitatibus consuectis benedicere auctoritate Apostolica valeant concedimus.

Iulius 2. in priuilegio concessio ordini Minimorum supra relato, ita dicit.

Quod Generalis, ac Prouinciales, ac illorum Vicarij dicti ordinis Minimorum, corporalia, & alia ornamenta ecclesiastica suorum locorum, (præter calices, & patenas) benedicere valeant, concessimus, statuimus, &c.

Leo 10. in priuilegio supra notato Prælati ordinis minorum concedit vt infra.

Ac vestri ordinis Generalibus, Prouincialibus, Vicariis, Custodibus, & Guardianis, pro tempore existentibus, &c. vt paramenta, & ornamenta; ac alia quæcunque ad diuinum cultum, & vestrum vsum necessaria, in quibus christus non interuenit, pro vestro vsu tantum solemniter benedicere valeant, auctoritate Apostolica concedimus.

Iulius 2. idem concessit Patribus ordinis eremitarum S. Augustini, vt patet folio 248.

Capucinus in additionibus ad Compendium priuilegiolorum ord. minorum verbo Benedicere, refert Pium 5. anno 1566. concessisse ordini S. Hieronymi Hispaniæ, vt Priores monasteriorum existentes, non solum vestes, & alia ornamenta ecclesiastica ad cultum diuinum pertinentia, vt eis concesserat Innocen. 8. sed etiam corporalia, & alia omnia suorum monasteriorum quibus christi matris vnctio non interuenit, liberè, & licitè benedicere possent.

Pro Ecclesiarum immunitate etiam multa fuerunt edita priuilegia, nam Nicolaus 4. priuilegio suo 2. eas exemit à visitatione Ordinariorū his verbis.

Nos itaque diligentius attendentes, &c. Volentes, &c. vos (scilicet fratres ordinis Prædicatorū) & prædictum ordinem, ac Ecclesias, oratoria, domos, & loca vestra, in quibus habitatis, & habitabitis, dum eas habitaueritis, cum omnibus iuribus, & pertinentiis suis, à cuiusvis alterius iurisdictione, & potestate omnimodè eximimus ex gratia speciali, decernentes ex nunc, eundem ordinem, personas, Ecclesias, & oratoria, ac loca præfata, soli Romano Pontifici, & Romane Ecclesie tam in temporalibus, quàm in spiritualibus subesse.

Bonifacius 8. in suo Priuilegio 2. idem concedit hac phrasi verborum.

Decernentes vos, & ordinem prædictum nullo medio soli Romano Pontifici subiacere.

Ecclesias in super, oratoria, domos, & loca, qua tenetis, & in futurum tenebitis, dum, & quoties illa tenere, & habitare contigerit, exempta prorsus existere, nulloque medio sedi Apostolica subiacere.

Nicolaus 5. privilegio suo 6. declarat Ordinarios non posse sententias excommunicationis, suspensionis, & interdicti, contra personas, & loca nostra promulgare, neque ullam superioritatem exercere, his verbis.

Decerentes ordinem, Magistrum, Priores, fratres qui nunc sunt, & erunt pro tempore, monasteria, loca, hospitalia, Ecclesias, &c. cum omnibus iuribus, & pertinentiis suis, solum, & immediatè sedi prædictæ subiacere, ita quod Ordinary, & Prælati, seu quævis alia persona in ea (ut pote prorsus exempta) generaliter, vel specialiter, communiter, aut diuifim, non possint quavis auctoritate excommunicationis, suspensionis, & interdicti sententias promulgare, aut alias ratione delicti, aut contractus vel rei de qua agitur, ubicunque committatur delictum, iniatur contractus, vel res ipsa consilias, potestatem seu iurisdictionem aliquam exercere quomodolibet possint.

Sixtus 4. in Mari magno eandem concessionem repetit, & nullitatem factis in contrarium apponit, horum verborum serie.

Decerentes quoque ex nunc quaslibet excommunicationis, suspensionis, & interdicti sententias, & quoscunque processus, quasuis penas, & sententias generales vel speciales continentes, quos, vel quas, promulgari, vel haberi, & omnia qua contra fratres, domos, & loca dicti ordinis quomodolibet fieri contigerit, etiam eorum exemptione (ut pote notoria) non aliter allegata, nullius roboris, vel momenti esse, & pro infectis haberi debere, volumus, & declaramus.

Ad sunt etiam Congregationum decisiones super hoc, maxime ut nostræ Ecclesiæ ab Episcopis visitari non possint, unde.

Congregatio Concilij Trid. nullam habere potestatem quouis tempore in monasteriis, domibus, & Ecclesiis regularium exemptorum, quibus non imminet cura animarum secularium, visitandi Ecclesias, sacristias, paramenta, vasa sacra, Altaria, & huiusmodi, nec etiam pixidem in quo asseruatur Sanctum Eucharistiæ Sacramentum.

Congregatio etiam Regularium decreuit. Curam animarum in Ecclesiis Regularium exercentes, tam regulares quam seculares, Ordinarij iurisdictioni subsunt, in concernentibus curam animarum, & administrationem Sacramentorum tantum iuxta formam Concilij.

De Ecclesiis vero quibus animarum cura annexa est agetur infra suo cap.

Qui etiam violentiam, Ecclesiis nostris inferunt, excommunicationem eo ipso incurrunt, nam præter illam excommunicationem quæ habetur in cap. Conquesti, extra, de sententia excommunicationis quam Caietanus in summa verbo excommunicationum, 21. sub his verbis refert.

Memoratos sacrilegos (qui scilicet confregerant violenter quasdam Ecclesias, & expoliauerant) excommunicatos nunciatis, & faciatis ut excommunicatos euitari, donec passim iniuriæ congruè satisficiant, & damna data resarciant, & cum literis vestris veritatem continentibus Apostolice conspectui representent.

Clemens 4. privilegio 2. & Bonifacius 9. privilegio suo 5. ita disponunt.

Perpetua, & irrefragabili constitutione constituimus, & etiam ordinamus, ut de cætero quacunque persona cuiuscunque status vel conditionis extiterint, quæ Ecclesias sine

quæcunque loca dicti ordinis violare, seu in eis violentiam damnabilem exorcere præsumperint, co ipso excommunicationis sententia sint inmodata, à qua nisi per sedem Apostolicam vel Conformatores eisdem fratribus contra eisdem inferentes incurris, ab eadem sede deputatos, (iniuriam passis prius debite satisfactis,) nequeant absolui.

De immunitate Ecclesiarum quo ad delinquentes ad eas confugientes.

CAPVT XXI.

Magna profecto iniuria fieret loco sacro, si confugientes ad illam possent Iudices seculares vi extrahere, & ideo non permittenda est huiusmodi violatio. Quamuis autem Sixtus V. in odium bannitorum ac latronum pro regno Neapolitano Constitutionem ediderit, incipientem. *Alias felicitis recordationis, &c.* qua constituit ut huiusmodi facinorosi viri non possent se hac immunitate Ecclesiastica defendere, si ad Ecclesias confugissent, & Iudices seculares possent illos à locis sacris extrahere, imponendo etiam pœnas religionis si eos impedirent. Tamen Gregorius XI V. omnibus bene pensatis Constitutionem edidit, quæ nunc seruanda est, cuius summa hæc comprehendit capita.

Hac itaque nostra perpetuo valitura Constitutione, omnia, & quæcunque priuilegia indulta, & gratias per quoscumque nostros prædecessores, aut nosmetipsos, & sedem Apostolicam, seu legatos super extrahendis ab Ecclesiis, Monasteriis, ac locis religiosis, &c. quorum tenores hic haberi pro expressis volumus, &c. ita ad vnâ tantam formam reducimus, & moderamus, vt laicos ad Ecclesias loca sacra ac religiosa confugientibus, si fuerint publici latrones, viarumque grassatores, qui itinera frequentata, vel publicas stratas obsident, ac viatores ex insidiis aggrediuntur, aut depopulatores agrorum, quiue homicidia, aut mutilationes membrorum in ipsis Ecclesiis, earumque cæmeteriis committere non verentur, aut qui proditoriè proximum suum occiderint, aut assassinij, vel hæresis, aut læsæ maiestatis in personam ipsiusmet Principis rei existerint, immunitas Ecclesiastica non suffragetur, sed vniuersis Patriarchis, Primatibus, Archiepiscopis, Episcopis, cæterisque Ecclesiarum, & monasteriorum Prælati, tam secularibus, quam cuiusvis ordinis regularibus districtè præcipiendo mandamus, & præcipimus, vt laicos in casibus prædictis delinquentes ad eorum Ecclesias, domos, monasteria, & alia loca sacra, & religiosa respiciue confugientes, & in eis se recipientes ac morantes, qui prædicta delicta eorumque aliquod iudicio suo commisisse videbunt, quando à Curia seculari requisiti fuerint, & quilibet eorum fuerit requisitus, ministris, & officialibus Curia secularis, absque irregularitatis nota, aut aliquius censura Ecclesiastica incurso, iradi, & consignari curent, & faciant, & quilibet eorum eures, & curari faciat. Ne autem Curia secularis ministris facultate, illos perse, & propria auctoritate extrahendi, & adducendi sibi olim vt præfertur attributa, & per presentes reuocata, abutiantur, volumus, decernimus, & declaramus, vt Curia secularis, eiusque Iudices, & Officiales ab Ecclesiis, monasteriis, locisque sacris prædictis, laicum aliquem vt præferint delinquentem, in nullo ex easib. prædictis, sine expressa licentia Episcopi vel eius Officialis, & cum interuentu persone ecclesiastica ab eo auctoritatem habentis, ad quos solos, & non ad alios Episcopis inferiores,

etiam si alio Ordinarij sint, aut nullius diocesis, aut Conservatores ab hac sede Apostolica specialiter, vel generaliter deputati, prædictam licentiam dandi facultas pertinet. Occurrente autem casu in loco exempto, & nullius diocesis, tunc ad Episcopum viciniorem deuluantur hæc cognitio, & non ad alios, capere, extrahere aut incarceratione non possint, nisi eo casu quo ipse Episcopus, & dictæ personæ Ecclesiasticæ requisitæ alios in delictis superius expressis culpabiles, tradere aut captivæ, & incarcerationi intervenire, & assistere recusaverint; tuncque reverentia ecclesiasticæ, & loci sacri debite memores, prædictos delinquentes minoris, quo id fieri possit scandalo, & tumultu extrahere curent. Quodq; delinquentes laici prædicti, postquam ut præsertim ab Ecclesiis locisve sacris extracti, & capti fuerint, ad carceres Curie ecclesiasticæ reponi, & inibi tuto & firmo carcere, ac opportuna custodia dati illis (si opus fuerit,) per Curiam secularem, detinere debeant, nec inde extrahi, Curiaq; seculari consignari, nec tradipossint, nisi cognito prius per Episcopum, seu ab eo deputatum, an ipsi verè crimina superius expressa commiserint, tuncque deinde de mandato Episcopi per Iudicem ecclesiasticum Curie seculari, quacunque appellatione postposita consignentur. De crimine vero hæresis cognitio tota ad forum Ecclesiasticum pertineat, nec in ea Curia secularis se quoquomodo intromittat, sicut etiam prohibemus, nec contra Ecclesiasticos personas seculares, vel cuiusvis ordinis regulares, vel militis, etiam S. Io. Hierosolimitani, etiam vigore quoruncunque privilegiorum, &c. quæ omnia ad terminos iuris reducimus, procedant, aut se intromittant, illisue à locis sacris extrahant, etiam in casibus hic expressis, &c. Quod si quis quacunque dignitate peditus, præmissorum quædam contra hanc Constituti. attentate præsumpserit, ipso facto censuras quæ contra libertatis Ecclesiasticæ violatores sunt promulgatæ, incurrant. Non obstantibus, &c.

De cæmeteriis, sepulturis, & quarta funeralium.

CAPVT XXII.

Possimus iuxta Ecclesias nostras habere cæmeteria, & in eis habere sepulchra nedum pro sepeliendis cadaueribus fratrum decedentium, sed etiam pro quibuscumque secularibus, qui eligunt apud nos sepeliri, quod patet ex infra notatis privilegiis, Et primo Gregorius IX. in suo privilegio 3. ita disponit.

Sepulcrum Ecclesiarum vestrarum liberam esse decernimus, & illorum deuotioni, & extremæ voluntati qui illic sepeliri deliberaverint nullus obstat, salva tamen iustitia. Vtrum Ecclesiarum à quibus mortuorum corpora assumuntur.

Sixtus IV. in Mari magno ita concedit.

Sepulcrum quoque in locis, cæmeteriis, & Ecclesiis vestris concedimus, & eam esse liberam censemus, ut eorum deuotioni, & extremæ voluntati, qui se illic sepeliri desideraverint, (nisi excommunicati, vel interditi, aut etiam publice usurarii fuerint) nullus obstat, salva tamen iustitia, ut supra. Districte inbibentes, ut nulli religiosi, vel seculares vobis inuitis, aliquorum corpora defunctorum in vestris cæmeteriis sepelire, aut in Ecclesiis vestris missarum solemnitas, vel pro animabus illorum, quæ ad loca vestra tumulandi deferuntur, ibidem exequias celebrare sine vestro assensu præsumant.

Et infra in eadem Bulla subdit.

Illam vero partem literarum Gregorij prædicti qua liberam esse voluit sepulturam in Ecclesiis prædicatorum, salua vi supra, declarantes, liberi aem huiusmodi intelligi debere dicimus etiam quo ad hoc, vi fratres ipsi, nullius super hoc petita licentia Parochias in quibus corpora prædicta forent, cum Cruce processionaliter ingredi, & corpora ipsa leuare, & ad ipsorum Ecclesias sepelienda deferre possint, ubi hoc consuetum foret vel præbyteri de leuatione requisitis hoc facere recusauerint. Nec cogantur inuisi etiam prætextu consuetudinis, illa ad Parochiales Ecclesias, aut alia loca deferre, & cum illis, vel sine illis celebrari facere pro eisdem diuina officia ante, vel post sepulturam eorundem.

Leo X. in bulla, quæ incipit, Sacro approbante Concilio, prohibet fratribus vt infra.

Parochias autem cum Cruce ad leuanda corpora eorum, qui apud eorum (i. Prædicatorum) Ecclesias suam elegerint sepulturam intrare non possint, nisi præmonitis, & requisito, ac recusante Parochiano præbytero, & tunc sine eius, & Ordinarij præiudicio, & nisi aliqua consuetudo, quæ sit in viridi obseruantia illis suffragetur. Volentes quoque sepeliri in habitu eorundem fratrum, in claustro non degentes, sed in propriis domibus manentes, in eorum vltima voluntate sepulturam sibi eligere possint.

Benedictus XI. specialiter etiam dicit in suo priuilegio 2.

Inuenimus, vs fratres (s. Prædicatores) corpora defunctorum, qui apud eos dum viverent sepulturam elegerunt, processionaliter cum Cruce, thuribulo, & aqua benedicta, cantando, vel legendo officium mortuorum, vel psalmos, & alias ingrediendo Parochias, possint assumere, & ad suas Ecclesias deferre.

Notabis tamen, quod in Clem. Cupientes extra de pœnitentiis, prohibetur sub pœna excommunicationis cum reservatione, ne quis etiam regularis inducat aliquem ad vouendum, vel iurandum, aut alias fide interposita promittendum, vt sepulturam in suis Ecclesiis eligant, vel mutant.

Quantum autem spectat ad canonicam portionem, adnotetur decretum Concilij Tridentini, sess. 25. c. 13. de Reformatione, quod est.

Decretum S. Synodus, vi quibuscunque in locis iam ante annos quadraginta, quarta, quæ funeralium dicitur, Cathedrali, aut Parochiali Ecclesia solita esset persolui, ac postea fuerit ex quocunque priuilegio aliis monasteriis hospitalibus, aut quibuscunque locis prius concessa, eadem post hac integro iure, & eadem portione, qua antea solebat Cathedrali, sine Parochiali Ecclesia persoluantur. Non obstantibus priuilegiis, &c.

De quibus autem quarta hæc sit soluenda declarant infrascripta priuilegia.

Alexand. IV. priuilegio 22. concedit, vt infra.

Ex parte vestra fuit propositum coram nobis, quod nonnulli Rectores Ecclesiarum de his, quæ a fidelibus in ornamentis, vel pro eis, seu fabrica, luminaribus, annisuerariis, septimo, trigesimo, sine aliis ad perpetuum cultum diuinum vobis legantur, quandoque tertiam, interdum quartam partem, & frequenter medicatam à vobis, vel ab vltimarum voluntatum executoribus, aut decedentium heredib. exigunt, vel extorquent nomine canonice portionis, & nisi eis pars prædicta concedatur, in vos, vel executores, & benefactores vestros excommunicationis, sine interdicti, aut suspensionis præ-

tionis præsumunt sententias fulminare. Super his igitur vobis providere volentes, universis Prælati, & Rectoribus Ecclesiarum, ne de præmissis à vobis, siue ab executoribus, vel heredibus, ut supra, portionem aliquam contra constitutiones canonicas exigere vel extorquere præsumant, aut in eos, vel loca sententias aliquas hac occasione proferre, auctoritate præsentium districtius inhibemus, decernentes irritas, & inanes, &c.

Benedictus 9. in dicto suo privilegio decernit, ut infra.

De quibuscunque verò relictis dictis fratribus, & in communi, & in speciali, in ultimis decedentium voluntatibus, nulla per Parochiales morientium canonica portio, & multo minus per Episcopos quarta Episcopalis subtrahatur, cum eis, (cum sint exempti) non subsint. De funeralibus autem, medietatem si commode diuidi possunt, alias medietatis estimationem persoluant. Funeralia vero intelliguntur hoc casu, quæ cum funere deferuntur. De candelis autem, quas fratres portant portio non petatur.

Sixtus 4. in Mari magno decernit.

De candelis autem, quæ per manus fratrum dantur, non detrahatur. In reliquis vero quibus quarta soluenda veniret, conventiones si quæ sunt inter fratres prædictos, & locorum Ordinarios, ac Ecclesiarum Rectores in ius laudabiles in posterum seruentur. Et si forte per nos, & sedem Apostolicam de pijs legatis, & relictis decima, seu alia quota portio alicui concessa foret, aut in futurum concedi contingerit, fratres prædictos, (i. Prædicatores) loca, ac eis legata, vel relictæ, decernimus, & volumus, non includi, nisi de præfatis decreto non per clausulas generales, &c.

Leo 10. in privilegio 9. idem confirmat, & monet eos ad horum manutentionem. Idem decernit, & Pius V. in Bulla declarationis, & confirmationis privilegiorum nostrorum, quæ non fuit reuocata, nisi in his quæ obstant decretis Conc. Tridentini.

De his qui petunt sepeliri cum habitu ordinis dicitur infra cap. de Vestibus.

Quædam decreta edita à Congregatione regularium pro resolutione controuersiarum inter Archiepiscopum Mediolanensem, & Regulares in his.

Liberum sit heredibus defuncti unum pluraue officia pro defuncto in Ecclesiis regularium celebrare facere, nec non tot ex regularibus eiusdem Conuentus vocare, quos eis videbitur.

Parochi à regularibus in quorum Ecclesiis Parochianum sepeliri contigerit, non plus portione sibi iure, seu consuetudine debita, quæ quarta dicitur exigatur.

Si corpora defunctorum sepelienda in Ecclesiis monialium regularibus subiectarum deferantur, Parochis nō liceat, ad dictas Ecclesias deferre, nisi de consensu Superioris, vel Confessarii, qui tunc præsens aderit, Heredes autem non astringantur regulares qui bus monasterium subest, ad funus euocare.

Eadem sacra Congregatio statuit circa quartam funeralium omnino standum esse in decreto Conc. Tridentini.

Congregatio Concilij censuit, quoties cadauera ad Ecclesias mendicantium deferuntur, officium mortuorum, & cætera munia, quæ in huiusmodi ministerijs adhiberi solent, non à Canonicis, & Clero, sed à fratribus peragere debent.

CAPVT XIII.

Conc. Trid. ſeſſ. 25. de Regularibus cap. 13. ita habet de proceſſionibus. *Exempli autem omnes tam clerici regulares, quàm ſeculares quicumque etiam Monachi, ad publicas proceſſiones, vocati, accedere compellatur, hijs tamen exceptis, qui in ſtrictiori clauſura perpetuo viuunt.*

Leo 10. in Bulla Sacro approbante Conc. inquit.

Ab Episcopis, & Prælatiſſ. acies ad proceſſiones ſolemnēs pro tempore faciendās requiſiti accedere debent, dummodo eorum loca ſuburbana vltra vnum miliare à ciuitatib. reſpectiue non ſint remota.

Congregatio Concilij cenſuit regulares monaſterij vltra medium miliare, à ciuitate diſtantes, non poſſe ab Episcopo compelli ad proceſſiones accedere.

Eadem Congregatio cenſuit Episcopos caſibus prædictis, poſſe regulares compellere per cenſuras eccleſiaſticas, & alias pœnas arbitrarias.

Eadem congregatio cenſuit proceſſiones publicas eſſe, quæ ſunt in feſto corporis Chriſti, in Iſtaſijs, & in hileis publicis, & quæ iuſſu Episcoporum ſunt pro bono publico.

Per fratres ſolent fieri proceſſiones aliquæ ſeparatim à clero, pro quibus aliqua notanda ſunt. Et quia fertur ſacram Congregationem regularium decreuiſſe regulares in huiusmodi ſuis proceſſionibus nō exeat limites ſuæ Parochiæ, neque alienas intrare poſſint, ſine licentia Parochi in cuius fines intrare intendunt. Et quod in eis non permittantur puellæ portare imaginem B. Virginis vel aliam quamcumque ſacram. In fauorem tamen ſocietatis S. Roſarij promulgatum fuit ab eadem huiusmodi decretum.

Congregatio regularium cenſuit, ſeruandam eſſe conſuetudinem ab annis decem retroſeruatam, vt proceſſio ſocietatis S. Roſarij poſſit fieri per totam ciuitatem, vel terram, in quatuor feſtiuitatibus S. Mariæ virginis.

Hæ autem feſtiuitates ſunt, Natiuitatis, Annuntiationis, Purificationis, & Aſſumptionis eiſdem B. Mariæ. Propter has autē proceſſiones, & quæcumq; alias licitum eſt mulieribus intrare primum clauſtrum, ita reſertur in cap. Romano 1571. Pium 5. declarafſe. Habetur etiam aliud decretum Congreg. Regul. huiusmodi.

Liceat regularib. in ſuis Eccleſiis & infra ſepta ſuorum Monaſteriorum, SS. Euchariſtia Sacramentum proceſſionaliter circumferre, & ſuper altare publicè adorandum exponere, ex quavis publica ſine priuata cauſa.

De proceſſione vero, quæ fieri ſolet quibuſdam in locis Dominica infra octauas Corporis Chriſti à fratribus, diuerſas habemus deciſiones. Nam Pius 5. referente Gregorio 13. & Clemente 8. vt infra, conceſſerat ordini noſtro, vt eo die nos ſoli facere proceſſionem poſſemus. Quam conceſſionem reuocauit Gregorius 13. bulla 39. apud Rodericum, per hæc verba.

Nos igitur ex mera noſtra deliberatione, & certa ſcientia, vniuerſis eccleſiaſticis perſonis tam ſecularibus, quam quorūcūque ordinum regularibus concedimus, vt non obſtantibus literis Pij 5. quibus concedebatur, vt ſoli fratres Prædicatores dicto die Dominico proceſſionē facere poſſent, eis liceat ipſo die Dominico ac omnibus alijs diebus in-

fra octau. Corporis Christi processionem facere, annullantes in hoc prædictas literas, &c. Clemens vero 8. eadem literas Pij. 5. roborauit his verbis.

Dudum sel. recor. Pius 5. pijs causis adductus perpetuo concessit professoribus ord. Pred. quod in ciuitatibus, opidis, villis, & terris, in quib. soliti erant processionē celebrare, in die Dominico infra oct. Corporis Christi illam singulis annis celebrare possent, & alijs presbyteris ac fratribus aliarum religionū inhibuit, ne dicto tempore, & hora processionem facere, aut cum eis concurrere auderent, &c. Et ut Christi fideles maiori cum deuotione, & numero conuenirent, interessentibus plenariam indulgentiam est elargitus, prout in eius literis datus sub forma Breuis die 21. Iunij 1571. plenius apparet. Cum autē credatur, quod dictus Pontifex hanc gratiam concesserit tam fabricatis, quàm fabricandis domibus dicti ordinis, &c. Nihilominus, &c. Nos dictarum literarum tenores ac si de verbo ad verbum infererentur. præsentibus pro expressis habentes, supplicationib. inclinati, literas prædictas cum omnibus clausulis concessionibus, & inhibitionibus ad omnes domos fabricatas, & fabricandas, in omnibus ciuitatib. oppidis, & villis terris, auctoritate Apostolica tenore presentium extendimus, & ampliamus, ita ut Priores in quibuscunque mundi partib. processionem dicto die per rivos, plateas, & loca ab eis electa, & semel tantum eligenda, soli absq; ullo impedimento celebrare possint inhibentes omnib. presbyteris, & fratrib. aliarum religionum, ne dicto tempore, & hora similes processionem celebrare, aut cum dictis fratrib. Predicatorib. concurrere audeant. Nec non singulis personis verè penitentib. & confessis, aut propositum consueudi statuti temporib. habentib. quæ dictæ processionem deuotè interfuerint, plenariam omnium peccatorum indulgentiam ac remissionem auctoritate præmissa elargimur, Non obstantib. quibuscumq; Constitut. & ordinat. Apostolicis, &c. Datum Roma die 8. Martij. 1592.

Quo vero ad præcedentiam in processionibus, & alijs actionibus notandum est, quod Conc. Trid. sess. 25. de reg. cap. 13. statuit.

Controuersias omnes de præcedentia, quæ persæpe maximo cum scandalo oriuntur inter ecclesiasticas personas, tam seculares, quàm regulares, tam in processionibus publicis, quàm in his, quæ sunt in tumulandis defunctorum corporibus, & deferenda vmbella alijsque similibus, Episcopus semota omni appellacione componat, non obstantibus quibuscumque, &c.

Congregatio regularium anno 1593. censuit.

Ad tollendas omnes lites, & controuersias, quæ inter regulares plerumque solent oriri super eorum præcedentia in processionib. ceterisque actib. tum publicis tum priuatis, illud in futurum obseruandū censuit, quod in hac alma Vrbe omnium Magistræ seruatur.

Post Concilium autem videntur Pontifices diuersa constituisse, nam Pius 5. in sua Constitutione edita 1568. quæ incipit Diuina disponente, iubet ut infra.

Et nihilominus fratres ipsos ordinis Predicatorum, primum digniorem & honorabiliorem locum inter ordines mendicantium tenere debere, etiam si tales essent, qui non generali sermone comprehenderentur, sed speciali notæ indigerent, tam in sessionibus, & congregationibus quorumcunque conciliorum generalium, siue provincialium, quàm in processionibus ministerijs, & alijs actibus publicis, vel priuatis, in quibuscunque ciuitatibus, oppidis, & terris, & alio locis, specialiter, præceminentia, omnino gaudere iubemus, statuimus, & diffinimus, etiam si illic domos, loca, Conuentus, vel

Ecclesias non habuerint, siue habeant, & etiam si aliorum ordinum mendicantium fratres, in eisdem ciuitatibus & locis antiquiores existant, vel eorum domus, & Ecclesia ibi prius fundata fuerint. Districte in virtute S. Obedientia, & sub pana excommunicationis maioris ipso facto incurrenda omnibus Religiosis, ne premissorum occasione dictos fratres molestare, inquietare, aut impedire presument, inbibentes, &c. Non obstantibus, &c.

Gregorius vero 13. in oppositum ordinauit Const. quæ incipit De nobis, &c. Vbi dicit.

Apostolica auctoritate decernimus, quod quicumque de fratribus, mendicantibus, quos inter se de precedentia contendunt, qui sunt in quasi pacifica possessione precedentia ac iuris, in processionibus, &c. precedere debent. Quando vero non probetur hæc quasi pacifica precedentia, illi qui antiquiores sunt in loco controuersia precedere debeant. Et ille ordo, qui in aliquo loco prius domum habuerit, alios precedat, &c. Nolumus autem per presentes aliquod praiudicium generari super precedentia ordinum in Conciliis, & aliis actibus publicis, & priuatis, &c.

Clemens 8. Decretum edidit quo declarat in Prouinciis Hispaniarum illum ordinem seruari debere inter fratres nostros, & aliorum ordinum mendicantium, qui in Vrbe Roma seruatur. scilicet ut in omnibus actibus, & processionibus tam publicis, quam priuatis Prædicatores digniorem locum obtineant, etiam si illorum domus in eo loco penitus fundata non sit, & apponit excommunicat. latæ sententiæ.

De Ecclesijs, & earum cultu.

C A P V T XXIII.

Conc. Trid. sess. 12. capite de obseruandis in celebratione missæ, ita de Ecclesijs disponit ac de earum cultu.

Ab Ecclesijs vero musicas eas, quæ siue organo, siue cantu, lasciuum, aut impurum aliquod miscetur, item seculares omnes actiones, vana atque ideo profana colloquia, deambulationes, strepitus, clamores, arceant Episcopi, ut domus Dei verè domus orationis esse videatur, & dici possit.

Pius 5. ut executione prædicti decreti Constitut. edidit 1566. in qua de Ecclesijs dicit.

Stanimus, ut ad Ecclesias humilis sit accessus, deuotus ingressus, quæta conuersatio, deuotis orationibus insistant, omnes genuflexi Sanctiss. Sacramentum adorent, & ad nomen Iesu Christi caput inclinent, nullus in eis seditionem faciat, tumultum exister, clamores moueat, impetumque committat. Cessent vana sæda & prophana colloquia, risus immoderati, & strepitus iudiciorum, & alia quæ diuinum officium perturbare possunt. Nullus in eis deambulare audeat dum diuina celebrantur officia, aut diuinum verbum prædicatur, nec verso tergo ad Sanctiss. Sacramentum irreuerenter sedere. Nullus cum mulieribus impudicis, sed etiam honestis, colloquium scurrile habeat, vel actus inhonestos faciat, &c.

Idem Summus Pontifex hæc addit.

Pauperes quoque mendicantes, vel elemosynas petentes per Ecclesias tempore missarum, predicationum, aliorumque diuinorum officiorum ire non sinant, sed eos ad valnas Ecclesiarum stare faciant sub pena, &c. Religiosis vero claustralibus precipimus in virtute S. Obedientiæ, vt in Ecclesiis suis deputent aliquem qui tales cicias. Et si negligentes fuerint grauissimè ab Ordinario corripiantur, quod si illis parere recusauerint, grauissimas pœnas incurrant, etiam corporales arbitrio nobis, vel Superiorum, &c.

Ecclesiæ, & quælibet ad diuinum cultum facientia decenter aptentur, & mudentur, & ita accommodentur, vt nil sit, quod domum Dei dedecet, vel aduenientium oculos quomodolibet offendere possit. Venetiis 1592.

In locis vbi ad minus tres, vel quatuor fratres clerici morantur, horæ canonicæ in choro persoluantur, & Sanctiss. Eucharistiæ Sacramentum super altare in decente pixide conseruetur, cum vna saltem accensa lampade. Neap. 1600.

In Ecclesiis fratres, nec inter se nec cum secularibus confabulantes deambulent, maximè in prospectu Sanctiss. Sacramenti, & Prælati super hoc diligentiam adhibeant, quod maxime observari debet in præsentia secularium, quos à nobis discere oportet, quanta reuerentia locus iste venerandus sit, Romæ 1571. & duobus sequentibus.

Congregatio regularium censuit, & statuit, vt liceat regularib. in eorum Ecclesiis, & infra septa Monasteriorum suorum, Sacrosanctum Eucharistiæ Sacramentum processionaliter circumferre; & super altari publicè adorandum exponere, ex quauis causa publica, vel priuata.

In regula autem P. Augustinus dicit.

In oratorio nemo aliquid agat, nisi ad quod factum est, vnde & nomen accepit, vt si forte præter horas constitutas si eis vacat aliqui orare voluerint, non eis sint impedimento, qui ibi aliquid agendum putauerint.

De Ecclesiis quibus animarum cura annexa est.

CAPVT XXV.

Ecclesiæ quibus animarum cura sit annexa non recipiantur.

Item nullus audeat instare, vel rogare pro beneficiis suis consanguineis obtinendis. *Cap. De domibus concedendis, &c.*

Quamuis per Constitutionem prædictam prohibeatur fratribus nostris curam animarum secularium, ex privilegiis tamen summorum Pontificum conceditur, vt ex hoc patet.

Honorius III. in bulla confirmationis ordinis dicit.

In parochialibus Ecclesiis quas habetis, liceat vobis sacerdotes eligere, & diocesano Episcopo præsentare, quibus Episcopus curam animarum committat.

Sixtus IV. in Mari magno ita concedit.

Concedimus eisdem fratribus, ut in concessis, & quas eis concedi contigerit curas Ecclesiis, per Capellanum per eos pro eorum nutu ponendum, & amovendum, curis huiusmodi exercere valeant. Qui quamdiu capellanatus officio, fungatur, ac si dicti ordinis Predicatorum professor existeret, dictorum fratrum Predicatorum libertate, & exemptione ubique fruatur, Ecclesia vero predicta, & illarum bona, prerogativa quæ cætera illorum bona gaudent, laetetur.

Sed Leo X. hanc Sixti concessionem moderatur in bulla, quæ incipit.

Sacro approbante Concilio, &c. statimur, quod Episcopi, & alij Prælati, parochiales Ecclesias ad eosdem fratres legitimè spectantes ratione locorum suorum, quo ad ea, quæ ad parochianorum curam, & sacramentorum conservationem, & administrationem pertinent, (sine tamen visitorum insolito gravamine, vel impensa) visitare, & iuxta illarum curam gerentes, & circa illam delinquentes, si religiosi fuerint ipsius ordinis regularia instituta in septa regulari loci, secularis vero presbyteros, & fratres huiusmodi beneficia obtinentes libere tanquam sue iurisdictioni subiectos, punire valeant.

Conc. autem Trident. sess. 25. de regularibus cap. 11. ita disponit.

In monasteriis, seu domibus virorum, seu mulierum, quibus imminet animarum cura personarum secularium, præter illas, quæ sunt de illorum locorum familia, personæ tam regulares, quàm seculares huiusmodi curam exercentes sub sint immediate in his, quæ ad curam, & sacramentorum administrationem pertinent, iurisdictioni, visitationi, & correctioni Episcoporum in cuius diocesi sunt sita. Nec ibi aliqui etiam ad nutum amovibiles deputentur, nisi de eiusdem consensu ac prævio examine, per eum vel eius Vicarium faciendo, exceptis locis illis in quibus Generales, siue capita ordinum sedem ordinariam habent.

Sess. autem 24. cap. 2. de reformatione.

Ratione parochialis, aut aliarum secularium Ecclesiarum etiam annexarum, illi qui illarum curam exercent, quicumque illi sint, debent Synodo diocesanæ interesse. Et ex decretis Congreg. hæc habentur.

Congregatio regularium censuit. Ex fructibus parochiæ unita monasteriis detrahenda est merces Vicarij, qui ei infernet, non autem ex fructibus monasterij.

Eadem Congregatio etiam statuit curam animarum in Ecclesiis regularium exercentes tam regulares, quàm seculares, Ordinarij iurisdictioni sub sint in concernentibus curam animarum, & sacramentorum administrationem tantum, iuxta formam Concilij.

Et Congregatio Concilij decernit Episcopos, aut alios locorum Ordinarios vigore cuiuscunque Decreti Concil. Trident. nullam habere facultatem quovis tempore in Ecclesiis regularium quibus non imminet cura animarum secularium, visitandi Ecclesias, Sacristias, paramenta, vasa sacra, altaria, & huiusmodi, aut etiam pixidem in qua assernatur Sanctiss. Eucharistia Sacramentum.

De altaribus, sacristiis, & illarum sacris utensilibus.

CAPVT XXVI.

Honorius III. Innocentius IV. & alij concesserunt, ut possimus celebrare super altare portatile quod privilegium confirmavit Sixtus IV. in Mari magno his verbis.

In locis in quibus degitis, liceat vobis habere oratoria, in quibus cum altari portatili missarum solemnia celebrare possitis.

In capitulo Veneto 1592. hæc statuuntur de vtenfilibus sacris.

Altaris consecrati mensa sit decenter strata, & ornata, ac munda, tribusque mappis, lineis & mūdīs cooperta, quæ etiam habeat coopertorium coriaceum, vel ex grossiori & colorata tela, quod à pulnere, & ab aliis immunditiis mappas præseruet, Neque sub ipsa mensa quicquam omnino reponatur.

Altaria portatilia ex præpolito lapide integra sint, aut non pro maiori parte fracta, longitudinis vnus palmi cum dimidio, & latitudinis vnus ad minus, non computato ornamento ligneo, crassitudinis vniciarum circiter duarum, quo circumquaque & subtus ligari firmiter debebunt. Quæ quidem mensæ altaris aptè inferantur, atque ita vt inter vtrumque cornu mensæ in medio collocata sint, ab ipsius fronte non longius distent spacio dimidij palmi. Sint vero illa inserta, vt è mensæ superficie vix paulum aliquid extet, quod sacerdotis celebrantis tactu dignosci possit.

Corporalia è tela linea pura, & candida sint, ac simplicia, nihilque elaborata, & nihil sericum intextum habeant, ab oris autem acus opere simplici punctum solum retorta sint. Eadem non notabiliter parua, aut magna erunt, sed conuenientis mensuræ, ita vt latitudo sit duorum palmorum, longitudo vero duorum cum dimidio ad minus. Nunquam tamen tam magna, vt quatuor plicas in longum, & tres in latum excedant.

De burfis (quod dicitur) illæ super Calicem ad altare deferantur, quæ Crucem, vel aliam sacram imaginem ex vna parte intextam habebunt, ex altera vero, (quæ ex eadem materia, & colore esse debet) verba consecrationis in cartula impressa. Intrinsecus vero subserico, vel tela tenui candida circumuestitæ sint.

Ampullæ non ex argento, stanno, auricalco, alioque metalli genere, sed è cristallo, aut vitro perlucido non picto, & denique ab omni parte sordibus pura, & suo quæque operculo stanneo argenteoque coopertæ sint.

A lateribus Ecclesiæ extra capellæ maioris ambitum loco aperto patentiq; confessionaria secundum formam à Visitationibus Apostolicis præscriptam constituantur, & nemo Confessariorum audeat sub pœna suspensionis ad audientia Confessionum, mulierum confessiones nisi ad fenestellam, crate ferrea, vel ligneæ, aut alterius materiei munitam, & cum cappa semper audire.

In qualibet sacristia in loco patenti adsint decentes tabulæ quatuor. In quarum prima affixæ sint literę processus in Cœna Domini, prout quotannis à S. D. N. promulgatæ erunt. In altera tabula casuum quorum absolutionem sibi Episcopus seruauerit, quique alio quouis iure, vel eidem, vel summo Romano Pontifici reservati sunt. Tertia verò Anniversaria ad quæ quilibet Conuentus tenetur, descripta continebit. Quarta proinde in secretiori sacristiæ loco asseruabitur, in qua missæ omnes quotidie siue per aliquot dies hebdomadæ, vel simpliciter, vel ad particularia Ecclesiæ altaria persoluendæ, descriptæ continebuntur, quatenus cum ab aliis, tum à sacri-

sta, & Prelato pro tempore, conuentus onera circa missarum celebrationem sciantur, & eisdem satisfieri procurent. Porro conuentuum Præfidentibus sub formali præcepto mandamus, vt infra quindecim dies quartam hanc tabulam fecisse teneantur.

De Campanis Constitutio cap. de officio Ecclesiæ, ita disponit.

Fratres nostri non habeant in domibus nostris nisi vnam campanam ad omnes horas. Solus Hebdomadarius tam in choro quàm in processionibus, cappa serica vtatur.

In principio ordinis in domib. nostris non habebamus, nisi vnam campanam ad omnes horas, vt notatur in cap. Nimis primo extra de excess. prælatorum. Et in cap. Patentibus, de priuileg. sed huic Constitutioni derogatum est per contrariam consuetudinem quasi generalem saltem in Italia, quæ quidem præscripta est, & rationabilis propter deuotionem populi. Seruatur tamen hæc Constitutio quantum ad hoc, quod in diebus non solemnibus, non pulsamus nisi vnam campanam ad omnes horas. In festis verò duplicibus, & supra ad excitandam deuotionem populi pulsamus in Matutinis, Vesperis, & Missa plures campanas.

Leo X. in Bulla Sacro approbante Concilio ita disponit pro campanis pulsandis.

Et vt debitus honor matriæ Ecclesiæ exhibeatur, Fratres etiam super hoc Apostolicæ sedis priuilegio muniti, die Sabbati maioris hebdomadæ antequam campana cathedrales, vel matriæ Ecclesiæ pulsetur, campanas in Ecclesiis suis pulsare minime possint. Contrafacientes poenam centum ducatorum incurrant.

Congregatio autem regularium ita censuit.

Ordinary non impediunt fratres pulsare campanas ad matutinum, horas, & missam, antequam pulsetur campana maioris ecclesiæ, præterquam in die Sabbati Sancti.

De celebratione Missarum.

CAPVT XXVII.

Conc. Trid. sessione 22. decretum edidit de obseruandis, & euitandis in celebratione missarum quod est.

Decernit. s. Synodus, vt Episcopi ea omnia prohibere atque à medio tollere sedulo procurent ac teneantur, quæ vel auaritia dolorum seruitus, vel irreuerentia, quæ ab impietate vix seiuncta esse potest, vel superstitione vera pietatis falsa imitatrix inducit. Et vt multi paucis comprehendantur.

In primis quod ad auaritiam pertinet, cuiusvis generis mercedum conuentiones, pacta, & quidquid promissis nouis celebrandis datur, nec non importunas ac illiberales elemosynarum exactiões, potiusquam postulatiões, aliæque huiusmodi, quæ à simoniaca labe, vel certe à turpi quaestu non longe absunt prohibeant.

Deinde vt irreuerentia vitetur, singulis in suis Ecclesiis interdiciant, ne cui vago, & ignoto Sacerdoti missas celebrare liceat. Neminem qui publice, & notorie criminis sit, &c. Neud patiatur in priuatis domibus, atque omnino extra Ecclesiam, & ad diuinum

ad diuinū tantum cultū dedicata oratoria, ab eisdem Ordinariis designanda, & visitanda, sanctum hoc sacrificium à secularibus vel regularibus quibuscumq; peragi, & c.

Postremo ne superstitionis locus aliquis deur, edicto, & panis propositus caneant, ne Sacerdotes alijs quā debitis horū celebrent, nend ritus alios, aut alias cærimonias, & preces in missarum celebratione adhibeant, præter eas quæ ab Ecclesia probatz, ac frequenti, & laudabili vsu receptæ fuerint. Quarundam vero missarum, & candelarum certum numerum, qui magis à superstitioso cultu, quàm à vera religione inuentus est, omnino ab Ecclesia remoueant, & c. populum, vt frequenter ad suas parochias saltem diebus Dominicis, & maioribus accedant, & c.

Idem Conc. sess. 13, cap. 7. de Sacramento Eucharistiæ, in memoriam reducit, celebraturum si sibi conscius est peccati mortalis, quantumuis sibi videatur contritus, teneri prius illud sacramentaliter confiteri antequam celebret, modo non desit copia Confessoris.

In nostris Conuentibus in quibus frater um est sufficiens numerus, sacri altaris ministeria etiam minima, ab ordinatis ministris quoad fieri possit exerceantur. Nullusque deinceps sacris vestibus indutus solemniter Epistolam canere permittatur, qui ad eum ordinem non fuerit promotus, & Superiores tales abusus de medio tollant, & delinquentes seueræ vindictæ subiaceant. Bonon. 1564.

Omnes cærimoniz quæ ad altaris ministerium, & alia diuina officia in nostris ordinariis notatz sunt diligenter obseruentur, & in eis addiscendis, & exercendis, iuuenes instruantur. Et si in eis aliqua dubia oriantur, curæ Magister ordinis, vt per fratres ab eo deputandos explicentur, quo in hoc sacro ministerio maxima vniformitas in nobis appareat. Vestium quoque sacrarum, & corporalium, quo ad fieri possit, eadem sit forma, & puritas Ibidem.

Sacerdos celebraturus antequam sacras vestes induat confiteatur, nec vlli vnquam confiteri liceat iam illas induto. Confessio autem siue reconciliatio fiat Confessore sedente, & pœnitente genuflexo, ac disco operto capite. Romæ 1569.

Vniformitas in cærimoniis missarum seruetur, & prætermittantur quæ in missalibus nostris scripta non sunt, non celeriter valde nec morose nimis missa recitetur. Et cum non pro nobis tantum, sed etiam pro astantibus missa dicatur; sicut nec alte nimis, ita nec nimis submisle, sed voce medio-cris, & deuota, vt astantes intelligere possint, dicenda est. Secreta vero silenter. Valentiz 1596.

In sacro celebrando etiam non solemnī, & maiori, accendatur cereus in consecratione, & eleuatione diuinissimi Sacramēti, & aliquot ictibus campanulæ moneatur populus. Barchi. 1574. & sequent. Qui cereus remaneat accensus vsque dum sacerdos complete communicauerit. Romæ 1580. Omnes Sacerdotes in fine missæ dicant Euangelium, In principio. Romæ 1589.

Quilibet Religiosus quotidie, vel dicat, vel audiat missam. Ibidem, & Barch. Si qui autem sunt, qui senio, vel alio impedimento perpetuo, vel ordinario detenti sunt, vt celebrare non possint, teneantur saltem in omni

communione generali sacram sumere Eucharistiam præmissa Sacramentali confessione, Communionem vero generalem haberi volumus omni die Dominico tempore Aduentus, & Quadragesimæ, cætero vero tempore de quindena in quindenam, Barchi. 1574. & sequentibus.

Vt reuerentia debita Sacramento Sanguinis D. N. exhibeatur in missis statuitur, vt ante absterisionem oris, & ablutionem digitorum, sumant ablutionem calicis cum vino, & deinde abluant digitos. Et hoc seruetur inuolabiliter, & contra facientes grauiter puniantur. Ex decla. cap. de Visitat.

Quoad tempus celebrandi missas hæc consideranda sunt priuilegia.

Martinus V. in priuilegio 3. concedit Magistro ordinis, & successoribus vt infra.

Missam antequam dies illucescat, circa tamen diuinam lucem celebrare, aut per proprium vel alium Sacerdotem idoneum celebrari facere, ita quod id nec tibi, nec successoribus, nec sacerdoti ad culpam valeat imputari, tibi, & successoribus de plenitudine potestatis Apostolica concedimus, & indulgemus.

Eugenius IV. Congregationi Monachorum S. Iustinæ de Padua ordinis S. Benedicti, concessit hoc priuilegium quod in nostris habetur fol. 251.

Quod huiusmodi congregationis Sacerdotes in itinere constituti, aut alia ad hoc subsistente causa, ante diem, vsque ad nonam inclusiud celebrare valeant, tenore presentium duximus concedendum.

In compendio priuilegiorum ordinis Minorum verbo Missa 2. notatur Innocentium VIII. concessisse fratribus ordinis nostræ Congregationis Hispaniæ reformatis, quod possint missam celebrare per horam ante diem & per horam post meridiem, præsertim quando prædicatur in Conuentibus, vel sunt officia solemnia.

Pius V. de anno 1566. Reuocauit omnes licentias antea concessas cui libet, celebrandi aut celebrate faciendi in fero etiam in festis Natiuitatis, & Resurrectionis Domini, & inhihet sub pœna suspensionis, ne id facere præsumant.

Honorius III. Gregorius IX. Honorius IV. concesserunt, vt etiam tempore interdicti generalis, celebrare missas valeamus in nostris Ecclesiis his seruatis.

Auctoritate presentium vobis indulgemus, vt tempore interdicti, missas celebrare ac legere diuinum officium, ianuæ clausis, non pulsatis campanis, voce submissa, excommunicatis, & interdictis ac omnibus personis quæ non sunt de vestro ordine exclusis, valeatis.

Sixtus IV. in Mari magno dicit.

Cum generale interdictum fuerit, in Ecclesiis, & oratoriis vestris & aliis quibuscumque locis clausis ianuæ, &c. liceat vobis celebrare diuina, ac Ecclesiastica recipere sacramenta, dummodo causam non dederitis interdicto, nec contingat id vobis specialiter interdicti, nec prædictæ Ecclesia, vel oratoria fuerint specialiter interdicta.

Alexander IV. in priuilegio 28. talem facultatem præbet.

Pro reuerentia B. Dominici Confessoris, cuius corpus Sacratiss. in vestra Ecclesia requiescit, &c. auctoritate presentium indulgemus, vt cum fuerit interdictum generale, in vigiliis, & diebus festis dicti Confessoris, & per octo sequentes dies, apertis ian-

nis, diuina officia solemniter celebrare possitis, exclusis dumtaxat excommunicatis, &c.

Leo X. Priuilegio 11. Idem concedit in festis, & octauis aliorum sanctorum nostri ordinis. s. S. Petri Martyris, S. Thomæ Aquinatis, S. Vincentij, & S. Catharinæ Senensis.

Aduertatur tamen decretum Cōc. Trid. sess. 25. de Regul. cap. 12. quod ita habet.

Censura, & interdicta nedum à Sede Apostolica emanata, sed etiam ab Ordinariis promulgata, mandante Episcopo à regularibus in eorum Ecclesiis publicentur atque seruentur.

Parisiis 1611. ordinatur, vt in sacra missa peragēda, facta cōsecratione tam ante eleuationem hostiæ, & calicis quam post, & quotiescunque tantum Sacramentum tractandum venit, Sacerdos ante eius acceptionem, & post depositionem singulis vicibus, (omissa venia profunda,) genua flectat.

De Missarum numero, & earum eleemosynis.

CAP. XXVIII.

FRatres vero nostri numerum missarum non admittant.

Ex cap. de suffragiis.

In primis Constitutionibus editis per Magistrum ordinis Fratrem Iordanem, clausula ista posita erat in ca. de domibus concedendis, & sic legebatur Possessiones siue redditus nullo modo recipiant fratres nostri, nec Ecclesias, quibus cura animarum est annexa, & numerum missarum non admittant. Ex quibus patet, quod intendebatur prouidere ne fratres obligarent conuentum ad dicendum quotidie certum numerum missarum in perpetuum, ne posterius ex hoc nimis grauarentur, vel ne redditus perpetuos propter huiusmodi missas recipere cogerentur. Et ideo in cap. Parisiis 1256. ordinatur, ne fratres se obligent vlllo modo ad anniuersaria perpetua. Non autem intendit prohibere, quin possimus numerum missarum admittere, quæ à laicis quotidie petuntur, siue pro viujs, siue pro defunctis, vt missas Gregorianas, dommodo hoc discrete, & sine superstitione fiat. Acceptare autem simul mille aut duo mille missas, videtur esse indiscretum, Frater vero Raimundus prædictam clausulam reportauit ad cap. de suffragiis, hac forte ratione, vt illud verbum (admittant) legeretur sine d. & diceretur (amittant), intendens quod numerum qui in dicto capitulo de suffragiis præcipitur, non amitterent seu omitterent fratres. Si vero verbum illud cum d. scribitur. i. admittant, tunc hac ratione posita est hæc clausula, vt intentio esset ne fratres admitterent numerum missarum perpetuum, & ob hoc cogerentur dimittere numerum earum missarum, quæ mandantur fratribus pro suffragiis in Constitutionibus.

Non est autē rationabile, quod Prior cum conuentu propter aliquā eleemosynā quam de præfenti recipit, obliget posteros ad dicendū certū numerum missarū in perpetuum, nisi forte eleemosyna esset ita pinguis, & redditus illius annuatim ita in perpetuum duraret, quod meritō ex gratitudine admerus missarum sibi assignari posset. Et ideo prohibitum fuit, ne Præsidentes missas perpetuas recipiant, nisi etiam eleemosyna sit perpetua.

12 *De missarum numero, & earum eleemosynis.*

Et Romæ 1608. statutum ut nullum legatum eum onere aliquo accipiat, à conuentibus, nisi de consensu maioris partis capituli, & licentia Prouincialis, & ea conditione, si constiterit onus illud facile impleri posse.

Præ cæteris autem annotandum est Conc. Trid. decretum sess. 25. cap. 4. de reformatione.

Contingit sæpe in quibusdam Ecclesiis vel tam magnum esse celebrandarum missarum numerum ex relictis defunctorum, &c. ut satisfieri nequeat, vel eleemosynam pro illis celebrandis adeo tenuem esse, ut non facile inueniantur qui relictis muneri subiacere, &c. S. Synodus cupiens hac ad pios usus relictis, quo plenus, & utilis possit impleri, facultatem dat Episcopis ut in Synodo diocesana, itemque Abbatibus, & Generalibus ordinum, ut in suis capitulis generalibus, re diligenter perspectis, possint pro sua conscientia in prædictis Ecclesiis quas hac prouisione indigere cognouerint, statuere circa hæc quicquid, magis ad Dei honorem, & cultum, atque Ecclesiarum utilitatem viderint expedire, ita tamen ut eorum defunctorum commemoratio fiat, qui pro suarum animarum salute legata ad pios usus reliquerunt.

In cap. Bono. 1564. in executione præfati decreti, ita fuit ordinatum: Quæ circa missarum numerum à S. Synodo decreta sunt exequi cupientes, illius auctoritate nostro capitulo generali concessa in hac parte fungentes, mandamus omnibus Prioribus, & alijs Præfidentibus Conuentuum in virtute Spiritus Sancti, & sanctæ obedientiæ, ut infra mensem à notitia præsentium maior prælati cum tribus patribus qui à consiliis solent esse in Conuentu, omnes missas quæ defunctorum testamentis relictæ, & à Conuentu fuerint susceptæ, ut perpetuo singulis aut aliquibus diebus determinare dicerentur in numerum redigant, & ex alia parte similiter summam stipendij sue eleemosinæ, quæ pro qualibet missa instituta fuit. Deinde ratione habita stipendij sustentationis, quod nunc iuxta morem cuiusque patriæ pro vna missa dignum communi estimatione censeretur, ex illis omnibus certum aliquem missarum numerum in posterum dicendarum statuatur, quem in inuolabiliter prædicti Conuentus fratres possint implere, super quo eorum conscientias oneramus, ut quoad fieri possit æqua sit æstimatio, cum ad exprimendos fratrum nostrorum scrupulos, hoc remedium maxime necessarium sit. Et nihilominus in quotidianis capitulis & alijs suffragiis, quæ extra ea fieri solent, defunctis qui talia sacrificia petierunt, coram diuina misericordia subueniatur. Ane deinceps huiusmodi suffragiorum & missarum gravamina nostris Conuentibus imponantur, nulla in posterum perpetua obligatio ad certas missas vel suffragia admittatur, nisi tale fuerit sustentationis annexum subsidium, quod Præfidentium iudicio sufficiens æstimetur. Ut verò cum maiori consideratione hæc omnia fiant, nolumus, quod huiusmodi contractus rati habeantur, nisi Prælati & maioris partis fratrum concensu accesserit. Et Prælati oppositum facientes à suis officijs absoluantur. Quod si alicubi consuetudo est ut Prouincialis adhuc licentia requiratur, noli minus eivllo pacto derogari. Præfidentibus quoque Conuentuum, & alijs qui huiusmodi eleemosynas recipiendis deputati fuerint, distictè præcipimus, quatenus missarum per singulos dies aduenientium, eum numerum dumtaxat admittant, quem commodè possint implere, ne ultra modum grauati occurrant.

Bus aliis necessitatibus providere nequeant, & ne hac occasione sacerdotes aut non admodum dispositi aut ex consuetudine potius quàm deuotionis affectu, ad tremendum altare accedant.

In subleuationem etiam onerum missarum hæc ex priuilegiis ponderanda sunt.

Leo 10. concessit fratribus minoribus de obseruantia vt infra quod priuilegium habetur in nostris fol. 233.

Nos itaque & c. vestris supplicationibus inclinati, vobis, & alijs pro tempore existentibus fratribus ordinis minorum de obseruantia, auctoritate Apostolica decernimus, & indulgemus, quod celebrando vnā missam dumtaxat, (si elemosyna æquivalens vnius iulij non elargiatur) etiam si duas, tres vel quatuor missas ac plures celebraturi occasione diuersarum elemosynarum essetis, & in dicta celebranda missa pro omnibus, & c. commemorationem faciendo in genere, conscientiarum vestrarum puritati satisfactum fore, & esse.

Iulius 2. Const. 27. apud Rodericum concessit Generali ordini Minimorum vt infra.

Et si in visitatione tua, vel alias in domibus tuis missarum multitudinem copiosam inuenieris, quas fratres celebrare vñ possint, dispensare valeas concedimus, ita vt dispensatio à nobis facta censetur, ita tamen vt pro nouem missis nouem collecta, & c. & sic adde plene & integre satisfiat, ac si tot singulariter missæ dicerentur.

Leo 10. de anno 1513. in Constit. quæ incipit. Exposcit dilectorum, & c. ampliat dictum priuilegium, extendens illud ad omnem alium futurum generalem qui poterit in visitationibus talem ordinare moderationem. Has duas Constitutiones Pontificias refert Passarellus in libro priuilegiarum ordinis Minimorum. Et Nauarra interrogatus super his Const. respondit libro Consiliorum tit. de Priui. reg. consilio 3. dispensationē prædictam, seu moderationem posse fieri nedum de missis receptis ante promulgationem illarum Constit. sed etiam de quibuscunque receptis ante visitationē & moderationem, dummodo id fiat per Generalem, & non per alium deputatum, & ad sit causa, & necessitas moderandi.

Compendium priuilegiarum ordinis minorum refert sacram Congregationem Concilij declarasse prædictum decretum concilij intelligendum esse de missis tantum, non autem de alijs suffragiis, nec de missis in fundatione Conuentuum impositis, sed pro alia causa à testatoribus relictis.

Et eadem Congregatio die 26. Nouemb. 1583. declarauit prædictam concessionem intelligendam esse etiam de Anniversariis.

Et quia in dicto Conc. Trid. decreto de obseruandis, & euitandis in celebratione missæ, videtur prohiberi quicquid pro missis nouis celebrandis datur. Ideo.

Congregatio Concilij, ad instantiam Episcopi Papiensis censuit, licere sacerdotibus, non missam celebrantibus, vertere se tantum in medio altaris ad populum, & accipere elemosynas ac oblationes, non autem circuire Ecclesiam. Necnon, & Parochijs idem cõceditur vbi inoleuit consuetudo.

AVdito primo signo surgant fratres, & stando dicant officium de B. Virg. pro tempore.

Matutinas autem, & missam, & omnes alias horas canonicas simul audiant fratres nostri, nisi cum aliquibus Prælatus aliter dispensare voluerit.

Totum officium tam diurnum quam nocturnum secundum ordinationem, & correctionem Ven. Patris F. Vmberri Magistri ordinis nostri confirmamus, & volumus vniformiter ab omnibus obseruari, ita vt nulli liceat de cætero innouare.

Signum campanæ quo vocantur fratres ad chorum pro officio persoluen- do debet esse duplex, & primum debet esse breue, quo audito, fratres debent se præparare, & occupationes in quibus tunc versantur dimittere, nec nouas assumere. Secundum autē signum debet esse ita prolixum, vt ante terminationem eius possint fratres de omni remotiori loco domus, secundum existimationem pulsantis, ad Ecclesiam conuenire. Inter primum autem, & secundum signum debet esse tantū spaciū, quod fratres possint se præparare. Horæ autem suis statutis temporibus soluantur, & matutinum tam hiberno quàm æstiuo tempore de nocte dicatur.

Missam conuentualem omnes fratres clerici simul in Ecclesia audire debent, & horas canonicas dicere, quia Ecclesiæ nostræ sunt conuentuales, nisi Prælatus ob iustas, & legitimas occupationes cum aliquibus dispensare voluerit, vt priuatas missas audiant, & priuate officium dicant. Et missam nedū audire, sed etiam videre teneantur, quia valde est religiosum religioso quotidie missæ interesse, & Prælati debent compellere fratres vt eam audiant.

Horas canonicas quilibet clericus recitare tenetur. Et sicut omnes clerici etiam sacris ordinibus non initiati, si habent beneficium tenentur illas persolvere, ita quilibet religiosus cum ex elemosynis viuat, & ab ordine victū, & vestitum habeat de necessitate salutis tenetur ad illas. Nec cum aliquo potest super hoc Prælatus dispensare, nisi forte sit nouitius, qui non est adhuc religioni obligatus, vel forte nescit officium dicere, qui tamen loco officij debet aliquas orationes dicere.

Et debent fratres libentius illas in Ecclesia persolvere quam extra, tū propter deuotionem loci, tum propter præsentiam Christi in Sacramento altaris, tum propter reliquias Sanctorum, tum propter assistentiam Angelorum, tum propter societatem fratrum, tum demum propter maiorem diligentiam quæ in illis persoluen- dis apponi solet in choro. Et ob id pluries sancitū fuit, vt nullus prætextu prælaturæ, aut lectionis præteritæ, seu alterius cuiuscunque officij, atque etiam paternitatis, prætendat exemptionem à sequela

chori, & aliis grauaminibus ordinis, Lectoribus, Prædicatoribus, ac Magistris in Theol. adu legentibus, & prædicantibus exceptis, circa quos legitimè consuetudines Prouinciarum seruentur, & sicut Priores ex causa rationabili possunt aliquando cum aliquibus dispensare à choro, ita possunt dispensare quo ad proprietatem officij inductam in ordinem, non tamen quo ad substantiam, vtpote potest dispensare quod diebus serialibus fiat de aliquo sancto, etiam sub duplici, quo tamen casu tenebitur qui dispensatur dicere officium B. Virginis in priuato. Magister etiam ordinis non potest aliquid inouare circa officium diuinum per modum Constitutionis, vt perpetuo duret, sicut non potest tollere consuetudines diu approbatas in ordine, nec nouas inducere, potest tamen in aliquo Conuentu & Prouincia ex deuotione aut alia causa rationabili, dispensare circa proprietatem officij, vt quod de tali sancto fiat festum simplex, vel duplex, seruata tamen substantia, i. si est confessor dicatur officium de confessore, si martyr, de martyre, &c. Prouinciales autem hanc facultatem non habent, nisi forte sint festa, quæ à ciuitate obseruentur, vel inualuerit consuetudo. Imo ex Conc. Trid. sess. 23. de regul. cap. 12. mandatur vt infra.

Dies etiam festi, quo in diæcessibus seruandos Episcopus præceperit, ab exemplis omnibus etiam regularibus seruentur.

Et Romæ 1571. conceditur, vt id faciant etiam si talia non sint in nostro Calendario: Et Romæ 1580. imponitur, vt in qualibet prouincia durante capitulo prouinciali, omnia festa etiam trium lectionum sub festo duplici celebrentur, in eo Conuentu in quo capitulum celebratur, ob populi concursum.

Circa proprietatem officij notanda est Constitut. Clementis 8. quæ habetur impressa in Breuiariis, & Missalibus nouis, cuius summa hæc est.

Cum in cap. Romano 1601. resolutum fuerit, vt libri chorales ord. Præd. quam maxime conformarentur Romanis præcipue quo ad Epistolarum, & Euangeliorum seriem, seruato tamen dicti ordinis antiquo ritu, & negotium hoc fuerit executioni mandatum, &c. Nos vt præfati libri sic reformati in tota religione recipiantur, &c. Tenore presentium auctoritate Apostolica præcipimus, vt libri prædicti sic reformati, &c. tam pro particulari vsu fratrum, & sororum dicti ordinis, quam pro vsu communi chori, aliter imprimi non debeant, nec in eis aliquid addatur, minuat, vel mutetur, &c. Et in virtute S. obedientiæ, ac sub excommunicationis maioris pena mandamus omnibus Prælati, & personis religiosi eiusdem ordinis, vt deinceps publicè, & priuatim in choro, & extra, præcari, celebrare, & psallere teneantur iuxta formam librorum sic reformatorum. Non obstantibus, &c.

Et magister ordinis frater Hieronymus Xauierre qui huic reformationi operam dedit, & libros sic reformatos imprimi curauit, præcipit, vt appareat in literis cū Breuiario, & Missali impressis, vt infra. Præcipimus omnibus religiosi ordinis nostri in virtute Spiritus sancti, & S. obedientiæ subformali præcepto, vt nullus deinceps alia Breuiaria, Missalia, Martyrologia, & alios libros ad diuinum officium pertinentes emat, nisi ex hac noua editione Romana apud Alphonsum Ciaconum. Et decernimus alicui non licere aliis, vel alia editione vti, nisi istis à nobis emendatis, & reformatis.

Officium B. Mariæ Virginis ita dici debet. In matutinis audito primo signo fratres in dormitorio stantes illud persoluant, vñp incipiente, & dicente vñum versum, aliis respondentibus, & dicentibus alium versum. Et post secundum signum, matutinum de tempore in choro canendi debet deuote. Aliæ vero horæ B. Virg. dici debent in choro ante horas de tempore, stantibus fratribus, excepto completorio, quod post completorium de tempore persolui debet. Additur autem in Consta. illud verbum (pro tempore) quia certis diebus intermittitur dictum officium B. Virginis. Et Parisiis 1611. determinatur, vt intermittatur tantum his festiuis diebus, s. in festis B. Virginis, Apostolorum, Euangelistarum, S. Ioannis Baptistæ, sex doctorum Ecclesiæ, Sanctorum ordinis nostri, Fundatorum religionum, Patronorum cuiuscunque loci & illorum, qui à populo celebrantur. Insuper in festis S. Annæ, S. Mariæ Magdalænæ, & S. Mariæ. Hortantes fratres à choro absentes, vt cū in choro dicitur illud idem recitent, tum vt se communitati conforment, tum vt indulgentias à Pio 5. concessis lucrentur. Hic summus Pontifex concessit tale officium recitantibus, indulgentiam centum dierum pro quolibet die. Et Barch. 1574. ac Valentia 1596. ordinatur, vt in omni domo altare in dormitorio erigatur in honorem D. N. & B. Mariæ virginis, ante quod dicantur matutini, & laudes, statutis temporibus, aliæ vero horæ in choro persoluantur etiam completorium, & Priores, qui alio etiam publico illud recitari fecerint, à suis officiis absoluantur.

Fuit autem declaratum Barch. 1574. vt in matutinis, & vespers B. Virginis omitteretur memoria de S. Dominico, quando de eo sit officium in certis feriis, & postea etiam quando de eo sola memoria fieret. Verum Parisiis 1611. statuitur, vt his occasionibus nunquam omittatur prædicta memoria de S. Dominico in officio Beatæ Virginis.

Officium mortuorum cum nouem lectionibus dicatur qualibet hebdomada semel ab omnibus, tam in choro, quàm extra existentibus, exceptis hebdomadibus Paschæ, & Pentecostes, & sequenti die cantetur missa pro eis de Requiem, quod si non possis, dicatur oratio, Omnipotens sempiternus Deus, qui viuorum, &c. cum processione per claustrum aut Ecclesiam, & responsorii, & curret Prælati, & Cantores, vt hæc tali die, & hora fiant, quod omnes interesse possint cum omnes teneantur ad ea conuenire, etiam Magistri, & Lectores, aduales, suis exemptionibus non obstantibus, super quibus conscientiam Prælatorum, & Cantorum oneramus, si hæc inuiolabiliter obseruari non procurant. Et quando diebus Dominicis post prandium hoc defunctorum officium dicitur, non ob hoc nona ante prandium dicatur, Bonon. 1564.

Litaniz dicantur quando sit de feria in choro, & non repetantur nomina Sanctorum à choro, sed tantum dicatur, Ora pro nobis, neque dicantur post matutinas, sed in sero præcedenti post completorium, vbi plures conuenire possint. Qui tamen non conuenerint ad eas dicendas minimè teneantur. Et in eis non apponantur nomina, quæ in Calendario non habentur, & apposita deleantur.

Disciplinæ iuxta ordinariam antiquam post completorium suscipiantur, quia tunc fratrum numerus frequentior est, nisi forte obstat secularium præ-

præsentia, qui tamen à disciplina defuerint, dicere teneantur psalmum, Miserere, cum oratione consueta.

Salve Regina debet dici in fine cuiuslibet horæ, nisi quando plures horæ simul dicuntur, aut quando missa post horam, vel horas dicitur, & tunc post missam debet dici, Fidelium, &c. Pater noster, & Salve Regina. Si autem missa fuerit pro defunctis: dicto Requiescant in pace, dicatur Pater noster, & postea Salve.

De completorio ita disponit Constitutio.

Tempore quo bis reficiuntur fratres sobrii estote, &c. Et facta confessione, & dicto completorio, Det qui præest benedictionem, & hebdomadarius aquam benedictam aspergat, postea dicatur Pater noster, & Credo in Deum, quod etiam dici debet ante matutinas, & primam.

Super illa verba, Det qui præest benedictionem, notandus est ordo, qui seruandus est in quibusdam actionibus. Et primo Prælatus Conuentus, & eo deficiente primus inter Prælatos, quando simul plures reperiuntur in choro, qui superiorem locum tenet debet dicere Confitetur, dare benedictionem, & post horas dicere Fidelium; illis autem absentibus dicantur hæc à Suppriori, & illo absente ab hebdomadario. Quod fidelium debet dici cum grauitate, tali tamen voce ut ab omnibus audiri possit. Cum autem hebdomadarius aquam benedictam aspergit, incipiat à choro dextro, nisi maior Prælatus esset in choro sinistro, quia eo casu aspergendus esset primo iste Prælatus maior, subinde chorus dexter, & postea sinister, ab antiquioribus in veroque choro incipiendo, aut ubi est copia fratrum hebdomadarius dexterum, alter vero sacerdos sinistrum chorum aspergat. Idem ordo seruandus est etiam in thurificatione. s. ut post eum qui facit officium, & accolitos, & cantores, thurificetur prius Prælatus maior in choro existens, qui aliis præsidet, etiam si esset in choro sinistro, deinde chorus dexter, & postea sinister, si autem Prælatus, qui est in sinistro choro haberet Magistrum supra se, tunc aspergendus, & thurificandus est primo chorus dexter. Et si Magister ordinis fuerit in choro, qui semper debet in sua sede manere thurificato eo qui facit officium, debet prius ipse Magister thurificari, postea acoliti. Fidelium autem semper dici debet ante Salve Regina, post horas & missam, excepto completorio, in quo datur benedictio ante Salve, quod tamen dicitur in fine completorii, & excepto si præcessit missa, aut vespere, aut officium defunctorum. In vespere autem & matutinis festorum, quæ sunt tota duplicia, si nec Prior, nec Supprior esset in choro, non hebdomadarius, sed qui primum locum tenet choro dextro, Fidelium dicat, Ex rubricis. Quomodo autem completorium dici debeat tempore ieiuniorum indicetur infra cap. de collatione.

Salve Regina, post completorium in Ecclesia exteriori deuote cantari debet procedentibus fratribus processionaliter, vti cum ordine initium habuit & debet dici hora populo opportuna, & nullo pacto prætermittatur

diebus festiuis. Barchin. 1574. In diebus autem minus festiuis loco, Salue, dici potest Ave Regina cœlorum, &c. Et Romæ 1608. denuntiatur fuit, S. D. N. Paulum V. concessisse indulgentiam ducentorum dierum omnibus tã religiosis, quã secularibus, qui aderunt dũ cãtatur, Salue post cõpletorium in Ecclesijs nostris. Post cõpletoriũ etiam toto anni tẽpore habeatur in cõmuni oratio per spaciũ mediæ horæ, ita mandatur Romæ 1569. quæ oratio etiam fieri debet post nonam æstiuo tempore, & post matutinas hiberno, quod & confirmatur Parisiis 1611. & debet esse priuata, secreta; & præcipuè mentalis.

Notanda sunt quædam priuilegia Pontificia concessa religiosis circa diuinum officium recitandum, quæ ab aliis ordinibus mendicanda sunt, & per communicationem nobis facta communia. Et antequam adducantur obseruandum est prius præceptum ecclesiasticum clericis impositum, de persoluendis horis canonicis, quod habetur in cap. Dolores, de celebratione missarum. Vbi Honorius 3. commemorans defectus, qui tunc committerantur in persoluedo diuino officio, habet hæc verba.

Hæc igitur, & similia sub pœna suspensionis panis inhiibemus, districte præcipientes in virtute S. obedientiæ, vt diuinum officium diurnum pariter, & nocturnum, quantum eis (s. clericis) dederit Deus, studiose celebrent pariter, & deuote.

Gratiz igitur hæc sunt. Leo 10. vt habetur in compendio priuilegiorum ordinis minorum, verbo, Officiũ diuinum, hanc indulgentiam in officio illis fratribus elargitus est.

Fratres prædicti satisfaciunt præcepto Ecclesiæ, & regula sua, si post fatigationem vel aliam causam dicunt officium sedendo, vel decumbendo, vel non integre verba proferendo, præut scripta sunt, propter negligentiam, aut imperitiam, vel malam prolationem naturalem, siue propter defectum linguae, seu alias qualitercumque ore imperfectè dicant, aut cum mentis distractione, & sensuum enasatione, dummodo id ex malitia non faciant. Et qui cum prædictis male proferentibus officium dicunt, satisfaciunt præcepto illi, nec tenentur repetere ea, quæ ab illis imperfectè dicta sunt. Item illa, quæ in ordinario iubentur dici secreto, tam in horis canonicis, quam in missa, non tenentur fratres proferre vocaliter, sed suis faciunt dicendo mentaliter, aut legendo inter se per librum, cũ soli dicunt officium, quia prolatio verbalis præcipuè fit, vt ab aliis audiantur.

In declar. tamen præsentis capituli statuitur, vt cum horæ canonicæ dicuntur in priuato, taliter dici debent, vt ipse (nisi sit surdus) propriam voẽ audire possit, & semper tam in choro, quam extra recitari debent distincte, tractim, & cum debitis punctis.

Idem Leo 10. ex relatione dicti compendij concessit eiusdem ordinis fratribus, vt cum propter febrem aut intensum dolorem, vel aliam infirmitatem, grauari fuerint, & afflicti, satisfaciunt dicendo pro horis canonicis præces, hymnos, psalmos, Pater noster, Ave Maria, vel alia iudicio Præsentis loci designanda, & hoc quando medicus corporalis (si commode haberi possit) dixerit illas esse infirmo nociuas.

Idem etiam ibidem concessisse refertur, vt si fratres habent aliquas occupationes possint sine conscientiz scrupulo antepone, vel postponere officium diuinum, vt pote dicendo matutinum anteq̃ mediam noctem qua-

cumque hora voluerint, & alias horas de mane vsque ad vespervas exclusiue, etiam si occupatio non esset multum necessaria, sed satis est, quod cogitent deuotius, & quietius dicere.

Eugenius 4. vt habetur in eodem compendio verbo, infirmi, monachis S. Benedicti concessit vt infra.

Monachi qui sine radio non possunt dicere horas canonicas infirmitatis tempore, & etiam dum conualuerint, loco horarum dicant aliquid etiam ad arbitrium Superiorum. Et si ipsi Superiores fuerint infirmi, aut conualescentes, simili modo per monachum ab eis eligendum dispensari possint.

Martinus 4. ex eodem loco refertur concessisse fratribus S. Hieronymi, vt cum fuerint infirmi, senes, aut valetudinarij pro horis canonicis dicere possint psalmos, vel id quod suis Confessoribus visum fuit. Quorum omnium privilegiornm, siue gratiarum & nos per communicationem participes facti sumus.

Quantum vero spectat ad modum persoluendi officium, obseruanda sunt, quæ in Constitutionibus, & declar. traduntur. Constitutio autem sic disponit.

Horæ omnes tam diei, quam noctis in Ecclesia breuiter, & succinctè taliter dicantur, ne fratres deuotionem amittant & studium eorum minimè impediatur. Quod ita dicimus esse faciendum, vt in medio versus metrum cum pausa, seruetur, non protrahendo vocem in pausa, vel in fine versus, sed sicut dictum est breuiter, & succinctè terminetur. Hoc autem magis, & minus pro tempore seruetur. Fratres nostri in domibus nostris, non habeant nisi vnam campanam ad omnes horas. Et solus hebdomadarius cappa serica vtatur.

Pro quanto spectat ad attentionem orationis vocalis, recolenda est doctrina S. Thomæ 22. q. 83. ar. 13. quæ consistit in tribus distinctionibus. Quarum prima est, quod duplex est necessarium ad finem, vnum sine quo absolute finis haberi non potest, alterum sine quo commode, & melius haberi non potest. Hoc secundo modo attentio orationi necessaria est. Quo vero ad primum modum subdistinguendum est, & dicendum, triplicem esse finem orationis, primus est meritum apud Deum, si hic actus informatus sit charitate. Et ad hunc effectum assequendum necessaria est intentio actualis in principio orationis, non autem per totam, sicut in aliis actibus meritoriis accidit. Secundus effectus orationis proprius est impetrare quod petitur, & ad hunc etiam habendum sufficit prima intentio actualis, sine qua oratio nec meritoria est, nec impetratoria. Tertius autem effectus, quem præsentialiter efficit oratio, est spiritualis resectio mentis, adhuc necessaria est attentio actualis, iuxta illud 1. Cor. 14. Si orem lingua, mens mea sine fructu est. Postrema distinctio est, triplex est attentio, quæ orationi vocali adhiberi potest, quædam circa verba, quædam circa sensum verborum, quædam circa finem orationis, qui Deus est, vel id quod in oratione petitur, & hæc est maxime necessa-

ria, quam etiam idiotæ habere possunt, & quandoque tantâ est, vt mens omnium aliorum obliuiscatur. Et in responsione ad 3. subdit, quod si quis in oratione ex proposito mente euagatur, hoc peccatum est, & orationis effectus omnis impeditur. Euagatio vero mentis post primam actualementem attentionem si non sit ex proposito, sed ex infirmitate, effectum orationis non impedit. Et in decl. dicitur, haberi tunc actualis attentio in principio, quando quis incipit officium cum intentione attendendi ad illud, vel saltem soluendi debitum suum, & non debet interponi contraria intentio, nec occupare se debet orator in aliquo exercitio distractiuo mentis, aliter præcepto non satisfacit.

Diuinum officium debet cantari deuote cum quadam dulcedine, & suauitate vocis, non rigiditate, & asperitate, nec nimis alte, sed voce mediocti, breuiter, hoc est distinctè, expedite, & non nimis morosè. Debet etiam dici succinctè, hoc est sine caudis, & protractione vocis in pausis, & in fine versus. Et hoc ne fratres deuotionem amittant, si festinanter, & confuse, & sine pausis, & non tractim & distinctè dicatur; & ne etiam studium eorum minime impediatur, si nimis morosè, & cum caudis & protractione vocis in medio vel in fine versus decantetur. Et quando versus est longus, debet fieri duplex pausa inter principium, & finem versus, vna brevis siue minor, alia maior in medio versus, & huiusmodi pause sunt propter decentiam, & decorè psalmodiæ. In fine autem versuum non debet fieri pausa inter versum, & versum, quamuis non debeat incipi versus sequens ante terminationem versus præcedentis. Pulchritudo enim officij consistit in pausis, & deturpacio eius consistit in festinantia, & confusione, quæ cauatur per remotionem pausæ. Prolixitas autem officij cauatur ex protractione vocis in medio vel in fine versus. Et ideo vt officium tractim, distinctè, & deuote dicatur, pause sunt faciendæ, & caudæ amputandæ.

Pro varietate tamen dierum maior vel minor solemnitas in officio diuino obseruanda est. In diebus enim festiuis officium cum maioribus pausis celebrandum est, quia tunc fratres sunt minus in studio, & lectionibus occupati, & etiam sæculares in præfatis diebus solent magis ad Ecclesiam conuenire, & etiam illis diebus magis tenemur vacare Deo, quia ad hoc tales festiuitates sunt institutæ, & ob hoc illis diebus deuotè, alacriter, & solenniter, officium decantandum est. Aliis vero diebus poterit minus solenniter, & cum minori pausa, tractim tamen, & distinctè, ac deuote celebrari.

Feria quinta in Cœna Domini de nocte cum asseruatur Sanctiss. Eucharistiæ Sacramentum, semper fratres adsint per vigilias distincti, & ea deuotione quam tempus, & locus requirunt, psalterium persoluant. Baruch. 174.

De inclinationibus.

C A P. XXX.

Finitis matutinis de Beata Virgine, cum fratres in chorum venerint, inclinent ante altare, profundè. Et cum ad sedes suas venerint facto signo à Prælato, flexis genibus, & prostrati super formas, vel inclinati profundè pro tempore dicant.

Pater noster, & Credo in Deum. Iterum facto signo à Prælato surgant. Hora itaque deuotè incepta versi ad altare muniant se signo crucis, & ad Gloria patri, inclinet chorus contra chorum profunde, vel prosternat se pro tempore, vsque ad Sicut erat. Hoc etiam faciendum est quoties Pater noster, & Credo in Deum dicitur, nisi in missa, ante lectiones, & in gratiarum actione, in quibus inclinamus solum ad Pater noster, & ad orationem Retribuere. Idem etiam faciendum est ad primam collectam in missa, & ad postcommunione, & similiter ad orationem pro Ecclesia, & in singulis horis ad collectam, & ad Gloria Patri, quoties in inchoatione horæ dicitur. Ad omnia autem alia Gloria Patri, & ad extremos versus hymnorum, & ad penultimum versum cantici Benedicite, inclinamus vsque ad genua. Similiter quando cantatur, Gloria in excelsis, ad Suscipe deprecationem nostram. Et quodcumque nomen Iesu in præfatione, in collecta, in antiphona, & Gloria in excelsis nominatur. Quando vero nomen Iesu alias in choro nominatur eidem fratres reuerentiam faciant capite deuotius inclinato. Item inclinamus vsque ad genua in benedictione lectionis, & in capitulo ad orationem Sancta Maria, & in omni oratione, quando nomen beatæ Mariæ, & beati Domini nominatur, & etiam quando nomen Beatæ Virginis ad antiphonam Salue, & in Præfatione nominatur. Idem fiat in qualibet missa conuentali, dum dicitur in præfatione Gratias agamus Domino Deo nostro. Et similiter ad versû, O crux Aue, fratres in choro reuerenter inclinent, sicut fieri debet quando nomen Iesu aut Mariæ virginis matris eius in collecta nominatur. Hora itaque prædicto modo incepta postquâ ad Gloria Patri, post Venite, inclinauerint, stet chorus contra chorum. Deinde ad primum psalmum sedeat vnus chorus, & ad secundum similiter stet, & alius sedeat. Et sic alternent vsque ad Laudate Dominum de cælis. Et sic faciant ad omnes horas. Finita autem lectione in matutino, nisi fiat officium de mortuis, ille qui legit inter pulpitum, quod est in medio chori & gradus, inclinationem faciat, vel prosternat se pro tempore. In inclinationibus conformemur moribus eorum ad quos declinamus. Porro ad Salue sancta parens, & ad Salue, post completorium, & ad Veni sancte Spiritus, & ad Veni Creator Spiritus, in die Pentecostes, & per totam hebdomadam, & ad Credo in missa ad Ex Maria virgine, & homo fa-

ctus est, flectimus genua. In ferialibus quoque diebus iacemus prostrati à Sanctus vsque ad Agnus. In festis vero trium lectionum, & nouem, iacemus prostrati ab eleuatione Calicis vsque ad Pater noster. In prostrationibus idem seruemus in festo trium lectionum, & nouem. Quando Prælatus iniunxerit aliquam communem orationem inclinent omnes, similiter omnes faciant quando aliquid facere, vel dicere iniunxerit. Si autem aliquam obedientiam, vel officium, vel ministerium aliquod cuius iniunxerit, humiliter prosternens se, suscipiat quod iniunctum ei fuit. Quando etiam fratribus quippiam vestimenti tribuitur, inclinantur Benedictus Deus dicant.

Vt distinctè noscantur, quæ circa stationes, & inclinationes obseruanda sunt, præcipuè in choro dum officium persoluitur, sciendum est, quod isti actus nominantur in nostris Constitutionibus. s. statio, sessio, inclinatio, genuflexio, & prostratio, de singulis autem hæc collegimus.

Statio duplex est, altera quando fratres stant in sedibus suis versis vultibus ad altare, altera quando stant ita vt fratres vnus chori habeant vultus versus fratres alterius chori. Stare autem debent fratres versis vultibus ad altare, quando chorum intrant & in suis sedibus se collocant, quousque fiat signum à Prælato pro inceptio officij, & quãdo incipitur hora, quo tempore etiam se munire debent signo Crucis, vsque ad Gloria Patri, & dum dicitur Inuitatorium, siue ab vno, siue à pluribus. In missa autem solemniter stare debent fratres versa facie ad altare semper, nisi quando à choro aliquid cantatur, vel quando inclinationes fiunt, de quibus infra. Non tamen diuertimus faciem ab altari, etiam si à choro respondeatur sacerdoti dicendo, Et cum spiritu tuo, vel Amen, vel Dignum, & iustum est, vel Deo gratias. Quando autem cantatur, Euangelium semper vertimus vultum ad diaconum, vel Sacerdotem cantantem, quod etiam fit in processione quæ fit in commemoratione omnium defunctorum. Alio autem tempore stamus versis vultibus ab inuicem.

Sessio autem fit in sedibus, quando dicuntur psalmi, ita vt dum dicitur primus psalmus sedeat vnus chorus, & alter stet. Et dum dicitur secundus, chorus qui stetit sedeat, & qui sedet stet, & sic successiue ad omnes horas, excepto psalmo, Laudate Dominum de cælis, quia tunc semper omnes stare debent: sedent etiam fratres dum cantatur versus responsorij in primis versis duplicium, & supra, vsque ad Gloria, vel reassumptionem responsorij, quando non dicitur Gloria. Idem dicitur de responsoriis matutini, quando cantantur. Sedent etiam fratres quando in matutinis dicuntur lectiones post datam benedictionem, & dum dicuntur responsoria sine cantu, excepto Gloria, & dum pulsantur organa loco antiphonarum. In missa solemniter sedemus tantum, quando cantantur Epistola, & versiculus responsorij, & versiculus Alleluia, & quando loco illorum pulsantur organa. In vigiliis defunctorum, quæ singula hebdomada dicuntur, sedemus omnes in versis

principio vsque ad Magnificat exclusiue, Et in matutinis à principio vsque ad Laudate Dominum de cœlis, exclusiue, excepto eo tempore in quo dicitur Pater noster ante lectiones, & dum dicitur in ultimo responsorio, Et mirabiliter proprio sanguine redemisti.

Inclinationem autem tres sunt differentiarum, prima vocatur inclinatio capitis deuota, & ea est, quando caput cum corpore aequaliter inclinatur, & heri debet. Quando nomen Iesu profertur, extra tamen collectas, præfationem, Gloria in excelsis, & Salue Regina, Quando nomen B. Virginis extra prædicta nominatur, & vtrumque horum intelligitur de prolatione tam in choro, quàm extra chorum, Quando aliquid vestimenti, vel quodecūq; aliud datur, Quando dicitur Sit nomen Domini benedictum, Quando Prælatas aliquam communem orationem iniunxerit, vel quicquid aliud faciendum, aut dicendum imposuerit. Quando Cantor, vel alius frater psalmum, vel antiphonam inchoauerit. Quando quis transiit iuxta Prælatus suum, vel Superiorem, Quando quis aspergitur aqua benedicta, & diebus Dominicis, & ad Salue Regina. Quando in missa dicitur, Qui cum Patre, & Filio simul adoratur, vt habetur in cap Romano 1580. Et quando fit mentio effusi sanguinis Domini nostri, vt cum dicitur, Quos sanguine mercatus es. Valentini 1596. Inclinationis secunda species est inclinatio vsque ad genua, & hæc fit quando caput taliter inclinatur, quod fit per directum ad genua oppositum. Et hæc facienda est ad omnia Gloria Patri in omnibus horis, præter primum. Ad extremos versus hymnorum, Ad penultimum versum Cantici Benedicite, Ad Suscipe deprecationem nostram in Gloria in excelsis. Ad Gratias agamus Domino Deo nostro, in præfatione. Ad benedictionem lectionum siue in choro siue in refectorio. Ad orationem Sancta Maria in Kalendis siue in choro, siue in capitulo dicantur. Quando nomen Iesu, & Mariæ in collectis, Præfatione, Gloria in excelsis, vel Salue Regina, nominatur. Quando nomen S. P. Dominici in orationibus profertur. Ad benedictionem, quæ datur post completorium. Ad inceptionem, Ave maris stella. Inclinationis tertia species vocatur inclinatio profunda, quæ fit quando corpus, & caput tantum inclinantur, quantum cubitus potest se super genua appodiare. Et hæc facienda est, Quando fratres chorū intrant, vel exiunt. Cui inclinationi addenda est genuflectio si fiat ante Sanctiss. Christi corpus. Romæ 1596. & sequentibus, Quando dicitur Pater noster ante lectiones, & gratiarum actiones, Et quotiescunque dicitur Pater noster, & Credo in Deum in principio, in medio, & in fine horarū, & post gratiarum actiones, & vespere, & matutinis defunctorum. Ad primam collectam post Dominus vobiscum, tam in missa, quàm in omnibus horis, Ad orationem pro Ecclesia. Ad primum Gloria Patri, omnium horarum, quod dicitur in inchoatione horæ in festis trium lectionum, & supra, & etiam in ferialibus diebus tempore Paschali, Ab eo qui legit lectiones in matutinis post finitam lectionem inter pulpitum, & gradum presbyterij, tempore nunc prædicto. Ad orationem, Retribuere, tam in choro, quàm in capitulo.

Genuflexio autem duplex est, quædam recta, quando. s. curuantur genna cum toto corpore erecto, & hæc fit, Ad, Salue Regina post horas, Ad, Veni

creator Spiritus in die Pentecostes, & per octauam, in receptione ad habitū, & quando fiunt electiones canonicæ. Ad, Salve sancta parens. Ad, Ex Maria virgine, & homo factus est: in Credo. Ad, Et verbum caro factum est, in fine missæ, Ad, Et procidētes adorauerunt eum, in Euāgelio Epiphaniæ, Ad, Te ergo quæsumus famulis subueni quos pretioso sanguine redemisti, in Canticō, Te Deum, Ad, Tantū ergo Sacramētum veneremur cernui, Ad, O crux Ave spes vnica, &c. Ad, Ave Rex, in processione palmarum, Ad Sanctus Deus, in die Parasceues, Ad, Domine miserere super seruo tuo, in officio sepulturæ: Genuflexio autem alia est, quæ vocatur procliuis, quando flexis genibus cum cubitis, & corpore appodiamur, & prosternimur super formas, vel super genua, quando non ad sunt formæ, quæ etiam vocatur prostratio. Et de hac loquitur Constitutio cum dicit, facto signo à Præfato flexis genibus & prostrati super formas, vel inclinati profunde pro tempore, &c. Et quia coincidit cum prostratione dicemus, quando fieri debet sub titulo prostrationis.

Prostratio ergo etiam duplex est, vna super formas, quæ quandoque etiam vocatur genuflexio procliuis, vt diximus, & hæc faciendā est quando cumque sit de feria extra tempus Paschale, ad Pater noster, quod dicitur ante inchoationē cuiuslibet horæ, & ad primum Gloria Patri, post inchoationem horæ, & ad primam collectam, & ad preces, quæ dicuntur ante ipsam, & quotiescumque extra missam, Pater noster, Credo, & Confiteor dicuntur, siue coniunctim, siue diuisim, siue in principio, siue in medio, siue in fine officij, nisi ad Pater noster, quod dicitur ante lectiones, & inter preciosa, & gratiarum actiones, in quibus solum inclinamus profunde. Item genua flexendo prostrationem facimus, Ad, Pater noster, quod dicitur post Fideiū in gratiis, quādo extra tempus Paschale sit de feria, si ad horam immediate præcedentem prostrationes factæ sunt. Ab eo, qui legit lectionem in matutinis post finitam lectionem inter pulpitem & gradum presbyterij, excepto die animarum in quo lector inclinat profunde: Eodem modo fit Prostratio in missa de feria extra tempus Paschale, & pro defunctis ad primam collectam, quæ dicitur post Dominus vobiscum, Ad orationem pro Ecclesia, & Ad postcommunem & per totam quadragesimam in festo cuiuslibet sancti in missa de feria, Ad, Mortem autem Crucis, quod dicitur feria quinta Cæna Domini, Parasceue, & Sabbato Sancto post matutinas, & dum dicitur Pater noster, Miserere: & Respice quæsumus Domine, &c. Et ad Pater noster, & Miserere, quæ dicuntur in horis, vespers, & completorio die veneris sancti, & ad horas Sabbati Sancti, quotiescumque etiam dicitur officium mortuorum, & sit de feria, sunt huiusmodi prostrationes ad Pater noster, quod dicitur post Magnificat, & ad totum psalmum Lauda anima mea, Ad primam orationem, & Ad Pater noster, quod dicitur post orationes. Item ad Pater noster, quod dicitur post Benedictus, Ad psalmum, De profundis, & ad primam orationem, & Pater noster, post omnes orationes. Item quotiescumque dicuntur Litanie in choro post completorium, siue matutinas à principio psalmi Deus in adiutorium vsque ad vltimam orationem. Et cum sit disciplina à Confiteor vsque ad finem orationis. Et dum dicuntur

dicuntur psalmi Pœnitentiales in die Cinerum, & feria quinta Cœnz Domini ante missam. Item quotiescumque Prælatus facit absolutionem generalem, & dicitur Confiteor ante illam. Item dum defertur pixis cum Sanctiss. Sacramento, siue à diacono, siue ab aliis, & fratres sunt in choro. Et dum fit communio fratrum, qui in choro sunt prostrati maneant super formas. In die parasceues quando sacerdos detegens Crucem dicit, Ecce lignum, & post adorationem Crucis dicit, Super omnia ligna, quousque cantor prosecutionem antiphonæ incipiat. Cum, qui cantat Euangelium passionis, pronuntiauerit, Emisit spiritum, vel Tradidit spiritum, vel Exspirauit, quousque sacerdos signum fecerit. Item in ferialibus diebus omni tempore in missa prosternimur à fine Sanctus vsque ad Agnus exclusiue. In festis verò trium siue nouem lectionum fit prostratio ab eleuatione Calicis vsque ad Pater noster exclusiue.

Intermittuntur autem huiusmodi prostrationes, in nona, quando dicitur post missam in Sabbato, vel vigiliis sanctorum excepta quadragesima. Item in omnibus festis sanctorum dum illorum officium dicitur. Item in vespere feriatis dum cantantur Antiphonæ. O. per septem dies ante vigiliam Natiuitatis Domini. In toto officio Cœnz Domini excepto vt supra. In vigilia Natiuitatis Domini. In omnibus feriis à festo Paschatis vsque ad octauas Corporis Christi. In die animarum. In missa de feria, quæ dicitur in ieiuniis quatuor temporum, si in ipsis fit officium de aliquo sancto, excepto tempore quadragesimali. In missis de Dominica, de Cruce, de spiritu sancto, de B. Virgine, etiam si illis diebus fiat officium de feria. Loco autem harum prostrationum prædictis diebus debent fieri inclinationes profundæ. Prostratio altera vocatur etiam venia, quæ est extensio totius corporis super terram, non super ventrem, sed super latus, tibiis vnâ super alteram tenendo. Hæc autem facienda est in vigilia Annuntiationis, quando in Kalendis legitur, Annuntiatio Dominica, & in vigilia Natiuitatis Domini dum legitur, Iesus Christus in Betleem Iudæ nascitur, quousque Prior signum fecerit. Item quando Prælatus in capitulo dicit, Qui se reos existimant faciant veniam. Quando fratres dicunt culpas suas in capitulo, & quando reprehenduntur à Prælato, vel eis imponitur aliquod officium, vel ministerium. Quando sunt domum exituri, & plusquam vna nocte moraturi, & quando reuertuntur, & benedictionem à Prælato recipiunt. Quando quis veniam petit ab alio quem scandalizauit, aut offendit, & prostratus iaceat quousque offensus placatus eum erexerit. Quando aliquis comedendo, vel seruendo, vel legendo, vel aliud faciendo in aliquo offenderit surgentibus fratribus de mensa, & maneat prostratus quousque signum factum fuerit ab eo qui præest. Similiter etiam qui in choro legendo vel cantando offenderit post officium se prosternat quousque signum fiat, fieri etiam debet talis prostratio ante gradus presbyterij à Prælato, & eius ministris feria quarta Cinerum, & feria quinta Cœnz Domini, dum dicuntur Psalmi pœnitentiales in choro.

Quæ autem dicta sunt de genuflexionibus, & prostrationibus, obseruanda sunt à fratribus dicentibus officium in choro, non autem quando di-

cunt priuatim officium extra chorum. Vbicunque tamen Conuentus est congregatus in capitulo, vel in refectorio & in gratiis, & huiusmodi, debent fratres loco prostrationum inclinationes vsque ad genua facere.

De suffragiis mortuorum.

CAPVT XXXI.

A Festo S. Dionysij vsque ad Aduentum pro anniuersario fratrum, sororum & familiarium receptorum per literas ad beneficia ordinis, quilibet Sacerdos dicat tres missas, clericus psalterium, laicus quingenta Pater noster. Idem etiam fiat à quolibet fratre pro defuncto fratri sui Conuentus. Idem etiam fiat per totum ordinem pro Magistro ordinis ab omnibus fratribus, & pro Definitore Capituli generalis, vel socio eius & pro electoribus Magistri ordinis, & socio Prouincialis euntis ad Capitulum generale, si aliquem eorum in via, vel in ipso capitulo mori contigerit, & pro Procuratore ordinis si in curia Romana in procurationis officio decedat.

Idem etiam fiat ab omnibus fratribus Prouinciæ pro suo Prouinciali defuncto, & pro Visitatore à fratribus Conuentuum quos visitare debet, si tamen in visitatione moriatur.

Quilibet Sacerdos celebret triginta missas in anno pro fratribus, & sororibus nostris defunctis, & quilibet clericus triginta vicibus septem Psalmos, & conuersus triginta vicibus centum Pater noster. Et quilibet Conuentus viginti missæ in comuni.

Anniuersarium patrum, & matrum celebretur, tertia die post Purificationem B. Virg.

Anniuersarium familiarium, & benefactorum, die sequenti post octauas S. Augustini.

Anniuersarium fratrum & sororum, sequenti die post festum Sancti Dionysij.

Anniuersarium omnium sepulcorum in cæmeteriis nostris, die duodecima Iulij.

Fratres nostri numerum missarum non omittant.

Fratres nouis Conuentibus deputati, Conuentibus de quibus assumuntur, & ipsi Conuentus eisdem quantum ad suffragia mutuo tenentur, sicut suis fratribus Conuentualibus, quousque Conuentus ibi fuerit assignatus.

Quantum autem ad omnia alia ad domos prædictas simpliciter pertinebunt. *Cap. de domibus con.*

Cum aliquis frater est assignatus in aliquo Conuentu, siue simpliciter, siue ad tempus, ille Conuentus tenetur ad eius suffragia, & ipse Conuentui. Si autem extra Prouinciā sit assignatus, & contingat ipsum mori antequam Conuentui aliquo deputetur, Prouincialis illi provideat de Conuentu qui sibi ad suffragia teneatur. *Cap. de studentibus.*

Cum dicitur suffragia fieri debere per totum ordinem pro Diffinitore capituli generalis, intelligitur ea fieri debere ab omnibus fratribus Prouinciz suæ. Et cum dicitur si in via mori contigerit intelligitur tum eundo, tum etiam redeundo. Triginta illæ missæ de quib. in Constitutionibus, debent esse de Requiem si commode dici possunt. Vbi autem ob dierum festiuorum multitudinem, vel ob alias obligationes id fieri nequit commode, sufficit quod quomodocunque dicatur, & fratres numerum missarum non omittant. Cum imponitur conuersis vt pro suffragiis dicant tot Pater, debent etiam toties dicere, Aue Maria. Missæ viginti à Conuentu quolibet celebrandæ intelliguntur præter eas missas, quæ qualibet hebdomada celebrantur, cum dicitur officium mortuorum, & etiam istæ debent esse de Requiem si commode dici possunt, alias sufficit quod quomodocunque dicantur. Quo vero ad numerum missarum de quo dicit Constitutio fratres numerum missarum non admittant dictum est supra cap. De missarum numero. Cum Prior moritur in aliquo Cōuentu cuius non est filius adhuc fratres illius Conuentus in quo erat Prior tenentur ad suffragia pro anima illius, etiam si bona omnia illius ad Conuentum cuius est filius perueniant. Romæ 1580. Fratres qui sunt in Vicariis, aut Conuentibus monialium, assignati, censeantur assignari in Conuentibus quorum sunt filij quantum ad suffragia, vt inuicem sibi teneantur. Et idem censendum est de fratribus qui de licentia Prælatorum cum Episcopis vel alibi extra ordinem morantur. Barchinonen. 1574. Cum celebrandum est Anniuersarium ordinis seruetur ordinarium, vt. i. eo die fiat de feria, & post missam fiat processio per claustrum pro defunctis semel in hebdomada, cui omnes interfint, Ibidem. Quoties contingit aliquem fratrem mori in quocunque Conuentu, Prior illius Conuentus infra sex dies teneatur omnes Præsidentes suæ prouinciz admonere de morte fratris. Romæ 1601. & sequent.

Et eo in casu quilibet Sacerdos illius prouinciz dicat vnā missā, iuuenis septem psalmos, & conuersi Rosarium B. Virg. Vallisolei 1605.

Pro subleuandis conuersis ab onere orationum, cum recepti sint pro aliorum seruitiis ordinatum fuit in cap. Salmaticensi 1551. vt pro suffragiis mortuorum loco quingentorum Pater noster, dicant centum quinquaginta quinque. Et sic corrigenda est Constitutio De qua fusius capite de conuersis parte 2. dicitur.

A Pascha vsque ad festum S. Crucis, reficiantur bis fratres exceptis diebus Rogationum, vigilia Pentecostes, & ieiuniis quatuor temporum, & vigiliis S. Ioan. Baptistæ, Petri & Pauli, Iacobi, Dominici patris nostri, Laurentij, Assumptionis B. Virginis, Bartolomei, ac Natiuitatis S. Mariæ A. festo autem S. Crucis vsq; ad Pascha, continuum tenebimus ieiunium, & nona dicta comedemus, exceptis Dominicis diebus.

In toto autem aduentu, & quadragesima, & ieiuniis quatuor temporum, & vigiliis de præcepto S. Ecclesiæ, nec non Ascensionis domini, Pentecostes, B. Dominici, & sextis feriis, quadragesimali vrimur cibo, nisi in prædictis sextis feriis tantum cum aliquo propter labores dispensetur, vel in locis, in quibus in eisdem sextis feriis, aliter comederetur, vel etiam nisi festum præcipuum fuerit.

Itinerantes tamen bis refici possunt, nisi in aduentu, & vigiliis Natiuitatis, & Purificationis B. Virginis, & ieiuniis principalibus ab Ecclesia institutis & sextis feriis intus, & extra. Quando autem festum habens vigiliam in qua secundum ordinem est ieiunandum veniet in secunda feria; eius vigilia in præcedenti Sabbato ieiunetur, contraria consuetudine non obstante. Feria secunda, & tertia post quinquagesimam, tam intus quam extra, quadragesimali vrimur cibo & ieiunamus. In pasceue verò per totum diem, in pane, & aqua abstinemus.

Præsidentes Conuentuum, & locorum ac eorum Vicarij in ieiunio S. Crucis non debent quotidie, nec cum omnibus fratribus generaliter, & ordinariè dispensare, possunt tamen aliquando, aut semel aut bis in hebdomada, non cum toto Conuentu, sed cum aliquibus ex causa rationabili dispensare. Et ideo Præsidentes qui faciles sunt ad dispensandum regulariter in ieiunio dicto S. Crucis, & sextis feriis & duobus diebus immediate ante cineres cum toto Conuentu, abutuntur potestate sibi tradita, & debent graniter puniri, & à suis officiis absolui. Fratres vero qui sunt sani, & possunt ieiunare, si non quotidie, saltem aliquoties in hebdomada, & propter gulositatem solum, nec sextis feriis volunt à cæna abstinere, quin potius nulla petita, aut obtenta licentia constitutionem de ieiuniis transgreduntur, & in huiusmodi transgressione perseverare intendunt, non possunt à damnabili contemptu excusari.

Ieiunium aduentus in nostro ordine strictissimum est, sicut & ieiunium

quadagesimæ, ita vt nullus Præfatus potest in eo cum toto Conuentu dispensare, nec etiam cum aliquo particulari fratre, nisi propter infirmitatem, aut debilitatem, sicut posset in quadagesima.

In ieiunio sextæ seræ non potest Prælatus cum toto Conuentu dispensare, & est tale ieiunium magis strictum quam ieiunium vigiliæ S. Dominici, vnde de ieiunio, huius vigiliæ dicitur in declarationibus, Prælatos non debere se difficiles exhibere ad dispensandum in dicta vigilia cū fratribus debilibus, vel alias indigentibus, quando in Sabbato euenerit. Venetiis 1592. dicitur Ieiunium sextæ seræ, quod tanti fit in nostris Constitut. inuolabiliter obseruetur, & abusus à Superioribus tollantur.

Festum præcipuum in hac Constitutione nominatum, in quo potest Prælatus dispensare, vt fratres in feriis sextis comedere possint oua, & lacticia, est festum duplex, & supra, extra tamen aduentum, & quadagesimam, & dum tamen ieiunent.

Itinerantes autem non solum in aduentu, & vigiliis de præcepto, & sextis feriis ieiunare tenentur, sed etiam seruare debent ieiunia, quæ seruantur communiter in patria vbi sunt.

Annotandæ autem sunt quædam Constitutiones Apostolicæ circa ieiunium.

Martinus 5. in quadam sua Constitutione quæ incipit, Ineffabile Sacramentum, concedit indulgentiam centum dierum ieiunantibus in vigilia corporis Christi vel aliud opus pium facientibus, de consilio sui Confessarii.

Eugenius 4. in bulla quæ incipit Excellentissimum, confirmat concessionem Martini, & auget indulgentiam in duplum.

Bonifacius 9. instituendo festum Visitationis B. Mariæ, monet, consulit, & suadet, vt in vigilia huius festi Christi fideles ieiunent, sicut ieiunant in vigiliis Natiuitatis, & Assumptionis eiusdem Beatæ Virginis. Bulla eius incipit, Supremi benignitas.

Sixtus 4. oraculo viuæ vocis relato à Roderico post bullas eius indulgit fratribus minoribus, vt non potentes bono modo ieiunare pro infirmitate, aut debilitate, non teneantur ieiunare.

Leo 10. etiam viuæ vocis oraculo citato vt supra, concessit eisdem fratribus, vt possint (maximè prædicatores actu prædicantes,) sine stimulo & seruato ieiunio, anticipare, & retardare horam comestionis scetorum collationis, iuxta suam consolationem.

Idem Leo 10. vt habetur in compendio priuilegiorum ordinis minorum, concessit dictis fratribus itinerantibus, vt possint transferre ieiunium diei itineris in alium diem.

Ex regula autem S. Augustini quam profitemur habetur solum ieiunium voluntarium cum dicat:

Carnem vestram domate ieiunijs, & abstinentia esca, & potus quantum valetudo permittit. Quando autem aliquis non potest ieiunare, non tamen extra horam prandij, aliquod alimentorum sumat, nisi cum egrotat.

HOra competenti ante prandium à Sacrista paucis ictibus campana pulsetur, vt fratres ad refectorium venire non tardent. Postmodum pulsetur cymbalum, si cibus est præparatus, alioquin non pulsetur donec paratus sit. Ablutis verò manibus, Prior nola refectorij pulset, & tunc fratres ingrediantur. Quibus ingressis dicat (Benedicite) qui dicit versiculos, & Conuentus prosequatur benedictionem. Nullus fratrum præsentium remaneat à prima mensa præter seruitores, & custodes, nisi de licentia. Quotquot autem remanserint, comedant in secunda mensa, ita quod tertiam facere non oporteat. Priores comedant in refectorio, & cibariis Conuentus sint contenti. Similiter infirmarij, seruitores hospitum, & alij fratres, nisi Prior cum aliquibus dispensauerit propter aliquam causam, vt extra Conuentum aliquando comedant. Fratres nostri tam Priores, quam alij in locis vbi Conuentum habemus, nisi cum Episcopo, vel in domib. religiosorum, & hoc rarò, extra claustrum comedere non præsumant. Seruitores autem incipiant ab inferioribus vsque ad mensam Prioris ascendentes.

Pulsato cymbalo pro refectorio debent fratres cum silentio, & matura festinatione venire ad locum vbi debent manus abluere, quibus ablutis, debent sedere secundum ordinem suum extra ianuam refectorij. Et cum Prior nola refectorij pulsare inceperit, debent bini & bini incipiendo à iunioribus ingredi refectorium. Et cum fuerint in medio, inclinent ante Crucem, vel figuram, quæ est super sedem Prioris, & eant ad loca sua ordinate. Et facta benedictione sedent, & cum silentio, & lectione sumant cibum de lectione mensæ dicit S. Pater Augustinus in regula.

Cùm acceditis ad mensam donec inde surgatis, quod vobis secundum consuetudinem legitur, sine tumultu, & contentionibus audite, ne solæ vobis fauces sumant cibum, sed, & aures esuriant verbum Dei.

Nullus frater etiam Prior debet in cella tenere mensam, sed omnes ad commune refectorium venire debent, nisi forte Prior aliquando causa rationabili cum aliquo dispensauerit, quod extra Conuentum i. refectorium in domo hospitum, vel debiliū, aut infirmorum comedere possit. Cum enim fratres à sequela communitatis se retrahunt, religio multum relaxatur, & multi Conuentus in spiritualibus, & corporalibus dissipantur, & destruuntur.

tur. Et ob id Priores nullatenus à choro & refectorio se absentent, nisi ex causa urgente, & idem faciant à subditis seruari alias ab officiis absoluantur. Idem statutum etiam fuit de Magistris quascunque licentias eis concessas ac aliis irritantes. Et si qui sunt Conuentus in quibus nulla seruetur communitas præcipuè comedendi in communi refectorio, inhabiles sint ad recipiendum nouitios ad habitum ordinis. Et ideo in capitulo de infirmis, dicit Constitutio:

Nec Priores Prouinciales, nec Magistri in Theologia, etiam actu legentes, comedant in cameris, nec alij fratres, sed in communi refectorio, vel domo hospitum, vel infirmorum, aut debilium.

In portandis autem scutellis, & piscantiis, seruitores debent incipere ab inferioribus & vsque ad mensam Prioris ascendere, nisi forte in mensa Prioris essent personæ magnæ, vt Episcopi, Comites, vel maiores his, quia tunc ab his honorabilioribus personis esset incipiendum. In leuandis autem scutellis vel incisorijs, à mensa Prioris incipiant, & ad inferiores descendant.

De ciborum qualitate.

CAP. XXXIIII.

Pulmenta nostra sint vbique sine carnibus in Conuentibus nostris, præterquam in infirmariis. Fratribus autem nostris, ne sint hospitibus onerosi, pulmenta cocta cum carnibus comedere liceat extra claustrum. Singulis diebus duo cocta pulmenta si fieri potest habeant. Poterit autem Prior superaddere prout opus esse iudicauerit, & facultas domus permiserit. Nulla fiat seruatoribus vel ministris piscantia, quæ non sit Conuentui, nisi sint infirmi vel minuti. Frater non mittat fratri piscantiam, excepto Priore, sed sibi datam dare possit à dextris, & à sinistris: Si quis iuxta se sedenti viderit aliquid deesse de communi, requirat à seruitore. Si quis de seruatoribus vel comedentibus, seruiendo, vel comedendo, in aliquo offenderit, surgentibus fratribus veniam petat, & facto signo à Prælato redeat ad locum suum.

In Locis vbi Conuentum habemus, extra domum fratres carnes non comedant. *Cap. de infirmis.*

Præsidentes Conuentum non possunt dispensare cum fratrib. vt in refectorio carnes comedant, nec extra refectorium cum toto Conuentu regulariter, nec cum aliquo fratre in Aduentu, & contrarium facientes ab officiis absoluantur, & grauissimè puniatur. Ex decl. cap. de infirmis. In Constitutione de carnib. non comedendis, non debent Prælati dispensare, nisi cum

infirmis, & euidenter indigentibus, quamuis etiam extra casum infirmitatis, possint eum aliquibus ex causa rationabili dispensare, vt cum notabiliter antiquis, & lectoribus, & debilibus, non tamen debet hoc facere regulariter, sed aliquibus diebus, & cum discretione.

Ex decl. cap. de graui culpa. Fratres alibi quam in infirmariis carnes non comedant, nec pulmenta cum carnibus, aut cum sagimine, etiam itinerantes nec cibos in quibus euidenter apparent carnes concisæ comedere præsumant. Et pariter extra Conuentum fratres carnes non comedant, nec etiam cum Principibus, & Prælati, etiam si super hoc asserant priuilegium habere. Nec etiam fratres infirmi.

Ex decl. cap. de infirmis. Quamuis in domibus Episcoporum, & religionis possint fratres quandoque sed raro de licentia Prælati comedere, non tamen licebit comedere carnes extra claustrum, etiam si sint infirmi. Quotidie autem teneatur refectorium, & in secunda, & quarta feria minime cum aliquo dispensetur, nisi propter infirmitatem.

Præsidentes Conuentuum de elemosynis ex missis, & officiis collectis, redditibus ac prouentibus Conuentuum, taliter disponere quod singulis diebus fratres habeant vnā piscinā cum vno ferculo, & tempore ieiunij vltra piscinā habeant duo fercula; vt possint ieiunare.

Finito prandio fiat signum à Prælato cum nola, & tunc terminetur lectio per Tu autem domine, &c. & Prælatus stans nola pulset quousque fratres à mensa surrexerint, terminata pulsatione illi qui seruiendo vel legendo, aut comedendo in aliquo offenderint, faciant veniam posternendo se, toto corpore non super ventrē, sed super vnum latus in longum, tibiam vnā super aliam tenendo. Et factosigno à Prælato surgāt, & ad locū suū vadant.

Foran in hoc proposito licebit scire concessionem quandam factam ab Eugenio 4. Fratribus Carmelitis, nam cum in eorum regula cautum esset, vt ieiunarent singulis diebus à festo S. Crucis vsq; ad Pascha, & abstinerent à carnibus nisi infirmitatis vel debilitatis remedio, petierunt super huiusmodi dispensationem à sede Apostolica, adducentes propter talem arctitudinem multos retrahi ab ingressu in illā religionē, & multos religiosos debilitati, & hic Pontifex talem gratiam indulsit prout refert, & confirmat Sixtus 4. in Mari magno Carmelitarum, & est bulla eiusdem Sixti 4. Apud Rodericum 37.

Auctoritate Apostolica tenore presentium statuimus, & concedimus, vt dicti ordinis professores qui nunc sunt, & pro tempore erunt tribus dumtaxat diebus singularem septimanarum, quibus ieiunio vt præfertur stricti sunt, præterquam in aduentu, & quadragesima, & alijs diebus generaliter prohibitis, vesci carnibus licite, & libere valeant, decernentes ad arctiorem obseruantiam occasione emissæ professionis, & emittende minimè eos teneri.

Adrianus 6. bulla sua apud Rodericum 4. idem concedit ordini Redemptoris captiuorum S. Trinitatis his verbis.

Provinciis & ministris monasteriorum ordinis prædicti, quibus per regularia instituta vsus carniū in refectorio interdictus est, non autem extra refectorium, si qualitas temporis, vel monasterij necessitas id exegerit, vesci carnib. licentiam dari posse concedimus.

sedimus Aduentus, & alij iure prohibitis temporibus, exceptis.

Eugenius 4. vt refert compendium priuilegiiorum ordinis minorum verbo Ieiunium, concessit Fratribus S. Hieronymi, vt Prælati possint dispensare cū suis subditis causa infirmitatis super esu carniū temporibus interdictis, abſque alia licentia diſceſſani.

De collatione tempore Ieiunij.

C A P. XXXV.

TEmpore ieiunij hora competenti ſacriſta ad collationem ſignum faciat, poſtea reſectorarius cimbalum pulſet, deinde fratribus venientibus in reſectorium præmiſſo, Iube domne benedicere, & ſecuta benedictione, Noctem quietam, &c. legat lector. Infra verò lectionem bibere poterunt, facto ſigno à Prælato, & diſto Benedicite, à leſtore, dataque benedictione ab hebdomadario, Largitor omnium bonorum benedicat potum ſeruorum ſuorum: Finita lectione, dicat qui præeſt. Adiutorium noſtrum in nomine Domini. Et tunc cum ſilentio intrent fratres Eccleſiam, Quicunque bibere voluerit extra horam, licentiam petat, & vnum ſocium accipiat.

Fratres duabus manibus bibant, & ſedendo. *Cap. de Nouitijs.*

Contra hanc conſtitutionem inualuit uſus, nam in multis locis propter concurſum ſecularium ad Eccleſias noſtras, completorium more aliarum Eccleſiarum incipitur in choro, & non in reſectorio per Iube domne benedicere. Qui mos cum non poſſit abſque admiratione ſecularium reuocari, & ſit rationabilis, vt aliis conformemur Eccleſiis, ſeruari debet, idcirco Salamanicæ 1551. ſtatutum fuit interueniente etiam auctoritate Apoſtolica, vt completorium etiam diebus ieiuniorum ſemper in choro, per Iube domne, &c. inchoaretur, & cum dicitur Noctem quietem, & ſinem, &c. fratres inclinent vt ſit in aliis benedictionibus. Idem confirmatum fuit Barchin. 1574.

In reſectorio danda eſt benedictio ab Hebdomadario non ſedente, ſed eleuato, & ſtante, qui etiam poſt collationem debet dicere, Adiutorium abſente Priore & Superiore ac Vicario Conuentus; quia & ſi eo caſu non præſideat aliis loco, præſidet tamen auctoritate. Cum autem dicitur, Adiutorium, vel Fidelium debet dici cum magna grauitate, ita ſonore quod clare ab omnibus auditur. Et quando ſunt ſimul plures Prælati, ille qui aliis præeſt dicat, Adiutorium, & Fidelium, & benedictionem in completorio.

Quamuis videatur irreligioſum bibere poſt completorium, & propterea ordinatum fuerit, vt qui poſt completorium bibebat teneretur iteratò dicere completorium, quia tamen Conſtitutio dicit de licentia Prælati poſſe fratres extra horam bibere, poterit etiam Prælatus quando dies breues ſunt, collationem uſque poſt completorium finita oratione diſſerre. Debet autem volens bibere ſocium aſſumere ac licentiam petere cauſa honeſtatis, ne forte ob præſentiam ſocij excedat in bibendo.

Circa infirmos caueat ne sit negligēs Prælatus, sic enim procurandi sunt infirmi, vt citius releuentur, sicut dicit Pater noster Augustinus. Poterunt autem quidam vesci carnibus, prout eorum grauiore exigat infirmitas, secundum quod Prælato visum fuerit. In locis vero vbi Conuentum habemus, extra domum carnes non comedant. Si quis autem talem habuerit infirmitatem, quæ nec multum eum debilitet, aut comedendi turbet appetitum, talis nec supra culcitram iaceat, nec ieiunia consuetudinaria frangat, nec cibos refectorij mutet. In domibus nostris non sint nisi duo loca in quibus comedant debiles vel infirmi, vnus carniū, alter aliorum ciborum, nisi sit euidentis necessitas & vrgens infirmitas. Similiter omnes alij fratres, etiam Prouinciales, & Magistri astutegentes comedant tantum in refectorio, vel hospitio, aut domo infirmorum siue debilium, nunquam autem in cameris. Si autem Priores infirmari contigerit, in infirmaria cum alijs procurentur. Fratres verò leprosi infra septa sui Conuentus seorsum ab alijs procurentur. Conuentum autem suum dicimus cuius est filius. Quod si arctitudo loci illius, vel alia legitima causa non permiserit, ad alium Conuentum ordinis per Prouincialem transmittantur.

De Infirmis etiam curandis agit S. Augustinus in regula, & dicit.

Sanè quemadmodum agrotantes necesse habent minus accipere ne grauentur, ita & post ægritudinem sic tractandi sunt vt citius recreentur, etiam si de humillima seculi paupertate venerint, tanquam hoc illis contulerit, recentior ægritudo, quod diuitibus anterior consuetudo. Sed cum vires pristinas reparauerint, redeant ad feliciorem consuetudinem suam, quæ famulos Dei tanto amplius decet, quanto minus indigent, ne cibi eos teneat voluptas iam vegetatos, quos necessitas leuarat infirmos. Illos sanè existiment ditiores, qui in sustinenda parcite fuerint fortiores, melius est enim minus egere, quam plus habere.

Item, Lauacrum etiam corpori, cum infirmitatis necessitas cogit minimè denegetur, fiat tamen sine murmure de consilio medicinæ, ita vt etiam si nolit, iubente Præposito faciat, quod faciendum est pro salute, si autem velit, & fortè non expedit, suæ cupi-

ditati non obediatur. Aliquando enim etiam si noceat, prodesse creditur, quod delectat. Denique si latens est dolor in corpore, famulo Dei dicenti, quid sibi doleat, sine dubitatione credatur, sed tamen utrum sanando illi dolori, quod delectat, expediat, si non est certum medicus consulatur. Nec eant ad balnea, siue quocumque ire necesse fuerit, minus quam duo, vel tres.

Item, *Ægrotantium cura*, siue post ægritudinem reficiendorum, siue aliqua imbecillitate, etiam sine febribus laborantium, vni alicui debet iniungi, ut ipse de cellario petat quod cuique opus esse prospexerit.

Item, *Qui infirmi sunt ex pristina consuetudine si aliter tractantur in victu*, non debet aliis molestum esse, nec iniustum videri eis quos fecit aliqua consuetudo fortiores. Nec illos faciliores putent, quia sumunt, quod non sumunt ipsi, sed sibi potius gratulentur, quia valent, quod non valent illi.

In singulis Conuentibus debent esse aliquæ deputatæ cameræ pro infirmis, bene fulcitæ de linteaminibus. & lectis, & aliis necessariis pro infirmitate, & debet institui vnus infirmarius principalis discretus, qui provideat infirmis de lignis, cibariis, medicinis, & de aliis necessariis ad eorum releuationem. Cui statuto additum fuit post illius confirmationem. Romæ 1608. ut huic infirmario addatur socius, quando opus fuerit pro seruitio infirmorum. Debet etiam Prælatus huic infirmario deputare aliquam partem pecuniæ Conuentus ex eleemosynis prouenientem, iuxta ordinationem Ioan. Papæ 12. & possunt isti infirmi delibentia Prælatorum vesci carnibus attenta illorum graui infirmitate. Et si fuerit talis infirmitas, quæ nec multum debilitet, nec turbet appetitum cibos reſectorij non mutent tales infirmi. Quando autem & cum quibus Prælatus possit disponere super esu carnium, dictum est cap. de cibis & illorum qualitate, & cap. sequenti dicitur. Propter minutionem fratres carnes non comedant. Qualem etiam dispensationem habeant infirmi super officio dicendo. vide cap. de officio Ecclesiæ.

De minutione.

CAP. XXXVII.

Minutio quater in anno fieri potest, prima in mense Septembri, secunda post Natale, tertia post Pascha, quarta post festum S. Io. Baptistæ. Præter has minutiones, nullus audeat sibi minuere, nisi discretio Prioris propter aliquam causam iudicauerit aliter alicui esse faciendum. Minuti extra reſectorium cum silentio comedant, vbi commodè poterit obseruari, & secundum

quod facultas domus permiserit commodius procurentur. Causa verò minutionis carnes non comedant.

Fratres non tenentur se facere minui, nisi de consilio medicinæ, si quis autem sine consilio huiusmodi voluerit minutionem facere, teneatur illam facere temporibus statutis prædictis. Quod autem religiosi possint se minuerelicitè, habetur textus in cap. Cum ad monast. §. porrò. Vbi dicit Io. Andreas post Vincentium fuisse ab Angelo reuelatum eos qui sanguine minuunt die 13. Februarij, illo anno ex febrili distemperantia non mori. Et quia minuti ob extractionem sanguinis, in quo vita consistit, solent debilitari, si Priori videbitur, & non aliter, secundum complexionem, & debilitatem illorum poterunt vesci carnibus, aut alias commode, & frugaliter extra refectorium procurari.

De lectis.

CAP. XXXVIII.

Super culcitram non dormiant fratres nostri, nisi fortè stramen vel aliquid tale super quod dormiant, habere non possint, Super stramina, & saccones laneos dormire licebit, extra domum vero dormire poterunt, sicut fuerit eis stratum, ne hospites molestentur. Qui autem culcitram petierit ieiunet vna die in pane & aqua. Cum tunica, & caligis cincti dormiant. Nullus, Magistro ordinis excepto qui in communi tolerari possit, habeat specialem locum ad iacendum, nisi propter rerum custodiam: Lectorib. autem secundum discretionem Prioris provideatur.

Quamuis sanis interdictum sit dormire super culcitra (i. lectos plumeos) infirmis tamen licebit de licentia Superiorum, ideo in infirmariis nostris solemus habere culcitra pro infirmis, quæ consuetudo videtur rationalis. Et cum Constitutio non præcipiat nos dormire cum scapulari, quod tamen est protestantium nostræ professionis, & tenemur illud semper deferre quando in publicum procedimus, non peccant fratres si sine scapulari dormiant, peccarent autem si sine tunicella, & cingulo, & sine caligis dormirent, quia tunicella videtur pertinere ad habitum nostrum de nocte, quæ semper debet ossibus nostris adherere, & ideo qui nulla subsistente causa, sed ex sola sensualitate, sine tunicella, & caligis dormiunt maximè quando hoc habent in consuetudine, non excusantur à peccato. Omnes autem (excepto Magistro ordinis, infirmis, & hospitibus) in communi dormitorio dormire debent, quod ita debet esse dispositum, ut in sero claudatur, & clavis apud Priorem, vel aliam securam personam seruari debet, & dormientes extra dormitorium grauiter puniantur.

CAPVT XXXIX.

VEstes laneas non attonfas, vbiseruari poterit, deferant fratres nostri, vbi vero seruari non poterit, vtantur vilib. & potius vilitas seruetur in cappis. Lincis non vtantur ad carnē, nec etiam infirmi, Linteamina in infirmariis nostris concedimus quod haberi possint, & similiter in cameris hospitum. Nullus habeat plures tunicas quàm tres cum pelliceo in hieme, & quatuor sine pelliceo, quod semper tunica coopertum deferatur. Pelliceis siluestrib. aut etiam coopertoriis quarumcunque pellium, fratres nostri non vtantur, nisi in infirmaria, nec tamen vtantur ibidem coopertoriis pellium siluestrium. Tunica circa cauillam pedum inclusiue, & non plus descendant, Scapularia circa cooperturam genuum. Cappa vero sit breuior tunica, & etiam pelliceum, Caligas, & soccos habebimus, vt necesse fuerit, & facultas permiserit. Ocreas non habebimus, nec chirothecas, Bottæ extra septa monasterij non portentur.

S. Augustinus in regula.

Non sit notabilis habitus vester, nec affectetis vestib. placere, sed moribus. In incessu, statu, habitu, & in omnib. motibus vestris nihil fiat, quod cuiusquam offendat aspectum, sed quod vestram deceat sanctitatem. Vestes vestras in vnum habeatis sub vno custode, vel duobus, vel quot sufficere possunt ad eas excutiendas, nè à tinea lædantur. Et sicut pascimini ex vno cellario, sic induamini ex vno vestiario. Si fieri potest ad vos non pertineat, quod vobis indumentum pro temporum congruentia proferatur, vtrum hoc recipiat vnusquisque quod deposuerat, an aliud, quod alter habuerat, dum tamen vnicuique prout cuique opus est non negetur. Si autem hinc inter vos contentiones, & murmura oriuntur, & conqueritur aliquis se deterius accepisse, quam prius habuerat, & indignum se esse quod non ita vestiatur, sicut alius frater vestiebatur, hinc vos probate, quantum vobis desit in illo interiori sancto habitu cordis, qui pro habitu corporis litigatis. Tamen si vestra roleratur infirmitas, vt hoc recipiatis, quod posueritis, in vno tamen loco sub communibus custodibus habere quod ponitis, &c. Indumenta vestra secundum arbitrium.

Præpositi lauentur, siue à vobis, siue à fullonibus, ne interiores animæ sordes, contrahat mundæ vestis nimius appetitus, &c. Qui verò vestibus præponuntur, sine murmure seruiant fratribus suis, &c. Vestimenta vero, & calceamenta, quando fuerint indigentibus necessaria, dare non differant sub quorum custodia sunt quæ poscuntur.

Ex chronica ordinis colligitur B. Patrē Dominicum, & alios primitiuos patres ordinis habitum quem modo portamus, non statim deferre cœpisse, sed superpelliceis ad modum habitus Canonicorum regularium vsos fuisse, cuius ordinis erat ipse S. P. Dominicus. Ingressus est autem ordinem nostrum quidam doctor insignis Magister Reginaldus Decanus Aurelianens. eo anno confirmationis ordinis. Et cum in grauem morbum incidisset, ita vt de eius salute desperarent medici, illi decumbenti, nocte apparuerit B. Virgo, quæ cum salutari vnctione perunxit, propter quam sanatus est. Et deinde habitum religionis quo nunc vtimur ostendens dixit. En habitus tui ordinis. Propter quam visionem omnes fratres hoc habitu à Deipara ostenso vti cœperunt. Hunc eundem habitum. Ven. Abbas Ioachim præuidit prophetice, cum D. Dominicū hoc habitu indutum per multos annos ante eius vitam effigiauerit, & Venetiis in templo S. Marci, & Calabria in quodam sui ordinis monasterio.

Ex S. Thom. 2. 2. q. 188. art. 6. habetur viles vestes maximè congruere religiosis duplici ratione, tum quia religionis status, est status pœnitentiæ, quæ tristitiam secum habet, pœnitentes autem ciliciis, & saccis vtuntur, & tristitia affecti in vestibus etiam eam ostendunt, tum quia religiosi mundana contemnere debent, inter quæ connumerantur vestes preciosæ. Et ob id in sui humiliationem, & aliorum exemplum religiosus vilibus vestibus secundum suæ regulæ instituta incedere debet, quod si id faceret ob vanam gloriam, aut avaritiam, aut hypocrisim, vitiosum esset.

In declarat. Habitus igitur nostri ordinis est tunica alba, & scapulare album quoad clericos, & cappa nigri coloris. Infra verò tunicam non debemus caligas, vel alias vestes alterius coloris, quam albi portare, & hunc debemus patenter deferre, cum sit protestatium, nostræ professionis. Et quia breuitas vestium leuitatem quandam designare videtur, longitudo verò honestatem, & grauitatem, tunicæ nostræ non debent esse notabiliter breues, sed vsque ad cauillam pedum inclusiue descendere, & ante, & retro consueta esse, cappa autem debet esse quatuor digitis breuior tunica, scapulare verò propter honestatem, nec nimis strictum, nec nimis latum, nec notabiliter breue, sufficit autem quod cooperiat in latitudine commissuram manicarum, & tunicæ, & in longitudo sit breuius cappa, & alta debet esse consueta cum caputio, & caputium cappæ cum cappa. Et quando in publicum procedimus, vel in choro sumus, debemus semper habere caput coopertum caputio. Et in missa, & extra Conuentum cappam ferre debemus propter honestatem. Item quando cūque fratres ad officium missæ, vel ad alia officia vtuntur superpelliceis, debent deferre scapulare sub ipsis, ita tamen quod

Caputium sit extra scapulas ordinatum, similiter sacerdotes diaconi, & subdiaconi cum induant sacras vestes, portent scapularia sub ipsis, nec vlllo modo ea deponant. Et hoc idem in missis priuatis seruetur. Quando autem habitus dimitti possit, siue pro ioco, siue quacumque alia causa, dicitur infra cap. de apostatis parte 4. Interim tamen notetur Bononiæ 1564. statutum fuisse, ne Superiores permittant fratres mutato habitu comedias, vel representationes facere sub pœna absolutionis ab officio. Et Barchinonæ 1574. prohibetur Præsidentibus ne permittant fratres per iocum representare personam Episcopi, etiam in festis S. Vincentij, & similibus. Cappæ autem in Conuentu portari non debent à festo Paschatis vsque ad festum omnium sanctorum nisi in communione, & à seruitoribus missarum, ita traditur Salamanticæ 1551. Et Venetiis 1592. statuitur, vt Confessarij dum audiunt confessiones secularium in Ecclesia cappas habeant.

Præsidentes autem Conuentuum studium, & diligentiâ adhibere debent, vt ex elemosynis, vel redditibus Cōuētus provideatur fratribus indigētibus de vestibus, & si alicui fratri à parētibus, & amicis dētur pecuniæ pro vestibus, dentur pœcuniæ procuratori, qui pannum emat pro fratre, vt sicut pascimini ex vno cellario, sic induamini ex vno vestiario. Et in declarationib. cap. de Nouitiis, mandatur Superioribus, vt cuilibet fratri indigenti singulo anno de vna veste provideatur, studentibus autem extra suas provincias ad studendum missis, dentur duo floreni pro vestibus. Et Bononiæ 1564. dicitur. Si in aliquibus Prouinciis, aut Conuentibus consuevit assignari fratribus certa pecuniarum summa pro vestibus, huiusmodi abusus pœnitus aboléantur, & provideatur vnicuique iuxta fratris necessitatem, & Conuentus facultatem, quod & Valleoleti 1605. confirmatum fuit. Et Romæ 1580. statuitur, vt omnes fratres cuiuscunque status, & conditionis sint, nullo modo tunicas deferre audeant, nisi ex panno communi, vt vniformitas appareat, & non potius vanitati seruire videantur. Et Romæ 1601. ita ordinatum reperitur. Vt vniformitas in exteriori habitu seruetur, caputium neque plicas habeat neque angulos, & non sit neque admodum magnum, neque breue nimium, sed in quadam mediocritate, tunicæ vero sint de panno communi, non pretioso nec subtili, scapularia etiam neque de subtili materia, neque plicas habentia. Similiter, nec cappæ sint de subtili, & pretiosa materia. Idemque obseruetur in vestibus interioribus, vt sint omnem humilitatem, & modestiam monasticam præferentes, omnique curiositate carentes.

In decl. etiam huius capitis circa preciositatem vestium, dicitur. Cum fratres nostri sint mendicantes, non debent vt pretiosis, sed vilibus vestibus, nec habere corrigias, cultellos, vel sotulares curiosos, nec bursas, vel scarcellas ac corrigias deferre, & qui habent tunicas, & cappas quasi regales, & non solum vnâ, sed plures, triplicatas, & quadruplicatas, & in huiusmodi pomposo habitu perseverant, & perseverare intendunt, non excusantur à damnabili contemptu, & ideo Prælati delinquentes in his grauiter punire debent Romæ 1580. additur, vt nullus vti debeat coclearibus, & aliis instrumentis aureis, vel argenteis, vel etiam ex lapidibus pretiosis, siue in mensa, siue in cingulis, cultris, yaginis, siue alias quomodolibet.

Constitutio autem de lineis non vtendis ad carnem, cum negatiuè ponatur nulla adhibita pœna taxata, vel taxanda, videtur transgressores obligare ad culpam. Et ideo illi qui nulla subsistente causa lineis vtuntur ad carnem, & in huiusmodi transgressione intendunt perseverare, à damabili contemptu non excusantur, & idem intelligitur de canapo, & bombice. Consuetudo etiam in talibus, & si non sit contemptus, est tamen illi propinqua, & ad illum disponens. Quæ consuetudo cum sit irrationabilis, potius dicenda est corruptela, & non potest talem cõstitutionem abrogare. Et Romæ 1569. Admonentur Prælati, vt tunicellas interiores lanceas deferant, suosque subditos tam in personis, quàm in lectis laneis straminibus vti faciant.

Ocreas verò, & chirothecas fratres deferre non debent, quando pedestres ambulant, cum verò cum licentia, & necessitate opus est equitare, poterunt propter honestatem, vt à frigore, & pluuia, & à nimio calore se conseruēt, ocreas, & chirothecas habere. At Venetiis statuitur, vt nemo ocreas, & penulam quam vulgo vocant (feltro) portet, maximè conuersi, sed religiosè incedant omnes, ita vt habitus patenter feratur, & pro religiosiis, vel ex ipso dignosci possint. Et etiam cum per ciuitatem incedunt & bini sint, & cum toto habitu, & etiam idem seruetur cum de vna ciuitate ad aliam procedunt.

Ex Constitutionibus Apostolicis notanda etiam sunt hæc. In particulari Innoc. III. vt habetur in cap. Cum ad monasterium. De statu monachorum firmiter inhiuit, ne quiuis monachus, siue religiosus camisiis lineis vtatur. Sixtus etiam IV. in Mari magno ita de habitu nostri ordinis disponit.

Inhibemus etiam vt nulli, siue sit in religionis ordine siue extra ordinem constitutus, habitum vestrum, aut ei consimilem, quod propter eum frater Predicator credi possit, deferre liceat, absque mandato sedis Apostolicæ specialis. Et vt distat inhibitis maiorem consequatur effectum statuimus, vt hic qui habitum vestrum, vel ei similem prædicto modo deferre, præsumperit, ad deponendum ipsum per Diocesanos locorum cum à vobis fuerint requisiti, monitione præmissa per censuram ecclesiasticam appellatione postposita compellantur, &c.

Ante Sixtum IV. Cum patres Heremitani S. Augustini sepè cum nostro simili habitu incederent interiori, ideo diploma edidit Alex. IV. in quo illum illis prohibuit, vt habetur in eius priuilegio 35. his verbis.

Alexander seruus seruorum, &c. Dilectis filiis Generali, Provincialibus, & Prioribus ord. Heremitarum, &c. Meminimus, &c. Sed vos prout accepimus prædictum fratrum Predicatorum habitum, vel ei consimilem deferri, quod quando tunicam superiorem deponatis, fratres Predicatores credimini, & ab eis in huiusmodi habitu non videmini discrepare, &c. Volentes igitur confusionem habitus euitare, &c. Vobis omnibus, & singulis ac aliis fratribus vestra cura commissis in virtute S. obediencie districte conuicimus, quatenus omni dilatione, & difficultate remotis, habitum huiusmodi deponatis penitus cum nullo vnquam tempore reassumendum, &c. de alio vobis, & religionis vestrae habitu prouidentes, &c.

Denuo in partibus Hispaniarum insurrexit disceptatio inter eosdem, & Patres nostros super huiusmodi habitu, & Clemens VIII. talem protulit senten-

sententiam, quam refert Compendium bullarum in fine.

Clemens VIII. &c. Mandavit, & mandat, ut perpetuis futuris temporibus, fratres Predicatores cum cappâ nigra, fratres verò Heremitanos cum tunica nigra ad instar propriarum Constitutionū, non solum in regnis Hispaniarum sed ubique locorū, etiam- si in propriis Ecclesiis, & Conuentibus eos actus exerceant in quib. habitum nigrū Constitutiones iubent adhiberi, præcipuè verò in Ecclesiis dum confessiones audiunt, conciones seu lectiones ad populos habent, quam extra claustra in quibuscumque actionib. & functionibus, etiam in itinere, & ad prædia, licet urbibus, oppidis, & monasteriis vicina animi gratia accedentes, semper incedere debeant, & teneantur præterquam in adibus, & viridariis prædiorum suorum, & hæc in virtute S. obediencie mandata districte obseruari. Et superioribus virisque religionis præcipit sub pœna excommunicationis late sententiæ, ne litem, vel molestiam aliquam vicissim inferre audeant non obstantibus.

Refert compendium priuilegiorum ordinis minorum verbo Indulgentia quo ad seculares. §. 6. To. 23. relaxasse omnibus Christi fidelibus osculantibus habitum S. Dominici, quinque annos, & totidem quadragenas de iniunctis sibi pœnitentiis.

Sunt etiam multi seculares vtriusque sexus ordini nostro bene affecti, qui in sua morte disponunt indui ac sepeliri cum habitu nostro, de quibus habentur priuilegia infra scripta. Nam Sixtus IV. in Mari magno statuit, ut infra.

Insuper cum nonnulli, ad ordinem fratrum Predicatorum specialem gerentes deuotionis affectum, ordinent eorum cadavera, eum habitu fratrum dicti ordinis, aut foris de penitentia sepeliri, ne ex illorum corporum delatione ad alia loca, ordini, & fratribus prædictis irrogetur, decernimus tales apud fratres prædictos esse sepeliendos, etiam si alibi suam elegerint sepulturam, nec posse etiam in loco per eos electo, cum habitu prædicto quomodo libet sepeliri, absque fratrum licentia, & assensu domus loci in quo tales decesserunt.

Idem Sixtus IV. in bulla Aurea hæc concessioni addit.

Et quia per sepe tales antequam moriantur habitum huiusmodi eis dari postulant, decernimus habitum prædictum per Priorem domus ordinis Predicatorum, &c. loci in quo tales decedere contingit, vel per Superiorem eius vel cui illi duxerint commitendum, & non per alium, quauis præbitione fulgentem exhiberi deberi, qui prædictum habitum recipientibus, declarare teneatur eos sepeliri debere in Ecclesia illius ordinis cuius habitum receperunt, & illorum sic indutorum eademra discooperata nullo superposito pallio ad sepulturam deferri.

Leo X. etiam in suo priuilegio nobis concessorū 3. sic habet. Volentes quoque sepeliri in habitu eorundem fratrum, in claustro non degentes, & in propriis domibus habitantes, in eorum vltima voluntate sepulturam sibi eligere possint libere.

Postremo omnium seruandum est in habitu, & vestitu religiosorum id quod de habitu clericorum statuit Conc. Trid. sess. 24. cap. 6. de reform. in hunc modum.

Et si habitus non faciat monachum, oportet tamen clericos vestes proprio congruentes ordini semper deferre, ut per decentiam habitus extrinseci morum honestatem intrin-

secum ostendant, tanta autem hodie inoleuit aliquorum temeritas, & religionis contemptas, ut dignitatem clericalem paruipendentes, vestes deferant laicales, pedes in diuersis ponentes, vnum in diuinis, alterum in carnalibus, propterea si moniti, & correpti denno deliquerint, etiam per priuationem beneficiorum, & officiorum coerceri possint, & debeant.

De Rasura.

CAPVT XL.

Rasura sit superius non modica, ut religiosos decet, sic ut inter ipsam, & aures, non sint plusquam tres digiti. Tonsura quoque fiat desuper aures. Rasura vero fiat à Pascha vsque ad festum omnium Sanctorum de quindena in quindenam, deinde autem semel in tribus septimanis, ita tamen, quod propter festa solemnia, possit per dies aliquot præueniri, vel retardari.

Præsidentes Conuentuum diligentem adhibeant sollicitudinem, ut fratres sint vniformes in capillorum rasura, & ut decentem, & religiosam habeant coronam, nec villo modo patiatur, ut comas nutriant, aut more secularium capillos longos habeant. Debet autem tonsura capillorum, solum vsque ad summitatem aurium descendere, & inter ipsam, & rasuram capitis desuper, non debent esse plusquam tres digiti. Poterit autem in regionibus calidis rasura fieri etiam in hieme de quindena in quindenam, ut Prælatus iudicauerit. Qualis autem debeat esse conuersorum rasura dicetur cap. de Conuersis.

Scitu dignum est, quod tradit S. Thom. 4. sen. dist. 24. quæst. 3. art. 1. quæst. c. 1. de religiosorum rasura. s. Eis qui ad diuina mysteria applicantur competit tonsura, vel rasura ad modum coronæ, tum ratione figuræ, quia corona est signum regis potestatis, quia datur regibus, & perfectionis, quia circularis est. Religiosi autem diuinis mysteriis mancipati regale sacerdotium obtinent, & perfecti esse debent, tum ratione subtractionis capillorum, quæ fit, & in parte superiori, ut mens à temporalibus occupationibus libera, ad contemplationem diuinorum ascendat, & in parte inferiori ne sensus terrenis inuoluantur. Et in responsione ad 2. subdit. Similiter etiam conuersi tenduntur in parte inferiori, propter renuntiationem temporalium, non autem in parte superiori, quia non occupantur in diuinis obsequiis in quibus oporteat diuina contemplari.

Non est quid nouum à Patribus nostris inuentum, ut fratres rasuram capitis seruent. De vita, & honestate cleric. cap. Clericus habetur. Clericus neque comas nutriat neque barbam. Et ibidem cap. Clericis subditur. Clerici, qui comam, & barbam nutriunt, etiam inuiti à suis Archidiaconis tondeantur.

CAPVT XLI.

Silencium fratres nostri teneant in clauſtro dormitorio cellis, in reſectorio, & in oratorio fratrum, niſi forte ſilenter aliquid loquantur, non tamen oratione perfecta. Alibi tamen loqui poterunt de licentia ſpeciali. Omnes fratres vbique intus, & extra ſilencium teneant in menſa, tam priores, quàm alij excepto, qui maior fuerit inter eos, vel alio cui pro ſe loqui commiſerit, & tunc ipſe taceat, Magiſtris in Theologia exceptis. Prior tamen conuentualis poſſit licentiaſcere vnum de ſecum comedentibus ad loquendum. Si vero plures Priores conuentuales ſimul comedere contigerit, Prior antiquioris Conuentus loquatur, & vni loquendi licentiam dare poſſit. Nullus autem aliorum ibidem loquatur, niſi de neceſſariis menſæ, & hoc per vnicam orationem breuiter, & ſubmiſſè niſi de licentia Epiſcoporum, ſiue Electorum, aut etiam maiorum his, ſeu etiam Regum, ac etiam Magiſtri ordinis, & Miniſtri ordinis minorum, cum contigerit nos cum eis comedere. Prior autem prouincialis abſente Magiſtro ordinis, fratribus ſecum comedentibus in ſua dumtaxat prouincia, poſſit dare licentiam loquendi, in alia autem prouincia tantum vni. Si quis hoc ſilencium fregerit expropoſito, vel licentiam loquendi dederit, in vno prandio aquam bibat, & in capitulo coram omnibus vnam diſciplinam accipiat, exceptis infirmis decumbentibus. Et in hoc non diſpenſetur niſi per Magiſtrum ordinis, aut Priorem Prouincialem, & hoc raro, & ex rationabili cauſa. Infirmi verò non decumbentes à prandio vſque ad veſperas ſilencium teneant, ſimiliter poſt ſignum, quod fit poſt completorium. A minutis vero poſt diem ſuæ minutionis primam, idem obſeruetur. Fratres in capitulo de ſilentio ſe accuſent, ſicut de aliis culpis, & arbitrio Priorum puniantur. Si quis tamen inter duo capitula ſepties ſilencium fregerit, in vno prandio ſedeat in terra.

In clauſtro, dormitorio, cellis, reſectorio, & oratorio fratres continuum tenere debent ſilencium, nec debet Prælatus cum fratribus in his diſpenſare vt loquantur, & quidem cum fratres per clauſtrum tranſeunt debent pſalmum, De profundis, &c. cum aliis orationibus dicere. In cellis vero dormitorij poſſunt ſcribere, legere, orare, & dormire. In reſectorio vero dum ſunt in menſa debent continuam lectionem habere. In oratorio autem debent orare, & nihil aliud quam id ad quod factum eſt agere. In aliis autem

locis à prædictis, poterunt fratres loqui de licentia speciali quam licentiam dicuntur petere vel habere, quando post Salve regina, quod dicitur in fine cuiuslibet horæ ponunt digitum super os, volentes se versus Prælatum. A signo autem quod fit cum parua cāpana post completoriū vsque post primam. Et similiter à signo quod fit in astate post prandium vsq; post nonam dictam, nulli loqui licebit, sed omnes silentium seruabunt. Et omnes fratres dum simul comedunt siue in terra, siue in mari, silentium seruare tenentur, excepto vno qui fuerit maior inter eos, & Magistris in Theologia.

Qui autem, aut quando loqui possunt hi sunt. Magister ordinis omnibus fratribus secum comedentibus extra refectōrium, i. siue in hospitio, vel infirmaria, vel in camera sua, potest dare licentiam loquendi in mensa, in refectorio autem talem licentiam dare non potest, quia ibi est continuum silentium. Idem possunt Prouinciales in sua prouincia tantum, & absente Magistro. Prior conuentualis in mensa extra refectōrium loqui poterit, & etiam vni comedentium loquendi dare poterit facultatem. Et si contigerit plures Priores simul comedere, solus ille qui antiquiori Conuentui præsidet loqui poterit, ac vni alteri licentiam loquendi dare. Magistri in Theologia loqui possunt non autem aliis loquendi facultatem concedere, intellige in mensa, & extra refectōrium. Vicarij ordinis generales mortuo vel amoto Generali, nec non & Vicarij generales prouinciarum per quemcunque modum legitime instituti, & loqui, & loquendi licentiam dare possunt secum comedentibus. Vicarij vero particulares tum Magistri ordinis, tum Prouincialium talem licentiam præstare non possunt, habent tamen facultatem fratres sibi commissos absolucendi à pœna quæ debetur eis propter fractionem silentij, vel talem pœnam commutare si eis fuerit concessum à Magistro ordinis vel à Prouinciali. Qui Magister ordinis, & Prouinciales possunt etiam aliis facultatem dictam concedere, auctoritatem autem loquendi in mensa aliis delegare non possunt. Apparet etiam ex Constitutionibus Episcopos, Electores, Reges ac his maiores, nec non & ministrū ordinis minorum prædictam licentiam dare posse.


In capitulo Romano 1558. proposita fuit hæc declaratio per modum inchoationis. Inchoamus hæc in capitulo de silentio, deletis verbis illis, (omnes fratres ubiq; intus, & extra silentium teneant in mensa) vsq; ad illud (si quis autem hoc silentium fregerit) exclusiue, legatur sic. Omnes fratres in refectorio vel vbicumque totum Conuentum, vel maiorem eius partem simul comedere contigerit quomodolibet, semper silētium teneant in mensa, nec ibidem loquantur nisi de necessariis ad mensam, & vnicā oratione breuiter, & submisse, excepto Prælato, siue eo quem mensæ præesse contigerit, qui de necessariis pro seruitio mensæ, vel pro admonendis fratribus loqui possit. Alibi autem de licentia Prælati loqui poterunt, deinde sequatur. Si quis autem, &c. Quæ declaratio non fuit confirmata in capitulis sequentibus, & ideo nullius est roboris. Et quia irreligiosum fuit semper iudicatum in religione loqui post completorium, debent fratres post signum, quod fit post completorium tenere silentium vsque post primam. Quando verò fratres cœnant post completorium sicut fit dominicis diebus in hie-

me, non est opus quod tale signum fiat post completorium, sed poterit differri vsque post secundam mensam completam, post quod tenebuntur fratres silentium seruare.

Cum dicitur fratres debere se accusare in capitulo de silentio, idem est intelligendum de omnibus aliis transgressionibus constitutionum, & cum subditur, transgressores silentij debere sedere in terra, non ob id sic sedentes tenentur stare in pane, & aqua, sed solum sedere sic, & comedere quæ alij comedunt, & hanc pœnam debent subire fratres in prandio, & non in cœna. Pro quib. sic sedētibus debet haberi asser, super quē sedeant, & aliqua mensa vel forma lignea super quam comedant. Et si sedēt pro pœna grauioris culpe, debet poni asser immediate super terram, super quo ponantur cibaria, vt & ipsi pœnitentes super nudam terram sedere debent. Romæ 1608. ordinatur sanctissima silentij lex tantopere à patribus nostris cōmendata, ex cuius obseruantia tot tantaque bona in ordine nascuntur, omni studio, & diligentia seruetur. Et Prælati negligentes in punitione seuerius ipsi puniantur.

Tanto autem silentium religiosi commendatum esse debet, quanto lingua plures inuoluit iniquitates, de qua differens S. Antoninus par. 1. tit. 2. ca. 4. dicit, quod sicut omnis nostra locutio ex literis alphabeti resultat, ita ex lingua tot peccata oriuntur, quot & quales sunt ipsius alphabeti literæ, quæ sunt, Adulatio, Blasphemia, Contentio, Detractio, Excusatio peccati, Falsitas, Gloriatio, Hæresis, Irrisio, Cantatio amatoria, Lasciua locutio; Maledictio, Nugatio, Oratio sine attentione, Periurium, Querela iniusta, Reuelatio secretorum, Sufurratio, Temeraria assertio, Verbum ociosum.

Dicamus igitur, cum Propheta in psalmo, Pone domine custodiam ori meo, & ostium circumstantiæ labiis meis. Quod Deus concedat, qui est benedictus in sæcula. Amen.



S V M M A R I I

Pars Secunda.

N Q V A D E D I V E R S I S R E L I G I O S O -
R V M S T A T I B V S , G R A D I B V S ,
& officiis disponitur.

De Examinatoribus recipiendorum.

C A P. I.



N quolibet Conuentu tres idonei fratres eligantur, de communi consilio capitali, qui recipiendos in moribus, & scientia diligenter examinent, & examinationem Priori, & capitulo referant, eorum iudicio an recipi debeant reliquentes. *Cap. de Recipiendis.*

Isti tres fratres examinatores eligendi, debent esse prudentes, & discreti, ac de consilio patrum. Et examen potest fieri ab eis simul ac diuisim, semper tamen caute, & urbane, & non acerbe. Debent autem leniter inquirere de impedimentis in Constitutio. expressis, de quibus infra per singula dicetur, & de omnibus quæ inuenerint, debent fideliter referre. Summo-pere autem cauendum est, ne recipiantur ignari & inepti ad literas, vel qui habent quædā vitia quasi inseparabilia, & naturalia, vt sunt innata iracundia, ebrietas, debilitas naturæ ex vitiosa consuetudine, & dispositio ad furiositatem, & huiusmodi, de quorum correctione vix spes potest haberi.

Clemens 8. edidit quandam institutionem de recipiendis, & educandis nouitiis, in qua quædam notantur inquirenda ab examinatoribus.

Superiores diligenter inquirent, quo spiritu, quamento, & voluntate, id regularis vitæ genus elegerint, quem sibi finem proposuerint, num zelo perfectioris vitæ, & vt Deo liberius famulari possint, vel leuitate, vel humano aliquo affectu, aut inordinato animi motu ducantur. Provideant quoque vt omnes etiam conuersi, priusquam ad habitum admittantur, per eos quibus incumbit, de regula quam professuri sunt, de tribus essentialibus votis, & aliis cuiusque ordinis institutis peculiaribus instruantur.

Idem Pontifex in alio decreto de forma recipiendi nouitios, ita statuit.

Nouitij ad habitum vel professionem nullatenus recipi possunt, nisi prius ab ipsa Congregatione, formationis, vel ab eorum Ordinariis, in quorum diocesi nouitiatus existit,

expresse, & nominatim approbati fuerint, & licentiam in scriptis (gratis tamen etiam quo ad scripturam) obtinuerint. Qui Ordinarij omnem adhibeant diligentiam, ut circa aetatem, conditionem, educationem scientiam, vitam, & mores, ceterasque qualitates in nouitijs requisitas, obseruentur instituta eiusdem Congregationis, &c. Neque aliter aliqui recipi permittant.

Veruntamen Frater Hieronymus Xauiere Magister ordinis, viuz vocis oraculo à dicto S. D. Papa obtinuit suspensionem dicti dēcreti pro nostra religione, prout ipse per literas notificauit.

Sixtus 5. in sua Constit. de illegitimis non recipiendis ad habitum quorumcunque regularium præcipit nullos maiores sexdecim annis recipi posse, nisi prius de eorum patria, parentibus, & moribus diligenter inquiratur, & ex accurata informatione, & fide digna relatione compertum sit, in eis non esse, quædam impedimenta quæ infra proponuntur, & subdit hæc verba.

De his omnibus in generali aut Provinciali capitulo plena, & indubitata fide facta, tam Generalis, seu Provincialis, quam Dissinitorum consensu approbati, & admissi fuerint. Et infra.

Quare volumus ut recipiendorum admissio, approbatio, & receptio in capitulo generali, aut provinciali fiat pro tempore, necnon religiosi sic recepti nomen, cognomen, & patria, in actis capituli notentur.

In alia vero Constit. declaratoria præcedentis sic statuit.

Quia vero in quibusdam religionibus capitula provincialia, aut nunquam, aut quotannis non celebrantur, &c. Concedimus, ut in qualibet provincia duo aut si possibile fuerit tria, aut plura monasteria deputentur, quorum Superiores infra annum ad inquisitionem de nouitijs faciendam secundum formam prædictam congregentur.

Pro cuius mandati executione in cap. Romano 1589. in qualibet provincia designati fuerunt Conuentus, quorum Superiores conuenire debent quando hac approbatione opus sit. Et postea auctoritate Apostolica interueniente in provincia Lombardiæ ad hoc munus deputati fuerunt R. R. Patres Prior, Regens, Inquisitor, & Baccalaureus, Bononienses, ita ut saltem tres illorum admissioni subscriberent, quando extra capitulum ea fieri oporteat. Videas infra cap. de qualitate informationum, &c.

Necessarium autē est recipiendos examinari diligētē ex D. Tho. 2. 2. q. vlt. art. 9. nā inquit tria sunt cōsiderāda in ingressu relig. Primo ipsemet ingressus secundū se, & quia hic bonus est, nō est opus cōsilio aut examine. Secundo ipsemet ingressus per cōparationem ad vires animi, & neque in hoc casu requiritur cōsiliū, siue examen, aut diutina delibatio, quia non debet cōsidere in propria virtute, sed diuina, nisi forte sit inquirendum de viribus corporis quæ necessariæ sunt. Tertio qualitas religionis ingrediendæ, & circa hanc laudabile est cōsulere, inquirere particularia statuta illius, & per examen perquirere eius voluntatem. Et quamuis inducere hominem ad suscipiendum habitum religionis laudabile sit, cauere tamen debent tria inducentes ex eodem S. Doctore ibidem. s. violentiam, minis terrendo aut comminando; simoniam aliquid recipiendo pro ingressu, mendacium, proponendo ea quæ falsa sunt de statu religionis. Illud etiam quod aduertit D. Caietanus in dicto articulo non omnino prætermittendū est s. inducere aliquē

ad intrandam religionem, in qua non seruantur Constitut. & instituta illius, est ex genere suo malum, quia talis vita reprehensibilis est. Quod si verum est, nedum inducens, sed, & recipiens ad habitum in idem malum incidit, ac etiam ille qui talem religionem ingreditur, si scit mores religionum dissentire notabiliter ab instituto regulæ. Cuius doctrinæ alij sint iudices. Satis enim mihi est in hoc opere tradere quæ nostri Patres sanxerunt.

De his qui possunt ad habitum recipere.

CAP. II.

Nullus recipiatur in fratrem clericum ad probationem, vel professionem, nisi à Prouinciali, vel ab eo cui super hoc speciale licentiam dederit, vel à Priore conuentuali cum assensu totius aut maioris partis capituli. Conuersum autem non recipiat Prouincialis, nec alius de eius licentia, nisi de consensu Prioris, & duarum partium qui sunt de Conuentu. *Cap. de Recipiendis.*

Honorius 3. in priori bulla confirmationis ordinis, multa concedit priuilegia, & inter alia indulget, vt Prælati possint aduenientes ad habitum recipere, his verbis.

Liceat quoque vobis, clericos, vel laicos, liberos, & absolutos à seculo fugientes ad conuersionem recipere, & absque contradictione retinere.

Ampliore gratiam in proposito concessit Eugenius 4. monachis S. Iustini cuius Constitut. inserta repetitur inter nostra priuilegia fol. 251. Cuius tenor in substantia est.

Liceat insuper Abbatibus, Visitatoribus, Prioribus, & Rectoribus dictæ congregationis presentibus, & futuris, personas eorum congregationi volentes associari, etiam quæ religionem, & ordinem aliam quemcunque etiam arctiorem ingredi voluerint, tali voto non obstante ad probationem professionemque recipere, easque auctoritate Apostolica ab ipso voto absolvere, & cum eis dispensare. Dummodo in tali religione vel ordine de qua voluerint, professionem non emiserint. Quod si tamen ante emissam professionem à vestra congregatione, recesserint, huiusmodi dispensatio nullius sit valoris.

Hoc autem priuilegium intelligendum esse puto conformiter ad ea quæ tradit S. Thom. loco citato 2. 2. q. 189. artic. 9. ad 3. f. Ille qui astrinxit se voto vel iuramento ad maiorem religionem. i. arctiorem, non potest induci ad minorem, nisi ex causa speciali, & euidenti, & hoc cum dispensatione Superioris, & ob id non debet cum aliquo fieri dispensatio, nisi aliqua adsit causa dispensandi.

In capitulo Valentino 1596. statuitur, Priores neque per se neque per alios posse in cellis vel quomodo libet secreto fratres ad habitum recipere, sed in capitulo publice id facere tenentur. Et ibidem etiam ordinatum fuerat, vt admissio recipiendorum ad habitum, tam fratrum quam monialium, fieret per vota secreta. Quæ ordinatio reuocata fuit Romæ 1601. Et Vallesoleti 1605. interdicitur Prioribus committere suis Supprioribus, & Vicariis, vt ad habitum,

habitum, seu professionem recipiant fratres sine licentia Provincialis. Ex decl. etiam cap. de elec. Prioris habetur, Supprieores, & Vicarios Conuentuum non posse propria auctoritate hoc facere, nisi quando Supprieores sunt in capite vti sunt quando mortuus est, vel amotus Prior.

De Recipiendorum aetate.

CAP. III.

PVeri, intra quartum decimum annum, non recipiantur, aut si in aliquibus Conuentibus oportet eos communiter recipere, recipiantur de consensu capituli Conuentus, à Priore, & non alias.

Nullus Conuersus recipiatur, infra decem, & octo annos.

Scire oportet, quod ante Concilium Tridentinum, profitebantur regulares, completo quintodecimo anno, propter quod pueri poterant ad habitum recipi, completo quartodecimo, iuxta quem morem loquitur hic Constitutio. Per illud autem Concilium, sancitum fuit, vt professio non fiat nisi post annum sextumdecimum, vt infra sua loco dicitur. Et ob id Bononiæ 1564. Denuntiatur fuit omnibus Præsidentibus, vt quoad fieri possit, ad habitum pueros non recipiant, ante quintumdecimum annum, & cuiusque nouitio, cum ad habitum recipitur, coram omnibus explicetur, professionem in posterum, ad dictum tempus esse faciendam. Quod si pueri aliquando ante quartumdecimum annum fuerint recepti, ad huc nostra Constitutio in cap. de Nouitiis obseruetur, vt ultra sextumdecimum annum tres alij menses superaddantur, in quibus de assumendo religionis statu commodius deliberare valeant.

Hæc intellige de anno quartodecimo completo, & quintodecimo incepto. Huius autem Constitutionis series est.

Ne pueri recepti ad habitum, inueniant se potius natos sub iugo religionis, quam illud elegisse, euitenturque inconuenientia multa, statuimus, vt ei cui ante quintumdecimum annum religionis habitus datus est, nunquam elabatur annus probationis, quantumque decurrente temporis spacio, nisi vocatus post annum sextumdecimum, à Prælato in capitulo, coram Conuentu, terminum trium mensium ad minus accipiat, ad deliberandum, &c. cap. de nouitiis.

In cap. Veneto 1592. constituitur, vt nullus recipiatur ad habitum, ante annum quartumdecimum expletum, quod & fuit confirmatum Romæ 1608.

Et Clemens 8. in decreto edito de institutione Nouitiorum, & illorum educatione dicit.

Quisque recipiendus in aliquo ordine regulari, etiam mendicanti, in ea sit aetate constitutus, quam eius ordinis in quo recipiendus est regularia instituta, & ordinationes requirunt.

De recipiendis vero ad habitum Conuersorum subdit.

Conuersi autem non recipiantur ante vigesimum aetatis suae annum.

Per quod decretum moderata fuit Constitutio qua in illis aetas tantum decem & octo annorum, ut ad labores habiles sint, requirebatur.

Notat S. Thomas, opusc. 17. & 2. 2. q. 189. art. 1. aliquos impugnasse religiosos, quod recipiant, pueros nondum in praeceptorum Dei obseruantia assuetos, cum Christus primo dixerit adolescenti petenti perfectionis statum. Si vis ad vitam ingredi serua mandata, quibus respondens dicit, quod obseruatio statutorum religionum puta ieiuniorum, vigiliarum, orationum, &c. tollit impedimenta, ut facilius seruentur Dei praecepta, & ideo congruit ingressus religionis etiam pueris, nondum exercitatis in diuina lege.

De recipiendorum sufficientia in litteris.

C A P. IV.

EXaminatores, recipiendum diligenter examinent in moribus, & scientia. *Cap. de Recipiendis.*

Item nullus recipiatur ad professionem ut clericus, nisi sciat plenè, & expedite dicere, & legere diuinum officium, diurnum pariter, & nocturnum, & sciat, vel sit habilis in proxima dispositione, ut sciat grammaticam. *Cap. de Nouitijs.*

Auctoritate Apostolica, in cap. Romano, 1589. statutum fuit ita, ut statutum hoc habeat vim, & robur perpetuae Constitutionis. Ut nullus ad habitum nostrae religionis recipiatur, siue ad professionem admittatur, nisi sciat distincte legere, & clare, beneque intelligat, & declaret, ea quae legit, & latinam calleat linguam. Praecipiturque in virtute spiritus S. & S. obedientiae, sub formali praecepto, & sub poena excommunicationis latae sententiae, hac vna, pro trina canonica admonitione praemissa, omnibus, & singulis Praelatis, & examineribus recipiendorum, vel ad professionem admittendorum, ut neminè penitus admittant, vel capitulo proponant, nisi sit sufficienter instructus ut supra. In cap. Veneto 1592. Haec ordinatio eadem auctoritate Apostolica sic fuit declarata. Vbi dicitur in ordinatione recipiendorum (Et latinam calleant linguam,) declaramus, per haec verba intelligi, quod in grammaticalibus sint sufficienter instructi, & hoc specialiter obseruetur in Prouincijs Hispaniarum, & Italiae. In reliquis vero curent Praelati sufficientiores recipere, prout illarum deploranda calamitas patietur. In eodem Capitulo Veneto, dicitur. Ut nullus recipiatur qui in grammaticalibus non sit sufficienter instructus, illis exceptis Prouincijs, in quibus Magistri ordinarie habentur, qui grammaticam doceant. Idem confirmatum fuit, Romae 1608.

Clemens 8. in sua Institutione nouitiorum habet haec verba.

Tantum vero literarum sufficientiam, calleat recipiendus in clericum, ut illius ad discenda spes indubitata præferat, quod minores, & suo tempore maiores ordines, iuxta decreta Concilij Tridentini suscipere valeat. Sed si quis annum vigesimo quintum excedens ad habitum regularem, admitti postulauerit, & talis eruditionis expertus inuentus fuerit, in Conuerforum tantum numerum, quibus literarum sufficientia necessaria non est, referatur.

Ex Conc. aut. Trid. talis requiritur literarum noticia his qui ordines minores petunt ut habetur sess. 23. cap. 11.

Minores ordines his qui saltem latinam linguam intelligunt, conferantur. Et nemo his iniicietur quem non scientia spes, maioribus ordinibus dignum ostendat.

Ex decl. cap. de Conuerfis. Si esset aliquis laicus nobilis ignarus literarum, qui propter eius nobilitatem, reciperetur ad habitum clericorum, non teneatur ad horas canonicas, sed tantum ad Pater noster; nec posset eligere, aut eligi, nec uti alijs gratis clericorum.

De alijs requirendis à recipiendis.

CAP. V.

Nullus recipiatur ad habitum, nisi requisitus, an sit coniugatus, an seruus, an ratiocinijs obligatus, & an habeat occultam infirmitatem.

Seruus non potest recipi in religione, nisi de licentia domini sui, vel nisi à domino suo factus sit liber, & si receptus fuerit ad professionem, & Conuentus fuerit in culpa, ut puta, quia sciebat ipsum esse seruum, vel fuit negligens ad hoc inuestigandum, tenebitur Conuentus satisfacere domino suo. Vnde in rubrica de modo recipiendi nouitios ad habitum, & ad professionem, habetur, Prælatus per hæc verba debere interrogare recipiendum in capitulo antequam eum recipiat, Si esses seruus emptitijs, non possemus te recipere, quia esses sub potestate domini tui. Et S. Tho. 2. 2. q. 189. art. 6. dicit Seruitus est indicta in penam peccati. Ideo per seruitutem aliquid adimitur homini, quod alias ei competeret, ne scilicet de sua persona libere possit disponere, seruus enim id quod est domini est, & ob id, seruus non potest prætermittere, obsequium domini sui, ut religionem ingrediatur, ita habetur dist. 54. cap. Gene.

Obligatus ratiocinijs non debet recipi, nisi prius de ratiocinijs se expediat, quod si ad ea sit obligatus propter ad ministrationem bonorum reipublicæ, nullo modo recipi debet. Si autem sit obnoxius ratiocinijs, propter bona particularium hominum, honestum est, ut primo se expediat, & debita persoluat; Si tamen ex seruire charitatis, & non ex leuitate, nec ex intentione subtrahendi se à debitis, religionem petat, poterit recipi, non obstante tali obligatione, quia hoc facit auctoritate Spiritus Sancti, cui nemo resistere debet. Et in tali casu, tenebitur Conuentus satisfacere creditoribus, de his quæ contulit monasterio. Quod si nihil contulit, quia forte nihil habebat, ad ni-

hil tenetur, quia inanis est actio, quam excludit inopia debitoris, Si tamen post eius ingressum monasterium aliquid acquireret occasione illius puta per successionem hereditatis, aut donationem, vel ex testamento, tenebitur quantum ad illud satisfacere creditori. Et S. Tho. loco nunc superius citato affert doctrinam hanc in proposito. Ille qui est obligatus ad aliquod certum, non potest illud prætermittere facultate existente. Et ideo si aliquis sit obligatus alicui rationem ponat, vel ut certum debitum reddat, non potest hoc licite prætermittere, ut religionem ingrediat; Si tamen aliquam pecuniam debeat, & non habeat unde reddat, tenetur facere quod potest ut scilicet cedat bonis suis creditori. Propter pecuniam autem persona liberi nominis secundum iura civilia, non obligatur, sed solum res, quia persona superat omnem æstimationem pecuniæ, unde potest rebus suis expositis religionem intrare, nec tenetur manere in seculo, ut debitum soluat.

Sixtus 3. in Constit. sua contra illegitimos lata, circa hoc, ita disponit.

Ceterum, quia sæpè se vitia ingerunt & se esse virtutes mentiuntur, ac multi decetores, post dilapidationem rerum familiarium, & contrariam ingentem vim aris alieni, aut interversam alienam pecuniam eorum fidei creditam, ut ratiocinia effugiant, &c. perpetuo statuimus, & ordinamus, inanes maiores sexdecim annis non aliter in aliquam religionem recipi posse, nec debere, nisi prius de eorum ante acta vita, diligenter inquiratur, & ex accurata informatione & fide digna relatione, compertum sit eos, &c. neque ingenti ere alieno supra vires facultatum suarum gravatos, reddendis ratiociniis ita obnoxios, ut ex huiusmodi causalis aut molestia inferatur, aut inferri timeatur, &c. omnes enim are alieno, & reddendis rationibus obnoxios, perpetuo inhabiles esse declaramus.

Coniugatus pariter recipi non potest, si ita coniugatus est, quod nedum matrimonium contraxerit per verba de presenti, sed etiam illud consumauerit, unde in rubrica de modo recipiendi nouitium ad habitum, habetur, Prælatum debere his verbis interrogare eum, Si esses coniugatus, & matrimonium consummasses cum vxore tua non possemus te recipere, quia esses illi obligatus.

S. Thom. 4. sentent. distin. 27. quæst. 1. art. 3. quæstiuncula 2. determinat in hac materia, ut infra, Sicut matrimonium post carnalem copulam soluitur per mortem carnalem, ita ante carnalem copulam, soluitur per ingressum religionis, quia religio est quædam mors spirituales.

Item matrimonium ante carnalem copulam significat coniunctionem. Christi cum Ecclesia per gratiam, quæ coniunctio solui potest. Post vero carnalem copulam, significat eandem unionem per assumptionem naturæ humanæ, quæ indissolubilis est. Et ex hoc sequitur, primum solui posse per religionis ingressum, non autem secundum.

Item ibidem. Ante carnalem copulam non statim tenetur alter coniugum reddere debitum, sed datur eis tempus duorum mensium ad deliberandum de transendo ad religionem.

Coniugatus etiam post copulam, potest religionem intrare cum consensu.

alterius, sed cauendum est, ne præbeat occasio peccati.

Infirmi- tatem occultam patientes, recipi non debent, si talis sit infirmitas, quæ eum reddat impotentem ad labores religionis. Vnde Prælati solent eos interpellare publice in capitulo his verbis. Si haberes aliquam occultam, aut etiam, manifestam infirmitatem, non possemus te recipere, quia religio propter labores suos corpora consumit, non autem restaurat, & fratres multa debent agere, ob quæ, infirmis seruire non possunt. S. Tho. 2. 2. q. 189. art. 10. dicit. Potest considerari religionis ingressus, per comparisonem ad vires illius, qui ingreditur, & sic non est locus dubitationis an recipi debeat, quia religiosi, non confidunt in virtute sua, sed in auxilio diuinæ gratiæ, si tamen sit aliquod impedimentum speciale, puta infirmitas, & huiusmodi, adhibeatur consilium cum his, qui prodesse possunt. Et quia inter infirmitates graues, cõnumeratur senectus, qua redduntur inhabiles senes ad austeritates religionis. Ideo ipsi recipi non debent. In decl. cap. de Nouitiis habetur, si nouitij prouectæ ætatis fuerunt recepti, & ad monasterium aliqua detulerint, in deposito seruanda reponantur, &c.

De professis alterius religionis non recipiendis.

CAPVT VI.

Nullus recipiatur nisi requisitus; an sit alterius professionis. Nullus religiosus professus cuiuscumque ordinis mendicantium recipiatur ad ordinem nostrum, sine licentiâ Magistri ordinis.

Ex cap. de recipiendis.

Bonifacius IX. vt habetur dist. 2. cap. 17. circa transitum vnus religionis ad aliam decernit.

Item statuimus, quod quorumcumque ordinum mendicantium fratres, huiusmodi Prædicatorum ordinis fratres, aut sorores, subiectas eisdem, in ipsorum, aut dictorum aliorum ordinum fratres, aut sorores, recipere non possint, aut debeant, etiam vigore quarumcumque literarum Apostolicarum, super hoc hætenus concessarum, vel in posterum concedendarum; etiam quod ad parem, vel arctiorem ordinem transire possint continentium, nisi in eisdem, de ordinibus ex quibus recedunt, & ad quos accedunt, & ad quos transferendi se licentiâ obtinuerint, nec non de præsentibus, & earum toto renore specialis, & expressa mentio habeatur.

Ex diuersis declarationibus, multa hic colligenda sunt, quæ vt clariora reddantur, ad hæc capita reducenda sunt.

Primo vt rum liceat transire de vna religione ad aliam.

Secundo in speciali, an alij religiosi possint ad nostram transire, & cum qua facultate.

Tertio, An nostri possint ad alias transire.

Quarto, Quid dicendum est de illis, qui vel voto, vel iuramento, vel aliqua intentionis determinatione, se vni religioni astrinxerunt, & cupiunt aliam intrare.

Quantum ad primum S. Tho. 2. 2. q. 189. art. 8. cuius doctrina assertur inter declarationes cap. de Apostatis, ita docet Transire ab vna religione ad aliam, non est laudabile nisi propter vtilitatem, aut necessitatem, tum quia plerumque scandalizantur, qui relinquuntur, tum etiam quia facilius aliquis proficit in illa religione, quam consuevit, quam in illa, quam non consuevit, cæteris paribus. Potest tamen aliquis transire de vna ad aliam triplici ratione: Primo ex zelo perfectioris religionis, quæ perfectio non attenditur secundum arctitudinem solam vitæ, sed principaliter, secundum id ad quod religio ordinatur, & consequenter secundum discretionem obseruationum fini proportionatarum. Et in hoc casu, transiturus propter humilitatem debet petere licentiam, quæ ei negari non potest, dummodo constet illam esse arctiorem. Si verò de hoc probabiliter dubitetur, erit iudicium Superioris requirendum, vt habetur cap. licet extra de Regularibus. Quod si non petita licentia transiit, non potest repeti, maxime si professionem in secunda emisit. Si verò ex suo transitu incurreret religio quam deserit grauem iacturam, vel infamiam, non liceret ad aliam transire, etiam si certum esset illam esse arctiorem. Nullus enim ex suo opere debet esse causa scandali, nec priuatum bonum debet præferri communi vtilitati vnius monasterij. Secundo potest fieri transitus de vna religione ad aliam propter declinationem religionis, in qua est, à sua perfectione debita, puta si in reliqua religione arctiori, incipiant religiosi remissius viuere, & hoc casu poterit etiam ad minorem transire, si ibi melius regularia instituta seruentur. Et in hoc casu, etiam requiritur Superioris iudicium. Tertio potest fieri hic transitus propter infirmitatem, vel debilitatem, ex qua interdum prouenit, quod non potest aliquis arctioris religionis statuta seruare, qui seruabit statuta laxioris. In quo casu etiam Superioris dispensatio necessaria est. Si quis autem, post professionem in vna religione factam, ad aliam transit sine legitima licentia, res & bona sua remanent priori monasterio, & qui cum recepit sibi imputet, si vero cum licentia, vel inuitus transit, vsus fructus tantum rerum quas contulit priori monasterio, debetur secundo quandiu vixerit, nisi ei sit onerosus. Et sic intelligitur id quod habetur 16. q. 6. capitulo, Cognouimus, & 27. q. 1. cap.

Si quis requieuit.
Pro 2. & 3. dicto, notandum est, vt habetur in declarationibus cap. de modo proficendi, de iure communi possunt alij religiosi cum monachi, cum mendicantes, venire ad nostram religionem, quia est aliis omnibus perfectior, quod potest colligi ex doctrina S. Thom. 2. 2. q. 188. art. 6. quo in loco ita philosophatur. Differentia vnius religionis ab alia, potest attendi penes duo primo quidem, & principaliter ex parte finis, secundo & consequenter ex parte exercitij, Comparatio secundum finem est absoluta, Comparatio vero secundum exercitium est respectiua, quia exercitium non quaeritur propter se, sed propter finem. Primo ergo in comparatione religio-

num attendendus est finis. Et si duæ religiones coincidunt in fine, attendendum erit exercitium, non secundum quantitatem exercitij, sed secundum proportionem ad finem. Primum gradum autem continent inter cæteras religiones, illæ quæ contemplatiuæ, & actiuæ vitæ attendunt, vt sunt illæ, quæ contemplata aliis tradunt docendo, & prædicando, sicut illuminare perfectius est, quam lucere tantum. Secundum autem gradum tenent, quæ puræ contemplationi vacant. Postremum vero locum tenent, quæ occupantur circa exteriores operationes, puta redimere captiuos, hospites colligere, militare, &c. Ex his patere potest, quod cum nostra religio nominaliter, & essentialiter, sit ordinata ad contemplata aliis tradendum, est præstantior illis, quæ vel ad puram contemplationem, vel ad puram actiuam vitam ordinatæ sunt. Et ideo de iure communi, possunt alij huiusmodi religiosi ad nostram transire. Inter eas autem, quæ ad hunc eundem finem ordinantur; præstantior est, quæ habet, non maiora exercitia secundum quantitatem, sed quæ habet ea magis proportionata fini, & in eis habet maiorem discretionem, qualis est religio nostra, per ea, quæ tradita sunt supra 1. parte, de præstantia ordinis nostri. Ideo etiam ob hoc licebit ab aliis ad nostram transire, & non è conuerso. Et antiquitus sufficiebat licentia Magistri ordinis, ex Constit. sed considerata sunt decreta Pontificia.

Martinus V. in Constitutione sua, quæ incipit, Viam ambiciose, &c. relata primo loco ad Consecratio, prohibet mendicantes posse transire ad quamcumque religionem monachalem (Carthusianorum excepta) his verbis:

Statuimus quod de cætero, nullus religiosus, quorumcumque ordinum mendicantium, cuiuscumque status, conditionis, &c. virtute quauis cumque facultatem concessam, etiam auctoritate Apostolica, &c. admitti, vel recipi possit per quoscumque Superiores monasticos in monachum cuiuscumque ordinis monastici, Carthusiensi dumtaxat excepto, sub pena excommunicationis lata sententia, quam incurrunt ipso facto receptores, & recepti, à qua absolui non possunt, extra articulum mortis, nisi à Romano Pontifice.

Conc. Trid. sess. 25. de regul. cap. 19. circa hoc diffiniuit modo vt infra.

Nemo regularis, cuiuscumque facultatis vigore, transferatur ad laxiorem ordinem.

Pius V. Constitutione, quæ incipit. Quæcumque sacrarum religionum, edita 1569. reuocat, & annullat omnes facultates concessas etiam ab ipso, met de transferendis religiosiis ab vno ordine, etiam laxiori, ad alium. Et iam translatos redire iubet ad priorem ordinem, non obstante quocumque priuilegio concesso. Paulus III. vt habetur in libro priuilegiatorum nostrorum fol. 2. 14. refert Pium II. Paulum II. Sixtum IV. & Innocentium VIII. inter alia statuisse, & ordinasse, quod ex tunc de cætero quicumque recepisset aliquem ex ordinis minorum fratribus, à suorum Prælatorum obedientia se subtrahentem, tam recipientes, quam receptus, eo ipso excommunicationis censuras per dictos Superiores promulgatas, incurrere.

Illud tamen quod soluit difficultatem in materia hæc est, priuilegium Bonifacij IX. quod inter alia est quintum, in quo prohibet fratres aliorum ordinum mendicantium, posse ad nostrum transire, & fratres nostros ad alios, sine licentia sedis Apostolicæ, quæ mentionem faciat de priuilegio.

hoc, & explicet specialiter ordinem à quo recedunt, & ad quos accedunt. Et in hoc omnino standum est. Quod si casus occurrerit, seruandum erit, id quod tradit Sixtus IV. in Mari magno 5.

Si vero aliqui de fratribus vestri ordinis, post obtentam licentiam à sede prædicta aut à vobis, ad aliam religionem transeundi, infra duos menses, vel tres, ad illam suam salutem congruam, se non contulerint, & ipsius non susceperint habitum licitum sit vobis singulis, Magistris, Prioribus, ac vices vestras gerentibus contra ipsos, tanquam contra vestri ordinis apostatas procedere, secundum quod honestati dicti ordinis videretur expedire. Idemque intelligi volumus de illis qui post susceptum alterius ordinis habitum, infra tempus probationis nulla facta professione, inde præsumpserint resiliire, aut etiam si post professionem huiusmodi, ad latiore, seu mihiorem ordinem transeierint, vel (quod absit) ad seculum redierint.

Noteetur etiam illud decretum Concil. Trid. quod habetur sess. 14. cap. 2. quod sic habet.

Quia vero regulares de vno ad alium ordinem translati, facili à suo Superiore licentiam standi extra monasterium obtinere solent, ex quo vagandi, & apostatandi occasio tribuitur, nemo cuiuscumque ordinis Prælatus, vel superior, vigore cuiusvis facultatis aliquem ad habitum, & professionem recipiat, nisi vi in ordine ipso ad quem transferretur, sub sui Superioris obedientia in claustro perpetuo maneat, ac taliter translatus, etiam si canonicorum Regularium fuerit, ad beneficia secularia, etiam curata incapax existat.

In capitulo Valentino 1596. Ordinatur, neminem à quacumque religione expulsam ad habitum nostrum recipi posse. Quod si receptus fuerit, præterquam quod grauerit punientur recipientes, receptio pro nulla habeatur, sicuti, & professio si fuerit secuta, & certior factus Superior de expulsiōe, talem habitum nostræ religionis exutum, ad seculum dimittat. Idem confirmatur Romæ 1601. & Vallesoleti 1605. Vbi additur, Declarantes hoc esse intelligendum de expulsis professis in alia religione.

In declarationibus cap. de Grauiissima culpa, hæc ordinatio habetur. Cum facultas transeundi ad alium ordinem vergat in nostri ordinis, & regularis obseruantie detrimentum, omnibus Prouincialibus & eorum Vicariis prohibemus, ne huiusmodi licentias sine causa euidenti, & necessaria, & cum maturo consilio concedant. Ad monachos autem nigros transeundi, nullatenus licentiam concedant, sine consilio, & assensu Definitorum capituli prouincialis. Quod si contrarium fecerint, per Magistrum ordinis ponantur, taliter quod sint alii in exemplum. Prioribus autem Conuentualibus subtrahimus potestatem concedendi cuicumque talem licentiam, quod si secus fecerint sint ipso facto à suis officiis absoluti, & nihilominus omnibus gratiis ordinis sint priuati, ad quas non restituantur, nisi per Magistrum ordinis, vel capitulum generale. Quæ declaratio, fuit promulgata, anno 1316. Cum autem prohibetur transitus de vno ordine ad alium mendicantium, per mendicantes intelliguntur nedum illi religiosi, qui reditus non habent, in communi, & in particulari, sed etiam illi, qui & si reditus, & possessiones habent, tamen propter exiguitatem illarum communiter mendicare consueuerunt, & sine mendicitate victum, & vestitum sufficien-

tem non

tem non habent. Pius V. per suas Constitutiones comprehendit sub nomine mendicantium, nedum quatuor principales ordines. scilicet Prædicatorum, Minorum, Heremitarum S. Augustini, Carmelitarum, sed etiam ordine Seruorum, & Minorum, & postremo Iesuitarum. Sciendum est etiam, quod si quis ob demerita expelleretur ab vno ordine, teneretur perquirere alium ordinem quantum poterit, etiam latiore, in quo tamen teneretur observare statuta prioris ordinis, prout facultas submi nistraverit in quo casu supra notatum est prohibitum fuisse in nostro ordine, taliter expulsos recipere.

Quantum spectat ad 4. Sunt qui in seculo existentes, se astringunt voto simplici, vel iuramento, aut animi deliberatione, ad ingressum religionis, de quibus hæc tradit declaratio capitis de Recipiendis. Qui vouit, vel iuravit, intrare religionem minorem potest intrare maiorem, & etiam ab aliis induci, vt eam introeat, quia in maiori includitur minor. Qui vouit, seu iuravit, intrare maiorem, non potest induci ad minorem, nec illam introire, nisi ex causa euidenti, & cum dispensatione. Vouens intrare aliquam religionem determinatam, & intendens perpetuo manere in illa tenetur, & intrare, & manere perpetuo in illa. Si autem intendit tantum se obligare ad ingressum causa experiendi, manifestum est non teneri ad manendum in ea. Si vero vouens, vel iurans ingredi, non cogitavit de permanentia in ea, vel exitu, videtur obligari ad ingressum secundum formam iuris communis, quæ est, vt ei annus probationis assignetur ad experiendum an possit remanere, non tamen tenebitur perpetuo in ea remanere. Qui autem absque voto, & iuramento, habitum alicuius religionis suscipit, cum intentione, & firmo proposito remanendi in ea, tenetur perseverare, nec potest retrocedere. Ita enim habetur, cap. statuimus, de Regul. lib. 3. per hæc verba. Statuimus novitios in probatione positos ante professionem emissam posse redire ad priorem statum, nisi euidenter appareat, quod tales absolute voluerint vitam mutare, & in religione perpetuo manere.

De illegitimis.

CAPVT VII.

NVllus illegitimè natus, recipiatur ad ordinem, nisi de Prouincialis licentia, si autem talis illegitimè natus ad ordinem receptus fuerit, & dispensatum fuerit cum eo, vt possit fieri Prior, non propter hoc diffinitor fiat capituli generalis, vel prouincialis, nec Prædicator generalis, nec elector Magistri ordinis, absque Magistri ordinis speciali licentia.

Duo hic sunt animaduertenda, vnum quod spectat ad receptionem illegitimorum ad habitum, aliud quod pertinet ad graduum, honorum, & officiorum admissionem. In primis autem sciendum est, Magistrum ordinis facultatem habere dispensandi cum eis, quod primo patet ex priuilegio 3. Martini V. quod ita habet.

Quodque tu & successores tui Magistri huiusmodi cum quibuscumque fratribus dicti ordinis cuiuscumque status existant, ex quorumque illustri consuetudine progenitis, vel procreandis, ut ad quoscumque gradus, dignitates, honores, & officia, quacumque in ordine, & locus prædictis, dumtaxat, promoueri liberè & licetè possint (generalis prædicti ordinis Magistratus excepto) auctoritate Apostolica dispensare valeas; concedimus.

Sixtus IV. in Mari magno ampliando facultatem hanc ita disponit.

Et ut dicti ordinis professibus, omnis vagandi tollatur occasio, &c. Magistro, Prioribus Provincialibus, & Conuentualibus, & eorum Vicariis defectum natalium ex adulterio, sacrilegio, incestu, & quouis alio nefario, & illicito costu, prouenientem patientibus, dispensandi cum dicti ordinis Predicatorum fratribus, facultatem concedimus, motu proprio, & scientia, ac auctoritate Apostolica, ita ut possint ad quascumque administrationes, & officia assumi.

Veruntamen Sixtus V. rigorosam edidit Constitutionem contra illegitimos, circa ingressum religionis, & assumptionem ad honores, Cuius summa hæc est.

Hac nostra in perpetuum valitura Constitutione, distictè prohibemus, ne illegitimi procreati ex incestu, vel sacrilegio, quorum. s. parentes infra tertium gradum consanguinitatis seu affinitatis coniuncti sunt, vel quorum alteruter parens, castitatem Deo vouerit, etiam si Apostolica, vel imperiali, aut regali auctoritate legitimitati fuerint, ad aliquam religionem, etiam mendicantium, &c. admissi, ac recipi possint quoquo modo. Quod si quispiam horum post huius publicationem habitum receperit, vel professionem emisserit, receptionem, & professionem nullam, & inuálidam esse declaramus, &c. Permittimus tamen, ut tales illegitimi, recipi possint ad habitum Conuersorum, siue famulorum ad vilia obsequia, ea conditione, ut ad habitum religiosorum, vel professionem emittendam, necnon ad ordines sacros, ac etiam minores, & clericalem characterem, fores perpetuo clausa sint. Illegitimos vero ex aliquo minus licito thoro, natos, etiam legitimatos, statuimus ad religionem admitti non posse, nec debere, nisi prius illorum vita, & moribus diligenter cognitis, adeo bonam indolem, & virtutis specimen præferant, & tot merita eis suffragentur, ut defectum natalium suppleant, & in generali, vel provinciali capitulo, maturè præhabita deliberatione, unanimi consensu Dissinctorum approbati existant. Qui tamen perpetuo, ad gradus, honores, & dignitates, in ordine obtinendos, inhabiles sint.

Idem Sixtus V. declarans prædictam Constitutionem, adiecit hæc verba.

Quoniam à multis questum est, quod nomine graduum, bonorum, & dignitatum, sit intelligendum, declaramus eorum nominum appellationem in hac re, Prioratus, Guardianatus, Provincialium, ac Generalium, Superiorum uè officia, & alia his similia cum onere, & superioritate coniuncta, intelligi debere.

Gregor. XIV. moderatus est prædictas Sixti V. sanctiones his verbis.

Nos igitur, &c. prædictas Constitutiones Sixti V. &c. auctoritate Apostolica, renouere præsentium, ad terminos iuris reducimus, & moderamus, & omnes dispensationes, & habilitationes illegitimarum, virtute privilegiorum Apostolicorum, cuiuslibet ordini concessorum, &c. in pristinum statum restituimus, & reuálidamus, &c. Ita tamen ut cum de recipiendis illegitimis ad ordinem agitur, bi ad quos spectat huiusmodi receptio, præter alia, quæ disquirere debent, diligenter vitam, & mores inquireant, &

illos recipiant, si tamen bonam indolem, & virtutis specimen praeferant, ut merita suppleant natalium defectum, & illorum receptio ordini profutura esse videatur. Dummodo tamen, in eadem religione, filius in qua pater professus fuerit, vivente patre, non admittatur, &c. Volumus etiam licere Generali, aut Prouinciali, ad quos dicta dispensatio iuxta privilegia illis concessa, &c. cum illegitimis suffraganeis meritis, &c. dispensare posse ad gradus, honores, & dignitates, obtinendas, &c.

Declaratur autem illegitimum receptum ad ordinem, cum licentia Magistri ordinis, vel Prouincialis, non posse esse Supporem, Vicarium Conuentus, etiam mortuo, vel amoto Priore, nisi cum eo fuerit dispensatum. Item neque posse fieri Visitatorem sine dispensatione. Et dispensatus, qui possit esse Prior, non propterea poterit esse Vicarius Prouincialis, aut Prouinciae, nisi in dispensatione de praedictis facta fuerit expressa mentio. Notat autem Siluester verbo, Illegitimus, in fine, illegitimum ob ingressum religionis reddi aptum ad ordines, quia ingressus religionis irregularitatem tollit, non tamen redditur aptus ad praelaturas, vel curam animarum, sine dispensatione, & ob id puto, Constitutionem nullam mentionem fecisse de dispensatione ad ordines suscipiendos. In omnem casum tamen, cum Praelati religionis possint dispensare cum fratribus suis, super quacunque irregularitate, excepta contracta per homicidium voluntarium, mutilationem membrorum, & bigamiam, iuxta bullam quae Maro magnum dicitur, poterunt etiam super hac.

De quibusdam aliis impedimentis suscipiendi habitum.

CAPVT VIII.

Paulus IV. Constitutione secunda apud Rodericum, pro ordine minorum prohibuit, ut infra.

Proprio motu, & scientia, tenore praesentium, perpetuo statuimus, quod de cetero, nullus secularis, qui fuerit Iudaus, seu haereticus, aut ex Iudeis, vel haereticis ortus, & quorum parentes, siue paterni siue materni, usque ad quartam generationem inclusae, vel haeretici condemnati sint, vel eorum corpora, aut ossa, siue etiam statua combusta sint, ad ordinis minorum habitum, per totum ipsum ordinem, recipi possint. Et si qui usque nunc recepti sunt, dignitatem aut praelaturam obtinere non possint, annullantes, &c.

Sixtus V. in eadem bulla contra Illegitimos, colligit quaedam impedimenta, ut infra.

Auctoritate Apostolica, tenore praesentium, perpetuo statuimus, iuvenes, aut viros adultos maiores sexdecim annis, non aliter in quamcumque religionem recipi possent nec debere, nisi prius de eorum parentibus, patria, deque eius ante acta vita, & moribus, diligenter inquiratur, & ex accurata informatione, & fide digna relatione, compertum sit eos, neque aliquorum criminum, qualia sunt homicidia, furta, latrocinia, vel alia similia, aut grauiora reos, vel suspectos existere, ut propterea damnati sint, aut ne damnentur formident. Neque ingenti aere alieno supra vires facultatum suarum grauitos, vel reddendis rationibus, ita obnoxios, ut ex huiusmodi causa, lis, vel

100 *De quibusdam aliis impedimentis suscipiendi habitum.*

molestia, eis tam illata, vel timendum sit, ne inferatur. Nisi denique constet, ipsos non humana aliqua ratione, sed tantum deuotionis feruore, viam religiosam sponte, & ex animo elegerisse. Deque his omnibus; in generali, vel provinciali capitulo, indubitata fide facta tam Superiorum, quam Dissinctorum assensu approbati, & admisi fuerint.

Declarauit postea idem Pontifex, quando quotannis capitula non celebrantur, posse id decerni circa recipiendos, à duobus, vel tribus Prioribus simul conuenientibus, vt notatum est supra cap. De his qui possunt ad habitum recipere. Et deinde in eadem Constit. subdit.

Omnes autem, & quoscumque criminosos, suspectos, ac alieno gravatos, vel rationibus reddendis obligatos, vt dictum est, ad religionem inhabiles declaramus. Et si qui contra presentem hanc nostram Constitutionem, remere admittuntur, tam susceptionem habitus, quam professionem, & inde secuta, ex nunc prout ex tunc, parimodo, irritamus, & annullamus, &c. Et insuper quoscumque religiosos earumque Superiores, qui aliquas personas inhabiles, vt supra receperint, voce actiua, passiua, nec non officii, gradibus, honoribus, & dignitatibus quibuscumque, eos in perpetuum priuamus, & ad illa, & alia quaecumque perpetuo inhabiles reddimus.

Clemens VIII. aliam Constitutionem edidit anno 1602. quæ incipit, In suprema Ecclesia, relata à Quaranta verbo Monasteria, & Conuentus Regularium, in qua moderatur illam Sixti V. quo ad nullitatem professionis, his verbis.

Nos, &c. opportuna ratione providere volentes, maturababita consultatione, &c. Constitutiones prædictas Sixti V. quo ad eam partem, & casus, in quibus receptorum contra formam præscriptam, professio nulla declaratur, ad terminos iuris reducimus, perinde ac si præfata Constitutiones in illa parte edita non fuissent, auctoritate Apostolica, tenore præsentium reducimus. Ceterum penas contra Superiores, qui in admittendis ad habitum, prædictam formam non seruauerint saluas esse volumus, & statuimus, sicque per quoscumque Iudices diffinire debere, declaramus, irritum, & inane, &c.

Idem Clemens VIII. in decreto de nouitiorum institutione, habet hæc verba.

Quod attinet ad recipiendorum nouitiorum formam, ultra diligentem perquisitionem, quæ habenda erit de natalibus vniuscuiusque, corporis valetudine, moribus, & ante acta vita, & præcipue eorum qui annum sextumdecimum excesserint, ac criminosi, aut ac alieno gravati, vel reddenda rationis obnoxii sint, iuxta formam Constit. Sixti V. &c. Illud etiam Superiores perquirant, vt nullus admittatur, qui ex honestis parentibus natus non sit, &c. Et infra. Et ne eorum parentes, ope & subsidio ipsorum indigentes deferant.

Dē criminosis habetur in cap. Romano 1583. tenor infra scriptus, Facinorosi, & homicidæ, non recipiantur ad habitum, nisi maximam suorum errorum pœnitentiam ostenderint, aut seruentissimo spiritui ducti, ad religionem venerint. Idque non absque licentia Magistri ordinis.

De his vero, qui parentes inopia oppressos deferunt, D. Thom. 2.2. q. 189. art. 6. hæc tradit. Quia parentes vt sic, habent rationem principij, per se conuenit eis, habere curam filiorum suorum, Et propter hoc non licet alicui

filios habenti religionem ingredi prætermittit omnino cura filiorum. Dicitur n. 1. Tim. 5. Si quis suorum maxime domesticorum curam non habet, fidē negavit, & est infideli deterior. Per accidens tamen parentibus conuenit, ut à filiis adiuuentur. Siquantum sunt in necessitate constituti. Et ideo parentibus in necessitate existentibus, ita quod illis commode aliter quam per obsequium filiorum subueniri non potest, non licet filiis, prætermisso obsequio parentum, religionem ingredi. Si verò non sunt in tali necessitate quod filiorum obsequio indigeant, possunt filij intrare religionem, etiam contra præceptum parentum, quia liberi sunt quantum ad ea quæ pertinent ad dispositionem sui status post annos pubertatis, præsertim in his quæ sunt diuini obsequij. Vnde Dominus Lucæ 9. reprehendit eum qui nolebat statim eum sequi intuitu paternæ sepulturæ. Et filij in religione, possunt obseruare præceptum de honore parentum, orando pro ipsis, & eis reuerentiam, & auxilium præbere, ut religiosus decet.

Quid autem dicendum sit filiis, quorum parentes post illorum professionem, in opes facti sunt, dicitur infra cap. de Apostatis.

De qualitate informationum suscipiendarum pro recipiendis.

CAP. IX.

PRO informatione impedimentorum, quæ habentur in nostris Constitut. an recipiendus sit seruus, vel coniugatus, aut aliquam habens occultam infirmitatem, sufficit simplex responsio illius qui recipiendus est data examinadoribus, & dicendo Prælato publicè confessionem, neque alia accurata perquisitio fieri debet, nisi forte aliqua suspitio de his haberetur. Pro alijs verò impedimentis quæ, & si in Constitut. habeantur, tamen afferuntur etiam in præfatis Constitutionibus Sixti 5. & Clementis 8. seruanda est forma in ipsis præscripta, & supra relata.

Gregorius insuper 14. qui temperauit in multis rigorem Constitut. Sixti 4. circa inquisitionem morum recipiendorum, decreuit, in hunc modum.

Cum acceperimus nonnullorum ordinum præsertim monachalium, monasteria ita instituta esse, ut in his perpetua quadam filiatio cōstituantur. Ideoque receptio nouitiorum in vnoquoque monasterio, ad Prælatum, & Capitulum eiusdem monasterij tantum pertineat. Quæ etiam Monasteria, maxime inter se distant, nec capitula generalia, aut provincialia, nisi raro celebrari solent. Ideo statimus, ut superiores illorum, de consensu sui capituli, præhabita simul cum his à quibus in vnaquaque religione vel Conuentu iuxta Constitut. recipiendus interrogari solet, aliqua informatione super his quæ in dictis Constitutionib. continentur, ad recipiendum nouitium procedere valeant, dum tamen antequam ad professionem admittantur plenaria, & eo modo prout in dictis Constitutionibus habetur, inquisitio fiat, quæ postea ab his à quibus in prædictis monasterijs examinari solent diligenter examinetur, & approbetur, & demum omnia in dicto capitulo coram Superiore referantur. Volentes quod Superiores prædicti, cum eorum capitulo, aut si consuetudo fuerit non celebrandi capitula, cum tribus, aut quatuor, in generali capitulo per vota secreta deputatis seruatis regularibus institutis, recipiendi ad

habitu nonitios potestatem habeant.

Hæc moderatio videtur fauere nostro ordini, in quo ex Constitutionibus constituta est quædam filiatio perpetua fratrum, illorum Conuentuum pro quibus professionem emiserunt.

In exequutione autem harum moderationum, in cap. Romano 1589. In qualibet Prouincia, instituti sunt, quidam Priores, ad approbandas istas informationes de quibus supra dictum est.

Rodericus 10. 3. Regul. q. quæst. 10. art. 1. refert quandam Constit. Clementis 8. in qua concedit Conuentui Salmaticensi ordinis nostri infra.

Nos igitur, &c. Supplicationibus inclinatis, Ven. fratris nostri F. Michaelis Alexandrini Protectoris ordinis Prædicatorum, Priori, & Conuentui Salmaticensi, &c. nunc, & pro tempore existentibus, auctoritate Apostolica concedimus, ut quosunque inuenies, etiam excedentes sexcentum annuum ad habitum in eodem Conuentu admitti petentes, recepto ab eis iuramento quod criminosi, rariociniis obligati, furto, latrocinio, & homicidio, notati, aut alijs impedimentis bullæ Sixti 5. detenti non sint, recipere possint, ac postea per aliquem eiusdem Conuentus religiosum deputatum ad inuestigationem antea facta vitæ illorum, & morum, & reliquorum absque strepitu iudiciali, sed per scrupulosum secretum, procedi facere, qui ad hoc deputatus, processum, & informationem ceptâ, Priori seu Presidenti, ac Suppriori, & Magistro nonitorum, & studenium, à quibus approbati possint referre, fideliter debeat, decernentes præsentis litteras, de nullitatis vitio, &c. notari non posse, &c. sed perpetuo in dicto Conuentu obseruari debere, &c. sicque per quosunque iudices, &c.

Huic priuilegio, addamus illud, quod à Iulio 2. fuit concessum ordini minimorum, quod habetur in nostris fol. 120. in quo hæc gratia conceditur.

Ac omnia, & singula priuilegia indulgentiarum, facultates, & indulgentiarum, vni vel pluribus domibus dicti ordinis minimorum in genere, per eundem Sixtum concessa, & in posterum concedenda omnibus, & singulis alijs domibus, & fratribus, essent & intelligerentur concessa.

Et aliud concessum ordini nostro à Leone 10. & est in ordine, primum in quo nobis communicat. omnia priuilegia alijs ordinibus concessa, etiam ordini Minimorum. Ex quibus satis apperte colligi potest, quod omnes Conuentus religionis nostræ possunt uti hoc priuilegio, si tamen sint Conuentus in quibus, & studium vigeat, & nouitios nutriant. Et sciendum quod Clemens 8. in prædicta concessione facta Conuentui Salmaticensi dicit se motum fuisse, hæc ratione, quia si ante receptionem habitus sumi debent informationes iuridice, publicatur recipiendorum voluntas ingrediendi religionem, & multi eos retrahunt, aut offendicula ponunt, & numerus religiosorum diminuitur. Quæ ratio cum vbique vigeat, vbique etiam seruari debere videtur.

Hæc autem inquisitio sumenda non est quando recipiendi sunt minores sexdecim annis, ut clare patet ex diplomate. Neque etiam fieri debet super his, qui ab vna ad aliam religionem transeunt, aut quando de vno statu ad alium ascendunt, puta, quando conuersus sit clericus, quia idem Sixtus in bulla prima contra illegitimos habet hæc verba.

Ceterum, quoniam sepe vitia ingerunt, &c. & multi post dilapidatam rem familiam;

rem, &c. Alij post furta, latrocinia, & homicidia, &c. ad euitandam legem, & indici-
orum seueritatem, quia tanto in seculo viuere non possunt, tunc querunt à religione au-
xilium, &c.

Quæ verba translatis prædictis adaptari non possunt.

Notanda etiam sunt verba, quæ habentur in 2. Constitutione Sixti V.
circa eos, qui remotissimis partibus aduenientes, habitum petunt, quæ sunt.

In illis autem qui in locis à sua patria remotissimis degeneres, vel quorum patria ab
hereticis seu ab infidelibus miserè oppressa detinetur, voluerint sub habitu regulari se
Deo dicare, Sancimus, huiusmodi exteros, quamuis non liquido constet de his omnibus
quæ supradicta sunt, tamen si diligentia adhibita nihil appareat quod eos impedit, ha-
biles reputandos esse.

De Conuentibus, & domibus nouitiorum.

CAP. X.

PVeri recepti ad habitum, non possunt retineri in aliquo Con-
uentu ubi non est nouitiorum similium congregatio, cum
proprio dormitorio, & Magistro, itaque uod, alibi non recipiantur,
nisi statim mittantur ad huiusmodi Conuentus, in quibus profite-
buntur, pro Conuentibus tamen, in quibus habitum receperunt, &
quibus Conuentibus de vestimentis prouideri eis debet, *Ca. de Recip.*

Nouitij non intersint capitulo, nec in dormitorio cum alijs
fratribus iaceant, sed Magister illorum extra capitulum, culpas il-
lorum audiat, & charitatiuè corripiat. *Cap. de Nouitijs.*

Congregatio nouitiorum debet esse ad minus in numero senario, & hæc
ordinatio quia habuit quatuor capitula, & est valde necessaria, est inuiola-
biliter sub præcepto obseruanda.

In capitulo etiam Romano 1589. editum fuit oraculum viuæ vocis, Sixti
5. per Illustrissimum Cardinalem Alexandrinum, ordinis nostri Protecto-
rem, tenoris huiusmodi.

Decetero Nouitij qui in minoribus Conuentibus habitum religionis assumpserint, ad
Conuentus maiores, & religiosos mittantur, ubi in dormitorio communi, cum debita
clausura, & saltem in numero senario, educari possint, sub Magistro discreto, & religio-
so. Quod si aliquis Prelatus in posterum professionem alicuius nouitij recipere præsump-
serit, qui iuxta tenorem huius decreti non fuerit institutus, & educatus, vel infra men-
sem scienter nouitium non transmitteris ad Conuentum in quo religiose educatur, ipso
facto sit excommunicatus, & gradu ac officio ordinis indispensabiliter pri-
uatus. Vt autem ordinatio ista debite obseruetur, præcipitur in virtute Spiritus
Sancti, & Sanctæ obedientiæ sub formali præcepto Prouincialibus, & Vicariis, ut
in prouincijs, & congregationib. suis infra spacium duorum mensium, à nouitia præ-
sentium, aliquos Conuentus religiosos designent, ad quos transmitterentur, qui in minori-
bus, & non aptis, pro eorum institutione restiti sunt, ubi annum probationis peragentes,
& suo tempore professionem emittent, pro illis tamen Conuentibus in quibus habitum
susceperunt.

Ecclesiam, oratorium, refectarium, & ad alia publica loca, cū opus fuerit, tam pueri, quam professi, simul omnes conueniant. Qui etiam tam pueri, quam professi, non habeantur, nec educantur, nisi in Conuentibus, ubi viget obseruantia regularis.

De Magistris nouitiorum instituendis.

C A P. XI.

Prior nouitiis magistrum diligentem in eorum instructione præponat, qui eos de ordine doceat, excitet in Ecclesia, & ubi negligenter se habuerint verbo, vel signo quantum poterit, eos studeat emendare, necessaria prout potest, debet eis procurare, de apertis negligentibus, cum ante eos veniam petierint pœnitentiam dare, vel eos in suo capitulo proclamare. Humilitatem cordis, & corporis doceat eos habere, iuxta illud: Discite à me quia mitis sum, & humilis corde.

Magister nouitiorum extra capitulum culpas eorum audiat, & ipsos diligenter quantum potest in moribus instruat, & charitatiue corripiat. *Cap. de Nouitijs.*

Magister nouitiorum debet esse vir prudens, discretus, zelator religionis, & bene carimoniosus; qui nouitios instruat de his quæ professi facere tenentur, ex decl. Magna sollicitudine à capitulis Prouincialibus designentur, & in propriis Conuentibus magno honore habeantur, quos (dūmodo sint maturæ ætatis) inter patres à consiliis connumerari debent, Romæ 1571. Ad nouitiorum curam seligantur patres in capitulo à Prouincialibus, & Patrib. qui tanto muneri apti, religione, & pietate celebres, in cantu, & carimoniis instructi, maturi, & graues, bonique nominis sint & qui deuotionis præfereant gustum, quos patres à consiliis esse, & in magno honore haberi volumus Barchin. 1574. Postea auctoritate Apostolica per oraculum viuæ vocis D. Sixti 5. editum per Illustriss. Cardinalem Alexandrinum in cap. Romano 1589. perpetuo statutum fuit vt infra.

Præcipitur sub pœna absolutionis ab officio, ipsa facto incurrenda, ne Prior Prouincialis vel conuentualis, possit ad nutum instituere Magistrum nouitiorum, vel institutum ab officio amouere: nisi ex consensu Dissinitorum, si de hoc agitur in capitulo Prouinciali, vel de consensu maioris partis patrum à consiliis illius Conuentus, in quo Magister est instituendus, vel amouendus, quando de hoc extra capitulum tractatur.

Clemens 8. in sua nouitiorum institutione de Magistrorum electione statuit vt infra.

Elegaturque tam Magister quàm socius, per prouinciale capitulum, per triennium ad minus onus subituri, quod si aliquo casu extra tempus capitulare aliqui sint instituendi, tunc electio Magistri, & socij, per Generalem, vel Prouincialem, aut visitatores, siue Vicarios, de Dissinitorum tamen, vel aliquorum grauiorum patrum assensu fieri

permissitur. Tam nouitiorum Magister, quam socius, ab omnibus officiis, & oneribus vacationem habeat, quæ nouitiorum curam impedire valent. Magister Sacerdos sit, & in quinto supra trigefimum ætatis suæ anno constitutus, & post decennium à professione, socius verò trigefimum annum excedat. Sintque ambo doctissimi, & ante alia vita exempli præstantes, orationis præsertim, & mortificationis operibus addicti, prudentia, charitatisque repleti, non sine affabilitate graues, ælulum Dei cum mansuetudine præseferentes, ab omni cordis, & animi perturbatione præsertim indignatione quam longissime alieni, & tales denique qui in omnibus bonorum operum se præbeant exemplum, & potius amari appetant quàm timeri. Pro communibus autem, & propriis vniuiusque necessitatibus quæ accidere possunt vnus ex nouitis ætate, & morib. prouentior deputetur, qui absente socio, & Magistro permittente, omnia prout opus fuerit agat, cui etiam ianua custodia, & rerum leuioris momenti prouiso, inita nouitiatum committeri possit.

Recofantes autem officium Magistris nouitiorum sibi à Prouincialibus, vel capitulo prouinciali, vel à Prioribus de consilio patrum impositum, non possunt eligi per vnum annum in Priores, Magistros in Theologia, patribus prouinciæ, & lectoribus actualibus tantum exceptis, Romæ, 1608. Et Parisiis 1611. ordinatum fuit, vt posthac Magistri nouitiorum qui sex nouitiorum ad minus curam habent, tam simplicium quam professorum clericorum, sint patres à consiliis, exempti ab hebdomadaria, teneantque locum in suis Conuentibus immediate post Baccalaureos, & vbi Baccalaurei non sunt immediate post Supptiorem. Si vero Magister fuerit Baccalaureus, teneat locum super omnes Baccalaureos in suo Conuentu. Quem locum, si in ipso officio vtiliter, & laudabiliter perseuerauerint per decennium, cuius saltem quadriennium sit continuum, in posterum semper teneant locum prædictum in sua prouincia. Inter se vero Magistri tenebunt locum suæ professionis.

De modo præbendi habitum nouitj.

C A P. XII.

Cum recipiendi adducti fuerint in capitulum, se prosternant in medio. Interrogati verò à Prælato, quid querant, respondeant: Misericordiam Dei & vestram. Quibus ad iussu Prælati creditis, exponat eis austeritates ordinis voluntatem eorum requirens. Qui si responderint se velle cuncta seruare, dicat Prælatus post cætera, Dominus qui incepit ipse perficiat, Et Conuentus respondeat, Amen. Tunc depositis secularibus vestibus, & religionis induti, in nostram societatem in capitulo recipiantur.

Cum aliquis habitum nostræ religionis recepturus est, conuocet Prælatus in capitulo omnes fratres, deinde Magister nouitiorum puerum iam à capitulo approbatum ducat vsque ad medium capituli, & ostendat ei lo-

cum veniē faciendæ. Qui toto corpore in terram prostratus, manibus in modum crucis extensis, Priori petenti, quid quærat, respondeat Misericordiam Dei, & vestram, & iussu Prioris surgat. Et Prior exponat, ei sensum petitionis suæ, dicendo quod si ex corde Dei misericordiam petit, illam ab eo faciliter obtinebit, Misericordiam autem nostram quæ est admissio ad collegium nostrum, etiam consequetur, si non habet impedimenta obstantia. s. Si matrimonium contraxisset, & consummasset cum vxore, quia ex quo corpus suum alteri tradidisset, non posset illud religioni tradere.

Item si in altera religione professionem emisisset, aut si seruus esset emptitius. Item si haberet aliquam infirmitatem ob quam non posset subire onera religionis, & haberet magna debita, aut obnoxius esset ad reddendā rationem de aliqua administratione, oportere enim prius illis satisfacere. In terroret ergo eum Prælatus an in eo sit aliquod impedimentum de prædictis. Quo respondente negative, subinferat adhuc Prælatus quantum graues sint austeritates religionis, & quod si cupit obtinere misericordiā nostrā, oportet eum tria vota religionis emitte. s. obedientiam qua resignatur tota libertas voluntatis in manu Prælatorum, ita vt non poterit manducare aut bibere, siue ad aliquem locum accedere, si se licentia Prælati, & in omnibus illi obedire circa ea quæ in regula, & Constit. continentur. Secundo debet promittere paupertatem, ita vt nihil tanquam proprium habere possit quamquam minimum, & omnia sibi à quocumque tradita illi præsentare debeat, in particulari pecunias. Tertio promittere debet talem castitatem quod nedum vxorem ducere non poterit, sed neque actus turpes, neque velleba obscena, imo neque inhonesta desideria habere licebit. Et præter hæc vota adhuc tenebitur in multis macerare corpus suum, vt spiritui seruire cogatur. s. nunquam comedere carnes nisi causā infirmitatis, ieiunare à festo S. Crucis de mense Septembris vsque ad Pascha, & tempore aduentus abstinere etiam à lacticiis, non vti lineis ad carnem, subire itinera etiam ad longinquas partes surgere media nocte ad matutinas silentium statutis horis seruare, ad quæstum ire, vestes laceras & viles portare, & similia peragere. Et postea dicat Prælatus. Intendis omnia hæc cum Dei auxilio seruare, quo dicente, quod sic, dicat Prælatus, Dominus qui incepit ipse perficiat, & chorus dicat, Amen. Et Magister faciat eum genua flectere ante Priorem, & vestiario afferente vestes, & porrigente, Prior eum induat etiam cappā. Postea omnibus genuflexis Cantor incipiat, Veni creator spiritus, & subinde omnes bini, ad chorū, vadant, & post Priorem sequatur Magister cum nouitio, qui faciat eum prosterni ante gradus presbyterij, completo hymno dicatur Kyrie Pater noster. Et neno. Emitte spiritum tuum. Saluum fac seruum. Cum orationibus, Deus qui corda. Præte de Domine. Quæ omnia à Priore dicantur. His dictis Magister ducat nouitium discooperto capite ad Prioris pedes, qui enī aqua benedicta prius aspersum recipiat ad osculum pacis, & post Priorem omnes fratres, primo existentes in choro dextro, inde existentes in sinistro, Interim canterit Te Deum. His peractis reducatur ad Priorem, qui si ei placuerit mutabit nomen, & postea assignabit ei annum probationis in quo fratres experien-

tur eius mores, & ipse austeritates ordinis, infra quem annum poterit retrocedere, & religio poterit eum emittere. Et eo completo si nihil ab utraque parte contradicendum fuerit, professionem emittens obligabit se religioni, & religio illi, & assignet illum Magistro, cui tanquam Priori obedire teneatur. Et postea dicat Prior. Adiutorium nostrum &c.

De anno probationis.

CAP. XIII.

Postquam novitij habitum religionis sumperint, antequam stabilitatem, & communem vitam promittant, & obedientiam Prælato, & successoribus faciant, tempus probationis assignetur, ut & ipsi austeritates ordinis, & fratres mores experiantur illorum. *cap. de Recipien.*

Innocentius 4. privilegio 18. inter nostra relato pro ordine minorum sic disponit de professis ante finem probationis.

Vobis dilectis Ministro generali, & fratribus ordinis minorum in virtute Sanctæ obedientie, & sub pœna excommunicationis inhibemus ne ante annum elapsum, qui est in subsidium fragilitatis humane institutus, quemquæ ad professionem seu renunciationem seculi faciendam, recipere præsumatis, nec constitutum in probatione novitium, impedire, quatenus infra dictum annum, ad aliam religionem, quam malueris transire possis, &c. Quod si contrarius modi inhibitionem, quencquam recipere præsumpseritis, decernimus eum sic receptum, non esse ordini vestro obligatum, Vosque à receptione quorumlibet ad professionem, ipso facto esse suspensos volumus, & insuper pœna subyciendos, quæ pro gravioribus culpis in ordine infligi solet.

Concilium Tridentinum sess. 25. de Regul. cap. 15. de hoc anno probationis ita diffiniuit, & de professione antea facta.

In quacumque religione, tam virorum quam, mulierum professio non fiat ante sextumdecimum annum expletum, nec qui minori tempore quam per annum, possint suscipere habitum in probatione steterit, ad professionem admittatur. Professio autem antea facta nulla sit, nullamquæ inducat obligationem ad alicuius regulæ, siue religionis, aut ordinis observantiam, aut ad alios quoscumque effectus.

Hoc Concilij decretum, præfatam Innocentij Constitutionem restringit circa tempus anni probationis, quia ante Concilium, annus medius inter quartum decimū, & quintūdecimū, poterat esse annus probationis, nunc verò debet ad minus esse inter quintūdecimū, & sextūdecimū, & pœnam illic appositam dilatat, nam Innoc. vult ut professus ante completum probationis annum, non sic illi ordini in quo proficetur obligatus, quasi supponens, quod religioni sit in genere astrictus ut etiam habetur in decl. cap. de recipiendis. Post Concilium verò, professus ante expletam probationem vnius anni, neque illi religioni in qua professionem emisit, neque alteri cuicumque obligatus remanet.

Debet quandoque prolongari ultra annum hoc probationis tempus in aliquibus casibus. Primus quando pueri recipiuntur ad habitum, ante quintumdecimum annum inceptum. Ita enim disponit Constitutio cap. de Nouitiis.

Ultra hoc autem ne pueri recepti ad habitum, inueniant se potius natos sub iugo religionis, quam illud elegisse, euitenturq; inconuenientia multa, statuimus, vt ei cui ante quintumdecimum annum religionis habitus datus est, nunquam elabatur annus probationis, quantocumque decurrente temporis spacio, nisi vocatus post annum sextum decimum expletum, à Prælato in capitulo coram Conuentu, terminum ad minus trium mensium acceperit, ad deliberandum, an profiteri velit, ita quod annus probationis cum taxato illo termino terminetur, & per hoc ex tunc incurratur professio tacita. Et vt hoc inuiolabiliter obseruetur, præfenti statuto, cuilibet ante quintumdecimum annum recepto ad habitum, (pro tempore) assignamus annum probationis modo dicto. Mandamus autem sub pœna absolutionis ab officio, & grauioris culpæ, Prælato, vt quando vocatus fuerit nouitius ad terminum suscipiendum, professionis, protestetur eidem quod, &c. & quod statim elapso termino sibi taxato, nisi ab ipso, vel à religione contradictum fuerit, incurreret professionem, etiam si aliter non profiteatur.

Cui Constitutioni additum fuit in cap. Bonon. 1564. & habetur hæc additio in decl. capite de Nouitiis in fine. l. Quod si pueri ante quartumdecimum annum fuerint aliquando recepti, adhuc nostra Constitutio seruetur, quæ disponit de recepto ante quintumdecimum annum, vt. l. post sextumdecimum annum addantur alij tres menses. Cum sit sermo de pueris receptis ante quartumdecimum, aut quintumdecimum annum, vt glossa textui conformis sit ita exponendus est, vt de quartodecimo completo, & quintodecimo incepto intelligatur. Infra hoc tempus probationis, libera est religio, ad emittendum illum, si aliqua subsit causa, & pariter ipse liber est ad exeundum, quapropter in Constit. cap. de nouitiis habetur hoc mandatum.

Mandamus vniuersis fratribus, quatenus nouitios volentes redire ad seculum, eos liberè ire permittant, redditis sibi omnibus, quæ secum detulerant, nec sint eis molesti propter hoc, exemplo illius qui discipulis aliquibus recedentibus, alijs remanentibus, dixit, Nunquid, & vos vultis abire?

Concilium etiam Trid. sess. 25. cap. 18. de regularibus anathemati subiecit omnes, & singulas personas, etiam regulares, & quacumque dignitate

fulgentes, si cogunt aliquam mulierem inuitam ad ingrediendum monasterium, vel suscipiendum habitum, aut emittendam professionem, ac omnes dantes consilium, fauoremque aut huic actui præsentiam, vel consensum, siue auctoritatem interponentes. Et quamuis ibidem de mulieribus tantum sermo habeatur, ex hoc tamen colligere licebit quam perniciosum sit inducere, aut recipere, seu retinere inuitum, quod & notat S. Tho. 2. 2. q. 189. art. 8. Et nouitij, vi aut metu inducti ad professionem possunt contra illam opponere, iuxta tradita in eadem sess. Conc. Trid. cap. 19.

Sciendum autem est de his, qui ante professionem exeunt, quod vel intrauerunt tantum animo experiendi aulteritates religionis, & quia vident eas graues, & viribus suis impares retrocedunt, nullam incurrunt pœnam, siue obligationem, si autem intrant cum firmo proposito nedum intrandi, sed etiam permanendi in eo, hoc firmam propositum equipollere videtur voto simplici, obligabunturque religioni saltem in genere, quantum ad Deum, & in foro cōscientiæ. Prælati autem non possunt nouitios, non professos, ad seculum remittere, sine consilio Patrû. Ita statuitur Venetiis 1592. Cum tamen vnus, in vna religione professus ad aliam transiit, ex vi Constitu. Innoc. IV. supra relata, non teneri videtur ad annum probationis, in ea ad quam transiit, quia ibidem Pontifex loquitur de fugientibus à seculo. At ex vigore Concil. Trid. videtur teneri. contra, quia absolute loquitur de quacumque religione, & tanto magis si ad arctiorem religionem transiit, vti de iure semper fieri debet. Neque quilibet nouitius potest renuntiare integritati anni, quia non in fauorem eius factum est huiusmodi decretum, sed in subsidium fragilitatis humanæ. Et etiam non est opus anno probationis, addere vnum diem, quia hoc nullibi notatum reperitur.

De continuitate anni probationis.

C A P V T XIV.

Nouitij recedentes sine licentia cum habitu à Conuentu, nisi infra octo dies ad eundem redierint, pro refutatis ab ordine habeantur. Et si ad alium Conuentum declinauerint, & fuerint ab eo acceptati pro nouitiis, volumus annum probationis inchoare ab illo die, quo acceptati fuerint in eo Conuentu, quod si nullibi pro nouitiis acceptati fuerint, post exitum sine licentia, pro refutatis, & non nouitiis tales haberi volumus, quamdiu sic perseuerauerint.

Ex cap. de Nouitiis.

Cum annus probationis, inter alias rationes assignetur, vt nouitius experiatur aulteritates religionis, quæ in continuatione præcipue consistunt, debet annus probationis esse integer, & continuus, & ideo si quis steterit in nostra religione, per menses sex, & postmodum egrederetur, & transacto aliquo tempore, reuertetur ad religionem non posset in capite sex aliorum mensium recipi ad professionem, sed oporteret, quod annum in-

tegrum continuaret, quia posset dici vere, quod non esset expertus austeritates religionis, quæ pro maxima sui parte in continuatione consistunt. Nam aliquis posset faciliter ieiunare, & à carnibus abstinere, ac castitatem seruare per mensam vnum, vel duos, qui non posset prædicta continuare, & ideo ad veram experientiam austeritatum, requiritur vnus annus continuus. Si quis vero religionem ingressus, in fine anni, ante tamen completum annum exiret, & postea rediret, & ordinem ingrederetur, talis verè quidem esset oncia religionis expertus, & quantum ad hoc posset profiteri, sed quia religio non esset plenè experta mores illius, propter eius leuitatem, & instabilitatem, quam ostendit habitum dimittendo ante annum completum, non deberet talis recipi ad professionem, quia in religione maxima animi stabilitas necessaria est.

Iulius etiam II. Constit. 9. apud Rodericum pro ordine minorum ita statuit. Cum aliqui fratres, qui annum probationis inceperunt, & deinde habitu dimisso ab ordine recesserint, & postea ad ordinem regressi fuerint, tempus prioris receptionis, cum tempore posteriori, sibi computari, vel non computari possit, discretionis suorum superiorum tenore præsentium relinquimus.

An autem prædicta de interpolatione anni probationis, seruari possint post Conc. Trid. controuertunt doctores Rodericus tomo 3. q. 15. art. 8. tenet partem affirmatiuam, quia existimat per Concil. decretum quidem fuisse, vt annus probationis sit integer, non autem vt sit continuus, frater vero Hier. à Sorbo Capucinus, in compendio priuilegiorum verbo, Nouitius, credit nedum integritatem, sed etiam continuitatem decerni, quod colligit ex illis verbis, nisi per annum in probatione steterint, nam inquit per illa verba (per annum) significari continuitas, quod probat per Canonistas. Tutius autem esse existimo, nullum esse admittendum ad professionem, nisi continuè per annum in probatione extiterit, quia etiam si per tres, aut quatuor dies, imò etiam per vnum defecit, non apparet stabilis in sua vocatione, quæ religiosi necessaria est, vt supra ex declar. dictum fuit, quamquam ex Constit. habeatur, quod si infra dies octo redierit, recipi debeat, quia Concilium videtur dictum annum probationis ad continuitatem restrinxisse.

De prorogatione anni probationis.

CAPVT XV.

NVLLUS recipiatur ad professionem, vt clericus, nisi sciat plenè, & expedite legere diuinum officium, & sciat, vel sit habilis in proxima dispositione, vt sciat grammaticam, &c. Et si inuentus fuerit multum deficiens in prædictis, vocetur in capitulo nouitius, & ibidem ei assignetur certum tempus prolixius probationis, vel declaretur ei quod numquam veniet probationis terminus, nisi postquam iterum in capitulo vocato, & pro sufficienti

approbato, octo adhuc dies ad minus relinquuntur.

Ex cap. de Nouitiis.

Statuimus, vt cui ante quintumdecimum annum religionis habitus datus est, nunquam elabatur annus probationis, quantumque decurrente temporis spacio, nisi vocatus post sextumdecimum annum expletum à Prælato in capitulo coram Conuentu, terminum ad minus trium mensium acceperit ad deliberandum, &c. *Ibidem.*

Facit in hoc difficultatem, quod habetur in Concil. Trident. sess. 25. cap. 16. quo in loco statuitur, modo vt infra.

Finis vero tempore nouitatus, Superiores nouitios quos habiles inuenerint ad proficiendum admittant, aut è monasterio eiciant.

Ex quo decreto videtur deduci, post dictum Concilium non licere prorogare professionem. Veruntamen hac difficultate proposita coram S. D. Pio V. à Passarello ord. minimorum, vt ipsemet refert, responsum illi fuit in hunc modum à sacr. Congr.

Sanctitas sua dixit, decretum huiusmodi Concilij, procedere tantum in illis nouitiis, quos Superiores lapsi tempore nouitatus, habiles inuenerint, non in his quos inhabiles inuenerint, vt sunt illi, qui non bene didicerunt, Et ideo, quod attinet ad illos, sanctitas sua concessit, quod Superiores possunt prolongare illorum professionem, dummodo habeant spem probabilem, quod efficiantur habiles infra sex menses.

Ex quo decreto videtur colligi professionem prolongari posse, nedum propter inhabilitatem scientiæ, sed etiam morum, quia de illa loquitur exempli gratia dicendo, vt sunt illi. Et videtur colligendum ex illis verbis, (Superiores admittant,) quod possit prolongari professio, ad instantiam Nouitij, si aliqua de causa peteret, per aliquot dies prolongationem, cum solum Superioribus dicatur, vt eum admittant, non autem vt cogant.

Magis tamen videtur inferre difficultatem, id quod dicit Constitutio de receptis antè quartumdecimum, siue quintumdecimum annum, (quod existimo esse idem dictu, quia puto sensum esse, nullu posse recipi ad habitum antè quartumdecimum completum, seu quintumdecimum inceptum, quia talibus prolongatur professio, non ratione cuiuscunq; inhabilitatis, siue literarum siue morum; sed alia de causa. sine dicat natos esse sub iugo religionis, magisque illud elegisse. Verum cum in cap. Bononien. 1564. acceptata, & intimata fuerint religioni nostræ, decreta Concilij Trid. & in speciali decretu de professione non emittenda ante annum sextumdecimum, & ibidem in hoc proposito à Patribus subdatnr, si quis tamen receptus fuerit antè quartumdecimum annum, adhuc seruetur nostra Constitutio, vt ei Superiores idantur ad minus tres menses ad deliberandum, &c. crederem, Patres Difinitores dicti capituli, existimasse esse quandam inhabilitatem, recipere ad professionem illico post annum sextumdecimum eos qui ante quartumdecimum expletum recepti fuissent, ex hoc, quia dicere possent, potius esse natos in religione, quam ad illam venisse.

CAPVT XVI.

Nouitij ante professionem de debitis se expediant, & omnia ad pedes Prioris ponant, & ex toto se absoluant. Vestesque eorum antè professionem non alienentur. *Cap. de Nouitiis.*

Hic primo omnium, notandum est decretum Conc. Trid. sess. 25. cap. 16. huius tenoris.

Nulla quoque renuntiatio, antea facta, aut obligatio etiam cum iuramento, vel in fauorem cuiuscumque cause piæ, valeat, nisi cum licentia Episcopi, vel eius Vicarij fiat, intra duos menses proximos ante professionem, ac non alias intelligatur effectum suum sortiri, nisi secuta professione, aliter vero facta, etiam si cum huius fauoris expressa renuntiatione, etiam iurata, nullius sit effectus.

Existimat Rodericus sub nomine renuntiationis, siue obligationis, non comprehendendi testamentum, & ideo dicit nouitium posse testamentum condere quocumque tempore, tam ante, quàm post ingressum religionis, etiam ante duos menses, contra quod dictum extat vsus, & confirmari potest, quia testamentum renuntiatio quædam est, quæ sit causa mortis, vel naturalis, vel ciuilis. Quæsitum etiam fuit, num renuntiatio facta ante ingressum religionis, per hoc Conc. decretum annulletur, ad quod quæsitum sacr. Congregatio Concilij respondit per huiusmodi statutum.

Congregatio Concilij censuit, decretum prædictum Concilij, non debere intelligi, nec habere locum, in renuntiatione facta ante habitus suspensionem. Refert tamè auctor Compendij priuilegiorum ordinis minorum, per eandem sac. Congr. alias fuisse decisum, renuntiationem, ante ingressum religionis factam, in præiudicium huius canonis, comprehendendi in hoc decreto.

Aliud notabile decretum Concil. Trident. habetur sess. 25. cap. 16. quod est.

Sed neque ante professionem, excepto victu, & vestitu nouitis, vel nouicia, illius temporis quo in probatione est, quocumque prætextu, à parentibus, vel propinquis, siue curatoribus eius, monasterio aliquid ex bonis eiusdem tribuatur, ne hac occasione discedere nequeat, quod totum, vel maiorem partem substantia sua monasterium possideat, nec facile si discefferit, id recuperare possit. Quin potius præcipit s. Synodus, sub anathematis pœna dantibus, & recipientibus, ne hoc villo modo fiat, & vt alienantibus antè professionem omnia restituantur quæ sua erant, quod vt rectè fiat Episcopus etiam per censuras ecclesiasticas compellat.

Consonat huic decreto doctrina S. Tho. 2. 2. q. 100. art. 5. ad 4. vbi ait. Pro ingressu religionis, non licet aliquid exigere, aut accipere tãquam precium, licet tamen si monasterium sit tenue, quod non sufficiat ad tot personas nutriendas, accipere aliquid pro victu personæ, quæ in monasterio fuerit recipienda, si ad hoc non sufficiunt monasterij opes. Tanto magis (subinfert Caietanus in eodem loco de monialibus,) si in aliquo monasterio esset præfixus numerus monialium iuxta facultates, & aliquæ peterent ingressum, propter quas aliæ in necessariis paterentur. In hoc proposito Patres in cap. Bononiensi 1564. conformiter ad Concilium ita decreuerunt. Quod si pro-

ue & ætatis nouitij, ad monasterium aliqua detulerint, præcipitur Prælati, ut ea omnia in communi deposito seruanda deponant, & in libro ad hoc deputato conscribi faciant, addita etiam subscriptione ipsius nouitij, & aliorum duorum patrum, neque etiam de eius licentia ante professionem expendi possint, aut alienari. Et Romæ 1608. statuitur. In Conuentibus ubi solent nouitij in determinato numero, educari, non recipiatur aliquid pro nouitiis induendis, vel pro tēpore probationis, etiā pro victu, & vestitu, aut alio quouis titulo, sed ubi adesset necessitas, poterit quidem iuxta formam Concilij sess. 25. c. 16. accipi aliquid pro victu, & vestitu reali, non autem quippiam aliud, etiam sponte oblatum, sub pœna accipientibus, priuationis officij, & vtriusque vocis, & inhabilitationis ad illud, & ad aliud obtinendum, ipso facto incurrenda, vltra illam à concilio præfixam pœnam. Idem habetur Parisiis 1611.

Vallecoleti 1605. dicitur. Nullus ad professionem admittatur, quin prius ad moneatur, de decreto S. Conc. Trid. circa renuntiationem bonorum vel iurium suorum faciendam infra duos menses ante professionem, nec ab ea facienda villo modo teneantur. Quod si recipiendus haberet incertis personis reddenda, Superiores vtantur priuilegio, quod habetur in *Marimagno Sixti IV.* quod est.

Quia vero nonnulli vestra religionis habitum assumentes, diuersis personis, quas sibi, & inueniri non possunt, aliqua bona interdum reseruere tenentur, vobis Magistro, Prioribus, & Vicariis prædictis concedimus, ut singuli vestrum in locis sibi commissis, bona ipsa in suos vsus cōuertere valeant, prout secundū Deum viderint expedire.

An autem professi testamentum condere possint res non clara est, quam tradit Rodericus tomo 3. q. 69. artic. 2. & 3. ego autem hæc dicerem. Primo de rebus traditis ad vsum religioso, non potest ipse religiosus facere testamentum, aut ea relinquere, nec extra, nec intra monasterium, nam eo casu diceretur nedum habere vsum, sed etiam dominium. Et in declarat. huius cap. de Nouitiis dicitur. Nullus præsumat procurare, quod alius frater sibi post mortem in libris, vel alijs rebus, succedat, nec tales gratiæ à Prælati villo modo concedantur. Præterea prohibita est religiosi, donatio, & testamentum quædam donatio est causa mortis, igitur, &c. Secundo, dico si religiosus ante ingressum religionis disposuit de rebus suis, non potest amplius reuocare quod disposuit, quia eundem parit effectum mors ciuili, quam & mors naturalis circa dispositionem rerum, religiosus autem moritur ciuili-ter in professione, ergo, & hoc dictum intelligitur de bonis non monasterij, sed paternis vel maternis. Tertio assero, Si in ingressu religionis nullum fecit testamentum, poterit post professionem condere illud cum licentia Magistri ordinis, & consensu capituli sui Conuentus, quia ex priuilegio Clementis IV. possumus succedere in bonis, ac si essemus in seculo, & illa dispensare, vendere, commutare, &c. neque potest hoc vocari alienatio, quia est sermo de illis bonis, quæ nōdum actū à monasterio suscepta sunt. Quarto sentio, Si hæredes instituti in testamento facto ante professionem defecissent, posset religiosus post professionem cum licentia, & assensu vt supra aliud testamentum facere.

CAPVT XVII.

Magister doceat nouitios frequenter, pure, & discrete confiteri. Item confessiones nouitiorum ante professionem recipiantur, & diligenter de modo confessionis instruantur. Item Nouitij infra tempus probationis, in psalmodia, & officio diuino, studeant diligenter. Item eos Magister doceat, quomodo, & quid orent, & quam silenter, vt aliis rugitum non faciant. *Ex cap. de Nouitiis.*

In hoc capitulo de nouitiorum institutione multa tractantur docenda pertinentia ad regularem obseruantiam, quæ si omnia in vnum caput colligerentur confusionem parerent. Distinguemus autem ea hoc modo, sub hoc capite comprehendemus, quæ pertinent ad opera spiritualia, in alijs vero subsequentijs agitur de his, quæ nedum à nouitijs, sed etiam ab omnibus fratribus, pro custodia trium vtorum essentialium sunt seruanda. Clemens VIII. in sua nouitiorum institutione hæc tradit.

Curam diligentem adhibeant Magistri nouitiorum, vt ipsi in regulari disciplina exerceantur, agnoscant diuinam vocationis, quæ digni facti sunt præstantiam, quæ vera sit votorum solemnium, & suarum Constitutionum obseruantia, modum in oratione tum vocali tum mentali persilendi, illicitas passionis per sensuum custodiam, & mortificationem compescendo, austeritates, ieiunia, disciplinas, conscientia puritatem, crebram illius discipulorum, sacramentorum, præcipue confessionis frequentiam, quæ bis singulis mensibus fieri debet, exercitium humilitatis circa opera vilia, modestiam in omnibus & diuturnum silentium. Quilibet nouitius bis quotidie orationi vocali, & mentali incumbat, pluries in die propriam conscientiam examinare contendat, quotidie missæ sacrificiio intersit, & statuis horis nocturnis, & diurnis, in choro semper assistat. Exercitationibus etiam corporalibus vacet, legat, & scribat res spirituales, modestiam animi recreationem interponat, quæ in loco solitario extra nouitiatum, semel in hebdomada, vel alterius hebdomadibus statuatur, fiatque semper præsentis Magistro, vel socio, qui multum innigilent, ne duo ab alijs separentur, atque eo tempore in quam naturæ propensionem ferantur, seruentur. Non liceat eis durante probationis anno, vna cum professis, nisi in choro, & Ecclesia, officiorum tempore, in processionibus, in cœnaculo causa refectionis commorari, nec professos extra domum comitari. Nouitij soli Magistro confessiones faciant, peccatorum suorum liceat tamen Superiori etiam locali, si ita videbit expedire, per seipsum, vel per alium ab eo deputandum, semel aut bis in anno, confessiones illorum audire. Statim, vt nouitij habitum susceperunt, per confessionem totius antea actæ vitæ conscientiam examinent, & expurgent. Non liceat eis durante probationis anno, in aliud li erarum studium incumbere, nec alloqui quemquam etiam regularem absque licentia Magistri.

Barchinone 1574. Statuitur, vt nouitij primū in orationis modo, & exercitio instruantur, in cantu, aliisque pijs ordinis institutis, ac frequenter con-

ficari, & communicare iuxta præscriptam legem, & quomodo vtraque digne perficere debeant. Venetiis 1591. In anno probationis in studio artium non occupentur, sed solummodo intendant, vt diuinum officium recitare, & dirigere queant, Psalterium & D. Apostoli Pauli epistolas, memoriz discant, quæ nobis per nostras leges, & Constitutiones mandantur intelligant, & spirituales libros specialiter vitas sanctorum ordinis nostri perlegant. Romæ 1608. Intra probationis annum, nouitij non admittantur ad studia literarum, sed toto illo anno vacent deuotioni, & addiscendis cærimonijs, rubricis, diuino officio, cantui ecclesiastico, & id genus alijs rebus ordinis. Idem Parisiis 1611. De frequentatione sacramentorum confessionis, & communionis seruanda à sacerdotibus, & iuuenibus, perspicias, quæ supra dicta sunt cap. de celebratione missarum.

De obedientia voto.

CAPVT XVIII.

Magister nouitios doceat propriam voluntatem deserere, & pro sui voluntate Prælati obedientiam in omnibus voluntariam obseruare. *Ex cap. de Nouitijs.*

Modus faciendi professionē est talis. Ego frater N. facio professionem, & promitto obedientiam Deo, & B. Mariæ & B. Dominico, & tibi N. Magistro ordinis, &c. quod ero obediens tibi, & successoribus secundum regulam B. August. & institutiones ord. Prædicatorum, vsque ad mortem. *Ex cap. de professione.*

Gravior culpa est, si quis per contumaciam, vel manifestam rebellionem, inobediens Prælato suo extiterit, vel cum eo intus, vel foris proteruē contendere ausus fuerit. *Ex cap. de grauiori culpa.*

Præposito tanquam patri obediatur, multo magis presbytero qui omnium vestrum curam gerit. Et vos magis obediendo, non solum vestri, sed etiam ipsius miseremini, qui inter vos quanto in loco superiori, tanto in periculo maiori versatur. Donet Dominus, vt obseruetis hæc omnia, tanquam spiritualis pulchritudinis amatores, & bono Christi odore, de bona vestra conuersatione fragrantēs, non sicut serui sub lege, sed sicut liberi sub gratia constituti. Vbi autem vos inueneritis, ea quæ scripta sunt facientes, agite gratias Domino bonorum omnium largitori. Vbi autem sibi quicumque vestrum viderit aliud deesse, doleat de præterito, caueat de futuro, orans, vt sibi debitum dimittatur, & in tentationem non inducatur. *Ex regula.*

Ex S. Thom. 2. 2. q. 186. art. 5. notandum est, quod cum status religionis dicatur, & sit status perfectionis, aliqua dicuntur pertinere ad perfectionem vitæ Christianæ tripliciter, Primo essentialiter qualis est perfecta observantia mandatorum Dei. scilicet diligere Deum ex toto corde, ex tota mente &c. proximum sicut nos ipsos. Qui autem assumit statum religionis, non tenetur habere hanc charitatem, sed tenetur ad hoc tendere, & operam dare, vt ad hanc charitatem perveniat, & ad hunc sensum religio vocatur status perfectionis, non quia religiosus perfectus sit, sed quia ad perfectionem tendit. Secundo aliqua pertinent ad perfectionem charitatis consequenter, quia consequuntur dictam perfectionem, vt benedicere maledicentibus, & huiusmodi, & hæc in casu necessitatis, aut etiam in præparatione animi cadunt sub præcepto, sed extra hos casus si fiant, est ex superabundantia charitatis, & ad hæc non tenetur religiosus eadem ratione. Tercio pertinent quædam ad perfectionem vitæ dispositivæ siue instrumentaliter, vt paupertas, continentia, & abstinencia, & huiusmodi, quæ ita disponunt, vt abiectionis impedimentis facilius tendat ad essentialem perfectionem charitatis. Et illa tenetur observare non quidem omnia, sed quæ sibi in regula præfixa sunt. Quicumque autem exercitatur, vt perveniant ad aliquem finem, necesse est, vt ab aliquo dirigantur ad illum, quasi discipuli sub Magistro, & ideo oportet, quod religiosi in his, quæ pertinent ad religiosam vitam, alicuius directioni, & imperio subdantur, & obediant. Obedientia autem tanto perfectior est, quanto firmior est, quando sibi adimit potestatem retrocedendi, quod fit quando obedientiæ additur votum. Et quando hoc fit, totam vitam suam, quæ in successione consistit simul Deo dat. De obedientia, & inobedientia religiosorum multa habes, & prima parte capite de Constitut. efficacia, de dispensatione, & parte 3. de peccatis delictorum.

De his in quibus subditus religiosus non tenetur obedire Prælati.

C. A P. XIX.

EX declarat. cap. de professione, super illis verbis. Quod ero obediens &c. hoc habetur, & colligitur ex S. Thom. 2. 2. q. 104 art. 5. In multis religiosus non tenetur obedire Prælati præcipienti. Primo si aliquid contra Dei mandata præciperet, vt quod homicidium, aut furtum, vel fornicationem committeret. Potestas enim Prælati à Deo, sicuti, & omnis potestas, & illi debet esse consentanea. Secundo non tenetur subditus obedire, quâdo Prælati præciperet aliquid contra mandata S. Matris Ecclesiæ; vt quod quis missam non audiret diebus festiis, carnesque sine legitima causa comederet diebus prohibitis, eadem ratione, quia potestas Prælatorum ordinis, à S. Ecclesia, vt à capite eius derivatur. Tercio non teneretur illi parere, si aliquid præciperet Prælati, quod non pertineret ad eius potestatem, quales sunt actus interiores mentis nostræ, vt si præciperet quod in orationibus iniunctis haberet semper religiosus actualem intentionem. Vnde Paulus de his actibus interioribus dicit, 1. Cor. 2. Nôite ante tempus iudicare, quoad

118 *De his in quibus subditus religiosus non tenetur obedire, &c.*

vsque veniat Dominus, qui illuminabit abscondita tenebrarum, &c. quod si quandoque vides præceptum cadere super aliquos actus interiores, hoc erit per accidens, inquit Caietanus, loco citato, quatenus scilicet actus interior annexus est exteriori, vt præcipitur clericis dicere officium deuote, deuotio enim præcipitur vt annexa officio diuino. Quod si dicitis Confessorem iudicare de occultis cogitationibus, dicendum est id facere vt Deū, non vt hominem. Si etiam Prælatus præciperet alicui, vt peccatum omnino occultum sui fratris depromeret, non teneretur obedire, quia tale occultum non subiicitur eius iudicio, qui tenetur iudicare secundum probata. Quarto non tenetur obedire Prælato, in his quæ pertinent ad naturam corporis, quia ratione naturæ corporalis, vnus homo alteri subditus non est, vt princeps, & pater, filio non possunt præcipere, vt non comedat, vel matrimonium non contrahat. Ita in religione non potest Prælatus præcipere, vt ita abstineat à cibis quod deficiat, potest tamen præcipere ieiunia, & abstinentiam carnis, Virginitatem autem ex voto seruare debet. Ex quo Quinto sequitur quod non tenetur obedire Prælato præcipienti vt aliquid possideat tanquam proprium, vt vxorem ducat, &c. Ratio est quia hæc per votum religiosus Deo promissit. Sexto non debet subditus obedire Prælato præcipienti aliquid contra regulam, vt si præciperet quod sanus comederet carnes, lineis ad carnem vteretur, nullibi & nunquam silentium seruaret. Verum in his adhibenda est distinctio, nū Prælatus talia præcipiat cōtra regulā sine causa, & hoc subdito notum sit, quia cognoscit illū dissipatōrē, & tunc non tenetur obedire, quia ibi dispensatio non interuenit. Si autem probabiliter credit habere causam, obedire tenetur. Et in dubiis obedientia excusat. Item si Prælatus dicit quod te dispensat super esum carnum, quia videt te debilem, debes illi credere, quia sæpe infirmitas magis ab alio, quam ab infirmo cognoscitur. Septimo non tenetur subditus obedire Prælato, quando aliquid mandat supra regulam, & Constitutiones, vt si mandaret quod quotidie ieiunaret in pane, & aqua. Si tamen id imponeret pro aliquo delicto commissso, seruare deberet commissam pœnam, quia tenetur religiosus subire pœnam taxatam in Constit. vel taxandam à Prælato. Vnde dicit S. Bernardus, Votum meum non augeat Prælatus sine mea voluntate, nec minuat sine necessitate.

De his in quibus religiosus tenetur obedire sub pœna peccati mortalis.

CAP. XX.

Volumus autem, & declaramus vt regula nostra, & Constitutiones nostræ non obligent nos ad culpam, sed tantum ad pœnam, nisi propter præceptum, & contemptum.

Ex prologo Constitutionis.

Ex decla. cap. de recipiendis, notanda est ista doctrina. Transgressio obedientiæ est ex se mortale, vt habetur 1. Reg. 15. vbi dicitur. Quasi icelus idolatriæ est nolle obedire, & per eam iniuria fit Superiori, siue Deo, siue Præla-

to. At non omnis transgressio regulæ, siue Constitutionum, aut ordinationum Prælatorum, est propriè inobedientia, alias status religionis esset plenus laqueis, & periculosior statu secularium. Nec est aliqua religio, in qua vouens promittat seruare omnia contenta in regula, & Cõstitutionibus suis, sed plus, minusuè secundum diuersam formam profitendi. Pluribus autem modis contingit agere, contra votum obedientiæ, & ex consequenti peccare mortaliter transgrediendo contenta in legibus suis. Primo quando agit contra quædam quæ alias etiam lege diuina, aut humana sunt prohibita, vt dicere opprobrium fratri peccatum potest esse mortale, & reperitur prohibitum in capitulo grauis culpæ. Qui autem in hoc delinquit peccat mortaliter, & duplicem pœnam incurrit, alteram quatenus est prohibitum lege diuina, alteram quatenus prohibetur in nostris Constitutionibus. Peccat Secundo transgressor regulæ vel Constitutionum, quando transgreditur essentialia religionis, vt si religiosus contra votum paupertatis possideret aliquid proprium, aut incontinententer viueret contra votum castitatis, vel quando incedit in publicum sine habitu aut illum occultat. Peccat Tertio & mortaliter contra votum obedientiæ, quando aliquid agit contra regulam siue Constitutiones ex contemptu, quantumcumque illud quod transgreditur sit paruum, quia dicit S. Bernardus Neglectus vbique culpabilis est, contemptus autem vbique damnabilis est. Quid autem sit contemptus dicitur capite sequenti.

Quarto, & postremo peccat mortaliter contra votum obedientiæ transgressor religiosus, quando aliquid facit contra præceptum sui Superioris; quotiescumque secundum regulam, & Constitut. aliquid præcipit in virtute Spiritus Sancti, & Sanctæ obedientiæ, vel sub pœna excommunicationis, aut sub pœna carceris, aut sub pœna grauioris culpæ. Quale vero præceptum obliget ad culpam mortalem pressius declarabitur infra.

Transgressio vero aliarum ordinationum contentarum in regula siue in Constitutionibus, vel quæ fiunt à Prælatis, siue illa ponantur ordinatiuè, siue negatiue, nulla adhibita pœna taxata, vel taxanda, non obligat de se ad peccatum mortale; sicut sunt istæ, De numero missarum non admittendo, de non habendo nisi vnâ campanam, ad omnes horas, de non portando cap-pam sericam nisi hebdomadario, de abstinendo etiam à vino per totam diem parasceues, de non comedendo extra claustrum vbi Conuentum habemus, de non comedendo carnes extra claustrum in infirmitate, de non habendo specialem locum ad iacendum excepto Magistro ordinis, de non habendo ocreas, nec chirothecas, nec bottas extra monasterium, & alia huiusmodi, quæ quamuis ponantur negatiue, nec vlla transgressoribus sit taxata pœna, sed sint puræ Constitutiones, & alias non sint prohibita neque lege diuina, neque humana, non obligant ad culpam sed ad pœnam tantum. Idem dicendum est etiam de istis statutis Constitutionis. s. De carnibus non comedendis, de non equitando, de pecuniis in via non portandis, & de beneficiis consanguineis non procurandis, & huiusmodi.

Et quia sunt aliquæ exceptiones in quibus non incurritur culpa mortalis etiam si lex præcipiat & obliget ad mortale, ideo ad hoc propositum notanda.

sunt duo, primum quod ignorantia non excusat religiosum ab obseruantia suarum Constitutionum, quia religiosus antequam professionem emitat, habet vnum integrum annum probationis, in quo nedum edocetur de contentis illis, sed etiam experitur ea quæ sunt principalia in ipsis. Et ad hunc finem ordinatum fuit, & solet obseruari vt Constitutiones, & ordinationes, legantur in mensa, secundum est consuetudo in contrarium quæ non excusat, quia in emittenda professione tenetur Prælatus illi explicare profitendum esse secundum reg. &c. non secundum quod hodie hic vel ibi seruatur, vt traditur cap. de Nouitiis, & professores tenentur sic promittere nisi obstant. Neque excusantur si Superiores aliter viuunt, quia non vouet viuere vt alij viuunt, sed secundum regulam, & Constitutiones.

De Contemptu.

CAP. XXI.

VT percipiatur quid sit contemptus, qui transgressionem ad naturam peccati trāstert referā diuersas eius descriptiones. S. Th. 2. 2. q. 186. ar. 9. ad 3. habet hæc verba, Tunc aliquis transgreditur ex contemptu quando voluntas eius renuit subiaci ordinationi legis, vel regulæ. Quando autem aliam causam particularem, puta concupiscentiam, vel iram inducitur ad aliquid faciendū contra statutum legis, vel regulæ, non peccat ex contemptu, sed ex alia causa, etiam si frequenter ex dicta causa, vel simili peccaret. Frequentia tamen peccandi dispositiue inducit ad contemptum, secundum illud Pro. 18. Impius cum in profundū peccatorū venerit, contēnit. Idem S. Doctor. 4. sent. dist. 9. q. 3. c. ar. 3. distinguit contemptum in hunc modū, sicut meritum consistit penes charitatem Dei, ita demeritum consistit penes contemptum Dei. Vnde secundum quod aliquis per actum peccati magis Deum contemnit, maiorem reatum incurrit. Et ideo illa peccata quæ in actuali contemptu consistunt vt blasphemia, & sumere Eucharistiam indignè, sunt grauiora illis in quibus non est contemptus, nisi ex consequenti, & quasi interpretatiuis, sicut accidit in fruitione creaturæ per quam aliquis delectationi intendens, ex eius intentione à præceptis Dei discedit, & sic per consequens præcipientem contemnit, & subdit.

Contemptus ex duplici parte mensurari potest, vno modo ex parte contēnentis, & sic non potest fieri comparatio inter peccatū vnius generis cum peccato alterius generis in grauitate, quia contingit in vno peccato veniali in genere, esse maiorem contemptum actuale, quam in vno grauissimo peccato mortali, alio modo ex parte eius quod contemnitur, & sic est talis ordo inter peccata quo ad grauitatem, quod illud peccatum est grauissimum in quo Deus in se contemnitur, vt peccatum infidelitatis, & blasphemiz, post sequitur peccatum in quo contemnitur Deus non vt in se est, sed prout est in Sacramento altaris, vt communicando indignè, subinde peccatum in quo contemnitur Deus vt in membris suis, & postea peccatum in quo contemnitur Deus vt in præceptis suis, & hic contemptus est communis omni peccato mortali.

Caietanus in summula, verbo, contemptus, & 1.2. loco supra citato ita distinguit, contemptus moraliter acceptus, duplex est, primus, ut est peccatum, quo quis spernit proximum, & notabiliter eum lædit iniuriando, & derogando eius existimationi, secundus est qui est causa peccati, prout vnus dicitur peccare ex contemptu vel ex infirmitate, vel ignorantia, fragilitate, & huiusmodi, Et cum dico aliquem peccare ex contemptu, dico duo, scilicet actum peccati, ut in proposito frangere silentium, & causam peccati, scilicet frangere silentium ex contemptu. Et tunc contemptus dicit actum voluntatis, quo vult non subiici cui debet subiici. scilicet Deo aut Prælatis, & est contra dilectionem Dei aut proximi. Et hoc modo dicere verbum ociosum, imo nolle sequi consilia Christi ex contemptu. scilicet quia non vult illi subiici, etiam in consiliis peccat mortaliter. Hæc autem maxima peccata, raro accidunt, nisi pessime dispositis, & male habituatīs, in tantum ut ex odio legum, vel legislatorum operentur, contemptus enim huiusmodi, contra superioritatem legis vel legislatoris directe tendit. Dux autem distinctiones hic notandæ sunt. Prima, quia aliud est nolle subiici Prælato, aliud nolle consolari Prælatū. Si quis transgreditur præceptum, quia non vult consolari, peccat ex indignatione. Secunda est, potest quis peccare ex contemptu dupliciter, primo ex contemptu simpliciter, quando non obseruat mandatum, quia non vult illi subiici in illo quod est quid graue, secundo non vult subiici in hoc minimo tantum, primus est mortalis, secundus venialis.

Ex declar. autem Constitutionum hæc colligo, Et primo super prologum ita habet declaratio, sicut transgressio præcepti in regula, vel in Constitut. positi, vel à Prælato verbo, vel scripto facti, obligat ad culpam, ita transgressio quantumcumque minimi ex contemptu facta, obligat ad mortalem culpam, quia ut dicit S. Bernardus. Neglectus semper culpabilis est, contemptus vero damnabilis. Dicitur autem contemptus, quando nulla existente necessitate, vera vel opinata, sed sola voluntate, & inobedientia aliquis Constitutiones transgreditur, & non vult se subiicere legi, imo ex propria voluntate renuit se subiicere statuto sui Superioris. Vel ut alij dicunt, Contemptus est voluntaria sine causa continuata legis transgressio. Illorum enim voluntas renuit subiici nostris legibus, & statutis, quæ habet firmum propositum non seruandi constitutiones, & nulla existente causa, animo deliberato illas transgrediendi, cum intentione perseuerandi in illa transgressione, & non agendi pœnitentiam in Constitutionibus taxatam, vel à Prælato taxandam. Qui vero habet propositum seruandi statuta, & si interdum, & etiam frequenter, ex fragilitate, vel inaduertentia, aut alia causa, vel occasione, vera, vel opinata, illa transgredereetur, habet tamen intentionem soluendi pœnam taxatam, vel taxandam, & non intendit perseuerare in illa transgressione, talis non peccat ex contemptu. Tenemur enim habere voluntatem seruandi Constitut. cum intentione si illas non seruabimus, agere pœnitentiam. Eandem definitionem contemptus habemus in de r. cap. de Nouitiis.

Siluester in summa, verbo Contemptus, dicit quædam alia notabilia. scilicet Contemptus est duplex, positius, & contrarius, qui est quando subditus vult non obediendo iniuriam Superiori irrogare, vilificando ipsum. Alter

vero dicitur priuatius, & contradictorius, quando quis transgreditur non cutando, nec existimando Superiorem, nullam iniuriam illi inferendo. Si ergo aliquis primo modo transgreditur, illa transgressio est ex contemptu formali, & est peccatum superbiæ. Si quis autem transgreditur secundo modo, ita ut vera causa transgressionis sit fragilitas, vel concupiscentia, vel ignorantia, &c. erit contemptus interpretatiuus, maxime si non intendat in transgressionem perseverare, & transgressio ex tali contemptu non est peccatum mortale, quia non fit iniuria legislatoribus. Et subdit, posse etiam illud dictum Constitutionis, (quod transgressio ex contemptu est mortalis) intelligi de contemptu negatiuo, quia etiam tunc incurritur culpa venialis. Et postremo aduertit quod si aliquis religiosus transgrediendo contemneret suum Prælatum, aut eius auctoritatem, hic contemptus esset posititiuus, & talis mortaliter peccaret, qui contemptus est magnus laqueus religiosis dissolutis, & in deuotis, ac multum se existimantibus. hæc ille. Quibus addendum existimarem, illum religiosum transgredi ex contemptu, quando dicit, & persuadere sibi conatur, aliquod mandatum non esse rationabiliter institutum, quia hoc esse videtur nolle subiici legi. Secus autem existimandum est de eo qui legem putat bonam esse, sed putat pro tunc habere causam rationabilem veram vel opinatam transgrediendi, & transgreditur in scio Prælato.

De præcepto obligante ad mortale.

C A P. XXII.

PRæceptum in regula nullum (nisi quod de natura sua est ratione trium votorum, vel Diuinæ aut ecclesiasticæ legis) contineri volumus, & declaramus. Et idem in Constitutionibus, nisi ubi ponitur sententia excommunicationis, aut formaliter exprimitur per verbum, præcipimus in virtute S. obedientiæ. Et hoc idem in ordinationibus, & Prælatorum verbis & litteris intelligi volumus.

Porro Prælati non faciant præcepta obligantia ad mortale peccatum in ira exteriori, maxime contra subditos turbatos, Et si fecerint irrita sunt & inania; facta tamen valeant quoad quascumque pœnas temporales. Nec faciant præcepta quieto animo, nisi in scriptis extra necessitatis articulum, exceptis Visitationibus in Visitationibus, facta tamen valeant.

Præcepta autem in scriptis facta censentur sine ira facta.

Ex prologo Constitutionum.

Priores in suis Conuentibus, ex causa rationabili, in his quæ ad regulam vel Constitut. pertinent, implicite vel explicite possunt præcepta

verbo vel scripto facere, quæ obligabunt ad culpam mortalem, quia ex voto tenemur illis præcipientibus obedire, ex declar. eiusdem capituli. Est consimilis doctrinæ S. Thom. 2. 2. quæst. 186. art. 9. dicentis. Quædam continentur in regula, ad quæ observanda obligatur religiosus ex voto professionis suæ, ut paupertatem, continentiam, & obedientiam, & horum transgressio obligat ad mortale. Aliorū vero transgressio nō obligat ad mortale, nisi propter contemptum regulæ, vel propter præceptum siue oretenus à Prælato factum, siue in regula expressum. Et ibidem ad secundum dicit. Non omnia quæ traduntur in lege, traduntur per modum præcepti, sed quædam proponuntur per modum ordinationis siue statuti obligantis ad certam pœnam. Ita nec in lege Ecclesiæ omnes ordinationes, vel publica statuta, obligant ad mortale.

Caietanus eodem in loco, exponens S. Thomam, dicit, quædam in hoc proposito. Primo quod ubique quando aliquid præcipitur in virtute S. obedientiæ, obligatio est ad mortale, quia compositio horum verborum, solita est semper vim præcepti importare ex communi usu Ecclesiæ. Secundo si in quocunque iure apponatur vocabulum, quod secundum communem usum importet vim obligatiuam firmiter, reputandum est illud obligare ad mortale. Et ex opposito quando secundum communem sensum, non habet talem vim obligatiuam, non obligat ad mortale. Tercio lex vtens vocabulo præcepti, ut dicendo, præcipimus, rationabile est quod obliget ad mortale, non tamen est necessarium, quia quandoque potest tantum obligare ad veniale. Vnde cum S. Augustin. in regula dicit. Hæc sunt quæ vt obseruetis præcipimus in monasterio constituit, non tenemur ad ea observanda sub pœna peccati mortalis. Quarto de aliis autem vocabulis. si inhibetur, prohibetur, statuitur, decernitur, mandatur, teneantur, obligati sint, &c. nihil certi vniuersaliter potest determinari, & omnimoda certitudo diffinitionem auctoritatiuam Sedis Apostolicæ exigere videtur. Sed apud nos, clara est hæc doctrina in Constitut. quæ declarant per nulla verba quoquomodo præceptiua, nos obligari ad culpam mortalem, nisi vbi dicitur præcipimus in virtute S. obedientiæ, vt supra. Sed potest esse quæstio, de præcepto pœnali, num obliget ad culpam mortalem. Constitut. dicit, quandoque aliud mandatur sub pœna excommunicationis, sequitur obligatio ad mortale, quod assertum versans Caietanus ibidem dicit, id verum esse tam de excommunicatione latæ sententiæ, quam non latæ sententiæ, nam pœna hæc tantæ indignitatis est, vt non feratur, nisi propter mortale. Addit etiam quod si fiat præceptum sub pœna interdicti, vel irregularitatis, non ex hoc obligat ad peccatum, quia hæc sæpe inferuntur sine aliqua culpa. Si autem aliquid præcipitur sub pœna suspensionis, non necessario inferit nisi peccatum veniale, quia pro peccato veniali potest aliquis suspendi. Si autem sunt pœnæ spirituales, vt oratio, ieiunium, &c. constat quod sine mortali infliguntur.

Adhuc autem aliud dubium suboriri potest de præcepto, quando mandatur aliquid sub pœna carceris, vel sub pœna grauioris culpæ, num tale præceptum obliget ad mortale, negatiua pars videtur haberi ex hoc

Constit. loco, vbi declaratur nullam habere vim præcepti obligantis ad mortale, nisi vbi ponitur pœna excommunicationis, vel vbi formaliter exprimitur per verba præcipimus in virtute S. obedientiæ. In alteram partem inclinat decl. capit. de Nouitiis, vbi duobus in locis litera d. dicit, talia præcepta obligare ad mortale. Etiam si crederem in hoc expectandam esse maiorum nostrorum decisionem, dico tamen probabilius apud me esse, vt talia præcepta non obligent ad mortale, nam in his semper intentio legislatoris pensanda est. At intentio eorum qui nostras Constitutiones ediderunt fuit, vt pœna à culpa separaretur, dum dicunt, Constitut. nostras non obligare ad culpam, etiam, si aliqua capita eiusdem vocentur capita de leui, de graui, & grauiori culpa, nec refert quod pœna grauioris culpæ sit illatiua infamiæ, quia ad talem pœnam nosmetipsos obligare volumus sine culpa. Quæ omnia præcisè sunt intelligenda quando præceptum aliunde non habet vt obliget ad culpam nisi ratione annexæ pœnæ. Recolendum est tamen, id quod habetur, in cap. Romano 1589. f. Declaramus quod præcepta, & censuræ, tam Magistri ord. quam capitulorum generalium, cum ipsis expirare, ordinationibus in suo robore remanentibus, quousque reuocentur. Quamuis contrarium in declar. prologi haberi videatur.

De Castitate.

CAP. XXIII.

SI quis de mala familiaritate suspectus fuerit notabiliter, & post admonitionem à Prælato de consilio discretorum pluries sibi factam, se non correxerit, præcipiatur ei in virtute S. obedientiæ per Prælatum, coram illis, coram quibus monitus fuerat, si præsentibus fuerint, vel coram aliis discretis de consilio eorundem, vt à tali familiaritate desistat. Quod si tale præceptum transgressus fuerit, postquam hoc legitimè constiterit, tanquam reus & conuictus de suspecto crimine, habeatur.

Ex capite de grauiori culpa.

Oculi vestri, & siuciantur in aliquam sceminarum, in nulum figantur. Neque enim quando proceditis, sceminas videre prohibemini; sed appetere, vel ab ipsis appeti velle, criminofum est, Nec solo tactu, & affectu, sed aspectu quoque appetitur, & & appetit concupiscentia sceminarum. Nec dicatis vos habere animos pudicos, si habeatis oculos impudicos, quia impudicus oculus impudici cordis est nuntius. Et cū se inuicem sibimet etiam tacente lingua conspectu mutuo corda nuntiant impudica, & secundū concupiscentiam carnis alterutro delectantur ardore, etiam in tactis ab immūda violatione corporib. fugit castitatis ipsa de mori-

bus Nec putate debet qui in fœminam figit oculû, & illius in seipsum diligit fixum, ab aliis se non videri cum hoc facit. Videtur omnino, & à quibus se videri non arbitratur. Sed & si lateat, & à nemine hominum videatur, quid faciet de illo desuper inspectore, quem latere nihil potest? An ideo putandus est non videre, quia tanto videt patientius, quanto sapientius? Illi ergo vir sanctus timeat displicere, ne velit fœminę male placere. Illum cogitet omnia videre, ne velit fœminam male videre. Illius enim, & in hac causa commendatus est timor, vbi scriptum est, Abominatio est Domino, defigens oculum. Quando ergo simul estis in Ecclesia, vel vbiunque fœminæ sunt, inuicem vestram pudicitiam custodite. *S. Augustinus in regula.*

Magister nouitios instruat, vt oculos sublimes non habeant.

Cap. de Nouitiis.

Religiosi debent euitare consortia fœminarum, & illarum familiaritatem, multis de causis. Primò propter periculum, nam multi post magna signa sanctitatis, propter mulieres naufragati noscuntur. Secundò propter infamiam, quam ex illarum consortio incurrunt religiosi, & bonum nomen amittunt, quod magis æstimandum est quàm diuitiæ multæ. Tertiò propter notam mali exempli, quia cum viri perfecti inhzrent familiaritati fœminarum, occasionem præbent minoribus & infirmis de facili in tale peccatum cadere. Vnde nec propter vtilitatem temporalem, nec propter desiderium salutis, debent religiosi cum eis conuersari.

Debent etiam religiosi summopere cauere occasiones, ex quibus causatur, & augetur amor carnalis, quæ plures sunt. Prima est aspectus illarum, nam ex visu mulieris inardescit concupiscentia viri, & ex visu viri ardescit concupiscentia mulieris, & præcipuè hanc occasionem vitare debent, qui aspectu pulchri sunt, & gratiosi. Secunda est familiaritas siue frequens conuersatio, per hanc enim corda mulierum inflàmantur, & audaciores redduntur ad malum petendum, & ad detegendum ardorem libidinis familiari, quam extraneo. Tertia est ostensio affectus per literas, vel munuscula. Vnde S. Hiero. dicit Crebra munuscula, & sudariola, & dulces literas sanctus amor non habet. Quarta est decor, & compositio corporis, vel ornatus eius, qui ad complacentiam excitat. Et ob id religiosi debent vti vilibus vestib. & faciem per mortificationem deturpare, & si se sentiunt diligi fugiant, & dure cum eis loquantur, & si ex hoc turbantur, non curent. Et S. Aug. dicit sermo breuis, asper, & rigidus, est semper cum mulieribus habendis. Ex decl. cap. de grauiori culpa.

Maximè autem religiosus conuenit continentia, ex S. Tho. 2. 2. q. 189. art. 2. quia ad religionis statum requiritur abstractio eorum per quæ homo impeditur, ne totaliter feratur in Dei seruitium, Vnus autem copulæ carnalis retrahit hominem à Dei seruitio, duplici ratione. Primò propter vehemen-

tiam delectationis, ex cuius frequenti experientia augetur concupiscentia. Secundò propter solitudinem quam ingerit homini, ob gubernationem vxoris, filiorum, & familiæ, ac rerum temporalium, pro illorum sustentatione. Vnde 1. Cor. 7. Qui sine vxore est, cogitat quæ Dei sunt, quomodo placeat Deo, Qui autem cum vxore est, cogitat quæ mundi sunt, quomodo placeat vxori. Et Dominus Christus Math. 19. introduxit eam dum dixit, Sunt eunuchi, qui se castrauerunt propter regnum cælorum. Qui potest capere capiat.

De paupertate fratrum in particulari.

CAPVT XXIV.

MAgister nouitios instruat, sine proprio viuere. Item, singulis annis omnes fratres semel omnia sibi commissa, Prioribus suis exponant, pariter & exhibeant, eorum dispositioni relinquendo.

Item, quicumque verò frater pecuniam vel alia quęcumque receperit, vel habuerit, aut expenderit, vel dispensauerit, aut dispensari fecerit, singulis annis maiorib. suis semel aut pluries, si fuerit requisitus, rationem reddat, videlicet Magister ordinis Diffinitoribus capituli generalis, Prouincialis, Diffinitoribus capituli prouincialis, & Prior, Prouinciali, vel Visitatori, ceteri fratres Priori.

Ex cap. de Nouitiis.

Item, & non dicatis aliquid proprium, sed sint vobis omnia communia.

Item, qui vero aliquid habebant in seculo, quando ingressi fuerint monasterium, libenter velint illud esse commune.

Item, nullus sibi aliquid operetur, sed omnia opera vestra in vnum fiant, maiori studio, & frequentiori alacritate, quam si vobis singulis propria faceretis, Charitas enim de qua scriptum est quod non querit quę sua sunt, sic intelligitur, quia communia propriis non propria communibus anteponit. Et ideo quanto amplius rem communem, quam propria vestra curaueritis, tanto amplius vos proficere noueritis, vt in omnibus quibus vtitur transitoria necessitas, superemineat quę permanet charitas. Consequens ergo est, vt etiam cum quis filiis suis, aut aliqua necessitudine ad se pertinentibus, aliquam contulerit vestem, aut quodlibet aliud inter necessaria deputandum, non occultè accipiat, sed sit in potestate Prępositi, vt in rem communem redactum, cui necesse fuerit præbeatur. Quod si aliquis rem sibi collatam celauerit, furti iudicio condemnatur. Quicumque autem in tantum

progressus fuerit malum, vt occultè literas ab aliquo, vel quodlibet munus acceperit, si hoc vltro confitetur, parcatur illi, & oritur pro eo. Si autem comprehenditur, & conuincitur, secundum arbitrium Præpositi grauius emendetur.

Item, nec extollantur si communi vitæ aliquid de suis facultatib. contulerunt, nec de suis diuitiis magis superbiant, quia eas in monasterio partiuntur, quam si eis in seculo fruerentur. Alia quippè quæcumque iniquitas, in malis operibus exercetur vt fiant superbia vero etiam bonis operibus insidiatur, vt pereant. Et quid prodest dispergendo dare pauperibus, & pauperem fieri, cum anima miseria superbior efficitur, diuitias contemnendo, quam fuerat possidendo? *S. Aug. in regula.*

Omnis religiosus professus cuiuscumque religionis cum emittat votum paupertatis, non potest aliquid possidere tanquam proprium. Ideo iura etiam antiqua id denuntiant. *S. Aug. in regula* dicit, & non dicatis aliquid proprium, sed sint vobis omnia communia.

Urbanus Papa vt habetur 12. q. 1. cap. Simus dicit.

Quicumque vestrum vitam communem susceptam habet, & vovit se nil proprium habere, videat, ne pollicitationem suam irritam faciat, sed fideliter custodiat, ne damnationem, sed præmium sibi acquirat.

Inno. III. vt habetur in cap. Cum ad monasterium, de statu monachorum, prohibuit.

Ne quis monachorum proprium aliquo modo possideat, quod si proprietatem aliquam deprehensus fuerit habere, regulari monitione præmissa, de monasterio expellatur, nec recipiatur vltius, nisi peniteat secundum monasticam disciplinam. Quod si proprietas apud quemquam inuenta fuerit, ipsa cum eo in signum perditionis, extra monasterium in sterquilino subterretur, secundum quod B. Gregorius, in dialogo narrat se fecisse. Vnde si quisquam alieni fuerit specialiter destinatum, non præsumat illud accipere, sed Abbati, vel Priori, aut Cellario assignetur. Et infra.

Nec Abbas æstimet, quod super habenda proprietate, possit cum aliquo monacho dispensare, quia abdicatio proprietatis, sicut & custodia castitatis, ad eam est annexa regula monachali, vt contra eam, nec summus Pontifex possit licentiam indulgere.

Fuerunt tamen Pontifices, maximè Martinus V. & Eugenius IV. qui pro maximis negociis fecerunt de religioso non religiosum, & indulgentiam concesserunt, vt vxorem ducerent, & regna possiderent. At in proposito attendendum est decretum Conc. Trident. sess. 25. cap. 2. in quo dicitur.

Neminis igitur regularium, tam virorum, quam mulierum, liceat bona immobilia, seu mobilia cuiuscumque qualitatibus fuerint, etiam quouis modo ab eis acquisita, tamquam propria, aut etiam nomine Conuentus possidere, vel tenere, sed statim ea Superiori tradantur, Conuentuique incorporentur. Nec deinceps liceat Superioribus, bona stabilia alieni regulari concedere, etiam ad vsum fructuum, vel vsum, administrationem, & commendam. Administratio autem bonorum temporalium, ad solos officiales eorumdem Conuentuum ad nutum Superiorum amovibiles pertineant, &c. Quod si aliquis aliter quicquam tenere deprehensus fuerit, & conuictus, is biennio actus, & passus

voce priuatus sit, atque etiam iuxta suam regulam, & ordinis Constitutiones puniatur.

Dicitur autem proprium quasi à communitate separatum & importat dominium rei iustis modis acquisitum. Item proprium dicitur, quod celatur Prælato suo, vel tenetur contra voluntatem eius. Et ideo religiosus, qui aliquid accipit multum vel parum, mobile, vel immobile, sine scitu, & consensu sui Superioris, aut illud, quod de licentia Prælati recepit, non est paratus ponere totum in manibus eius, ad placitum, & requisitionem ipsius, aut aliquid abscondit, vel celat, ne à Prælato videatur, aut accipiatur, est propriarius, & peccat mortaliter. Et propterea in diuersis capitulis, fuit sub præceptis, censuris, & pœnis prohibitum omnibus fratribus, ne aliqua bona temporalia, nisi ad vsum tantum, & de licentia suorum Prælatorum teneant. Vnde Prælatus non potest dispensare cum religioso, vt habeat proprium, videlicet, vt aliquid habeat simpliciter in sui dominio, & de eo possit facere quicquid velit propria auctoritate, sine scitu, & licentia sui Superioris. Quod si Prælatus dispensat cum religioso proprio. i. concedit, vt aliquid habeat, & illud ad placitum distrahat, & disperdat, ac dissipet, prout sibi videtur, etiam in damnum monasterij, non videtur posse excusari à graui peccato, cum exponat ouem suam morti, & ipse vsurpet sibi potestatem, quam non habet, si vero religiosus ea, quæ sibi ad vsum concessa sunt, absq; scitu, & licentia Superioris vendit, vel donat, vt Dominus rei, peccat mortaliter, nisi poneret spem in rati habitatione. Declaratum etiam fuit omnes fratres, & moniales ordinis, nisi habeant animum in veritate paratum, ad ponendum omnia, quæ habent ad pedes sui Prælati, esse in statu damnationis æternæ, & similiter omnes, qui mutuant, aut quouis modo dominum pecuniarum, seu rerum pro sua voluntate, tanquam Domini illarum rerum, transferunt absque licentia, esse in statu damnationis æternæ, & contrafacientes priuentur rebus ipsis. Et Bonon. 1564. statutum fuit, ne in fratribus vestigium aliquod proprietatis esset, quod omnia bona immobilia, & quicumque annui redditus, vel proventus, vnde cumque aduenientes, communi ordinis nostri utilitati incorporata sint, & applicata illis Conuentibus quibus secundum iura, & nostras Constitutiones debentur. Venetiis 1592. mandatur sub præcepto formali, & pœna excommunicationis latæ sententiæ cuilibet fratri cuiuscumque status, & conditionis existat, vt qui habent apud se, seu apud quoscumque, aut quempiam sciunt habere, aut tenere, libellaria instrumenta, seu libellarios contractus, aut pecuniarum, (vt fertur) inuestituras, siue nomine proprio, vel in propria persona, siue nomine Conuentus, quouis modo factas, teneantur infra spacium viginti quatuor horarum consignare, aut respectiue reuelare Priori, ne ob illorum ignorantiam interueniente morte, religio damnum patiatur, Priores vero huiusmodi scripturas in archiuio Conuentus recondant. Nullus etiam frater procurare debet, quod alius sibi post mortem succedat in cellæ, vel aliis rebus.

De administratione bonorum temporalium.

CAPVT XXV.

EX decreto Conc. Trid. cap. præcedenti relato, apparet quandam administrationem bonorum stabilium Conuentus, concedi religiosis posse, quandam vero non, nam ita disponit.

Nec deinceps liceat Superioribus, bona stabilia alicui regulari concedere, etiam ad vsum fructu, vel vsum, administratione, aut cōmendam. De alia verò ita constituit. Administratio autem bonorum Conuentuum, ad solos officiales eorum ad nutum Superiorum amouibiles pertineat.

Vnde necesse est distinguere cum Roderico tomo 3. quæst. reg. q. 28. art. 10. quod administratio bonorum stabilium, potest pluribus modis committi aliquibus religiosis, primo in vtilitatem tantum illius cui conceditur, vt possit fructus illius percipere & conuertere in vsum proprios, prout vult, ac eos distringere, vendere, & donare, prout libet, abique hoc, quod teneatur reddere rationē de eis alicui, nec possit ab eo officio amoueri, nisi pro graui delicto. Hoc modo cōceditur administratio bonorū ecclesiasticorū clericis secularibus. Quæ concessio ea est, quæ per dictam particulā Concilij inhibetur religiosis. Secūdo cōceditur administratio bonorū alicui ad vtilitatē cōcedētis, ita vt administrator, colligit fructus, cōseruatq; eos, qui necessarij sunt ad ducendā vitam religiosorū monasterij, alios vero vendit, siue commutat in alia ad sustentationem necessaria, qui requisitus reddit rationem de singulis recepti, venditis, & consumptis, & est ad nutum Superioris, aut ad certum tempus amouibilis. Et de hac administratione loquitur Conc. in 2. particula, & est, quæ conceditur syndicis, seu procuratorib. Cōuentuum. Hi verò administratores seruare debent ea, quæ tradit eis S. Tho. 2. 2. q. 32. art. 8. Vbi docet, quod monachus si habet dispensationem sibi commissam à Superiori, potest facere elemosynas de rebus monasterij, secundum quod sibi est commissum. Quod si verum est hoc de elemosynis multo magis de quibuscumque aliis alienationibus, citra necessitatē status religionis. Excogitari autem potest quædam alia administratio media inter duas descriptas, quando propter senectutem, aut infirmitatem conceditur alicui, vt possideat aliquam partem bonorum Conuentus, quæ forsan etiam intuitu dicti religionis peruenit ad religionem, vt illam possideat in tota vita sua, & sibi de fructibus eius prouideat. Hæc concessio potest esse, & vetita, & licita, secundum adhibitas condiciones, nam si ita concedatur, vt illa concessione facta possideat vsum illius tanquam Dominus in necessariis, & superfluis, & requisitus nollit reddere computum illorum, ac pretenderet se non posse ab illa remoueri, esset comprehensa sub illa administratione à Concilio vetita. Si autem haberet circumstantias contrarias admitti posset aliqua subsistente causa. Aliqua dicentur infra huic proposito, cap. de syndicis, & cap. sequenti.

Si quæ autem bona ab extraneis commissæ sint fratrib. ad dispensandum, seruetur Constitutio cap. de Itinerantibus quæ, talis est.

Fratres non ſint diſpenſatores alienarum rerum, nec pecuniarum, nec extraneorum depoſita recipiant, niſi librorum, & paramentorum eccleſiaſticorum.

De mobilium vſu religioſis conſeſſo.

CAPVT XXVI.

Idem Conc. Trident. loco ſupra relato ſic habet de vſu mobilium.

Mobilium vero vſum ita Superiores permittant, vt eorum ſupellex ſtatu pauperum, quam profeſſi ſunt, conueniat, nihilque ſuperflui in caſis, nihil etiam, quod neceſſarium eis deſineatur.

In quo decreto duo notanda ſunt, primum circa illud verbum (vſus) de quo vſu ſic diſtinguit declaratio, cap. de Nouitiis, &c. Declaramus, quod religioſus de rebus ſibi conſeſſis per Prælatos, ita habet vſum, quod non habet vſum fructum. Vſus autem dicitur vtiendi, & non fruendi rebus alienis, ſalua rerum ſubſtantia. Et ideo de re cuius quis habet vſum, poteſt percipere preciſè ſuam neceſſitatem. Vſufructus autem dicitur vtiendi, & fruendi rebus alienis, ſalua vt ſupra. Et ideo de re cuius, quis habet vſum fructum, poteſt nedum percipere ſuam neceſſitatem, ſed etiam reſiduum poteſt donare, vel quocumque alio modo licito diſtrahere vt libet, quia eius rei dominium habet. Religioſus igitur cum non poſſit eſſe dominus rerum ſibi conſeſſarum, non poteſt aliquid donare, nec vendere, nec pignorare, aut commutare, aut quocumque modo alienare, nec eleemoſynas facere. Etiam ſi illa bona per propriam induſtriam acquiſierit, aut ſibi obuenerint iure paterno, vel materno, etiam ſi conſtitueretur procurator Conuentus.

Item non poteſt religioſus pecunias, vel quacumque res, apud mercatores ſive campſores, ſeu apud perſonas extra noſtri ordinis obedienciæ conſtitutas, tenere, ſeu mutuare, nec multo minus negociationes, ſeu mercantias aut artem alchimiz exercere. Et ſaltem ſemel in anno teneretur omnia bona ſibi ad vſum conſeſſa, ad pedes ſui Prælatis realiter ponere, vel ſaltem omnia integraliter, & fideliter, nihil occultando, in ſcriptis redigere, & ſuis Præſidentibus, tanquam ſeipſos omnium rerum proprietate ſpoliantes, præſentare. Et conformiter ad Conc. Trid. Bonon. 1564. mandatum fuit, in virtute S. obedienciæ omnibus Præſidentibus Conuentuum, vt intra vnum menſem cellas omniū (nemine excepto) viſtarent, & deinceps omnes ſingulis annis omnia ſua Prælatis exponant. Et Prælatis, tenentur laborare quantum eis poſſibile eſt, quod fratres, in ſuo Conuentu viuant in communi, & non ſint proprietarij, & ſubditi in hoc non debent Prælatis reſiſtere.

In Conſtitutionib. etiam de mobilib. bonis dicitur cap. de Nouitiis.

Singuli fratres ſingulis annis, ſemel omnia ſibi commiſſa, Prioribus ſuis exponant, & exhibeant, eorū diſpoſitioni relinquendo. Item, Quicumque pecuniā, vel alia quacumque receperit, vel habuerit, vel expenderit, vel diſpenſauerit, aut diſpēſari fecerit, reddat ſingulis annis rationē maioribus ſuis, ſemel vel pluries ſi fuerit requiſitus.

Et in decl. dicitur. Et quilibet Prior ſingulis annis, præſertim in principio

sui regiminis, diligenter inquirat, quid habeat subditus, quid debeat, & quid sibi debeat, & omnia in scriptis redigantur, & deinde inquirat, si quid auctum, vel diminutum fuerit.

Est etiam sciendum, quod duplex est vsus rerum, certus, s. & incertus. Circa certum vsus, qui est, quando concessum non potest auferri, Prælatus cum subdito non potest dispensare, quia voluntas Religiosi debet semper subdita esse Prælati, vt quidquid habet resignet Prælati quando voluerit, & ad hunc sensum dicitur in capite de studentibus.

Nulli etiam certus vsus librorum concedatur, nec dedignetur à quocumq; auferantur, vel in custodia cuiuscumq; dimittantur.

Circa vero vsum incertum, qui est quando concessum est in voluntate Superioris, vt auferatur à subdito quando placuerit, potest Prælatus ex causa rationabili dispensare. Causa autem rationabilis, duplex est. s. necessitas, & utilitas, utilitas autem potest esse duplex, priuata, & communis. Priuata, vt quando conceditur religioso liber ad studendum pro procuranda salute animarum. Communis, quando conceditur liber ad studendum, vt possit legere, prædicare, &c. Similiter etiam necessitas est duplex, priuata, & communis. Priuata, vt cum in monasterio paupere non habetur vnde subministrare possit victum, & vestitum ad sufficientiam, conceditur aliquid alicui ad vsum suæ necessitatis, qui tamen debet habere animum resignandi Prælati, si fuerit requisitus. Necessitas communis, vt cum aliquid conceditur officiali, pura procuratori, sine vestiario, ad expendendum in vsus communes. Et quamuis istæ utilitates, & necessitates sint causa sufficiens dispensandi, cauendum tamen est ne faciliter dispensetur, tum propter speciem malitum propter sequelam mali exempli. Qui verò habent custodiam rerum communium Conuentus, & procuratores, librarij, vestiarij, & sacristæ, debent prædicta cum utilitate, & non cum damno Conuentus administrare, & res sibi commissas diligenter à latronibus, & corruptionibus conseruare, & vnicuique necessaria subministrare, & fideliter ad bonum commune pertrahere, nec debent pro huiusmodi officiis salaria querere, nec possunt ea donare, dissipare, & disperdere, vt supra. Vnde & in regula dicitur.

Siue autem qui cellario, siue qui vestibus, siue qui codicibus præponuntur, sine murmure seruiant fratribus suis. Vestimenta verò, & calceamenta, quando fuerint indigentibus necessaria, dare non differant, sub quorum custodia sunt, quæ possuntur.

Nec aliquis præsumat procurare, quod alter frater sibi succedat post mortem in quacumq; re, nec tales gratiæ villo modo concedantur. Venetiis 1592. dicitur. Nullus frater saluo paupertatis voto, potest quæcumq; bona sibi ad vsum concessa, penes quascumq; personas extra religionem existentes, sub quouis prætextu asseruare, suis in seculis Superioribus, à quibus potestatem auferimus tales licentias concedendi, & concessas reuocamus. Romæ 1601. Nullus se immergat negociis secularibus mercimonijs & alijs huiusmodi, nec negocia litigiosa apud quæcumque tribunaia pertractent nec equos alant, nec cartis, aut taxillis ludant, quæ vicio proprietatis proxima sunt.

CAPVT XXVII.

Aliud in dicti Concilij decreto annotandum est, & hoc est.
Supplex, statui paupertatis quam professi sunt conueniat.

Duo autem defectus in rebus concessis contingere possunt contra statum paupertatis. scilicet superfluitas, & preciositas rerum. De superfluitate dicit Concilium, nihilque in ea superflui sit. Et in cap. Bonon. 1564. statutum conditum fuit, ne in mobilium vlt superfluum aliquid inueniatur, & Priores infra mensem ab harum notitia, subditorum cellas (nemine excepto) visitent, & earum suppellectilia considerent, quod si aliquid inuenerint, quod statui paupertatis repugnet, auferant, & Conuentui applicent. Venetiis 1592. ordinatur, vt Superiores, qui subditis suis seiplos bonorum operum exemplum præbere debent, curent voluntariam amplecti paupertatem, vanitates omnes, ac superfluitates in vestibus, itineribus, comitatu, & cubiculorum ornamentis resecando, & etiam in victu, quatenus breuiori via subditos suos ad perfectionem conduce. possint. Et Romæ 1608 dicitur. A cellis amoueantur omnes imagines, quæ non sunt sacræ aut piæ. Item illæ quæ propriam, vel alterius non sancti, aut pij effigiem exprimunt, &c. Ex decl. cap. de nouitiis habetur, si aliquis religiosus teneat aliqua ad superfluitatē, vt pecuniam, cappas, tunicas pomposas, triplicatas, & alia huiusmodi, de scitu, & licet sui Prælati, & paratus sit omnia consignare in manu Prælati, quod tamen in his raro accidit, quamuis talis non possit dici proprietarius, est tamen peccatum, tam in dispensante, quam in dispensato. In dispensante quidem est peccatum infidelitatis, siue iniustitiæ, quia abutitur potestate sibi tradita in ædificationem, in destructionem. In recipiente autem est peccatum auaritiæ, cum teneat bona sine rationabili causa.

Et Constit. capite de domibus concedendis, ita disponit, de ædificiis.

Mediocres domos, & humiles, fratres nostri habeant, nec fiant, aut permittantur fieri, in domibus curiositates, & superfluitates notabiles, in sculpturis, picturis, pauimentis, & aliis similibus, quæ paupertatem nostram deformant.

De preciosis vero utensilibus, hæc ordinata reperiuntur. Ex decl. præfati cap. de nouitiis. Nullus frater habeat vestes ecclesiasticas, vel ornamenta, siue paramenta aliqua, nec cruces aureas, vel argenteas, vel cum lapidibus preciosis, nec annulos, siue lapides preciosos, aut aliqua iocalia. Et qui talia habent teneantur infra tres menses, de prædictis se expedire, quod si non fecerint, dictis bonis priuati sint, & ea Conuentui applicata sint. Romæ 1580. ordinatur, vt nullus frater, siue monialis, cuiuscumque conditionis, vti debeat coelestibus, vel aliis instrumentis aureis, vel argenteis, siue ex lapidibus preciosis, siue in mēsa, siue in cingulis, cultris, vaginis, & huiusmodi, & tales transgressores priuentur his rebus, & Conuentui applicentur. Quod pariter Venetiis 1592. confirmatum fuit. Venetiis etiam vtraque. i. superflua, & preciosa simul comprehenduntur, & statuitur, vt à cellis superfluitates omnes

ornamenta vana preciosa quæque & omnia tandem, quæ religiosam paupertatem non sapiunt, omnino auferantur, super quo Superiores omnes specialiter inuigilabunt. Et S. Tho. 2. q. 187. art. 6. probat vilitatem vestium congruere religiosi duplici ratione, 1. quia vilitas hæc, est signum penitentiae, & tristitiae, at religio est status penitentiae, igitur & c. 2. est, quia hæc vilitas est signum contemptus mundi, at religiosi profitentur, mundum contemnere, ergo & c. Quæ rationes concludunt de quacumque suppellectili, sicut de vestibus.

De legatis, siue censibus fratrum particularium.

CAP. XXVIII.

Solent aliqui fratrum particularium cōsanguinei, perspicientes Cōuentus plurimos, non posse sufficienter providere fratribus, de rebus illis necessariis, maxime in vestibus, libris, itineribus, & similibus, constituere legatum, quo hæredes obligantur solvere quotannis certam pecuniam summam monasterio, vt fratri tali abundè provideat de prædictis, supra communem provisionem. Quæ legata si dari debeant monasterio, & eius officialibus, vt de licentia Prioris expendantur in beneficio illius fratris, cuius intuitu facta sunt, in rebus statui paupertatis non repugnantibus, non possunt reprehendi, quia non repugnant voto paupertatis, dummodo seruetur ordinatio capituli Romani 1589. quæ huiusmodi est. Mandatur sub præcepto formali, & sub pœna excommunicationis latæ sententiæ, omnibus vt singulis fratribus, cuiuscumque status, conditionis, & dignitatis existat, vt qui apud se habent, vel apud quoscumque retinent, vel quempiam habere, vel retinere sciunt, libellaria instrumenta, seu libellarios contractus, aut pecuniarum inuestiuras siue nomine proprio, vel in persona propria, siue etiam nomine Conuentus, quoquomodo factas, debeant infra spacium vinctiquatuor horarum, reuelare, siue respectiue consignare, & effectualiter tradere, Conuentui Præsidenti, ne ob eorum ignorantiam, morte interueniente, religio patiatur detrimentum, & Præsidentes eas in archiuio scripturarum Conuentus custodiendas reponant. Repetitur Venetiis 1592. In eodem etiam cap. Romano Admonentur omnes, bona omnia fratrum, vigore decreti Concilij Trid. esse incorporata Cōu., siue mobilia, siue immobilia sint, quibus nec non & quicūque anni redditus, seu proventus, vnde cūque aduenientes, de iure conueniunt. Idcirco huiusmodi bona, & annui census, debent à syndicis, & non à fratribus singularibus exigì, vt pote bona Conuentuum, & non propria particularium. Et prohibetur fratribus exigere tales annuos census prohibito, sed nomine Conuentuum syndici accipiant, & Prælati pro vniuscuiusque indigentia, & necessitate in ipsorum fratrum pios vsus, in totum, vel in partem conuertere poterunt. Conformia hæc sunt prædicto decreto Concilij, in quo habetur.

Nulli regularium liceat bona quacumque siue mobilia, siue immobilia, tanquam propria possidere, neque etiam nomine Conuentus, sed ea statim Superioribus tradantur,

quæ tantum per officiales Conuentus administrantur.

Et hæc omnia vera sunt, nedum de legatis seu censibus à consanguineis, fratribus particularibus relictis, sed etiam de quibuscumque aliis quomodo libet acquisitis.

Aduertant autem fratres, quando renuntiant bonis suis ante professionem, & sibi aliquid referuant dum viuunt, quod ius illud exigendi remanet in Prælato, & si apponerent conditionem, quod à Conuentu vel officialibus eius exigi non possit, agerēt contra votum paupertatis, & nulla esset illa conditio, quia non potest religiosus habere aliquid tanquam proprium, à communitate separatū, & quicquid habet, vel acquirit monachus monasterij est. Et decl. cap. de Itinerantibus habet, nullum fratrem posse, siue non debere in curia, vel in palatiis, ea quæ sibi annuatim ex aliquo legato relinquuntur, repetere, potest tamen iudici ostendere iura sua, & cartam, siue cautelam sibi factam, & extra iudicium petere.

De vsu pecuniarum, & deposito illarum.

C A P. XXIX.

Quicumque frater pecuniam, vel alia quæcumque receperit, vel habuerit, vel expenderit, vel dispensauerit, aut dispensari fecerit, reddat singulis annis maioribus suis rationem, semel & pluries si fuerit requisitus, videlicet, Magister ordinis, Diffinitoribus capituli generalis, Prouincialis, Diffinitoribus capituli Prouincialis, Prior, Prouinciali, aut visitatori, & cæteri fratres suo Priori, Nullus fratrum etiam Prior recipiat depositum cuiuscunque nisi in communi deposito Conuentus, contrarium facientes incurrant pœnam grauioris culpæ.

Cap. de Nouitijs.

Itinerantes quicumque aurum, vel argentum, aut pecuniam, excepto victu, & necessariis indumentis, & libris, nec accipient, nec portabunt, si quis autem aliquid de prædictis acceperit, teneatur Prælato suo cum redierit libere præsentare.

Cap. de Itinerantibus.

Ex declarationibus cap. de Nouitijs, hæc animaduertenda sunt. Nullus frater recipiat pecuniam sine licentia Prælati, & receptam statim habita oportunitate Prælato præsentet, & si infra triduum præsentare distulerit, vi præsentis declarationis illa sit priuatus, nec per Priorem restitui possit. Et Prælati faciant vt fratres pecuniam in deposito non teneant, nisi ad certos vsus de licentia Superiorum deputatos, quam in alios vsus expendere non permittant, & id infra breue tempus à Prælato præfigendum, ita vt prolongari non possit, quod si infra illud tempus non expenderit, auferatur, &

communitati applicetur, neque detur licentia de conseruanda pecunia, nisi pro libris aut scriptis. Non permittant Prælati fratres suos pecuniam, vel iocalia, in auro, vel argento, aut lapidibus preciosis, vel quascumque alias res, extra manus ordinis depositas habere, & cogant eos omnia ad ordinem reducere, aliter di&is rebus priuentur. Neque vllus frater audeat mutuo dare, aut recipere pecunias, sine sui Superioris licentia. Nec Superiores faciles se præbeant ad concedendas huiusmodi licentias, maximè recipiendi mutuo, nisi prius tales licètijs petentes significent, quomodo habere poterunt vnde soluant. Et qui sine licètia receperit, teneatur ieiunare quolibet die in pane & aqua, quousque satisfecerit. At Valleoleti 1605. imponitur contrahentibus debita sine licentia pœna carceris. Et Valentiz 1596. Romæ 1601. Valleoleti 1605. cõstituitur, vt si qui fratres reperti fuerint, qui alicui extra ordinẽ summã pecuniarum per notabile tempus debeant vel de quibus creditores conueratur, actiua, & passiuæ voce priuentur, & per Superiores carceri, quousque satisfecerint, tradantur. Ex ordinationibus capitulorum generalium plurima alia habentur, maximè Bononiæ 1604. Reuocantur omnes licentiæ etiam à Magistro ordinis concessæ, retinendi, aut expendendi pecunias absque scitu sui Prioris, ac eas conseruandi extra depositum cõmune. Et statuitur, vt in posterum non concedantur huiusmodi licentiæ generales de pecuniis. Et si qui sunt, qui census, aut legata habeant exigenda, meminerint ea Conuentui incorporata esse ex decreto Concilij, & non posse exigi, nisi à Syndico Conuentus, vt traditur Romæ 1589. Et Romæ 1571. de depositis fratrum statuitur, vt in prouinciis in quibus consuetum est permittere deposita singularium fratrum, non concedantur, nisi cum moderatione, vt necessitati, & non auaritiæ seruiant, & ob id Prælati illa non permittant in magna summa, nec pro lōgo tempore, habita tamen ratione personarum, & locorũ. Quod statutum confirmatum fuit Barch. 1574. & Romæ 1580. Et Venetiis 1591. subditur vt talia deposita concedantur nedum in moderata quantitate, sed etiam ad determinatum tempus, vel vsum à Prælato præfigendum toties quoties subditus pecunias quomodolibet sibi traditas præsentabit. Et Valentiz 1596. superadditur. Quia intelleximus præfatam ordinationem minus quam par sit obseruari, declaramus intentionem nostram esse, quod vbi Prælatus statuit de præsentatis sibi pecuniis pro quo vsum determinato conseruari debeant, non licere subdito in alios vsus conuertere, nec Prælato talem commutationis vsus licentiam concedere. Et subditi contrafacientes vitium proprietatis incurrunt, & Prælati sunt rei vsurpatæ auctoritatis. Hoc idem de verbo ad verbum confirmatum fuit Romæ 1601. Et Valleoti 1605. apponitur talis moderatio. Tempus vero & vsum Priorum arbitrio relinquimus, quorum conscientiam in diem Christi aggrauamus, vt inuigilent ne fratres pecunias aliter expendant, quam illorum religiosa necessitas, & commoditas tulerit. Sed Romæ 1608. iterum repetuntur superiora verba, vt non admittantur deposita, nisi in moderata quantitate, attenta qualitate personarum ad certum vsum, & ad breue tempus. Huic autem statuto de recondendis pecuniis in deposito subduntur etiam hospites fra-

permutationes rerum, inter quas connumerata etiam fuerunt donationes, notanda est quædam Constit. Clementis 8. in qua largitiones munerum interdictæ fuerunt, cuius Constitutionis summa hæc est per capita collecta.

Rationes ob quas motus est summus Pontifex ad prohibenda religiosi munera, istæ fuerunt, ut ex illa colligitur, Ut disciplina regularis reparetur, & conseruetur, Ut votum paupertatis integre manuteneatur, Ut praua ambitio quorundam eradicetur, & demum, Ne bona Ecclesiæ dilapidentur.

Personæ quibus largitio inhihetur sunt, omnes regulares vtriusque sexus, tam mendicantes, quam non mendicantes, cuiuscumque cōgregationis, siue societatis, vel instituti, non tamen militiæ, & etiam prædictarum congregationum, societatum, institutionum Superiores, ut Generales, Provinciales, Magistri, & quicumque, Præfecti, & c. Abbates, Priores, & c. & alio quouis titulo Præsidentes, ac omnes officiales, imo, & Capitula, Conuentus, Congregationes, tam singulorum Conuentuum siue locorum, quam Capitula generalia siue provincialia.

Personæ quibus aliquid donari interdictum est, sunt omnes laici, & ecclesiastici, cuiuscumque status, gradus, & conditionis sint, quauis, non solum mundana, ut Ducali, Regali, Imperiali, & c. verum etiam ecclesiastica auctoritate, s. Pontificali, aut etiam Cardinali fulgentes. Proprius etiam loci Ordinarius, ac etiam proprii ordinis Superior, Protector, Viceprotector, Generalis, Provincialis, Prior, siue alterius ordinis Superior, & etiam simplex, & particularis religiosus.

Actiones prohibita sunt duæ, prima est donare directè, vel indirectè, palam vel occulte, tam communi quam particulari, & proprio nomine, etiam sub quouis statuti, aut consuetudinis, seu potius corruptelæ, vel quocumque alio prætextu. Secunda est, quoquomodo pecunias erogare in alicuius, etiam Protectoris, aut Ordinarij honorem, occasione transitus, siue primi ingressus, siue etiam grati animi testificatione, neque etiam pro conuiujs, & computationibus, aut comestationibus, siue pro exhibendis spectaculis etiam pijs, ut sunt actiones sanctorum, vel passionis Domini nostri Iesu Christi aut quibuscumque alijs, ad oblectationem, vel priuata commoda pertinentibus.

Bona quæ donari non possunt, sunt. Quæcumque ex fructibus, & redditibus, ac prouentibus, collectis, contributionibus, oblationibus, siue elemosynis, aut subsidjs certis, vel incertis, ordinarijs, seu extraordinarijs, mensæ seu massæ communis, vel cuiusvis fabricæ aut sacriliæ. Itè bona quæ communiter administrantur, & quæ rationibus reddendis sunt obnoxia, & quæ à singulis quoquomodo sunt acquisita, aut quouis modo à Superioribus concessa alicui religioso nominatim, vel à proprijs affinibus, propinquis, familiaribus, amicis vel à pijs fidelibus, etiam elemosynæ siue charitatis, aut personæ intuitu, attributa sint.

Pecunæ vero transgressoribus impositæ, sunt duplices, nam quædam inflictae sunt donantibus, & hæc sunt, priuatio omnium graduum, dignitatum, munerum, & officiorum, inhabilitatio ad ea, & alia similia, & dissimilia in futurum, perpetua infamia, & ignominia, priuatio vocis actiua, & passiva, absque alio

Superioris decreto, & tandem illæ pœnæ quæ furti, & simoniacis imponi solent. Quædam autem acceptantibus munera inferuntur, & hæ sunt, restitutio dictorum donorum receptorum, absque alia iudicis sententia in utroque foro, ita ut restitutione non facta, neque etiam in foro conscientia absolui possint. Quæ restitutio non particulari religioso donanti est facienda, sed Conuentui de cuius bonis donatio facta est, ita ut nequæ qui donauit, neque Conuentus ille cui fieri debet, remittere possit.

Exceptiones autem quatuor sunt. Primo non prohibetur dari aliquid pro Dei cultu, & pauperum indigentis, (seruato ordine charitatis, & habita ratione necessitatis) subleuandis, ac aliis cum consilio Superiorum, & per capita generalia siue prouincialia approbandis. Secundo non prohibetur hospitalitas pauperum, & peregrinorum, & etiam licebit ditiores ad hospitium recipere, & quamuis communibus ferculis fratrum deberent esse contenti, permittitur tamen posse ita tractari ut frugalitas, & paupertas religiosa in ipsis effulgeat. Tertio conceduntur, pro donatione, leuiores elculenta, & poculenta, quæ ad deuotionem vel religionem pertinent munuscula, communi tamen & non particulari nomine & de licentia Superioris. Quarto inter ipsos religiosos donari possunt ea, quæ minima sunt, licentia tamen expressa inscriptis prius obteenta.

In cap. Valentis 1596. pro obseruantia dictæ Constitutionis ita fuit ordinatum. Ut innotescat fratribus quibus ex causis Prælatorum iudicio munera secularibus largiri valeant, declaramus id licere ex vna trium causarum vnanimi consensu approbatarum; quæ sunt gratitudo, reconciliatio siue ad Conuentum, vel ad se, respectu finis boni, ac conseruatio beneuolentiæ ad ordinem & pietas in parentes vsque, ad quartum gradum inclusiue. Verum in cap. Romano 1601. Reuocata fuit declaratio hæc verbis istis denuntiamus seruandam esse ad literam Constitut. Clementis 8. de largitione munerum regularibus interdicta, irritam, & inane decernentes ex mandato eiusdem Sanctiss. D. Clementis, declarationem eiusdem Constitut. factam in cap. Valentino.

Quæ vero minima existimari possint ita ut inter religiosos cum licentia donari valeant colligi potest ex oraculo viuæ vocis. Leonis Papæ X. relato à Roderico quod huiusmodi est.

Generalis, Prouincialis, & Custodes ord. minorum in capitulo, & extra capitulum declarare possunt, quæ sint res viles. quæ donari possint, intus, & extra Conuentum, & recipi cum licentia Superiorum.

De nouitiorum institutione circa alios mores.

C A P. XXXI.

MAgister nouitios instruat de ordine, excitet in Ecclesia, & ubicumque negligenter se habuerint, verbo vel signo quantum poterit eos studeat emendare, de apertis negligentis cum ante eum veniam petierint, pœnitentiam dare, vel eos in suo capitulo proclamare. Humilitatem cordis, & corporis doceat eos habere.

re,iuxta illud:Discite à me quia mitis sum,& humilis corde. Quomodo,& vbicumque in omnibus se habere debeant, & quod locū vbicūque positi sunt,vbique teneant. Quomodo sibi danti, vel auferenti aliquid male vel bene dicenti,inclinare debeant, quomodo se ad cameras contineant,& oculos sublimes non habeant, quomodo in capitulo,vel vbicumque reprehensi fuerint à Prælatro, venia sit facienda, & quod si quis fratrem suum aliquo modo scandalizauerit, tamdiū ante pedes eius prostratus iaceat, quousque placatus erigat eum.

Instruendi etiam sunt nouitij,vt cum nemine contendere presumant, in omnibus Magistro suo obediant,in processione socium sibi collateralem attendant,nec loquantur locis,& temporibus interdictis,neminem penitus iudicent, sed si aliqua ab illo fieri videant,licet mala videantur bona suspicentur,vel bona intentione facta,sæpè enim humanum fallitur iudicium, & quod non loquantur de absente nisi quæ bona sunt. Disciplinas libenter suscipiant,cum duabus manibus bibant, & sedendo,diligenter libros, & vestes, & alias res monasterij custodiant,& quod si quid petitū fuerit ab vno priore, non petatur ab alio, nisi causa exposita. Sed nec si à maiori petierint vadant ad minorem.

Infra annum nouitij ad longinquas partes,nisi ob causam necessariam non mittantur,nec in aliquo officio occupentur, nec ante professionem vestes eorum alienentur,nec ante professionem ordinentur. Non intersint cap. nec in dormitorio cum aliis fratribus iaceant, vbi hoc commodè poterit obseruari, sed Magister eorum extra capitulum culpas eorum audiat & ipsos diligenter quantum potest in moribus instruat,& charitatiue corripiat.

Magistri nouitios instruere debent de his omnibus,quæ professi facere tenentur,& primo doceant substantiaalia religionis,paupertatē. scilicet castitatem, & obedientiam vt habitū religionis dū in publico apparēt, vbique deferāt. Itē doceant eos de ieiuniis certis tēporibus seruandis de abstinentia ab esu carniū,de lineis non vtendis ad carnē,de culcitrīs non tenendis,de dormiendo cū tunicella,cingulo & caligis,de silentio certis locis,& tēporib. seruādo, qualiter in oratorio habere se debeant. i. maturē,iuxta altare reuerenter,iuxta reliquias timorate,in mensa,& in capitulo compositē,in comestione religiose,vt super escas se nō effundāt, mūde comedāt ne aliis abominationem faciant,nō sint verbosi sed linguā restringant,oculos nō circūuoluant,in dormitorio quiete se habeant,nō ociose discurrant,& vbicūq; fuerint nō otiosa sed vtilia dicant,& tādē docere eos debet,de cœrimonis,inclinationibus,prostrationibus,de cœtu, & aliis ad religionē pertinentibus. Roma 1580. si

qui iuvenes reperti fuerint insolētes, temerarij, & inobedientes, pœna grauioris culpæ subiiciantur. Et si aliqui fratres eis fauere ausi fuerint, eadē pœna puniantur, & restitui nō possint, nisi per Magistrū ordinis, vel capitulū generale, Romæ 1601. ordinatur, vt Prouinciales Visitatores deputent, qui bis in anno domos nouitiorū visitent, & quæ ad eorū curā expedire nouerint, diligenter provideant, & præcipitur omnibus Præsidentibus Cōuentuum sub pœna absolutionis ab officio, ne nulla ratione nouitios, siue iuvenes per Cōuentum discurrere permittant, nec ē domo egredi sine euidenti necessitate. Idem confirmatur Valleoleti 1605. & Romæ 1608. Et Parisiis 1611.

Præcipue vero notanda ea sunt, quæ in regula circa conuersationem traduntur à Patre Augustino Sancto.

In incessu, statu, habitu, & in omnibus motibus vestris, nihil fiat quod cuiusquam offendat aspectum; sed quod vestrā deceat sanctitatē. Oculi vestri, & si iaciantur in aliquam fœminarū, in nullam figantur. Neque enim quando proceditis fœminas videre prohibemini, sed appetere, vel ab ipsis appeti, &c.

Item quando ergo simul estis in Ecclesia, aut vbicumque fœminæ sunt, inuicem, vestram pudicitiam custodite, &c.

Item, quando proceditis simul ambulate, cum veneritis quo itis simul stare.

Item, non erigant ceruices pauperes, quia sociantur eis ad quos foris accedere non audebant, sed sursum cor habeant & terrena vana non querant, ne incipiant monasteria diuitibus vtilia esse nō pauperibus, si diuites illic humiliantur, & pauperes illic inflantur. Rursus etiam illi qui aliquid videbantur esse in seculo, non habeant fastidio fratres suos, qui ad illam sanctam societatem ex paupertate venerunt. Magis autem studeant non de parentum diuitum dignitate, sed de pauperum fratrum societate gloriari, &c.

De professionis obligatione.

C A P. XXXII.

MAndamus autē sub pœna absolutionis ob officio, & grauioris culpæ Prælato, vt quādo vocatus fuerit nouitius ad terminū professionis suscipiendū, protestetur, eidē, quod professio sua eundē obligabit ad tria vota, scilicet obedientiæ, castitatis, & paupertatis secundū regulā B. Aug. & Constit. fratrum Prædicatorū, & non secundū quod hodie, hic, vel ibi viuatur. Et quod statim elapso termino sibi taxato, nisi cōtradiētū fuerit ab ipso, vel à religione, incurret professionē, etiam si aliter non profiteatur. *Ex Ca. de Nouitijs.*

Obligatio autem professionis valida est, & extensiuè, quia vsque ad mortem persequitur, vnde in ea dicitur prohibens ero obediens vsque ad mortem, & intensiuè, quia inducit transgressores votorum ad peccatum mortale. Vnde Honorius III. in bulla confirmationis hæc habet.

Prohibemus insuper; vt nulli fratrum rectorum possit factam professionem fas sine sui Superioris licentia, de eodem loco (nisi alicuius religionis obtentu) discedere, discedentem vero absque literarum rectorum cautione nemo audeat retinere.

Idem reperitur confirmatum à Gregorio IX. priuilegiis Innoc. IV. priuilegiis. & Sixto IV. in Mari magno.

Et tanta est obligatio, quod super talia vota non potest cadere dispensatio. Vnde De statu monachorum cap. Cum ad monasteriū dicitur. Abdicatio proprietatis, sicut, & custodia castitatis adeo annexa est regulæ monachali, vt contra eam nec summus Pontifex dispensare possit. Quam decretalem versans S. Tho. 2.2. q. 88. art. 11. innixusque illi, dicit quod quāuis Papa possit dispensare in continentia annexa ordini sacro, quia non est ei annexa essentialiter, non potest tamen dispensare in continentia annexa religioni, quia est ei annexa essentialiter. At quia post S. Thomam aliqui Pontifices dispensarunt cum religiosis vt vxores ducerent si erant viri, aut viros si erant fœminæ, ideo sequi debemus doctrinam eiusdem S. Doct. 4. sen. d. 38. q. 1. art. 4. quæstiun. 1. ad. 3. vbi dicit. Et ideo alij probabilius dixerunt. Si communis vtilitas totius Ecclesiæ, aut vnius regni, siue prouinciæ exposceret, posse conuenienter in voto continentie, & in voto religionis dispensari quantumcunque solemnizato. Illam autem decretalem communiter interpretari solent, vt Papa cum religioso manente religioso, non potest dispensare super continentia, potest tamen de religioso facere non religiosum, qui postea nubar.

Neque etiam potest fieri dispensatio super continentia religiosi, propter periculum vitæ, quia vt tradit idem S. Tho. 2.2. q. 88. art. 11. ad 3. potest fieri dispensatio super voto abstinentie cibi, quia cibus directè ordinatur ad conseruationem personæ, coitus autem ordinatur directè ad conseruationem speciei, & non personæ, vnde nec directè eius abstinentia vergit in periculum personæ, nisi per accidens, quod periculum potest etiam per alia tolli, vt per abstinentiam cibi, & alia corporalia remedia. Et addit ibidem ad IV. quod neque etiam religiosus factus Episcopus, liber est obligatione votorum religionis, quian edum ad seruandam continentiam tenetur, vt clarum est, sed etiam ad paupertatem, quia nihil debet habere tanquam proprium, sed est tantum dispensator bonorum communium Ecclesiæ. Similiter non absoluitur à voto obedientie, sed per accidens obedire non tenetur, quia Superiorē non habet, sicut & Abbas monasterij, & si Superiorem non habeat non est tamen à voto obedientie absolutus. Et eadem parte q. 185. art. 8. de religioso Episcopo facto quoad obedientiam dicit. Dicendum est, quod si qua sunt in regularibus obseruantis, quæ non impediunt pontificale officium, sed magis valeant ad custodiam perfectionis, sicut est continentia, paupertas, & alia huiusmodi, ad hæc remanet religiosus Episcopus obligatus, & per consequens ad portandum habitum suæ religionis, Si qua

vero sunt, quæ repugnant officio pontificali, sicut solitudo, silentium & abstinentiæ, aut vigiliæ graues, ex quibus impotens corpore redderetur ad suum munus exequendum ad huiusmodi obseruanda non teneretur. In aliis autem potest dispensatione uti sicut, & alij Prælati.

Quibus casibus professio nulla sit.

CAPVT XXXIII.

Quia Sixtus V. in illis suis duabus Constitutionibus contra illegitimos latis, in aliquibus casibus annullauerat professionem eorum qui illam emisissent contra ea quæ in ipsis continentur, unde multi petebant annulationem suæ professionis. Ideo Clemens VIII. moderatur eas his verbis.

Qui longo usu compertum est ex nimia facilitate, & multitudine casuum, in quibus professio à Sixto V. nulla declaratur, multos fraudulentè petiisse, & in dies petere, ut illorum professio nulla declaratur, &c. Nos igitur, &c. providere volentes singularum Constitutionum tenores præsentibus pro expressis habentes, matura deliberatione præhabita, &c. Constitutiones prædictas Sixti V. quæ ad eam partem in qua professio nulla declaratur, ad terminos iuris reducimus, perinde ac si præfate Constitutiones emanata non fuissent, auctoritate Apostolica. Ceterum penas in eis insertas contra, &c. saluas esse volumus, &c. irritum, & inane, &c.

Refertur hæc moderatio à Quaranta verbo Monast. regularium.

Verè autem nulla esset professio quando non adesset mutus consensus Conuentus, & illius, qui professionem emittere debet. Unde cap. de Novitiis dicitur, Novitium tacitam professionem incurere completo termino probationis sibi assignato, nisi contradicturn fuerit à religione, vel à novitio. Et in cap. de Recipiendis asseritur, ut antequam recepti professionem emittant, eis assignetur annus probationis, ut ipsi austeritates ordinis, & fratres mores eorum experiantur, quod utique conceditur, ut libere uterque professioni consentiat.

Conc. Trid. ponit aliquos casus in quibus nulla est professio emissa, ut habetur sess. 25. cap. 15. quo in loco decernitur.

In quacumque religione tam virorum quam mulierum, professio non fiat ante decimum sextum annum completum, nec qui in minori tempore, quam per annum post susceptum habitum in probatione steterit, ad professionem admittatur. Professio autem antea facta nulla sit, nullamque inducat obligationem ad aliquam regule, vel religionis, vel ordinis obseruationem, aut ad alios quoscumque effectus.

Circa professionem emissam ante annum probationis completum, habetur in decl. cap. de recipiendis, hoc notandum. Si quis receperit aliquem intra annum probationis ad professionem, suspensus est à receptione cuiuscumque; & peccat mortaliter faciens contra præceptum Ecclesiæ, & debet puniri pœna grauioris culpæ, ut habetur in cap. Non solum, & cap. constitutionem, de regularibus libro 6. Et subdit, ille vero qui proficitur ante annum completum probationis in nostro ordine, per illam professionem non obligatur ordini nostro, sed religioni in genere. Quæ particula postrema reuocata fuit per dicta verba Conc. ut supra consideratum fuit cap. de anno probationis.

Pius tamen V. Const. sua. 7. apud Confectum, concedit monialibus ordinis nostri, ut etiam ante completum probationis annum, si tamen sine in ætate legitima constitutæ, possint professionem emittere, casu quo de consilio alicuius medici ab hoc seculo transitura conspiciatur ante probationis tempus, ita ut indulgentias, & alias gratias pro meritibus concessas, consequatur. An autem hæc facultas extendi etiam possit ad fratres, per communicationem privilegiorum, aut etiam non sit reuocata per Gregorium XIII. qui omnia privilegia Pij V. circa regulares emanata reduxit ad terminos Concilij alij iudicent.

Alter casus Conc. Trid. habetur sess. 25. cap. 19. in quo hæc habentur.

Quicumque regularis pretendat se per vim, & metum, ingressum esse religionem, aut etiam dicat, ante ætatem debitam professum fuisse, aut quid simile, velisue habitum dimittere quacumque de causa, aut etiam cum habitu discedere sine licentia Superioris, non audiatur nisi intra quinquennium tantum à die professionis, & tunc non aliter nisi casus quas prætenderit deduxerit coram Superiore suo, & Ordinario. Quod si ante habitum sponte dimiserit, nullatenus ad allegandum quancumque causam admittatur, sed ad monasterium redire cogatur, & tanquam apostata puniatur, interim vero nullo privilegio sua religionis iuvetur.

Ex quo capite deduci potest nedum professionem factam ante legitimam ætatem, & ante completum probationis annum nullam esse, sed etiam quæ sit per vim, & metum, quod intelligi debet, de metu cadente in constantem virum, & ob hoc supra dictum est, requiri consensum nedum recipientis, sed etiam recepti. Et ad huiusmodi occasionem annullandi professionem tollendam, & propter ætatem, & propter metum seu vim, ordinata fuerunt infra scripta, & primo in Consti. cap. de modo profutendi scriptum reperitur.

In quolibet Conuentu habeatur liber particularis, in quo scribantur omnes qui faciunt professionem, ibi notando annum, diem, & mensem, & nomen Prælati recipientis ad professionem, & sub quo Magistro ordinis.

Sed apertius Clemens VIII. in institutione sua novitiorum disponit hoc modo.

Superior cuiuslibet Conventus in quo novitatus institutus fuerit, librum habeat, in quo unusquisque novitij professio registretur, illamque novitius professus propria manu, & duo testes qui præsentis fuerint, subscribant, Conuersus vero literarum ignarus propria manu signum crucis apponat; & hic liber cum aliis monasterij scripturis asservietur.

Congregatio etiam regularium diffiniuit ut infra.

Ad tollendas omnes cavillationes in libro notetur nomen, & ætas illorum qui ad habitum, vel ad professionem admittuntur, & novitius propria manu scribat ætatem suam, & sponte se esse professum. Et incorroboratione subscribant etiam qui professionem iuraverunt.

Ex Constitutione etiam Sixti V. debent habere Prælati accuratam informationem de ætate recipiendorum.

Romæ etiam 1580. statuitur vt ætas recipiendorum annotetur.

Posset autem esse difficultas de impedimentis in nostra Constitutione expressis, num professionem annullent. De seruis quidem, & his qui rationi-
nis reddendis obnoxij sunt, vide quæ superius dicta sunt cap. De quibus-
dam alijs requisitis à recipiendis in ordine, vbi satis haberi potest, quod
recipi non debent, recepti autem retineri debent. De coniugatis vero
post consummatum matrimonium doctores tradunt non posse eos reli-
gionem intrare reclamante vxore. Professi etiam alterius religionis cum
debita licentia profiteri possunt in alia. Dubium autem esse potest de
infirmis occulte, qui ob infirmitatem inhabiles sunt ad onera religionis
sustinenda, vt si quis laboraret morbo gallico. Cui respondet Rodericus to-
mo 3. quæst. 17. artic. 9. & dicit professionem tenere, quia nihil est in tali in-
firmo quod essentialiter repugnet voto religiosorum, etiam si alia onera su-
stinere non possit, nec obstat quod Prælatus non recipiat eum ad professio-
nem nisi sub conditione quod sit sanus, quia non omnis conditio annullat
contractum, vt vir ducens in vxorem pauperem, cui tamen persuasum fuit
esse diuitem, verum est matrimonium, ita &c. Vnde nec Prælatus in ordine
nostro cum inquirunt à recipiendis hæc impedimenta, protestantur de nul-
litate receptionis, siuè professionis, sed tantum dicunt, Si haberes tale impe-
dimentum, non possemus te recipere.

Afferit tamen Rodericus tomo 3. quæst. 17. art. 9. supracitato, Constitut.
Leonis X. factam ordini minorum tenoris huiusmodi.

*Leo X. concessit Generalibus, & Provincialibus ord. minorum, vt fratres etiam
professi, qui grauissimis, & scandalosis delictis, notati, & diffamati fuerunt, quæ fran-
dulenter, & dolose in receptione, & professione (monitione per Prælatos emissâ) tacue-
runt, non obstante quod professionem emisserint, ne morbida, & infecta pecus ouile Do-
mini corrupta, à domibus, & Conuentibus expellere libere, & licite possint, & valeant.*

At non ob hoc declaratur professionem iam factam nullam esse, sed tan-
tum conceditur quod expelli possint.

De professionis præstantia.

CAPVT XXXIV.

IN decla. cap. de Professione dicitur. Religio vt dicit S. Bernardus, pro-
fessores suos facit similes angelis, & dissimiles hominibus, imò imagi-
nem Dei in homine ad instar baptismi reformat. Probabiliter enim tenetur
quod per professionem consequitur religiosus remissionem omnium pec-
catorum, sicut per assumptionem crucis. Nam sicut homo posset tot elee-
mosynas facere, quot plenissimè de suis peccatis satisfaceret, iuxta illud Da-
nielis 4. Peccata tua eleemosynis redime. Ita cum per professionem det ho-
mo omnia bona exteriora, quæ habet, & habere potest, vouendo pauper-
tatem, & omnia bona corporis, vouendo castitatem, & libertatem volunta-
tis cum omnibus bonis animæ, vouendo obedientiam, quæ excedit quas-
cumque eleemosynas, igitur per professionem consequitur homo remis-
sionem peccatorum suorum.

Item

Item potest homo corpus suum per ieiunia, & disciplinas ac peregrinationes, & alias poenitentias in tantum affligere, vt pro omnibus peccatis suis satisfaciat. At professio omne genus satisfactionis, peregrinationis, & poenitentiae excedit quantumcumque publicae, vt habetur 33. q. 2. cap. Admonere. Igitur per professionem consequitur quis remissionem omnium peccatorum. Item professio ponit religiosum in statu perfectionis, dicitur autem proprie aliquis esse in statu perfectionis, non ex hoc, quod habeat actum dilectionis perfectum, sed quia se obligat ad ea, quae pertinent ad perfectionem. Vnde per professionem assumitur status perfectionis, non quasi proficientes se esse perfectos, sed quia proficentur se ad perfectionem tendere. Et hoc est, quod docet S. Tho. 2. 2. q. 184. vbi dicit, quod perfectio vitae Christianae in dilectione Dei consistit, ita vt quanto quis perfectius Deum diligit, tanto perfectior Christianus est. Deus autem perfecte est diligibilis tribus modis, Primus est, cum diligitur tantum quantum ex sui parte est diligibilis, quomodo solus Deus perfecte seipsum diligit, nam sicut in se est infinite diligibilis, ita seipsum infinite diligit. Secundus modus est ex parte diligentis, quando. s. quis Deum diligit toto suo conatu, ita vt actu semper eliciat actum dilectionis, quomodo soli beati in patria Deum diligunt. Tercius modus est etiam ex parte diligentis, & est quando, & si non semper actu feratur in amorem Dei, tamen excludit omnia repugnantia dilectioni Dei. Haec autem repugnantia duplicia sunt, quaedam, quae repugnant ita, quod charitatem destruunt, vt sunt peccata mortalia; quaedam, quae non tollunt quidem charitatem, impediunt tamen ne affectus perfecte feratur in amorem Dei: Et haec tria sunt. s. cupiditas terrenorum, quae tollitur per votum paupertatis; concupiscentia sensibilibus delectationum, quae tollitur per votum continentiae; & inordinatio voluntatis humanae, quae excluditur per votum obedientiae: dicitur ergo religiosus esse in statu perfectionis per suam perfectionem, quia nedum excludit peccata mortalia, sed etiam quia per vota, excludit & se haec impedimenta.

Effectus etiam mirabiles affert religiosus professio, nam liberat hominem à quocumque voto simplici antea facto, siue sit reale, siue personale, siue mixtum. De reali quidem, quia si vouerat dare elemosynam alicui Ecclesiae, alteri ab ea, in qua professus est, si ius à dicta Ecclesia fuerat acquisitum, tenebitur monasterium soluere de bonis professi; si autem ius acquisitum non fuerat, tenetur tantum Deo, cui seipsum donando per professionem, & omnia bona sua, satisfacit. De personali etiam, quia si vouisset voto simplici religionem arctiorem, & postea profiteretur in laxiori, liberatur ab illo, vt habetur, De regul. lib. 6. cap. penult. Sed si per votum solemne erat obligatus religioni arctiori, aut æquali, & sine licentia profiteatur laxiorem, non liberatur à primo voto solemnī; Si autem cum debita licentia profiteatur laxiorem, liberatur voto arctioris. De mixto etiam; quia si vouisset peregrinari, liberatur ab eo per professionem, & haec est doctrina S. Tho. 2. 2. q. 88. art. 12. ad penult. vbi dicit, quod omnia alia vota sunt particulare operum, sed per religionem homo totam vitam suam Dei obsequio tradit; particulare autem in vniuersali includitur, & ideo religionem ingre-

diens, non tenetur implere vota ieiuniorum, orationum, vel aliorum huiusmodi, quia moritur vitae priori. Subinde, professio liberat profitemem ab omni debito humano pecuniarum, siue ex delicto, siue ex contractu, vel quasi contractu, teneretur tamen monasterium satisfacere, quantum bona illius monasterio tradita sufficere possunt.

Postremo professio nostra liberat profitemem, nedum à foro laicali, sed etiam à quocumque foro ecclesiastico, tam quo à bona, quam etiam quo ad personas, ita ut conveniri non possimus coram quocumque iudice extra ordinem, exceptis quibusdam casibus ex decreto Conc. Trident. de quibus infra. Sufficiat autem in huius asserti corroboracionem id, quod habetur in bulla, quæ dicitur *Mare magnum* Sixti IV. s.

Ne locorum Ordinarij, vel alij quicumque in personas, & loca fratrum Predicatorum quancumque iurisdictionem, & superioritatem vendere presumant, districte inhiibemus, ne quisquam absque sedis Apostolica commissione, in personas, & loca dicti ordinis (ut potè exempla) excommunicationis, suspensionis, & interdicti sententias specialiter, vel generaliter promulgare, aut iurisdictionem quomodolibet exercere, audeant, etiam ratione contractus, vel delicti, &c. Et decernimus tales sententias, processus, & penas, &c. nullas esse.

Cum autem professio sit votum solemne, quo quis se totaliter ad Dei servitium exhibet, redditur impotens proficiens ad contrahendum matrimonium, ita ut si de facto contrahat matrimonium nullum est. Et ex hoc habet, quod vocetur votum solemne ad differentiam voti simplicis, per quod, non se totum Deo exhibet, sed secundum aliquam actionem tantum, & ideo non impedit matrimonium contractum, &c.

De duplici professione tacita, & expressa.

CAPVT XXXV.

DVplicem esse professionem religiosorum nostri ordinis, colligitur ex decl. cap. de professione. s. est professio expressa, & tacita. Expressa, ea est, quæ fit in manibus Prælati verbis inferius, capite de modo profitendi, exprimendis. Hæc autem non eisdem verbis fit in omni religione, etiam si omnes, in tribus votis essentialibus conveniant, ex qua diueritate sequitur, quod profitescentes in aliis obseruantis laxius, vel leuius obligentur, nam ex S. Tho. 2. 2. quæst. 186. art. 9. in aliquibus religionibus profitescentes vouent seruare regulam, ut in ordine minorum. In aliis verò cautius se se habent, & vouent viuere secundum regulam, quod est tendere ad hoc, ut mores suos informent secundum regulam tanquam secundum exemplar, quod tollitur per contemptum; In quibusdam vero religionibus vouent profitescentes obedire secundum regulam, ita quod professioni illorum non contrariatur, nisi id, quod est contra præceptum regulæ, transgressio vero & omissio aliorum obligat solum ad veniale. In religione autem Predicatorum, transgressio, & omissio eorum, quæ non traduntur sub præcepto, non obligat ad culpam, neque mortalem, neque venialem, sed tantum ad poenam taxatam, vel ta-

xandam, quia per hunc modum se obligant profitentes. Qui tamen possent, vel mortaliter, vel venialiter peccare, si ex contemptu, aut negligentia, siue ex libidine transgredirentur, vel omitterent.

Professio vero tacita, ea est, quæ in ordine nostro incurritur, cum quis habitum nostræ religionis per annum integrum, & continuum portauit, & annum ætatis suæ decimum sextum compleuit, & Conuentus non reclamauit. Et hoc idem fit in quacumque religione, in qua habitus nouitiorum non distinguitur ab habitu professorum patenter, vt puta in scissura, aut colore, quamuis esset distinctus distinctione occulta, puta in benedictione. Et talis professio tacita, obligat profitentem illi religioni in specie, cuius habitum per annum portauit, vt habetur in Clem. Eos, de regularibus.

De hac professione tacita, quam vocant votum interpretatiuum, dicit S. Tho. 4. dist. 1. q. 1. art. 3. quæst. 1. ad 5. Votum interpretatiuum obligat sicut & votum oretenus factum, vnde si aliquis post tempus probationis remanserit in monasterio, obligatur ex voto illi religioni, nisi forte propter aliquam causam fuerit sibi annus protractus. Et huiusmodi profitentes ad tria vota religionis tenentur, ad alias vero obseruantias, quarum transgressiones, ex dissimulatione Prælatorum, qui eos non corrigunt sufferuntur, non videntur obligari præcipuè, si sint simplices, qui talia discernere sufficienter nesciunt. Et in eadem dist. & quæst. art. 2. quæst. 3. ad 2. dicit quod in illis religionibus, in quibus habitus nouitiorum differt ab habitu professorum, etiam si ultra annum probationis habitum retineat novitius, non incurrit professionem tacitam, neque etiam si ipse à se habitum professorum reciperet, sed oportet, vt ei tradatur ab eo, qui potestatem habet, quo casu professionem tacitam, siue præsumptam incurreret, etiam si verba professionis non promeret.

Habetur hæc professio tacita in nostris Constitutionibus cap. de Nouitiis, vbi dicitur quod Prælati nouitio cui professionem prolongare contigerit protestetur, quod statim elapso termino sibi taxato, nisi cōtradiçtū ab ipso, vel à religione fuerit, incurreret professionē, etiā si aliter non profiteatur.

Est autem sciendum ex Rodrico q. 17. art. 3. tom. 3. quod si novitius emisisset professionem completo anno probationis, ante annum decimum sextum completum suæ ætatis, professio illa ex decreto Conc. Trident. nulla esset, si vero hic nouitius completo anno sexto decimo approbaret, & consentiret huic suæ professioni tacite, incurreret etiam professionem tacitam, absq; alio actuali consensu Conuentus, nam profiteretur in virtute prioris consensu non interrupti per contrariam protestationem, & ex tunc ea, & non antea professio valida esset, propter quam doctrinam cum in cap. Neapolitano 1600. declaratum fuisset, quod si contingat aliquem sine fraude, sed bona fide emisisse professionem inuvalidam, & postmodum suppletum fuisse defectibus per professionem tacitam, vel etiam expressam, locum eius accipiendum esse à primæ professioni, etiam si esset inuvalida, dummodo iuridicè constet eum fuisse in bona fide, & sine fraude professum. Hæc declaratio deleta fuit in actis illius capituli ex commissione D. Papæ. Si vero aliquis mala fide professionem fecisset ante tempus statutum, & illo comple-

to, eam ratificaret, tacite valeret professio, quamvis ante quinquennium proclamare posset in foro iudiciali. Si vero eam suo tempore expressè ratificasset verbis solitis, non posset reclamare.

Resolutio quorundam casuum de validitate professionis.

C A P V T X X X V I.

DVæ difficultates emergere possunt in professione, altera quoad intentionem profitentis, altera quoad conditiones voto appolitas. Circa utramque ponamus casus iuxta ea, quæ habentur in declarationibus cap. de professione.

Si quis expressè profitetur, proferendo verba statuta cum intentione bona obligandi se ad seruanda vota religionis, & alia promissâ, professio tenet, & ei non licet amplius retrocedere.

Si quis expressè profitetur cum mala intentione. s. non obligandi se ad vota, & alia, hic in conscientia non est religiosus, nec professio tenet, quamvis per Ecclesiam, quæ non interiora, sed exteriora iudicat, cogere tur manere in claustro. Sicut etiam contrahens matrimonium carnale per verba de præseuti, non intendens mente contrahere, cogere tur manere cum ea, quæ tamen vere non esset eius vxor.

Si quis expressè profitetur cum hac bona intentione se obligandi ad religionem, & fieri religiosum, malè tamen intendens non seruare castitatem, & obedientiam quam promittit, sed intendens fornicari, furari, & rebellare, iste religiosus efficitur, & professio tenet, quia ex quo intendit se obligare religioni, habet id quod est de essentia religionis: obligatio enim votorum, & non illorum observantia, de essentia religionis est.

Si quis profitetur expressè & nedû habet hanc malâ intentionem non obseruandi vota, sed addit protestationem de facto contrario, aut repugnâte votis professionis, nō tenet professio, vt exempli gratia si diceret. Proferam verba professionis, sed protestor me non habere intentionē obligandi me religioni, aut obseruandi vota, sed intēdo fornicari, &c. Ecclesia iudicaret hūc non esse professum, quia hæc expressa nocēt, quamvis non expressa non nocēt.

Si quis expressè profitens, exprimeret aliquid quod esset non contra essentialia religionis, sed contra quasdam particulares austeritates, vt si diceret. Promitto obedientiam, &c. sed volo comedere carnes, aut intendo vi lineis ad carnem, tunc opus est distinctione, nam, aut hic scit talia contineri in regula, aut nescit, si scit tenetur illa seruare, & illa appolita expressio nulla est; si verò nescit professio tenet, at non tenetur illa seruare.

Si quis expressè profitetur in monasterio viuente splendide, contra statuta regulæ, etiam hic distinctione opus est, nam si talis proficiens protestatur se velle viuere dicto modo splendido cōtrario statutis regulæ, & non in maiori austeritate, tūc professio tenet, & non potest ad seculum redire, poterit tamē ad laxiorē ordinē transire. Si vero hic non protestetur, sed habeat tantum intentionē viuendi splendide, etiam tunc distinguendū est, nam hic, aut peritus est, aut simplex: si peritus. s. sciens talem viuēdi modum esse contrarium regulæ, & aliter agendum esse, tenetur regulam seruare, quia non.

promisit seruare id quod fit, sed id quod fieri debet. Si autem proficiens simplex fuerit, etiam non eodem modo est respondendum. Nam si fuit à Superiore admonitus talem viuendi modum esse contra regulam, eo casu tenebitur illas austeritates seruare, & viuere secundum regulam. Si autem de his admonitus non fuit, neque sciebat talem viuendi modum quem in monasterio expertus est esse contrarium regulæ, neque super his aliquam protestationem fecit, sed absolute professus est iuxta formam, tenebitur austeritates religionis seruare etiam si dolo, & cum mendaciis fuisset ad talem religionem inductus, quia eius conditio per professionem melior facta est, ut dicitur in cap. Cum dilectus, extra. Quod metus causa.

In his tamen casibus in quibus intentio siue protestatio versatur, non circa vota essentialia, sed circa austeritates, professio valida semper existimanda est. Et ad effugiendas has cauillationes præter annum probationis, in quo Superiores agere deberent, ut nouitij experirentur omnes ordinis austeritates, tenentur ipsi Prælati in actu professionis nouitiis protestari, quod professio sua eos obligabit ad viuendum secundum regulam, & Constitut. & non secundum quod hodie, hic, vel ibi, seruatur, ut habetur cap. de Nouitiis.

D. Tho. 2. 2. q. 88. art. 3. ad 2. alium casum soluit dicens. Ille qui vouit, voto simplici intrare aliquod monasterium, ita tamen quod intentio sua principalis fuerit effici religiosus in communi, & ex consequenti tale monasterium elegit tamquàm sibi congruentius, debet illud intrare, quod si nolit Prælatus eum recipere, aliud quærat. Si autem principaliter intendit se obligare ad hanc religionem, vel hunc locum propter specialem complacentiam, nõ tenetur aliam religionem intrare, si illa eum recipere recusat.

De modo faciendi professionem.

CAP. XXXVII.

Modus faciendi professionem talis est, Ego F. N. facio professionem, & promitto obedientiam Deo, & B. Mariæ, & B. Dominico, & tibi, F. N. Magistro ordinis fratrum Prædicatorum, & successoribus tuis, secundum regulam B. Augustini, & institutiones fratrum Prædicatorum, quod ero obediens tibi, tuisque successoribus usque ad mortem. Cum autem sit alij Priori cuiuscumque sic facienda est:

Ego F. N. facio professionem, & promitto obedientiam Deo; & B. Mariæ, & B. Dominico, & tibi F. N. Priori. N. vice, F. N. Magistri ordinis fratrum Prædicatorum, & successorum eius secundum regulam B. Augustini, & institutiones fratrum Prædicatorum, quod ero obediens tibi, tuisque successoribus usque ad mortem.

Nouitiorum autem vestes hoc modo benedicantur in profes-

sione. Verſ. Oſtende nobis Domine, &c. Dominus vobiſcum, &c. Oremus. Domine Ieſu Chriſte, qui tegimen noſtræ mortalitatis induere dignatus es, obſecramus immenſæ largitatis tuę abũdantiam, vt hoc genus veſtimentorum, quod ſancti Patres, ad innocentię, & humilitatis indicium ferre ſanxerũt, ita benedicere digneris, vt qui hoc vſus fuerit, te induere mereatur Chriſtum Dominum noſtrum, &c. Amen. Poſtmodum aſpergantur aqua benediſta. In quolibet Conuentu habeatur liber particularis in quo ſcribantur omnes, qui faciunt profeſſionem, ibi notando annum, meſem, & diem, & nomen Prelati recipientis profeſſionem, & ſub quo Magiſtro ordinis.

Ex formulario ordinis talis ſolet ſeruari modus in profeſſione emittenda. Infra poſtremos duos meſes anni probationis, admoneantur Nouitij de decreto Concil. Trid. circa reſtutiationem bonorum ſuorum faciendam, à qua nullo modo deterreantur, vt fuit ordinatum Valleoleti 1605. Infra quod tempus ab examineribus examinentur modo quo ſupradictum eſt, cum agebatur de illorum receptione. Et facta per eos relatione in capitulo, Prior mandet Magiſtro, vt referat quomodo illi ſe habuerint. Qui fideliter referat, & mores, & aptitudinem illorum ad religionem dicens, quid ipſe ſentiat, & poſtea Prior requirat conſenſum capituli. Quo accedente, completo anno probationis, abſque hoc quod vna dies ſuper addatur, quia hoc nuſquam legitur, Magiſter ducat eos in capitulum ante Priorem, & facta profeſſione, ac per eos petita miſericordia Dei, & noſtra, vt ſic illorum receptione, & propoſitis per Priorem aulteritatibus religionis, & impedimentis, vt ſupra, ac illis promittentibus ſe velle cuncta ſeruare Dei auxilio fauente, Prior dicat Dominus, qui inæpit ipſe perficiat, & Conuentus dicat Amen. Tunc nouitij genua ſteclant ante pedes Prioris, & accipiens manus ſingulorum nouitorum ſigillatim inter manus ſuas, & poſito libro Conſtitutionũ ſuper manus vtriuſque qui proſitetur legat. Ego frater N. &c. Et poſtea Prior ſolus recipiat eos ad oſculum pacis, & deinde benedicat ſcapulare iuxta formam Conſtitutionis, & illud eis tradat. Deinde notetur in libro dies meſis, & annus talis profeſſionis emiſſæ, necnon & nomen Magiſtri ordinis, & Præſidentis, qui eum ad profeſſionem admittit. Et ipſi profeſſi propriis manibus notent ſe ſponte profeſſionem feciſſe, vt ſupradictum eſt.

Perpendenda autẽ ſunt ſingula profeſſionis verba. Primo autem omnium profeſſio noſtra Deo fit, cui fit omnis promiſſio voti, vt docet D. Thom. 2.2. q. 88. fit etiam beatæ Mariæ, quia multoties, & multipliciter compertum eſt ipſam ſpecialiter ordinem noſtrum regere, & protegere. Ipſa enim à filio ſuo contra mundum irato impetrauit, vt ordinem hunc inſtitueret, qui homines à peccatis, & erroribus ſuis reuocaret, & ad Dei cognitionem, & dilectionem reuocaret. Ipſa etiam tanquam ordinis veſtiaria h. Reginaldum ad ordinem induxit, & habitum eius illi oſtendit prima, dicens. En habitus tui

ordinis. Ex quo tempore, & B. Dominicus, & alij hunc habitum portant, cum antea induerentur ad modum Canonicorum regularium. Est etiam B. Virgo singularis aduocata, & piissima parens, & patrona ordinis semper pro nobis exoratrix apud Deum, & pluries ab angustijs, & tribulationibus eum defendit.

Profitemur B. Dominico, quia fuit primus dux fundator, & Magister ordinis. Quem B. Virgo tanquam fidelem, & ducem strenuum ad impugnandum errores, & vitia filio presentavit. Quem Apostoli Petrus, & Paulus ad prædicationis officium esse à Domino destinatum iocundissimis signis ostēderunt, quia cum Romæ in Ecclesia sancti Petri attentius oraret, apparuerunt ei, Paulus librum, Petrus vero baculum porrigentes, quasi geminas claves scientiæ, s. & potentie, dixerunt. Vade, prædica, quoniam ad hoc ministerium electus es à Domino Quem etiam gloriosi confessores Augustinus, & Benedictus, regularibus disciplinis intruxerunt, & idoneum ad prædicandum reddiderunt, quia ab vno regulam, ab altero vero austeritates ieiuniorum, abstinentiæ, vestitus, & silentij acceperat, quibus, & alias institutiones addidit, ut de non habendi possessiones, de non equitando, &c. Vnde S. Dominicus fuit canonicus professione, monachus austeritate, & Apostolus officio prædicationis. Quem Innoc. III. diuina reuelatione edoctus, illum & eius fratres Ecclesiam illuminare, & reparare, debere cognouit, eum in sancto proposito & instituendo ordine Prædicatorum confirmauit, ac eius zelum pro animarum salute approbavit, & locum S. Sixti Romæ illi concessit. Quem Honorius III. Innocentij III. successor, benigne suscepit, & eius ordinem confirmauit, facultatemque prædicandi, & confessiones audiendi præbuit. Quem ven. Abbas Ioachim, ante eius ortum, fratribus suis in eo habitu quo nunc utimur, monstrauit, & Calabria in quodam suo monasterio, ac Venetijs in Ecclesia S. Marci pingi curauit, & prædixit cito surrecturum nouum ordinem prædicantium cum eo habitu, cui præerit vnus alijs maior, & cum eo erunt duodecim socij, qui sicut Iacob cum duodecim filiis Egyptum ingressus, mundum illustrabit, & suos fratres adhortatus est, ut illos aduenientes cum reuerentia, & honore susciperent. Quod & fecerunt, nam quando primo fratres nostri ad illas aduenierunt partes, eos ex habitu præmonstrato cognouerunt, & processerunt obuiam eis cum crucibus, & canticis, gratissimè eos suscipientes, & humanissimè tractantes. Quem Gregorius 9. Sanctorum cathalogo ascripsit, & tale testimonium Cardinalibus perhibuisse fertur. Tantum de huius viri sanctitate dubito, quantum de sanctitate Petri, & Pauli Apostol. Et in bulla canonizationis eius, multis encomijs illum extoluit.

Promittimus autem obedientiam Magistro ordinis, aut Præsidenti Conuentus eius nomine, vt vnitas ordinis seruetur, quæ ab vnitate capituli, cui omnes obedire tenemur, dependet. Ipse quoque est proprius, & immediatus Prælatus omnium fratrum, & Conuentuum totius ordinis, & potest omnes Prælatos, & officiales instituere, & destituere, & eorum officium, & auctoritatem limitare. Qui statim, vt electus est, curam habet omnium animarum fratrum ordinis, & eos potest auctoritate propria ligare, & soluere, ex priui-

legiis Apostolicis infra dicendis.

Regulam autem profitemur S. Augustini, quæ inter omnes regulas sub quibus religiosi Deo militanti in Ecclesia occidentali, præstare videtur pluribus rationibus, Primò, ratione exemplaris à quo desumpta est, quæ est vita Apostolorum, vnde de ea canit Ecclesia, Cœpit vivere secundum regulam à sanctis Apostolis constitutam. Secundo ratione sui auctoris, nam S. P. Augustinus, fuit auctoritate Episcopus, vita sanctiss. & scientia præstantiss. alij vero regularum auctores, & si fuerunt sancti, non tamen doctores, & si doctores non tamen Episcopi. Tertiò ratione antiquitatis, nam inter antiquiores connumeratur regula S. Benedicti, quo fuit antiquior, S. Augustinus, qui obiit anno 410. S. vero Benedictus, anno 509. Quarto ratione discretionis. Aliæ enim regulæ indiguerunt declaratione, vel interpretatione, aut etiam moderatione, vt potè quia erant, vel nimis obscuræ, aut dubiæ, aut rigorosæ, siue periculosæ. Hæc autem mediocritatem seruat, quæ nec multitudine, aut paucitate, nec obscuritate, aut rigiditate mandatorum in extremum flectit, nec eget Pontificum declaratione, aut moderatione. Quintò ratione materiæ, quia consistit circa spirituales actiones, sicut est dilectio Dei, & proximi, unitas cordium, conformitas morum, castitas corporum, communitas rerum, studium scripturarum, correctio vitiolorum, & Prælatorum obedientia, vt in ea patet. Sexto ratione dilatationis, quia sub eo militanti Deo religiones diuersæ, inter quas istæ sunt, quæ adhuc in Ecclesia splendent s. religio, Canonicorum Lateranensium, Præmonstratensium in Gallia, Selopetinorum siue S. Saluatoris, S. Georgij in alea, S. Spiritus Venetijs, S. Trinitatis, siue Redemptionis in Hispania, S. Ambrosij Mediolani. Item religio fratrum Prædicatorum, eremitarum, Cruciferorū, Seruorum, Iesuatorum, Clericorum regularium Somaſche. Item religio equitum Hierosolymitanorum, S. Lazari, S. Iacobi Teutonicorum, & aliarum quamplures.

Institutiones fratrum Prædicatorum nominamus in nostra professione, quæ sunt valde securæ, & rationabiles, qui obligant tantum ad pœnam, non autem ad culpam, nisi adsit præceptum, vel contemptus, vel nisi alias transgressio sit contra legem diuinam, aut humanam, aut contra vota substantia religionis, de quibus supra cum ageretur de instructione nouitiorum circa obedientiam. Quas institutiones tamquam honestas, & rationabiles, confirmant quamplures summi Pontifices, vt videre est in Mari magno, maxime Alex. 4. Clem. 4. Bonifacius 8. Benedict. 11. Ioan. 12. Gregorius 11. Martinus 5. Eugenius 4. Sixtus 4. &c.

Si autem eo tempore quo quis professionem facit, ordo suo Magistro caderet, debet proficiens dicere, Promitto tibi fratri N. Priori vice Magistri ordinis, sine alicuius nominis expressione.

Benedictio vestium in professione desumpta est, ex cap. statuimus extra. de regularibus in quo ita habetur.

Statuimus, vt in religionibus, vbi non est distinctus habitus nouitiorum ab habitus professorum in professione vestes illorum. i. scapulare, benedicantur, vt sic sit distinctus habitus illorum.

Et quia in nostro ordine idem est habitus nouitiorum, & professorum, idcirco in professione debet benedici scapulare, & quodcumque sibi de nouo datur à Prælato cuius oppositum hodie fit, vel per ignorantiam, vel per abusum.

De nouitijs professis.

CAP. XXXVIII.

Clemens 8. in sua nouitiorum institutione de nouitijs professis hæc statuit.

Vt autem nouitij iam in numerum professorum admissi, melius in regularis discipline obseruantia stabiliantur, mandatur vt statim post professionem in domum aliam professorum, siue eiusdem siue alierius monasterij transferantur, in qua requisita ad nouitiatum supra narrata reperiantur, aut accommodentur, & in ea degant sub modo viuendi arctiori, quam seruent antiquiores professi. Itaque in negotijs Conuentuum non se intromittant, nec exteriores obedientias exerceant. Et in hoc nouitiatu permaneant quousque ad ætatem sacris ordinibus suscipiendis sufficienter deuenierint, vel saltem per triennium post professionem, quo tempore debebunt literarum studiis operam nauare, sub regimine Superioris, qui eas qualitates habeat, quibus Magistrum prædictum esse supradictum est. Ab hoc tamen illæ religiones excipiuntur, quæ suarum Constitutionum vigore, maioris temporis cursu intra nouitiatum consuere consueverunt, quibus in hac parte non derogatur.

Varia autem in ordine statuta sunt pro eo tempore, quo sub cura Magistri permanere debeant professi nouitij, nam Bonon. 1564. dicitur. A cura Magistri iuniores ante quadriennium nullatenus subtrahantur, salua illarum prouinciarum consuetudine in quibus vsque ad sacerdotium curæ magistrorum subiecti sunt. Hoc idem confirmatur Venetijs 1592. Barch. vero 1574. habetur, Nouitij professi non de facili amoueantur à cura Magistrorum, nec soli ire permittantur, sed grauibus patribus associantur, sub cura prædicta vsque ad sacerdotium recepti, & deinceps recipiendi permaneant, nec possint ab ea subtrahi quauis ratione, aut auctoritate, sub pœna absolutionis ab officio quibuscumque id agentibus, & consentientibus. Quod in vniuerso ordine nulla prouincia excepta obseruari volumus. Romæ 1589. publicata fuerunt, quedam oracula viuz vocis D. Sixti V. Inter quæ hoc dicitur, Nouitij professi ab illa aut consimili religiosa societate, & à cura Magistri nouitiorum non amoueantur, ad minus post triennium integrum ab emissâ professione. In cap. autem Romano 1608. habetur. In posterum Nouitij post emissam professionem maneant in domo nouitiorum, & sub cura Magistri vsque ad sacerdotium, nec ante illud tempus, vel extra domum nouitiorum, vel à cura sui Magistri subduci possint, sic tamē vt Nouitij non professi adhuc in loco seiuncto, & separato seorsum à societate, & conuersatione professorum educentur, quāuis nouitius postquam fuerit professus poterit cum alijs puris Nouitijs in eorū societate, & loco manere per aliquod tēpus (quod tamen annū non excedat,) & cōmorari, ac si nouitius purus esset antequā ad locum professorū transeat. Porro ad Ecclesiam, chorū, refectō-

riumque & ad alia publica loca, tam puti quam professi, simul conueniant. Quæ laudabiles consuetudines cum in multis prouinciis hætenus vigeant, exacte in omnibus aliis seruari mandamus. Et deinde Nouitij post professionem poterunt ad studia admitti, illorum tamen lectores, nullo pacto negociis, & gubernationi eorum se immisceant, aut ipsos contra suos Magistros defendant, aut penitentias illis impositas impedire procurent, neq; vlllo pretexto domos illorum ingrediantur, neq; etiam causa repetendi lectiones aut explicandi dubia, sed omnia ista fiant in publica schola, nec cum eis nisi in schola, & de rebus ad studium pertinentibus loquantur sine licentia Magistri. Qui vero contrafecerint officio lectorum, & voce actiua, & passiuapriuerunt. Idem confirmatur Parisiis 1611. Venetiis 1592. habetur, Nouitiis post primum annum non dentur lectores qui non sint religiosorum morum, modesti, & graues, qui nihilominus tantummodo cum illis causa eos docendi, statutis horis non aliter nec alias tractare debebunt. Et Valeoleti 1605. Clauis nouitiatus Lectores non habeant.

Censendi autem sunt Nouitij professi filij illius Conuentus pro quo professionem emiserunt, quod si in vno Conuentu recepti fuerint ad habitum aut pro eo, & ad alium missi fuerint pro educatione profitebuntur nomine primi, non autem nomine secundi. Ita enim disponit Constitut. cap. de Recipiendis his verbis, Nouitij recepti in vno Conuentu transmittantur ad alium, in quo profitebuntur, pro Conuentibus tamen in quibus habitum receperunt, & à quibus de vestibus prouideri eis solet. Et in decl. eiusdem cap. de Recipiendis decernitur, quod Nouitij ad illos Conuentus pertinent perpetuo in quibus, vel pro quibus fuerunt recepti, nec debent in alienis Conuentibus ad professionem recipi, nisi de voluntate illorum Conuentuum pro quibus sunt recepti ad ordinem, nec Prouinciales habent facultatem declarandi aliquem fratrem ad alium Conuentum pertinere, quã ad eum pro quo professus est, nisi per assignationem consuetã.

Et Romæ 1589. in oraculo viuæ vocis Sixti 5. ibidem promulgato habetur.

Vt nouitij transmissi ad alium Conuentum, peracto anno probationis, professionem facient, pro illis tamen Conuentibus in quibus habitum ordinis susceperunt.

Et cap. Barch. 1574. & sequenti Romano 1580. declaratum fuit, vt nouitius receptus ad habitum in vno Conuentu, si transmittatur ad alium in quo professionem emitat, erit filius illius Conuentus, in quo habitum suscepit, etiam si faciat professionem non requisito illo Conuentu, in quo habitum suscepit.

De Conuersis.

C A P. XXXIX.

Eodem tempore surgant Conuersi, quo & cœteri fratres, & eodem modo inclinent. Cum surrexerint ad matutinas, dicant, Pater noster, & Credo in Deum, &c. quod faciendum est etiam ante primam, & post completorium. In matutinis dicto, Pater noster, & Credo, erigant se dicendo, Domine labia mea aperies. Pro matutinis in profestis diebus dicant viginti octo, Pater noster,

deinde, Kyrie eleison, Christe, &c. Kyrie &c. Pater noster: quo dicto addant, Per Dominum nostrum Iesum Christum, &c. deinde, Benedicamus Domino, &c. In vesperis verò, quatuordecim, Pater noster dicant: in aliis autem horis septem. In festis autē nouem lectionum, pro matutinis, quadraginta, Pater noster, dicant. Et hoc sub silentio, in Ecclesia, aut vbicumque fuerint. Loco Preciosa dicant tria Pater noster: pro benedictione mensæ, Pater noster cū Gloria patri, &c. Post mēsam pro gratiarū actione, idē, vel Misere-re mei Deus, &c. qui sciunt. Psalteria nō habeant, nec alios libellos.

Indumenta tot habeant, quot cæteri fratres, præter cappas, loco quarum habeant scapularia longa & lata vsque ad iuncturam inter pugnum, & brachium, quæ etiam non sint alba, sicut tunica, sed similis coloris cappis clericorum, possunt, & breuia grisei coloris habere scapularia, ad mensuram scapulariorum nostrorum.

De Ieiuniis, cibis, abstinentiis, culpis, & aliis omnibus, sic se habeant sicut & clerici. In labore tamen cum eis poterit Prælatus dispensare. Soli non vadant, sed cum socio Clerico vel Conuerso.

Hinc sunt colligenda omnia quæ de Conuersis sparsim habentur.

Quo autē ad illorum receptionē Constitutio cap. de recipiendis hæc habet.

Conuersum non recipiat Prouincialis, nec aliquis de eius licentia, nisi de consensu Prioris, & duarum partium fratrum qui sunt de Conuentu pro quo recipiendus est. Nec Conuentus aliquem Conuersum recipiat, sine licentia Prouincialis, nec recipiatur infra decem, & octo annos ætatis suæ.

Ex declarationibus autem prædicti capituli, habetur quod cum fratres conuersi sint vocati ad opera corporalia exercenda in Conuentibus, vt in sudore vultus sui vescantur pane suo, & homines communiter non sunt apti ad huiusmodi opera infra ætatem decem & octo annorum, ideo recipiendi in conuersos debent esse ætatis prædictæ. Quinimo Clem. 8. in illa sua institutione nouitiorum de conuersis dicit.

Tempore vero probationis elapso, quia religiosæ perfectionis capaces sunt, & ad laborem corporalem apti, dummodo ætatis suæ annum vigesimum primum excefferint, professionem emittant, &c.

In decl. præsentis capituli dicitur. Debent autem conuersi recipi in capitulo clericorum, & ibi debet dici in verbis. Veni creator Spiritus, &c. In cap. Veneto 1592. ordinatur, vt in vnaquaque Prouincia curent Prouinciales conuersos, vel Tertiarios recipi ad habitum, qui religiose educati Conuentibus in exercitiis manualibus inservire possint, sicq; secularium quoad fieri possit, commercia tollantur, quæ radices sunt plurium malorum. In capit. autem Valentino statutū fuerat, vt nullus in posterum immediate ad habitum conuersorum recipiatur, sed Tertiarij primo ficerent, & per quadrien-

nium ad minus in tali habitu probarentur, vt ex eorum moribus dignoscerentur, num scapulari digni essent, sed Neapoli 1600. reuocatum fuit huiusmodi statutum. Et Valleleti 1505. confirmatum fuit quod alias etiam fuerat ordinatum, vt conuersis daretur Magister Specialis, qui eos instruere posset in cultu diuino, & ceremoniis ordinis, & aliis ad illorum statum, & officium pertinentibus. Et Clemens 8. de eis ita disponit.

Ipsi autem conuersi non recipiantur ante vigesimum aetatis suae annum, & nisi saltem præcipua doctrina Christiana capta sciunt.

De translatione conuersorū ad statū clericorum Constitutio ita disponit. *Cap. de Recipiendis.*

Conuersus receptus non fiat clericus sine licentia speciali Magistri ordinis.

Ex decl. vero eiusdem capituli, colligitur apertius, Prouinciales non posse talem concedere licentiam, & Bononiæ 1564. additur, vt nec per Magistrum ordinis talis facultas concedatur, nisi adsit iusta, & rationabilis causa, quam ipse solus iudicare possit. Et Barchinone 174. idē repetitur includendo etiam Tertiarios, & irritum decernitur si quid in contrarium factum fuerit, quod & Romæ 1580. confirmatum fuit. Et ibidem 1589. vltra nullitatem receptionis, apponitur pœna priuationis vocis, actiue & passiue recipientibus eos in clericos, sine scitu Mag. ordinis. Quinimo illi P. P. Diffinitiores rogant Magistrum ordinis, ne talem facultatem præbeat, ob multa inconuenientia, quæ inde emanant Et Neapoli 1600. declaratur iuxta alias ordinata, vt nullus conuersus fiat clericus, sine licentia Magistri ordinis, & quod si quis conuersus seipsum talē habitu induere ausus fuerit, & quod peius est sacros ordines fraudulenter susceperit, habitu etiam conuersorum priuetur, & Tertiarius toto tempore vitæ suæ permaneat, & ab executione susceptorum ordinum suspensus sit & perpetuo inhabilis, nec possit restitui, nisi per capitulum generale, & seuerius etiam puniatur.

Et postremo Romæ 1608. hæc emanauit ordinatio. Nullus conuersus siue in sua siue in aliena Prouincia, fiat clericus nisi de licentia Magistri ordinis, quæ obnixè deprecatur, vt huiusmodi licentias raro, & nisi in cōmune bonū religionis concedat, cū alioquin multa inconuenientia oriri soleant, & maxima. Insuper prohibemus, ne conuersi dent operam literis vt fiant clerici, nec ullus eos patres appellet, & qui deliquerit sedeat in terra in pane, & aqua. Conuersi vero qui habitū clericale suscipient, nullo pacto sacris ordinibus iniciantur, sine licentia Magistri ordinis, sed in suis exercitiis conuersorum inserviant. Bononiæ 1564. ordinatur, vt de cetero nullus conuersus sub habitu alto recipiatur. Et Valentiz 1596. imponitur fratribus, vt abstineant titulo paternitatis, aut patris, siue Reuerētiz, cū Cōuersi tractantes, sub pœna vt supra, si vero conigerit hac de causa Conuersū nolle ministrare, in his quæ spectant ad officium suū, id Superiiori referatur, cui sub pœna absolutionis ab officio mādatur, vt talē Cōuersum scapulari per mēse irremissibiliter priuet.

Idem Clemens 8. in institutione vt supra dicit.

Qui ad conuersorum habitum recepti fuerint, ad clericorum statum etiam de-

rante probationis anno transire non possint. Et cum emiserint professionem, se in libro subscribant, vt de clericis dictum est, se vero literarum ignarus est, signum crucis apponet, & testes assistentes subscribunt.

Taliter autem translato locum teneant infra omnes, qui habitum clericalem ante ipsos susceperunt, vt in hoc capitulo declaratur, & ex decl. cap. de recipiendis, non habebunt vocem in quacumque electione, neque etiam ad ea, quæ mittenda sunt ad capitulum generale, aut prouinciale, ante quinque annos completos, à die receptionis habitus clericalis: & Valleoleti statuitur, tales translatos non habere vocem in electionibus canonicis, nisi post duodecim annos completos, à susceptione habitus clericalis. Si autem aliquis frater clericus esset defectuosus, & ineptus ad officia clericorum, posset per Prælatos exigente culpa, priuari habitu, & gratiis clericorum, & fieri conuersus, dummodo ad sacros ordines non fuerit promotus. Et si sit aliquis nobilis ignarus literarum, qui propter eius nobilitatem, recipetur ad habitum clericorum, talis non teneretur ad horas canonicas, sed tantum ad, Pater noster, nec posset eligere, aut eligi, nec vt aliis gratiis clericorum, præcipue si sit facta protestatio, quod ad officia clericorum, non teneatur.

De officio diuino per conuersos recitando, præter ea quæ in textu notata sunt, ex declarationibus hæc obseruent. Quoties dicunt Pater noster pro horis, toties etiam Salutationem Angelicam dicere debent. Neque alias teneantur horas canonicas clericorum recitare, quia quamuis professi sint, & ex eleemosynis viuant, tamen pro temporalibus, & corporalibus exercitiis assumuntur, vt in sudore vultus sui vescantur pane suo, & ideo eis sufficit breuiter dicere sua. Pater noster, & audire quotidie missam, & ad completorium, vel saltem ad Salve Regina, nisi magna necessitas excuset, quotidie conueniant. Præter autem prædicta, Pater noster dicenda pro horis, teneantur etiam ad suffragia pro mortuis, de quibus supra parte i. capite. De suffragiis mortuorum, quæ habet de ipsis hæc verba.

A festo S. Dionysij vsque ad Aduentum, pro anniuersario fratrum, sororum, familiarum receptorum ad beneficia ordinis Laici quingenta Pater noster dicant. Idem dicant pro defuncto fratre sui Conuentus. Idem fiat per totum ordinem pro Magistro ordinis, & à comprouincialibus pro suo Prouinciali defuncto, & in toto ordine pro Diffinitore capituli generalis, vel socio eius, aut pro electore Magistri ordinis, & socio Prouincialis euntis ad idem capitulum generale, si aliquem eorum in via, vel in ipso capitulo mori contigerit. Idem etiam fiat pro Procuratore ordinis, si in officio procurationis decedat, & pro Visitatore à domibus quas visitare debet, si in visitatione decedat. Et quilibet conuersus in anno pro fratribus, & sororibus defunctis, triginta vicibus dicat centum Pater noster.

Et Valleoleti additur, vt quilibet conuersus pro defuncto fratre suo pro-

uinciz, dicat Rosarium B. Virginis. In capitulo autem Salmaticensi 1551. auctoritate Apostolica de orationibus conuersorum ita decernitur. Pro subleuandis conuersis, tam fratribus quam monialibus, qui magis pro seruitute aliorum recepti sunt, quam pro officio diuino, statuimus vt pro matutinis loco viginti octo, vel quadraginta Pater noster, dicant, tam diebus trium lectionum, quam nouem tantum viginti quatuor: Pro Vesperis duodecim, pro singulis aliis horis septem. Pro suffragiis, loco quingentorum dicant quinquaginta, & vbi dicitur quod quolibet anno dicant triginta vicibus centum Pater noster, sufficiat eis singula vice dicere tantum viginti quinque, & ita dicit corrigendum esse Constitutionis textum, quod tamen adhuc factum non est.

Quo vero ad habitum statuitur Venetiis 1592. vt omnes fratres maxime conuersi pedestres incedant. Ocreas, & penulam quam vulgo (feltro) vocant non habeant. De illorum autem rasura dicitur Valentiz 1596. Conuersi rasuræ subiiciantur ita vt circulus eis fiat super aures, qui aliquantisper à parte posteriori declinet per digitum. f. Qui vero hoc modo accommodare se non fecerit, pro qualibet vice, per mensem priuetur scapulati, nec ante illum illud sibi restitui possit.

De initiandis sacris ordinibus.

CAPVT XL.

NVllus ordinetur in subdiaconum, nisi sciat grammaticam, & sciat Latine loqui, & scribere, absque falsa Latinitate. Et si est subdiaconus non fiat diaconus, & si est diaconus non fiat sacerdos. Prælatus autem quilibet, aliquem aliter exponens, absoluetur in pœnam ab officio, & per triennium omni officio ordinis priuetur.

Cap. de studentibus.

Nouitij ante professionem non ordinentur. *Cap. de Nouitiis.*

Si qui in apostasia ordinatus fuerit, vel post excommunicationem diuina celebrare præsumserit in ea, executione officij perpetuò careat, nisi fortè postea ita religiose conuersatus fuerit, vt cum eo sedis Apostolicæ auctoritate dispensetur. Si autem non in apostasia, sed sine ordinis legitima licentia ordinatus fuerit, ipso facto sit addictus carceri ad minus per quatuor menses, ibidem secundum arbitrium Prælati, pœnis aliis puniendus. Et postmodum non permittatur exequi ordines ipsos, sine speciali licentia Magistri ordinis.

Cap. de Apostatis.

Per priuilegia antiquitus ordini nostro concessa per summos Pontifices, maxime Honorium III. in bulla confirmationis ordinis, Alex. IV. priuilegio suo 25. Sixtum IV. in Mati magno, poterant Prælati ordinis abiq; præ-

uio examine fratres suos Episcopis præsentare pro suscipiendis sacris ordinibus, qui si recusabant eos ordinare, poterant eos ad quemcumque Catholicum Episcopum transmittere. At Leo X. in bulla, quæ incipit *Sacro approbante concilio*, moderatus est hæc privilegia & statuit fratres sic à Prælati præsentatos, posse per Episcopum examinari de sufficientia in grammatica, & si competenter respondeant libere debere admitti, & eo casu non posse alium Episcopum petere, nisi proprio requisito cum debita reuerentia, & instantia, & absque rationabili causa contradicente. Sacrum autem concilium Tridentinum manum apposuit super hoc & diuersa edidit decreta, quæ etiam à regularibus, non obstantibus illorum priuilegiis obseruanda sunt; ut in eis notatur, & hæc sunt quæ habentur sess. 23. diuersis capitibus summarie collecta.

Prima tonsura non iniungitur, qui confirmationis Sacramentum non susceperint, & fidei rudimenta docti non fuerint, quique legere, & scribere nesciant.

Minores ordines, his qui saltem Latinam linguam intelligant, conseruantur, per temporum interstitia, nisi aliud videbitur Episcopo magis expedire, & quod spes maioribus ordinibus dignos ostendat. Initiati minoribus ordinibus non nisi post annum à susceptione postremi gradus, ad sacros ordines promoueantur, nisi necessitas aut Ecclesiæ utilitas, iudicio Episcopi, aliud exposcat.

Nullus in posterum ad subdiaconatus ordinem ante vigesimum secundum, ad diaconatus ante vigesimum tertium, ad presbyteratus ante vigesimum quartum aetatis suæ annum promoueatur, regulares quoque non in minori ætate, nec sine Episcopi diligenti examine ordinentur, priuilegiis quibuscumque quoad hoc penitus exclusis.

Subdiaconi, & diaconi ordinentur, in minoribus ordinibus tam probati, ac literis, & iis quæ ad ordinem pertinent exercebendum instructi sine, & promoti ad subdiaconatus ordinem, non ascendant ad altiores gradum, si per annum in eo non sint versati, nisi aliud Episcopo videatur. Duo sacri ordines, non eadem die etiam regularibus conferantur, priuilegiis ac indulgiis quibuscumque non obstantibus, quibus. vii. concessit.

Qui pœ, & fideliter, in ministeriis ante actis se gesserint, & ad presbyteratus ordinem assumuntur, bonum habeant testimonium, & hi sint qui non modo in diaconatu ad minus annum integrum ministraverint, nisi ob Ecclesiæ necessitatem ac utilitatem, aliud Episcopo videretur; sed etiam ad populum docendum ea qua scire omnibus necessaria sunt ad salutem, diligenti præcio examine, idonei comprobentur.

Vnusquisque autem à proprio ordinetur Episcopo, quod si quis ab alio promoueri petat, nullatenus id ei, etiam cuiusvis generalis aut specialis scripti, vel priuilegi prætextu, etiam statutis temporibus permittatur, nisi eius probitas, & mores, Ordinarii sui testimonio commendentur. Si secus fiat ordinans à collatione ordinum per annum, & ordinatus à susceptorum ordinum executione, quandiu proprio Ordinario videbitur, sit suspensus.

Sancta Synodus, declarat ut in posterum, huiusmodi ministeria non nisi per constitutos in dictis ordinibus, exerceantur.

Emanarunt etiam Constitutiones Apostolicæ super susceptione ordinum maxime sacrorum quæ recensendæ sunt. Pius II. in sua constit. quæ incipit. Cum ex sacrorum, contra male promotos ita inuicitur.

Auctoritate Apostolica, hac constitutione perpetuè valitura statuimus, quod omnes, & singuli, qui absque dispensatione canonica, aut legitima licentia, siue extra tempora à iure statuta, siue ante etatem legitimam, vel absque dimissoriis literis, &c. ordinati fuerint, & ad aliquem ex sacris ordinibus se fecerint promoueri, à suorum ordinum executione, sint ipso iure suspensi. Et si, huiusmodi suspensione durante, in ipsis ordinibus ministrare presumpserint, eo ipso irregularitatem incurrent ultra alias pœnas, &c.

Sixtus V. aliam seueriores Constit. promulgauit contra malè promotos, & malè promouentes, quam non est necesse recensere, quia Clemens VIII. eam reuocauit, & ad terminos iuris reduxit, annullando eius pœnas, exceptis malè promotis causa simoniæ, & statutum standum esse in prædicta constitutione Pij II. & decretis Conc. Trident. Pius V. pro regularibus nondum professis ordinari cupientibus, ita decreuit.

Motu proprio, & ex certa scientia, &c. Decretum Concil. Trid. quod habetur sess. 21. cap. 2. quæ cæmetur, ut nullus secularis promouetur ad ordines sacros, nisi habeat beneficium vel patrimonium, quo honeste sustentari possit, harum serie extendimus ad regulares non professos, & ampliamus. Ac religiosis non professis, ut ad sacros ordines promoueri possint interdicimus, nisi obseruata forma dicti decreti, &c.

Edita fuerunt à Sacra Congregatione concilij aliqua decreta pro declaratione eorum quæ statuit Concilium circa regulares promouendos ad sacros ordines, quæ scitu digna sunt, quæ sunt.

Cum dicitur in sac. Conc. sess. 23. c. 10. Abbates non posse conferre primam tonsuram, nec ordines minores nisi regularibus subditis suis. Congregatio censuit dictos Abbates posse primam tonsuram, & ordines minores conferre etiam non suis subditis, tam secularibus quam regularibus, cum licentia, & consensu Episcopi, & literis dimissoriis eiusdem, si tamen Abbates sunt, qui ius habeant portandi baculum, & mitram.

Item cum dicitur inter vnum ordinem, & alium suscipiendum debere esse interstitium vnius anni, Congregatio censuit, illum annum non debere intelligi de duodecim mensibus completis, sed sufficit lapsa esse interstitia quatuor temporum ordinationum, ut ordinatus in quatuor temporibus quadragesima, poterit alio ordine insigniri in quatuor temporibus futura quadragesima, etiam si non sint completi duodecim menses.

Item cum dicitur. Nullum debere promoueri ad ordinem subdiaconatus ante vigesimum secundum, ad diaconatus ante vigesimum tertium, ad presbyteratus, ante vigesimum quintum annum, sufficit dictos annos esse inceptos, non autem esse completos.

Item, De mandato S. D. Clementis Papa VIII. mandatur omnium regularium Superioribus, ut de cætero obseruent, & obseruari faciant, ea quæ in decreto Sacre Congregationis concilij continentur, cuius tenor talis est. Congregatio concilij censuit, Superiores regulares posse suo subdito regulari, qui prædictis qualitatibus requisitis ordines suscipere voluerit, literas dimissorias concedere ad Episcopum diocesannum. Et si Episcopus diocesannus absuerit, vel non esset habiturus ordinationes, ad quemcumque alium Episcopum, dum tamen ab eo Episcopo qui cum ordinaturus est, examinetur quoad doctrinam, & dum ipsi regulares non distulerint ex industria concessionem dimissoriarum literarum in aliud tempus, quo diocesannus Episcopus absit, vel ordinationes habiturus non sit. Verum cum à superioribus regularibus, Episcopo diocesano absente, vel ordinationes non habente, literæ dimissoriae dabuntur causa absentia, aut non ha-

non habenda ordinatio, exprimenda est, quod si non fecerint officij, dignitatis, seu administrationis, vocis actiua, & passiua priuationes ac alias arbitrio S. D. N. pœnas reservatas incurrant.

Queri solet ad quem spectat dispensare ordinandos super interstitiis ordinationum habendarum, num scilicet pertineat ad Prælatos regulares, illorum qui ordines suscepturi sunt, an ad Episcopos. Et si ad Episcopos, an ad proprios, an vero ad extraneos quando ad extraneos sit accessus pro ordinibus habendis. Capucinus in annotationibus ad compendium privilegiorum ord. minorum, verbo, Ordines sacri, dicit duo. Primum dispensationem hanc non pertinere ad Prælatos regulares, quia concilium locis adductis, illam Episcopis concedit, nam cap. 11. sess. 23. dicitur.

Minores ordines per temporum interstitia, nisi aliud Episcopo magis expedire videbitur, conferantur. Item eap. 13. Promoti ad subdiaconatus ordinem, si per annum saltem in eo non sint versati, ad altiorum gradum, nisi aliud Episcopo videatur, ascendere non permittantur. Idem cap. 14. Qui non modo in diaconatu ad minus annum integrum, nisi aliud Episcopo videatur, ministraverint comprobentur.

Verum tamen est Prælatos ordinum fidem præbere debere Episcopis, de necessitate vel utilitate Ecclesiæ suæ, & rogare Episcopum ut dispensationem interponat. Secundum est, Episcopi proprii, & non extranei ord. nantis munus esse dispensare in prædictis interstitiis cum, Conc. sess. 23. cap. 16. dicat.

Cum nullus debeat ordinari qui iudicio sui Episcopi non sit utilis, aut necessarius suis Ecclesiis, &c. nota illud (sui.)

Notanda etiam sunt præcisa Concilij verba ad dignoscendas causas dispensationis, quæ non eodem modo in quacumq; dispensatione sunt necessariæ, etenim de interstitio inter ordines minores, hæc dicuntur verba.

Ordines minores per temporum interstitia conferantur, nisi aliud Episcopo videatur.

Vbi nulla causa proponitur, sed solum Episcopi iudicium. De interstitiis vero inter supremum ordinem minorum qui est. Acolitatus, & subdiaconatum dicit.

Nisi Ecclesiæ utilitas aut necessitas iudicio Episcopi aliud exposcat.

De interstitiis inter subdiaconatum, & diaconatum dicit.

Nisi aliud Episcopo videatur.

Nulla etiam hic est proposita causa. De interstitio inter diaconatus, & presbyteratus ordines subinfert.

Nisi ob Ecclesiæ utilitatem, & necessitatem aliud Episcopo videatur.

Ex qua verborum varietate colligere licebit hæc. s. Pro dispensatione in interstitio inter duos ordines minores, & inter subdiaconatum, & diaconatum sufficit Episcopi iudicium. Pro dispensatione in interstitiis inter Acolitatum, & subdiaconatum requiritur utilitas aut necessitas Ecclesiæ. Pro dispensatione inter diaconatum, & presbyteratum, utraque causa adesse debet, s. utilitas, & necessitas. Potest autem Episcopus nedum dispensare in interstitio ordinum minorum inter se, sed etiam omnes quatuor vno die conferre, si sibi complacet, non tamen poterit subdiaconatum, & diaconatum vno die conferre, quia id prohibet Conc. cap. 13. Et S. Antoninus,

3. part. tit. 14. De tempore, & loco ordinat. docet tunc adesse necessitatem Ecclesiæ, quando non habet ministro sufficientes ad ministeria ordinum exercenda. Vtilitatem vero, quando licet habeat ministros sufficientes, tamen si plures essent, melius & utilius satisfaceret.

Ex decl. cap. de studentibus, Nullus frater in nostro ordine promoueatnr ad sacros ordines iuxta nostrarum seriem Constitut. nisi de licentia Prouincialis, qui neminem promoueat, nisi certior factus, de ætate, moribus, & grammatica sufficienti, & nisi præsentetur à Priore de cõsilio patrum. Qui libet ordinatus habeat literas testimoniales; aut ab Episcopo ordinante, vel à Præsidente loci ubi est ordinatus cum subscriptis testibus qui ordinationi interfuerunt, quod si non fecerint, non permittantur exequi munia ordinum susceptorum. Ex cap. de apostatis ubi dicitur, ordinator in apostasia, vel celebrantes in excommunicatione debere absolui per sedem Apostolicam, declaratur nunc per bullam auream Sixti IV. tales posse absolui per Magistrum ordinis, & per suum Prouincialem. His adduntur ordinationes capitulorum. Bononiæ 1564. Denuntiatur, priuilegia alias ordini concessa, circa ætatem promouendorum ad ordines sacros, reuocata esse, & ideo seruandum esse id, quod statuit Concilium, tum circa ætatem, tum circa interstitia, nisi propter necessitatem de consilio patrum approbandam, & ordinanti Episcopo referendam. In Conuentibus ubi est fraterum sufficiens numerus, ministeria sacri altaris etiam minima ab ordinatis ministris exerceantur quoad fieri possit. Nullus sacris vestibus indutus solemniter epistolam canere permittatur, qui eo ordine non sit insignitus, & Visitatores tales abusus de medio tollant, & delinquentes seuera vindicta corripiant. Quæ confirmata reperiuntur Romæ 1569. 1571. & Barchi. 1574. Vbi additur hæc ordinatio. Priores non possunt ad sacros ordines mittere, nisi tantum, de more ordinis in officio ecclesiastico diuinoque cultu sufficienter calluerit, quæ subinde Romæ 1580. confirmata fuit. In capitulo Romano 1589. auctoritate Apostolica fuit promulgatum decretum, quod habet robur perpetuæ constitutionis in hunc modum. Item ordinamus, ac sub eodem præcepto formali, eademque excommunicationis latæ sententiæ pena præcipimus omnibus Prælati, vt non mittant quempiam ad ordines nisi probata sit vitæ, & bonorum morum, ac in literis sufficienter instructus, & præsertim, nisi distinctè, & clarè legere sciat, & quæ legit benè intelligat, & nisi prius scriptura approbata, & fidem faciente, iudice illis constiterit, eum legitimam ætatem habere iuxta sacri Concil. decreta. In cap. autem sequenti Veneris celebrato 1592. modificatur præfatum decretum quoad sufficientiam literarum per hæc verba. A secunda ordinatione in qua agitur de sufficientia illorum, qui mittuntur ad ordines sacros, declaramus ablatam esse excommunicationem, aggrauamus nihilominus conscientias Prælatorum, vt non nisi sufficientes in literis, & moribus ad eos mittant, Valentiz 1596. statuitur, vt initiandi ordinibus sacris, examinentur, & approbentur tum in literis, tum in moribus per vota secreta, examinatores verò dignos approbent, & indignos reprobent, quod & Romæ 1601. & Valleolei 1605. fuit confirmatum. Insuper in eodem cap. Valentino mandatur, vt nullus

ad sacros ordines mittatur, nisi post tres annos à professione completos, ad diaconatum post quatuor, ad presbyteratum post quinque. Confirmatur Romæ 1601. & Valleeleti 1605. & additur vt Prouincialis in prouinciis, & Conuentibus in quibus est indigentia fratrum, possit dispensare, & obseruetur meliori modo quo potest, necnon & cum aliquibus benemeritis, accedente assensu patrum. In capitulo Romano 1608. dicitur. Nullus sacerdotio inicietur, nisi post quatuor annos à professione. Si autem necessitas, vel causa adit Prouincialis poterit dispensare de consilio patrum. Idem confirmatur Parisiis 1611.

Gregorius XIII. bulla 25. apud Rodericum, Societati Iesuitarum concedit, vt infra

Nos igitur, &c. omnibus Episcopis presentibus, & futuris in perpetuum precipimus ne ab illis de societate prædicta, qui licentiam à Præposito Generali, vel eius delegatis habuerint, vt promoucantur sacris ordinibus, aliquid requirant, sed illos etiam absque ulla functione in ordinibus, interstitionum vè observatione, aut inquisitione, de causis, officiis, & cærimonis, idoneitate, proprij Ordinarij licentia, ac alijs requisitis, ac etiam extra tempora statuta à iure, tribus Dominicis diebus, vel alijs festis etiam continuis ad ordines maiores, & minores, & etiam presbyteratum promoucant, ac si omnibus requisitis prædicti essent, Præsents autem gratiæ communicationem alii fieri probibemus.

Refert etiam idem Rodericus decretum hoc promulgatum à sacr. Congregat. Concilij, Congregatio Concilij censuit per illa verba Concilij sess. 23. cap. 8. de reformatione. s. Ordinationes sacrorum ordinum statutis à iure temporibus celebrentur; &c. priuilegia suscipiendi ordines extra tempora non esse sublata.

Canonica autem impedimenta quibus irretitus indebite ordinatur, sunt infra scripta, Sacramento chrismatis non initiati, Minores natu iuxta ætatem à Conc. Trid. præfixam, Rudes siue ignaui ex præscripto eiusdem Conc. Criminosi, Infames, Bigami, Illegitimi, Irregulares, quouis modo Suspensi, Interdicti, Amentes, Morbo caduco laborantes, Corpore vitiati, Insigniter difformes, Solemniter pœnitentes, Ebrietati dediti, Non examinati, & approbati, Superiores tamen ex priuilegiis auctoritatem habent habilitandi illegitimos natos, & irregulares, excepta irregularitate propter bigamiam, & homicidium, & mutilationem membrorum contracta, vt infra dicitur.

De studentibus.

CAPVT XLI.

QVoniam circa studentes diligens est adhibenda cautela, habeant aliquem specialem fratrem, sine cuius licentia non scribingant quaternos, nec audiant lectiones, & quæ circa eos in studio corrigenda viderit, corrigat, & si vires eius excedant, Prælato proponat; in libris gentilium, & philosophorum non studeant, & si ad horam inspiciant, Seculares scientias non addiscant, neque artes quas liberales vocant, nisi aliquando circa ali-

quos Magister ordinis, vel capitulum generale, aut Prouincialis, vel capitulum prouinciale, voluerit aliter dispensare, sed tantum libros theologicos, tam iuuenes, quam alij legant. Ipsi vero in studio taliter sint intenti, vt de die, de nocte, in domo, in itinere, legant aliquid, vel meditentur, & quicquid poterunt retinere cordetenus nitantur. Nulli certus vsus librorum concedatur, nec dedignetur à quocumquē auferantur, vel in cuiuscumque custodia dimittantur. In diebus Dominicis, & festis præcipuis, à quaternis scribendis se contineant. Circa eos, qui student taliter dispensetur à Prælo, ne propter officium, vel aliud, à studio retrahantur, vel impediantur. In cellis legere, scribere, orare, dormire, & etiam de nocte vigilare ad lumen poterunt, qui volunt propter studium.

Ex S. Tho. 2.2. q. 188. art. 5. habetur, studium maximè competere religionis omnibus, & præcipuè nostris. Omnibus inquam. Primo propter euitandam carnis lasciuiam quæ studio reprimitur. Vnde S. Hieron. ait. Ama studia literarum, & carnis vitia non amabis. De Conf. dist. 5. cap. Nunquam. Secundo propter reprimendam cupiditatem diuitiarum, quia vt dicit philosophus, melius est philosophari, quàm ditari, Et S. Hieron. inquit, Crates ille Thebanus cum ad philosophandum pergeret, magnum auri pondus abiecit, 12. q. 2. cap. Gloria. Tertia ratione obedientiæ, quæ est basis religionis. Vnde S. Aug. ait. Quæ peruersitas est illi lectioni nolle obtemperare, qui vult ei continuè vacare? 8. q. 1. cap. Sciendum, Cõgruit verò studium religionis nostri ordinis, propter contemplationem, ad quam tanquam ad præcipuum finem intēdimus, & hoc duplici ratione; primo, quia studium contemplationem dirigit, remouet enim contēplationis pericula, & errores. Vnde S. Gregor. lib. 6. moralium dicit. Nonnulli plus exquirunt contemplando, quàm capiant, & ideo, vsq; ad peruersa dogmata erumpunt, secundo, quia sine studio religiosi non possunt cõtemplata aliis per prædicationem, & doctrinam tradere, Vnde S. Paulus ad Titu 1. de Episcopo cuius præcipuum munus est prædicare, dicit. Vt potens sit exhortari in doctrina sana, & eos, qui contradicunt arguere, Et S. Hieron. 16. quæst. 1. dicit. Multo tempore discas, quod possis postea docere, ne sis miles antequam tiro, & Magister antequam discipulus, Et quamuis liceat fratribus nostris scientiis secularibus studere, non tamen debent in illis quiescere, & per totum tempus vitæ suæ his vacare, sed studio scripturarum, & his quibus possunt salutis animarum consulere, intendere debent, cauendo sibi semper à curiositate, & inani gloria, sibi ipsi prius documenta benè rectèque viuendi sumentes.

Nullus mittatur ad studium logicale, nisi saltem duobus annis in ordine bene, & religiosè fuerit conuersatus, nisi forte sit ætatè prouectus, & in grammaticalib. sufficienter instructus. Ad naturalium vero studium nullus admittatur, nisi logicalia saltem tribus annis in seculo, vel in ordine audierit,

& iudicio Magistri sui fuerit in eis sufficienter instructus. Ad sententias vero audiendas non nisi prius naturalia per duos annos audierit. Romæ tamen 1571. dicitur. Tempus triennij Dialecticæ Philosophiæ, & Metaphysicæ deputetur, quadriennij verò Theologiæ, nisi aliter Prouinciali visum fuerit. Quod & fuit confirmatum Barchin. 1574. & Romæ 1580. Et Valleeleti 1605. dicitur, Lectores artium triennio ad summum, cursum suum compleant. Et nouitij puri non admittantur ad studia quæcumque, sed eo tempore, in psalmodia, & officio diuino occupentur, vt traditum est supra cap. de institutione nouitiorum in anno probationis. In studiis autem logicalibus, & naturalibus repetantur diebus singulis lectiones, & ipsas studentes semel in septimana Magistris suis recitare teneantur, qui eos audire curabunt. Omnes autem studentes. singulis diebus ad scholas veniant, lectiones omnes audituri, & si sine rationabili causa, & licentia speciali Superioris deesse contigerit, illo die à vino, vel à pietantia indipensabiliter abstineant. Et in cap. de leui culpa habetur.

Leuis culpa est si quis ad lectionem dormierit, si quis temporibus statutis, cum aliis lectionem auditurus non adfuerit.

Studentes autem qui in actibus scholasticis inuerti fuerint notabiliter negligentes, seu insufficientes, per Prouincialem à studio absoluantur, & in aliis officiis occupentur. Et quia ex profectu studij sequitur promotio ordinis, & vtilitas animarum, debent Priores tam Prouinciales quam conuentuales, pro vtriusque operam dare, vt studium vigeat, & studentes, ad audiendam lectionem sint solliciti, nec se à scholis subtrahant, nisi ex causa, & licentia speciali, & lectores disputet, & lectiones cōtinuet, nec propter studium artium à theologiæ studio retrahatur. Visitatores etiam in suis visitationibus diligenter inquirent de lectoribus, quid & quantum legerint in anno, quoties disputauerint, qualiter Priores studia promouerint, & quomodo fratres in studio profecerint, & intenderint, & hoc Prouinciali referant, qui negligentes grauitur corripiat.

In capitulis etiam sæpius hæc studij cura Prælati commendata fuit. Nam Bononiæ 1564. dicitur. In omnibus Conuentibus vbi sunt iuuenes, sit etiam aliquis lector, qui eos doceat grammaticā, vel artes, iuxta illorum capacitatem, prouideantque Prouinciales, vt temporis ad studium præfixi maior pars theologiæ impēdatur, quam artibus Romæ 1569. Prouinciales, & Visitatores diligentiam adhibeant ad inquirendum de solitudine lectorū, tam in legendo, quam in aliis exercitiis literariis exercitatione, & negligentes puniant, & curent, vt Constit. qua cauetur ne studentes in libris gentilium, & philosophorum studeant, executioni mandetur, nec preterea bonarū (quas vocant) literarum, & politioni linguæ, Erasmi libros & consimilium legāt, vnde mala dogmata, & prauos mores inbibant. Et Romæ 1571. dicitur. Tempus lectionis assignetur singulis annis decem mensium ad minimum, nec studentes, nec lectores, ad prædicandum mittantur, sed lectionibus attendant, nisi aliter de licentia Prouincialis fieri expedierit. Barchi. 1574. Romæ 1580. idem repetitur. Et Romæ 1589. dicitur Lectores decem, aut ad minus novem menses in quolibet anno legant, sitque lectionis quotidianæ spacium.

vnus horæ circiter, vt in pluribus, & qui notabiliter defecerint, lectione priuentur. Qualibet hebdomada tres circulos, seu disputationes iuxta antiquissimam, & laudabilē ordinis consuetudinem habeant, quibus omnes discipuli inter sint. Romæ 1601. Lectores artium non prædicent, ita vt ob conciones ordinaria lectio impediatur. Et ambo theologiæ lectores eodem tempore prædicationibus non vacent, sed saltem alter eorum domi remaneat perlecturus. Idem confirmatur Valleoleti 1605. vbi etiam additur, vt nulla ratione intermittantur lectiones, nec literaria exercitia, à festo S. Crucis vsque ad festum S. Mariæ Magdalenæ, exceptis hebdomada ante Aduentum, & duabus hebdomadibus ante quadragesimam, dummodo tamen etiam eo tempore singulis diebus vna lectio habeatur. A Dominica autem in ramis palmarum, vsque ad Dominicam in albis, cessare poterunt omnia. In eodem cap. Valleolerano confirmatur, quod Romæ 1601. statutum fuerat, vt quotidie omnium lectionum quæ audiuntur fiant conferentiæ, & circuli etiam singulis diebus proponantur, nisi actus superior impederit, & lectores in his negligent, lectionibus priuentur, & Prælatorum conscientia in huiusmodi aggrauantur. Item Romæ 1601. ordinatur, vt inuigilent Priores circa studia, & iubeant lectoribus, vt horis statutis, videlicet post primam, & post vesperras perlegant, nec tempora mutant, vel desint lectionibus, & conferentiis, &c.

Cum dicitur, Nulli certus vsus librorum concedatur, &c. sciendum est vsum rerum duplicem esse, certum. s. & incertum. Certus in proposito dicitur, quando ita conceditur aliquid alicui, quod illud ab eo auferri nō potest, super quo Prælatus dispensare non potest, nam voluntas religiosi debet semper esse parata, omnia in manu Prælati resignare, quando voluerit, & in hoc sensu prohibetur certus librorum vsus. Incertus vero est, quando repetere potest Prælatus, quod concessit, & hic vsus concedi potest, vnde possunt fratres secum ferre Breuiarium, libros glossatos, & quaternos, ac sacra Biblia. De libris autem concedendis dicitur in regula.

Codices certa hora singulis diebus petantur, extra horam qui petierit non accipiat.

De quibusdam autem lectionibus in particulari tales leges habemus.

Lectio autem casuum conscientia præcipuè habenda est. Vnde Bonon. 1564. dicitur, & pro beneficio Confessorum ita disponitur. In Conuentibus in quibus maiora studia non vigent, sint lectiones casuum conscientia, & assidue de illis collationes fiant, & Romæ 1571. Vbi non viget studium theologiæ, habeatur lectio casuum de summa Caietani. Romæ 1569. lectio casuum habeatur saltem tribus diebus in hebdomada. Barchinone 1574. Habeatur lectio casuum de Caietano, vel huiusmodi Romæ 1580. Ad hanc lectionem, casuum habendam conueniant omnes fratres, sacerdotes, & Confessarii præter graduatos, & Lectores. Qui conuenire neglexerint, munere confessionis priuentur. Venetiis 1592. In quolibet Conuentu, in quod commodè obseruari potest, trina saltem casuum lectio in hebdomada habeatur ab aliquo perito patre, in reliquis vero, aliquam saltem lectionis loco conferen-

tiam de eisdem casibus, inter paucos religiosos in ipsis commorantes, fieri curabunt Superiores.

Habenda est etiam lectio sacræ scripturæ iuxta decretum Concil. Trid. quod est sess. 5.

In Conuentibus regularium, in quibus studia commodè vigere possunt, sacræ scripturæ lectio habeatur, quæ lectio à capitulis generalibus, vel provincialibus assignetur dignioribus Magistris.

Bononiæ autem 1564. In huius decreti obseruantia statutum fuit, ut in omnibus Conuentibus in quibus studia vigent, & in aliis, qui idonei iudicabuntur, sacræ scripturæ lectio assignetur, ad quam per legendam illi potissimum assumentur, quorum doctrina aduenientes spirituales fructus referre possint. Et Romæ 1569. dicitur. Festiuis diebus toto anno in nostris Ecclesiis, legatur populo lectio de sacræ scriptura, vel de Catechismo, cui lectioni intersint fratres maxime iuniores, & laici. Idem habetur Romæ 1571. Barch. 1574. Venetiis 1592.

Linguam Græcam, vel Hebraicam, non addiscant fratres, sine peculiari licentia Prouincialis in scriptis habenda, in qua fiat mentio expressa præceptoris à quo addiscere eam debent, quod & fuit confirmatum Romæ 1569. Romæ 1571. Barchin. 1574. At Romæ 1608. ordinatur, ut post sex menses ab harum notitia Prouinciales singuli in sua prouincia, teneantur instituere studium linguarum præcipuè Hebraicæ, & Græcæ, conquisitis ad id munus doctissimis præceptoribus, quod si ex ordine nostro haberi non possint, ex secularibus eligant designatis annuis stipendiis ex communibus prouinciæ sumptibus.

Et Parisiis 1611. denuntiatur Paulum 5. circa studium linguarum constituisse ut infra.

Hæc perpetuè valitura Constitutio sancimus, ut in cuiuscumque ordinis tam mendicantium, quam non mendicantium studijs omnibus, trium linguarum Hebraicæ, scilicet Græcæ, & Latine, in celebrioribus verò etiam Arabica doctores habeantur, regulares quidem eiusdem ordinis si sint illarum notitiam habentes, sin autem alterius ordinis, vel seculares, qui illas doceant, &c. Omnibus regularium Superioribus sub pena indignationis nostræ, & si ipsi negligentes fuerint, Protectoribus ordinum iniungimus, ut prouideant, quod talia studia instituantur, &c. Et in promotione ad doctoratum, & alios gradus illi cæteris paribus præferantur, qui in cognitione trium dictarum linguarum profecerint.

De studijs generalibus.

C A P. XLII.

Qualibet prouincia, exceptis Græciæ, Daciæ, Terræ sanctæ, prouideat, ut semper in Conuentu aliquo idoneo, sit generale studium, & solemne, & ad illum locum quilibet Prouincialis potestatem habeat mittendi duos fratres idoneos ad studendū Quod si in aliqua prouincia, Lector sufficiens pro tali studio non fuerit, Magister ordinis de Lectore prouideat. compe-

renti. Statuimus autem vt quælibet prouincia, fratribus suis missis ad studium, ad minus in tribus libris theologiæ teneatur prouidere, in Biblia, Historiis, & Sententiis, & ipsi in his tam in textu, quàm in glossis præcipuè studeant diligenter, & intendât. Tres fratres tantû mittantur Parisios ad studendû de prouincia, exceptis prouinciis Hisp. Tolosana, Lombard. Teutonia, Saxoniæ, Dalmatiæ, Franciæ, Poloniæ, Greciæ, Terræ sanctæ, Aragoniæ, Boëmiæ, Prouinciæ, & S. Dominici, de quarum qualibet duo tantum mittantur. Curet. autem Prouincialis si habuerit aliquos viles ad studendum, qui possent in breui apti esse ad regendum, mittere ad studendum ad loca vbi viget studium extra suas prouincias, de Diffinitorum capituli Prouincialis, vel maioris partis eorum consilio, & assensu. Si verò aliquis missorum studentium infra sex menses à tempore celebrati capituli mori contigerit, vel alias legitimè impediri, Prouincialis loco eius poterit alium subrogare, & illi ad quos mittuntur, eos in aliis non audeant occupare, neque ad prouinciam suam remittere, nisi fuerint reuocati. Postquam autem in aliquo studio, per tres annos ad plus fuerint commorati, ipso facto sint ab ipso studio absoluti, nisi de Magistri ordinis speciali licentia. Et hoc idem circa studentes eiusdem prouinciæ seruetur.

Ex Cap. de studentib.

Studia generalia, siue vniuersitates determinatæ in diuersis capitulis generalibus, in quibus actus scholastici exerceri debent, extra quas eos exercentes non admittuntur ad gradus, sunt istæ.

In primis Conuentus Parisiensis.

Hispaniæ, Conuentus, Salmaticensis, Valleoletanus, Segobriensis, & de Trianos.

Tolosana, Conuentus Burdegalensis.

Franciæ, Conuentus Bituricensis, & Remensis.

Lombardiæ, Conu. Bononiensis.

Romana, Conu. Perusinus, & Romanus.

Regni, Conu. S. Dominici de Neapoli.

Prouinciæ, Conu. Aquisgranensis.

Aragoniæ, Conu. Barchinonen. Valentini, & Cæsaraugustanus.

Dalmatiæ, Conu. Iadrensis.

Trinacriæ, Conu. S. Dominici de Panormo.

Portugalliæ, Collu. Vlixponensis. De bello, Eborensis, & Conimbriensis.

Bethiciæ, Conu. Cordubensis, Hispanien. Giennensis.

Germaniæ, Conu. Louanienensis, & Duacensis.

S. Thomæ, Conu. Andriensis.

Calabria,

- In provincia
- Calabria, Conu. Consentinus.
 - S. Crucis Indiarum, Conu. Ciuitatis S. Dominici.
 - S. Io. Baptistæ del Peru, Conu. Ciuitatis Regum, & della Plata.
 - S. Dominici, Conu. Parauinus.
 - S. Petri martyris, Conu. S. Eustorgij de Mediolano.
 - S. Antonini de nouo regno, Conu. S. Dominici de Tuniz.
 - S. Laurentij de Chilæ, Conu. S. Rosarij de Chilæ.
 - Aprutina, Conuentus Aquilanus.
 - Occitana, Conu. Thololanus, & Auinionensis.

In Congregatione Gallicana, Conuentus Nanctensis, Parisiensis,

In Congregatione Russæ, Conuentus Leopoliensis.

Prouinciales debent diligenter de iuuenibus, aptis ad studium, qui in breui possunt proficere inquirere, & illos ad studia generalia mittere, si tamen sint bene morigerati, & his parcatur à discursu, & aliis occupationibus, ne à studio retrahantur. Nullo autem modo mittant discipulos, & ineptos. Et si qui tales missi sunt, illico reuocentur, ne aliis impedimentum præstent. Fratres missi ad studia generalia extra suas Prouinciâs sunt de illis Conuentibus à quibus recesserunt, & completo triennio studij taxato à Constit. remanent Conuentuales illius Conuentus in quo erant prius assignati. Si autem est studens suæ prouinciæ completo studio remanet Conuentualis illius Conuentus in quo fuit studens. Hæc ex declarat. eiusdem capitis de studentibus.

Pius II. vt apparet in suo priuilegio 1. omnibus Generalibus mendicantium concedit, vt reuocare possint, ac punire fratres suos in studiis generalibus, vel vniuersitatibus assignatos, cum discipuli, & rebelles euadunt his verbis.

Cum itaque sicut accepimus Prouinciales nonnullos ex fratribus suis idoneos ad literarum studia, in locis ubi vigent, destinare consueuerint, &c. quorum nonnulli discipuli, & vagabundi effici solent, &c. & priuilegijs studiorum tueri se satagunt contra obedientiam Prælatorum, &c. Nos itaque &c. discretioni vestre mandamus, quatenus fratres vestros inobedientes tamdiu excommunicatos, ac omnibus gradibus Magisterij, Baccalaureatus, Bibliarius, Lectoria priuatos nuntietis, & ab alijs, ubi, & quando, & quoties expedierit nuntuari procuretis, & si eorum consummatio, vel rebellio id exposcerit, carceribus mancipari faciatis, donec humiliter obedire studuerint, &c.

Et in Conc. Trid. sess. 25. de reg. cap. 4. legitur.

Illi etiam (s. regulares) qui studiorum causa ad vniuersitates mittuntur, in Conuentibus tantum habitent, alioquin, ab Ordinarijs contra eos procedatur.

Hæc ex capitulis habentur, Iuuenes ad studia mittendi, non præferantur iure antiquitatis, sed à Prouinciali, vel Priore Conuentuali de consilio patrum eligantur, qui probatis moribus, præuio etiam examine magis idonei inuenti fuerint, Romæ 1569. & Barch. 1574. Et Romæ 1589. dicitur. Nullus ad collegia, seu studia mittatur generalia, nisi à patribus Conuentus in quo vixit, & à quo discedit, doctrinæ, & morum testimonium secum detulerit. Item, Studentes formales quadriennales sint, aut ad minus cum Superiorum dispensatione triennales. Et Romæ 1601. statuitur, vt tantum sint triennales. Valleoleti 1605. dicitur. Tēpus studij formalium studentium sit trien-

nium completum, quo finito, non possunt ultra in eodem studio manere, vt alijs locus detur. Romæ 1608. Quolibet anno, tam in principio, quam in fine studiorum, examinentur studentes, ab officialibus studij, seu moderatoribus, & inepti priuentur studio, & in alijs occupentur, & mandatur studentibus aliarum prouinciarum, vt peracto suorum studiorum tempore, quâ primum ad suas prouincias reuertantur. Idem confirmatur Parisiis 1611. Omnes studentes, & studij officiales non nisi latino sermone loquantur, & literas scribant, tam in exercitijs literarijs quàm extra, Romæ 1571. & Barchinone apponitur pœna priuationis officiorum.

De Lectionibus habendis.

CAP. XLIII.

NVllus fratrum nostrorum legat in prophetis, vel psalmis alium sensum literalem, nisi quem sancti approbant, & confirmant. *Ex Cap. de studentibus.*

Multa tradita sunt circa qualitatem lectionum. Nam Bonon. 1564. dicitur. In studijs generalibus duæ lectiones de sententijs, aut de partibus summæ D. Thomæ semper habendæ sunt, altera speculatiua, altera moralis, & pre-textu lectionis sacræ scripturæ nihil immutetur circa theologiæ scholasticæ lectiones. Romæ 1571. Speculatiua sit de 1. parte S. Thomæ, vel etiam, de prima secundæ, aut etiam de Incarnatione, Moralis vero sit de 2. 2. vel de 4. sententiarum. In disputationibus alternis vicibus de vtraque proponantur conclusiones, & in quotidianis exercitijs de vna fiat conclusio, de altera collatio, vt vtriusque rationem habeant studentes. Confirmatur Barchin. 1574. & Romæ 1580. Romæ vero 1589. statuitur. Ne tempus frustra conteratur mandatur sub præcepto formali Regentibus, & Baccalaureis studiorum, vt infra quatuor annos totam S. Thomæ summam aut o simul perlegisse teneantur materias difficiliore, & magis necessariae explicantes, opinionum vero superfluitates, & alia minus necessaria refecantes, & monentur studiorum officiales, ne pretextu prædicationis studia prætermittant, studentes quoque concionibus non vacent vsque quo studium compleuerint, aliter à studio amoueantur. In cap. vero sequenti Veneto 1592. declaratur ablatam fuisse obligationem legendi collectim, totam summam quadriennio, admonenturque prædicti studiorum officiales, & alij Lectores, vt difficiliore, & magis necessariae materias tractent, & minus necessariae dimittant, vt sic discipuli proficere possint.

In exponenda doctrina SS. Patrum seruent fideliter illud sac. Conc. Triid. decretum, quod habetur sess. 4. cap. 2.

Synodus sancta ad coercenda petulantia ingenia decernit, vt nemo suæ prudentiæ iniuriam, in rebus fidei, & morum, ad ædificationem doctrinæ Christianæ pertinentium, sacram scripturam ad suos sensus contorqueat contra eum sensum quem tenuit, & tenet S. mater Ecclesia cuius est iudicare de vero sensu, & interpretatione sacrarum scripturarum, aut etiam contra vniuersum consensum Patrum ipsam sacram scripturam

interpretari audeat, etiam si huiusmodi interpretationes, nullo unquam tempore in lucem edenda forent. Qui contra fecerint per Ordinarios declarentur, & pœnis à iure statutis puniantur.

Vbi autem, & quando habenda sit Sacra Scripturae lectio dictum est supra cap. de studentibus, ibidem etiam dictum fuit de lectione casuum conscientiae. Et in de cl. cap. de studentibus habetur. Nullus frater audeat recitare, aut confirmare aliquam singularem opinionem contra communem doctorum sententiam, in his quæ ad fidem vel bonos mores pertinere noscuntur, nisi reprobando, & obiectionibus respondendo. Et Valleoleti 1605. mandatur omnibus sub pœna priuationis graduum, ne inter legendum asserant vel tueantur quamcumque singularem opinionem, quæ communi SS. Patrum sententiæ dissona sit, nec eam quouis modo referant nisi ad confutandum. Et omnes inuigilent in voluminibus SS. Patrum euoluendis, & suas opiniones eorumdem sententiis corroborare nitantur, & eos in fonte respicere teneantur. De usu autem sacrarum scripturarum, habenda est præ oculis illa aurea sententia Sac. Conc. Trid. sess. 4. cap. 2.

Post hæc temeritatem illam reprimere volens, quæ ad Prophana quæque conuertuntur, & torquentur, verba, & sententiæ sacra scripturae, ad scurrilia, s. fabulosa, vana, adulationes, detractiones, superstitiones, impias & diabolicas incantationes, & uinationes, sortes, libellos etiam famosos mandata præcipit (Synodus) ad tollendam huiusmodi irreuerentiæ & contemptum, ne de cætera quispiam quomodolibet, verba scripturae sacra, ad hæc, & similia audeat usurpare, & omnes huius generis temeratores, & violatores verbi Dei iuris, & arbitrij penis per Episcopos coercantur.

Caueant etiam qui docent, ne aliquid statuant, aut asserant, quod sit decretis Conc. Tridentini dissonum. Vnde Romæ 1569. præcipitur omnibus Magistris, Baccalaureis, Lectoribus, & aliis quibuscumque sub pœna priuationis cuiuscumque gradus, ultra pœnas à iure statutas, ne audeant asserere, aut defendere publice vel priuatim, articulum vllum pugnantem cum articulis, seu decretis Conc. Trid. siue ad bonos mores, siue ad dogmata fidei attinentibus, præsertim cum canone illo de confessione necessario præmittenda ante summptionem corporis Christi, etiam, si aliquem ex nostris insignioribus doctoribus, Durandum. s. & Caietanum vel alium patrocinantem habuerint. Confirmatur Romæ 1571. Barchinone 1574. & Romæ 1580. Et præ cæteris notanda est Constitutio. Pij 4. super confirmatione dicti concilij ita disposens.

Auctoritate Apostolica inhibemus omnibus, tam Ecclesiasticis personis cuiuscumque ordinis sint, quam laicis, &c. sub excommunicationis lata sententiæ pœnis, ne quis sine auctoritate nostra audeat illos commentarios, glossas, annotationes, scholia, vllum vè interpretationis genus, super ipsius Conc. decretis, quocumque modo edere aut quicquam quocumque nomine etiam sub prætextu maioris corroboracionis, aut exentionis alio vè questio colore statuere. Si cui vero in eis aliquid obscurius dictum vel statutum fuisse, eamque ob causam interpretatione, aut decisione aliqua egere, visum fuerit: accedat ad sedem Apostolicam omnium fidelium magistræ, &c.

De doctrina autem D. Thomæ hæc decernuntur in de cl. capitis de studentibus. Imponitur omnibus lectoribus, quod de doctrinam S. Thomæ quæ

aliis anior est, & communior, ac ordini nostro, & toti mundo utilis, & honorabilis, legant, & secundum eam determinent, & in ea scholares suos informant, & in disputationibus, conclusiones eiusdem S. Doctoris teneant, & defendant, & rationes contrarias soluant. Districte etiam prohibetur, ne aliquis frater legendo, disputando aut determinando audeat asserere, aut tenere assertiue contrarium eius quod communiter tenetur esse de opinione dicti S. Doctoris. Qui autem in hoc deliquerit, officio lectoratus priuetur. Est enim eius doctrina per totum orbem splendens, tanquam clara, firma, & solida, inter alias, per sedem Apostolicam, per principalesque Ecclesie doctores, cum testimonio Vniuersitatis Parisiensis, confirmata. Debent autem Lectores Theologie, legere totum articulum S. Thomae, & ex ipso met illum declarare, & dilucidare. Quicunque autem verbo vel scripto, a solida doctrina D. Thomae recesserit, contrarium aliquid illi dicendo, officio lectoratus, & quocumque alio gradu, & dignitate priuetur perpetuo. Ita sancitum fuit Bononiz 1564. & confirmatum fuit Romae 1569. Romae 1571. Barchinonae 1574. Valentiae 1596. ubi extenditur poena priuationis etiam ad praedicatores, si aliquid contra eundem S. Doctorem populo proponant. Et Parisiis 1611. decernitur ut Lectores in legendo textum suum Arist. suum S. Thomae non summarie, vel confusum, sed articulate declarent, & exponant, rationem habentes non solum sententiarum, sed etiam ordinis, & connexionis textuum, & haec a discipulis in examine, & conferentiis exigant, & memoriae tradi procurent.

De Lectoribus.

CAP. XLIIII.

NVllus fiat publicus doctor, aut disputet, nisi de licentia Prouincialis, & Diffinitorum capituli prouincialis.

Ex cap. de studentibus.

In primis Alexander 4. facultatem concedit Magistro ordinis, & Prioribus deputandi Lectores, etiam ad legendum Sacram Theologiam his verbis, ut patet in suo priuilegio 17.

Hinc est quod deuotionis vestrae presentium auctoritate concedimus, ut singuli fratres de ordine vestro, quos secundum Constit. ipsius ordinis Conuentibus vestris deputandos duxeritis in Lectores, sine cuiusquam alterius licentia, libere in domibus praedicti ordinis legere, ac docere valeant in Theologica facultate, illis locis exceptis ubi viget studium generale, ac etiam quilibet in facultate ipsa docturus solemniter incipere consueuit.

Sixtus 4. in Marimagno eadem propriissima verba repetens, illa communit, & corroborat. Ex decl. Per publicum doctorem intelligit Constitutio, publicum, & principalem Lectorem. In capitulo etiam de domibus concedens dicit Constitutio.

Nullus Conuentus admittatur sine Priore, & doctore.

Et declaratio ibidem habet, per doctorem debere intelligi Lectorem qui legat in eo Conuentu, & Venetiis 1592. cum agitur de voto praestando.

à Lectoribus primis in consilio dicit Lectores primi qui, & doctores Conuentuum nuncupantur. Huiusmodi autem principales Lectores, non debent ad lecturam cuiuscumque facultatis promoueri, nisi per Prouincialem, & Diffinitores capituli prouincialis fuerint sufficientes iudicati, & hi debent quotidie vel saltem quatuor vicibus in septimana legere, legitimo cessante impedimento, alias gratiis Lectorum priuentur. Et quamuis Prouincialis Lector principalis possit instituire, & habilitare eum ad legendum in Sacra Theologia in Conuentibus vbi non viget studium generale, dummodo non legat vt Magister, non tamen potest habilitare aliquem ad legendum pro gradu, & forma Magisterij.

Nullus autem ad legendum logicalia approbatur, nisi prius logicam nouam duobus annis audierit, & aliis duobus annis audierit naturalia, & per principalem Lectorem, nec non & Lectorem naturalium idoneus iudicatus fuerit. Ad legendum vero naturalia nemo admittatur nisi duobus annis Theologiam audierit, & in questionum obiectionibus, & responsionibus testimonio principalis Lectoris, & Magistri studentium ad hoc fuerit sufficiens reputatus. Ad legendum vero sententias nullus exponatur, nisi per quatuor annos in aliquo studio Theologiam audierit, & prædictorum testimonio verbo, vel scripto, idoneus fuerit repertus, & totum cursum articulum integre, & non interpolate à dialectica incipiendo persoluerit, Barchin. 1574. Romæ autem 1589. dicitur. Ad lectoratus gradum nullus promoueat, nisi totam S. Thomæ summam integre audierit. Lectores non occupentur in aliis exercitiis, nec retrahantur à studiis, nec in officio regiminis occupentur, donec aliquibus annis manus Lectoris exerceant.

Romæ 1571. ordinatur, vt Lectores non assumantur iure antiquitatis, nec ad determinatum tempus assignentur, sed à Prouincialibus, & Diffinitoribus deputentur, qui magis idonei sunt ad docendum, Et qui in hoc munere docendi egregij sunt, etiam causa prelationis à studiis non arceantur. Idem confirmatur Barch. 1574. Romæ 1580. Et Romæ 1589. apponitur præceptum formale, & pœna excommunicationis, Prouincialibus, Vicariis, Diffinitoribus, & aliis qui prouisioni studiorum intendunt vt semoto omni particulari affectu, solum Deum, & religionis beneficium sibi proponentes, non nisi idoneos, & tanto muneris aptos, qui suis discipulis prodesse possint admittant, & hoc per vota secreta. Et Valentia 1596. Confirmatur ordinatio de examinandis omnibus graduandis, & approbandis per vota secreta, & statuitur, vt inter Lectorum, & aliorum studij officialium examinatores conuocentur Prior conuentus, vbi talis est consuetudo, Regens, Baccalaureus, cum tribus aliis Magistris, si haberi poterunt, vel Baccalaurei, aut Lectores Theologiæ ad arbitrium Prouincialis, ita vt omnino sint quinque examinatores, quibus sub præcepto formali, & sub pœna excommunicationis lata sententiæ mandatur, ne odio aut amore indignos approbent, & dignos excludant, sed pro conscientia sua vota secreta præbeant. Et Superioribus sub eodem præcepto, & pœna imponitur, ne quempiam ad præfata officia, & gradus admittant, sine huiusmodi prævio examine, & ap-

probatione. Quæ ordinatio confirmatur Romæ 1601. reuocata excommunicationis pœna, Et Valleoleti 1605. additur, vt in prouisionibus studiorum non attendant Prælati ad solam professionis antiquitatem, sed personarum sufficientiam eruditionem, & bonos mores, vt discipulos verbis, & factis instruant. Et Romæ 1608. declaratur, quod Lectores examinari, & approbati in aliquo studio generali, non teneantur amplius examinari in propria vel aliena prouincia. Et Neapoli 1600. statuatur, Lectores in sui institutione sicut & omnes alij graduati, genuflexi coram Prouinciali vel Præsidente Conuentus, professionem fidei emittant, iuxta bullam Pij IV. de cuius fidei professionis emissionem testimonium autenticum reportare debent. Et si secus factum fuerit, collatio officij nulla sit.

Lectores primi, qui & doctores Conuentuum nuncupantur, per ea quæ in cap. Veneto 1592. sancita sunt, primam post patres graduatos in religione ipsis antiquiores in patrum consiliis vocem habeant. Verum in cap. Neapol. 1600. reprimatur hoc statutum hoc modo. Ita intelligenda est prædicta ordinatio, quod Lectores primi post graduatos, i. Magistros, eos qui fuerunt Prouinciales illius vel alterius Prouinciæ, Inquisitores, Baccalaureos, Prædicatores generales, Suppriorum, & post eos qui fuerunt Lectores primi, in eo Conuentu, imo & qui fuerunt Priores ibi vel alibi, in religione antiquiores, vocem habeant primam. Et Romæ 1571. dicitur Lectores in quibuscumque Prouinciis, Vicariis, & Congregationibus locum suæ professionis tenere debent, nec permittantur locum superiorem tenere, nisi alius ratione gradus sibi deberetur, non obstante quacumque consuetudine. Confirmatur Barch. 1574. Neque etiam ratione gradus Lecturatus à chori sequela exempti sunt. Vnde in declar. cap. de studentibus dicitur, Lectores vt Lectores nullam habent libertatem remanendi à choro, & à refectorio, sed Priores pensatis eorum laboribus in continuitate lectionum, poterunt quandoque cum eis in abstinentiis, & vigiliis dispensare. Et in decl. cap. de officio Ecclesiæ, habetur. Nullus frater ratione paternitatis aut alterius gradus exemptionem prætendat à sequela chori, aut aliis grauaminibus ordinis Lectoribus, Prædicatoribus ac Magistris actu legentibus, & prædicantibus dumtaxat exceptis. Et Venetiis 1592. dicitur omnes fratres cuiuscumque gradus, & conditionis sint, teneri ad sequelam chori, die nocteque & ad alia ordinis grauamina sufferenda, & etiam ad hebdomadariam, respectuè Magistris in Theologia Lectoribus ac Prædicatoribus, actu legentibus vel prædicantibus, dumtaxat exceptis, circa quos legitimæ consuetudines prouinciarum seruentur. Reliqui vero tam Lectores quam Prædicatores, nullis prorsus gaudeant priuilegiis, & Prælati sub pœna priuationis officiorum, & vocis vtriusque, illos nullis gaudere priuilegiis permittant. Quod, & Parisiis 1611. repetitum fuit, Valentia vero 1596. & Romæ 1601. confirmatur tantum illa particula vt graduati teneantur ad sequelam chori, Magistris Lectoribus, & Prædicatoribus actu legentibus, & prædicantibus dumtaxat exceptis circa quos consuetudines legitimæ seruentur. Romæ autem 1608. pro prouincia Lombardiæ ita statutum reperitur. Lectores non actuales nullis prorsus gaudeant priuilegiis,

& exemptionibus lectorum, sed teneantur lequi chorum die nocteque vt alij fratres. Qui autem per integros duodecim annos legerint, serialibus tantummodo diebus, à matutinis de nocte eximantur.

Aduertant Lectores, id quod traditum fuit Bononiæ 1564. vt in publicis disputationibus quæ in capitulis, tum generalibus, tum prouincialibus fiunt, affectiones proponant, de Sacra Scriptura, vel Theologia speculatiua, siuè morali. Alia verò quæ curiositati potius quam vtilitati seruiunt, aut parè inferantur, aut omnino dimittantur. Cætera quæ de Lectorum exercitiis desiderantur habentur capitibus præcedentibus, de studentibus, de studiis generalibus, & delectionibus.

De patribus à consiliis.

CAPVT XLV.

DE huiusmodi patribus à consiliis non nisi incidenter sermo habetur in Constitutionibus, nam in cap. de domibus construendis, siuè de ædificiorum qualitate, habentur hæc verba.

Mandamus in domibus nostris iam constructis nullam fieri ædificationem notabilem, nisi de licentia Prouincialis, & consilio, & assensu patrum.

Et cap. de electione Prioris dicitur.

Prior autem Conuentualis de Consilio discretorum fratrum sui Conuentus, instituat Suppriorum.

In declarationibus vero multa habentur, & primo ex decla. cap. de recipiendis, de examinadoribus recipiendorum dicitur eos debere esse de consilio patrum, & subdit. Ad hoc autem consilium vocandi sunt, qui fuerunt Priores vel Lectores primi, vel Vicarij nationum, vel in studio generali sententias legerunt, vel qui sunt actuales Suppiores, & qui per Magistrum ordinis, aut Prouinciales instituti sunt, & in nullo Conuentu, excepto Parisiensi ob multitudinem graduatorum, duodenarium numerum excedant, ad quem ante ætatem quadraginta annorum nullus admittatur, exceptis his qui patres de iure sunt, de quibus supradictum est. Post Priorem autem primus Magistri debent computari, subinde Supprior, & Baccalaureus ordinarius tantum, & successiue cæteri prout iuris ratio postulat, & hi locum suæ professionis teneant, siuè sint patres de iure, siue ex gratia. In declarat. cap. de officio Ecclesiæ, dicitur nullus frater ratione paternitatis exemptionem à choro, & aliis grauaminibus ordinis prætereundum potest.

Ex ordinationibus vero capitulorum hæc habentur. Romæ 1569. dicitur. In quolibet Conuentu sint deputati aliqui patres à consiliis viri prudentes, sine quibus, non liceat Prioribus grauiora Conuentus tractare negotia, quæ in peculiari libro etiam præscribenda sunt, nec possunt Priores ad libitum hos patres instituere, aut destituere, cum hoc ad Prouinciales pertineat, & præter eos qui secundum Constitutiones hoc officio fungi consue-

tiam de eisdem casibus, inter paucos religiosos in ipsis commorantes, fieri curabunt Superiores.

Habenda est etiam lectio sacræ scripturæ iuxta decretum Concil. Trid. quod est sess. 5.

In Conuentibus regularium, in quibus studia commodè vigere possunt, sacræ scripturæ lectio habeatur, quæ lectio à capitulis generalibus, vel provincialibus assignetur dignioribus Magistris.

Bononiæ autem 1564. In huius decreti obseruantia statutum fuit, ut in omnibus Conuentibus in quibus studia vigent, & in aliis, qui idonei iudicabuntur, sacræ scripturæ lectio assignetur, ad quam per legendam illi potissimum assumantur, quorum doctrina aduenientes spirituales fructum referre possint. Et Romæ 1569. dicitur. Festiuis diebus toto anno in nostris Ecclesiis, legatur populo lectio de sacræ scriptura, vel de Catechismo, cui lectio ni intersint fratres maxime iuniores, & laici. Idem habetur Romæ 1571. Barch. 1574. Venetiis 1592.

Linguam Græcam, vel Hebraicam, non addiscant fratres, sine peculiari licentia Prouincialis in scriptis habenda, in qua fiat mentio expressa præceptoris à quo addiscere eam debent, quod & fuit confirmatum Romæ 1569. Romæ 1571. Barchin. 1574. At Romæ 1608. ordinatur, ut post sex menses ab harum notitia Prouinciales singuli in sua prouincia, teneantur instituire studium linguarum præcipuè Hebraicæ, & Græcæ, conquisitis ad id munus doctissimis præceptoribus, quod si ex ordine nostro haberi non possint, ex secularibus eligant designatis annuis stipendiis ex communibus prouinciæ sumptibus.

Et Parisiis 1611. denuntiatur Paulum 5. circa studium linguarum constituisse ut infra.

Hæc perpetuè valitura Constitutione sancimus, ut in cuiuscumque ordinis tam mendicantium, quam non mendicantium studijs omnibus, trium linguarum Hebraica. s. Græca, & Latina, in celebrioribus verò etiam Arabica doctores habeantur, regulares quidem eiusdem ordinis si sint illarum notitiam habentes, sin autem alterius ordinis, vel seculares, qui illas doceant, &c. Omnibus regularium Superioribus sub pœna indignationis nostræ, & si ipsi negligentes fuerint, Profectoribus ordinum iniungimus, ut prouideant, quod talia studia instituantur, &c. Et in promotione ad doctoratum, & alios gradus illi cæteris paribus preferantur, qui in cognitione trium dictarum linguarum profecerint.

De studijs generalibus.

C. A. P. XLII.

Qualibet prouincia, exceptis Græciæ, Daciæ, Terræ sanctæ, prouideat, ut semper in Conuentu aliquo idoneo, sit generale studium, & solemne, & ad illum locum quilibet Prouincialis potestatem habeat mittendi duos fratres idoneos ad studendū Quod si in aliqua prouincia, Lector sufficiens pro tali studio non fuerit, Magister ordinis de Lectore prouideat compe-

- In provincia
- Calabria, Conu. Consentinus.
 - S. Crucis Indiarum, Conu. Ciuitatis S. Dominici.
 - S. Io. Baptistæ del Peru, Conu. Ciuitatis Regum, & della Plata.
 - S. Dominici, Conu. Patavinus.
 - S. Petri martyris, Conu. S. Eustorgij de Mediolano.
 - S. Antonini de nouo regno, Conu. S. Dominici de Tuniz.
 - S. Laurentij de Chilæ, Conu. S. Rosarij de Chilæ.
 - Aprutina, Conuentus Aquilanus.
 - Occitana, Conu. Tholosanus, & Auinionensis.

In Congregatione Gallicana, Conuentus Nanetenfis, Parisiensis,

In Congregatione Rusiæ, Conuentus Leopoliensis.

Prouinciales debent diligenter de iuuenibus, aptis ad studium, qui in breui possunt proficere inquirere, & illos ad studia generalia mittere, si tamen sint bene morigerati, & his parcatur à discursu, & aliis occupationibus, ne à studio retrahantur. Nullo autem modo mittant discipulos, & ineptos. Et si qui tales missi sunt, illico reuocentur, ne aliis impedimentum præstent. Fratres missi ad studia generalia extra suas Prouinciâs sunt de illis Conuentibus à quibus recesserunt, & completo triennio studij taxato à Constit. remanent Conuenticales illius Conuentus in quo erant prius assignati. Si autem est studens suæ prouinciæ completo studio remanet Conuenticalis illius Cōuentus in quo fuit studens. Hæc ex declarat. eiusdem capituli de studentibus.

Pius II. ut apparet in suo priuilegio 1. omnibus Generalibus mendicantium concedit, ut reuocare possint, ac punire fratres suos in studiis generalibus, vel vniuersitatibus assignatos, cum discipuli, & rebelles euadunt his verbis.

Cum itaque sicut accepimus Prouinciales nonnullos ex fratribus suis idoneos ad literarum studia, in locis ubi viget, destinare consueuerint, & c. quorum nonnulli discipuli, & vagabundi effici solent, & c. & priuilegijs studiorum tueri se satagunt contra obedientiam Prælatorum, & c. Nos itaque & c. discretioni vestre mandamus, quatenus fratres vestros inobedientes tamdiu excommunicatos, ac omnibus gradibus Magisterij, Baccalaureatus, Bibliarius, Lectoria priuatis nuntietis, & ab alijs, ubi, & quando, & quoties expedierit nuntiari procuretis, & si eorum contumacia, vel rebellio id exposcerit, carceribus mancipari faciatis, donec humiliter obedire studuerint, & c.

Ecce Conc. Trid. sess. 25. de reg. cap. 4. legitur.

Illic etiam (s. regulares) qui studiorum causa ad vniuersitates mittuntur, in Conuentibus tantum habitent, alioquin, ab Ordinarijs contra eos procedatur.

Hæc ex capitulis habentur, Iuuenes ad studia mittendi, non præferantur iure antiquitatis, sed à Prouinciali, vel Priore Conuenticali de consilio patrum eligantur, qui probatis moribus, præuio etiam examine magis idonei inuenti fuerint, Romæ 1569. & Barch. 1574. Et Romæ 1589. dicitur. Nullus ad collegia, seu studia mittatur generalia, nisi à patribus Conuentus in quo vixit, & à quo discedit, doctrinæ, & morum testimonium secum detulerit. Item, Studentes formales quadriennales sint, aut ad minus cum Superiorum dispensatione triennales. Et Romæ 1601. statuitur, ut tantum sint triennales. Valleoleti 1605. dicitur. Tēpus studij formalium studentium trien-

nium completum, quo finito, non possunt vltra in eodem studio manere, vt aliis locus detur. Romæ 1608. Quolibet anno, tam in principio, quam in fine studiorum, examinentur studentes, ab officialibus studij, seu moderatioribus, & inepti priuentur studio, & in aliis occupentur, & mandatur studentibus aliarum prouinciarum, vt peracto suorum studiorum tempore, quā primum ad suas prouincias reuertantur. Idem confirmatur Parisiis 1611. Omnes studentes, & studij officiales non nisi latino sermone loquantur, & literas scribant, tam in exercitiis literariis quā extra, Romæ 1571. & Barchinone apponitur pœna priuationis officiorum.

De lectionibus habendis.

CAP. XLIII.

NVllus fratrum nostrorum legat in prophetis, vel psalmis alium sensum literalem, nisi quem sancti approbant, & confirmant. *Ex Cap. de studentibus.*

Multa tradita sunt circa qualitatem lectionum. Nam Bonon. 1564. dicitur. In studiis generalibus duæ lectiones de sententiis, aut de partibus summæ D. Thomæ semper habendæ sunt, altera speculatiua, altera moralis, & pre-textu lectionis sacræ scripturæ nihil immutetur circa theologiæ scholasticæ lectiones. Romæ 1571. Speculatiua sit de 1. parte S. Thomæ, vel etiam, de prima secundæ, aut etiam de Incarnatione, Moralis vero sit de 2. 2. vel de 4. sententiarum. In disputationibus alternis vicibus de vtraque proponantur conclusiones, & in quotidianis exercitiis de vna fiat conclusio, de altera collatio, vt vtriusque rationem habeant studentes. Confirmatur Barchin. 1574. & Romæ 1580. Romæ vero 1589. statuitur. Ne tempus frustra conteratur mandatur sub præcepto formali Regentibus, & Baccalaureis studiorum, vt infra quatuor annos totam S. Thomæ summam aut o simul perlegisse teneantur materias difficiliiores, & magis necessarias explicantes, opinionum vero superfluitates, & alia minus necessaria refecantes, & monentur studiorum officiales, ne pre-textu prædicationis studia prætermittant, studentes quoque concionibus non vacent vsque quo studium compleuerint, aliter à studio amoueantur. In cap. vero sequenti Veneto 1592. declaratur ablatam fuisse obligationem legendi collectim, totam summam quadriennio, ad mouenturque prædicti studiorum officiales, & alij Lectores, vt difficiliiores, & magis necessarias materias tractent, & minus necessarias dimittant, vt sic discipuli proficere possint.

In exponenda doctrina SS. Patrum seruent fideliter illud sac. Conc. Trid. decretum, quod habetur sess. 4. cap. 2.

Synodus sancta ad coercenda petulantia ingenia decernit, vt nemo suæ prudentiæ iniunctis, in rebus fidei, & morum, ad ædificationem doctrinæ Christianæ pertinentium, sacram scripturam ad suos sensus contorquens contra eum sensum quem tenet, & tenet S. mater Ecclesia cuius est iudicare de vero sensu, & interpretatione sacrarum scripturarum, aut etiam contra vniuersum consensum Patrum ipsam sacram scripturam

interpretari audeat, etiam si huiusmodi interpretationes, nullo unquam tempore in lucem edenda forent. Qui contra fecerint per Ordinarios declarentur, & pœnis à iure statutis puniantur.

Vbi autem, & quando habenda sit Sacra Scripturae lectio dictum est supra cap. de studentibus, ibidem etiam dictum fuit de lectione casuum conscientiae. Et in decla. cap. de studentibus habetur. Nullus frater audeat recitare, aut confirmare aliquam singularem opinionem contra communem doctorum sententiam, in his quæ ad fidem vel bonos mores pertinere noscuntur, nisi reprobando, & obiectionibus respondendo. Et Valleoleti 1605. mandatur omnibus sub pœna priuationis graduum, ne inter legendum asserant vel tueantur quamcumque singularem opinionem, quæ communi SS. Patrum sententiæ dissona sit, nec eam quouis modo referant nisi ad confutandum. Et omnes inuigilent in voluminibus SS. Patrum euoluendis, & suas opiniones eorundem sententiis corroborare nitantur, & eos in fonte respicere teneantur. De usu autem sacrarum scripturarum, habenda est præ oculis illa aurea sententia Sac. Conc. Trid. sess. 4. cap. 2.

Post hæc temeritatem illam reprimere volens, quæ ad Prophana quaque conuertuntur, & torquentur, verba, & sententia sacra scripturae, ad scurrilia, s. fabulosa, vana, adulationes, detractiones, superstitiones, impias & diabolicas incantationes, & innationes, fortes, libellos etiam famosos mandat ac præcipit (Synodus) ad tollendam huiusmodi irreuerentiæ & contemptum, ne de cætero quispiam quomodolibet, verba scripturae sacra, ad hæc, & similia audeat usurpare, & omnes huius generis temeratores, & violatores verbi Dei iuris, & arbitrij penis per Episcopos coerceantur.

Caueant etiam qui docent, ne aliquid statuant, aut asserant, quod sit decretis Conc. Tridentini dissonum. Vnde Romæ 1569. præcipitur omnibus Magistris, Baccalaureis, Lectoribus, & aliis quibuscumque sub pœna priuationis cuiuscumque gradus, ultra pœnas à iure statutas, ne audeant asserere, aut defendere publice vel priuatim, articulum vllum pugnantem cum articulis, seu decretis Conc. Trid. siue ad bonos mores, siue ad dogmata fidei attinentibus, præsertim cum canone illo de confessione necessario præmittenda ante sumptionem corporis Christi, etiam, si aliquem ex nostris insignioribus doctoribus, Durandum. s. & Caietanum vel alium patrocinantem habuerint. Confirmatur Romæ 1571. Barchinone 1574. & Romæ 1580. Et præ cæteris notanda est Constitut. Pij 4. super confirmatione dicti concilij ita disponens.

Auctoritate Apostolica inhibemus omnibus, tam Ecclesiasticis personis cuiuscumque ordinis sint, quam laicis, &c. sub excommunicationis lata sententia penis, ne quis sine auctoritate nostra audeat illos commentarios, glossas, annotationes, scholia, vllum vè interpretationis genus, super ipsis Conc. decretis, quocumque modo edere aut quicquam quocumque nomine etiam sub prætextu maioris corroboracionis, aut executionis aliorum quæsito colore statuere. Si cui vero in eis aliquid obscurius dictum vel statutum fuisse, eamque ob causam interpretatione, aut decisione aliqua egere, visum fuerit: accedat ad sedem Apostolicam omnium fidelium magistrum, &c.

De doctrina autem D. Thomæ hæc decernuntur in decl. capitis de studentibus. Imponitur omnibus lectoribus, quod de doctrina S. Thomæ quæ

aliustanior est, & communior, ac ordini nostro, & toti mundo utilis, & honorabilis, legant, & secundum eam determinent, & in ea scholares suos informant, & in disputationibus, conclusiones eiusdem S. Doctoris teneant, & defendant, & rationes contrarias soluant. Districtè etiam prohibetur, ne aliquis frater legendo, disputando aut determinando audeat asserere, aut tenere assertiue contrarium eius quod communiter tenetur esse de opinione dicti S. Doctoris. Qui autem in hoc deliquerit, officio lectoratus priuetur. Est enim eius doctrina per totum orbem splendens, tanquam clara, firma, & solida, inter alias, per sedem Apostolicam, per principalesque Ecclesiæ doctores, cum testimonio Vniuersitatis Parisiensis, confirmata. Debent autem Lectores Theologiæ, legere totum articulum S. Thomæ, & ex ipso metillum declarare, & dilucidare. Quicunque autem verbo vel scripto, à solida doctrina D. Thomæ recesserit, contrarium aliquid illi dicendo, officio lectoratus, & quocumque alio gradu, & dignitate priuetur perpetuo. Ita sanctum fuit Bononiæ 1564. & confirmatum fuit Romæ 1569. Romæ 1571. Barchinonæ 1574. Valentia 1596. ubi extenditur pœna priuationis etiam ad prædicatores, si aliquid contra eundem S. Doctorem populo proponant. Et Parisiis 1611. decernitur ut Lectores in legendo textum suæ Arist. suæ S. Thomæ non summarie, vel confusè, sed articulate declarent, & exponant, rationem habentes non solum sententiæ, sed etiam ordinis, & connexionis textuum, & hæc à discipulis in examine, & conferentiis exigant, & memoriæ tradi procurent.

De Lectoribus.

CAP. XLIIII.

NVllus fiat publicus doctor, aut disputet, nisi de licentia Prouincialis, & Diffinitorum capituli prouincialis.

Ex cap. de studentibus.

In primis Alexander 4. facultatem concedit Magistro ordinis, & Prioribus deputandi Lectores, etiam ad legendum Sacram Theologiam his verbis, ut patet in suo priuilegio 17.

Hinc est quod deuotioni vestra, presentium auctoritate concedimus, ut singuli fratres de ordine vestro, quos secundum Constit. ipsius ordinis Conuentibus vestris deputandos duxeritis in Lectores, sine cuiusquam alterius licentia, liberè in domibus prædicti ordinis legere, ac docere valeant in Theologica facultate, illis locis exceptis ubi riget studium generale, ac etiam quilibet in facultate ipsa docturus solemniter incipere consueuit.

Sixtus 4. in Marimagno eadem propriissima verba repetens, illa communit, & corroborat. Ex decl. Per publicum doctorem intelligit Constitutio, publicum, & principalem Lectorem. In capitulo etiam de domibus concedens dicit Constitutio.

Nullus Conuentus admittatur sine Priore, & doctore.

Et declaratio ibidem habet, per doctorem debere intelligi Lectorem qui legat in eo Conuentu, & Venetiis 1592. cum agitur de voto præstando.

à Lectoribus primis in consilio dicit Lectores primi qui, & doctores Conuentuum nuncupantur. Huiusmodi autem principales Lectores, non debent ad lecturam cuiuscumque facultatis promoueri, nisi per Prouincialem, & Diffinitores capituli prouincialis fuerint sufficientes iudicati, & hi debent quotidie vel saltem quatuor vicibus in septimana legere, legitimo cessante impedimento, alias gratis Lectorum priuentur. Et quamuis Prouincialis Lector principalis possit instituere, & habilitare eum ad legendum in Sacra Theologia in Conuentibus vbi non viget studium generale, dummodo non legat vt Magister, non tamen potest habilitare aliquem ad legendum pro gradu, & forma Magisterij.

Nullus autem ad legendum logicalia approbetur, nisi prius logicam nouam duobus annis audierit, & aliis duobus annis audierit naturalia, & per principalem Lectorem, nec non & Lectorem naturalium idoneus iudicatus fuerit. Ad legendum vero naturalia nemo admittatur nisi duobus annis Theologiam audierit, & in questionum obiectionibus, & responsionibus testimonio principalis Lectoris, & Magistri studentium ad hoc fuerit sufficiens reputatus. Ad legendum vero sententias nullus exponatur, nisi per quatuor annos in aliquo studio Theologiam audierit, & prædictorum testimonio verbo, vel scripto, idoneus fuerit repertus, & totum cursum artium integre, & non interpolate à dialectica incipiendo persoluerit, Barchin. 1574. Romæ autem 1589. dicitur. Ad lectoratus gradum nullus promoueat, nisi totam S. Thomæ summam integrè audierit. Lectores non occupentur in aliis exercitiis, nec retrahantur à studiis, nec in officio regiminis occupentur, donec aliquibus annis manus Lectoris exercuerint.

Romæ 1571. ordinatur, vt Lectores non assumantur iure antiquitatis, nec ad determinatum tempus assignentur, sed à Prouincialibus, & Diffinitoribus deputentur, qui magis idonei sunt ad docendum, Et qui in hoc munere docendi egregij sunt, etiam causa prælationis à studiis non arceantur. Idem confirmatur Barch. 1574. Romæ 1580. Et Romæ 1589. apponitur præceptum formale, & pœna excommunicationis, Prouincialibus, Vicariis, Diffinitoribus, & aliis qui prouident studiorum intendunt vt semoto omni particulari affectu, solum Deum, & religionis beneficium sibi proponentes, non nisi idoneos, & tanto muneri aptos, qui suis discipulis prodesse possint admittant, & hoc per vota secreta. Et Valentia 1596. Confirmatur ordinatio de examinandis omnibus graduandis, & approbandis per vota secreta, & statuitur, vt inter Lectorum, & aliorum studij officialium examinatores conuocentur Prior conuentus, vbi talis est consuetudo, Regens, Baccalaureus, cum tribus aliis Magistris, si haberi poterunt, vel Baccalaurei, aut Lectores Theologiæ ad arbitrium Prouincialis, ita vt omnino sint quinque examinatores, quibus sub præcepto formali, & sub pœna excommunicationis latæ sententiæ mandatur, ne odio aut amore indignos approbent, & dignos excludant, sed pro conscientia sua vota secreta præbeant. Et Superioribus sub eodem præcepto, & pœna imponitur, ne quempiam ad præfata officia, & gradus admittant, sine huiusmodi præuio examine, & ap-

probatione. Quæ ordinatio confirmatur Romæ 1601. reuocata excommunicationis pœna, Et Valleleti 1605. additur, vt in prouisionibus studiorum non attendant Prælati ad solam professionis antiquitatem, sed personarum sufficientiam eruditionem, & bonos mores, vt discipulos verbis, & factis instruunt. Et Romæ 1608. declaratur, quod Lectores examinati, & approbati in aliquo studio generali, non teneantur amplius examinari in propria vel aliena prouincia. Et Neapoli 1600. statuatur, Lectores in sui institutione sicut & omnes alij graduati, genuflexi coram Prouinciali vel Præsidente Conuentus, professionem fidei emittant, iuxta bullam Pij IV. de cuius fidei professionis emissionem testimonium autenticum reportare debent. Et si secus factum fuerit, collatio officij nulla sit.

Lectores primi, qui & doctores Conuentuum nuncupantur, per ea quæ in cap. Veneto 1592. sancita sunt, primam post patres graduatos in religione ipsis antiquiores in patrum consiliis vocem habeant. Verum in cap. Neapol. 1600. reprimatur hoc statutum hoc modo. Ita intelligenda est prædicta ordinatio, quod Lectores primi post graduatos, i. Magistros, eos qui fuerunt Prouinciales illius vel alterius Prouincie, Inquisitores, Baccalaureos, Prædicatores generales, Suppriorum, & post eos qui fuerunt Lectores primi, in eo Conuentu, imo & qui fuerunt Priores ibi vel alibi, in religione antiquiores, vocem habeant primam. Et Romæ 1571. dicitur Lectores in quibuscumque Prouinciis, Vicariis, & Congregationibus locum suæ professionis tenere debent, nec permittantur locum superiorem tenere, nisi alius ratione gradus sibi deberetur, non obstante quacumque consuetudine. Confirmatur Barch. 1574. Neque etiam ratione gradus Lectores à chori sequela exempti sunt. Vnde in declar. cap. de studentibus dicitur, Lectores vt Lectores nullam habent libertatem remanendi à choro, & à refectorio, sed Priores pensatis eorum laboribus in continuitate lectionum, poterunt quandoque cum eis in abstinentiis, & vigiliis dispensare. Et in decl. cap. de officio Ecclesiæ, habetur. Nullus frater ratione paternitatis aut alterius gradus exemptionem prætendat à sequela chori, aut aliis grauaminibus ordinis Lectoribus, Prædicatoribus ac Magistris actu legentibus, & prædicantibus dumtaxat exceptis. Et Venetiis 1592. dicitur omnes fratres cuiuscumque gradus, & conditionis sint, teneri ad sequelam chori, die noctuque & ad alia ordinis grauamina sufferenda, & etiam ad hebdomadariam, respectiue Magistris in Theologia Lectoribus ac Prædicatoribus, actu legentibus vel prædicantibus, dumtaxat exceptis, circa quos legitimæ consuetudines prouinciarum seruentur. Reliqui vero tam Lectores quam Prædicatores, nullis prorsus gaudeant priuilegiis, & Prælati sub pœna priuationis officiorum, & vocis vtriusque, illos nullis gaudere priuilegiis permittant. Quod, & Parisiis 1611. repetitum fuit, Valentini vero 1596. & Romæ 1601. confirmatur tantum illa particula vt graduati teneantur ad sequelam chori, Magistris Lectoribus, & Prædicatoribus actu legentibus, & prædicantibus dumtaxat exceptis circa quos consuetudines legitimæ seruentur. Romæ autem 1608. pro prouincia Lombardie ita statutum reperitur. Lectores non actuales nullis prorsus gaudeant priuilegiis.

& exemptionibus lectorum, sed teneantur sequi chorum die nocteque vt alij fratres. Qui autem per integros duodecim annos legerint, serialibus tantummodo diebus, à matutinis de nocte eximantur.

Aduertant Lectores, id quod traditum fuit Bononiæ 1564. vt in publicis disputationibus quæ in capitulis, tum generalibus, tum prouincialibus fiunt, assertiones proponant, de Sacra Scriptura, vel Theologia speculatiua, siue morali. Alia verò quæ curiositati potius quam vtilitati seruiunt, aut parcè inferantur, aut omnino dimittantur. Cætera quæ de Lectorum exercitiis desiderantur habentur capitibus præcedentibus, de studentibus, de studiis generalibus, & de lectionibus.

De patribus à consiliis.

CAPVT XLV.

DE huiusmodi patribus à consiliis non nisi incidenter sermo habetur in Constitutionibus, nam in cap. de domibus construendis, siue de ædificiorum qualitate, habentur hæc verba.

Mandamus in domibus nostris iam constructis nullam fieri ædificationem notabilem, nisi de licentia Prouincialis, & consilio; & assensu patrum.

Et cap. de electione Prioris dicitur.

Prior autem Conuentualis de Consilio discretorum fratrum sui Conuentus, instituat Suppriorem.

In declarationibus vero multa habentur, & primo ex decla. cap. de recipiendis, de examinadoribus recipiendorum dicitur eos debere esse de consilio patrum, & subdit. Ad hoc autem consilium vocandi sunt, qui fuerunt Priores vel Lectores primi, vel Vicarij nationum, vel in studio generali sententias legerunt, vel qui sunt actuales Supprieores, & qui per Magistrum ordinis, aut Prouinciales instituti sunt, & in nullo Conuentu, excepto Parisiensi ob multitudinem graduatorum, duodenarium numerum excedant, ad quem ante ætatem quadraginta annorum nullus admittatur, exceptis his qui patres de iure sunt, de quibus supradictum est. Post Priorem autem primo Magistri debent computari, subinde Supprior, & Baccalaureus ordinarius tantum, & successiue cæteri prout iuris ratio postulat, & hi locum suæ professionis teneant, siue sint patres de iure, siue ex gratia. In declarat. cap. de officio Ecclesiæ, dicitur nullus frater ratione paternitatis exemptionem à choro, & aliis grauaminibus ordinis prætereundere potest.

Ex ordinationibus vero capitulorum hæc habentur. Romæ 1569. dicitur. In quolibet Conuentu sint deputati aliqui patres à consiliis viri prudentes, sine quibus, non liceat Prioribus grauiora Conuentus tractare negocia, quæ in peculiari libro etiam præscribenda sunt, nec possunt Priores ad libitum hos patres instituere, aut destituere, cum hoc ad Prouinciales pertineat, & præter eos qui secundum Constitutiones hoc officio fungi consue-

uerunt, alios substituat Prouincialis, ita tamen quod illorum numerus duodenarium non excedat. Et Romæ 1589. statuitur idem de ætate constituendorum, & de numero duodenario, & prohibetur Prælati sub pena absolutionis ab officio, ne alios supra prædictum numerum conuocent. Et sit secus fiat, totum sit irritum, & decreta in cōsiliis facta nullius sint roboris. In hoc consilio præter supra nominatos de iure conuocandos, conuocari etiam debent Magistri nouitiorum vt magno honore habeantur, si si tamen sint maturæ ætatis, Romæ 1571. & Barch. 1574. Et Parisiis 1611. Conuocentur etiam Prædicatores, qui per decennium integra quadagesima munus Prædicationis gratiosè exercuerunt, in illis Conuentibus in quibus erunt assignati, ita statuitur Barchin. 1574. & Romæ 1580. Qui fuerunt Priores erunt patres à consiliis semper in illis Conuentibus in quibus præfuerunt. Qui vero fuerunt Prouinciales vbique patres erunt, etiam extra prouinciam in qua fuerunt Prouinciales, ita declaratur Valloleti 1605.

Neapoli 1600. habetur. Quæ in consiliis tractabuntur, per vota secreta approbentur, & in libro ad hoc deputato conscribentur, per aliquem ex patribus prædictis, vel per alium Sacerdotem ex assignatis in Conuentulo- co secretarij, per vota secreta electum. Qui si non erit ex collegio patrum, habebit non vocem decisivam, sed consultiuam tantummodo, & nihilominus tenebitur ad secretum, sicut & alij. Et Prouinciales in visitationibus id seruari procurent. Qui autem reuelauerit secreta consilij in præiudicium iustitiæ, vel correctionis, aut etiam personæ cuiuscumque, & quomodo- cumque, sit præsentī statuto in perpetuum priuatus paternitate, nec admitti possit nisi per Capitulum Generale, vel Magistrum ordinis, vt traditur Barch. 1574. & Romæ 1580.

Potissimum autem hæc in consilio patrum pertractanda sunt. Institutio Supprioris, quando fit à Priore, cap. de institutione Supprioris. Edificia notabilia in Conuentibus, cap. de ædificiorum qualitate, & Romæ 1589. Absolutio Supprioris instituti siuè à Prouinciali siuè à Priore, Valentia 1596. Institutio, & absolutio Magistri nouitiorum, quando extra capitulum de hoc discutitur, Electio nouitiorum ab ordine ante professionem, ibidem, & Venetiis 1592. Extractio librorum à cōmuni Bibliotheca Neap. 1600. Romæ 1601. Valloleti 1605. Alienatio siuè commutatio bonorum immobilium etiam habita licentia Prouincialis, Valloleti 1605. Electio depositariorum Conuentus. Valloleti 1605. & Romæ 1608. Licentia ad itinerandum extra fines sui Conuentus ex declarat. cap. de itinerantibus. Admissio fratrum ad collegia siuè ad studia generalia. Romæ 1589. Destinatio Prædicatoris ad instituendam societatem S. Rosarij, & eius institutio, Venetiis 1592. Examen, & admissio fratrum ad audiendas confessiones, tam secularium quam fratrum. Et vniuersaliter, ea omnia quæ à toto capitulo fratrum definienda sunt, prius in consilio patrum discuti solent. Quando autem loqui debeant Lectores primi in consilio, dictum est cap. de Lectoribus. In formulario ordinis cap. de officio consiliariorum dicitur, hæc tractanda esse in consilio præter supradicta, Computatio rationum officialium

officialium Conuentus, Combinatio fratrum euntium ad prædicandum, siue ad quæstum, Prouisio familiarum recipiendæ vel abiiciendæ, Prouisio de necessariis emendis, Distributio librorum fratrum defunctorum.

De Syndicis, depositariis, & Inuentariis bonorum.

C A P V T XLVI.

PEte quæ supra tradita sunt capite, De administratione bonorum in hac secunda parte, & addes, hæc ex cap. Valleoletano 1605. & Romano 1608. Quoniam longa syndicatorum in suo officio perduratio Conuentibus damnoſa esse solet, ordinatur vt nullus syndicus, possit in syndicatorum officio permanere, plusquam per triennium, quo completo ipso facto sit à dicto officio absolutus, nec ad illud ante biennium eligi possit sine licentia Prouincialis, & præmissa noua electione, & maioris partis vocalium Conuentus consensu. Syndico nunquam concedatur facultas acceptandi pecunias, quæ ad extinctionem censuum erogari solent. Qui etiam teneatur singulis hebdomadibus vel mensibus ad summum, reddere rationem Priori, & Depositariis, de omnibus receptis, & pecunias omnes deferre ad depositum, vt in arca deponantur & custodiantur, vnde non poterunt extrahi, nisi in præsentia Prioris, & Depositariorum, & statim in libro maiori scribantur distincte, & clare in quos vsus expendantur. Et syndicus nullas pecunias expendere possit, nisi prius importatæ fuerint in depositum, & inde sibi fuerint, consignatæ à Priore, & Depositariis. Quod si aliter fecerit pænæ proprietariis debita subiaceat. Ex decl. cap. de Nouitiis, Fratres qui habent administrationem bonorum Conuentus, vt procuratores, sacristæ, &c. debent prædicta bona, cum vtilitate, & non cum detrimento administrare, & bene custodire à latronibus, & corruptionibus, & diligenter conseruare, &c. Nec debent pro his officiis salaria quærere, cum omnia opera sua, & voluntas in in manu Prælatorum sint, nec possunt illa vendere, distrahere, donare, &c. Et Romæ 1580. Syndici qui semel reperti fuerint furtum facisse de bonis Conuentus, priuentur officio, & inhabiles reddantur ad quascumque administrationes temporalium bonorum. Et Bono. 1589. Omnes redditus, & prouentus quorumcumque fratrum, vnde quaque aduenientes, Conuentibus quibus secundum iura, & Constit. applicari debent, applicentur, & à syndicis seu Procuratoribus exigi debent, non autem à fratribus singularibus, vt potè bona Conuentus non fratrum singularium, & Prælati pro cuiusque indigentia, in eorum vsus religiosos, secundum partem, aut etiam secundum totum conuerrere poterunt. Et ex decl. cap. de Itinerantibus. Nullus frater debet in curia, ea quæ sibi annuatim legato relinquuntur, repetere, potest tamen iudici ostendere iura sua, & cartam cautelæ sibi factam, & etiam extra iudicium petere. Et in regula dicitur.

Siue autem qui cellario, siue qui vestibus, siue qui codicibus præponuntur, sine murmure seruiant fratribus suis.

Depositariorum vero officium statuitur Valleoleti 1605. & Romæ 1608.

modo ut infra. In quolibet Conuentu, vel domo deputetur aliquis locus fortis, & securus, quod depositum commune appelletur, cuius clauem habeat semper Prior, vel principalis Præsidentis Conuentus. In quo deposito constituatur arca fortis, & valide compacta, quæ claudatur tibus seris, quarum clauēs habeant singuli singulas, videlicet Prior, siue Præsidentis Conuentus, & duo patres Depositarij, moribus, & fidelitate probati, quos maior pars patrum à consiliis, ad hoc munus aptiores esse indicantes elegerint, & in prædicta arca omnes pecuniæ Conuentus deponentur, & custodientur. In administrando autem deposito hæc leges obseruabuntur. Singulis hebdomadibus vel mensibus, ad prædictum depositum conueniant Prior, & duo Depositarij, quibus syndicus, procurator, sacrista, & alij ad quos ratiocinia Conuentus quoquomodo spectant, rationem reddant de receptis hebdomadæ, vel mensis præteriti. Præcipitur autem in virtute Spiritus Sancti, & Sanctæ obedientiæ, sub formali præcepto sacristis, ut nihil eorum quæ recipiunt, expendere audeant; neque etiam sub prætextu adornandæ Ecclesiæ, vel mulicæ, vel alia occasione, sine licentia Prioris. Insuper sub eodem præcepto formali, mandatur omnibus fratribus, ut qualcumque elemosynarum pecunias, tam ad missas celebrandas, quam quauis alia ratione pro Conuentu eis traditas, infra spacium viginti quatuor horarum, sacristæ consignent, nec apud se retineant. Liber magnus in arca depositi seruetur, à qua non possit extrahi nisi in præsentia Prioris, & Depositariorum, nec inde vlllo alio modo, vel per breue tempus exportetur, præterquam tempore visitationis Prouincialis, tunc enim poterit ad eius cellam deportari, ut omnia ratiocinia intueri valeat. In quo libro ex vna parte scribantur omnia recepta, tam syndici, & sacristæ, quam aliorum, ita ut nihil in Conuentu recipiatur, quod in prædicto libro non scribatur, ex alia autem parte omnes expensæ referantur, ut sic tempore ratiocinii collatio fiat recepti, & expensi, & cognoscatur an bona Conuentus recte fuerint administrata. Hæc autem administrationis leges, districte, & inuiolabiliter seruentur.

Inuentaria autem ita formanda sunt, ut traditur Romæ 1601. Mandatur districte omnibus Prioribus, siue Præsidentibus, ut quæ poterunt breuitate faciant memorialia, quæ vocantur inuentaria, tum de omnibus scripturis, tum de redditibus qui censuales dicuntur, tum de his, quæ in qualibet officina sunt. Ad quæ inuentaria constituatur liber in deposito, in quo primo, ponatur inuentaria priuilegiorum, & aliarum scripturarum pertinentium ad foundationem, & statum Conuentus, secundo ponatur inuentarium scripturarum censualium perpetuorum, & postea scripturarum censualium temporalium, per ordinem mensium, cum aliquo signo, tam in inuentario, quam in scripture, ut possint faciliè reperiri. Et in alia parte ponatur inuentarium omnium scripturarum pertinentium ad annuos redditus, frumenti, vini, & olei. In alio autem libro ponantur inuentaria sigillatim omnium bonorum, quæ inueniuntur in qualibet officina, in quibus de nouo ponantur, quæ de nouo fieri contigerit, maxime autem in inuentario sacristæ, in quo debent notari omnia iocalia, & quæ offeruntur, quæ teneantur sacristæ.

præsentare Priori, vt ponantur in inuentario, quantocius receperint. Et quibus inuentariis detur transumptus subscriptus à Priore cuiuslibet officiali talis officinæ, & Depositariis Conuentus. Romæ autem 1608. dicitur. I quolibet Conuentu sit locus tutus cum armariis siue capsulis in quibus scripturæ omnes recondantur, etiam liber professionis fratrum, & inuentaria omnium bonorum, &c. duplicia autentico exemplari, quorum alterum in archiuio Conuentus, alterum vero in archiuio primarij Conuentus illius prouinciæ, vel Vicariæ, asseruetur.

Instrumenta etiam quæcumque fratrum particularium in archiuio condenda sunt. Vnde Venetiis 1592. mandatur sub præcepto formali, & pœna excommunicationis latæ sententiæ omnibus cuiuscumque conditionis, & gradus sint, aut dignitatis, vt qui apud se habent, vel apud quoscumque retinent, vel quempiam habere, aut retinere sciunt libellaria instrumenta, siue libellarios contractus, vel pecuniarum (vt fertur) inuecturas, siue nomine proprio, aut in propria persona, siue nomine Conuentus quouis modo factas, teneantur infra spacium viginti quatuor horarum ab harum notitia, reuelare siue respectiue consignare, & effectualiter tradere Priori, aut præsidenti Conuentus, ne ob eorum ignorationem, morte interueniente Conuentus detrimentum patiatur. Priores vero huiusmodi scripturas sibi consignatas in archiuio Conuentus consignabunt, vt cum reliquis scripturis Conuentus seruentur.

In capitulo Valleolerano 1605. præcipitur in virtute Spiritus Sancti, & S. obedientiæ, ac sub pœna excommunicationis latæ sententiæ Prioribus, siue præsidentibus ac Depositariis Conuentuum siue locorum, qui pensiones, census, redditus, vel alia bona solutioni quinquenni obnoxia possident, vt singulis annis trigessimam partem census, pensionis siue redditus in deposito communi in quadam capsula ad hoc destinata deponant, donec quinquennio completo, absque Conuentus grauamine solui possit, cui debetur, & nullus eo acervatam pecuniam sub eodem præcepto, & censura, quouis titulo aut quæsito colore, etiam ratione mutui, possit tollere, aut in alios vsus conuertere.

De Magisterij in sacra Theolog. gradu.

CAPVT XLVII.

IN surrexerunt ante tempora D. Thomæ Aquinatis quidam, quos ipse vocat impugnantes religionem, contra quos ipse opusculum edidit, quod est vigesimumnonum in ordine suorum. Qui inter alia diuulgabant studium, & Magisterij gradum, siue officium repugnare statui religiosorum, tum quia (inquiiebant) religiosi ad hoc instituti sunt, vt suæ, & aliorum peccata per pœnitentiam desceant, non vt studeant, & doceant, tum etiam quia Magisterij gradus à Christo D. vêtitus apparet Matth. 23. dum Christus Apostolis suis dicit: Non vocemini magistri: vnus est enim Magister vester Christus. Et nolite vocari ab hominibus Rabbi. Contra istos longo progressu inuehitur S. Doctor probans ex multis studium religiosi conue-

autem redditur idoneus per charitatem, quam Deus donat, & qui accipit non potest certo scire an illam habeat. Et ideo Christus Petro futuro Pontifici Ecclesie dixit Io. ult. Petre amas me, & Petrus dixit, Tuis Domine, &c. Cōclusio igitur prima est. Appetere, seu petere, aut procurare cathedram Magistralē de se est laudabile, nam licet appetere eas perfectiones, quæ aliquem perficiunt secundum seipsum, & præter ipsam perfectionem scientiæ nil aliud quærat, nisi oportunitatem communicandi aliis scientiam suam. Hoc autem laudabile est, iuxta illud Sap. 8. Quam sine fictione didici, & sine inuidia cōmunico. Potest tamen hic appetitus continere aliquam turpitudinem ratione præsumptionis, si. s. aliquis qui idoneus non est gradum hunc appeteret, vel procuraret. Et ideo honestius esset, ut unus pro alio, non pro se petat. Cōclusio secunda est. Appetere eminentiam potestatis vitiosum est, quia teste D. Gregor. Contra naturam hominis est superbire, & velle dominari. Et hinc sequitur etiam semper vitiosum esse appetere cathedram Pontificalem, quia cum homo efficiatur aptus ad illam per charitatem, & nemo scire potest, an illam possideat, sicut sciri potest, an habeat scientiam, præsumptuosum est semper se iudicare idoneum ad illam.

De Magistrorum institutione.

CAPVT. XLIX.

NVllus Magistretur in sacra Theologia, nisi prius actus exercuerit pro forma, & gradu magisterij prædicti per quatuor annos ad minus in aliqua vniuersitate, oppositum autem faciens, eo ipso sit excommunicatus, atque omnibus gratiis, & officiis ordinis, & exemptionibus perpetuò sit priuatus, nec secum dispensari valeat, nisi per capitulum generale.

Nullus fiat Magister in sacra Theologia, qui non sit ætatis ad minus triginta annorum, & nisi sit sufficiens ad hoc, ut sit regens in aliquo studio generali, ubi viget in veritate studium Theologiæ. Iudicetur autem sufficientia hæc (nisi sit manifesta) per examinatores, qui absolute referat. Est vel nō est iudicio nostro sufficiens, ad legendū solēniter sententias, vel ut sit Regens in studio ubi in veritate viget studium Theologiæ. Et nihilominus per suæ prouinciæ Prouinciale capitulum, vel illius diffinitorium sit expositus. Et à Magistro ordinis, vel capitulo generali assignari; vel licentiarī possit. Si quis autem absque dictæ sufficientiæ iudicio, magisterij gradum (etiam cum licentia Magistri ordinis, vel capituli generalis) assecutus fuerit, pro non Magistro habeatur in nostro ordine in omnibus & per omnia, dantes facul-

tatem cuilibet diffinitorio, constituto notoriè de insufficientia promoti sibi subditi, absque iudicio, vel examine suæ sufficientiæ hic statuto, quod declarent ipsum pro non promotum in nostro ordine habendum.

cap. de Studentibus.

Denuntiamus Bonifacium Papam nonum, Constitutionem edidisse, quæ per ordinem nequit immutari tenoris huiusmodi. Auctoritate Apostolica tenore præsentium perpetua, & irrefragabili Constitutione sancimus, statuimus, & ordinamus, quod de cætero perpetuis futuris temporibus, nullus ex fratribus ordinis Prædicatorum, absque licentia, seu assignatione capituli generalis secundum morem eiusdè ordinis, ad honorem Magisterij promoveri, nec gradu huiusmodi Magisterij fungi possit, aut debeat, nisi per dictum capitulū fuerit approbatus, vel promotus, Contra faciens vero eo ipso excommunicationis sententiam incurrat. Non obstantibus &c. sub quavis expressione &c. *Ex cap. de Constit. Bonifacij noni.*

Cum in prædicta Constitutione dicitur. Nullus in sacra Theologia Magistretur, nisi prius actus exercuerit pro gradu, & forma magisterij per quatuor annos, &c. addatur, vel legitima exercitia fecerit in lectione, & aliis actibus, qui in eadem vniuersitate in qua promoveri debet, de iure fieri consueuerunt. Quæ additio, ut cap. Romano 1569. habet tria capitula, & ex consequenti vim Constitutionis.

Notanda hic sunt quædam Apostolicæ Constitu. pro magistris. Martinus V. in suo priuilegio 2. in hærendo decretis cap. Friburgi mandat licentiandos, & Magistratos, ac etiam in posterum licentiandos, & Magistrandos, pro nō licentiatis, & magistratis haberi qui actus scholasticos pro forma &c. non compleuerunt in aliqua vniuersitate, in qua viget studium, & nisi in eodem studio sufficientes, & idonei iudicati fuerint. Idem Martinus V. priuilegio 3. concedit Magistro ordinis, ut quolibet capitulo generali secundum morem ordinis celebrando, vni ex fratribus in sacra Theologia prouecto præmisso examine faciendo per Diffinitores capituli, vel alios Magistros, & ab ipsis approbato, Magisterij honorem, & facultatem docendi conferre possit auctoritate Apostolica, qui quibuscūq; gratiis, & priuilegiis similibus concessis, uti & gaudere valeat. Iulius 2. in suo priuilegio 3. eidem Magistro ordinis indulget, ut binos socios suos quorum vnus solet esse Prouincialis Terræ sanctæ, & alter scriba, promouere valeat ad Baccalaureatus, seu Magisterij gradum. Idem priuilegio 2. concedit eidem, ut possit Baccalaureum ad Magisterium promouere non peracto quadriennio in vniuersitate, seruata tamen consuetudine dicti ordinis.

In declar. cap. De Const. Bonifacij 9. dicitur. Nullus ad Magisterium promouatur nisi per capitulum generale eius lectione fuerit approbata, & nisi ipse fuerit ad assumendum Magisterium approbatus, & promotus, quæ Con-

fitur. fuit per multa capitula approbata, & renouata. In decl. cap. de studentibus idem fere habetur, & dicitur. Postquam autem aliquis sententias legerit, & actus Baccalaureatus pro gradu, & forma Magisterij perfecerit, non poterit ad magisterium habitari, & illud assumere, nisi lectionem eius, & actus scholasticos, quos per quatuor annos fecerit, generale capitulum, vel Magister ordinis approbauerit, & oppositum faciens est excommunicatus, &c. Et infra. Protestamur autem actus scholasticos, siue lectionem sententiarum nullatenus in posterum cuiquam suffragari pro suscipiendo Magisterio, nisi fiant in illis Conuentibus, & Vniuersitatibus, quæ sup. notata sunt in cap. de studentibus. Barchinone 1574. Ad petitionem fere omnium prouinciarum ordinatum fuit, vt nullus promoueatur ad Magisterium in illis prouinciis, in quibus multitudo Magistrorum existit, quousque redigantur ad numerum duodenarium, qui nunquam excedi possit. Et alias promoti pro non promotis habeantur. Verum postea auctus fuit hic numerus, vt infra notabitur, & habetur cap. Romæ 1589. Et Romæ 1580. Ordinatur, vt nullus deinceps promoueatur ad gradus Magisterij, aut etiam Baccalaureatus, nisi habeat petitionem suæ prouinciæ, qua obtenta nõ nisi præmissis rigoroso examine per quinque examinatores, & per vota secreta admittatur, & subditur id inuolabiliter obseruari debere in toto ordine. Quæ ordinatio confirmatur Romæ 1583. & 1589. Et in hoc ultimo additur. Cæterum si prouinciæ nomine quis falso gradum petierit ipsa. s. prouincia non petente, inhabilis perpetuo sit ad talem gradum. Petitiones vero nedum à Prouinciali, sed etiam à Diffinitoribus fieri debet. Et hoc habet tria capitula continua. In eodem cap. 1589. declaratur, quod quotiescumque literæ patentes pro Magisterio conceduntur, semper clausula illa generalis (saluis tunc prouinciæ iuribus) subintelligenda est, etiam si in dictis literis non exprimitur, neque clausulæ generales, quæ in oppositum facere videtur, cuiquam suffragari debent, nisi particulariter fiat mentio de derogatione priuilegiorum pro illa vice. Romæ 1601. Ordinatur, vt si concessæ fuerint alicui literæ patentes testificantes surreptitie de aliquo, quod legerit, vel alia huiusmodi egerit, quarum vigore aliquos gradus consecutus fuerit, eius gradus non admittantur à capitulo Prouinciali. Idem dicitur etiam de Prædicatoribus generalibus, & hoc extenditur etiam ad eos, qui falsam informationem capitulo generali, aut Magistro ordinis exhibent, & hos à suis officiis absolui debere, & inhabiles declarari decernitur. Confirmatur hæc ordinatio in duobus capitulis immediate sequentibus. Vnde habet tria cap. continua. Nullus gradum Magistri, vel etiam Baccalaureatus assumat ante professionem fidei emissam 1605.

De Magistrorum gratijs.

CAP. L.

Volumus autem vt electio Prouincialis tantum spectet ad Priores Conuentuales, & ad Prædicatores generales, & vnũ

fratrem de quolibet Conuentu eligendum &c.

Ex Cap. de electione Prouincialis.

Capitulum autem Prouinciale appellamus Priores cum singulis sociis, & Prædicatores generales &c. Prædicatores autem generales dicimus Magistros in Theologia, & qui per Prouincialem, & diffinitores capituli Prouincialis fuerint instituti.

Ex cap. de capitulo Prouinciali.

Prouinciales absoluti loca in prouinciis quibus præfuerunt super omnes alios vbique habebunt &c. dummodo Magistri in sacra Theologia non Magistris ex hoc minimè postponentur. Magistris enim in Theologia immediatè post Priorem in cuius Conuentu fuerint locum damus. *Ex cap. de capitulo generali.*

Omnes fratres ybique intus, & extra silentium teneant in mensa, tam Priores, quam alij, &c. exceptis Magistris in Theologia.

Cap. de silentio.

Leuis culpa est, si quis alicui literas miserit, vel sibi missas legerit quas prius Præsidenti non ostenderit, exceptis Magistris in Theologia. *Cap. de leui culpa.*

Ex præcætitis Constit. locis deducitur Magistros habere locum super omnes fratres, excepto Priore Conuentus in quo reperiuntur, & vocem in capitulis Prouincialibus, & ob id in omnibus electionibus quæ sunt in capitulo prouincialium Diffinitorum capituli generalis, & prouincialis, ac electorum Magistri ordinis, posse loqui in mensa extra refectorium, & mittere ac legere literas, sine assensu Præsidentis. Qualem autem locum tenere possint, aut debeant inter se, dicitur infra cap. De loco seruando inter fratres.

Cum promouentur fratres ad gradum magisterij, promotor dans annulū vni dicit ex formulario verba hæc. Auctoritate Apostolica mihi per literas commissi instituo te doctorem, & Magistrum, doque tibi potestatem publicè legendi, docendi, interpretandi, exponendi, & declarandi sacram Theologiam &c. Et dans biretum dicit. Accipe insulam, seu biretum nigrum, insigne Magisterij, sic ornet te Deus corona gloriæ. Et Magistri vocantur Prædicat. gen. vt asserit Constitut. supra adducta, & etiam nuncupantur Patres Prouinciæ. Ideo Valleoleti 1605. dicitur. Vbicumque in nostris declarationibus, siue Constitutionib. sermo sit de patribus prouinciæ per tales nedum intelliguntur, qui fuerunt Prouinciales, sed etiam Magistri, qui vtuntur priuilegiis in illa prouincia Romæ 1571. In omni Conuentu vbi viget studium generale, omnes Magistri etiam non Regentes vocem habeant in admissione studentium formalium, & aliorum, quia ad studium mittantur, & in illorū remissione. Quod confirmatur Barchinone 1571. vbi additur. Si tamen examini præfentes fuerint Magistri omnes, & Baccalaurei legitime creati, quāuis non gaudeant priuilegiis iuxta diuersarum prouinciarum cōsuetudinem, tamen Magistri, & Baccalaurei vocari debent Venetiis 1596. Et Valentia

1596. Admonentur Prouinciales. & Diffinitoria capituli prouincialis auctoritatem non habere promouendi fratres ad Baccalaureatum, vel Magisterium, sed tantum eos exponendi capitulo generali, siue Magistro ordinis, quod si contrarium fiat, illud sit irritum, & inane. Cauere tamen debent Magistri à quibusdam, quæ eis interdiciuntur, & hæc sunt.

Magistri in sacra Theologia etiam actu regentes in cameris non comedant, sed in communi refectorio, vel in hospitio, aut infirmorum domo. *Cap. de infirmis.*

Ex declar. cap. de officio Ecclesiæ habetur. Nullus ratione cuiuscumque gradus exemptionem prætereptum possit, à sequela chori, aut aliis grauaminibus. Lectoribus Prædicatoribus, ac Magistris actu legentibus, & prædicantibus dumtaxat exceptis. Circa quos legitimæ consuetudines prouinciarum seruentur.

Ex declar. cap. De c. generali habetur. Magistri nõ debent pronuntiari omisso nomine fratris dicendo Magister talis, sed semper hæc dictio (Frater) præferatur nomini, & cognomini, & subsequi poterit verbum Magister dicendo Fr. talis de loco tali Magister.

De Baccalaureorum institutione, & officio.

CAP. LI.

Nullus habilitetur, aut assignetur in aliqua vniuersitate ad legendum pro gradu, & forma Magisterij in sacra Theologia, nisi sit sufficiens ad lectionem huiusmodi solemniter perficiendam, &c. Si quis autem absque dictæ sufficientiæ iudicio Baccalaureatus gradum, etiam cum licentia Magistri ordinis, vel capituli generalis assecutus fuerit, pro non Baccalaureo in nostro ordine habeatur in omnibus, & per omnia, dantes facultatem cuilibet Diffinitorio constituto notoriè de insufficientia promoti sibi subditi, vt declarent ipsum pro non promotum habendum in nostro ordine. Poterit tamen Magister ordinis si aliquem talem assignatum legitimè impediri contigerit, loco eius alium deputare, cuius actus valeant pro forma, & gradu Magisterij, dummodo per sequens capitulum generale fuerit approbatus.

Cap. de studentibus.

Ex declar. cap. de studentibus, hæc veniunt consideranda, licet Prouincialis, & capitulum prouinciale, possint habilitare, & assignare fratres ad legendum in sacra Theologia & principalem Lectorem instituere in Conuentibus, in quibus non viget studium generale, dummodo non legat, aut doceat tanquam Magister, non tamen possunt habilitare ad gradum Baccalaureatus, aut ad legendum in Theologia pro forma & gradu Magisterij, sed hæc habilita-

tio pertinet ad capitulum generale. Hæc autem habitatio fieri non debet, nisi ille per tres annos ad minus in Theologia in aliqua vniuersitate studuerit, & per capitulum Prouinciale, capitulo generali expositus fuerit rāquam sufficiens, &c. oppositum autem faciens eo ipso est excommunicatus, atque gratus, & officiis ordinis priuatus, nec secum dispensari valeat, nisi per cap. generale. Non obstantibus, &c.

Ex decl. cap. De Constitut. Bonifacij 9, habetur. Per sedem Apostolicam fuit ordinatum quod nullus frater possit gradum Baccalaureatus assumere, nisi ad illum per capitulum generale fuerit promotus, & assignatus, nec postea ad Magisterium assumi, nisi per dictum capitulum eius lectura super sententias fuerit approbata, & si secus factum fuerit, assumptio nulla sit, & irrita. Et assumptio ipso facto sint excommunicati, quæ Constitutio fuit per multa capitula confirmata. Neap. 1600. ordinatur Baccalaureos in qualibet vniuersitate teneri ad legendū pro gradu, & forma Magisterij per quadriennium, alioquin promoueri non poterunt ad Magisterium, nec frui priuilegiis Baccalaureorum siue præsentatorum. Quæ ordinatio confirmatur Romæ 1601. Et Romæ 1580. Confirmatur id quod præcedenti etiam capitulo fuerat ordinatum, vt non assignentur in Baccalaureos, nisi idonei; non antiquitatis, vel professionis ratione pensata, sed longo vsu, & peritia docendi. Et qui in munere docendi egregij fuerint non amoueantur à studio, etiam causa prælaturæ. Ibidem etiam ordinatur, vt nullus ad Baccalaureatum assumatur, nisi habeat petitionem suæ prouinciæ, & præmisso riguroso examine per quinque examinatores, & per vota secreta. Perspice quæ infra traduntur in cap. de Moderatoribus studiorum vbi multa colliguntur, quæ pertinet ad promotionem, & officium Baccalaureorum, ac etiam Magistorum. De loco vero Baccalaureorum dicitur cap. de capitulo generali.

Baccalaureis, qui legitimè incorporati in aliqua vniuersitate sententias solemniter legerint, aut legunt, post Supriorem vbique in toto ordine locum damus.

De Moderatoribus studiorum, & eorum institutione.

CAP. LII.

TRēs vocantur moderatores studij. s. Regens Baccalaureus, & Magister studij, de quorum institutione, & officio multa statuta fuerunt. In capitulo Romano 1571. statuitur, vt Regentes, Baccalaurei, Magistri studentium, & alij Lectores, non iure antiquitatis assumantur, nec ad determinatum tempus assignentur, sed à Prouincialibus, & Diffinitoribus constituantur, qui magis idonei fuerint ad discipulos instruendos. Qui vero in docendo egregij fuerint non amoueantur à studio, etiam prælaturæ causa confirmatur Barch. 1574. & Romæ 1580.

Barchinonæ 1574. Nulli assumantur ad Magisterium studij, nisi per sex annos Theologiam legerint. Ad Baccalaureatum per decem. Ad Regentiam

per duodecim actusque publicos disputationum solennes ad minus quinquies habuerint Magistri autem studentium postquam functi fuerint officio suo, statim Lectores sint in aliquo Conuentu vsque ad tempus sui Baccalaureatus.

Romæ 1589. Auctoritate Apostolica ordinatum fuit, & ordinatio habet vim perpetuæ Constit. Primo. Præcipitur in virtute Spiritus sancti, & S. obedientiæ omnibus Prouincialibus, Vicariis, & aliis, qui prouisioni studiorum intendunt, vt Lectores, & studiorum officiales non nisi per vota secreta admittant, & promoueant, eorum conscientias ac etiam Dissinitorum in diem Christi aggrauantes, nec non & sub pœna excommunicationis lætæ sententiæ, hac vna pro trina canonica admonitione præmissa, vt semoto omni particulari affectu, solum Deum, & religionis decorem sibi præponentes, non nisi idoneos, ac huic operi aptos qui discipulis prodesse possint, admittant. Confirmantes ordinationem alias factam, vt Regentes, Baccalaurei, Magistri studentium, & alij Lectores, non iure antiquitatis, aut professionis ratione, assumantur, nec ad determinatum tempus, &c. vt supra. Ita tamen, vt suppositis æqualibus meritis, & æquali sufficientia, nemini fiat iniuria, quod etiam in Prouincia vtriusque Lombardiæ seruari debet. Secundo sub eodem præcepto formali mandatur studentium Magistris, & aliis Lectoribus, vt qualibet hebdomada tres circulos, siue disputationes ad minus habere procurent, quibus omnes discipuli, & studij officiales respectiue interesse debebunt. Tertio. Ne tempus frustra conteratur minus vtilia tractando, sub eodem præcepto formali mandatur Regentibus, & Baccalaureis, vt infra quatuor annos totam D. Thomæ Theologiæ summam perlegisse teneantur, materias difficiliiores, & magis necessarias explicantes, & opinionum superfluitates, & minus necessarias resecando, & ob id monemus omnes Lectores & studiorum officiales, vt tempore studiorum lectiones non prætermittant etiam prædicationis causa. Et etiam studentes lectionum tempore, prædicationibus non vacent, alioquin priuilegiis studentium priuentur, & à studio expellantur. Quarto. Ordinatur, & mandatur sub eodem formali præcepto, vt à Prouincialibus, vel à prouinciis nullus in Magistrum, vel Baccalaureum, aut Prædicatorem generalem petatur, nisi sufficienter legerit, prædicauerit, & alios actus fecerit, & omnes conditiones requisitas iuxta Constit. & ordinationes capitulorum generalium habuerit, locumque vacauerit, præcipientes etiam, vt stantibus æqualibus meritis, & æquali sufficientia antiquiores præponantur, & nulli fiat iniuria. Et in petitionibus exprimat quod annis, & quibus in locis legerint, aut prædicauerint, & maiores quæque meritis habeant.

In cap. sequenti. s. Venero 1592. Eadem auctoritate Apostolica interueniente ad varios scrupulos tollendos declaratur, sublatam esse obligationem Regentibus, & Baccalaureis, legendi totam summam D. Thomæ quadriennio, Adhibere tamen debent diligentiam, vt oportunis temporibus legant, sub pœna absolutionis officiorum, & magis necessaria tractent, minus necessariis reiectis, vt discipuli proficere possint: A reliquis vero ordinationi-

bus declaratur ablata fuisse præcepta simplicia. Contrafacientes tamen illis ordinationibus incurrant pœnam priuationis officiorum. Valentia 1596. Ordinatur post confirmatas præcedentes dispositiones, quod nullus possit non modo in Lectorem, sed neque in Magistrum studij, aut Baccalaureum assumi in quocunque studio ordinis, non præmisso examine. Quorum examinatores esse debebunt. Prior Conuentus (vbi consuetudo est vt ipse interueniat) Regens, & Baccalaureus præcedens, cum tribus Magistris, vel Baccalaureis, ita vt omnino quinque sint, quod si Magistri aut Baccalaurei, haberi nequiverint, Lectores aliqui faciat Theologiæ assumantur. Quibus examinatores sub præcepto formali in virtute S. obedientiæ, & sub pœna excommunicationis latæ sententiæ mandatur, nec odio, vel amore aliquem à prædictis officiis, & gradibus excludant, siue admittant, sed pro conscientia vota sua secreto serant. Et sub eodem præcepto, & pœna excommunicationis latæ sententiæ mandatur Superioribus, ne quempiam ad gradus prædictos exponere, aut promouere possint, nisi præuio examine, & approbatione, vt supra. Non obstante quacunque consuetudine cuiuscumque provincie, In capitulo Romano 1608. Confirmatur prædicta ordinatio, sed additur non esse id intelligendam de Baccalaureis, & Magistris, qui secundum nostras Constitut. tempus præfixum legerunt, & ab ea tollitur pœna excommunicationis. Idem reperitur Valleoleti 1605.

De Moderatorum studij distinctis officiis.

CAP. LIII.

ROMÆ 1569. ordinatum reperitur, vt infra, circa officiales studiorum generalium. Quoniam passim suboriuntur quæstiones inter Priores & officiales studij circa ea, quæ ad studium pertinent, necessarium est declarare, & Regentis, & Baccalaurei, & Magistri studentium officium cum nihil de illorum officio speciatim ordinatum appareat in Constitutionibus, &c. Et primo in omnibus vniuersitatibus nostri ordinis Regens sit caput studij, & non modo studentes cuiuscumque facultatis, sed etiam omnes alij officiales studij, & Lectores, ei subditi sint in omnibus quæ ad studium pertinent, cuiusmodi sunt lectiones, disputationes publicæ, circuli quotidiani, casus conscientie, & quicumque alij actus literarij, & ad eum maximè pertinet, declarare, terminare, soluere, & diffinire quascumque quæstiones in disputationibus propositas, omnibusque silentium imponere, hac lege, vt post datâ ab eo resolutionem nulli penitus, exceptis Provincialibus, liceat quippiam in medium adducere. Ad officium etiam Regentis pertinet legere præcipuam Theologiæ lectionem, aliisque Lectoribus præscribere quid legere debeant. Leget autem ipse hora quæ magis sibi placuerit, & eius lectionibus interesse debebunt, nedum studentes formales, sed etiam dantes operam Metaphysicæ. Alij vero Lectores legent horis ab eo designandis.

Ad ipsum etiam primario pertinent ea omnia quæ de Magistro studentium scripta sunt, tam in Constitut. quam in ordinario ordinis. Cum autem Regenti disputandum est in capitulo generali, aut Prouinciali, liberum omnino ei sit, hunc vel illum in respondentem eligere.

Secundus locus pertinet ad Baccalaureum, seu ad secundum Lectorem Theologiæ, exceptis illis vniuersitatibus in quibus sunt plures Regentes, vbi Regentes se inuicem, & Baccalaureos præcedent, secundum ordinem suum, & Lectorem secundum Theol. & absente primario Regente vna cum omnibus aliis Regentibus, ad Baccalaureum pertinebit omnia Regentis munia modo prædicto explere. Peculiare autem officium eius est legere secundam Theologiæ Lectionem, & in quotidianis circulis, & disputationibus, argumentatores dirigere, & eorum argumenta prosequi.

Tertius locus in studij exercitiis Magistro studentium debetur, & ad eum pertinet proponere conclusiones disputandas in quotidianis circulis, & respondentibus assistere. Ad ipsum etiam pertinet temporibus statutis casus conscientiæ, & quæstiones super Epistolas, & Evangelia proponere, & illa ad vtranque partem ventilare, relicta Regenti vltima resolutione, nec non scribere literas dimissorias pro studentibus, completo eorum studio, de consensu Regentis, curareque vt à Regente, & Baccalaureo vna cum ipso subscrībantur. Eritque exemptus à choro etiam si non aduilegat. Curet etiam habere registrum in quo continuatim notentur omnes officiales, & studentes, & eorum receptiones, & remissiones, nec non, & ordinationes circa studium. Confirmata fuerunt hæc omnia in sequentibus capitulis. s. Romano 1571. Barch. 1574. & Romæ 1580. Vbi additur. Et licet Priori Conuentus primus locus conueniat in sedendo, tamen Regenti in proponendis studentibus, & examinandis, primus locus conuenit præsentis statuto.

Ex Constitut. cap. de studentibus hæc spectant ad Magistrum studij.

Locus vero proprius, secundum quod Magistro studentium videbitur, statuatur, in quo post disputationem, vel vesperras, vel alio tempore, prout vacauerit, ad dubitationes vel quæstiones proponendas vel collationes faciendas ipso præsentem conueniant studentes. Et vno quærente siuè proponente, alij taceant, ne loquentem impediunt. Si quis inhonestè vel clamose vel proteruè quærens vel proponens vel respondens offenderit, statim ab eo qui tunc inter eos præest, corripiatur.

Cellæ quibus Magistro studentium expedire videbitur, assignentur. Quod si aliquis in studio instructuosus inueniatur, cella eius alteri detur, & ipse in aliis officiis occupetur.

Ex decl. eiusdem capitis habetur, quod Magister studentium debet frequenter studentes maxime iuniores conuocare, & eos saltem semel in septimana examinare de lectionibus, & quæstionibus, quas per hebdomadas audierunt. Valleolettus 1605. Si contingat in aliquo studio generali Regem-

tem vel Baccalaureum aliquo legitimo impedimento legere non posse, Magister studij loco impediti lectiones habeat. Quid autem, & quibus diebus legere debeant Regens, & Baccalaureus, & circulos disputationum habere, satis dictum est supra cap. de studentibus, & de studiis generalibus.

*De numero Magistrorum, Baccalaureorum, & Prædicatorum
generalium cuiuslibet Prouinciæ præfixo.*

CAPVT LIV.

ROmæ 1583. & 1589. Præfixus fuit numerus graduatorum in qualibet prouincia, ita vt supra dictum numerum, prouinciæ alios petere non possint, & nunquam, nisi Magister ordinis aliter exurgenti causa disposuerit, hic numerus excedatur, quod si secus factum fuerit totum sit irritum, & inane. Hic autem est numerus.

- In prouincia*
- Hispaniæ, Magistri 16. Præsentati 36. Prædicatores generales, quot sunt Conuentus.
 - Tolosanæ, nullus præfigitur numerus, sed quæ de more sunt seruentur.
 - utriusque Lombardiæ idem.
 - Romanæ, idem.
 - Regni Magistri. 12. Præsentati 10.
 - Poloniæ, Magistri 8. Baccalaurei 9. Prædicatores generales quot Conuentus.
 - Arragoniæ, Magistri 25. Præsent. 30. Prædicatores generales quot Conuentus.
 - Prouinciæ, Magistri 10. Baccal. 8.
 - Dalmatiæ Magistri 6. Baccal. 4. Prædicatores generales 3.
 - Trinacriæ, Magistri 25. Baccal. 12.
 - Portugaliz, Magistri 15. Bacc. 10. Prædicat. generales quot Conuentus.
 - Bethicæ, Magistri 15. Præsentati 30. Prædicat. generales quot Cōuētus.
 - Germaniæ inferioris, Magistri 12. Baccal. 12. Prædicatores generales 12.
 - S. Thomæ, Magistri 25. Baccal. 12. Prædicatores generales 6.
 - Calabriz, Magistri 20. Baccal. 6. Prædicatores generales 6.
 - Sancti Iacobi de Mexico, Magistri 4. Præsentati 6. Prædicatores generales 4.
 - S. Ioan. Bap. del Peru, Magistri 6. Baccal. 6. Prædicatores generales.
 - Sancti Vincentij de Chiappa, Magistri 4. Præsentati 6.
 - Sancti Antonini de nouo regno, Magistri 8. Præsent. 12. Prædicatores generales 2.
 - Occitana, Magistri 15. Baccal. 8.
 - Sancti Dominici Magistri 16. Baccal. 6. Prædicatores generales 10.
 - S. Catharinæ de Quico, Magistri 2. Præsent. 6. ex quibus duo Prædicatores erunt.
 - Sancti Petri Martyris, Magistri 12. Baccal. 6.
 - In Vicaria Romana Magistri 5. Baccal. 4. Præd. 4.
 - In aliis prouinciis desolatis non potuit præfigi numerus.
 - In aliis non desolatis, nec nominatis, curent Præsidentes, vt præfigatur.

De Prædicationis officio.

CAPVT LV.

Quam competenter ordini nostro munus prædicationis conueniat ex ipsa nominis ratione deducatur, quippe qui à Romanis pontificibus etiam in sui confirmatione vocatus fuerit ordo Prædicatorum, sed magis ex fine, quia per se, & essentialiter à D. Patre Dominico collectus fuit, vt per prædicationes, & consilia saluberrima animarum salutem attenderet. Hoc autem prædicationis officium præcipuum est in ecclesia Dei, & multis privilegiis donatum fuit, vt habetur cap. Ex iniuncto. De hæreticis, &c. & cap. 1. & 2. extra de excessibus Prælatorum.

Debet autem Prædicator, vt dignè fungatur suo officio, primo interius habere dilectionem ardentem, qua salutem animarum in omnibus suis actionibus, & studiis principaliter intendat. Secundo debet exterius habere conuersationem relucens vitam & honestatem morum, vt religiosis exemplis populum ædificet. Tertio debet scientiam, & cognitionem scripturarum habere competentem, & magis vtilia quam curiosa docere. Ex decl. cap. de Prædicat.

Quantam autem puritatem, siue sanctitatem habere debeat Prædicator dum Dei verbum annuntiat, ex doctrina S. Thomæ perspicui potest, 4. sent. dist. 19. q. 2. art. 2. quæstiunc. 2. ad 4. quo in loco habet hæc verba notatundigna. Docere sacram scripturam contingit dupliciter. Vno modo ex officio prælationis, vel ex auctoritate alicuius prælationem habentis, iuxta illud Rom. 10. Quomodo prædicabunt nisi mittantur. Alio modo ex officio magisterij, sicut Magistri in sacra Theologia docent. Dicunt ergo quidam, quod illi qui primo modo docent, peccant mortaliter, si sunt in peccato mortali notorio, non autem qui secundo modo docent, sed hoc est falsum. Quia idem est finis eorum qui sacram scripturam ediderunt, & eorum qui illam prædicant, qui finis est vt credentes salui fiant. Qui autem impedit finem doctrinæ docendo peccat, Et quia qui prædicat scripturam in peccato, impedit finem eius, dum ore profitetur se nosse Deum, factis autem negat, ideo dicendum est, quod ille qui est in peccato notorio, peccat docendo sacram scripturam tum primo tum secundo modo. Ille autem qui est in peccato occulto, peccat si primo modo doceat, non autem si secundo. Et quamuis videatur S. Doctor oppositum dicere de fraterne corrigente 2. 2. q. 33. art. 5. & de iudicante q. 60. art. 2. aliter tamen suscipi potest de Prædicatore publico. Et Caietanus 3. p. q. 64. art. 5. dicit, videtur mihi modo dicendum, actum prædicationis esse de numero actuum consecratorum (quos supra dixerat fieri non posse in peccato mortali sine nouo peccato) quia est actus ad quem minister consecratur, nam eius minister officio est Episcopus primo, secundo sacerdos. Nec obstat hunc actum esse annexum sacerdotio ex institutione Ecclesiæ; quia hoc ponit differentiam in origine à diuina institutione non autem in turpitudine, quia etiam institutio Ecclesiæ obligat ad mortale.

Ad hoc autem ut prædicator efficaciter loquatur, tria attendere debet, ut tradit S. Thomas 2. 2. q. 177. art. 1. Primo quidem ut instruat intellectum, quod fit dum aliquis loquitur ut doceat. Secundo ut moueat affectum, quod fit dum aliquis loquitur ut delectet, non propter fauorem suum, sed ut homines alliciantur ad libenter audiendum Dei verbum. Tertio ut animum fleat ad adimplendum ea quæ docet, quod fit dum aliquis sic loquitur, ut moueat. Ideo dici solet quod tres sunt actus Prædicatoris, docere, delectare & mouere.

Valleoleti 1605. ordinatur, ut Prædicatores qui tempore quadragesimæ à carnibus abstinere non valent, eo tempore ad populum conciones non habeant, ne plus tanto scandalo offendant, quam verbis ædificent.

Tale etiam est hoc munus, ut non nisi à Superioribus destinati prædicare debant. Vnde Romæ 1598. ordinatum fuit ex mandato Apostolico, sub pœna suspensionis ab officio per decennium ipso facto incurrenda, ne quis locum ad concionandum sibi procuret, sed tendat quo à Prouincialibus destinatur. Idem repetitur Romæ 1608. tam pro tempore aduentus quam per quadragesimam. Et Parisiis 1611. pariter confirmatur cum additione, quod si qui perquisiti sunt pro aliquo loco, nō acceptet sine licentia.

De Prædicatorum institutione.

CAPVT LVI.

Prouideant diligenter Priores, ne committant prædicationis officium, nisi fratribus ad hoc idoneis, & moribus ac scientia approbatis, ne ex insufficientia Prædicantium, ordo veniat in contemptum, & vergat in periculum animarum.

Statuimus autem ut in qualibet prouincia à Præsidentibus, & diffinitoribus instruantur aliqui viri docti, & zelum religionis habentes examinatores, & approbatores omnium eorum Prædicatorum, & Confessorum, quos non constat manifestè esse doctos, ita quod nullus talium nisi approbatus à duobus eorum in scriptis, vel declaratus à Diffinitorio in scriptis sufficiens & idoneus ad Prædicandum, vel Confessiones extraneorum audiendum, prædicet populo etiam in villulis, & confessiones extraneorum audiat sub pœna carceris. Et nihilominus Præsidentes hoc permittentes ab officiis suis absoluantur.

Nullus assumatur ad prædicationis officium extra claustrum, & fratrum consortium, infra viginquinque annos nec prædicet populo, aut confessiones extraneorum audiat, sine licentia Prioris sui, in capitulo de consilio discretorum sibi data. *Ex cap. de Prædicatoribus.* Ordini

Ordini nostro collata est facultas destinandi Prædicatores, nam Martinus IV. in suo priuilegio vnico indulget vt infra.

Tibi fili Magister per te, vobis vero Prouincialibus cum Diffinitoribus capituli prouincialis, plenam damus, & concedimus auctoritate præsentium facultatem, committendi fratribus vestri ordinis in sacra pagina eruditis, & approbatus à vobis, prædicationis officium, Districte inhiibentes, ne quis eos in exercicio sine executione officiorum suorum, quomodolibet audeat impedire.

Benedictus II. idem concedit in suo priuilegio 2. hac serie.

Quare decernimus, vt Magister generalis, & Priores Prouinciales, ac eorum Vicarij, de discretorum consilio, ad tam salubre officium prædicandi, fratres diuinæ scientia doctos, discretionem vigentes, vitam probatos, & expertos moribus, eligant, & assumant.

Gregorius XIII. bulla sua 28. apud Rodericum societati Iesu hanc amplam gratiam concessit.

Nos igitur, &c. præsentium tenore declaramus, vt unicuique vestrum etiam ad sacros ordines non promotus, primumque consura tantum insignitis à Præposito tamen approbatus, prædicationis munus ad populum exercere possit, districtius inhiibentes vniuersis locorum Ordinarijs, ac alijs quacunque dignitate fulgentibus, ne vos in huiusmodi impedire, aut molestare audeant.

De modo tenendo in eorum institutione hæc tradita fuerunt, Bononiæ 1564. In exponendis Prædicatoribus magna adhibeatur diligentia, & non liceat Superioribus mittere iuuenes non sacerdotes ad prædicandum etiam in villulis infra ætatem viginti quinque annorum. Et Romæ 1569. & 1571. Et Barchinone 1574. dicitur. Nullus mittatur ad prædicandum nisi sit Sacerdos, & per biennium Theologiam audierit, etiam in oppidis S. Tho. 3. p. q. 67. art. 1. ad 1. dicit. Ad diaconum pertinet recitare Evangelium in Ecclesia per modum catechizantis, sed docere, & exponere Evangelium pertinet proprie ex auctoritate ad Episcopum, ex commissione ad Sacerdotem. Romæ 1589. auctoritate Apostolica ordinatum fuit vt infra, & ordinatio habet vim perpetuæ Constitutionis. Item ordinamus sub eodem formali præcepto, & eadem censura. s. pœna excommunicationis, vt nullus titulo aut officio Prædicatoris donetur, seu Prædicator instituat, nisi saltem per integrum triennium Theologiam audierit, & per quinque deputatos examinatores, qui, & ipsum concionantem audierint, vt nedum in litteris, & moribus, verum etiam in aptitudine prædicandi iudicium facere possint. Cui ordinationi additum fuit, quod & confirmatur Romæ 1601. & Valerioleti 1605. vt Prædicatores approbentur per vota secreta. Venetijs vero 1592. statutum fuit. Vt in qualibet prouincia, Congregatione, & Vicaria teneantur illarum Præsidentes respectiue de grauiorum patrum consilio, infra vnus mensis terminum ab harum publicatione, deputare vnum vel plures Conuentus, in quo seu quibus per designandos idoneos patres, instruantur iuniores specialiiter ad id munus apti, in officio prædicandi, quatenus tempore debito fructuose ad Dei gloriam, & animarum salutem prædicantes, Prædicatorum nomen sibi vendicare videantur. Nullusque in posterum titulo Prædicatoris insigniri queat, nisi artium cursum perfecerit,

Sacram Theologiam per triennium audierit, casibus conscientię operam dederit, & in modo concionandi in aliquo Conuentu ad id deputando, examinatorum iudicio per vota secreta in generali studio ferenda, non pauprum profecerit, & sit religiosorum morum, vt virum decet Euangelicum.

De Predicatoribus in ordine ab Episcopos.

CAPVT LVII.

CVM fratres nostri diœcesim alicuius Episcopi ad prædicandum intrauerint, primò si poterunt visitabunt Episcopum, vt secundum eius consilium in populo faciant fructum, quem facere intendunt. Et quandiu in eius Episcopatu fuerint, ipsi deuotè obediētes erunt. Prædicare vero non audeat in diœcesi illius Episcopi, qui ne prædicet interdixerit ex causa rationabili, nisi litteras, & mandatum habeat summi Pontificis. *Cap. de Predicac.*

Honorius III. in suo priuilegio 3. commendat Episcopis Prædicatores nostris his verbis videlicet.

Rogamus deuotionem vestram, ac per Apostolica scripta vobis mandamus, quatenus filios latores presentium ordinis Predicatorum, &c. in eorum laudabili proposito consouentes, ad officium predicationis, ad quod deputati sunt, curetis benignè recipere, & habentes eos pro nostra, & sedis Apostolica reuerentia commendatos, in suis eis necessitatibus assisistis, qui verbum Dei gratis proponentes, Dominum solum secuti paupertatis titulum prætulērunt, preces & mandatum nostrum impleturi, in districti examinis die, positi ad dexteram cum electis, regnū cum eis percipiatis æternum.

Gregorius IX. priuilegio suo primo idem fere ad verbum constituit.

At quia successu temporis cōtrouersia suscitata fuerant inter Episcopos, seu Ecclesiarum rectores, & Prædicatores, Bened. XI. in priuilegio 2. ita decreuit.

Statuimus de fratrum nostrorum consilio, vt fratres ipsorum ordinum (s. Predicatorum & minorum,) qui ad prædicandum deputati fuerint in Ecclesiis, & locis eorumque in presentiarum habent, & in posterum obtinebunt, ac in plerisque communibus sine publicis, absque diœcesanorum, vel quorumcumque Prælatorum petita licentia, valeant clero, & populo verbum Dei prædicare: Cantant tamen omnino, ne ea hora qua diœcesani prædicant, aut coram se facerent prædicari, prædicent ipsi fratres: potamus enim dignum, vt maiori minor deferat, nisi forsitan, &c. Vbi vero diœcesani conuocarent ad se clerum generaliter, &c. ea hora semper prædicare cessabunt.

At his temporibus attendenda sunt sacri Concilij Tridentini decreta, quę sessione 5. cap. 2. habentur.

Regulares vero cuiuscumque ordinis, nisi à Superioribus suis de vita, & moribus, & scientia examinati, & approbati fuerint, ac de eorum licentia etiam in Ecclesiis suorum ordinum prædicare non possint, cum qua licentia personaliter se presentare coram Episcopis, & ab eis benedictionem petere teneantur, antequam prædicare incipiant. Ita Ecclesiis vero quę suorum ordinum non sunt, ultra licentiam suorum Superiorum

etiam Episcopi licentiam habere teneantur, sine qua in Ecclesiis quæ suorum ordinum non sunt nullo modo prædicare possint. Ipsam vero licentiam gratis Episcopi concedant.

Aliud decretum habetur sess. 24. cap. 4. huiusmodi.

Nullus autem secularis, aut regularis etiam in Ecclesiis suorum ordinum, contradicente Episcopo prædicare audeat.

Super his decretis emanauit talis declaratio.

Congregatio concilij censuit, regulares, qui absque licentia Episcopi, in Ecclesiis quæ suorum ordinum non sunt prædicauerint, tamen si decreto prædicto Concilij contrafecerint, non posse puniri ab Episcopo, sed solum à suis Superioribus.

Pius V. post prædictum Concilium in bulla declarationis priuilegiorum nostrorum quæ est 3. apud Confectum, ita disponit de Prædicatoribus.

Perpetuo inuiolabiliter observari decernimus, quod fratres dicti ordinis. (s. Prædicatorum) ab eorum Superioribus approbati, in eorum Ecclesiis quando eis placuerit, etiã quod in Cathedrali Ecclesia, (non tamen ab Episcopomet) prædicatur, liberè, & licite absque aliquo impedimento, sine etiam ipsius Episcopi contradictione, & absque eo quod coram dicto Episcopo se non præsentauerint, nec eisdem licentiam prædicandi exhibuerint, & ab eodem benedictionem non obtinuerint, prædicare, & munus prædicationis exequi valeant.

Verum Gregorius XIII. successor Pij V. ut habetur in sua bulla 38. apud Rodericum prædictum priuilegium ac alia multa ab eodem summo Pontifice collata, annullauit, reducendo ea ad terminos iuris veteris, & decretorum concilij, ac si prædictæ literæ Pij V. non emanassent. Et quamuis à successoribus Pontificibus plurimorum ordinum confirmata fuerint priuilegia, semper tamen superaddita fuit illa particula, dummodo non obstant decretis concilij, & sint in usu. Et Clemens VIII. addidit in confirmatione nostrorum, & non sint reuocata, &c.

Refert aut, Rodericus tom. 3. quæst. 32. art. 6. Gregorium XIII. concessisse Societati Iesu ut infra.

Quod huius Societatis Confessores & Prædicatoribus ab aliquo Ordinario semel approbati, & à suis Superioribus ad huiusmodi munera deputati, quando cumque suè mari, suè terra iter faciunt, possint non repugnansibus tamen Curatis parochialium Ecclesiarum, verbum Dei prædicare, & Christi fidelium confessiones audire dummodo id non faciant in oppidis, aut locis in quibus Ordinarij existunt, nisi eorum licentia de super obtenta.

Possent tamen suboriri difficultas quomodo simul coherere possint illa duo dicta Concilij. V. quod regulares in Ecclesiis suorum ordinum prædicantes prius solam benedictionem ab Episcopo obtineant, & quod in suis Ecclesiis non prædicent contradicente Episcopo. Hoc enim plus est quam benedictionem tantum obtinere. Cui dubio satisfacit Rodericus tom. 3. quæst. 32. art. 1. dicens. in quodam Capitulo generali Toletano ordinis minorum declaratum fuisse, Episcopum posse contradicere in casibus expressis in priuilegio Benedicti 11. supra in hoc capite notato. s. quando Episcopus vult prædicare, aut coram se facere prædicari. Cui etiam addi posse videtur, quando prædicatoribus in suis Ecclesiis concionantes, errores aut scan-

dala disseminant per dicenda cap. sequenti. Ex decl. cap. de prædicatoribus habetur. Fratres nostri tam Priores quàm Prædicatores, & alij ad Dominos, & Prælatos Ecclesiarum in verbis, & factis se reuerenter habeant, & quantum possunt, litigia vitent clericorum, nec quæstiones aut causas de quibus scandalum vel perturbatio oriri posset contra eos moueant. Et in cap. Bononiæ 1564. in specie dicitur Prædicatores non præsumant prædicare etiam in Ecclesiis nostris, contradicente Episcopo, &c. Notabis tamen decretum hoc Congreg.

Congregatio regularium decreuit, regularibus Concionatoribus in eorum propriis Ecclesiis concionandi hora à quoquam non præscribatur, sed liberum sit eis quando-cunque voluerint officium prædicationis peragere.

De his quæ cauere debent Prædicatores in concionibus.

CAPVT LVII

CAueant fratres nostri ne ponendo os in cælum, in suis prædicationibus, religiosos, & Clericos scandalizent, sed ea quæ in ipsis emendanda viderint obsecrando vt patres seorsum emendare procurent. *Ex cap. de prædicatoribus.*

Quicumque in publica prædicatione, vel in communi coram secularium multitudine vlllo tempore summum Pontificem diffamauerit, vel ipsius processus, & facta: vel irreuerentiam notabilem fecerit, carcerali custodiæ mancipetur, nec inde liberetur, nisi per capitulum generale, & cogatur si commodè fieri poterit publicè reuocare. *Ex cap. de certis detractionibus vitandis.*

Leo X. in sua Constitutione, Superne sacro approbante Concilio Lateranensi hæc vetuit. Quam refert Quaranta verbo, Prædicator.

Mandamus omnibus qui onus prædicationis sustinent, aut sustinebunt, vt Evangelicam veritatem, & sacram scripturam, iuxta interpretationem doctorum, quos Ecclesia vel vsus diurnus approbavit, legendosque recepit aut recipiet, prædicent, nec quicquam proprio sensu adiciant, contrarium aut dissonum, sed semper insistant illi interpretationibus, quæ ab ipsius sacra scriptura verbis, & prælatorum doctorum interpretationibus rite, & sanè intellectis, non discordant. Tempus quoque futurorum maiorum, vel Antichristi aduentum, aut certum diem iudicii prædicare, non præsumant, &c. Neque alia futura quacumque ex litteris sacris constanter prædicare, nec illa à Spiritu sancto vel diuina reuelatione se habuisse, & alias vanas diuinationes, &c. Item ab Episcoporum, & aliorum Superiorum scandalosa detractione, quos coram vulgo non modo incaute, sed etiam intemperanter reprobant, abstineant. Sed ex diuina vocis præcepto Evangelium omni creatura cum viriorum deificatione, & virtutum commendatione enucleent, & dilectionem mutuam vbique commendatam faciant, nè scindant Christi vestem inconsutilem. Ceterum si quibusdam eorum Dominus futura quadam prædixerit, cum dicat Apostolus, Spiritum nolite extingere, prophetias nolite spernere, idem etiam dicit. Nolite omni spiritui credere, sed

probatæ utrius ex Deo sit, volumus ut lege ordinaria tales assertæ inspirationes antequam publicentur, & populo prædicentur, Apostolica sedis examini reservatæ sint. Quod si periculum esset in mora Ordinario loci non ficerentur, qui adhibitis tribus aut quatuor viris doctis, & gravibus, & cum eis negotio huiusmodi examinato, licentiam eas prædicandi concedere possit, si ita ei expedire videbitur. Contrafacientes panam excommunicationis reservatam incurrant.

Concilium etiam Trid. sess. 5. cap. 2. de prædicatione, decernit.

Si vero, quod absit, Prædicator errores, aut scandala disseminaverit in populum, etiam si in monasterio sui, vel alterius ordinis prædiceret, Episcopus ei prædicationem interdicit. Quod si hæreses prædicaverit contra eum iuxta iuris dispositionem, aut loci consuetudinem procedat, quo casu Episc. aucto. Apost. sanguinem sedis Apostolicæ Delegatus procedat, Caveant tamen Episcopi ne quis Prædicator, vel ex falsis informationibus vel alia calumniosè vexetur, instamque de eis conquerendi occasionem habeat.

Item idem Concilium sess. 25. cap. de purgatorio decernit ut infra.

Præcipit S. Synodus Episcopis, ut sanam de purgatorio doctrinam à sanctis Patribus, & sacris Conciliis traditam à Christi fidelibus credi, teneri, doceri, & ubique prædicari studeant. Apud rudem vero plebem, difficiliore ac subtiliores quæstiones, quæque ad edificationem non faciunt, & ex quibus plerumque nulla sit pietatis accessio, à popularibus concionibus seculantur. Incerta vero, vel quæ specie falsi laborant, evulgari ac tractari non permittant. Ea vero, quæ ad curiositatem quandam, aut superstitionem spectant, vel turpe lucrum sapiunt, tanquam scandala, & fidelium offendiçula prohibeant.

Pius V. specialem edidit Constitutionem de prædicatione controuersię Conceptionis, vel sanctificationis B. Virginis his verbis.

Motu proprio &c. de potestatis Apostolicæ plenitudine mandamus, quatenus nemo cuiuscumque conditionis existat in popularibus concionibus, vel ubicumque promiscua virorum, & mulierum multitudo convenire solet, de huius controuersia (s. Conceptionis, & sanctificationis B. Virginis) alterutra parte disputare, rationibus, aut Patrum auctoritatibus, asserendo propriam sententiam, & contrariam refellendo, vel de hac quæstione vulgari sermone scribere præsumat sub pœna suspensionis officiorum, &c.

Et in cap. Valleoletano 1605. dicitur. Abstineant omnes Prædicatores in concionibus festiuitatis sanctificationis B. Virginis à quæstionibus de peccato originali, caveantque ne quid dicant, quod aures pias offendere possit, sed fiant conciones de laudibus B. Virginis, & seruētur decreta Pontificum. Ex decl. cap. De certis detractionibus vitandis, habetur. Cum ex fauore, & gratia Prælatorum, ordo noster plurimum promouetur, debemus illos in magna reuerentia habere, & nullo modo eis detrahere, aut lites cum eis habere, imo eorum famam defendere, & populos ad eorum obedientiam, & reuerentiam inducere, nec vlllo modo laicos ab Ecclesiæ suarum frequentia vel accessu auertere, qui oppositum fecerit pœna grauioris culpæ puniatur. Romæ 1571. Venetiis 1592. Romæ 1601. Admonentur concionatores, ut inter alia deuotionis exercitia quantum fieri poterit societatem Sanctiss. Rosarij commendent, & pium hoc institutum foueant, & promoueant. Idem etiam faciant de societate Sanctiss. nominis Dei. Valētiæ 1596. dicitur.

Tam in quadragesima, quam in Aduentu, & per annum concionatores in nostris Ecclesiis non possunt aliud Euangelium prædicare, nisi quod in nostro missali habetur. Postea mandato Clementis 8. in missali reformato conuenimus cum Romano in Euangeliiis, & Epistolis vnde euanesceit prædictum decretum Bononiæ 1564. Prædicatores apertè, & animosè pro fide loquantur contra hæreses, & fidei dogmata constanter, & explicite proponant, sicut loci, & temporis ratio postulauerit, & contra scelera strenue clament, & inter cætera blasphemiarum, periuriorum prauitatem frequentissimè infestentur, vt indulgentiarum, & priuilegiorum societatis nominis Dei participes efficiantur.

De Prædicatorum quæstu.

CAP. LIX.

Illi vero, qui apti sunt, cum exire debuerint in prædicationem, eis socij dabuntur à Priore secundum quod moribus eorum, & honestati iudicauerit expedire, qui socij sibi dati ipsis tanquam Priori suo obediant. Illi vero accepta benedictione exeuntes, tanquam viri, qui suam, & aliorum salutem procurare desiderant, religiosè, & honestè se habeant, sicut viri Euangelici, sui sequentes vestigia Saluatoris, cum Deo vel de Deo, secum, vel cum proximis vtiliter loquendo, vitabunt suspecti comitatus familiaritatem, Placitis, & causis, (nisi pro fidei negocijs) non interfint.

Cap. de Præd.

Euntes ad prædicationis officium exercendum, aurum, vel argentum pecuniam, aut munera, excepto victu, & necessariis indumentis, & libris, nec accipient, nec portabunt. Si quis autem de prædictis aliquid acceperit, cum redierit teneatur Prælato suo liberè præsentare. Statuimus autem, ne fratres nostri in prædicationibus suis, dari, vel colligi pecuniam admoneant pro domo, vel aliqua persona speciali. Nullus frater audeat quæstus facere aut bullas aliquas prædicare, nisi de licentia Magistri ordinis, sub pœna excommunicationis latæ sententiæ, quam sedentes pro tribunali in his scriptis ferimus, & sub pœna priuationis omnium bonorum eis ab ordine concessorum, & communitati applicandorum.

Ex cap. de itinerantibus.

Gregorius 9. in suo priuilegio primo, postquam fratres nostri ordinis Episcopis, & aliis Ecclesiæ Prælatis commendauit contra quæstuantes Prædicatores, hæc ipsis Episcopis mandat.

Quia verò vitia sub specie subintrant virtutis, &c. præsentium vobis auctoritate mandamus, quatenus si qui de Prædicatorum ordine fratres se dicentes, in partibus ve-

Aris prædicauerint, ad quæstum se pecuniarum conuertendo, per quos religio illorum, qui paupertatem professi sunt infamari contingit, vos eos capitalis tanquam falsarios, & condemnatis.

In declar. cap. de Prædicatoribus dicitur, Cum Prædicatores se tanquam veros religiosos, & viros Apostolicos exhibere debeant, & nulli materiam scandali præbere, & ab omni specie mali abstinere, idcirco nullo modo debent permittere, vt dum actu prædicant colligantur pecuniæ, siue pro domo, siue pro quacumque persona, ne notam cupiditatis, vel auaritiæ incurrant, & prædicationis officium in vilipendium veniat. Et ob id sub pœna excommunicationis mādatur omnibus fratribus, ne de cætero prætextu cuiuscumque extranei quæstus, & indulgentiæ prædicandæ quouis modo discurant, precium, aut salarium, pro huiusmodi prædicationibus accipiant, vel ad hoc fratrem aliquem inducant. Et nihilominus tales diuini verbi corruptores, qui labe cupiditatis, & quæstuarie illusione splendorem nostræ religionis offuscant, officio prædicationis, & bonis ad vsum concessis, sint ipso facto priuati, & per annum ad carceres deputentur. Poterunt tamen Prædicatores, & fratres Conuentum commendare, & populo paupertatem, & necessitatem exponere, vt suo tempore eis elemosynas conferat, & ad hoc adhortari.

Concil. Trid. sess. 5. cap. 2. in fine habet hoc mandatum.

Quæstos vero elemosynarij, qui etiam quæstuarij vulgo dicuntur cuiuscumque conditionis existant, nullo modo, nec per se, nec per alium, prædicare præsumant, & contrasacientes ab Episcopis, vel locorum Ordinariis arceantur, priuilegijs quibuscumque non obstantibus.

In declar. cap. Itinerantibus dicitur. Mandamus fratribus nostri ordinis sub pœna grauioris culpæ, ne quis extra terminos suæ provincie, aut Conuentus prædicet, in nostris, vel alterius Ecclesiis, aut quæstus faciat, sine licentia Magistri ordinis, siue Prouincialis, aut Prioris in quorum terminis prædicare, aut quæstus facere contigerit, Et si quid acquisierint restituant. Romæ 1571. idē confirmatur, & additur, quod si qui sponte in alterius terminis prædicauerit, aut quæstus fecerit, à Prælati loci comprehendantur, & pœnis grauioris culpæ subdantur, & repetitur Romæ 1608. Et Valentiz 1596. mandatur Prouincialibus, & Præsidentibus Conuentuum ne mittant fratres extra terminos suarum Prouinciarum, etiam prædicationis causa, excepto si cōtingeret aliquem fratrem suæ Prouincie ab aliqua ciuitate, vel oppido in prædicatorem desiderari, & peti: tunc enim poterit concedi, alias auferetur ab ipsis potestas id agendi.

Tenentur tamen Prædicatores iuxta multorum capitulorum decreta, quicquid sibi datum fuerit pro elemosyna, Prælati fideliter præsentare, & præcipue annotetur ordinatio capituli Valleoletani 1605. quæ ita habet, Omnes pecuniæ, & quæcumque alia Prædicatoribus, & Cōfessariis elargita, quæ primum Prælati suis consignentur, realiter, sub pœna proprietariis debita. Ex quibus poterit Prælatus si iustum iudicauerit, aliquam partem iuxta eius indigentiam illi dare. Qui verò ad paupertatem parentum subleuandam maiore elemosyna indiguerit, à Prouincialibus petant, qui se liberales ex-

hibeant circa indigentes, præcauendo tamen, ne eas in proprios vsus conuertant.

Neque prædicare debent fratres propter lucrum, & obseruent id quod tradit S. Thom. 4. sentent. dist. 25. q. 3. art. 2. quæstion. 2. ad 4. & quolibet 2. art. 12. f. Habere oculos ad terrena in prædicatione contingit dupliciter, vno modo sicut ad mercedem, & præmium prædicationis, & hoc modo nõ licet, quia prædicator faceret Euangelium venale, alio modo tanquam ad stipendia pro necessitate sustentationis vitæ, & hoc modo licet. Accipiant ergo sustentationem à populo, mercedem vero à Deo. Hæc S. Thom. Et sub nomine lucri terreni, nedum comprehenditur pecunia, & quæ pecunia appreciabilia sunt, sed etiam laus humana, siue propria, siue etiam religionis, quia & hæc infra mundana bona connumerantur. Ideo cogitent prædicatores prædicare magis fructuose, quam gratiose. Et ad hæc bona inquit Caiet. in summula, verbo, prædicator, gestulationes, cantilenæ, facetiæ, fabellæ, & huiusmodi, quæ afferuntur, vt placeant hominibus, referuntur.

De quibusdam exemptionibus Prædicatorum.

C A P. LX.

PRædicatores, vel itinerantes dum in via sunt, officium suum dicant prout sciunt, & possunt, & sint contenti officio Ecclesiarum ad quas declinauerint. *Ex cap. de Itinerantibus.*

Nullus frater ratione paternitatis, aut cuiuscumque gradus, exemptionem prætere de possit à sequela chori aut aliis grauaminibus ordinis, Lectoribus, Prædicatoribus, ac Magistris in sacra Theologia, actu legentibus, & prædicantibus dumtaxat exceptis. Circa quos legitimæ consuetudines prouinciarum seruentur. Ex decl. cap. de officio Ecclesiæ.

Rodericus Tomo 3. quæst. 33. art. 12. refert concessionem Leonis X. infra scriptam.

Prædicatores verbi Dei, & Confessores, ord. minorum de obseruantia, quando actum prædicant in Aduentu, & Quadragesima, possunt officium feriale anticipare, & festis illis diebus reseruare, quibus eos amplius laborare necesse est, non tamen in fraudem diuini officij, vt liberius studio, aut consolationi spirituali fidelium incumbere possint.

Et addit hic doctor huic priuilegio non ob stare præceptum de dicendo officio iuxta formam Breuiarij reformati, quia vore non immutatur forma officij, sed tantum anteponitur, vel postponitur, officium diei particularis. Idem Rodericus ar. 3. eiusdem quæstionis refert aliud priuilegium Leonis X. circa ieiunium tenoris huiusmodi.

Fratres minores actu prædicantes possunt sine scrupulo diebus ieiunii anticipare, & retardare horas confessionis, & serotinæ collationis, iuxta suam consolationem.

Prædicatores, qui per decennium integra quadragesima gratiosè prædicauerunt, sint, & habeantur patres à consilijs in locis vbi erunt assignati, Romæ 1580. & antea Barchin. 1574. Cum dicitur Prædicatores actu Prædicantes,

à se.

à sequela chori exemptos esse, declaratur Parisiis ita esse intelligendum, ut dicantur Prædicatoribus actu prædicare, quando in aliquo Conuentu designati sunt ad habendas per totum annum conciones, quas & habent.

De Prædicatoribus generalibus.

CAP. LXI.

STatuimus autem, ut nullus fiat Prædicator generalis antequam Theologiam audierit per tres annos, & nisi sit maturus, & discretus ad negocia ordinis pertractanda in capitulis, & nisi in prouincia illa gloriose prædicet, ita quod saltem per tres quadregimas, in aliqua bona ciuitate, seu terra vel aliquibus bonis ciuitatibus siue terris prædicauerit. *Cap. de Prædicatoribus.*

Statuimus, & districtè præcipimus, ac prohibemus, ne fiat aliquis Prædicator generalis, nisi sit maturus, & discretus, & sufficientis literaturæ, qui conuenienter sciat proponere verbum Dei, & qui sit idoneus ad negocia ordinis pertractanda, nec numerum Conuentuum excedant. Et non fiant aliqui in aliqua Prouincia habente numerum excessiuum, donec ad dictum numerum sint redacti, Magistris in Theologia, & in illis dūtaxat exceptis, qui ratione antiquitatis, vel infirmitatis ad capitula prouincialia venire non possunt. Quod si secus factum fuerit totum sit irritum, & inane. *Ex cap. de certis detract. & singul. vitandis.*

Capitulum prouinciale appellamus, Priores Conuentuales cum singulis fociis, & Prædicatoribus generales. Prædicatoribus autem generales dicimus, Magistros in Sacra Theologia, & qui per Prouincialem, & Diffinitores capituli prouincialis fuerint instituti, quos instituendi nullus Vicarius cum Diffinitoribus habeat potestatem. Dicti autem Prædicatoribus generales non fungantur officio suo, nisi in prouincia in qua fuerint instituti.

Ex cap. De capitulo Prouinciali.

Sine Prouincialis assensu, Diffinitores non possunt Prædicatorem generalem instituere, potest tamen id facere Prouincialis cum duobus Diffinitoribus. Et quicumque inter Diffinitores constitutus seipsum de assensu duorum aliorum, aliis dissentientibus Prædicatorem fecerit generalem, pro nō Prædicatore habeatur, & de cætero nisi super hoc attentetur. Cum autem Prædicatoribus generales sunt instituendi debent in actis capituli prouincialis promulgari, & nō per literas fieri. Et si qui hactenus per literas facti sunt, pro non factis habeantur. Et præter notata in Const. Instituendi Prædicatoribus generales debent esse sufficientes, nedum in literis, sed etiam in moribus

& vita, neque de aliquo crimine conuicti, & ætatis viginti quinque annorum. Ex declar. cap. de capitulo provinciali. Romæ 1589. auctoritate Apostolica mandatur sub præcepto formali, ut nullus in posterum à Prouincialibus, vel Prouinciis in Magistrum, Baccalaureum, aut Prædicatorem generalem petatur nisi sufficienter legerit, prædicauerit, adusque legitimis fecerit, & omnes conditiones requisitas habuerit, locusque vacauerit, & stantibus æqualibus meritis, & sufficientia, antiquiores præponantur, & in petitionibus exprimat quoto annis prædicauerit, & ubi, & an vacet locus, aliter petitiones non admittantur. Venetiis 1592. Dicitur iuxta prædicta numerum Prædicatorum generalium in nulla prouincia posse excedere numerum prioratum illius prouinciæ. Et si qui modo reperiuntur instituti ultra præfatum numerum, eos non esse tales decernitur, neque gratis & priuilegiis illorum uti posse. Hi tamen in locum decedentium succedent successiue secundum ordinem suæ institutionis, habitis requisitis. Et si quid contrarium attentatum fuerit, totum sit irritum, & inane. Et Romæ 1589. declaratur, quod cum dicitur Prædicatores generales non debere excedere numerum Conuentuum Prouinciæ, inter Cõuentus non connumerantur Vicariatus. Et Romæ 1608. declaratur Suppiores, qui sunt Prædicatores generales, habere vocem in capitulo Prouinciali, & posse illud adire. Item Romæ 1589. præfixus fuit numerus Prædicatorum generalium pluribus prouinciis cum numero Magistrorum & Baccalaureorum, quem habes supra, cap. De numero Magistrorum.

De Confessarijs fratrum.

CAPVT LXII.

EX priuilegijs summorum Pontificum ordini nostro collatis, apertissime habetur, Prælatos ordinis ritè institutos habere facultatem audiendi confessiones fratrum suorum subditorum, & eos à peccatis absoluendi, ita ut extra ordinem existentibus fateri non valeant, nisi in quibusdam casibus infra notandis. Quanta autem sit Prælatorum potestas supra subditos suos in absoluendo eos à casibus reservatis, & censuris, dicetur infra à capite suo. In proposito igitur hæc priuilegia notanda sunt.

Alexander 4. in suo priuilegio 3. ita disponit.

Cum Magister, & Priores ordinis Prædicatorum, more periti medici vinum, & oleum sciens infundere vulneribus sauciat, auctoritate præsentium inhibemus vobis fratribus dicti ordinis, ne aliquis vestrum alijs quàm prælatis suis peccata sua confiteri presumant, nisi necessitate urgente periculo, visi forsan Magister ordinis, aut Prior alieni fratri suo licentiam dederit, fratri alteri eiusdem ordinis confitendi, &c.

Sixtus 4. in Mari magno per eadem formalia verba idem inhibet. Ex priuilegio concessio à Iulio 11. ordini Minimorum relato inter nostra fol. 231. habetur.

Præterea caueatur ne quis fratrum huius ordinis confessiones audiat, absque licentia, vel permissione Correforis generalis, aut Vigilis sine Prouincialium vel eorum vices gerentium.

Neque etiam fratres confessoribus extraneis confiteri possunt virtute quorumcumque priuilegiorum generaliter à sede Apostolica concessorum, vt patet ex his, Iulius 2. priuilegio suo 3. ita disponit.

Insuper vt ipsius ordinis (s. Prædicatorum) Præsidentes vultum pecoris sui agnoscere queant, nolumus eiusdem ordinis personas, confessionalibus, vel indulgentiæ literis per sanctam sedem emissis, remittendis, nisi tuo à Magister accedente, & durante consensu, gaudere posse.

Iulius 3. suo priuilegio 3. confirmat id quod Iulius 2. concesserat. in cap. Romano 1601. publicatur breue Clementis 8. ad instantiam ordinis Carmelitarum emanatum, ad omnes tamen ordines mendicantium extensum, talis seriei.

Nos igitur supplicationibus inclinati, concessiones. s. Cruciata, & aliorum indultorum particularium, quantum ad articulum eligendi confessorem, & absolucndi à casibus referuatis, cum fratribus, & sororibus ordinum mendicantium, & nō mendicantium, &c. locum minime habere neque censi, sed nostra intentionis esse, vt prædicti fratres, & sorores quantum ad Sacramentum penitentia, & confessionis, dispositioni suorum Prælatorum subditi sint, auctoritate Apostolica tenore præsentium perpetuo declaramus. Non obstantibus &c. Eisdem tamen Prælati mandauimus, vt in vsu huius potestatis benignos, & faciles se suis subditis exhibeant.

In fine compendij priuilegiorum ord. minorum reformati à F. Hieronymo à Sorbo Capucino affertur quoddam priuilegium Pij V. concessum ordini nostro ad instantiam Prouincialis Hispaniæ, in quo præcisa verba Clementis 8. nunc relata continentur. Posset forsitan his dictis opponi decretum Congregationis Concilij, quod affert Rodericus post bullas Gregorij 13. tenoris huiusmodi.

S. D. Gregorius 13. declarauit tempore iubilæi posse omnes regulares confiteri peccata sua sacerdotibus approbatis ab Ordinario ad audiendas confessiones. In bulla enim non fit mentio, nisi de Ordinario eorum, qui audiunt confessiones, non autem de Ordinario penitentium.

Cui decreto posset dici primo, quod priuilegium concessum à Clemente 8. nunc relatum, est posterius hoc decreto, ideo præualet. 2. quod oportet videre bullas Iubilæorum si derogant priuilegiis in debita forma 3. Idem Gregorius concessit societati Iesu hoc priuilegium, quod habetur, to. 1. q. 62. ar. 11. Roderici, &c. est tenoris, vt infra.

Gregorius Papa 13. declarauit, non fuisse, nec unquam esse, mentis sue, aut sedis Apostolicæ vt persona societatis absque Superiorum licentia utantur facultatibus, quæ in Iubilæis & bullis Cruciatae, ac aliis indultis Apostolicis, communitatibus, aut personis, seu locis prius concessæ sunt, aut in posterum concedentur, non obstante quod in ipsis expressè indulgeatur, vt omnes Regulares etiam mendicantes, huiusmodi facultatibus uti possint.

Casus vero in quibus possunt nostri fratres confiteri peccata sua extraneis exprimuntur in his priuilegiis. Innocentius 7. priuilegio suo 2. concedit vt infra.

Nos igitur huiusmodi supplicationi inclinati auctoritate Apostolica præsentium tenore, ex speciali gratia indulgemus fratribus huiusmodi (s. ord. Præd.) quos pro tempore iu-

nerare, & miti contigerit per suos Superiores, ut si aliquem presbyterum idoneum ex professoribus sui ordinis habere non possint, quemcumque alium idoneum, & discretum regularem, vel secularem, in eorum confessorem eligere valebunt, qui confessiones illorum audire, beneficium absolutionis impedire, & salutarē penitentiam impedire valeat liberè, & licetè, nisi talia essent, propter quā sedes Apostolica merito esset consulenda.

Et Iulius 2. Magistro ordinis nostri in priuilegio 2. indulget vt infra.

Nos igitur tuis supplicationibus inclinati, tenore præsentium concedimus, quod tam tuique successores omnes ad tuum ordinem viriusque sexus pertinentes licentiarē valeant ad confitendū peccata aliis sacerdotibus, deficiente idoneo dicti ordinis confessore.

In decl. prologi Const. dicitur. Priores in conuentu suo, & in eorum absentia Supprieores, & eorum Vicarij omnes fratres nostri ordinis ad suos Conuentus declinātes, absolvere possunt ab omnibus peccatis, & censuris, &c.

Ex decl. cap. de Nouitiis habetur. Fratres nostri non possunt peccata sua aliis, quā Prælati suis confiteri, nisi forte de licentia sui Prælati alteri fratri ordinis confiteretur. Et potest quilibet Prior in suo Conuentu cū habeat iurisdictionem quāsi Episcopalem quemcumque fratrem nostri ordinis, etiam non subditum, à quocumque peccato absolvere, nec potest quantum ad hoc eorum potestas per Prouincialem arctari, quia quod per Superiorem conceditur ab inferiori arctari non potest, hoc autem habent Prælati à Papa. Et potest etiam Prior concedere fratri suo vt confiteatur Priori, vel fratri alterius Conuentus, sed non alterius ordinis.

De Confessorum approbatione per Prælatos ordinis.

· C A P. LXIII.

STatuimus, quod in qualibet prouincia à Præsidente, & Diffinitoribus instituātur aliqui viri docti, & zelum religionis habentes, examinatores, & approbatores omnium Prædicatorum, & Confessorum, quos non constat manifeste esse doctos, ita quod nullus talium, nisi approbatus à duobus illorum in scriptis vel declaratus à Diffinitorio in scriptis sufficiens, & idoneus ad prædicandum, vel confessiones extraneorum audiendum, prædicet populo etiam in villulis, vel confessiones extraneorum audiat sub pœna carceris, & Præsidentes hoc permittentes ab officiis absoluantur.

Benedictus 2. ex nostro ordine assumptus suo priuilegio 2. proponit conditiones Confessorum his verbis.

Quare decernimus, vt Magister, & Minister generalis, Priores, & Ministri Prouinciales ord. Præd. & minorum, vel eorum Vicarij de discretorum consilio, ad tam salubre officium (scilicet audiendi confessiones) diuina scientia doctos, discretione rigentes, vitā probatos, & expertos moribus elegātes, & assumant, alioquin distictam reddent in futuro examinationem.

In decl. cap. de Prædicatoribus dicitur. Ad audientiam confessionum

nullus à Prælatis exponi debet, qui non sit vita, moribus, & scientia approbatus, maturus, discretus, securus, & sufficienter instructus de casibus conscientiarum sedi Apostolicæ, & Diœcesanis reservatis, & de aliis, quæ ad salutem animarum pertinent, ita ut sine scandalo, & periculo possit huiusmodi officium exercere, habeatque specialem licentiam à suo Prælato. Romæ 1571. ex mandato Pij V. Statuitur, ut Prælati, & examinatores Confessorum omnem adhibeant diligentiam, ut ad hoc officium salutis animarum ita necessarium non admittant, nisi eos, qui moribus, & scientia fuerint idonei, memores divini iudicii, in quo sunt reddituri rationem de periculo animarum, quæ defectu Confessorum damnationem incurrunt. Quod & confirmatum fuit Barch. 1574. & Romæ 1580. Romæ 1589. auctoritate Apostolica statutum fuit cum robore perpetuæ Constitutionis, ut nullus admittatur ad audientiam confessionum tam fratrum, quam secularium, nisi per quinque examinatores, vel ubi tot non suppetant per tres ad minus sufficiens iudicatus fuerit, Præcipiētes ipsis Confessorum examinatribus, sub eodem præcepto formali, & pœna excommunicationis latæ sententiæ, ut per vota secreta sua dantes suffragia, secluso omni particulari affectu, insufficientes excludant, & sufficientes, ac idoneos admittant. Quod confirmatur Valentini 1596. Romæ 1601. Vallesoleti 1605. In decl. cap. de Præd. habetur. Non debent fratres audire confessiones secularium maximè mulierum ante trigessimum annum. Idem repetitur Romæ 1608. & additur. Si in aliqua provincia fuerit arctior consuetudo, ea servetur. Idem Parisiis repetitur tum de examine rigoroso præmittendo, tum de ætate triginta annorum pro audientia confessionum mulierum, & adhuc prohibetur, ut in actu confessionis, vel proximo, nihil à pœnitente recipiatur, quod ante etiam Romæ 1608. statutum fuerat. Et Neap. 1600. ordinatum fuit, ut Confessarii vitorum essent annorum triginta, & mulierum annorum triginta quinque.

De Confessorum approbatione per Ordinarios locorum.

CAPVT LXIV.

Difficilis valde redditur perscrutatio hæc, ob multitudinem, & varietatem concessionum Apostolicarum, quæ successu temporis, emanarunt. In principio quidem religionis, fuit indultum ordini nostro, ut possent fratres confessiones secularium audire, absque requisitione Ordinariorum. Nam Gregorius IX. qui & B. Patrem Dominicum Sanctorum catalogo ascripsit de anno 1227. talem præbuit concessionem, per primum eius privilegium, Prælatis Ecclesiæ directum.

Charitatem vestram rogantes per Apostolica scripta mandamus, quatenus dilectos filios fratres ordinis Præd. pro reverentia divina ad officium predicandi benigne recipiatis, & populos vobis commissos, ut de ore ipsorum verbum Dei suscipiant, & confiteantur eisdem, cum ipsis auctoritate nostra liceat confessiones audire, & pœnitentias iniungere, sedulo admoneritis, & pro reverentia Sedis Apostolicæ in suis necessitatibus eis assistatis.

Martinus IV. suo priuilegio vnico disponit vt infra.

Vt fratres eiusdem ordinis (.s. Prædicatorum) predicationis, & audiendi cōfessiones officio eo liberius, & efficacius exequi valeant, quo certius de ipsorum circa hæc auctoritate constabit, tibi sibi Magister per te, vobis verd Prouincialibus cum Diffinitoribus in capitulis vestris congregatis committendi, auctoritate Apostolica fratribus eiusdem ordinis in sacra pagina eruditus, &c. Audiendi verd confessiones absoluedi confitentis, & iniungendi penitentias salutare etiam fratribus idoneis concedendi, & eisdem fratribus sic electis, dicta officia sibi commissæ aut committenda libere exercere valeant, plenam damus tenore presentium facultatem: Districte inhibentes, ne quis ipsos fratres in exercitio, & executione officiorum ipsorum audeat impedire.

Hoc idem ab aliis successoribus Pontificibus confirmatum fuit.

Insurrexerunt quidam contra Regularium mendicantium statum, multa contra eos excitantes, & inter alia, quod vana erat illorum absolutio in confessionibus impensa propter quod asserabant, quod qui confessi fuerant sua peccata Confessoribus mendicantium, tenebantur adhuc illa iterum confiteri suis Parochis. Quorum caput fuit Ioannes de Poliacio Magister, qui etiam addere ausus est, quod stante statuto, Omnis vtriusque sexus, &c. nec Deus nec Romanus Pontifex facere possunt, quod parochiani non tenerentur saltem semel in anno confiteri peccata sua proprio Sacerdoti, sed oportebat vt ipsiusmet Parochi talem facultatem præberent, & audientes confessiones sine licentia Parochi fures erant, & latrones. Quam doctrinam tanquam hæreticam, aut suspectam de hæresi, de DD. Cardinalium consilio reprobauit Ioan. 22. vnde dictus Ioannes de Poliacio coactus fuit illam reuocare. Quæ omnia habes in bulla Calixti III. inserta priuilegiis nostris. Quæ propter Pontifices successores constituerunt, vt Confessarii electi à Magistro ordinis, vel Prouincialibus coram Episcopo præsentarentur modo infra scripto.

Bonifacius VIII. cuius Constitutio incipit Super cathedram, & habetur in Clementina, Dudum. De sepult. ita disponit, relatis prius controuersis inter Parochos, & fratres ord. Præd. & minorum.

Statuimus auctoritate prædicta, vt in singulis ciuitatibus, & diocæsis, in quibus sunt loca dictorum fratrum, aut locis eorum vicinis, Magistri, & Priores Prouinciales ordinis Prædicatorum, ac eorum Vicary ad præsentiam Prælatorum eorundem locorum se conferant, per se vel fratres quos ad hoc idoneos fore putauerint, humiliter petaturi, vt fratres qui ad hoc electi fuerint in eorum ciuitatibus, & diocæsis, confessiones subditorum suorum confiteri sibi volentium, audire, libere valeant, & eisdem penitentias salutare imponere, & beneficium absolutionis impendere, de licentia, gratia, & benivolentia eorundem, &c. Et ipsi Magistri, & Prouinciales siue Vicary eligere studeant personas sufficientes idoneas, vita probatas, discretas, modestas, atque peritas, &c. Extra quas ciuitates, & dioceses, in quibus fuerint deputata, per quas, & non per prouincias volumus deputari, confessiones non audient. Numerus autem personarum assumendarum ad hoc officium exercendum, esse debebat prout clerici, & populi multitudine vel paucitas exigit eorundem. Et si Prælati peritam licentiam concesserint, illam cum gratiarum actione recipiant, & persone sic electæ officium suum exequantur. Quod si forte dicti Prælati quempiam ex electis, & presentatis fratribus, non du-

De Confessorum approbatione per Ordinarios locorum. 205

erent admitendum, eo subtrahito, loco ipsius poterit alius subrogari. Si Vero dicti Prælati sic electis, & presentatis licentiam exhibere noluerint, nos ex nunc ipsis ut confessiones sibi volentium confiteri libere audire valeant & eisdem penitentias salutaris imponere, ac beneficium absolutionis impendere, gratiosè concedimus de plenitudine potestatis. Per huiusmodi autem concessionem nequaquam intendimus fratribus ipsis ad id taliter deputatis, potestatem ampliorem impendere, quam Curatis, & Parochis à iure est concessum, nisi forte Prælati uberiorem gratiosè impenderent.

Benedictus XI. in privilegio suo 2. ampliat prædictam facultatem his verbis.

Ut autem Diocesani honor debitus referretur, precipimus, ut Priores Provinciales ord. Præd. & minorum per se vel per alios, verbo vel scripto eis significent se fratres ad huiusmodi officium audiendarum confessionum elegerisse, & non nominando aut coram ipsis confitendo, nec illorum numerum exprimendo, petant humiliter ut de eorum licentia in eorum Civitatibus, & diocesisbus possint dictum officium exercere. Quod si denegent, aut infra triduum non concedant, ex tunc dicti fratres electi officium dictum exerceant. Datam vero licentiam, nolumus per Diæcesanorum mortem terminari.

Eugenius IV. Monachis S. Benedicti facultatem concedit audiendi confessiones forensium, absque quacumque præsentatione illorum Episcopis facienda Hanc bullam habes inter privilegia f. 252.

Nos volentes devotioni populorum satisfacere, &c. ut liceat Prælati congregationis S. Iustine, & monachi à suis Superioribus deputatis pro audientia confessionum dictorum populorum confessiones audire, atque alia suorum superiorum licentia, ac Encharistia Sacramentum administrare, de specialis gratia dono licentiam elargimur.

In Concilio Lateranensi modificatæ fuerunt huiusmodi concessionες. Vnde Leo X. in bulla quæ incipit Sacro approbante Concilio, quæ est eius 3. inter privilegia ita disponit.

Superiores ord. Præd. fratres quos ad audiendas confessiones secularium pro tempore elegerint, Prælati eorum personaliter presentent, si eos presentari petierint, alioquin presentent coram Vicariis, dummodo ad Prælatos (i. Episcopos,) ultra duas diaras accedere non cogantur, possintque illi per Episcopos super sufficienti literatura, & huiusmodi Sacramenti peritria dumtaxat examinari, talibusq; presentatis, & admissis, aut indebitè recusatis, confitentis, Constitutioni, quæ incipit, Omnis veriusque sexus, &c. satisfecisse censentur. Ipsique fratres etiam forensium confessiones audire valeant.

Poftermo Conc. Trid. prædicta moderatur sess. 23. cap. 15. his verbis.

Quamvis presbyteri in sua ordinatione à peccatis absolvens potestatem accipiant, decernit tamen S. Synodus nullum etiam Regularem, posse confessiones secularium etiam Sacerdotum audire, nec ad id idoneum reputari, nisi habeat parochiale beneficium, aut ab Episcopis per examen si illis videbitur esse necessarium, aut alias idoneus iudicetur, & approbationem quo gratis detur, obtineat. Privilegiis, & consuetudine etiam immemorabili non obstantibus.

Pius V. Concesserat, ut Lectores, & Magistri in Theologia mendicantes, non sublicerentur examini Episcoporum quando admitterentur ad audientiam confessionum, sed postea hanc gratiam reuocavit his verbis, in bulla sua apud Confectum 11.

Tenore presentium, hæc nostra perpetua constitutione decernimus, Conc. Trid.

decretum de approbatione regularium Confessorum ab Episcopis facienda, obseruari debere in omnibus mendicantibus, etiam Lectioribus, & Magistris, etiam in Generalibus approbatis. Volumus tamen eos qui semel ab Episcopo prauo examine in Cinitate, & diacepsi approbati fuerint, ab eodem Episcopo iterum non examinari.

Iuxta cuius bullæ tenorem exiit decretum à sac. Congregatione huiusmodi.

Congregatio concilij censuit; Regulares ad audiendas confessiones secularium in cinitate & diacepsi ab Episcopo semel prauo examine approbatos, iterum ab eodem Episcopo non esse examinandos. Ceterum à successore posse examinari iuxta Constitut. Pij V. quæ non fuit à Gregorio XIII. per reductionem privilegiorum regularium ad terminos Concilij reuocata.

Aliud etiam decretum in proposito exiit à sac. Congregatione regularium, quod huiusmodi est.

Congregato regularium censuit Regulares qui ad confessiones audiendas idonei generaliter ab Ordinariis, eorumque examinatoribus approbati fuerint, generaliter quoque & indistinctè absque aliqua limitatione temporis; certorumue locorum, aut generis personarum admittantur in diacepsi propria. De Ceteris vero, qui non adeo idonei reperiuntur, si petierint se admitti, arbitrio Ordinariorum relinquitur, ipsos cum limitata facultate prout Ordinariis magis expedire videbitur probare, & admittere. Qui autem in domibus laicorum confessiones causa infirmitatis audierint, statim Parochum admonere teneantur, & si dem audiæ confessionis pro medico relinquere.

Eadem Congregatio censuit, vi seruetur prædictum decretum, corripianturque Ordinarij, qui in articulo mortis id fieri prohibent, vel in licentis concessis id excipiunt. Bononiæ 1564. dicitur. Diligenter attendant Prælati, & quicumque alij fratres, vt omnia quæ circa Episcoporum obseruantiam, à S. Synodo fuerunt statuta, obseruent. Et si examinare volunt expositos ad audiendas confessiones, humiliter pareant, &c.

Qua ordinatione stante, non est à nobis audiendus Rodericus tom. 1. quæst. reg. q. 59. art. 2. qui existimat per dictum decretum Concilij non esse reuocatum id quod nostri ordini, & minorum concessum fuit in Clementina, Dudum, supra relata, quia decretum (inquit) asserit. Non obstantibus privilegijs, &c. Clementina autem Dudum, non est priuilegium sed lex, vt sunt alie decretales, igitur non est reuocata. Neque (inquit) dici potest quod lex posterior legem priorem reuocat, & decreta Concilij per modum legis traduntur, quia tunc posterior lex priorem euacuat, quando vtraque generalis est, non autem quando altera specialis est. Clementina autem illa specialis lex est, lata pro ordinibus Præd. & minorum tantum, igitur, &c. At patres nostri ordinarunt quod si Episcopi volunt approbatos à nobis examinare, humiliter pareant.

Præterquam quod in eodem Conc. Trid. sess. 25. de reg. cap. 22. habetur omnia decreta Conc. in quibus de regularibus agitur inuolabiliter obseruanda esse, non obstantibus privilegijs, & Constitutionibus Apostolicis. Et Pius IV. in confirmatione decretorum dicti Concilij reuocat omnes concessiones, indulta, &c. etiam regularibus concessa, inter quæ connumerandum videtur quod conceditur per dictam Clementinam, Dudum.

Aliud

Aliud tradit idem Rodericus non satis tutum, quod est Magistros, in Theologia non debere examinari ab Episcopis pro audientia confessionis, quia decretum concilij eos excipit. Nam dicit nullum presbyterum posse audire confessiones nisi, vel beneficium obtineat, vel per examen approbetur ab Episcopo si velit, vel alias idoneus iudicetur. Et quis alius potest iudicari idoneus nisi Magister in Sacra Theologia approbatus in aliqua solenni vniuersitate? aut doctor sacrorum Canonum? Hi enim publicam fidem ferunt de illarum sufficientia. At quia hoc negatur à Pio V. relato supra, ideo etiam à nobis reiiicitur.

De Confessorum auctoritate super fratres.

CAPVT LXVI.

Colligenda hic sunt præcipua priuilegia ordini nostro concessa super absolutione fratrum.

Innocentius IV. priuilegio suo 23. concedit Magistro ordinis, & Prouincialibus vt infra.

Nos itaque auctoritate presentium, facultatem concedimus, vt singuli vestrum in prouincijs sibi commissis fratribus ibidem constitutis, absolutione, & dispensatione indigentibus, siue priusquam ordinem intrauerint, siue post, in casibus excesserint memoratis, (s. quibus annexa est censura excommunicationis, & nota irregularitatis) de consilio discretorum fratrum vestrorum, qui literati sint, & Deum timentes, impartiri valeant beneficium absolutionis, & dispensare eum eis iuxta formam Archiepiscopis, & Episcopis à Sede Apostolica traditam, nisi adeo fuerit grauis, & enormis excessus, vt meritis sint ad Sedem Apostolicam destinandi, &c.

Alexander IV. in suo priuilegio 30. idem de verbo ad verbum confirmat.

Gregorius XI. in Bulla relata à Sixto IV. in Mari magno eandem facultatem quam prædecessores concesserant Magistro ordinis, & Prouincialibus, extendit etiam ad Priores conuentuales, & eorum Vicelgerentes. Et addit facultatem absoluedi à casibus, quibus nedum annexa est censura excommunicationis, sed etiam suspensionis & interdicti.

Sixtus IV. in Mari magno, relatam Constitutionem Gregorij approbat, & additam declarationem.

Et quia sapere uocatur in dubium, qui sint merito ad sedem apostolicam destinandi. Vt absolutum ac dispensantium, necnon absoluedorum & dispensandorum puritati conscientia consulamus, declaramus, hæreticos relapsos, Schismaticos & qui literas Apostolicas falsificassent, aut ad infideles prohibita consulissent, dumtaxat esse merito ad Sedem Apostolicam destinandos.

Et quia idem Sixtus IV. in bulla quæ dicitur Aurea, restrinxerat prædictam facultatem, ita vt ea solum vti possent Magister ordinis, & eius Vicarius, ac illi quibus ipse duxerit committendum. Ideo aliam Constitutionem ipsemet Sixtus IV. promulgauit quæ est eius vltima in libro nostrorum priuilegiorum talis tenoris.

Dilectus filius Vicarijs fratrum obseruantia Hispania, & Lombardia ord. Præd. ac omnibus Prioribus, & Vicegerentibus eorumdem fratrum salutem, &c. Volentes vt-

fra quieti consulere, supplicationibus inclinari, vobis, & cuilibet vestrum facultatem & potestatem concedimus absolendi, & dispensandi cum fratribus, sicuti alias ex privilegio quod dicitur *Ma en magnum* poteratis, antequam bulla aurea emanasset, illa ceterisque contrariis non obstantibus.

Iulius II. in privilegio suo 4. directo fratri Thomæ Caietano Magistro ord. prædicta declarans dicit.

Exponi nobis fecisti, quod Sixtus IV. prædecessor noster, declaravit in quibus casibus sit recurrendum ad Sedem Apostolicam, pro absolutione, & dispensatione à censuris, & irregularitate, &c. super fratres tuos, nihilominus propter causas derogatorias positas in bulla Cænæ Domini, quæ singulis annis publicatur, civitas facultatem ordini concessam, esse ademptam, &c. Nos igitur, &c. volentes tollere cautionem vagandi, attendentes multa contineri in prædicta declaratione quæ etiam in bulla Cænæ Domini habentur, decernimus quod illi, quibus in prædicta declaratione Sixti IV. concessa est potestas absolendi, & dispensandi, licite possint perpetuis futuris temporibus absolvere ac dispensare, ob omnibus, & singulis, ac si prædicta bulla Cænæ facta non fuisset nec fieret, præterquam à conspiratione in Pontificem Romanum, & ab illis propter quæ Sixtus IV. declarando voluit ad dictam sedem merito esse recurrendum.

Diligenter tamen considerandæ sunt clausulæ derogatoriæ quæ nunc bullis Cænæ apponuntur singulis annis.

Leo X. in privilegio 5. directo omnibus generalibus ordinis mendicantium ita ordinat.

Nos cupientes fratres potius in suis claustris Deo pro peccatis sacrificium offerre, quam cum periculo animarum, & scandalo per longinquam itinerandi peregrinationem, vestris supplicationibus inclinari, vobis concedimus, & vobis perorbitum, aut per amotionem à genera læta absoluis, vicarius vestris pro tempore, ac illis quibus vos specialiter duxeritis esse concedendum, subditos vestros ab omnibus, & singulis casibus, & censuris sciendum concessionem, & declarationem Sixti IV. & Iulij II. prædecessorum nostrorum, absolvere possitis, non obstantibus restrictionibus, reservationibus & ordinationibus Apostolicis super his in Conc. Lateranensi factis, quibus quoad præmissa derogamus.

Pius V. bulla sua apud Confectum 10. ordini nostro concessit ut infrà.

Quia sacrum Concilium Trid. concessit Episcopis, ut absolvere possint in foro conscientie tantum ab omnibus peccatis, & dispensare super irregularitate, ut habetur sess. 24. cap. 6. ne Priores conventuales, & alij Superiores deterioris conditionis sint, quam laici, & clerici, concedimus eis, ut ipsi per seipsos idem omnino possint in fratres, & moniales sibi subditos, quod possunt Episcopi in Clericos, & Laicos sibi subiectos, quoad absolvendum, & dispensandum, & alia idem concessa, &c.

Concessio ista non est contra Concilium Triden. sed est eius interpretatio, quod patet per illa verba, ne regulares sint deterioris conditionis, &c. ideo non est censenda revocata à Gregorio XIII. quando omnia privilegia Pij V. ad terminos Concilij reduxit. Quod etiam sentiendum est de prædictis omnibus gratiis hic adductis super facultate absolendi, & dispensandi cum fratribus, quæ etiam post Concilium sunt in suo robore. Tanto magis quia plures Pontifices etiam post Concilium confirmaverunt nostra, & aliorum mendicantium privilegia, quæ in usu sunt, & decretis Concilij non sunt contraria, qualia sunt ista de absolutione, & dispensatione fratrum.

Ex declaratione prologi Constat. habetur quod Priores in Conuentu suo, & Suppiores in absentia eorum illorumque Vicarij omnes fratres ordinis ad eos declinantes ab omnibus peccatis, & censuris tam à iure quam ab homine generaliter prolatis. Sedi Apostolicæ non reſeruatis, poſſunt abſoluere, & ſacramenta Eucharistiæ, & Extremæ vnctionis miniſtrare iuxta priuilegia. Et ſupra cap. de Nouitiis dicitur. Poſteſt quilibet Prior in ſuo Conuentu, cum habeat iuriſdictionem quaſi Epiſcopalem, quemcumque fratrem noſtri ordinis etiam non ſibi ſubditum à quocumque peccato abſoluere, & ab omni ſententia iuris, & iudicis generaliter, & non in particulari prolata, niſi exceſſus eſſet talis quod merito eſſet recurrendum ad ſedem Apoſtolicam. Et hoc intelligitur de ſententiis iudicis tam alterius ordinis quam noſtri. Et quantum ad hoc auctoritas Priorum arctari non poſteſt per Prouincialem; quia quod conceditur per Superiorem, non poſteſt per inferiorem reuocari. Et ſuper cap. de elect. Magiſtri ordinis dicitur, quod Magiſter ord. illico quod eſt electus habet curam animarum omnium fratrum, & poſteſt illos abſoluere ab omnibus exceſſibus, & cenſuris, etiam ſedi Apoſtolicæ reſeruatis, & irregularitatibus diſpenſare, &c. De Prouincialibus vero dicit Conſtitutio cap. de electione Prouincialis, quod tantam habet poſteſtatem in ſua prouincia, quantam habet Magiſter in ordine.

Si autem poſt prædictas conſeſſiones emanauerint aliquæ Conſtitutiones Pontificiæ: quibus aliquid prohibeatur ſub pena excommunicationis latæ ſententiæ, cuius abſolutio reſeruata ſit ſedi Apoſtolicæ, nonobſtantiſ priuilegijs quibuſcumque etiam mendicantiſ conuerſis, proſpiciant Conſeſſarij num poſt tales Conſtitutiones confirmata fuerint priuilegia noſtra in quocumque ordine, cum illa etiam clauſula quatenus ſint in vſu, & decretis Concilij non obſtent, quia data hac confirmatione quæ ad omnes ordines extenditur, poterunt abſoluere fratres ab huiusmodi excommunicationibus reſeruatis, Extat autem inter alias confirmatio priuilegiorum monachorum ordinis S. Benediicti in Hiſpania relata à Roderico. Et eſt bulla Clem. VIII. 23. cum illis ſolis clauſulis quatenus ſint in vſu & decretis Concilij non obſtant, quamuis in Confirmatione noſtrorum idem Pontifex apponat, & aliam .ſ. Et non fuerint, reuocata.

De auctoritate Pralatorum super fratres, in quibusdam casibus determinatis.

CAPVT LXVI.

Gregorius XI. in bulla ſua inſerta in Mari magno, promulgata à Sixto quarto dat facultatem Magiſtro, & Prouincialibus, Prioribus, & Vicariis eorum, diſpenſandi ſuper irregularitate contracta, celebrando diuina, in locis interdicto ſuſceptis.

Innocentius IV. priuilegio ſuo 20. concedit Magiſtro ordinis, & Prouincialibus, vt eos ex ſuis fratribus, qui ex iniectione manuum in ſeipſos incurrerint excommunicationem, abſoluere valeant, dummodo iniuriam paſſis competentem ſatiſfaciant, illis tamen exceptis, quorum adeo grauis, & enormis eſſet exceſſus, vt merito recurrendum ſit ad ſedem Apoſtolicam. Idem habet Bonifacius IX. in ſuo priuilegio 5.

Clemens IV. in suo privilegio 4. facultatem præbet Magistro ordinis, & Provincialibus ut possint dispensare super irregularitate contracta, eo quia sententiam excommunicationis, interdicti, & suspensionis, ex quadam incautela proferunt sine scriptis, contra quamdam Constitutionem super hoc editam, & postmodum ex quadam simplicitate, diuina celebrant infra mensem, imposita eis competenti pœnitentia, & quod de cætero in similibus non excedant, quod si etiam ipsi Magister, & Provinciales in hoc modo dicto deliquerint, à suis Confessoribus dispensari possint.

Bonifacius IX. privilegio 5. concedit Magistro ordinis, & Prioribus ut possint dispensare super irregularitate contracta, cum his qui vinculo excommunicationis ligati ob percussione[m] clerici diuina celebrant.

Martinus V. privilegio 3. concedit Magistro ordinis, ut possit fratres qui forsitan ante legitimam ætatem procurauerint, aut permisserint ad quoscumque sacros ordines promoueri, ab omnibus sententiis, & pœnis absolvere, quas propterea incurrerint, & dispensare super irregularitate per eos contracta.

Sixtus IV. in Mari magno concedit Magistro ordinis, Provincialibus, & Prioribus ut possint dispensare super quacunque irregularitate, excepta ea quæ contracta fuerit causa homicidij voluntarij, mutilationis membrorum & bigamiæ.

Alexander IV. privilegio. 13. concedit Magistro, Provincialibus, Prioribus, & eorum Vicariis, ut sicut possunt suos subditos absolvere ab omnibus casibus & censuris, & dispensare super omni irregularitate, nisi ob enormitatem esset recurrendum ad sedem Apostolicam, ita & ipsi absolui hoc modo possint, ac dispensari à suis Confessoribus. Idem habetur in Mari magno. Sixti IV.

Quoad eos qui religionem intrant ita disponit. Sixtus IV. in Mari magno, ut conferat, Magistro ordinis, Provincialibus, Prioribus & eorum Vicariis, facultatem absoluedi eos qui habitum nostrum sunt recepturi, à sententiis excommunicationis, suspensionis, & interdicti, à iure vel à indice generaliter promulgatis, & etiam post susceptum habitum, & professionem emissam, si recoluerint se talibus sententiis in seculo irretitos fuisse, & super irregularitate dispensare.

Sixtus IV. prout refert Rodericus tomo 1. q. 62. art. 6. concessit omnibus fratribus ordinis Prædicatorum, & minorum, præsentibus, & futuris, ut Confessor ab eis electus delicta Superiorum, possit semel in vita, & in articulo mortis, pro commissis excessibus eos absolvere plenarie in forma confessionalis. Et in articulo mortis plenariam absolutionem peccatorum impendere ab omnibus casibus nullo excepto, ac si in illo actu ille confessor esset summus Pontifex. Ita dicit haberi in monumento ordinum.

Idem Sixtus IV. referente eodem Roderico art. 10. eiusdem quæst. concessit quod fratres Carthusienses possint eligere confessorem idoneum sui ordinis, qui semel in anno in festo Natiuitatis B. Virginis, possit omnes absolvere ab omnibus peccatis etiã sedi Apostolicæ reservatis in perpetuum.

Urbanus IV. privilegio suo 1. concedit Magistro ordinis, & Prioribus, ut possint commutare vota eorum qui assumpserunt habitum nostrum, & pœnitentiam.

tias illis impostas in obseruantias religionis, dummodo vota non fuerint de transeundo ad arctiorem religionem.

Leo X. concessit Confessoribus ordinis Minimorum facultatem commutandi, & relaxandi omnia vota & imponendi pœnitentias salutare quod priuilegium inter nostra habetur fol. 229.

S. Tho 2.2. q. 88. ar. 12. ad primum dicit per ingressum religionis hominẽ liberari ab obseruantia cuiuslibet voti emissi ante, quia in religione totã vitam suam Dei obsequio deputat, in quo omnia continentur vota, & art. 8. eiusdem quæst. asserit. Cum Prælato subdatur religiosus secundum omnes suas operationes ex professione regulæ, etiam si ad horam aliquid facere possit, quando à Prælato non occupatur, quia tamen nullum tempus est in quo religiosus non possit à Prælato occupari nullum votum religiosi est firmum, nisi sit de consensu Prælati factum.

De reservatione casuum.

CAP. LXVII.

PRiores possunt aliquos casus determinatos peccati mortalis sibi reservare, vt viderint expedire animabus.

Ex prologo.

Nulla potestate in nostro ordine in communi vel particulari aliquid ordinetur, aut prohibeatur, cum hac pœna, quod non possit absolui à peccatis suis. *Ibidem.*

Hic notandum est decretum Clemētis 8. super reservatione casuum quod huiusmodi est.

Sanctiss. D. Clemens 8. qui iam pridem accuratè perpensis, quod reservatio facultatis absolucendi Religiosos penitentes à quibusdam grauioribus delictis, nisi moderatè fiat nonnullos infirmiores in aeterna damnationis periculum; & dissensum inducere posset. Ideo decreuit, vt nemo Superior regularis peccatorum al solutiones sibi reseruet exceptis his qua sequuntur, aut omnibus, aut aliquibus illorum prout in domino expedire iudicauerit.

Veneficia, Intrantationes, & Sortilegia.

Apostasia, à religione suã habitũ diuissio, suã recitatio, quando eo peruenierit, vt extra septem Conuentus fiat egressio.

Nocturna, & furtiua à Conuentu egressio, etiam non animo apostatandi facta.

Proprietas contra votum paupertatis, qua sit mortale peccatum.

Iuramentum falsum in iudicio regulari, sine legitimo.

Procuratio, auxilium siue consilium: ad abortum faciendum post animatum factum, etiam effectu non secuto.

Falsificatio manus, aut sigilli officialium Conuentus.

Furtum de rebus Conuentus, in ea quantitate, qua sit peccatum mortale.

Lapsus carnis voluntarius opere consummatus.

Occisio, vulneratio, seu gravis percussio cuiusque personæ.

Malitiosum impedimentum, aut retardatio, aut apertio literarum à Superioribus ad inferiores, & ab inferioribus ad Superiores.

Si quod aliud peccatum graue pro religionis conseruatione, aut pro conscientia puritate reseruandum videbitur, id non aliter fiat, quam generalis capituli in toto ordine, aut provincialis in provincia matura discussione, & assensu. Non liceat Superioribus regularium confessiones subditorum audire, nisi quando peccatum aliquod reseruatum commiserint, aut ipsemet subditi sponte id petierint. Superiores in singulis domibus duos vel tres, aut plures Confessarios pro subditorum numero maiori, vel minori designent, siquis sint docti, prudentes, & charitate præditi, qui à non reseruatis eos absoluant, & quibus etiam reseruatorum absolutio comitatur, quando casus occurrerit, in quo casu debere committi ipse in primis Confessarius indicauerit. Tam Superiores pro tempore existentes, quam Confessarii qui postea ad superioritatis gradum assumpti fuerint, cauens diligentissime, ne ea notitia, quam de aliorum peccatis in confessione habuerunt, ad exteriorem gubernationem intantur. Licebit tamen Superioribus determinare penitencias graues quibusdam peccatis etiam non reseruatis, à Confessariis imponendas, quæ subditos ab illis cohibere possint, Et ita mandata seruari ab omnibus. Non obstantibus &c.

De Confessorum regularium auctoritate super seculares.

CAP. LXVIII.

Bonifacius 8. Clementina, Dudum, de sepulturis, postquam statuit modum quo Prælati ordinum Præd. & minorum præsentare debent Episcopis regulares pro audientia confessionum, subdit etiam auctoritatem, quam habent dicti Confessarii sic præsentati, his verbis.

Per huiusmodi autem confessionem, nequaquam intendimus fratribus ipsis ad id taliter deputatis, potestatem in hoc impendere ampliorem, quam Curatis, vel Parochialibus Sacerdotibus est à iure concessum, nisi forsitan eis Ecclesiarum Prælati vberiorum in hac parte gratiam specialiter ducerent faciendam.

Ex quo priuilegio deducunt Theologi, fratres sic præsentatos posse absolueri sibi confitentes à quolibet peccato, & casu, exceptis tantum casibus de iure Episcopis reseruatis, quod si Episcopus alios sibi reseruatur præter ius, ab eis absolueri possunt fratres non autem curati, ratio est, quia in dicta Constitutione excipiuntur, solum illi, qui à iure reseruati sunt, & super quos de iure Parochi potestatem non habent. Hanc difficultatem enucleat Rodericus tomo 1. q. 61. ar. 2. Qui autem sint casus à iure reseruati Episcopo explicat Bened. 11. priuilegio suo 2. & sunt Crimina pro quibus esset indicenda solemnis penitentia. Crimina, quæ irregularitatem ingerunt in clericis, vel excommunicationem maiorem, Incendiarij Bened. 11. addit etiam casus reseruatos Episcopis ex consuetudine, & hoc dicit esse, Homicidas voluntarios, Falsarios, Libertatis, & immunitatis ecclesiasticæ violatores.

Vrbanius 4. concessit Patribus Carmelitis, ut infra, quod priuilegium est inter nostra. folio 248.

Nos vestris supplicationibus annuentes, presentium vobis auctoritate concedimus, ut confratrum, & familiarium vestrorum, ac aliorum Christi fidelium causa deuotio-

nis ad vos recurrerint, de suorum licentia Prælatorum confessiones audire, & pro commissis eis salutarem penitentiam iniungere, valeatis, nisi forte talia commiserint, propter quæ sedes Apostolica sit merito consulenda.

Et quia facit difficultatem in hac concessione illud verbum, de licentia suorum Prælatorum, ideo Sixtus 4. in Mari magno Carmelitarum, quod est bulla 37. eiusdem Sixti 4. apud Rodericum declarat illud, modo infra scripto.

Declaramus licentiam suorum Prælatorum illam intelligi debere, quam Ordinarij præsentatis ad confessiones audiendas iuxta eiusdem Concilij Viennensis Constitutionem. i. iuxta formam cap. Dudum, de sepulturis, dare sunt astricti.

Eugenius 4. ut habetur in nostris privilegiis. fol. 251. monachis Benedictinis. S. Iustinz dat tale privilegium circa absolutionem secularium.

Præterea cum sæpe contingat ob deuotionem quam ad monachos præfata congregationis, nonnullæ persone habent, ad eos pro salute animæ suæ recurrere, &c. Nos eam deuotioni satisfacere volentes, licentiam largimur monachis à suis Superioribus ad audiendas confessiones harum personarum deuotatis, ut possint illos audire, & quoties oportuerit absolueri ab omnibus, & singulis peccatis, præterquam sedis Apostolicæ reseruatæ dumtaxat, necnon à quibusvis excommunicationum, suspensionum, & interdicti, sententiis, aliisque censuris, & pœnis à iure, vel ab homine laicis, satisfactione iniuncta. Insuper, & vota omnia cōnuat, ac in omnibus, & singulis casibus, etiam Ordinarijs per synodales, vel Provinciales Constitutiones reseruatæ, cum eis dispensare, præter Censuras pœnas, vota, casus, pro quibus merito sedes Apostolica consulenda esset.

Leo 10. in sua Const. 5. apud Confectum, concedit indulgentiam 10. annorum visitantibus Ecclesias, Minimorum in festis omnium Sanctorum. Assumptionis B. Virginis, Annuntiationis eius, Pentecostes, & postea subdit hæc verba.

Et ut Christi fideles, qui ad ipsas Ecclesias pro huiusmodi consequenda indulgentia confluunt illius participes esse possint, Correctoribus nunc, & pro tempore existentibus dictarum Ecclesiarum, deputandi annis singulis sex, aut plures idoneos presbyteros sine secularibus, siue dicti ordinis fratres, qui dictis diebus confluentium &c. auditis confessionibus, et pro commissis delictis etiam in casibus Episcopalibus absolutionis beneficium impendere, & salutarem penitentiam iniungere, & vota per eos emissæ Religionis castitatis, & ultra marino, necnon lininum Apostolorum Petri, & Pauli ac S. Iacobi in Compostella, votis dumtaxat exceptis in alia pietatis opera commutare, valeant, licentiam renouare præsentium concedimus, præsentibus perpetuis futuris temporibus valituris. Non obstantibus renouationibus, &c.

Idem Leo X. eidem fratribus ord. Minimorum Constitutione sua. 9. apud Confectum cum concessisset indulgentiam plenariam, illorum Ecclesiam S. Trinitatis in Vrbe visitantibus quadragesimæ tempore, subdit hæc verba.

Et Christi fideles huiusmodi indulgentiæ participes esse possint, Correctori dictæ domus pro tempore existenti, confessores religiosos dicti ordinis, qui eosdem ad dictam Ecclesiam pro indulgentia confluentes, dictis singulis diebus Dominicis quadragesimæ cuiuslibet anni, in confessionibus audire possint, & eorum Confessionibus diligenter au-

ditis, eosdem à quibuscumque casibus etiam Apostolica sedis reseruat (exceptis contentis in bulla Cæne Domini absolueri possint, & valeant, deputandi auctoritate Apostolica tenore presentium de speciali gratia facultatem concedimus.

Pro quibus concessionibus nota, quod non satis est prædictos Confessores deputari à Correctore, sed debent etiam per Episcopum approbari ob decretum Conc. Trid.

Paulus 3. concessit societati Iesuitarum hanc facultatem, quam refert Rodericus tomo 1. q. 61. art. 5. quam dicit collegisse ex compendio priuilegiorum societatis.

Concessit dictus Paulus 3. sacerdoti societatis Iesu, qui ad omnes confessionum regularium per societatis Præpositum pro tempore existentem deputatus fuerit, posse quorumcumque utriusque sexus fidelium, ad eum undique accedentium confessionibus diligenter auditis ipsos ab omnibus, & singulis eorum peccatis, criminibus, excessibus, & delictis, quantumcumque grauib, & enormibus, etiam sedi Apostolica reseruat, à quibusvis ex eis resultantibus sententijs, censuris, & pœnis ecclesiasticis, (exceptis contentis in bulla Cæne Domini) potestatem absolendi, & salutarem penitentiam imponendi.

Gregorius 13. vt refert Confessius titulo 17. cap. 6. Collectionis priuilegiorum in margine ad finem capituli, fecit hanc concessionem societati prædictæ.

De anno 1580. die 10. Maij à Gregorio 13. declaratum fuit R. P. Iesuitas non esse comprehensos sub Cardinalium Congregationis declaratione, neque facultatis eis concessæ absolendi à casibus Episcopo reseruat fuisse derogatum, imo illam confirmans, & denuo concessit.

Paulus 4. in bulla Confirmationis priuilegiorum ordinis minorum, quæ est 1. apud confectum facultatem præbet vt infra.

Et insuper confirmamus, & de nouo concedimus, pro tempore deputatos confessores fratres ord. minorum obseruantie, omnium quorumcumque diocesum Christi fidelium ad eos recurrentium confessiones audire eosque etiam in casibus, & censuris quibus eis per priuilegia sedis Apostolica, etiam per modum communicationis, & extensionis quorumcumque ordinum, etiam minorum hætenus concessum est, posse absolueri & penitentias iniungere, ac Sacramentum Eucharistiæ ministrare, excepto die Resurrectionis Domini.

Leo X. facultatem concessit confratribus. S. Rosatij, vt infra, quam concessionem confirmauit Sixtus V. & habetur in libellis societatis.

Concedimus, quod omnes, & singuli confratres in Pascha resurrectionis, & prædictis festiuitatibus B. Virginis, s. Natiuitatis, Annuntiationis, Visitationis, & Purificationis, & Assumptionis, & tribus diebus earundem festiuitatum præcedentibus, cuiumque presbytero ordinis Præd. ab ipsis eligendo, sua peccata confiteri valeant, qui eos omnes, & singulos ab omnibus excommunicationibus, alijsque censuris ecclesiasticis, & pœnis à iure, vel ab homine, quauis occasione latas, nec non sacrilegijs, adulterijs, incestibus, & alijsque delictis, & excessibus quantumcumque grauib, ac etiam casibus sedi Apostolica reseruat (exceptis dumtaxat contentis in bulla Cæne Domini) absolueri valeant. Et iuramenta sine aliorum præiudicio, ac vota quacumque (exceptis votis religionis castitatis, & peregrinationis ultra mare ad limina Apostolorum, & S.

De moderatione auctoritatis Confessorum regularium, &c. 215
Iacobum in Compostella) in aliis pietatis opera commutare valeant, licentia aliorum
Prelatorum minimè requisita.

Pius 4. Confratribus societatis nominis Dei, vt in eius libello habetur
concessit, vt infra.

Vt dicti confratres indulgentiam plenariam eis concessam pro die S. Circumcisio-
nis possint consequi perpetuo, concedimus, vt dicto die occurrente, quoscunque sibi be-
ne visos presbyteros, siue seculares, siue cuiusvis ordinis regulares per Ordinarium
approbatos in suos confessores eligere possunt, qui auditis eorum confessionibus, ab excom-
municatione, etiam maiori & ab omnibus aliis sententiis, censuris, & penis, à iure, vel
ab homine latis, salvo iure tertij, necnon ab omnibus peccatis excessibus, quantumcum-
que grauib, etiam locorum Ordinariis, & sedi Apostolica reservatis (præterquam in
bulla Cænæ Domini absolueret, & penitentiam salutarem iniungere valeant, ac vota om-
nia (exceptis supra nominatis) in aliis pietatis opera commutare.

Confirmatur à Greg. 13. bulla 3. apud Confectum.

Quibus omnibus concessionibus nullum decretum fac. Concil. Trid. ob-
stat, nisi quod Confessarij volentes his vti erga seculares oportet eos admit-
ti per Ordinarios locorum.

De moderatione auctoritatis Confessorum regularium super seculares.

CAP. LXIX.

Circumferebatur ante aliquot annos, quoddà decretum publicatum per
Illustres directas Illustriss. Sancto Carolo Cardinali Borromeo, tunc Ar-
chiepiscopo Mediolani, scriptas ab Illustriss. Cardinale, S. Sixti tenoris hu-
iusmodi.

Cum Illustriss. Dominatio tua perquisiisset, an regulares ex privilegio à S. sede im-
petrato, præsertim autem ex eo, quod dicitur Mare magnum possint in casibus, quos sibi
Episcopus reservauerit absolueret confitentes. Hac de re vbi Congregatio Concilij egisset
accurate, & inde ad S. D. N. retulisset, sanctitas sua etiam de consilio congregationis,
censuit ex facultatibus per Mare magnum, & alia privilegia concessis, regulares non
posse absolueret à casibus Episcopo reservatis, &c. Datum Romæ 10. Septembris 1577.

Opponebatur huic decreto, quod in quibusdam concessionibus capite
præcedenti notatis, non obscure habebatur. Regulares posse absolueret à ca-
sibus quos sibi non de iure, sed de facto reservant Episcopi propter quod
emanauit aliud decretum cuius summa hæc est.

Sacra Congregatio Episcoporum, & regularium de mandato specialis, S. D. Clementis
8. omnibus Confessariis, tam secularibus, quam regularibus quorumcumque ordinum
etiam mendicantium, etiam societatis Iesu, iubet, ne qui eorum sub prætextu quorum-
cumque privilegiorum à S. sede Apostolica quomodolibet confessorum quibuscumque
etiam singularibus personis, ab illo ex casibus dubijs, vel clare contentis in bulla Cænæ
Domini vel alias sedi Apostolica reservatis, nec etiam à casibus Ordinariis reservatis,
vel reservandis, quocumque casu, nisi in mortis articulo, sine noua licentia à sede Apo-
stolica, vel ab Ordinariis respectiue obtenta absolutionis beneficium impendere audeant,
quam licentiam à S. sede obtentam, teneantur Ordinariis ostendere &c. Subpapa ex-

communicationis, privationis officiorum, & dignitatum, & inhabilitationis ad audiendas Confessiones, & ad quaecumque officia, & Prælaturas ipso facto incurrenda absque alia declaratione, &c. à quibus non nisi à Romano Pontifice absolutioem obtinere valeant. Et quatenus opus sit Sanctitas sua tales facultates nullas esse voluit. Datum die 9. Ianuarij 601.

Deinde aliud decretum exiit, quod moderatur præcedens his verbis.

Eadem sacra Congregatio speciali mandato eiusdem S. D. Clementis 8. similiter vincti vocis oraculo super eare habito, ipsum decretum ita moderatur ac declarat, videlicet. Sub eadem prohibitionem eos tantum comprehendit casus qui in bulla Cænæ Domini, legi consuecta continentur, ac præterea, Violationis immunitatis ecclesiastica in terminis Const. Greg. 14. quæ incipit. Cum alias nonnulli &c. Violationis clausura monialium ad malum finem. Prouocantium, & pugnantium in duello, iuxta decretum Cone. Trid. & Const. Gregorij 13. incipientem. Ad tollendum iniucientium manus violentas in clericis iuxta Canonem. Si quis suadente diabolo, &c. ac iuris dispositionem. Simonie realis scienter contracta, atque etiam confidentiæ beneficalis. Item omnes casus quos Ordinarij locorum sibi referuarunt, ac in posterum reseruant. In quibus omnibus enumeratis casibus dumtaxat, & sublata etiam pœna inhabilitatis audiendi confessiones, eadem sacra Congregatio vult & mandat dictum decretum in sua firmitate, & pristinorum robore permanere, & præterea declarat eos sacerdotes tam seculares, quam regulares, qui aliquo ex privilegijs indultis facultatibus, in dicto decreto expressis suffulsi fuerint, posse iuxta eorum privilegia, indulta, & facultates, vsu ante idem decretum recepta, & quæ sub alijs renocationibus non comprehenduntur, tantum & non aliter absolueri à casibus in presenti declaratione non comprehensis, alijs vero sacerdotibus talia privilegia non habentibus nihil de nouo concedi. Deinde admonentur Episcopi ne multitudine casuum sibi reseruent, nec eos, qui in bulla Cænæ, aut alias sedis Apostolicæ reseruati sunt. Ceterum ne quis sacerdotum tam secularium, quam regularium sub pre-textu, quod per primum decretum non fuerit sufficiens eorum privilegijs specialibus derogatum, eodem decreto contravenire audeat, &c.

Et subdit derogationem omnium ne dum priuilegiolorum, sed & Constitutionum apostolicarum in ampliiff. forma.

Referuntur etiam aliz declar. eiusdem sacre Congregationis à Roderico tomo. 1. q. 61. ar. 13. cum simili moderatione, quæ sunt.

Congregatio Concilij declarauit, Confessores vi privilegiorum Reservati, neque etiam Patres Iesuitas posse absolvere pœnitentes à casibus reseruatis Episcopis, nisi privilegia talem tradant facultatem, vel sint obtemperata, aut confirmata post Concilium Tridentinum.

Eadem sacra Congregatio perquisita, an per Bullas ordinarias in quibus conceditur facultas absolvendi à casibus sedis Apostolicæ reseruatis, comprehendantur etiam casus reseruati Episcopis, & Prælati religionum, fuit responsum, quod non, nisi fiat de his specialis mentio.

Item dubitanti, quid sentiendum sit de bulla Sanctiss. nominis Dei, in qua fit mentio specialis de casibus Episcopalibus, respondit Illustriss. Caraffa nomine Congregationis, neque per illam bullam fieri posse, sed solum ratione pleniss. Iubilei indicti à summo Pontifice cum potestate, absolventi à quibuscumque casibus reseruatis etiam in bulla Cænæ Domini.

At hic sciendum est privilegium concessum fratribus sanctiss. Rosarii per Leonem X. fuisse confirmatum post Concilium à Sixto V. Et illud concessum confratribus nomini Dei à Paulo 4. fuit post Concilium confirmatum à Gregorio 13. vt patet in bulla eius 3. apud Confessum. Et idem Gregorius declarauit non fuisse suæ intentionis comprehendere Iesuitas in declaratione Congregationis, qua declaratum fuit, Regulares vi privilegiorum non posse absoluerè à casibus referuatis Episcopis. Imo quatenus opus sit hanc facultatem eis concedit.

Attamen in declar. super cap. de Prædicatoribus dicitur. Confessores fratres non debent se intromittere de casibus iure referuatis Ordinariis, & etiam de his quos Prælati Ordinarij ex causa rationabili duxerint referuare, nisi de licentia ipsorum.

De quibusdam notandis in absolutione.

C A P. LXX.

Pius V. prout refert Rodericus tomo i. q. 61. ar. 6. in quodam Iuhileo per eum collato anno 1568. declarat absolutiones, quæ sunt vi privilegiorum à peccatis, censuris, & pœnis, habere vim tantum in foro conscientie his verbis.

Declarantes tam presentes quasumque alias concessiones similium, vel dissimilium indulgentiarum à nobis, & prædecessoribus nostris hæcenus emanatas, & in futuram emanandas, Christi fidelibus ipsis, non suffragari, ad effectum earum nisi in foro conscientie, & pœnitentia, non autem in foro fori, & contentioso, nisi satisfecerint.

Leo X. oraculo viuz vocis, allato à Roderico post eius bullas, concessit Confessoribus ordinis minorum, vt absoluentes aliquem in foro conscientie à vinculo excommunicationis, non teneantur seruare illam formam flagellandi pœnitentem, & dicendi psalmum.

Benedictus 11. bulla sua 2. Modum præfigit his qui aliquem absoluunt ab excommunicatione in articulo mortis, & dicit.

subeant iuramentum qui in articulo mortis absoluuntur, quod liberati se suis Episcopis & excommunicatoribus presentabunt, ipsi super his pro quibus excommunicati fuerunt pro peccato huiusmodi parituri mandatis.

Romæ 1569. Admonentur omnes Prouinciales iussu S. D. Pij V. vt publicare faciant in Conuentibus nullam Cœnæ Domini, prouiso quod omnes Confessarij habeant penes se copiam illius, & eius tenorem fideliter obseruent, & si qui illam non habuerint, confessionum audientia priuentur. Romæ 1573. idem cõfirmatur, & additur, vt bis in anno legatur coram toto Conuentu, & in sacristia semper affixa remaneat. Idem Barch. 1574. Et Venetiis 1592. apponitur, vt qualibet sacristia in loco patenti adsint duæ tabellæ, in quarum vna affixa sit bulla Cœnæ Domini, in alia verò sit nota casuum summo Pontifici, & Episcopis quouis modo referuatorum.

Valleoleci 1905. dicitur. Omnes pecunie, & alia quæcumque quauis ratione fratribus data maximè Confessariis, quamprimum realiter, & vere

Prælati suis consignentur, ex quibus poterit Prælati si iustum videbitur, aliquam partem pro indigentibus dare. Quod & Venetiis 1592. ordinatum fuerat, Romæ 1608. statuitur. Cum in actu confessionis, vel proximo pœnitens elemosinam dare voluerit, eam non accipiat Confessarius, sed significet reponendam esse in communi arcula Ecclesiæ. Qui contra fecerit, ipso facto sit priuatus officio per triennium. Conf. Parisiis 1611.

De Itinerantibus, & illorum licentiis.

CAP. LXXI.

FRATRES viatores litteras testimoniales secum deferant.

Cap. de Itinerantibus.

Grauis culpa est, si qui postquam missi fuerint, sine licentia reuertî præsumperint, vel ultra terminum sibi assignatum moram fecerint sine rationabili causa.

Cap. de graui culpa.

De regularibus itinerantibus sine debitis licentiis agit Conc. Trid. sess. 25.

cap. 4.

Prohibet S. Synodus, ne quis regularis, sine licentia sui Superioris prædicationis, vel confessionis, aut cuiusvis p̄ operis prætextu, subiiciat se seruitio alicuius Prælati, Principis, vel Vniuersitatis, &c. quod si contraxerit, tanquam inobediens arbitrio sui Superioris puniatur. Nec liceat regularibus à suis Conuentibus recedere, etiam pretextu ad suos Superiores accedendi, nisi ab eisdem missi, aut vocati fuerint. Qui vero sine prædicto mandato in scriptis obsecro, repertus fuerit, ab Ordinariis locorum, tanquam defector sui instituti puniatur. Illi autem qui studiorum causa ad Vniuersitates mittuntur, in Conuentibus tantum habitent, alioquin ab Ordinariis contra eos procedantur.

Sixtus V. duas edidit Constitut. quarum vna est alterius declaratoria contra illegitimos ad habitum regularem non admittendos, in quibus agit etiam de itinerantibus religiosiis sine licentia, & de eos recipientibus, vt infra.

Prohibemus atque interdiciamus, ne quis regularis ex vna prouincia ad aliam transfundendo, etiam in itinere ad aliquod monasterium, siue domum alterius prouincie ad habitandum tanquam hospites recipi, aut ad modicum tempus diuertere possit, nisi à Superiore eius loci vbi resides, expressam licentiam recedendi in scriptis obtinuit, seu litteras obedientie, vel commendatitias habuerit, & exhibeat, vel nisi cognitus sit quibus ad quos diuerterit, vt de eius persona nullus omnino dubitationis locus, aut suspitionis, relinquatur. Ideoque præcipimus vniuersis, & singulis locorum Ordinariis, eorumque Vicariis, generalibus in spiritualibus, vt per suos officiales ministros, vel executores, curent, ab omnibus personis regulari habitu indutis quas per suas ciuitates, vel dioceses iter facere, vel transire, & ad quacumque hospitia, vel diuersoria se recipere, contingerit, diligenter perquiri, num huiusmodi litteras obedientie, vel commendatitias habeant, quod si eas non habere, vel ignotos esse deprehenderint, contra

eos, tanquam delictorum criminum suspectos procedere, & tandem illos sub custodia detinere debeant, donec de eisdem noticia habeatur.

In alia vero Constitutione ita habet.

Cum interdiximus ne quis regularis ex una provincia ad aliam sui ordinis transiendo, &c. ita observari volumus, non solum in religiosis itinerantibus ex una provincia ad aliam, sed in his quoque qui proficiuntur de uno in aliud monasterium Provinciae, tam sui quam alterius ordinis, &c.

Ex decl. cap. de Itinerantibus. Fratres vero, qui absque huiusmodi litteris testimonialibus ad Conuentus quoscumque declinauerint per Priores, vel Superiores Conuentuum ad quos peruenerint, auctoritate nostra voce per unum annum priuentur, & poena grauis culpae mulcentur. Et ipsi Conuentui de quo sunt, hanc poenitentiam eis impositam significare teneantur per speciales litteras. Et qui, hoc facere neglexerint officio priuentur, & voce per annum careant. Bononiæ 1564. Nullus frater nostri ordinis, maxime iuniores, neque sine socio ei à Prælato deputando, nec sine testimonialibus litteris à suo Conuentu recedat, quas Præsidentes Conuentuum, ad quos declinauerit, legere teneantur. Idem confirmatur. Barch. 1574. Romæ 1580. Nullus frater discurrere audeat extra Conuentum, aut Prouinciam suam, sine litteris testimonialibus suorum Superiorum Prouincialis autem, & Priores, ad quos huiusmodi vagabundi declinauerint sine huiusmodi litteris, eos in carceribus includant, & punitos ad suos Conuentus, vel Prouincias remittant. Et quod huiusmodi fugitiui vel sine licentiis vagantes recipi non debeant, nec possint sub poena priuationis officiorum, nisi in carceribus, ordinatum fuit Romæ 1589. Venetiis 1592. Romæ 1601. & Vallolet 1605.

Licentia autem huiusmodi difficulter à Prælato concedi debent. Vnde Romæ 1601. ordinatur, & præcipitur Conuentuum Præsidentibus, sub poena absolutionis ab officio, ne facile facultatem præbeant, etiam de consilio Patrum, fratribus vagandi extra Conuentum, vel eundi ad alios Conuentus, seu oppida, etiam prætextu alicuius necessitatis, nisi vera sit, & vrgentissima, cum constet huiusmodi discursus magna parere incommoda, & scandala. Idem confirmatur Romæ 1608. Venetiis 1592. Admonentur fratres, quod tunc ab una provincia ad aliam pergunt sine licentia quando eam non obtinuerunt à Prouinciali, vel capitulo Prouinciali, Priorum enim particularium Conuentuum non est huiusmodi licentias dare, quia illorum auctoritas extra Prouinciae limites non extenditur.

Poenæ autem graues Prælati imponuntur, cum fratres sine licentiis recipiunt, & præ cæteris notandum est, quod dicit Sixtus V. in Constitut. supra allegatis §.

Et tamen volumus, ut hi qui hospitalitatis vel pietatis prætextu regulares alterius provinciae (& iuxta secundam etiam alterius Conuentus) ignotos, aut sine licentia, & litteris ut supra receperint, dictas poenas priuationis vocis actiuae, & passivæ, nec non officiorum, & graduum ac honorum, & dignitatum obtinentium, acque inhabilitationis perpetuæ pariter incurrant. Decernentes sic in præmissis omnibus, per quoscumque indicari debere, & irritum, & inane existens quicquid à quoquam scienter, vel ignoranter attentatum fuerit.

Eadem pœna absolutionis ab officio Præsidentibus recipientibus fugitivos imponitur in capitulis Romæ 1583. 1589. 1601. & Valleoleti. Et Romæ 1589. huic pœnæ additur præceptum formale.

Ex declar. cap. de Itinerantibus. Cum ex nimio, & inordinato discursu fratrum dispendia, & turbationes plurimæ subsequantur, & obseruantia regularis relaxetur, pluribus ideo in capitulis ad hæc inconuenientia tollenda ordinatum fuit, quod Præsidentes Conuentuum non possunt fratres suis Conuentibus deputatos, licentiaré extra limites suorum Conuentuum, nisi pro graui infirmitate ipsorum, vel suorum parentum, vel pro euidente necessitate aut vtilitate Conuentus, seu etiam fratrum singularem, & tunc de consensu discretorum. Et in licentiis specialiter aut generaliter terminus exprimitur. Quicumque autem Præsidentis inuentus fuerit prædicta non seruasse, teneatur, infra quindenam in pane, & aqua per triduum abstinere, quod si cessante infirmitate non impleuerit, absoluitur ab officio. Valleoleti 1605. Nullæ dantur fratribus licentiæ absque temporis designatione, quo præterito ipso facto nullæ sint, confirmatur Romæ 1608. Romæ 1601. dicitur Præsidentes Conuentuum sine causa, & voluntariè itinerantes à suis officiis absoluantur, & in expensis condemnentur, nisi certissimè constet in communem vtilitatem Conuentus cedere.

Ultra dietam non conficiant iter, sinè licentia Prouincialis, nisi sit tale negotium quod dilationem non patiat, & tunc tenebuntur Prouincialem admonere. Confirmatur Valleoleti 1605.

De cunctibus ad curiam.

C A P V T L X X I I.

NVllus frater ad curiam vadat nisi de licentia Magistri ordinis, vel capituli generalis, sed mittatur nuntius ad fratres qui sunt ibi vel per aliquem alium, prout melius fieri poterit, negotium procuretur. *Cap. de Itinerantibus.*

Extant decreta Apostolica super hoc, nam Romæ 1589. fit huiusmodi denuntiatio. Denuntiamus à sacra Congregatione Regularium emanasse decretum 1587. tenoris sequentis.

Quoniam nonnulli regulares vagandi studio, sinè dum imminentem pœnam admissorum criminum ex Constitutionibus, aut alias debitam sibi metunt, falsa & commentitia grauamina causati, non ad immediatè sui ordinis Superiores, s. à grauamine sui Prioris ad Prouincialem, à Prouinciali ad Generalem, à Generali ad Protectorem prout Constitutionibus cuiusque religionis disponitur, sed ad hanc Romanam curiam absque licentia sepius fugiunt, potiusquam recurrant, ex quo ordinum disciplina relaxatur. Prelati contemnuntur, & ipsi in dies audaciores euadunt.

Placuit sacre regularium congregationi ex ordine Sanctiss. statuere, ut si quis regularem in posterum temere, leuius ex causa hanc alienam urbem, seu curiam, absque sui Superioris licentia, & supradicta forma prætermissa, adire præsumpserit, ad suos confidein Superiores seniori pœna plebendus, remittatur.

Aliud decretum nomine Sanctiss. D. Clementis VIII. denuntiatum fuit in cap. Romano 1601. huius seriei.

Nullos fratres Romam venire Superiores permittant, nisi prius à Generali dumtaxat licentiam in scriptis impetraverint. Si quis autem sine huiusmodi facultate Romam venire presumpserit, voce actiua, & passiva biennio privatus existat, subitaneus etiam alias arbitratus Superiorum infligendas penas. Qua item omnia adversus eos qui supradictos admiserint, & receperint, sine ulla exceptione locum habeant. Inter penas autem arbitarias hanc idem Sanctiss. expressit, huiusmodi fratres in carceribus per sex menses detineantur, prohibetque, ne huiusmodi pena possint ab eorum Superioribus remitti, cum earum dispensationem, & relaxationem sua sanctitas sibi reservaverit.

Repetitur hæc denuntiatio Romæ 1608.

Ex constitut. supra nominata Sixti V. hæc habentur in proposito.

In alma vero urbe nostra, religiosi advena, & peregrini, de granaminibus sibi illatis conquirentes, nullibi sine litteris dimissorii, aut licentia, recipiendi erunt, nisi prius ad Congregationem Cardinalium super negotiis regularium deputatorum, vel ad suos Prorectores remittantur, ubi ipsi auditis pro eorum, & personarum qualitate, quid agendum sit statuerit. Quod si dicerent se ad Apostolicam sedem confugere ob gravamina sibi à suis Superioribus illata, & idcirco à Superioribus licentiam, litteras obtinere non potuisse, non propterea ullomodo recipi valeant, nisi fide dignorum testimonio, de peria ab eis licentia, & per Superiores denegata, constiterit.

Ex declarat. cap. de itinerantibus. Quilibet frater vadens ad Prouincialem sine licentia sui Prioris, vel ad Magistrum ordinis sine licentia sui Prouincialis si non vadat recto tramite, sed solus vagando, & hinc inde discurrendo tanquam apostata puniendus erit, & carceri includendus. Et Procurator ordinis potestatem non habet vocandi fratres ad Curiam, vel licentiandi fratres ad eandem, sed retinendi in eadem, nisi pro exequendis negociis. Ad Magistrum vero ordinis, vel Prouincialem, fratres ire non possunt, sine speciali licentia sui Prælati. Caueant igitur fratres ad Curiam ire sine licentia Magistri ordinis. Et qui de eius licentia iuerint, vadant pedites secundum formam nostri ordinis, & literas secum deferant, causas, & negocia pro quibus vadunt, plenarie continentes. Et id etiam præcipitur sub formali præcepto in virtute S. Obedientie. Similiter etiam nullus accedat ad Curias Regum, seu dominorum Legatorum, vel Prælatorum, seu Principum, aut Baronum, pro causis litigiosis, seu pro quibuscumque negociis de se odiosis secularium procurandis.

Ex Constitut. etiam hæc habentur.

Nullus Prior conventualis ducat secum plures fratres ad capitulum generale vel provinciale sine viginti causa. *Cap. de capitulo Prouinciali.*

Solus autem Magister ordinis, & Prouincialis provincie in qua capitulum generale celebratur potest dare licentiam veniendi ad capitulum generale, qui contrafecerit graviter puniatur. Ex cap. de solemnibus celeb. capituli.

Romæ 1601. Et Valleoleti 1605. Si fratres eundo ad curiam, vel curias, aut redeundo, aliquas pecunias expenderint, nihil omnino de expensis illis solvatur, nisi forte propter bonum commune Conventus illas adierint.

De non equitando, nec pecuniis portandis.

CAPVT LXXIII.

GRauis culpa est, si quis sine magna necessitate equita-
uerit. vel etiam in via pecuniam portauerit, vel portari procura-
uerit. *Ex cap. de graui culpa.*

Euntes ad prædicationis officium exercendum, vel alias itine-
rantes, aurum, & argentum, pecuniam, aut munera, excepto vi-
ctu, & necessariis indumentis, nec accipient, nec portabunt. Si
quis autem de prædictis acceperit, teneatur cum redierit, Prælato
suo liberè præsentare. *Ex cap. de Itinerantibus.*

Cum dicitur itinerantes in via non debere portare aurum, argentum, &
pecuniam, &c. id debet intelligi sine licentia Prælati sui, vt sit conforme re-
gulæ in qua dicitur. Si quis rem sibi collatam celauerit, furti iudicio con-
demnetur, & repetitur, capite de grauiori culpa. Videnda sunt ea, quæ su-
pra tradita sunt capitulo de vsu pecuniarum.

Ex dicto cap. de graui culpa habetur. Cum equitare maximè repugnet
statui mendicantium, nullus frater ordinis nostri debet sine magna neces-
sitate equitare, & sine licentia suorum Prælatorum, quando eos habet in
promptu, sed pedes vadat, aliter grauius puniatur. Et hæc Constitutio
strictissime seruari debet, maxime vbi habemus Conuentus.

Romæ 1569. Constitutio de non equitando seruetur, & qui sine licentia
in scriptis equitaue-rit, conformiter ad eam puniatur, & Prælati ad quos
cum equis declinauerint, teneantur, inquirere de huiusmodi licentia, & ne-
cessitate, & transgressores punire. Hoc idem repetitur Romæ 1608.

Venetis 1592. Pedestres omnes incedant, maximè conuersi, quod si ne-
cessitas equitandi aderit, licentiam à suis Superioribus equitandi obtinebūt,
quam, & ostendere possint requisiti. Ocreas nihilominus, & penulam quam
vulgo vocant (il fietro) nemo deferat præsertim conuersi, sed religiosè om-
nes incedant, ita vt habitus patenter feratur, & pro religiosis ex ipso dignos-
ci possint. Contrafacientes autem præter amissionem mobilium, pœna pri-
uationis vocis actiuz, & passiuæ, vel scapularis priuatione per triennium, vel
sedendi ter in pane, & aqua respectiue, puniantur.

De itinerantibus sociis, & aliis per viam seruandis.

CAPVT LXXIV.

FRatres quando recedunt à capitulis, per Superiores conbi-
nentur, ne vagando discurrant, sed directè ad suos vadant
Conuentus. Et arceantur Priores qui malè combinant fratres, &
saltem vna pars copulæ sit bonæ famæ, & sufficientis ætatis, &
vnus illorum sit de lingua patriæ, vbi hoc commodè poterit ser-
uari. *Ex cap. de certis distractionibus, &c.*

Prædi-

Prædicatoribus cum in prædicationem exire debuerint, eis socij dabuntur à Priore, secundum quod honestati, & moribus eorum iudicauerint expedire. Qui accepta benedictione, exeuntes ubique tanquam viri qui suam, & aliorum salutem procurant religiosè, & honestè se habeant. Socius autem datus Prædicatori, ipsi tanquam Priori obediat. *Ex cap. de Prædicatoribus.*

Itinerantes cum in via existunt officium suum dicant prout sciunt, & possunt, & sint contenti officio Ecclesiarum ad quas declinant, Prior in ordine sit Prior in via, nisi fortè Prædicatori adiungatur, vel cum egrediuntur Prior de eis aliter ordinauerit.

Ex cap. de itinerantibus.

Ex decl. cap. de certis detractionibus, &c. Cum discursus inutilis, & vagus fratrum turbationem, & scandalum pariat, & ex defectu combinationis fratrum, dissolutiones, & insolentia crescant, ideo neque sine licentia, neque sine socio itinera conficiant fratres, & combinati nullo modo se separant ab inuicem, quin se videre possint, & valeant mutuo testimonium perhibere, in quocumque sint loco, vel negotio, & transgressores acius puniantur.

Venetis 1592. fratres nostri bini semper incedant, maximè quando de vna ciuitate ad alium locum accedunt, & specialiter quando non ex obedientia, & religionis seruitio, sed recreationis, aut cuiuscunque alterius particularis negocij causa iter assumunt. Et Superiores licentiam non concedant, nisi etiam socium illis consignent, cum quo redire ad Conuentum tenebuntur, sub pœna sedendi ter in pane, & aqua.

Bononiæ 1564. fratres nostri maximè iuniores, neque sine socio à Prælato designando, neque sine litteris testimonialibus à suis Conuentibus recedant. Idem Romæ 1608.

Cum dicitur in Constitutione socium datum Prædicatori debere ei obedire, vt Priori, non intelligitur quod Prædicatori aliqua iurisdictio detur supra socium, sed solum quod socius debeat ei obedire, & seruire sponte in his quæ ad personam, & officium eius pertinent.

Cum etiam dicitur: Prior in ordine sit prior in via, neque intelligitur dari aliquam iurisditionem super socios Priori in ordine, nisi sit Prælatus. Romæ 1601. sub præcepto formali mandatur, vt in ciuitatibus, & oppidis in quibus Conuentum habemus aut domos, nullus possit pernoctare extra Conuentum neque etiam in suburbanis, sine licentia Prælati, confirmatur Vallesolei 1605.

De hospitibus fratribus, & extraneis.

CAPVT LXXV.

IN quacumque prouincia fratres itinerantes deliquerint. Prior Prouincialis aut Conuentualis, seu Vicarij, Supprior, aut

dictis, eosdem à quibuscumque casibus etiam Apostolica sedis reservatis (exceptis contentis in bulla Cæne Domini absolueri possint, & valeant, deputandi auctoritate Apostolica tenore presentium de speciali gratia facultatem concedimus.

Pro quibus concessionibus nota, quod non satis est prædictos Confessores deputari à Correctore, sed debent etiam per Episcopum approbari ob decretum Conc. Trid.

Paulus 3. concessit societati Iesuitarum hanc facultatem, quam refert Rodericus tomo 1. q. 61. art. 5. quam dicit collegisse ex compendio privilegiorum societatis.

Concessit dictus Paulus 3. sacerdoti societatis Iesu, qui ad omnes confessionum secularium per societatis Præpositum pro tempore existentem deputatus fuerit, posse quorumcumque viriisque sexus fidelium, ad eum undique accedentium confessionibus diligenter auditis ipsos ab omnibus, & singulis eorum peccatis, criminibus, excessibus, & delictis, quantumcumque gravibus, & enormibus, etiam sedi Apostolicæ reservatis, à quibusvis ex eis resultantibus sententijs, censuris, & penis ecclesiasticis, (exceptis contentis in bulla Cæne Domini) potestatem absolvendi, & salutarem penitentiam imponendi.

Gregorius 13. ut refert Confectius titulo 17. cap. 6. Collectionis privilegiorum in margine ad finem capituli, fecit hanc concessionem societati prædictæ.

De anno 1580. die 10. Maij à Gregorio 13. declaratum fuit R. P. Iesuitas non esse comprehensos sub Cardinalium Congregationis declaratione, neque facultatis eis concessæ absolvendi à casibus Episcopo reservatis fuisse derogatum, imo illam confirmavit, & denuo concessit.

Paulus 4. in bulla Confirmationis privilegiorum ordinis minorum, quæ est 1. apud confectium facultatem præbet ut infra.

Et insuper confirmamus, & de nouo concedimus, pro tempore deputatos confessores fratres ord. minorum observantia, omnium quorumcumque diocesum Christi fidelium ad eos recurrentium confessiones audire eosque etiam in casibus, & censuris quibus eis per privilegia sedis Apostolicæ, etiam per modum communicationis, & extensionis quorumcumque ordinum, etiam minorum hætenus concessum est, posse absolvere & penitentias iniungere, ac Sacramentum Eucharistiæ ministrare, excepto die Resurrectionis Domini.

Leo X. facultatem concessit confratribus S. Rosatii, ut infra, quam concessionem confirmavit Sixtus V. & habetur in libellis societatis.

Concedimus, quod omnes, & singuli confratres in Pascha resurrectionis, & prædictis festiuitatibus B. Virginis, scilicet Natiuitatis, Annuntiationis, Visitationis, & Purificationis, & Assumptionis, & tribus diebus earundem festiuitatum præcedentibus, cuiuscumque presbytero ordinis Præd. ab ipsis eligendo, sua peccata confiteri valeant, qui eos omnes, & singulos ab omnibus excommunicationibus, aliisque censuris ecclesiasticis, & penis à iure, vel ab homine, quavis occasione latæ, nec non sacrilegijs, adulterijs, incestibus, aliisque delictis, & excessibus quantumcumque gravibus, ac etiam casibus sedi Apostolicæ reservatis (exceptis dumtaxat contentis in bulla Cæne Domini) absolvere valeant. Et iuramenta sine aliorum præiudicio, ac vota quacumque (exceptis votis religionis castitatis, & peregrinationis ultra mare ad limina Apostolorum, & S.

Jacobum

De moderatione auctoritatis Confessorum regularium, &c. 215

Iacobum in Compostella) in aliapietatis opera commutare valeant, licentia aliorum Prælatorum minime requisita.

Pius 4. Confratribus societatis nominis Dei, vt in eius libello habetur concessit, vt infra.

Vt dicti confratres indulgentiam plenariam eis concessam pro die S. Circumcisionis possint consequi perpetuo, concedimus, vt dicto die occurrente, quoscunque sibi bene visos presbyteros, siue seculares, siue cuiusvis ordinis regulares per Ordinarium approbatos in suis confessores eligere possunt, qui auditis eorum confessionibus, ab excommunicatione, etiam maiori & ab omnibus aliis sententiis, censuris, & penis, à iure, vel ab homine latis, salvo iure tertij, necnon ab omnibus peccatis excessibus, quantumcumque grauibz, etiam locorum Ordinariis, & sedis Apostolica reservatis (præterquam in bulla Cænæ Domini absolueret, & penitentiam salutarem iniungere valeant, ac vota omnia (exceptis supra nominatis) in alia pietatis opera commutare.

Confirmatur à Greg. 13. bulla 3. apud Confectium.

Quibus omnibus concessionibus nullum decretum sac. Concil. Trid. obstet, nisi quod Confessarij volentes his vti erga seculares oportet eos admitti per Ordinarios locorum.

De moderatione auctoritatis Confessorum regularium super seculares.

CAP. LXIX.

Circumferebatur ante aliquot annos, quoddam decretum publicatum per litteras directas Illustriss. Sancto Carolo Cardinali Borromeo, tunc Archiepiscopo Mediolani, scriptas ab illustriss. Cardinale. S. Sixti tenoris huiusmodi.

Cum Illustriss. Dominatio tua perquisiisset, an regulares ex privilegio à S. sede impetrato, præsertim autem ex eo, quod dicitur Mare magnum possint in casibus, quos sibi Episcopus reservauerit absolueret confitentes. Hac de re ubi Congregatio Concilij egisset accurate, & inde ad S. D. N. retulisset, sanctitas sua etiam de consilio congregationis, censuit ex facultatibus per Mare magnum, & alia privilegia concessis, regulares non posse absolueret à casibus Episcopo reservatis, &c. Datum Romæ 10. Septembris 1577.

Opponebatur huic decreto, quod in quibusdam concessionibus capite præcedenti notatis, non obscure habebatur. Regulares posse absolueret à casibus quos sibi non de iure, sed de facto reservant Episcopi propter quod emanauit aliud decretum cuius summa hæc est.

Sacra Congregatio Episcoporum, & regularium de mandato speciali. S. D. Clementis 8. omnibus Confessariis, tam secularibus, quam regularibus quorumcumque ordinum etiam mendicantium, etiam societatis Iesu, iubet, ne qui eorum sub pretextu quorumcumque privilegiorum à S. sede Apostolica quomodolibet concessorum quibuscunque etiam singularibus personis, ab illo ex casibus dubijs, vel clare contentis in bulla Cænæ Domini vel alia sedis Apostolica reservatis, nec etiam à casibus Ordinariis reservatis, vel reservandis, quocumque casu, nisi in mortis articulo, sine nona licentia à sede Apostolica, vel ab Ordinariis respectiue obrepta absolutionis beneficium impendere audeant, quam licentiam à S. sede obtentam, teneantur Ordinariis ostendere &c. Sub pena ex-

At hic sciendum est privilegium concessum fratribus sanctiss. Rosarii per Leonem X. fuisse confirmatum post Concilium à Sixto V. Et illud concessum confratribus nomini Dei à Paulo 4. fuit post Concilium confirmatum à Gregorio 13. ut patet in bulla eius 3. apud Confectum. Et idem Gregorius declaravit non fuisse suæ intentionis comprehendere Iesuistas in declaratione Congregationis, qua declaratum fuit, Regulares vi privilegiorum non posse absolovere à casibus referuatis Episcopis. Imo quatenus opus sit hanc facultatem eis concedit.

Atamen in declar. super cap. de Prædicatoribus dicitur. Confessores fratres non debent se intromittere de casibus iure referuatis Ordinariis, & etiam de his quos Prælati Ordinarii ex causa rationabili duxerint referuare, nisi de licentia ipsorum.

De quibusdam notandis in absolutione.

C A P. LXX.

Pius V. prout refert Rodericus tomo i. q. 61. ar. 6. in quodam Iubileo per eum collato anno 1568. declarat absolutiones, quæ sunt vi privilegiorum à peccatis, censuris, & pœnis, habere vim tantum in foro conscientie his verbis.

Declarantes tam presentes quasumque alias concessiones similium, vel dissimilium indulgentiarum à nobis, & prædecessoribus nostris hæcenus emanatas, & in futuram emanandas, Christi fidelibus ipsis, non suffragari, ad effectum earum nisi in foro conscientie, & pœnitentiali, non autem in foro fori, & contentioso, nisi satisfecerint.

Leo X. oraculo viuz vocis, allato à Roderico post eius bullas, concessit Confessoribus ordinis minorum, ut absolventes aliquem in foro conscientie à vinculo excommunicationis, non teneantur servare illam formam flagellandi pœnitentem, & dicendi psalmum.

Benedictus 11. bulla sua 2. Modum præfigit his qui aliquem absoluunt ab excommunicatione in articulo mortis, & dicit.

subeant iuramentum qui in articulo mortis absolventur, quod liberati se suis Episcopis & excommunicatoribus presentabunt, ipsi super his pro quibus excommunicati fuerunt pro peccato huiusmodi parituri mandatis.

Romæ 1569. Admonentur omnes Prouinciales iussu S. D. Pij V. ut publicare faciant in Conuentibus bullam Cœnæ Domini, prouiso quod omnes Confessarii habeant penes se copiam illius, & eius tenorem fideliter obseruent, & si qui illam non habuerint, confessionum audientia priuentur. Romæ 1575. idem cõfirmatur, & additur, ut bis in anno legatur coram toto Conuentu, & in sacristia semper affixa remaneat. Idem Barch. 1574. Et Venetiis 1592. apponitur, ut qualibet sacristia in loco patenti adhinc duz tabellæ, in quarum vna affixa sit bulla Cœnæ Domini, in alia verò sit nota casuum summo Pontifici, & Episcopis quouis modo referuatorum.

Valleoleti 1905. dicitur. Omnes pecuniæ, & alia quæcumque quauis ratione fratribus data maximè Confessariis, quamprimum realiter, & vere

eos, tanquam delictorum criminum suspectos procedere, & tandem illos sub custodia detinere debeant, donec de eisdem notitia habeatur.

In alia vero Constitutione ita habet.

Cum interdiximus ne quis regularis ex una provincia ad aliam sui ordinis transeundo, &c. ita observari volumus, non solum in religiosis itinerantibus ex una provincia ad aliam, sed in his quoque qui proficiscuntur de uno in aliud monasterium Provinciae, tam sui quam alterius ordinis, &c.

Ex decl. cap. de Itinerantibus. Fratres vero, qui absque huiusmodi litteris testimonialibus ad Conuentus quoscumque declinauerint per Priores, vel Superiores Conuentuum ad quos peruenerint, auctoritate nostra voce per unum annum priuentur, & poena grauis culpae mulcentur. Et ipsi Conuentui de quo sunt, hanc poenitentiam eis impositam significare teneantur per speciales litteras. Et qui, hoc facere neglexerint officio priuentur, & voce per annum careant. Bononiae 1564. Nullus frater nostri ordinis, maxime iuniores, neque sine socio ei à Prælato deputando, nec sine testimonialibus litteris à suo Conuentu recedat, quas Præsidentes Conuentuum, ad quos declinauerit, legere teneantur. Idem confirmatur. Barch. 1574. Romae 1580. Nullus frater discurrere audeat extra Conuentum, aut Prouinciā suam, sine litteris testimonialibus suorum Superiorum Prouincialis autem, & Priores, ad quos huiusmodi vagabundi declinauerint sine huiusmodi litteris, eos in carceribus includant, & punitos ad suos Conuentus, vel Prouincias remittant. Et quod huiusmodi fugitiui vel sine licentiis vagantes recipi non debeant, nec possint sub poena priuationis officiorum, nisi in carceribus, ordinatum fuit Romae 1589. Venetiis 1592. Romae 1601. & Valloletici 1605.

Licentiae autem huiusmodi difficulter à Prælato concedi debent. Vnde Romae 1605. ordinatur, & praecipitur Conuentuum Præsidentibus, sub poena absolutionis ab officio, ne facile facultatem praebant, etiam de consilio Patrum, fratribus vagandi extra Conuentum, vel eundi ad alios Conuentus, seu oppida, etiam praetextu alicuius necessitatis, nisi vera sit, & vrgentissima, cum constet huiusmodi discursus magna parere incommoda, & scandala. Idem confirmatur Romae 1608. Venetiis 1592. Admonentur fratres, quod tunc ab una provincia ad aliam pergunt sine licentia quando eam non obtinuerunt à Prouinciali, vel capitulo Prouinciali, Priorum enim particularium Conuentuum non est huiusmodi licentias dare, quia illorum auctoritas extra Prouinciae limites non extenditur.

Poenae autem graues Prælati imponuntur, cum fratres sine licentiis recipiunt, & praeter ceteris notandum est, quod dicit Sixtus V. in Constitut. supra allegatis §.

Et tamen volumus, ut hi qui hospitalitatis vel pietatis praetextu regulares alterius provinciae (& iuxta secundam etiam alterius Conuentus) ignotos, aut sine licentia, & litteris ut supra receperint, dictas poenas priuationis vocis actiuae, & passivae, nec non officiorum, & graduum ac honorum, & dignitatum obtinentorum, acque inhabilitationis perpetuae pariter incurrant. Decernentes sic in praemissis omnibus, per quoscumque indicari debere, & irritum, & inane existens quicquid à quoquam scienter, vel ignoranter attentatum fuerit.

Eadem pœna absolutionis ab officio Præsidentibus recipientibus fugitiuos imponitur in capitulis Romæ 1583. 1589. 1601. & Valleoleti. Et Romæ 1589. huic pœnæ additur præceptum formale.

Ex declarat. cap. de Itinerantibus. Cum ex nimio, & inordinato discursu fratrum dispendia, & turbationes plurimæ subsequantur, & obseruantia regularis relaxetur, pluribus ideo in capitulis ad hæc inconuenientia tollenda ordinatum fuit, quod Præsidentes Conuentuum non possunt fratres suis Conuentibus deputatos, licentia extra limites suorum Conuentuum, nisi pro graui infirmitate ipsorum, vel suorum parentum, vel pro euidente necessitate aut vtilitate Conuentus, seu etiam fratrum singularium, & tunc de consensu discretorum. Et in licentiis specialiter aut generaliter terminus exprimatur. Quicumque autem Præsidentis inuentus fuerit prædicta non seruasse, teneatur, infra quindenam in pane, & aqua per triduum abstinere, quod si cessante infirmitate non impleuerit, absoluitur ab officio. Valleoleti 1605. Nullæ dentur fratribus licentiæ absque temporis designatione, quo præterito ipso facto nullæ sint, confirmatur Romæ 1608. Romæ 1601. dicitur Præsidentes Conuentuum sine causa, & voluntariè itinerantes à suis officiis absoluantur, & in expensis condemnentur, nisi certissimè constet in communem vtilitatem Conuentus cedere.

Vltra dietam non conficiantur, sine licentia Prouincialis, nisi sit tale negocium quod dilationem non patiat, & tunc tenebuntur Prouincialem admonere. Confirmatur Valleoleti 1605.

De euntibus ad curiam.

CAPVT LXXII.

NVllus frater ad curiam vadat nisi de licentia Magistri ordinis, vel capituli generalis, sed mittatur nuntius ad fratres qui sunt ibi vel per aliquem alium, prout melius fieri poterit, negocium procuretur.

Cap. de Itinerantibus.

Extant decreta Apostolica super hoc, nam Romæ 1589. fit huiusmodi denuntiatio. Denuntiamus à sacra Congregatione Regularium emanasse decretum 1587. tenoris sequentis.

Quoniam nonnulli regulares vagandi studio, suæ dum imminentem pœnam adinforsum criminum ex Constitutionibus, aut alias debitam sibi metunt, falsa & commensicia grammina causati, non ad immediatè sui ordinis Superiores. s. à grauiamine sui Prioris ad Prouincialem, à Prouinciali ad Generalem, à Generali ad Protectorem prout Constitutionibus cuiusque religionis disponitur, sed ad hanc Romanam curiam absque licentia sepius fugiunt, potiusquam recurrant, ex quo ordinum disciplina relaxatur. Prælati contemnantur, & ipsi in dies audaciores enadunt.

Placuit sacra regularium congregationi ex ordine Sanctiss. statuere, ut si quis regularium in posterum rem. re. seu ex causa hanc alienam urbem, seu curiam, absque sui Superioris licentia, & supradicta forma prætermissa, adire præsumpserit, ad suos eodem Superiores seniori pœna plectendus, remittatur.

Aliud decretum nomine Sanctiss. D. Clementis VIII. denuntiatum fuit in cap. Romano 1601. huius seriei.

Nullos fratres Roman venire Superiores permittant, nisi prius à Generali dumtaxat licentiam in scriptis impetrauerint. Si quis autem sine huiusmodi facultate Roman venire presumpserit, voce actiua, & passiva bicennio priuatus existat, subiturus etiam alias arbitrata Superiorum insignendas penas. Quæ item omnia aduersus eos qui supradictos admiserint, & receperint, sine ulla exceptione locum habeant. Inter penas autem arbitrarias hæc idem Sanctiss. expressit, huiusmodi fratres in carceribus per sex menses detineantur, prohibetque, ne huiusmodi pænæ possint ab eorum Superioribus remitti, cum earum dispensationem, & relaxationem sua Sanctitas sibi reseruauerit.

Repetitur hæc denuntiatio Romæ 1608.

Ex constitut. supra nominata Sixti V. hæc habentur in proposito.

In alma vero urbe nostra, religiosi aduena, & peregrini, de granaminibus sibi illatis conuergentes, nullibi sine litteris dimissoriis, aut licentia, recipiendi erunt, nisi prius ad Congregationem Cardinalium super negotiis regularium deputatorum, vel ad suos Prorectores remittantur, ubi ipsi auditis procerum, & personarum qualitate, quid agendum sit statuerunt. Quod si dicerent se ad Apostolicam sedem confugere ob grauamina sibi à suis Superioribus illata, & ideo à Superioribus licentiam, litteras obtinere non potuisse, non propterea ullomodo recipi valeant, nisi fide dignorum testimonio, de perita ab eis licentia, & per Superiores denegata, constiterit.

Ex declarat. cap. de Itinerariis. Quilibet frater vadens ad Prouincialem sine licentia sui Prioris, vel ad Magistrum ordinis sine licentia sui Prouincialis si non vadat recto tramite, sed solus vagando, & hinc inde discurrendo tanquam apostata puniendus erit, & carceri includendus. Et Procurator ordinis potestatem non habet vocandi fratres ad Curiam, vel licentiandi fratres ad eandem, sed retinendi in eadem, nisi pro exequendis negociis. Ad Magistrum vero ordinis, vel Prouincialem, fratres ire non possunt, sine speciali licentia sui Prælati. Caueant igitur fratres ad Curiam ire sine licentia Magistri ordinis. Et qui de eius licentia iuerint, vadant pedites secundum formam nostri ordinis, & litteras secum deferant, causas, & negocia pro quibus vadunt, plenarie continentes. Et id etiam præcipitur sub formali præcepto in virtute S. Obedientiæ. Similiter etiam nullus accedat ad Curias Regum, seu dominorum Legatorum, vel Prælatorum, seu Principum, aut Baronum, pro causis litigiosis, seu pro quibuscumque negociis de se odiosis secularium procurandis.

Ex Constitut. etiam hæc habentur.

Nullus Prior conuentalis ducat secum plures fratres ad capitulum generale vel prouinciale sine vrgenti causa. *Cap. de capitulo Prouincialis.*

Solus autem Magister ordinis, & Prouincialis prouinciæ in qua capitulum generale celebratur potest dare licentiam veniendi ad capitulum generale, qui contrafecerit grauiter puniatur. Ex cap. de solemn. celeb. capitulo.

Romæ 1601. Et Valleoleti 1605. Si fratres eundo ad curiam, vel curias, aut redeundo, aliquas pecunias expenderint, nihil omnino de expensis illis soluat, nisi forte propter bonum commune Conuentus illas adierint.

De non equitando, nec pecuniis portandis.

CAPVT LXXIII.

GRavis culpa est, si quis sine magna necessitate equitauerit, vel etiam in via pecuniam portauerit, vel portari procurauerit.

Ex cap. de grani culpa.

Euntes ad prædicationis officium exercendum, vel alias itinerautes, aurum, & argentum, pecuniam, aut munera, excepto victu, & necessariis indumentis, nec accipient, nec portabunt. Si quis autem de prædictis acceperit, teneatur cum redierit, Prælato suo liberè præsentare.

Ex cap. de Itinerantibus.

Cum dicitur itinerantes in via non debere portare aurum, argentum, & pecuniam, &c. id debet intelligi sine licentia Prælati sui, vt sit conforme regula in qua dicitur. Si quis rem sibi collatam celauerit, furti iudicio condemnatur, & repetitur, capite de grauiori culpa. Videnda sunt ea, quæ supra tradita sunt capitulo de vsu pecuniarum.

Ex dicto cap. de graui culpa habetur. Cum equitare maximè repugnet statui mendicantium, nullus frater ordinis nostri debet sine magna necessitate equitare, & sine licentia suorum Prælatorum, quando eos habet in promptu, sed pedes vadat, aliter grauius puniatur. Et hæc Constitutio strictissime seruari debet, maxime vbi habemus Conuentus.

Romæ 1569. Constitutio de non equitando seruetur, & qui sine licentia in scriptis equitauerit, conformiter ad eam puniatur, & Prælati ad quos cum equis declinauerint, teneantur, inquirere de huiusmodi licentia, & necessitate, & transgressores punire. Hoc idem repetitur Romæ 1608.

Venetis 1592. Pedestres omnes incedant, maximè conuersi, quod si necessitas equitandi aderit, licentiam à suis Superioribus equitandi obtinebunt, quam, & ostendere possint requisiti. Ocreas nihilominus, & penulam quam vulgo vocant (il feltro) nemo deferat præsertim conuersi, sed religiose omnes incedant, ita vt habitus patenter feratur, & pro religiosis ex ipso dignosci possint. Contrafacientes autem præter amissionem mobilium, pœna priuationis vocis ætius, & passius, vel scapularis priuatione per triennium, vel sedendi ter in pane, & aqua respectiue, puniantur.

De itinerantium sociis, & aliis per viam seruandis.

CAPVT LXXIV.

FRatres quando recedunt à capitulis, per Superiores conbiniuntur, ne vagando discurrant, sed directe ad suos vadant Conuentus. Et arceantur Priores qui malè combinant fratres, & saltem vna pars copulæ sit bonæ famæ, & sufficientis ætatis, & vnus illorum sit de lingua patriæ, vbi hoc commodè poterit seruari.

Ex cap. de certis deractionibus, &c.

Prædi-

Prædicatoribus cum in prædicationem exire debuerint, eis socij dabuntur à Priore, secundum quod honestati, & moribus eorum iudicauerint expedire. Qui accepta benedictione, exeuntes vbiquè tanquam viri qui suam, & aliorum salutem procurant religiosè, & honestè se habeant. Socius autem datus Prædicatori, ipsi tanquam Priori obediat. *Ex cap. de Prædicatoribus.*

Itinerantes cum in via existunt officium suum dicant prout sciunt, & possunt, & sint contenti officio Ecclesiarum ad quas declinant, Prior in ordine sit Prior in via, nisi fortè Prædicatori adiungatur, vel cum egrediuntur Prior de eis aliter ordinauerit.

Ex cap. de itinerantibus.

Ex decl. cap. de certis detractionibus, &c. Cum discursus inutilis, & vagus fratrum turbationem, & scandalum pariat, & ex defectu combinationis fratrum, dissolutiones, & insolentiæ crescant, ideo neque sine licentia, neque sine socio itinera consueuant fratres, & combinati nullo modo se separent ab inuicem, quin se videre possint, & valeant mutuo testimonium perhibere, in quocumque sint loco, vel negocio, & transgressores acrius puniantur.

Venetis 1592. fratres nostri bini semper incedant, maximè quando de vna ciuitate ad alium locum accedunt, & specialiter quando non ex obedientia, & religionis seruitio, sed recreationis, aut cuiuscunque alterius particularis negocij causa iter assumunt. Et Superiores licentiam non concedant, nisi etiam socium illis consignent, cum quo redire ad Conuentum tenebuntur, sub pœna sedendi ter in pane, & aqua.

Bononiæ 1564. fratres nostri maximè iuniores, neque sine socio à Prælato designando, neque sine litteris testimonialibus à suis Conuentibus recedant. Idem Romæ 1608.

Cum dicitur in Constitutione socium datum Prædicatori debere ei obedire, vt Priori, non intelligitur quod Prædicator aliqua iurisdictione detur supra socium, sed solum quod socius debeat ei obedire, & seruire sponte in his quæ ad personam, & officium eius pertinent.

Cum etiam dicitur Prior in ordine sit prior in via, neque intelligitur dari aliquam iurisdictionem super socios Priori in ordine, nisi sit Prælatus. Romæ 1601. sub præcepto formali mandatur, vt in ciuitatibus, & oppidis in quibus Conuentum habemus aut domos, nullus possit pernoctare extra Conuentum neque etiam in suburbanis, sine licentia Prælati, confirmatur Vallesoleti 1605.

De hospitibus fratribus, & extraneis.

CAPVT LXXV.

IN quacumque prouincia fratres itinerantes deliquerint. Prior Prouincialis aut Conuentualis, seu Vicarij, Supprior, aut

Visitator, & cæteri in quorum terminis inuenti sunt, corrigendi ipsos sicut fratres suos liberam habeant facultatem. *Ex cap. de Itinerantibus.*

Leuis culpa est si quis in Conuentum, hora qua debet venire distulerit. Et si quis veniens eadem hora si fieri potest benedictionem accipere neglexerit, vel absquæ ea plus vna nocte moratus extiterit. *Ex cap. de Leui culpa.*

Prior Priorem superuenientem honoret, fratres minores, sicut, & nostri charitatiuè recipiantur, & hilariter, & secundum facultatem domus piæ, & honeste procurentur. *Ex cap. de itinerantibus.*

Fratres nostros tam in Episcopatu præcisè titulari, vel alias infra Episcopatum constitutos, & beneficiatos vel exemptos ab ordine, excepto Magistro sacri palatii, & pœnitentiariis perpetuis D. Papæ, qui sequuntur Romanam Curiam, eorumque sociis, nolumus in nostris Conuentibus, vltra triduum retineri, licentia Prouincialis cum consensu ad minus duarum partium Conuentus obtenta. Alioquin suspensionem à suis officiis Præsidentes ipso facto incurrant contra facientes. *Ex cap. de electione Prioris.*

Fratres hospites, & viatores subiiciantur Præsidenti ordinis ad quem declinant ratione iurisdictionis, & de excessibus suis non solum ibi, sed etiam alibi commissis possunt, & debent corrigi, & castigari, quia de crimine puniuntur quis ubi inuenitur. Et glos. 3. q. 6. caput. 1. allegat illud, Vbi te inuenero ibi te iudicabo. Et si ad eum aduenerint fugitini, & vagabundi sine licentiis alterius prouinciæ, non debet eos recipere sub pœna grauioris culpæ, nisi inquantum charitas religiosè hospitalis exigit, & si deliquerint capi eos faciat, & victos ad suas prouincias sumptibus illarum prouinciarum remittat. *Ex decl. cap. de Itinerantibus.* Et etiam Priores hospites sicut alij fratres peregrini sunt sub iurisdictione, & obedientia Prioris illius Conuentus in quo sunt hospites, & per consequens sunt eius ordinationibus, & mandatis subiecti, nec debent, sine eius licentia Conuentum exire, seu per villam, aut ciuitatem, discursare, &c. Debet tamen Prior Priorem superuenientem præ cæteris honorare, & humaniter ac gratiosè suscipere; quia qui bene præsunt duplici honore digni sunt. Si autem aduenerit Prouincialis alterius Prouinciæ, Prior debet ei dare locum nolæ cum non sit locus iudicii, sed dignitatis, sicut etiam datur Abbatibus, & Episcopis, Prior tamen eo casu nolam præstabit, vt habetur cap. de seruando loco inter fratres.

Valentiz 1596. ordinatur, vt hospites subdantur legi depositi, ita vt si vltra sex dies moraturi sunt in aliquo Conuentu, teneantur quamlibet pecuniarum summam in communi deposito illius Conuentus, reponere, nec sine licentia illius Prælati pro quibuscumque negociis expendere poterunt. In eodem enim statu reponuntur quo ad hoc sicut, & cæteri fratres. Confirmatur 1601. Subditi etiam sunt hospites Prælati Conuentuum in quo sunt

quoad forum conscientia, quia ab illis absolui possunt à peccatis & recipere alia Sacramenta, vt dictum est supra cap. de potestate prælatorum super fratres.

Ex decl. cap. de Itinerantibus. Sint solliciti Præsidentes fratres hospites cum licentiis aduenientes charitatiuè, & humaniter recipere, & tractare maxime venientes ex extraneis prouinciis, & secundum exigentiam viz, prouideant eis in suis necessitatibus, & dent eis consilium, & auxilium ad transeundum ad alios Conuentus, maximè in locis vbi occurrit transeundi difficultas. Venetiis 1591. Committitur Præsidentibus vt omnem adhibeant diligentiam, quatenus aliquæ cameræ deputentur pro hospitibus cum licentia aduenientibus, recipiendis, quorum cura alicui discreto committatur, vt charitatiuè eos recipiat.

Potissimum inter extraneos recipiendi sunt cum charitate fratres minores, ideo in decl. eiusdem cap. dicitur fratres nostri diligentissimè attendant, vt corde, ore, & opere diligant fratres minores, & illos humaniter suscipiant, & benignissime ac hilariter pertractent, & sollicitudinem adhibeant quantum in eis est, vt cum ipsis pacem habeant fratres, & qui in contrarium præsumperint, graviter puniantur. Caueant etiam fratres ne inter se, nec coram aliis quantumcumque familiaribus, de ipsis obloquantur. Et si alij sub specie familiaritatis, & amicitia aliqua mala de eis retulerint, non sint faciles ad credendum, sed illos quantum possunt, excusare conentur. Et si forsitan tales fratres minores de nostris obloquendo aliquos prouocauerint, tamen nostri cum eis, in publico nullo modo contendant.

His addantur quæ traduntur de Patribus Societatis Iesu in cap. Valentini 1596. .f. Admonent omnes fratres, vt paterno sinceroque affectu, prosequi velint Religiosos omnes, cum quibus ad eundem finem tendimus, specialiter vero eos qui non segniter inter reliquos laborant pro fide Catholica tuenda, & salute animarum procuranda. Patres .f. Societatis Iesu, qui inter cæteros plurimum commendantur, vti operibus internæ affectioni, & charitati testimonium reddant, eisque inserviant, nulloque pacto eos verbis aut factis offendant, & tales offensa, si quæ (quod absit) occurrerint, seueram vindictam à Prælati sumant, quod si Prælati id agere neglexerint, Magister ordinis, vt rescuerit, delinquentes puniet, & Prælatos ab officio absoluet.

Seculares etiam ad hospitium recipi poterunt, sed seruandum erit, quod statuit Sixtus V. in sua Constitutione contra illegitimos, vbi habet.

Insuper prohibemus ne regularibus liceat vllas pecunias quoquomodo erogare in alicuius Benefactoris, etiam Prosectoris, seu Ordinary honorem, etiam occasione transitus, au primi ingressus, aut in beneficiorum acceptorum memoriam, gratique animi significationem, seu pro ipsis honoris, & laudis, & opiparè, excipiendis, seu pro conuiuiis exhibendis, aut pro comestationibus, siue comotationibus quibusvis personis, siue eiusdem ordinis, siue extraneis largiendis, aut spectaculis exhibendis, etiam vbi sanctorum vita, vel passionis Domini memoria populo spectanda proponitur, &c. aut aliis in rebus ad pompam, & ostentationem pertinentibus, &c. Nisi ipsa pro vero Dei cultu, aut pro pauperum indigentia, &c. Declarantes tamen per hac laudabilem hospitalitatem

præcipue erga pauperes, & peregrinos nequaquam unminu aut prohiberi, &c. Si quos verò ditiores occasione transitus, siue deuotionis, siue necessitatis causa eo diuertere contigerit, eos sanè deceret in communi refectorio cum aliis religiosis seculis communibus contentos esse. Verum in huiusmodi potentioribus hospitibus recipiendis, ita se gerant Regulares, vt frugalitas, & paupertas religiosa effulgeat sub panis, &c. vt supra.

Venetis 1592. Nullus laicus in posterum recipiatur in Conuentibus ad commorandum, sed tantum hospitij gratia, pietate, gratitudine, & necessitate id suadente, ad biduum, vel triduum ad summum, & non vltra. Quando, & tales non in dormitorio, sed in remotioribus locis Conuentus collocabuntur, charitatiue, & cum modestia tractandi.

De discursu fratrum per Ciuitatem.

CAPVT LXXVI.

Hospes sine consilio Prælati non discurrat per Ciuitatem, nec moram faciat. *Ex cap. de itinerantibus.*

Leuis culpa est si quis hora qua debet venire in Conuentum distulerit. Si quis oculos vagos per plateas vel villas eundo ad vanitates frequenter direxerit. *Ex cap. de Leui culpa.*

Neque etiam quando proceditis scæminas prohibemini videre, sed appetere vel ab ipsis appeti velle, criminofum est. *Ex regula.*

Bottæ extra septa monasterij non portentur. *Ex de Vestitu.*

Fratres per Superiores combinati, nullo modo se separent ab inuicem, quin se videre valeant, & sibi possint mutuo testimonium reddere in quocunque loco, & negotio.

Venetis 1592. Omnes fratres nostri bini semper per Ciuitatem incedant, & cum toto habitu.

Romæ 1601. Prælati difficiles se præbeant in licentiis è domo egredienti concedendis præsertim iunioribus, actu vero studentibus, & iuuenibus nulla ratione concedantur. Et eisdem præcipitur sub pœna absolutionis ab officio, vt socium nominent pro qualibet vice petenti licentiam exeundi. Confirmatur Valleoleti, & additur, etiam prætextu necessitatis, nisi sit vera, & vrgentissima causa, cum constet huiusmodi discursus magna parere incommoda, & scandala. Ratificatur etiam Romæ 1608. & additur. Et nulli detur licentia prodeundi, nisi designando socium, fratres vero cum domum redierint quam primum se sistant coram Præsidente, vt accepta benedictione, ipse sciat quid de eis actum sit.

Valleoleti 1605. conceditur iuuenibus studentibus semel in mense causa recreationis, posse egredi domum, ita tamen vt omnes simul incedant ad campum, vel vineam, cum licentia, & benedictione Prælati sui.

Ex decl. cap. de Vestitu. Habitus noster est tunica alba, scapulare album, & cappa nigra, & hunc habitum debemus patenter deferre cum in publicum procedimus, cum sit protectatiuum nostræ professionis. Et infra. Et quando

in publicum procedimus vel in choro debemus semper habere caput coopertum caputio. Et in missa, & extra Conuentum debemus cappas deferre propter honestatem ordinis.

Valleoleti 1605. & Romæ 1608. Vt vero ostiario facilius pateat, qui fratres sint foris, & qui domi, mandatur sub pœna grauis culpæ, ne quis extra Conuentum egredi audeat per portas Ecclesiæ vel alias, sed solum per vnicum Conuentus ostium commune. Ad ostium verò intrinsecus tabula loco apto affigatur, nomina, & cognomina fratrum continens. In qua ostiarius aliquo signo notet fratrem egredientem, vel reuertentem, vt sic de quæsitis fratribus rationem reddere possit. Et Prælati in hoc negligentes, ab officio absoluantur.

Ex declar. cap. de graui culpa. Fratres exeuntes de Conuentu sine licentia, vel cum socio non sibi à prælato deputato, puniri debent eadem pœna qua puniuntur in Constitut. illi qui vltra terminum sibi assignatum moram fecerint, quæ est pœna grauis culpæ. Quamuis in declarationibus cap. de grauiori culpa dicatur. Quicumque frater sine licentia sui Superioris extra Conuentum, etiam cum socio discurrere præsumperit, pœnam grauioris culpæ se nouerit incurrisse, quam per Superiorem facere cogatur.

Romæ 1608. Præcipitur omnibus Conuentuum præsidentibus sub pœna absolutionis ab officio, ne vlla ratione permittant nouitios, & iuuenes per Conuentum discurrere, neque è domo egredi, nisi pro euidenti necessitate.

De affiliationibus.

CAP. LXXVII.

Fratres nostros incorporatos esse alicui Conuentui tanquam filios aperte ex nostris Constitutionibus colligitur, & duobus modis incorporati sunt, quidam ex habitus susceptione, illius enim Conuentus fratres sunt filij, in quo & pro quo habitum susceperunt, quidam vero, per translationem affiliationis, quando ex vno Conuentu ad alium transfertur filiatio. Hæc sunt Constitutionis verba.

Cap. de Infirmis.

Leprosi infra septa sui Conuentus seorsum procurentur. Conuentum autem suum dicimus cuius est filius.

Item capite de electione Prouincialis.

Bona Prouincialis defuncti in officio prouincialatus, pro medietate ad prouinciam cuius fuit Prouincialis pertinent, pro alia medietate ad Conuentum cuius est filius. Relicta Magistri ordinis, quæ acquisiuit in Magisterio, pro medietate sunt sui Conuentus originalis.

Item cap. de studentibus.

Quæ vero iure hereditario bona fratri obueniunt, erunt sui

Conuentus originalis, etiam si alterius Conuentus sit factus filius,
Item cap. de recipiendis.

Nouitius receptus in vno Conuentu vbi non est nouitiorum congregatio, mittatur ad Conuentum vbi est, in quo profiteatur, pro Conuentu tamen in quo, & pro quo habitum suscepit.

In cap. Bononiæ 1564. statuitur vt translationes filiorum de vno Conuentu ad alium non possint fieri, nisi de consensu maioris partis filiorum vtriusque Conuentus respectiue præsentium in Conuentu, & requisito etiam consensu Prouincialis exceptis prouinciis desolatis. Et Romæ 1580. dicitur, nullas fieri debere translationes filiationum de vno Conuentu ad alium, nisi per vota secreta, & Prælatos non posse vllò modo recipi in filios illorum Conuentuum in quibus sunt Prælati, quandiu officio prælationis funguntur, etiam si habuerint omnia vota. Confirmatur Venetiis 1592. & extenditur etiam ad Vicarios locorum. Et Valentiz 1596. habetur. Prouinciales omnino abstineant à translatione fratrum per affiliationem, maximè ab aliis prouinciis ad suas, cum translatio huiusmodi ad capitulum generale, vel ad Magistrum ordinis pertineat tantum, secundum nostras Constitutiones, sine quorum auctoritate factæ annullantur. Vnde in declarationibus cap. de recipiendis legitur. Prouinciales non possunt determinare aliquem fratrem pertinere ad alium Conuentum, quam ad eum pro quo est professus, nisi per simplicem assignationem in nostro ordine solitam. Et ob id etiam translationes huiusmodi factæ cum licentia Magistri ordinis solent ratificari in capitulo generali, & quandoque per dictum capitulum fieri. Veruntamen Romæ 1601. habetur hæc ordinatio. Mandato S. D. N. Ordinatur ne fiant affiliationes de vno Conuentu in alium ex quacumque causa, sed tantum maneant filij Conuentus, qui ibidem professionem emiserunt. Quod mandatum fuit etiam ab ordine acceptatum in cap. Valleoletano 1605. Et nullæ modo translationes sunt sine concessione sedis apostolicæ.

De Nouitiis in particulari extat declaratio in cap. de recipiendis huiusmodi tenoris. Nouitij ad illos Conuentus perpetuò pertinebunt, in quibus vel pro quibus fuerunt recepti, nec debent in alienis Conuentibus ad professionem recipi, nisi de voluntate illorum Conuentuum pro quibus sunt recepti. Et Barchinone 1574. dicitur. Nouitius receptus ad habitum in vno Conuentu, si transmittatur ad alium, & in hoc profiteatur, erit filius Cōuentus in quo fuit receptus, etiam si fecerit professionē non requisito illo Conuentu in quo habitum accepit. Et Romæ 1589. oraculo viuz vocis D. Sixti V. mandatur, vt nouitij recepti in minoribus Conuentibus ad maiores Conuentus pro educatione nouitiorum deputatos transmittantur, & subditur.

Vbi annum probationis peragent, & suo tempore professionem facient, pro illis tamen Conuentibus, in quibus habitum ordinis susceperunt.

De apostatis autem notatur in cap. Bonon. 1564. eos per apostasiam non intelligi amisisse filiationem sui Conuentus.

De Bibliothecis.

CAPVT LXXVIII.

Libri ordinis, siue fratrum, non vendantur, nisi precium illorum in alios libros, vel scripta conuertantur.

Cap. de studentibus.

Ordini nostro valde congruit copia librorum ob prædicationem. Idcirco nullus audeat libros ad Conuentum, aut ad fratres quocumque modo spectantes, vendere, distrahere, donare, aut concedere alicui, sed ad Librariam cōmunē pertineant. At si aliqui duplicati sunt aut minus vtilēs, vēdi poterūt, precio cōmutato in magis vtilēs & necessarios. Ex decl. c. de stud. Et Ro. 1569. ac Valleoleti 1605. statuitur. In omnibus Cōuentibus vbi nō sunt cōmunes Librarie cōstruātur, cōstruantur, aut deputetur locus, in quo reponantur libri, vt eo cōuenire possint fratres ad studend. Et libri decedentium fratrum non vendantur, nisi modo, vt supra. Et Prælati singulis annis emant aliquos libros ex grauioribus, & modernis doctoribus pro communi Bibliotheca. Neap. vero 1600. fuit prolata excommunicatio huiusmodi. Ordinamus, & ordinando præcipimus in virtute Spiritus sancti, & S. obedientie sub formali præcepto, necnon, & sub pœna excommunicationis latæ sententiæ hac vna pro trina canonica monitione præmissa omnibus, & singulis fratribus cuiuscumque gradus, & conditionis, ne audeant extrahere à communi Bibliotheca libros, quicumque sint illi, sine licentia Superioris, qui illam nullomodo dare poterit, nisi in casu necessitatis, & de Patrum consilio præcipue quod à fratre particulari in propria cella possideatur. Confirmatur Romæ 1601. Valleoleti 1605. & Romæ 1608. Et Rodericus in suo bullario affert bullam Pij V. quæ est eius in ordine 17. in qua habentur hæc.

Motu proprio &c. omnibus, & singulis personis ecclesiasticis, & secularibus, & etiam regularibus, etiam pontificali dignitate præfulgentibus, ne librum aliquem, siue quincernum furto, subtrahere quouis modo præsumant ex Bibliothecis ordinis minorum, aliter ipso facto excommunicationem incurrant, à qua non, nisi à Romano Pontifice absolui possint, extra mortis articulum.

De impressione librorum.

CAP. LXXIX.

NVlla scripta facta, vel compilata à fratribus aliquatenus publicentur, nisi per fratres peritos, quibus Magister ordinis, vel Prior prouincialis commiserint, diligenter sint examinata. *Cap. de studentibus.*

De impressione librorum tale decretum formauit. S. Synodus Trid. sess. 4.
Sancta Synodus decernit, & statuit, vt nulli liceat imprimere, aut imprimi facere,

quosuis libros de rebus ſacris, ſine nomine auctoris, neque illor in futurum vendere, aut retinere niſi primum examinatis, & approbati fuerint, ab Ordinarijs, ſub pœna anathematis. Et ſi regulares fuerint, ultra examinationem, & approbationem huiusmodi, licentiam quoque à ſuis Superioribus impetrare teneantur, recognitis per eos libris, iuxta formam ſuarum Conſtitutionum. Qui autem ſcripto eos communicant, vel euulgant, niſi antea examinati, probatique fuerint, eiſdem pœnis ſubiaceant, quibus & impreſſores. Et qui eos habuerint, vel legerint, niſi prodiderint, auctorem, pro auctoribus habeantur. Ipſa vero librorum approbatio in ſcriptis detur, atque adeo in fronte libri, vel ſcripti, vel impreſſi authenticè appareat, & tam probatio, quàm examen gratis fiat.

Ex regulis indicis, in regula 10. ita diſponitur.

In librorum aliarum nuè ſcripturarum impreſſione ſeruetur, quod in Concilio Lateranenſi, ſub Leone X. ſeſſione 10. ſtatutum eſt. Quare ſi in alma Vrbe Roma, liber aliquis ſit imprimendus, per Vicarium ſuum, Pontificis, & ſacri palatii Magiſtrum vel perſonas à S. D. N. deputandas prius examinetur. In alijs vero locis, ad Epiſcopum, vel alium habentem ſcientiam libri, vel ſcripturæ imprimendæ, ab eodem Epiſcopo deputandam, ac Inquiſitorem hæreticæ prauitatis, eius ciuitatis, vel diœceſis, in qua impreſſio fiet, eius approbatio, & examen pertineat, & per eorum manum, propria ſubſcripſione gratis, & ſine dilatione imponendam ſub pœnis, & cenſuris, in eodem decreto contentis, approbetur, hac lege & conditione addita, vt exemplum libri imprimendi authenticum, & manu auctoris ſubſcriptum, apud examinatoreſ remaneat. Ipſa verò librorum probatio, in ſcriptis detur, & in fronte libri, vel ſcripti, vel impreſſi authenticè appareat.

In inſtructione poſtrema indici appoſita per Clementem 8. habetur.

Regulares præter Epiſcopi, & inquiſitoris licentiam meminerint teneri ſe Sac. Concil. Trid. decreto operis in lucem edendi, facultatem à Prælato cui ſubiaceant, obtinere. Vtramque autem conſeſſionem, quæ appareat ad principium operis, imprimi faciant.

In cap. Veneto 1592. ordinatur, vt nullus typis dare poſſit, quaſcumque lucubrationes proprias vel alienas, etiam alias impreſſas, ſine licentia in ſcriptis Prouincialis, nec abſque approbatione ad minus duorū patrum, ab eodẽ Prouinciali deputandorum, aut à capitulo prouinciali, qui eaſdem prius cõſiderauerint, & legerint. Et Valleoleti, præcipitur ſub formali præcepto, examineribꝯ librorum, vt totum librum diligenter videant, quo ſtylo, graui ne, an humili conſtet, de qua materia, magni, vel parui momenti, nec ſufficiat nihil contra fidem, vel bonos mores continere, ſed talis ſit, qui honori, & decori religionis eſſe poſſit. Libros autem ſic examinatos nolumus excuſſioni mandari in Italia, antequam Romæ ad Magiſtrū ordinis, vel Vicarium generaleſ mittantur approbandi. Quibus correctis, nil addi, vel ſubtrahi poſſit. Confirmatur Romæ 1608.

Quæ autem per librorum examinatoreſ expungenda ſunt, hæc præcipua ex indice librorum prohibitorum deprompta notentur. Propositiones hæreticæ, erroneæ, ſcandalofæ, piarum aurium offenſiue, temerariæ, ſchiſmaticæ, ſeditioſæ, & blaſphemæ. Verba ſacræ ſcripturæ non fideliter prolata, vel à prauis hæreticorū verſionibus de prompta, niſi ad ea repudianda, aut etiam in profanum uſum impiè accommodata: Omnia, quæ ſuperſtitiones, ſortilegia, & diuinationes, ſapiunt. Laudes & honorifica epitheta hæreticorum. Quæ paganifmum redolent, maxime, quæ factio vel ſignis fallacibus, aut for-

tunæ, libertatem arbitrij subiiciunt. Quæ famæ proximorū maximè ecclesiasticorum, & Principum detrahunt. Quæ libertatem & immunitatem ecclesiasticam minuunt, & tyrannicam politiam fouent à lege Evangelica abhorrentem. Exempla, quæ Ecclesiasticos ritus religiosorū ordines, statumque, & dignitatem, ac personas lædunt, faciet, aut dicta in præiudicium famæ aliorum iactata. Et denique læsciuia omnia, quæ bonos mores corrumpere possunt.

De bonis fratrum defunctorum.

CAPVT LXXX.

Bona fratris defuncti, quo ad illa, quæ ab aliqua prouincia, vel Conuentu habuit, sint illius, quæ vero aliter acquisiuit sint Conuentus cuius est filius, si in alio conuentu non est assignatus simpliciter, sed ad tempus, propter studium, vel officium, aliquod. Quæ vero hæreditario iure, obueniunt, vel obuenerint, erunt Conuentus sui originalis, etiam si alterius Conuentus factus sit filius. Si vero est assignatus in aliquo Conuentu simpliciter, ac pro tali ibidem præsentialiter receptus, & Conuentus ille consuevit (prout tenetur) prouidere de toto victu, vestitu, & huiusmodi aliis, tam tempore sanitatis, quam infirmitatis, diuidentur hæc aliter acquisita mobilia æquis portionibus inter Conuentum cuius est filius, & Conuentum in quo est assignatus. Alioquin quarta pars tantum erit Conuentus, in quo simpliciter est assignatus. Immobilia vero non hæreditario iure obuentionia, semper erunt Conuentus cuius est filius. *Cap. de studentibus.*

Si Prouinciales in prouincialatu decesserint, libri & alia, quæ habuerunt per prouisionem ordinis à prouincia, vel etiam ab aliquo Conuentu, antequam essent Prouinciales, vel in ipso prouincialatus officio, ad prouinciam, vel Conuentum, vnde habuerunt simpliciter pertinebunt. Ea verò, quæ acquisierunt tempore prouincialatus, ad prouincias quorum erant Prouinciales spectabunt pro medietate, & pro medietate ad Conuentus quorum sunt filij. Alia verò omnia sint Conuentuum quorum sunt filij. Et idem dicimus de bonis Procuratoris ordinis. Relicta autem Magistri ordinis, quæ acquisiuit in magisterio, pro medietate sint sui Conuentus originalis, alia vero medietas, ad commune ordinis bonum pertineat. *Capite de electione Prouincialis.*

Ex declar. cap. de studentibus colligitur, hanc esse practicam in ordine circa partitionē bonorum fratrum defunctorum. Si aliquis frater assignatus

in aliquo Conuentu simpliciter, moritur, bona omnia, quæ apud ipsum reperiuntur, quæ non habuit ab aliquo Conuentu, diuiduntur inter Conuentum originale, & Conuentum in quo moritur assignatus. Si autem aliquis frater alicuius provincie moritur extra ordinem in aliena, provincia medietas bonorum, quæ ibi acquisiuit pertinebit ad provinciam in qua moritur, & alia medietas ad suum Conuentum originale. De illis autem qui manent extra Conuentus, & non habent aliquam assignationem à Prouinciali, aut sunt extra ordinem, declaramus medietatem bonorum suorum post mortem, pertinere ad Generalem, & alteram medietatem ad Prouincialem. Declarantes etiam, quod si aliquis frater professus in vno Conuentu, fiat postea per Magistrum ordinis filius alterius Conuentus, bona immobilia ratione talis fratris ad ordinem prouenientia, pertinebunt ad primum Conuentum. Alia vero mobilia bona ad secundum Conuentum cui incorporatus est, si in eo moriatur, spectabunt. Notabis hic formalia verba Constitutionis, & declarationum. In Constitutione distinguuntur, immobilia bona in quædam hæreditario iure fratri obuenientia, & quædam non hoc modo, sed alio obuenientia, prima semper debentur Conuentui originali, etiam si alterius Conuentus factus sit filius, secunda vero semper erunt illius Conuentus cuius factus est filius. Ex decl. autem quæcūq; bona immobilia ratione alicuius fratris ordini obuenientia ad primum Conuentum semper deuoluuntur.

Assignationes autem fratrum etiam quibus assignantur in aliquo Conuentu simpliciter, bifariam fieri possunt, nam si frater assignatur verbo in scripto alicui Conuentui per hæc verba, ex nunc prout ex tunc, tam præsentem, quam absentem. Assigno te in tali Conuentu, statim currit assignatio. Et si frater sic assignatus, decedit, bona illius pertinent ad illum Conuentum in quo est sic assignatus, & non ad Conuentum in quo prius erat Conuentualis, siue moriatur antequam recedat, siue in via, siue intra, siue extra provinciam. Si vero assignatur secundum formam communem dicendo, Tenore præsentium te deputo pariter, & assigno in tali Conuentu, tunc non currit assignatio, donec literæ fuerint exhibitæ assignato. Ideo si morte præuentus fuerit antequam literæ ad eum peruenerint, res ipsius pertinebunt ad Conuentum ubi prius erat conuentualis, & non ad alium in quo fuit postea assignatus. Hæc etiam declaratio, textui dissona esse videtur, in ea parte in qua dicitur. Si vero est assignatus in Conuentu simpliciter, ac pro tali ibidem præsentialiter receptus &c. Nam si debet esse præsentialiter receptus in Conuentu in quo est assignatus, non sufficit, quod fuerint ei præsentatæ literæ assignationis, ut annuere videtur declaratio hæc.

De bonis autem Prouincialis, & Magistri ordinis, dicit declar. cap. de electione Prouincialis, Licet omnia, quæ Prouinciales acquisierunt tempore prouincialatus ad provincias quarum erant Prouinciales debeant spectare, tamen relicta per Magistrum ordinis, quæ acquisiuit in magisterio, pro medietate ad suum Conuentum originale, pro alia vero medietate ad bonum commune ordinis debent pertinere. Quæ etiam declaratio dispositioni textus repugnat, in quo idem statuitur de bonis Prouincialis & Magistri ordinis, acquisitis in eorum officio. Crederem tamen in hoc standum esse declaratio-

De loco seruando inter fratres.

ni, quia ibidem notatur confirmatam fuisse in tribus capitulis generalibus immediatis. ſ. Coloniz 1428. Lugdunenſi 1431. & Colombaria 1434. Bona vero Prioris decedentis in ſuo officio, videntur omnia pertinere ad eum Conuentum cuius eſt filius, propter ordinationem editam Romæ 1580. quæ eſt: Cum Prior moritur in Conuentu cuius non eſt filius, tenetur ille Conuentus ad ſuffragia pro eo, non obſtante, quod eo caſu omnia eius bona pertineant ad Conuentum cuius eſt filius. Conſonat hoc textui Conſtitutionis, quia Prior non eſt assignatus ſimpliciter in eo Conuentu cuius eſt Prior, ſed propter officium Prioratus.

De bonis autem apoſtatarum decedentium in apoſtaſia, ita diſponitur in decl. cap. de apoſtatis. Res autem, & bona apoſtatarum debent ad Conuentus illos, in quibus erant assignati tempore quo apoſtatauerunt libere pertinere, ſed poſtea facta fuit conſtitutio, quod huiusmodi bona diuiderentur inter Conuentum originale, & Conuentum in quo erat assignatus. At Gregorius 13. Conſtitutionem promulgauit de bonis fratrum decedentium extra ordinem per hæc verba in ſubſtantia. Vide Quarantam verbo, Spolia clericorum.

Nos omnem dubitatis occaſionem, dimouere, & indemnitas camera Apoſtolice conſulere volentes, declaramus, res, & bona quæcunque per dictos regulares extra clauſtra quorumcunque locorum egentes quocunque iure, & actione ſive ex cauſa teſtati, vel inteſtati, acquiſita, & in poſterum acquirenda, vel ad eos delata in quibusſui prouincis, regnis, & locis conſiſtât, niſi hęc ad quos illa ſpectauerint, ſufficientis facultate teſtandi, aut de illis diſponendi, ſuffulſi fuerint, ea que legitime uſu fuerint, ad eandem cameram pleno iure pertinere, & ſpectare, & ſub nomine ſpoliorum comprehenſa eſſe, & ea à quibusuis occupatoribus, recuperare poſſe, &c. quibuſcumque in rebus, ſive pecunijs conſiſtanti &c. Et ita mandat per quocuſcumque iudices iudicari debere, &c.

De loco ſeruando inter fratres.

CAP. LXXXI.

Quod fratres dum ſimul ſtant, aut incedunt, locum ſibi debitum in aliorum comparatione ſeruare debeant non obſcure in Conſtitutionibus noſtris præſinitur. Vnde in cap. de grauiori culpa pro condemnatis ad pœnas huius capituli dicitur.

Sit omnium nouiſſimus in Conuentu.

Et in cap. de Apoſtatis ſcribitur.

Infra tempus pœnitentiæ, apoſtata in Conuentu nouiſſimus erit &c. Et peracta pœnitentia, ad priorem locum non redeat, niſi fuerit cum eo diſpenſatum, &c. Et diſpenſatio fiat, ita ut anni quibus fuit in apoſtaſia, non computentur ei, quo ad locum, ſed ſub illis, qui habent plures annos in ordine quam ipſe habuerit, quando exiit, ſtet.

Ex iſta clauſula Conſtitutionis manifeſtè apparet, fratres debere tenere

locum inter se, in choro, & alibi, secundum, quod habent plures, vel pauciores annos in ordine à professione sua, seu secundum quod post professionem tacitam, vel expressam per plures annos habitum nostri ordinis porterunt, exceptis aliquibus de quibus infra. Ex decl. cap. de Apostatis, Super capite de cap. generali, habetur declaratio hæc. Ceteri vero fratres, qui non sunt Magistri, vel Baccalaurei, aut non fuerunt Prouinciales, tenent loca sua secundum ordinem, & antiquitatem suæ professionis, ita quod illi, qui post professionem suam diutius habitum porterunt, debent præcedere eos qui minori tempore illum gestarunt. Et Romæ 1571. ac Barch. 1574. diffinitum fuit. Lectores etiam debere tenere locum sibi debitum ratione professionis suæ, nisi alius pro gradu aliquo sibi debeatur, contraria consuetudine non obstante. In cap. Neap. 1600. declaratum fuit, quod si contingat aliquem sine aliqua fraude, sed bona fide, emisisse professionem inualidam, & postmodum suppletum fuisse defectibus per secundam professionem tacitam, vel expressam, locum eius accipiendum esse, à prima professione quamvis inualida vt supra, dummodo prius iuridice per sententiam constiterit, tale sine fraude, sed bona fide emisisse primam professionem. Quæ declaratio suppressa fuit mādato D. Clementis 8. ita vt nec legēda sit, nec seruāda. Magister ordinis sicuti omnibus fratribus, etiam Prælati, præest auctoritate, & dignitate, ita & loco præesse debere omnibus compertum est. Casu vero quo ipse Magister suo officio cedat, aut amoueat ab illo, tale decretum de eius loco habetur cap. de capitulo generali.

Magister verò ordinis cedens, vel amotus, post Magistrum ordinis in Diffinitoriis capitulorum generalium, & Prouincialium, & in absentia Magistri ordinis post Prouincialem, in cuius prouincia fuerit, & in absentia Prouincialis, post principalem Prælatum, primam vocem primumque locum vbique & in omnibus obtinebit.

De Prouincialibus actualibus etiam idē sentiendū est vt. si in prouinciis suis quibus antepōnūtur auctoritate, & loco antepōni debeant. Et si aliquando accidat eos diuertere ad alienas prouincias, locum habere debent ex declar. cap. de electione prouincialis, supra omnes Priores Conuentuum, tñ in choro, quā in processionibus etiam in dicēdo Fidelium. In refectorio autē, & in ca. cū extra prouinciam suā nullā habeant iurisdictionē, seruabunt locū immediatū ad dexterā Præsidentis illius Conuentus in quo erunt. Si autē contigat Prouincialem alienæ prouinciæ in refectorio comedere absente Præsidente prouinciæ, decl. c. de itinerantibus, tradit, Priorem Cōuentus debere dare ei locū nolx, cū ille locus nō sit iudicij, sed dignitatis. Vnde Abbatis, & Episcopis datur talis locus. Et quia inter has duas declarationes nunc relatas, videbatur esse aliquantulū diuersitatis, ideo in cap. Romano 1589. statuitur vt Prouinciales extra suas prouincias locū teneant supra Priores Cōuentuum, in quibus sunt, & etiam in refectorio ad locū nolx sedent, iuxta declarationem ca. de itinerantibus, nō obstat declaratione c. de electione prouincialis, cum

illa ista postetior sit, pulsare tamen nolā pertinebit ad Præsidentem Conuentus, etiam præsente Prouinciali alterius prouinciae: aliud enim est tenere locum, nolā, qui non est locus iudicij, sed dignitatis, aliud pulsare nolam. De Prouincialibus autem qui officium suum compleuerunt constitutio cap. de capitulo generali, hanc ponit regulam.

Prouinciales absoluti locum in prouinciis in quibus præsuerunt, super omnes alios fratres habebunt, vbique, dummodo Magistri in sacra Theologia non Magistris minimè postponentur, nec Præsidentium actualium locis minimè derogetur.

Etiā ibidem declaratio addit, Huiusmodi Prouinciales absoluti talem locum non habent extra suam prouinciam. Si autem simul sunt duo Prouinciales absoluti non magistri, inter se locum seruabunt suæ professionis, etiam si minor ante antiquiorem, fuerit Prouincialis. Si autem contingat inferiorem Magistrum fieri Prouincialem prius, & postea antiquiorem Magistrum, isti duo Magistri post absolutionem locum habebunt inter se secundum ordinem Magisterij. Et Romæ 1601. declaratum fuit, seruandam esse Constitutionem de loco eorum, qui fuerunt Prouinciales, & abusus vbi sunt, tolli.

De Vicariis non potest firma stabiliri regula, quia diuersimodè instituuntur. Nam primò datur Vicarius generalis ordinis mortuo vel amoto ab officio Magistro ordinis, & hic suè sit ille, qui per constitutiones esse debet. s. Prouincialis illius prouinciae in qua futurum capitulum celebrandum erit, suè sit auctoritate Apostolica institutus, primum locum dum in officio perdurat obtinebit. De Vicario enim generali iure constitutionum Præsidente, dicit constitutio cap. de electione Magistri ordinis.

Mortuo igitur Magistro ordinis, vel amoto, Prouincialis illius prouinciae vbi sequens capitulum fuerit celebrandum, vices Magistri ordinis obtineat in omnibus, quousque Magister ordinis sit electus, exceptis absolutionibus Prouincialium, &c.

Et de Vicario per sedem Apostolicam dato, Alexander VI. vt habetur capite vltimo constitutionum determinat, vt infra.

Volumus, & ordinamus, quod modernus Vicarius per nos institutus, & quilibet alius in simili casu per sedem Apostolicam instituendus, sicut primum locum in capitulo, & vbique tenet, ita, & primam vocem habeat in electione Magistri ordinis.

Neque obstat declaratio huius capituli quæ habet hanc constitutionem non fuisse vsu receptam, imo reuocatam per Paulum III. in capitulo, quia id verum est de voce non de loco. Sunt alij Vicarij generales, non ordinis, sed prouinciarum, vt illi qui mortuo, vel amoto ab officio Prouinciali, succedunt in regimine quousque Prouincialis sit electus, suè secundum seriem constitutionum, suè auctoritate Apostolica, & de horum loco Constitutio cap. de capitulo Prouinciali, talem profert sententiam.

Quilibet autem Vicarius prouinciae, per quemcumque mo-

dum fuerit legitimè institutus, locum Prouincialis teneat, Fidelium dicat, &c.

Instituuntur etiam quidam alij Vicarij congregationum, siuè Vicariorum per electionem in capitulis suarum congregationum, siuè Vicariarum, de quibus idem est iudicium sicut & de Prouincialibus in suis prouinciis, de quibus ita dicitur in capitulo Valleoleano 1603. Vicarij congregationum, & Vicariarum expleto officio habent locum in sua congregatione, vel Vicaria, supra omnes qui non fuerunt Vicarij, sicut & Prouinciales in suis prouinciis. Fiunt alij Vicarij, siuè Conuentuum siuè nationum, tum à Magistro ordinis, tum à Prouincialibus, de quibus dicit Constit. cap. de capitulo Prouinciali.

Vicarij vero particulares, siuè nationum, siuè Conuentuum, locum suum non mutant, nisi in cap. dum ibi officium suum exercent.

Quod & de Visitatoribus legitur cap. de Visitatoribus, vbi dicitur.

Visitatores loca sua vbique teneant, nisi in capitulo dum officium suæ correctionis exercent.

Dantur etiam Vicarij locorum, id est, domorum, quæ Priorem non habent, & de his statuitur in cap. Barchinone 1574. Vicarij locorum in domibus suis subditos suos præcedant, habeantque superiorem locum præter Magistros. Et si accidat Priorem ad domum eorum aduenire. Prior Vicarium præcedat, & etiam Fidelium dicat Vicario præsentem. Et Neap. 1600. declaratur Vicarios locorum in locis vbi Conuentus, & loca habemus, locum habere in processibus, & alibi, post Suppriorem Conuentus, & post Baccalaureos siqui adsint.

De Diffinitoribus hæc scripta reperiuntur. Nam de Diffinitoribus capituli generalis, constitutio habet cap. de capitulo generali.

Diffinitores autem capituli generalis, Dominica infra octauas Ascensionis Domini, vel Sabbato præcedenti, locum capituli intrare teneantur, & ex tunc in choro, & alibi, ordinatè loca sua teneant, quousque tempus suæ diffinitionis expiret.

De Diffinitoribus capituli Prouincialis habet declaratio cap. de electione Diffinitorum, eos statim post electionem suam, quæ fieri debet die immediate præcedente electionem Prouincialis, habere locum super omnes fratres, inser se autem secundum ordinem graduum, vel Conuentuum. Et Valentia 1596. dicitur. Ad difficultates tollendas declaratur, vt in capitulis generalibus, Prouinciales, & Diffinitores, suo tempore respectiue locum teneant inter se, secundum ordinem suarum prouinciarum, nec vltimo pacto primus locus dari debet, Prouinciali, vel Diffinitori prouinciæ in qua celebratur capitulum. Idem dicitur etiam de Diffinitoribus capituli prouincialis, in quo secundum ordinem Conuentuum Priores in Diffinitores electi alios præcedent, vel subsequuntur, nisi causa magisterij aliquis præcedere deberet. Et sicut in capitulo generali Diffinitorum Diffinitores

præcedunt Prouinciales ita in capitulo Prouincialium, socij qui loco Prouincialium adfunt capitulo locum possidebunt immediate post Prouinciales iuxta ordinem, & antiquitatem suarum Prouinciarum. Valleoleri additur. Diffinitores tam capituli generalis, quam Prouincialis, dicant Fidelium, etiam præsentem aliquo Priore. Vt autem omnibus pateat qualis sit ordo prouinciarum desumptus ab antiquitate erectionis illarum, secundum quem Prouinciales in capitulo generali prouincialium, & Diffinitores in capitulo diffinitorum, & vtrique in capitulo electionis Magistrum ordinis inter se locum tenere debent, annotetur confirmatio capituli Romæ 1558. quæ talis est. Confirmamus ordinationem alias factam circa ordinem prouinciarum, hoc addito, quod restituimus prouinciæ Dalmatiæ locum sibi præscriptum à prouincia Trinacriæ & prouinciæ Hiberniæ erectam auctoritate D. Pauli Papæ III. de anno 1536. recensemus, & damus ei locum infrascriptum inter alias. At quia post dictum capitulum Romanum 1558. prouinciis tunc existentibus successu temporis aliæ prouinciæ fuerunt superadditæ, ideo, & nos superadditarum ordinem quantum potuimus annotauimus, quem ordinem accepimus ex actis cap. Parisiis 1611. Quibus etiam Congregationes adiecimus. Est ergo talis ordo, qui sequitur.

Ordo Prouinciarum.

- | | |
|------------------|----------------------------------|
| 1 Hispaniæ. | 22 Bethiciæ. |
| 2 Tholosæ. | 23 Germaniæ inferioris. |
| 3 Franciæ. | 24 S. Thomæ. |
| 4 Lombardiæ. | 25 Calabriæ. |
| 5 Romana. | 26 S. Crucis Indiarum. |
| 6 Regni. | 27 Hiberniæ. |
| 7 Hungariæ. | 28 S. Iacobi de Mexico. |
| 8 Teutoniæ. | 29 S. Ioannis Baptistæ del Perù. |
| 9 Angliæ. | 30 S. Vincentij de Chiappa. |
| 10 Poloniæ. | 31 S. Antonini de nouo regno. |
| 11 Daciæ. | <i>Aliæ post additæ.</i> |
| 12 Græciæ. | 32 Occitana. |
| 13 Terræ Sanctæ. | 33 S. Dominici. |
| 14 Aragoniæ. | 34 S. Laurentij del Chile. |
| 15 Boëmiæ. | 35 S. Catherinæ del Quito. |
| 16 Prouinciæ. | 36 S. Hipoliti de Oxaca. |
| 17 Saxoniæ. | 37 S. Rosarij Philippinarum. |
| 18 Dalmatiæ. | 38 S. Petri Martyris. |
| 19 Trinacriæ. | 39 Aprutina. |
| 20 Portugalliæ. | <i>Congregationum.</i> |
| 21 Scotiæ. | 1 Gallicana. |

2 Ragulina.

4 Russiæ.

3 Indiarum Occid.

5 Occitana reformata.

De Magistris vero, cap. de capitulo generali loquitur Constit. & dicit. Magistris in sacra Theologia locū damus immediatē post Priorē.

Et in declarationibus huius capitis dicitur. Magistri in Theologia ubiq; in Conuentibus, & capitulis, habent locum super omnes fratres, & Priores non Magistros, infra tamen Priorem dumtaxat loci illius in quo se repperint. Et Bononiæ 1564. habetur. Magistros in eodem capitulo creatos, siue acceptatos debere hunc inter se seruare ordinem, vt antiquiores à professione præcedant, quod, & fuit confirmatum Romæ 1569. & Barchinonæ 1574. At vero Romæ 1589. statuitur vt Magistri in prouinciis, in quibus non gaudent loco, nisi sint acceptati à prouinciis suis, locum inter se tenere debant, secundum ordinem professionis, quando in eodem capitulo prouinciali acceptati sunt. In prouinciis vero in quibus priuilegiū gaudent illico quando sunt creati, absque alia acceptatione, tenebunt locum secundum ordinem promotionis illorum. Clarius hoc exprimitur Romæ 1608. vbi dicitur Magistris in Theologia, qui quamprimum promouentur statim gaudent voce, & aliis priuilegiis in sua prouincia, antequam etiam acceptentur ab illa, computanda est eis antiquitas loci, & Magisterij, à die promotionis illorum, tam in sua prouincia quam in ordine. Magistris vero qui loco, & priuilegiis non gaudent, antequam à prouincia acceptentur, etiam si ante fuerint promoti, non est computanda antiquitas loci, & Magisterij illorum, nisi à die acceptationis. Nec in ordine attendenda est antiquitas habitus vel professionis, sed promotionis vel acceptationis respectu quocumque modo gradum Magisterij obtinuerint, etiamsi per promotionem ad Regentatum studij generalis prouinciæ, sic tamen vt qui simul promoti, vel simul acceptati fuerunt, habeant locum secundum antiquitatem professionis. Si autem comparatio fiat inter eos, qui, & Prouinciales fuerunt, & etiam sunt Magistri, seruanda est declaratio super caput de capitulo generali quæ ita se habet, Priores Prouinciales si sint Magistri in Theologia postquam fuerunt absoluti à prouincialatu, locum super omnes fratres Magistros, & Priores habebunt, infra tamen Priorem loci in quo se repperint. Si vero non fuerint Magistri, stabunt immediate post Magistros. Et si contingat Magistrum inferiorem fieri Prouincialem & postea antiquiorem, completo prouincialatu locum habebunt secundum ordinem Magisterij illorum. Cui declarationi superadditum fuit in cap. Neap. 1600. & confirmatum Romæ 1601. quod Magistri creati postquam fuerunt Prouinciales non habent ratione prouincialatus locum super omnes Magistros, qui non fuerunt Prouinciales, & ita exponenda est Constit. cap. prædicto.

De Baccalaureis autem suæ Præsentatis Const. cap. prædicti ita disponit.

Baccalaureis qui legitimè incorporati in vniuersitate sententias solemniter legerunt, aut legunt, post Suppriorem ubique in toto ordine locum damus.

Et in

Et in capitulo Romano 1608. diffinitur idem debere esse iudicium de Baccalaureis sicut de Magistris quoad id quod dictum est eos .s. debere seruare locum inter se vel à tempore promotionis, quando non est necessaria acceptatio, vel à tempore acceptationis, quando ea opus est, & simul promoti aut acceptati ordinem sequantur professionis suæ. Debent tamen Baccalaurei actu non legentes, legisse per annum solemniter in aliquo studio, ex decl. cap. de capitulo generali.

De Prioribus Conuentualibus decernitur in decl. præfati capituli hoc modo. Priores conuentuales si non sunt Magistri, vbique tenent loca sua, secundum ordinem Conuentuum quibus præsunt, infra tamen Priorem loci in quo seperiunt, & infra Magistros. Et Barch. 1574. additur, id seruari debere nedum in sua prouincia, sed etiam in alienis. Supprieores vero vt habetur Barchinone 1574. non habent locum extra suum Conuentum cui præsunt, neque etiam super Baccalaureos sibi subditos, si contingat Supprieorem, & Baccalaureum eiusdem Conuentus, ad alium Conuentum simul declinare.

Inquisitores qui non sunt Magistri, ex decl. cap. supra sæpe relati, tenere debent primum locum post Baccalaureos. Nunc autem à sac. Cōgregatione S. officij præstantiori loco sublimati sunt. Commissarius S. Inquisitionis in vrbe, stare debet immediatè post Prouincialem Romanum cum in vrbe commorari contigerit. Et post alios Prouinciales cum ad alias prouincias proficiscitur ita disponitur Romæ 1580. & ibidem 1583. declaratur eundem habere locum nedum post Prouincialem Romanum, sed post omnes Prouinciales, & Vicarios Congregationum, & Vicariatum. Et Valleoleti 1605. conceditur Confessario regis Potentiss. Hispaniarum pro tempore, locus super omnes fratres, etiam Prouinciales.

Parisiis 1611. Datus fuit locus immediatus post Baccalaureos, & vbi Baccalaurei non sunt, post Supprieorem, Magistris nouitiorum, quandiu officium exercent, & habent ad minus sex nouitios suæ curæ commissos in suis Conuentibus. Et si Magister nouitiorum erit Baccalaureus præcedet in suo Conuentu alios Baccalaureos. Et si per decennium hoc officium aliquis exercuerit, cuius quadriennium saltem continuum fuerit, semper deinceps talon locum in sua prouincia tenebit. Magistri autem huiusmodi inter se locum teneant iuxta ordinem professionis.

De assumptis ad Episcopatum, & alias dignitates.

C A P V T LXXXII.

Quicumque Prouincialis, sine licentia Magistri ordinis, vel quicumque alius frater sine licentia Prouincialis, Archiepiscopatum vel Episcopatum receperit, nisi per talem obedientiam cogatur, quam transgrediendo peccaret mortaliter, ipsum præfenti statuto suffragiis, societate, & omnibus beneficiis ordinis, tam in vira, quam in morte priuamus. Fratres verò nostri cum

fuerint ad aliquam Ecclesiam, vel dignitatē extra ordinem, ad sui instantiam, à Sede Apostolica pronūciati, ipso facto sint ab omni præsidentia, & officio intra nostrum ordinem sibi commissis, absoluti, à quibus eisdem tenore præsentium, absolutos esse denuntiamus. Alij verò qui sine sui instantia sunt similiter pronūciati, nisi infra quatuor dies à notitia dictæ pronuntiationis sibi factæ, ipsi pronuntiationi, & promotioni renuntiauerunt publicè, & per publicum instrumentum, simili modo vt præfertur, absoluti existant. Præcipientes omnibus, & singulis fratribus, præsentibus, & futuris, quatenus nulli prædictorum obedire præsumant.

Fratres nostros beneficiatos, aut solummodo habilitatos ad beneficia, inhabiles reddimus ad prælationem siue superioritatem in ordine nostro. Nec aliqui illorum actiuam vel passiuam vocem quomodolibet in ordine habere possit, nisi ante beneficio, vel habilitationi legitimè renuntiauerit, ita quod renuntiatio sit legitimè acceptata instrumento testante. Renuntiatio autem cum regressu, aut quacumque reseruatione fructuum, nisi huiusmodi fructus merè, & integraliter proueniant ad communem utilitatem Conuentus, & non tantum alicuius particularis personæ, non acceptetur, nec alicuius momenti habeatur.

Præcipimus autem in virtute Spiritus Sancti, & S. obedientiæ, Prioribus Prouincialibus, & Conuentualibus, & eorum Vicariis, vt nulli, electo, seu postulado extra ordinem, ad quamcumque dignitatem, personatum, vel gradum infra dignitatem Episcopalem licentiam concedat huiusmodi electiones seu postulationes acceptandi, vel alio quolibet modo prosequendi. Eodem præcepto prohibentes, ne fratres aliqui propter licentiam sibi datam contra prohibitionem huiusmodi, præmissas electiones, seu postulationes aliquatenus per se, vel per alium, prosequantur. Si quis autem in præmissis secus fecerit, incurrat excommunicationis sententiam ipso facto, quam sententiam ferimus præsentis statuto, & nihilominus omnibus gratis ordinis sit priuatus, ad quas restitui non valeat, nisi per Magistrum ordinis, vel capitulum generale. *Cap. de Itinerantibus.*

Solus Magister ordinis, & Prouinciales, & non eorum Vicarij, possunt facultatem præbere fratribus acceptandi Episcopatum, & alias dignitates extra ordinem, quod assertum, corroboratur etiam priuilegijs apostolicis. Nam Clemens IV. priuilegio suo 10. indulget vt infra.

Ad instar Innocentij prædecessoris nostri, auctoritate præsentium de speciali gratia districtius inhibemus, ut nulli fratres præfati ordinis (i. prædicatorum) si eos in Episcopos eligi aut postulari contigerit, electioni, siue postulationi de se factæ, audiant consentire, nec aliquis Archiepiscopus, seu quicumque alius Prælatus, vel etiam Legatus sedis ipsius, dictos fratres, nisi de tua (i. Magistri ordinis) vel Provincia alium licentia, qui pro tempore fuerint, consensu, aut eiusdem sedis speciali mandato, ad Episcopatus vel alias dignitates, extra dictum ordinem assumere vel ordinare præsumat. Nos enim decernimus irritum, & inane quicquid contra contigerit attentari, auctoritate sedis Apostolicæ semper salua.

Sixtus IV. in bulla aurea his verbis in proposita materia discurret.

Eisdem motu, & auctoritate, decernimus huiusmodi habilitationis literas concessas, & quas concedi contigerit, intelligi, & interpretari debere, ut fratres ipsi quibus concessæ sunt, & concedentur, quandocumque per sedem Apostolicam beneficium aliquod adepti fuerint pacifice, aut pro capellanis in aliquibus Ecclesiis ceperint deservire concessionibus prædictis (pro ut vocem actiuam, & passiuam, residuam in domibus, retentionem camerarum, & alia quæ ordinum sunt, concernunt) de Prælatorum consensu dumtaxat gaudere possint, & non alias, nec alio modo. Idem statuentes de promotionis ad Cathedralis, etiam titulares appellatas Ecclesias, & alias Ecclesiasticas dignitates.

In decl. cap. prædicti de itinerantibus; refertur eundem Sixtum quartum aliam Constitutionem promulgasse, quæ fuit acceptata in cap. Perusino 1478. tenoris huiusmodi.

Nos qui, & scandala amputare, & quietem dicti ordinis præservare desideramus, declaramus, quod fratres ad beneficia habilitati, donec beneficia sint consecuti actiuam tantum vocem in dicto ordine habeant. Quamprimum vero beneficium obtinuerint, vocem etiam actiuam amittant.

Constitutio tamen nostra etiam vocem actiuam tollit, quæ cap. de Itinerantibus dicit.

Fratres nostros beneficiatos, vel etiam habilitatos tantum, inhabiles reddimus ad prælationem in ordine, nec aliquis illorum actiuam vel passiuam vocem habeat, nisi renuntiauerit, &c.

Et in eodem cap. Perusino ordinatur, ut fratres qui licentiam habent officii extra ordinem, quamdiu sic officiauerint, nec cellam, nec vocem actiuam, aut passiuam habeant. Et in declarat. cap. de itinerantibus habetur. Cum ex promotione fratrum nostri ordinis, ad titulos vagos Episcopatum, ordo noster veniat in contemptum, caueat Provinciales diligenter, ne ad cuiuscumque requisitionem, cuiuscumque fratri licentiam huiusmodi concedant, Magistro ordinis, vel capitulo generali inconsulto. Et si qui Episcopi ordinis nostri inuenti fuerint minus honeste in gravamen, & scandalum ordinis conuersare, socios eis deputatos, studeant quantocius ad ordinem reuocare. Et insuper qui deputati sunt capellani honoris Domini Papæ, & aliorum Prælatorum, nullam exemptionem habent à suis Superioribus, sed Magister ordinis, & alij Prælati possunt contra tales capellanos procedere, & illos corrigere, & ad claustra reducere. Idem dicitur de fratribus qui sunt

Regibus, Baronibus, & aliis spiritualibus personis deputati, quos, si deliquerint, & minus honeste se habuerint, poterunt ad disciplinam ordinis reducere, alioque illorum loco subrogare. Et in Constitut. cap. Constitut. Bonifacii IX. hic summus Pontifex talem condidit legem de capellanis sedis Apostolicæ, quæ vrgere videtur etiam de aliis quibuscumque extra ordinem manentibus ad celebrandum.

Statuimus, volumus, & ordinamus, quod omnes, & singuli religiosi etiam mendicantium ordinum, dictæ sedis capellani, qui sunt, & in antea erunt perinde eorum Superioribus ac eorum correctioni in omnibus, & per omnia sint subiecti; ac si capellani dictæ sedis non essent. Non obstantibus, &c.

Et adhuc de assumptis ad Episcopatum Alexander IV. suo priuilegio 4. ita mandat, & præcipit.

Nos igitur, &c. fratribus sic promotis ad Episcopatum, & alias dignitates, in virtute S. Obedientie presentium auctoritate præcipimus, ut libros, & alia quæ habuisse tempore suæ promotionis, seu habere consisterit; tibi fili Magister, vel Prioribus, & Conuentibus suis, submota qualibet dilatione resignent, nisi forsan eorum usum ad tempus de gratia duxerint concedendum.

Clemens IV. suo priuilegio ultimo idem confirmat, & statuit ut sic promoti restitutionem peragant, antequam munus consecrationis recipiant, & addit.

Nisi forsan iidem Priores de consensu suorum Conuentuum, usum illorum ad certum tempus, eis duxerint concedendum, Alioquin eo ipso ab executione pontificalis ministerij nouerint se suspensos. Inter huiusmodi autem libros, non intendimus comprehendere, quaternos, & alias cartulas membranas, in quibus dicti fratres certa notabilia pro sermonibus collegerunt.

Insuper Prouinciales ex declarat. ut supra, debent admonere Episcopos ordinis, in prouinciis suis, ut in vestibus, & calceamentis, in ieiuniis, & abstinentiis, & aliis quæ officio Episcopali impedimentum non præstant, ordini se conforment. Alioquin socios eis non concedant, & concessos reuocent. Conformis est hæc admonitio doctrinæ S. Tho. 2. 2. q. 183. artic. 8. j. ubi habet. Si qua sunt in regularibus obseruantis, quæ non impediunt pontificale officium, sed magis valent ad perfectionis custodiam, ut continentia, paupertas, & huiusmodi, ad hæc religiosus Episcopus remanet obligatus, & per consequens etiam ad portandum habitum suæ religionis, qui est obligationis signum. Si qua vero sunt, quæ officio pontificali repugnent, ut solitudo, silentium, abstinentiæ graues, quibus impotens corpore redderetur ad officium exequendum, ad hæc obseruanda non tenetur. In illis autem ad quæ tenetur, potest dispensatione uti, sicut, & Prælati religionum, secundum quod requirit necessitas personæ, vel officij, & conditio hominum, cum quibus uiuit.

Notanda est etiam in hoc proposito particula Constit. quæ habetur cap. de electione Prioris, quæ huiusmodi tenoris est.

Nulli Præsidenti ordinis liceat, alicui extra obedientiam nostri

ordinis existenti, curam committere super fratres & Conuentus, nisi Prælatis ex ordine nostro assumptis super socios suos, quamdiù sunt eorum socij, &c. quod si secus factum fuerit sit irritum, &c. Fratres vero nostros, tam in Episcopatu præcisè titulari, vel alios infra Episcopatum constitutos, & beneficiatos, vel exemptos ab ordine, exceptis Magistro sacri Palatii, & pœnitentiarij perpetuis D. Papæ, qui sequuntur Romanam Curiam, eorumque sociis, nolumus in nostris Conuentibus vltra triduum retineri, absque licentia Prouincialis, cum consensu ad minus duarum partium Conuentus, obtenta. Alioquin Præsidentes suspensionem à suis officiis ipso facto incurrant, contrafacientes.

De socijs Prælatorum extra ordinem.

CAP. LXXXIII.

FRatres nostri ordinis Episcopis, vel aliis quibuscumque personis extra ordinem, assignatos, qui in ieiuniis, & abstinentiis, victu, & vestitu, statuta ordinis non seruant, suffragiis, & beneficiis ordinis, tam in vita, quam in morte priuamus, quousque super huiusmodi excessu, ad eò dignè satisfecerint, quod per Magistrum ordinis, vel Prouincialem suum ad huiusmodi suffragia restitui mereantur. *Ex Cap. de Itinerantibus.*

De sociis Episcopis assignandis, duas Constitutiones edidit, & promulgauit Alex. 4. quarum altera est numero 7. inter eius priuilegia, quæ est eius.

Auctoritate præsentium duximus esse concedendum, ut singuli vestram, (s. Magister ordinis, Prouinciales, & eorum Vicarij), illos ex fratribus vestris, de quibus auctoritate Apostolica prouisum est Episcopus vel Archiepiscopus, possitis ad ordinem reuocare, ita tamen, si pro habendis aliis idoneis duxerint insistendum in hac parte illorum desiderio annuatis, dummodo tamen id vobis conueniens, & expediens videatur.

Altera est numero 21. in qua habetur.

Ceterum per litteras Apostolicas iam obtentas, vel in posterum obtinendas, quæ de præsentibus expressam mentionem non fecerint, nullos ex fratribus vestri ordinis præfatis Archiepiscopus vel Episcopus in socios reueamini deputare, nisi honestati ordinis, & illorum saluti videritis expedire.

Concilium etiam Trid. manum apposuit in his. & sess. 25. cap. 4. de regulatibus statutum hoc formauit.

Prohibet S. Synodus, ne quis regularis, sine sui Superioris licentia prædicationis, vel lectionis, aut cuiusvis pñ operis prætextu, subijciat se obsequio alicuius Prælati Principis, vel Vnuerisitati, sine Communitatis, aut alterius cuiuscumque personæ, seu loci, neque ei aliquod priuilegium aut facultas ab alijs super his obtenta, suffragetur. Quod si contra fecerit tanquam inobediens, arbitrio Superioris puniatur.

Bononiæ 1564. pro maiori obseruantia huius decreti, decernitur, vt con-

trafacientes tanto tempore pœnæ grauioris culpæ subiaceant, quanto extra conuentum morati extiterunt.

Meminerint etiam huiusmodi socii, nedum non posse se obsequio quorumcumque Prælatorum, & etiam Principum subicere sine licentia Superiorum suorum vel supra adductum est, & adduci etiam potest ex priuilegio, quod dicitur Mare Magnum Sixti 4. sed etiam, quamdiu in prædictorum obsequio manent, subiaci correctioni Superiorum, ita vt eos nedum corrigere valeant, sed etiam illos reuocare, & ad disciplinam regularem reducere possint, sufficiat autem præteriam producta, referre, quod concedit Sixtus 4. in Mari magno sub his verbis videlicet.

Caterum Magistri ordinis, & Provinciales, ac ipsorum Vicarij, illos ex fratribus de quibus auctoritate literarum sedis Apostolicæ, vel Legatorum ipsius, Archiepiscopis, vel Episcopis, vel alijs quibuscumque prouisum extitit, aut in posterum continget prouideri, corrigere, & absque contradictione ad ordinem reuocare possint, nec per tales literas Apostolicas obtineas, vel obtinendas, aliquos ex suis fratribus, Episcopis vel alijs Prælati in socios deputare teneantur, nisi in dictis literis de hoc indulto expressa facta sit mentio, &c.

Tenantur autem Prælati ordinis in socios Episcoporum, & aliorum deputare non nisi discretos, & maturos, & moribus approbatos, vt dicitur in declar. cap. de Itinerantibus.

De alijs quibuscumque extra claustra degentibus.

C A P V T LXXXIV.

Non desunt quam plurimi, qui cum miserint manum ad aratrum religionis, retro respiciunt, inuoluentes quasdam siccitas necessitates, aut ægritudinis, aut inopiæ parentum, siue etiam studij, & cuiuscumque alterius occasionis, & importunis precibus facultatem obtinent, manendi extra claustra, & vt plurimum parochias seu capellanas pro sua sustentatione obtinent, de quibus tanquam de membris ordinis colligenda sunt, quæ de eis sancita sunt.

Leo X. in priuilegio in ordine 12. enarrationem hanc habet.

Motu proprio, & ex certa scientia auctoritate Apostolica, renouare præsentium statuimus, quod de cetero fratres prædicti (s. ordinis nostri) ægritudinis, aut subueniendi parentum inopia seu quavis alia occasione, etiam dispensatione ad obtinenda beneficia ac si etiam beneficium auctoritate sedis Apostolicæ obtinuerint, præterquam si fuerint actum commensales aliquorum Cardinalium, extra prædictum ordinem, alique licentia Magistri ordinis, & illa durante tantum, prætextu cuiuscumque facultatis Apostolicæ commorari non possint. Quodque vnusquisque vestrum (s. Magister ordinis, Priores Provinciales, & conuentuales, ac eorum Vicarij in sua provincia respectiue, dum, & quoties opus fuerit, fratres extra ordinem commorantes ad ordinem cogere, & compellere possint, Et infra. Eisdemque auctoritate motu, & scientia, statuimus, quod in quibuscumque literis ad ipsorum fratrum instantiam, siue sub annulo piscatoris, aut sub plumbo, vel per pœnitentiariam impetrandis, semper, & indifferenter subintelligi de-

bere, etiam si appositum non fuerit, illa particula de licentia suorum Pralatorum, & illa durante decernentes predictas literas, sine huiusmodi clausula nullius esse roboris, aut momenti.

Cum autem accideret multos à S. Sede Apostolica variis pretextibus facultatem habere habitandi extra claustra retento habitu, & solos per ciuitates, & villas incedere, & minus honestè se habere, propter quos religiosi claustra colentes apud seculares culpabiles illorum prauis moribus iudicabantur, ob id Vicarius generalis Congregationis Lombardix à Clemente 7. impetrauit, vt huiusmodi extra claustra vitam ducentes aliquo signo à claustralibus secernerentur, & huiusmodi Constitutionem promulgauit, quæ inter eius priuilegia locum secundum obtinet.

Clemens Papa 7. Dilecte sibi salutem, & Apostolicam benedictionem. Exposuit nuper Venerabilis frater noster Laurentius Episcopus Præfatus Cardinalis Sanctorum quatuor coronatorum ordinis Predicatorum Protector, quod quandoque fratribus dicti ordinis à sede Apostolica, vel eius auctoritate conceduntur literæ, quod ipsi extra domos dicti ordinis habitu suo per eos retento degere possint, quo fit vt tales fratres propter huiusmodi literas ab ordine exempti, & extra domos ordinis degentes eodem habitu utantur, quo utuntur fratres sub Pralatorum obedientia existentes, & in monasterio degentes, cum ab habitu illorum non distinguantur, & interdum aliqui committant propter quæ seculares de fratribus in domibus bene viuens, & in nullo culpabilibus, obloquantur atque scandalizantur. Verum si sterneretur, & ordinaretur, quod tales fratres extra domos ordinis retento habitu standi licentiam habentes, dum eos in ciuitatibus, oppidis, & villis in quibus domos vestre congregationis esse contingerit, pallium, & biretum nigrum, cum in publicum incedent, deferre teneantur ex hoc honori fratrum dictæ congregationis plurimum consuleretur, & in murmurationibus, ac oblocutionibus, & fratrum ipsorum distractionibus provideretur. Quare idem Laurentius Episcopus etiam suo nomine nobis humiliter supplicauit, vt in præmissis opportune providere de benignitate Apostolica dignaremur. Nos qui fratres congregationis huiusmodi, tanquam peculiare in visceribus gerimus charitatis, huiusmodi supplicationibus inclinati auctoritate Apostolica tenore præsentium statuimus, & ordinamus, quod fratres dicti ordinis ex concessione Apostolica standi extra domum dicti ordinis habitu retento licentiam pro tempore obtinentes, cum in ciuitatibus, & locis in quibus domus dictæ congregationis fuerint, publicè pallium, & biretum nigrum deferre teneantur. Alioquin concessio, & literæ apostolicæ etiam ab officio penitentiaria eis concessæ, nullatenus suffragentur, postque contra eos per earumdem domorum Superiores quacumque exceptione eis concessa non obstante, procedi ipsique capi, & carcerari, & iuxta dicti ordinis instituta regularia puniri in omnibus, & per omnia, perinde ac si licentia, & litteræ prædictæ sibi si concessæ non fuissent: ceterum, quia difficile foret præsentibus nostras originales literas ad singula quæque opportuna loca deferri, volumus, & auctoritate apostolica decernimus, quod eorum transumptis manu publici notarij subscriptis, & sigillo alicuius persone in dignitate ecclesiastica constituta munitis, eadem adhibeantur fides vbique, quæ presentibus adhiberetur, &c.

A tergo, Dilecto filio Vicario generali congregationis Lombardix ord. Præd.

Ex declar. & ordinationibus cap. possunt alia colligi, nam super capite de apostatis dicit glossa, Auctoritas dispensandi fratres, vt maneant extra claustra, tantum penes Magistrum ordinis residet, & ideo iritantur omnes licentia concessa super hoc à Prouinciali, & eorum Vicariis, & inhibetur illis expressè, ne ab huiusmodi fratribus extra ordinem degentibus, aliquid pro recognitione, vt hætenus per abusum factum est recipere possint. Et super capite de itinerantibus. Fratres qui licentiam habent officiandi extra ordinem, quando sic extra ordinem officiauerint, nec cellam, nec vocem actiuam, aut passiuam in Conuentibus ordinis habere possunt, nec Conuentus eis teneatur, nisi ad suffragia in morte, si vero extra ordinem manserint, sine licentia, & postea ad ordinem redierint etiam cum licentia Superiorum, non possunt habere aliquod prælationis officium, sine expressa licentia Magistri ordinis in scriptis obtenta. Et in omnibus serè cap. generalibus solet promulgari præceptum formale, annexa etiam pœna excommunicationis latæ sententiæ, vt omnes fratres ordinis extra claustra vitam ducentes, infra mensem ad ordinem reuertantur, & notitiam præstent de licentiis sibi concessis, quæ patiter iritantur, & annullantur, & quandoque excepti fuerunt illi, qui Cardinalibus, aut Episcopis inseruiunt. Et de illorum voce in electionibus canonicis dicitur Romæ 1583. Fratres qui permanent extra Conuentum, quocumque prætextu, & occasione, præterquam pro officio S. Inquisitionis, non censeantur assignati in Conuentibus ad vocem habendam in electionibus, quacumque ratione in illis assignentur, sed omnino exclusi habeantur quo ad electiones, & Romæ 1589. idem confirmatur, & simul declaratur id intelligi debere de voce actiua tantum. Romæ tamen 1601. declaratur, commorantes extra ordinem etiam si inseruiant Cathedrali Ecclesiæ, vel ibi sint Lectores, nec actiuam, nec passiuam vocem habeant. Cæterum quando liceat permanere extra claustra pro subleuanda inopia parentum, dicitur infra, cap. de apostatis.

Aduertatur, etiam non licere fratribus extra claustra se continere ratione studij. Nam Conc. Trid. sess. 25. cap. 4. de regul. id prohibet his verbis.

Illi autem qui studiorum causa ad vniuersitates mittuntur, in Conuentibus tantum habitent, alioquin ab ordinariis contra eos procedatur.

Et idem Concilium sess. 14. cap. 11. de reforma habet tale decretum circa translatos de vna religione ad aliam.

Quis vero regulares de vno ad alium ordinem translati facile à suo Superiore licentiam standi extra monasterium obtinere solent, ex quo vagandi, & apostatandi occasio tribuitur, nemo cuiuscumque ordinis Prælatus, vel Superior vigore cuiuscumque facultatis aliquem ad habitum, & professionem admittere possit, nisi ve in ordine ipso ad quem transfertur sub sui Superioris obedientia in claustro perpetuo maneat, ac taliter translatus, etiam si Canonicorum regularium fuerit, ad beneficia secularia etiam curata, omnino incapax existat.

Et vere, qui religiosus monasterium, & cellam deserit, negociis secularibus se immiscens in multis peccatis, & tentationibus se immergit. Et
de

de laudibus cellæ hæc pauca notabis. Quin cella refidet à periculis multis liber est, qui foris vagatur, innumeris tentationibus patet. Bona cellæ nequeunt sufficienter explicari, sicut nec detrimenta extravagantium. Custos cellæ custos est linguæ, non audit detractiones, non percipit rumores, non videt vanitates, non trahitur ad leuitates. Bonus cellita, aut legit, autorat, aut gemit, aut meditatur, aut scribit, aut aliud bonum operatur. Bonus cellita cuius est cæli, amicus Dei, socius angeli, cognitor secretorum, victor tentationum, expulsor dæmonum, debellator vitiorum, contemptor mundanorum, neglector curarum, possessor quietis, obtentor pacis, amator scripturarum, gustator puritatis, & inspector veritatis. Vt illi qui leui occasione eam deserit, & sibi extra manere placet, quia cito seducetur, & capietur. Et sicut stabili homini cella Paradisus est, ita vago carcer videtur, & funis. Elige ergo tibi magis propter Deum in carcere detineri, & compedibus ligari cum martyribus eius, vt possis illorum meritis coæquari. Memento columbæ egressæ ab arca Noe, quæ cum non inueniret vbi requiesceret pes eius, subito ad arcam reuersa est, quam apprehensam manu, Noe in arcam inclusit. Memento & corui, qui egrediebatur, & non reuertebatur fecibus attractus, Ne ergo sis coruus, sed columbæ, aut columbæ pennas habens, vt in solitudinem volans ibi quiescas.

Finis secunde Partis.

S V M M A R I I

Pars Tertia,

DE FORMA ELECTIONIS CANONICÆ, DE ELIGENTIVM, ET ELIGENDORVM QUALITATIBVS.

Et quorumcumque Prælatorum institutione, auctoritate, & officio, simulque de quibuscumque capitulis.

De triplici modo eligendi Prælatos.

CAPVT I.

PRIORES conuentuales, à suis Conuentibus secundum formam canonicam eligantur, videlicet à maiori parte ultra medietatem omnium eligentium, vel per scrutinium, vel per compromissionem, vel per communem inspirationem, aliis subtilitatibus iuris relegatis, quod similiter in electione Magistri ordinis, & Prouincialium, obseruetur. *Cap. de electione Prioris.*

Triplex hic modus electionis, habetur cap. Quis propter de elect. vbi Innoc. Papa sic diffinit.

Statuimus, vt cum electio fuerit celebranda, presentibus qui debent, & volens interesse, assumantur de collegio fide digni, qui secreto & sigillatim vota cunctorum disquirant, & in scriptis redacta publicentur in communi, nullo prorsus appellationis obstaculo interposito, vt is collatione habita eligatur, in quo omnes, vel maior pars, & sanior capituli consentit. Vel saltem potestas eligendi aliquibus, viris idoneis committatur, qui voce omnium Ecclesie vidua prouideant de pastore, aliter electio facta non valet, nisi forte communiter ab omnibus esset quasi per inspirationem sine vitio celebrata.

Ex formulario nostro habetur, electionem per compromissum fieri hoc modo, nam præmissis his quæ præmittenda dicuntur electioni per scrutinium, oportet, vt omnes in hanc formam conueniant, quoniam vno contradicente, non potest procedi per viam compromissi. Accepta igitur hanc via, debet ab eis eligi vnus, aut plures compromissarii, quandoquidem in

vnus, & in plures compromittere possunt electores. Deinde debent illi vel illis committere electores vices suas, & dare liberam, vel limitatam facultatem prout eis placuerit, & ius eligendi, cum protestatione quod illum accipient in Prælatum, quem ille, vel illi, aut maior pars illorum eligent, nec eum refutabunt. Quam facultatem electores reuocare possunt re integra. i. antequam incipiant compromissarij tractare de electione, & postquam inceperint tractare, non est in potestate eorum pro ea vice reuocare. Accepta autem potestate, compromissarij separent se in parte, & simul conferant, & deliberet de persona idonea, quæ tuta conscientia eligi possit. Possunt etiâ eligere vnum de seipsis. Deinde si concordauerint omnes, vel maior pars illorum, ad capitulum redeant, & vnus illorum, non autem omnes, formet decretum sic. Ego frater N. de voluntate fratris A. & fratris B. collegarum meorum, in quos vnanimitè à capitulo commissum est, & data potestas eligendi Prælatum Conuentus N. vice mea, & ipsorum, & aliorum ius habentium in electione, provideo de Prælato tali, & eligo F. N. in Priorem N. In nomine Patris, & Filij, & Spiritus sancti, Amen. Si compromissarij non sunt de capitulo non debent dicere, vice mea, sed vice totius capituli. Et quamvis compromissarius magis propriè dicat, provideo, quam eligo, si tamen diceret eligo non officeret.

Electio vero per communem inspirationem fit hoc modo, si consentientibus fratribus in capitulo pro electione facienda, nullo præcedente speciali tractatu, quasi diuino nuntio moti, omnes in aliquem repente consentiunt, simulque eum nominant, & eligant vna voce, dicentibus omnibus. Ego A. eligo N. Ego B. eligo N. Ego C. eligo N. & sic de alijs, hic dicitur electus per communem inspirationem. Quæ electio licet ex singularibus sit facta non tamen dicitur plures, sed vna omnibus communis, propter vnanimitatem voluntatis, & votorum. Et licet credibile sit, quod à Spiritu sancto procedat, quia tamen de diuina inspiratione non constat, formare debet decretum, & examinari an à Spiritu sancto sit, qui est Spiritus consilij, & peti confirmatio.

Modus vero electionis per scrutinium ita describitur cap. de electione Prioris.

Cum autem per disquisitionem, & scrutinium procedit electio, vota eligentium recipiantur, & conscribantur per Vicarium electionis, & duos fratres, qui primitus habitum nostri ordinis susceperunt, si tamen post professionem, à nostro ordine nullatenus discesserunt, nisi per Magistrum ordinis, vel capitulum generale, aut provinciale, fuerit cum eis dispensatum, & facta collatione numeri ad numerum, si maiore partem medietate omnium eligentium, in vnum conuenisse inuenerint, qui primam vocem habuit inter electores scrutinium publicet, & surgens dicat, Ego N. vice præsentium electorum eligo N. in Priorem N.

Referata sunt quædam verba ab hac constitutione propter decretum Concilij, de quo infra

De electione secundum formam Conc. Tridentini.

CAPVT II.

Concilium Tridentinum sess. 25. de regul. cap. 6. decernit electiones ita fieri debere in posterum,

In electione Superiorum quorumcumque & etiam Abbasarum, & Praepositarum quo omnia recte, & sine fraude fiant, in primis S. Synodus districte praecipit omnes supradictos eligi debere per vota secreta, ita ut nomina eligentium nunquam publicentur, neque in posterum liceat, Abbates, Prouinciales, Priores, aut alios titulares quoscunque, ad effectum electionis facienda consensuere, aut voces, & suffragia absentium supplere. Si vero contra huius decreti constitutionem aliquis electus fuerit, electio irrita sit. Et si quis ad hunc effectum seu Praelatum creari permiserit, deinceps ad omnia officia in religione obtinenda inhabilis existat facultatesque super his concessa, eo ipso abrogata censeantur, & si in posterum alia concedantur, tanquam subreptitia habeantur.

Præcipuum quod de nouo diffinitur in hoc decreto est, ut vota eligentium nunquam publicentur, alia vero in eo vetita, reseruantur annotanda cap. de eligentium qualitate. Hic autem erat mos ante concilium in formando scrutinio, ut haberetur ex Constitutionibus, & declarationibus illarum, quod eligentes sigillatim accedebant ad scrutatores, & singuli ore tenus eligebant, & postulabant quos volebant, & Vicarius cum scrutatoribus in scriptis redigebant vota eorum. Deinde collationem numeri nominatorum faciebant. Et si inueniebant aliquem electum fuisse à maiori parte ultra medietatem eligentium, publicabant vota, & eligentium & eorum qui electi erant, postea interrogabant eos qui illum non elegerant, num vellent, de nouo in electum à pluribus consentire, & illis consentientibus, vel non consentientibus formabatur decretum. Quem morem supradicto decreto abstulit Concilium. Et nunc hic modus seruari debet, quem patres tradiderunt Bono. 1564.

Singuli electores in schedula scribant, aut scribi faciant electi nomen, eligentis autem nomen nunquam scribatur, nec scrutatoribus, nec confirmatori nunquam reueletur. Ad recipiendum vero prædictas schedulas, tres scrutatores à Constitutionibus deputati sedent, quibus Conuentus possit addere quatuor quem electores eligant in capitulo per schedulas tribus primis exhibendas, & qui plures habuerit voces, quamquam vota non excedant medietatem, ille nihilominus sit quartus scrutator. Quod si duos æqualia vota habuisse constiterit, ille præferendus est, qui erit antiquior in ordine, ita quod ex primo scrutinio, quartus ille scrutator semper habeatur, pro ea dumtaxat electione. Postquam vero prædicti tres, aut quatuor scrutatores, ad mensam in conspectu omnium sederint, schedulas inuolutas ab electoribus accipiant, & in urnam, aut capsulam demittant, nihil aliud respicientes nisi quod una

tantum ab vno exhibeatur; Postquam omnes acceperint in communi effundant, & legant. Et facta collatione numeri ad numerum, cum inuenerint aliquem extra numerum eligentium, existentem fuisse electum à maiori parte ultra medietatem omnium eligentium, eius electio rata, & legitima habeatur. Si verò de numero eligentium, aliquis electus fuerit, ut illius electio rata, & legitima habeatur, duo vota ultra medietatem adesse oportet, ne fraudi locus sit, & ne possit aliquis eligere seipsum. Habito schedularum numero, & facta collatione numeri ad numerum, schedulæ omnes in præsentia omnium electorum exurantur, deinde in medium capituli venientes scrutatores, nomina publicent eorum, qui fuerunt electi, exprimendo numerum votorum, quæ unusquisque habuit. Quod etiam faciendum est licet nullus fuerit à maiori parte ultra medietatem electus, ut ad secundum scrutinium possint dirigi electores. Decretum verò electionis ab eo, qui inter scrutatores fuerit primus, quamvis electo suum votum non dederit, per hæc verba formetur. Ego frater N. vice præsentium electorum, eligo fratrem N. in Priorem N. Quod si primus scrutator fuerit electus, secundus scrutator succedat in publicando scrutinio. Et ea solum, quæ in capitulo publicantur in decreto electionis, ad confirmatorem mittenda scribenda sunt, subscriptis nominibus scrutatorum, clausum verò & sigillo munitum ad confirmatorem transmittatur.

Hic modus electionis seruetur in electione Magistri ordinis, & Prouincialium, & Priorum, & Diffinitorum capituli generalis, & prouincialis, & socij Prioris euntis ad capitulum prouinciale. Quibus addi potest electio electoris Magistri ordinis, quia in capitulo de electione Magistri ordinis habet constit. hæc verba.

Prouinciales singuli cum duobus fratribus, in capitulo Prouinciali electis à pluribus medietate omnium eligentium, ad capitulum generale veniant.

Hi autem duo fratres sunt Diffinitor, & elector. Socij verò Prouincialium, & Diffinitorum eantium ad capitulum generale eligantur eodem modo à Diffinitoribus capituli prouincialis, vel designentur per eos sicut antea fieri consuevit. In receptione autem nouitiorum ad habitum, & professionem, & in præstando consensu in contractibus, qui circa negocia temporalia fieri solent, nihil innovatum censeatur.

Scrutinium autem super retentione, vel absolutione Prioris, tum prouincialis tum conuentualis, fiat secundum antiquum morem ordinis, qui est, ut fiat cum expressione nominum, & officiorum fratrum exprimentium vota sua, ut traditur de Prouinciali cap. de capitulo prouinciali, & Romæ 1571. de Priore. Præterea in illis prouinciis in quibus ex indulto Apostolico, vel probata, & diu recepta consuetudine, præter nomen electi in schedula solent etiam apponi alia nomina eorum, qui postulantur, ea consuetudo deinceps conseruetur, & nomina eorum, qui postulantur, & numerus postulantium in capitulo publicentur, & in scrutinio notentur, quando aliqui sufficienter postulati inueniuntur.

Circa prædicta aliqua occurrunt notanda. Nam cum scribuntur schedulæ obseruetur id quod fuit statutum Barch. 1574. ubi præcipitur districte, ne in eis præsumat aliquis imprimere, aut inscribere, seu annexere aliquam notam, vel caracterem, seu signum cuiusvis rationis, unde possit nomen, vel persona eligentis cognosci, priuatique declarantur vtraque voce id facientes, inducentesque, & consentientes. Quæ schedulæ ita conferibi debent, Eligo F. N. in Priorem Conuentus N. & postulo F. N. & F. N. ad idem officium. Cum dicitur scrutatores, debere prospicere tantum, quod vna ab vno sola exhibeatur schedula, declaratur, id commode fieri posse, si postquam omnes schedulæ fuerint receptæ, numerentur antequam aperiuntur, & si inuentum fuerit numerum earum, non esse æqualem numero eligentium, statim sine apertione comburantur, si verò sint in æquali numero aperiuntur, legantur, &c. Collatio autem numeri ad numerum, non oportet quod fiat quando aliquis vnanimiter ab omnibus electus est, sed sufficit, quod qui præest dicat, cum simus tot electores, omnes elegerunt F. N. At quia secundum nostras Constitutiones electiones factæ à maiori parte vocalium vltra medietatem sunt canonicæ, requiritur collatio numeri ad numerum, & non zeli ad zelum. Imo, vt grauissimis discriminiibus obuietur, prohibetur, quod post decretum electionis formatum, & si non sit facta collatio zeli ad zelum, nullus præsumat ad aliam electionem procedere, vel aliud electionis decretum formare, sub pœna priuationis vocis actiui, & passiuæ, quam ipso facto incurrant, & ad quam restitui non possint, nisi per Magistrum ordinis. Publicato etiam seruiunio electores vocem suam mutare non possunt, ante veto publicationem tam electores, quam scrutatores illam mutare poterunt. Quod quidem ante Concilium seruari poterat, quando electiones ore fiebant, nunc autem hæc declaratio, ad hoc tantum seruire potest, quod si aliquis electorum absens adueniret dum electio celebratur, ante publicationem scrutiniij, posset schedulam suam cum aliis apponere, quod non posset, si post publicationem adueniret.

Quod ad sufficientiam votorum in electionibus, quæ non sunt vnanimis obseruetur, quod traditum fuit Bononiæ 1564. supra notatum. scilicet quod si aliquis de numero electorum fuerit electus, oportet, vt duo vota habeat vltra medietatem, declaratur (his verbis non obstantibus) sufficere, vt talis sit electus, quod vltra votum suum, sit etiam nominatus à maiori parte vltra medietatem, quod sit ne forte iste seipsum eligat. Vt si electores sunt septem, maior pars medietate illorum sunt quatuor, qui sufficiunt ad eligendum absentem. Vt autem sufficienter eligatur vnus de collegio, oportet, vt habeat quinque, quia si seipsum elegisset adhuc habuisset quatuor in eum consentientes.

Si quis autem electorum præsentium propriæ vocis renunciatione medietatem eligentium excesserit in quacumque electione canonica, ea electio irrita habeatur, vt Romæ 1571. sancitum fuit, & confirmatum Barch. 1574. & Romæ 1580. Et Romæ 1583. additur eam electionem dici, & esse nullam ex parte electionis, non ex parte electi, ita quod non possit de nouo eligi. Et Romæ 1589. amplius declaratur, & dicitur, quod ille qui est de nu-

mero electorum, & reuera potest adesse electioni, siue inter sit cum aliis, siue non inter sit, debet necessario habere duo vota ultra medietatem eligentium, veritè, & canonicè dicatur electus, sicuti de illo, qui propriè voci renuntiat. Et adhuc in eodem cap. declaratur quod si quis nec voci propriè renuntiare, nec votum suum dare voluerit, sed neutraliter se habere dixerit, tamquam si voci suæ renuntiasset censendus est. Qui verbò contra tenorem huius decreti, quempiam electum confirmauit, pœnis quæ contra illegitimos confirmantes inferuntur, puniatur. Et confirmatio nulla sit, & inuvalida. Notandum autem est id quod traditum fuit Parisiis 1611. s. In Conuentu in quo ad minus non sunt sex vocales, nullo modo eligatur Prior, qui sit de corpore capituli, sed ab extra.

De scrutatoribus.

CAPVT III.

Scrutatores vocantur, qui cum Vicario electionis assident, & schedulas Electionum recipiunt, aperiunt, notant, & conferunt numerum ad numerum, &c. De his notanda sunt, quæ in Constit. & declarationibus habentur, neque idem dici potest de quacumque electione, quia alij, & alij in diuersorum Prælatorum electionibus secernuntur. De scrutatoribus electionis Priorum dicitur capite suo, hoc modo.

Vota eligentium recipiantur per Vicarium electionis, & duos fratres qui primitus habitum nostri ordinis susceperunt, si tamen à nostro ordine post professionem nullatenus discesserunt, nisi per Magistrum ordinis, vel capitulum generale, aut prouinciale, cum eis fuerit dispensatum..

Et cap. de capitulo prouinciali de eisdem traditur.

Dictis autem scrutatoribus voluntatum, in virtute S. obedientiæ præcipimus quod dictum scrutinium alicui per modum aliquem non reuelent. Quod si aliquis, vel aliqui de prædictis scrutatoribus Prioris conuentualis impedimentum haberent, iudicio maioris partis medietate Conuentus, ad audiendum, seu scribendum ea, quæ in scrutinio deponuntur, vnus de fratribus ad illam electionem pertinentibus, quem vt dictum est, maior pars Conuentus nominauerit, loco illius, qui impeditus fuerit, ad recipiendum dictum scrutinium admittatur. Et tunc ad seruandum secretum scrutinij tenebitur ex Præcepto, sicut & alij.

Ex declarationibus vero dictorum cap. de electione notanda sunt hæc: Scrutatores non debent esse, qui primitus habitum ordinis susceperunt, sed qui post professionem diutius illum portauerunt. Hoc dicitur propter apostatas, qui cum sint voce priuati ad electionem non debent admitti, & ob id non possunt esse scrutatores, quoadusque dispensati fuerint. Quæ dispensatio non debet fieri ante tres annos. Et quando etiam facta sit, anni.

apostasie non computari debent eis quoad locum, sed stare debent sub illis, qui habent plures annos in ordine. Et propter hoc dicitur scrutatores eos esse, qui diutius habitum ordinis post professionem portauerunt. Prædicti autem scrutatores non debent esse nec surdi, nec cæci, sed debent esse tales, quod possint audire, scribere, & legere. Et alibi dicitur, si aliquis ex scrutatoribus habuerit aliquod impedimentum surditatis, vel cæcitatis, vel alterius infirmitatis, tunc & eo casu admittendi erunt, non qui antiquiores sunt in ordine post eum qui impedimentum habet, sed illi quem vel quos maior pars ultra medietatem vocalium elegerit, qui tamen de numero vocalium esse debet. Si tamen quartus scrutator superaddendus est, non erit necesse eum eligi à maiori parte ultra medietatem, sed sufficit, quod habeat, plura vota in comparatione aliorum. Et si duo æqualia vota habuerint, erit scrutator quartus antiquior in ordine. Crederem tamen modo non debere opponi scrutatoribus surditatem, vt opponeretur ante Concilium, quia tunc scrutinium formabatur verbis, nunc autem, scripto, vt supra tractum fuit. De Vicariis vero electionum differemus infra iuxta varietatem electionum.

De obseruandis in electione canonica.

CAPVT IV.

Summariè colligendo omnia quæ obseruari debent, ad hæc capita illa reducemus, prætermittendo tempus electionis de quo infra dicitur suo capite.

Primò, legendæ sunt Superioris litteræ, quibus admonet procedendum esse ad electionem ob amotionem vel absolutionem præcedentis Prioris, in quibus nullus in particulari est electoribus præponendus nisi adsit necessitas, & eo casu non minus quam tres proponi debent. Cæterum si electores non propósitos sed alios dignos elegerint non renuat confirmator vnum illorum confirmare. Hoc habetur Bononiæ 1564. & Vallecleti 1605.

Secundò, vocentur vocales absentes si tamen nuntius pede ad eos potest itinere diei vnus peruenire, & expectentur.

Tertiò, vocatis, & expectatis absentibus admoneantur omnes vocales eo die electionis teneri recti sanctissimo altaris Sacramento, iuxta ordinationem capituli Barchin. 1574. vbi habetur. In omni electione Prælatorum tenentur omnes vocales præmissa sacramentali Confessione, Sanctum Eucharistiæ Sacramentum sumere ante electionem, sub pœna priuationis vocis. Et hora statuta per sonum campanulæ conuocari debent omnes vocales in loco electionis, & præmissis tractatu saltem in communi, de persona idonea eligenda eodem vel anteriori die, debet qui præest proponere, num placeat locus, & tempus electionis, & annuentibus vocalibus acceptatoque ab eis modo eligendi per schedulas, fiat protestatio, quod non intenditur admittere aliquem qui de iure non est admittendus, nec excludere qui non excludendus.

Quartò,

Quarto, præmissis, Confiteor à fratribus, qui præest absoluat eos à censuris tantum.

Quinto inuocetur ab omnibus genuflexis gratia Spiritus Sancti per hymnum, Veni creator Spiritus, &c. & Ant. Veni Sancte Spiritus, Kyrie, &c. Pater noster, &c. Et ne nos, &c. Emitte Spiritum tuum, &c. Dominus vobiscum, &c. Oremus, Deus qui corda fidelium, &c.

Sexto, Vicarius electionis assumat secum duos alios scrutatores vel tres, iuxta ea quæ supradicta sunt, & cum eis accedat ad mensam in loco electionis præparatam in conspectu omnium.

Septimo prædicti Vicarius, & scrutatores vnus post alium ponant schedulas suæ electionis in vna supra dictam mensam præparata, post quos succedant sigillatim alij vocales recondentes schedulas suas in eadem vna.

Octauo, perspiciant scrutatores, num schedulæ in numero sint æquales, vel inæquales electoribus, quod si inæquales fuerint inuentæ, non aperiantur, sed illico comburantur. Si autem sint æquales, aperiantur, legantur, & notentur omnes qui sunt in schedulis nominati, siue pro electione, siue pro postulatione, & simul notentur vota, quæ quisque habuit, siue in electione, siue in postulatione.

Nono, fiat collatio numeri ad numerum .i. obseruetur quis plura aut pauciora vota habuit. Et si nullus in eis fuit electus à maiori parte vltra medietatem, comburantur schedulæ in medio loci electionis, & subinde publicetur scrutinium exprimendo quot vota quisque habuit in electione, & postulatione. Quod si in dicto scrutinio in quo nullus est sufficienter electus, sint aliqui sufficientes, imo, & vnanimiter postulati, nullum debet formari decretum, quia postulati confirmari non possunt, si nullus sit electus. Si autem aliquis est canonicè electus, combustis schedulis, Vicarius electionis habens librum Constitutionum in manibus cum aliis scrutatoribus in medio loci stans publicet scrutinium vt supra, & illico formet decretum hoc modo. Ego frater N. vice præsentium electorum, eligo fratrem N. in Priorem Conuentus N. Et postulo fratrem N. & fratrem N. In nomine Patris, & Filij, & Spiritus Sancti, Amen. Si autem ipse Vicarius sit electus, formet hoc decretum qui antiquior est in ordine scrutatorum.

Decimo iuxta rubricam dicatur legendo psalmus, Laudate Dominum omnes gentes, per choros cum Gloria patri, &c. postea qui tenet capitulum dicat, Adiutorium, &c.

Vndecimo habeantur litteræ præparatæ, in quibus scribantur omnia quæ in tali electione peracta sunt breuiter, in specie vero nomina eorum qui electi sunt, & postulati sufficienter, & etiam addatur, nihil fuisse omissum eorum quæ ad canonicam electionem requiruntur, & præcipuè formationem decreti. Quæ litteræ à singulis scrutatoribus manu propria subscribantur, & sigillo Conuentus roborentur, & ad confirmatorem quantocius transmittantur. Solent etiam fieri duæ copiæ authenticæ scrutinij, quarum altera conseruatur in capsâ oblationis, vt si altera pereat, ista mitti possit. Hæc omnia ex præmissis collecta sunt.

CAPVT V.

PRiores supradicto modo, secundum formam canonicam electi, à prouinciali si ei benè visum fuerit, confirmentur. Idem etiam fiat si aliquis à maiori parte illorum ad quos pertinet electio, de alio Conuentu postulatus fuerit. Item electiones siuè postulationes in nostro ordine per scrutinium, si hoc solum obseruatum fuerit, quod maior pars medietate consenserit, posunt à confirmatore pro canonicis approbari. *Ex cap. de electione Prioris.*

Electioibus Priorum, & Prouincialium, in nostro ordine, postulationes etiam annexi possunt ex priuilegiis Apostolicis, ita vt si contingat electum aliqua ex causa confirmari non posse, poterit in Prælatum concedi postulatus. Et hoc priuilegium fuit ordini concessum ab Alexandro 4. & ratificatum à Sixto pariter 4. in Mari magno eisdem verbis, quæ sunt.

Auctoritate presentium, de gratia speciali concedimus, vt cum in aliquo ordinis vestri capitulo, vel Conuentu, de Prouinciali aut Priore occurrat electio facienda, si ex aliqua causa factam electionem à fratribus quorum interest, non contingat confirmari, Superior ad quem confirmatio pertinet, aliquem du illis quos ipsi electores, vel maior pars per literas suas ab eo petierint, quando ad ipsum pro electi confirmatione transmittant, eis de nostra licentia concedere valeat in Priorem. Per hoc enim, & discussus fratrum, & alia impedimenta qua possent occurrere, credimus emitti, &c.

In capitulo Bononiensi 1564. de postulationibus dicitur. Declaramus, vt in illis prouinciis in quibus, vel ex indulto Apostolico, vel ex consuetudine recepta, præter nomen electi, solent apponi nomina alia eorum qui simul postulantur, ea consuetudo deinceps seruetur, & nomina postulatorum, numerusque postulantium in capitulo publicentur. In formulario etiam ordinis capite de postulationibus, hæc annotantur. Non oportet multum sollicitos esse in electionibus nostris ad sciendum, & querendum, qui secundum iura, & sacros canones seruandum sit in postulationibus, sed sufficit nosse practicam ordinis, & quæ in verbis literarum apostolicarum prædictarum sunt expressa. Illud tamen scire necessarium est, quod traditur Romæ 1553. quod cum in eis dicitur (quos per literas petierint) per has literas intelligi debent scrutinia electionis. Hæc autem sunt verba præfati capituli. Si electio fiat per scrutinium iuxta seriem nostrarum Constitut. electores exhibeant schedulas scrutatoribus, in quibus si aliquos postulare cupiant, ita notent. Eligo in Priorem fratrem A. & postulo fratrem B. & fratrem C. & quot quisque voluerit. Et qui inuentus fuerit præter electum à pluribus ultra medietatem nominatus, dicitur in illo scrutinio postulatus, ita vt aliquando contingere potest præter electum plures esse sufficienter postulos, & postularum habere plura vota quam habeat electus, & electum à pluribus esse etiam ab aliis postulatam, & postulatam à pluribus, ab

aliis electum esse, in quibus casibus postulationes multum fauent nominatis, adeo vt electoribus existentibus decem si quis eligeretur à septem, & postularetur à tribus reliquis, perinde esset ac si electus esset ab omnibus. Item electoribus existentibus decem, si quis postularetur à quinque & eligeretur à duobus, dicitur postulatus à maiori parte, & posset confirmari. Non tamen potest mitti ad confirmatorem sola postulatio, nec posset confirmari postulatus nulla existente electione, quoniam priuilegium indulget vt possit confirmari postulatus, quando aliquo casu electus non posset præfici, vbi ergo electio non est canonicè facta, non habet locum priuilegium postulationis confirmandæ. Cum ergo præter electum contingit aliquem vel aliquos postulari à maiori parte ultra medietatem, debent nominari in decreto cum electo dicendo. Ego vice electorum eligo in Priorem fratrem N. & postulo fratrem N. & fratrem N. &c. Et idem in scrutinio quod mittitur ad confirmatorem debet scribi, Pater N. habuit tot vota in electione, & Pater frater N. tot in postulatione, dummodo semper vota excedant medietatem omnium eligentium.

Cum autem dicitur in Constitut. (si quis de alio Conuentu fuerit postulatus) declaratur quod alias eligebantur qui erant de collegio eligentium, & postulabantur qui erant de alieno Conuentu, nunc vero possunt etiam extra existentes eligi, & postulari qui sunt de collegio dummodo semper in decreto, & scrutinio eligendus nominetur per verbum eligo, & postulatus per verbum postulo.

De eligentium qualitatibus.

CAPVT VI.

FRatres post quatuor annos à professione sua, si tamen sint in sacris constituti, ad electionem Prioris admittantur. Infra vero idem tempus ipsi nullatenus in Priores eligantur, nec in socios Priorum, nec in electores Prouincialium. *Cap. de electione Prioris.*

Infra quinquennium ab ingressu ordinis non admittantur fratres ad electionem. *Cap. de cap. Prouinciali.*

Multæ sunt qualitates requirendæ in his qui ad præbendum votum in electionibus admitti debent. Interim autem solum eas prospiciemus quæ ad electionem Priorum requiruntur, alibi remittendo quæ in electoribus Prouincialis, vel Magistri ordinis exiguntur. Dicitur autem in textu hoc, duo requiri in electore, primum quod sit in sacris constitutus, scilicet ad minus insignitus ordine subdiaconatus. Quod, & Conc. Trid. statuit sess. 22. cap. 4. his verbis.

Quicumque in cathedrali, vel collegiata seculari, vel regulari Ecclesia diuini mancipatus officijs in subdiaconatus ordine saltem consociatus non sit, vocem in huiusmodi Ecclesijs in capitulo non habeat, etiam si hoc sibi libere ab alijs concessum sit.

Alterum est, quod annos quatuor à professione compleuerit. De utroque autem aliter postea statutum fuit. Nam Valentini 1596. hæc emanauit ordinatio. Ordinamus auctoritate Apostolica neminem in posterum in quauis

electione canonica vocem tam passiuam, quam actiuam habiturū, qui duodecimū annum à professione non compleuerit. In prouinciis uero Indiarum octauum ad minus. In cap. sequenti Neapoli 1600. extensum fuit hoc decretum etiam ad electiones Priorissarum, nam ibi habetur. Ordinationem factam auctoritate Apostolica in capitulo Valentino ad moniales de facto extendimus, ita quod quæ duodecimū annum à professione non compleuerint, ad electionem Priorissarum actiuæ, vel passiuæ nullo modo admittendæ erunt. Et Romæ 1601. dicitur. Ordinationem factam auctoritate Apostolica in cap. Valentino, quod fratres non admittantur in quacumque electione canonica, nisi duodecimū annum compleuerint, &c. eadem auctoritate interueniente declaramus debere etiam intelligi de electione sociorum Priorum euntium ad capitulum prouinciale, & de Tertiariis, quæ solemniter sunt professæ.

Stante hoc Apostolico ordine, valde fuit diminutus numerus electorum, ita ut aliquando accideret in paruis Conuentibus duo tantum vocales reperiri, quod inconueniens reputabatur. Vnde Romæ 1601. reperitur declaratum. Quod si aliquando in aliquo Conuentu sint tantum duo vocales, adiungantur alij usque ad quinarium numerum ex his qui quatuor annos habent à professione, & sint in sacris ab antiquioribus incipiendo, quod si tot non suppetant, addantur saltem usque ad ternarium, & tunc eligant isti Priorem. Si autem tot etiam non reperiantur, sed sint tantum duo, Prouincialis de consilio quatuor ad minus patrum grauiorum, maxima cum consideratione provideat. Et cum per hoc non videretur etiam sufficienter prouisum fuisse, tandem Romæ 1608. exiit hoc statutum. Nunc propter iustas causas, habito uiuæ vocis oraculo à Sanctiss. D. N. Paulo Papæ, de auctoritate Apostolica, non obstante præfata ordinatione Valentini capituli, eiusdemque per duo capitula sequentia confirmatione, statuimus, & ordinamus, ut fratres vocem actiuam habeant in quacunque electione canonicas, dummodo expleuerint sex annos integros à professione, & sint Sacerdotes. Conuentu Parisiensi excepto in quo declaramus ordinationem capituli Valentini in suo robore permanere. Et ita in posterum seruandum est, ut electores, & sacerdotes sint, & habeant sex annos completos à professione.

Alia qualitas requisita in eligentibus est ut sint assignati. In eo Conuentu in quo electio fieri debet ante mensem electionis, super qua multæ sunt edicte ordinationes, & declarationes. In primis autem seruanda est Constitutio quæ habetur cap. De certis deductionibus, &c. quæ huiusmodi est.

Volumus quod ordinatio capituli Burdegalensis de mutationibus fratrum seruetur, quæ est infra scripti tenoris. Cum electiones nostræ maximè liberæ esse debeant, & omni nota coactionis carere, districtè iniungimus Prouincialibus, & quibuscumque Vicariis, quod infra mensem ante electiones quascumque nouas assignationes, & mutationes fratrum non faciant in Conuentibus in quibus electiones sunt celebrandæ, nisi pro officio Iectoria, vel pro prioratu, vel pro graui scandalo euitando, vel nisi in

prouinciali capitulo, vel in loco prouincialis capituli sicut in ali-
quibus prouinciis consuetum est. Quod si contrarium factum fue-
rit, huiusmodi assignationes, vel mutationes, quoad priuationem
votis in Conuentu de quo fient, & quoad vocem in Conuentu
vbi sunt, suum non sortiantur effectum. Prouinciales autem con-
trafacientes per Magistrum ordinis, vel per Diffinitores capituli
generalis (cum legitime constiterit) à suis officiis absoluantur. Vi-
carij vero omni officio ordinis sint priuati per tres annos. Nec
fratres possunt priuari voce infra idem tempus, nisi ob causas in
cap. grauioris culpæ contentas.

Qualis autē sit iste mensis in quo non possunt fieri assignationes, non est
facile videre ob diuersas declarationes, patrū. Certū tamē est primo quod in
eo mēse in quo instat electio qui incipit à die notitiæ datæ vocalibus de carē-
tia sui Prioris, nō possunt fieri assignationes. Hunc esse sensum prædictæ Cō-
stitutionis patet ex eius declaratione, in qua habetur. Declaramus, quod sta-
tutū tēpus eligendi Priores est vnus mensis, in quo fratres eligere possunt, &
infra istū mensem non debent augeri, nec diminui voces qui mensis incipit à
notitia carentiæ Prioris. Nec etiam debent fieri mutationes vocalium infra
hunc mensem post celebratam electionem, donec electio suum habuerit ef-
fectum, cum semper medio isto tempore electio maneat in suspensio & pos-
sit cassari. Antequam vero incipiat hoc tempus electionis, bene possunt fieri
assignationes, quia Constitutio non prohibet assignationes fieri ante men-
sem, sed infra mensem electionis, quod tempus incipit currere à die notitiæ
absolutionis Prioris, & non à die reuocationis officij. In cap. Romano
1601. idem sensus affertur, nam dicitur declaramus Constit. illam de mense
electionis &c. debere sic intelligi, mensem electionis incipere à die carentiæ
Prioris, infra quem mensem electores eligere debent, aliter transacto illo
mense nulla facta electione, deuoluitur ius ad Prouincialem. Quod si ali-
quem canonicē elegerint, & contigerit electionem cassari, incipiat alter
mensis à die notitiæ cassationis illius.

Sed Romæ 1589. aliquid aliud additur de vi assignationum factarum ante
dictum mensem electionis, & dicitur. Declaramus ad tollendam quācumq;
fraudem, & si opus est statuimus, quod ad hoc vt aliquis vocem habeat in ele-
ctione, non sufficit quod ante electionis mensem fuerit assignatus in eo Con-
uentu in quo electio facienda est, sed adhuc oportet quod Prælati, & Con-
uentui illi in quo denuo est assignatus constet re vera de dicta assignatione
ante mensem. Et Venetiis 1592. statuitur, vt huic declarationi addantur ista
verba. Excipitur casus mortis ipsius Prioris quando iam nulla fraus præsu-
mi potest. Ex his tamen quæ modo dicenda sunt, videtur tales fratrum mu-
tationes non debere fieri neque per mensem immediate præcedentem ele-
ctionis tempus, nam in declarationibus Constit. prædictæ, cuius declaratio-
ni nunc intendimus dicitur Cum per Constitutionem Iulij Papæ II. Priores,
& Prouinciales facti sunt temporales, & fere per totum ordinem hoc obfer-

uetur, & consequenter sciri potest tempus vacationis Prioris, ideo non debent fieri mutationes fratrum infra mensem dictæ vacationis, seu absolutionis Prioris. Vnde Romæ 1564. Admonetur Prouinciales vt abstineant à mutationibus fratrum in Cōuentu in quo celebranda est electio, etiam si Priori vnus mēsis adhuc supersit sui officij, nisi in casibus Cōst. expressis. Verūtamē ablata est omnis difficultas de hoc, cum Romæ 1601. ordinatum sit ex mandato S. D. N. ne duobus mensibus ante electionem Prioris vlle fiant assignationes. Quæ ordinatio acceptata fuit Valleoleci 1605. & additur quod si factæ fuerint, assignati vocem non habeant in dicto Conuentu in quacumque electione quousque aliquis fuerit confirmatus.

Et Parisiis 1611. dicitur. Ad cauendas omnes fraudes in electionibus tam Priorum, quam sociorum pro capitulo prouinciali, ordinamus, vt non fiant assignationes dolosæ, ac fictitiæ, sed ad eos tantū pertineat electio, qui realiter, & bona fide sunt in illo conuentu assignati, & in eodē saltē per duos mēses, realiter & bona fide. Cōuentui inferuientes ante electionem permanserunt.

De tempore autem electionis Prouincialis dicitur in declarationibus ca. de electione prouincialis. Volumus quod sicut imminente electione Priorū non possunt fieri mutationes fratrum infra mensem ante electionem prædictam, nisi in casibus vt supra, ita non fiant mutationes, priuationes vocum, absolutiones Priorum, à die notitiæ carentiæ Prouincialis in illa prouincia, vsque ad notitiam confirmationis eiusdem, nisi in casibus prædictis. Hi autem casus in Constitutionibus, expressi, sunt assignationes faciendæ pro lectoria, vel Prioratu, aut pro graui scandalo euitando, aut quæ factæ sunt tempore capituli, vel in loco capituli vbi consuetum est. Cum autem dicitur assignationes fieri posse infra mensem ratione Prioratus, hoc intelligendum est iuxta declarationem capitis de electione Prioris quod Prior vnus Conuentus non potest habere vocem in alio Conuentu, nisi institueretur Vicarius illius ad tempus, vt habetur cap. Constitutis, & cap. vlti. de reli. Et cap. cum singula de præbend. lib. 6. Et vniuersaliter vnus non potest habere vocem in duobus Conuentibus separatis, quorum vnus ab alio non pendeat. Cum vero dicitur eas fieri posse ratione lectoriæ, hoc certum est de lectoribus qui doctores Conuentuum vocantur, an autem idem fieri debeat iudicium de sublectoribus, qui sunt coadiutores illorum, iudicent & declarent Superiores. Cum etiam dicitur assignationes posse fieri in capitulo ita exponendum est iuxta declar. capituli, de certis detract. quod capitulū durat per dies decem in quibus fieri possunt assignationes, & factę vim habent, secus autem dicendum est de factis ante vel post capitulum, quia istæ nullæ sunt, neque credendum est huic declarationi obstare decretum Pontificium de duobus mensibus, sicut nec de assignationibus lectorum aut Priorum, aut ob scandalum factis.

Quando autem Vicarius pro electione facienda mitti possit persoluetur infra capite de electione Prioris.

De extraneis autem siue fratribus aliarum prouinciarum, ita diffinit Constit. cap. de electione Prioris.

Si vero de aliena prouincia fuerint, postquam per annum con-

tinuum in vno aliquo Conuentu alienæ prouinciæ assignati morati fuerint, admittantur ad electiones, sicut & alij in illa prouincia. Et hoc tam si ad tempus, quam si simpliciter ad alienam prouinciam assignentur. Intra verò idem tempus non admittantur ad electionem electorum Prouincialis, nec ad tractatus eorum quæ mittenda sunt ad capitulum generale vel prouinciale.

In declarationibus eiusdem capitis habetur, quod si fratres vnius prouinciæ assignentur in vno Conuentu alterius prouinciæ, siue pro studio, siue quocumque alio modo, non habent vocem, nisi post talem assignationem steterint per annum continuum in vno Conuentu dictæ prouinciæ, intelligitur, quod fuerit continuatio assignationis vnius anni, vel maioris partis. Si autem fuerint nedum assignati sed translati totaliter, & incorporati illi prouinciæ, illico post assignationem absque dilatione vocem habebunt, si tamen alia requisita in eis reperiantur.

Insuper eligentes debent esse adui electionis præsentés. Vnde Constitut. cap. de electione Prioris habet hæc verba.

Electio autem tam Prouincialium quam Priorum, ad illos tantum pertineat electores, qui personaliter præsentés in electione extiterint, sicut fit in electione Magistrî ordinis.

Et ibidem declaratur, quod licet secundum iura electio fieri possit ab absentibus per procuratorem, in ordine tamen id non fieri potest, neque etiam per litteras, sed oportet eos esse præsentés, nisi forte in eodem Conuentu essent infirmi decubentes, quia tunc scrutatores ad eos accedere deberent cū vrna ad eorum schedulam accipiendam. Instante tamen electione si aliqui electores sint extra Conuentum intra dietam, debent Præsidentes nuntium ad eos mittere. Quod si noluerint, aut non potuerint, venire, vel facta diligenti inuestigatione inueniri non potuerint, poterunt electores postquam hoc legitimè constiterit electionem celebrare. Per dietam autem vt supradictum est intelligitur iter quod possit facere vnus pedester. Hoc idem definitum fuit in Concil. Trid. sess. 25. capit. 6. in quo dicitur.

Nec in posterum liceat Prouinciales, Priores, aut alios quoscumque rituales ad effectum electionis faciendæ constituere, aut voces, & suffragia absentium supplere, Et si quis contra huius de r. i. Constitutionem fuerit electus, electio irrita sit.

Et Romæ 1601. nomine S. D. N. hoc idem statutum fuit de Prouincialibus, & Diffinitoribus, qui electioni Magistrî ordinis conueniunt.

Conuersi autem à statu suo ad statum clericorum translati admittuntur ad electionem, vt habetur in declarationibus cap. de elect. Prioris, post quinque annos completos, à susceptione habitus clericalis. Et hic notabis quod in cap. de capitulo prouinciali dicitur etiam de clericis, quod infra quinquennium ab ingressu ordinis ad electiones admitti non debent, quod vt ibidem declaratur, non contrariatur ei quod supradictum est electores debere habere quatuor annos completos à professione, quia tunc temporis quando facta fuit hæc constitutio, non recipiebantur pueri ad habitum nisi post quintumdecimum annum, vnde semper inter illud quinquennium in-

cludebantur quatuor anni à professione. Et tandem pro conuersis Valleole-
letis 605. declaratur, conuersos sic translatos non posse habere vocē in ele-
ctione nisi post annos duodecim completos à sua translatione, quod factum
fuit quia etiam de clericis statutum fuerat auctoritate Apostolica, vt non ad-
mitterentur ad electiones, nisi post duodecim annos à professione. Verum
iste terminus redactus est ad numerum sex annorum in clericis, nulla vsque
modo facta reductione de conuersis.

Regentes extra claustra ab electionibus excludendi sunt. Nam Romæ
1583. ordinatur vt fratres quacumque occasione permaneant extra claustra,
præterquam pro Officio S. Inquisitionis, etiam si assignati sint in aliquo Cō-
uentu, nō censeantur assignati quoad vocem habendam, sed omnino exclusi
intelligentur. Et Romæ 1601. dicitur quod omnino omnes tales vocem nō
habeant actiuam vel passiuam etiam si in seruiant cathedrali Ecclesiæ, vel ibi
sint lectores: Et antea statutum fuerat Romæ 1589.

Nullus autem eligentium prætextu delictorum commissorum excludi
debet ab electione, nisi secuta declaratione in particulari, ita enim statutum
Constitut. in prologo per hæc verba.

Pænæ autem priuationis vocis actiuæ vel passiuæ, grauioris cul-
pæ & aliis maioribus, quantumcumque tam in Constit. quam ex-
tra ipso facto sint incurrendæ, nisi sit pænâ excommunicationis,
nullus sit subiectus, nisi superueniat declaratio Prælati in particu-
lari respectu huius, quantumcumque etiam notorium facti, vel iu-
ris, aut vtriusque interueniat.

Et Romæ 1589. Declaratur nullum debere excludi à quacumque ele-
ctione pretextu cuiuscumque criminis, nisi per sententiam voce priuatus sit,
aut manifestum sit aliquod reuera commississe delictum, per quod ipso fa-
cto in excommunicationem inciderit absque alia declaratione. Vnde patet
excommunicatos non debere conuenire cum aliis ad eligendum. Pariter
etiam per doctores videtur excludi debere irregulares, interdicti, & suspēsi,
tamentales declarati sunt, necnon condemnati ad pœnas grauioris culpæ.
Nam in declar. cap. de grauiori culpa dicitur. Et ita videtur quod ille qui est
in grauiori culpa, non possit habere vocem actiuam, aut passiuam, nisi sit re-
stitutus.

Postremo omnibus electoribus propono doctrinam S. Thom. 2. 2. q. 63. ar.
1. & quod l. 8. art. 6. ex qua elicio hæc documenta. Primū, non potest elector
eligere in Prælatū quē scit esse in peccato mortali quia eligeret indignum, &
quolibet peccato mortali quis redditur indignus. Secundū, non tenetur eli-
gens eligere meliorem simpliciter. i. eum qui sanctior est, quia accidere po-
test vt in hoc sanctiore non sint aliæ conditiones requisitæ ad bene regendū,
vt sunt scientia legum, industria, potentia, & similia. Tertium est, tenetur
elector eligere meliorem secundum quid. i. eum qui inter alios pollet condi-
tionibus quibus quis aptior redditur ad conseruandum bonum commune
Congregationis, etiam si minus sanctus, aut sciens sit. Quartum quamuis in
foro iudiciali non possit impugnari actio qua eligitur bonus omissio meliori
pro

pro bono communi, in foro tamē cōscientiæ necesse est, eligere meliorem, vel simpliciter, vel ad bonum commune cōseruandum, aliter committitur vitium acceptationis personarum, quod est cōtra iustitiam distributiua. Quintū, qui est de gremio Ecclesiæ, vt plurimum est melior, & vtior pro bono communi, cum in ea nutritus sit. Sextum, si cōsanguinei, aut familiares, & amici eliguntur, qui sint modo dicto meliores, vel æque digni nullū est peccatum, si autem sint minus digni aliis, committitur peccatum. Et quod l. 5. art. 23. habetur, si eligens cōsanguineum vel amicum intendit aliquā habere recōpensationem pro se, vel pro aliis, peccat peccato simoniæ. Si autem intendit quod sponte recompensabit, non est simoniacus, intentio tamen praua est, & carnalis.

Vnum aliud superest animaduertendum circa electores à Superioribus obseruandum, quod est, vt omnino electores in actu electionis liberi sint, nam præterquam quod electionis nomen libertatem importat ex S. Th. cum versetur non circa finem sed media ad illum, adhuc etiam leges id requirunt. Vnde Conc. Trid. consulens libertati electionis, voluit vt vota eligentium nunquam publicarentur, ob hoc in cap. Bononiæ 1564. dicitur. Quia electionum libertati maximè S. Synodus consultum voluit &c. Et in cap. de certis detractionibus, &c. prohibentur assignationes fieri intra mēsem, cum electiones maxime liberæ esse debeant. Et ob id, & Bonon. 1564. & Romæ 1608. mandatur Superioribus quibus potestas dirigendi electiones commissā est, vt vbi specialis necessitas non fuerit, nullus proponatur electoribus eligendus. Quod si necessarium existimabunt, non pauciores quam tres singulis proponant. Et adhuc si nullus ex propositis electus fuerit, sed alius qui dignus sit confirmator illum confirmare non reſuāt. Et in cap. Sciant cuncti de elec. lib. 6. habetur summarie decretum hoc.

Sciant cuncti, quicquid ad quos spectat electio, pro eo quod rogati, vel inducti, cum pro quo rogabantur vel inducebantur, eligere noluerunt spoliari vel iniuste persequuntur, quod ipso facto sententiam excommunicationis incurrunt.

Et in decl. cap. de elect. Prioris dicitur. Cum libertati electionum ex practicis, & inductionibus maxime detrahatur, & scandala consequantur, & sinceritas status lædatur in pluribus capitulis fuit prohibitum, ne aliquis prece, aut precio, promissis vel comminatione, ex animi deliberatione præsumat aliquem inducere ad talem eligendum, & contrafacientes voce per triennium priuentur. Et hoc scientes si data oportunitate Superiores non admonuerint eandem pœnam incurrant. Et.

Valentiæ 1596. prohibetur ne de electione peragenda aliquis tractare audeat ante vnā diem electionis, per se vel per alios, verbo aut scripto, sub pœnagruioris culpæ, siue is vocem habeat in electione, seu non. Et Prælati sub formali præcepto talem pœnam transgressoribus infligere tenentur.

De conditionibus eligendorum.

CAPVT VII.

NVllus eligatur, aut confirmetur in Priorē, nisi sciat grammaticè loqui absque falsa latinitate, & sit ita instructus sal-

tem in moralibus sacræ scripturæ, vt sciat competenter propo-
nere verbum Dei. *Cap. de electione Prioris.*

D. Paulus breui quodam eompendio colligit fere omnia colligenda quæ desiderari debent in Prælato eligendo, tum circa scientiam, tum etiam circa mores, vnde in 1. ad Timotheum cap. 3. hanc profert sententiam.

Oportet Episcopum irreprehensibilem esse, sobrium, prudentem, ornatum, pudicum, hospitalem, doctorem, non violentum, non percussorem, sed modestum, non litigiosum, non cupidum, domus suæ bene præpositum, non neophytum, bonum testimonium habentem ab his, qui foris sunt.

Et in Epistola ad Titum cap. primo similia congerens dicit.

Oportet enim Episcopum sine crimine esse, sicut Dei dispensatores, non superbum, non iracundum, non violentum, non percussorem, non turpis lucri cupidum, sed hospitalem, benignum, sobrium, iustum, sanctum, continentem, complacentem cum qui secundum doctrinam est, fidelem sermonem, ut potens sit exhortari in doctrina sana, & eo qui contradicunt arguere.

Ex quibus omnibus constare potest eligendum debere pollere scientia, nedum sufficiente ad proponendum Dei verbum, sed etiam ad cognoscendum ea, quæ pertinent ad officium curæ animarum, quam exercet, & bonitate morum, vt alios suo exemplo promouere valeat. Sunt etiam alia multa requirenda in eligendis ad prælaturas, quæ ex actis capitulorum obseruanda sunt, & hæc præcipua sunt.

Eligendus in Prælatum debet esse sacerdos, quia exercet curam animarum, & habere duodecim annos completos à professione, sic enim statutum fuit Valentini 1596. & confirmatum Romæ 1601. nomine S. D. N. infra enim dictum tempus neque actiuam neque passiuam vocem habet. Et quamuis in cap. Romano 1608. restituta sit vox actiua his, qui annos sex habent in ordine, nil tamen immutatum fuit de voce passiuâ, quod & Parisiis obseruatum fuit.

Electiois capaces non sunt, qui morantur extra claustra, nam Romæ 1601. declarantur tales carere voce actiua, & passiuâ, etiam si Cathedrali Ecclesiæ inferuiant. Multo magis incapaces sunt, qui extra ordinem beneficia obtinent, vnde in cap. de Itinerantibus dicitur.

Fratres nostros beneficiatos, aut etiam habilitatos solummodo ad beneficia, inhabiles reddimus ad Superiorem in ordine. Nec aliquis istorum vocem habeat actiuam, siue passiuam in ordine, nisi beneficio, vel habilitationi renunciauerit, ita vt renuntiatio sit legitima acceptata instrumento attestante.

Item fratres nostri cum fuerint ad aliquâ dignitatē extra ordinē ad sui instantiam pronūciati ipso facto sint ab omni præsentia absoluti & tenore præsentium ipsos esse absolutos decernimus. Qui vero sine sui instantia sunt pronūciati, nisi infra quatuor dies à notitia pronunciationis, pronunciationi publicē renuntiauerint, & per publicum instrumentum, simili modo abso-

luti existant, præcipientes fratribus, vt nulli prædictorum obedire præsumant.

Et tantum abest, quod huiusmodi assumpti eligi possint, quod neque etiam illis committi potest cura super quoscumque fratres, hoc enim habetur cap. de electione Prioris, hac serie verborum.

Nulli autem Præsidenti ordinis liceat, alicui extra obedientiam nostri ordinis existenti, curam committere super fratres, siue Cõuentus quomodocumque, nisi Prælatis ex ordine assumptis super socios suos, & nisi super apostatas, & vagos, hoc est sine licentia ordinis extra ordinem commorantes.

Et in declar. cap. de Itinerantibus notatur, nedum pronuntiatos, & habitatos ad dignitates extra ordinem esse incapaces prælaturarũ, sed etiam Cappellanos, & qui habent licentiam officii extra ordinem. Et si qui fuerint extra ordinem sine licentia, & postea cum licentia redierint, infra decennium non possunt habere aliquam prælaturam, imo nec vicariam sine licentia Magistri ordinis. Et similiter fratres alienarum prouinciarum, nisi per triennium fuerint in prouincia, vel alias notorii habeantur, non possunt præfici Conuentibus.

Incapaces etiam sunt electionis, illi qui fuerunt Priores in eo Conuentu, in quo præfuerunt, per quadriennium immediatum post absolutionem. Et qui fuerunt Prouinciales per octo annos in illa prouincia, quam rexerunt. Ita statuit Iulius II. in suo privilegio 1. in quo præfigit tempus prælatis, his verbis.

Nos igitur &c. auctoritate Apostol. perpetuo statuimus, vt in ordine prædic. Prouinciales vltra quadriennium, Priores vero, & Priorissa vltra triennium in huiusmodi officiis persequerare non possint, Et qui Prouincialis fuit, non possit infra octo annos, immediate eius absolutione sequentes, eligi in Prouincialem in illa prouincia. Et qui fuit Prior infra quadriennium, &c. Vicary vero congregationũ per annos tres in officio durabunt, & infra anno sex immediate sequentes iterum eligi non poterunt.

Et Bononiæ 1564. declaratur. Prouinciales cum expleuerint suum officium, aut etiam alias absoluti fuerint, ad idem officium in ea prouincia assumi non possunt infra tantum tempus, quanto duorum Prouincialium officium integrum durare solet.

Visitatores etiam Prouinciarum, & Conuentuum quandiu illarum, vel illorum visitatores sunt, non possunt eligi in Prouinciales siue Priores, quod etiam dicitur de illorum sociis, irritum decernentes quicquid in contrarium factum fuerit. Ita statuitur Neapoli, & confirmatur Romæ 1601. & Valcoleti 1605.

Duo etiam fratres germani non possunt sibi immediate succedere in officio Prioratus aut Prouincialatus, quod si secus factum fuerit electio nulla sit, Romæ 1608. quod antea Romæ 1580. statutum fuerat pro prouincia Lombardiæ, & confirmatur Parisiis 1611.

Tandem ineligibiles sunt hi, qui per sententiam condemnati sunt ad pœnas grauioris culpæ, nedum antequam dispensentur, sed etiam post

remissionem obtentam. Nam Romæ 1589. auctoritate Apostolica ordinatur ut qui in posterum ad pœnas grauioris culpæ ob delicta condemnabuntur, neque ad prælaturas, neque ad gradus assumi possint, nisi forte post multos annos mores in melius commutasse ita clare constiterit, ut merito non indigni aliqua gratia censerentur. Ad prælaturam tamen non ita de facili admittantur. Illegitimi etiam inhabiles sunt, nisi dispensentur, & dispensati super prioratu, non possunt esse Diffinitores cap. de recipiendis. Et Romæ 1569. habetur. Apostatas in posterum recipiendos ad ordinem, non posse assumi ad prælaturas ante viginti annos, & irritum decernitur si secus factum fuerit. Et Auenioni 1558. diffinitur, ut qui abiurauerint tamquam vehementer suspecti, non possunt à quocumque etiam à Magistro ordinis restitui, aut promoueri ad quodcumque officium siue dignitatem, toto tempore vitæ suæ, sed permittantur in humilitate desistere peccatum suum, irritum decernentes quicquid in oppositum factum fuerit. Confirmatur Bononiæ 1564. omiſſis illis verbis, etiam à Magistro ordinis.

Non est omittendum, quod Romæ 1569. mandato S. D. Papæ Pij V. ordinatum fuit, ut in capitulis provincialibus prouinciarum fieret catalogus eorum qui in Conuentibus possent in Priores eligi. Ad quem catalogum componendum congregari debebant, Prouinciales, Diffinitores capituli, Magistri, Patres prouinciæ, & illi, qui alias fuerunt Diffinitores capituli generalis, vel Prouincialis, usque ad numerum duodenarium. Qui singuli poterant aliquos proponere, & erant approbandi per vota secreta, ita ut ex quatuor partibus, tres partes consentirent. Verum capitulo sequenti Romano 1571. denuntiatum fuit nutu eiusdem summi Pontificis, catalogum hunc omittendum esse.

De tempore electionis.

CAPVT VIII.

SI vero electores infra mensem non elegerint, aut postulasuerint, Prouincialis prouideat Conuentui de Priore, qui sciat proponere verbum Dei, *Cap. de electione Prioris.*

Hic de tempore electionis Prioris tractandum est, & alia erit ratio de tempore electionum Prouincialium, & Magistri ordinis, quæ suis locis discutientur. Tempus ergo electionis Prioris est vnus mensis, qui incipit à die notitiæ carentiæ Prioris, infra quem possunt eligere quandoquæ voluerint, quo transacto ius prouidendi ad Prouincialem deuoluitur. Infra hunc mensem, si electores vnâ diem statuissent pro electione celebranda, & ea die non elegerint, possunt aliam statuere infra eundem mensem. Et illud verbum non elegerint negat omnem actum. Vnde si eo mense nullum actum electionis fecerint, amittunt ius eligendi, nisi per Prouincialem concedatur de nouo potestas eligendi. Si autem infra dictum mensem elegerint,

sed in discordia, vel cum aliquo defectu reddente electionem minus validam, tunc Prouincialis poterit eam cassare, non tamen ipse de Priore providere poterit, sed oportebit remittere electionem vocalibus, qui iterum infra eundem mensem alium poterunt eligere. At si in eo actu electionis fuerint ita discordes, aut pares ex utraque parte, ita ut nullus egrediatur electus, poterunt alias etiam ad electionem procedere infra eundem mensem tamen, & tantum. Si autem facta fuerit electio aliqua canonica, sed cassata fuerit non propter defectum electionis, sed alia de causa, puta quia nominati in ea alias impediti sunt, eo casu electores habent vnum alium mensem pro electione, qui incipiet à die notitiæ cassationis eius, quæ sibi debet notificari per hoc verbū, *Casso electionem istam*. Quod si diceret, *Eligite alium Priorem*, quia hunc nolo confirmare, non sufficeret, & si sic eligeret, electio nulla esset. Prouinciales tamen non debent cassare electiones canonicas, & validas sine rationabili causa. Hæc ex decl. cap. de elect. Prioris. In cap. autem Romano 1601. clarius hoc exprimitur, & dicitur. *Declaramus, quod si electores infra dictum mensem sibi assignatum non elegerint, etiam si aliquos actus ad electionem pertinentes fecerint, statim transacto mense ius providendi ad Prouincialem deuoluitur. Quod si canonice aliquem elegerint, & contingit electionem cassari, nouus mensis denuo incipiet, in quo poterunt electores electionem celebrare.*

Postquam autem Prælati religionis facti sunt temporales per Constit. Iulij II. vnum est obseruandum circa tempus finis Priorum, quod habetur in dicta Constitut. superius allegata quod est.

Si alicuius Prioris biennium contigerit compleri, prouincia carente suo Prouinciali, aut infra septuagesimam, & Pascha, tunc in primo casu biennium illius Prioris durabit vsque ad capitulum in quo fiet electio Prouincialis. In secundo vero casu durabit etiam vsque ad capitulum si infra tempus Pascale celebrabitur, alioquin tantum vsque ad octauas Pasche inclusiue perseverabis.

In prouincia autem Lombardiæ res aliter se habet, nam Priores etiam si biennium cōpleant ante septuagesimam, & circa Aduentum Domini adhuc perseverant vsque ad tempus capituli ex concessione Leonis X. quæ ita habet.

Nos ergo supplicationibus inclinati auctoritate Apostolica concedimus, ut Priores, postquam per biennium vacauerint ab officio prioratus in aliquo Conuentu possint in eodem iterum eligi. Et si biennium prioratus compleri contigerit infra Aduentum Domini, vel circa, & capitulum sit celebrandum infra tempus Paschale sequens, tale biennium sit extensum vsque ad dictum capitulum.

Consuetudo tamē habet, ut etiam si non celebretur capitulū, adhuc biennij prioratum perseverat vsque ad tempus quo solet celebrari capitulum.

Quando autem Priores complent officium suum in capitulo prouinciali, tenentur electores præstolari socios, & alios, qui ad capitulum accesserunt, vsque ad Sabbatum Vigilæ Pentecostes exclusiue, & tunc procedent, nisi, fortè ante talem diem, illi ad Conuentum reuersi fuerint, ita dicitur Romæ 1601. Vbi etiam additur, quod si infra dictum mensem electionis maior pars electorum expetierit à Suppriori, vel Vicario, ut celebretur electio, & ipse renuerit, tunc antiquior ex præsentibus, si alij antiquiores no-

luerint, poterit congregare capitulum, & electionem formare.

Sicuti transacto mense, & nulla facta electione, ius prouidendi Prouincialem deuoluitur, ita non prouidente Prouinciali infra terminum trium mensium, non poterit amplius prouidere, sed pertinebit ad Magistrum ordinis, ita iura disponunt cap. Ne pro defectu, de elect. in 6. Hæc omnia ex decl. eiusdem cap.

De electione Prioris.

CAPVT IX.

QUæ usque modo de electione tradita sunt, generalia fuerunt obseruanda in qualibet electione canonica, nunc perpendenda sunt particularia. Et in proposito videndum est quis debet esse Vicarius electionis Prioris, qui conuocet vocales, recipiat schedulas, decretum formet, & similia. Constit. autem ita disponit.

Cum per scrutinium procedit electio, vota eligentium recipiantur per Suppriorum, vel eius Vicarium in absentia Suppriorum, & duos fratres, &c.

Si ergo in Conuentu adest Supprior, illius munus erit hoc agere. Et si mortuo, aut amoto Priore, Supprior Vicarium instituerit, in absentia Supprioris hic Vicarius actionem dirigit, & ob hoc dicit Constit. vel Vicarium eius, nam Vicarius à Priore institutus eo mortuo, vel amoto expirat. Si autem neque Supprior neque Vicarius eius fuerit in eo Conuentu, tres Patres antiquiores Conuentus Vicarium eligent, & hic curam habebit, & Conuentus, & electionis, de cuius institutione agetur infra. Quod si eo tempore datus fuerit à capitulo, vel à Prouinciali Vicarius supra Suppriorum, hic Vicarius congregabit fratres ad electionem, & Supprior cum duobus scrutatoribus schedulas recipiet, conscribet, & decretum formabit. Caueant autem Superiores mittere Vicarios pro electione, nisi in casu magnæ dissensionis electionum, vel quando in veritate non adesset inter vocales, qui posset, & sciret electionem dirigere. Et sic missus careat voce passiuæ in dicta electione, ita disponunt declarationes, approbaturq; in cap. Bononiæ 1564. Parisiis 1611. statuitur, vt Prior eligendus à minori numero, quam sex vocalium, non poterit eligi de corpore capituli, sed eo casu oportebit eligere vnum ab extra.

De confirmatione Priorum.

CAPVT X.

PRIORES conuentuales supra dicto modo electi à Priore Prouinciali, si ei bene visum fuerit, confirmentur. Idem etiam fiat si aliquis à maiori parte vltra medietatem eorum ad quos spectat electio de alio Conuentu fuerit postulatus. Et semper intelligatur confirmatorem supplere defectus electionis, qui eius subsunt potestati, quando sine clausula diminutiua confirmat electionem.

Ex cap. de elect. Prioris.

Cum dicit Constitut. Prouincialem debere confirmare electum, si bene ei visum fuerit, hæc verba non significat libertatem, sed discussionem rationis, & arbitrium boni viri, & ideo Prouincialis non propria voluntate, sed præmissio iudicio confirmare debet Priores. Imo imponitur confirmatoribus quatenus electos quantumcumque vnanimiter, non præsumant confirmare, nisi sufficientes in scientia, & moribus, & nisi verisimiliter sperent, quod correctioni, & reformationi ordinis operam dabunt efficacem. Neque etiam debent electionem canonicè factam, nisi ex causa rationabili, cassare. Et Barch. 1574. ordinatur, vt Prouinciales in confirmatione Priorum vota Patrum discretorum quos ad consilium capiendum vocauerint, secreto, siue per fabas suscipiant, quo liberius possint suam sententiam proferre, quod & Romæ 1580. confirmatum fuit.

Ex Caietano in summula verbo, Electio, Confirmatores debent hanc notare doctrinam, quod Prouincialis, quando est prouisor, & non confirmator. i. quando ad ipsum deuoluitur auctoritas, ob negligentiam electorum, prouidendi de Priore, debet seruare leges prædictas de electoribus, quia debet concedere Priorem duabus pollentem conditionibus. i. sanctum, hoc est, sine peccato mortali, & meliorem aliis ab eo cognitis pro tali regimine, pensatis reliquis particularibus occurrentibus, secus autem est de confirmatore, quoniam confirmator non eligit, sed supponit electionem, & si electus dignus est, sufficit ei tantum ex hoc, quia electus est, quod erit carus ouibus suis, & ex hac conditione, quia gratus, existimandus est melior alio magis idoneo, & minus caro, quia hoc casu charitas coalescit, si vero plures sunt nominati, liberum est confirmatori dare quem vult, tenetur tamen inter illos meliorem præferre.

Electus autem canonicè in Priorem, non potest renuntiare iuri suo, nec interponere appellationem, si non confirmetur, nec aliquid in foro contentioso repetere, ob multa. Primo, quia in ordine nostro per electionem nullum ius acquiritur, ideo neque vllam habet administrationem antequam confirmetur. Secundò, quia religiosus non habet nec velle, nec nolle, nec est in eo assentire, & dissentire, cum eius voluntas pendeat à voluntate Superioris. Tertiò, quia per Constitut. in libertate confirmatoris ponitur confirmatio, & abolitio. Si tamen alicui electioni contradicatur, non debet confirmari electus, quousque examinentur contradictiones, & iudicentur. Et præterea quantumcumque vnus sit in Priorem electus, & confirmatus, & in confirmatione contineatur præceptum, vt tale munus accipiat, nisi consensum præbeat, nullum ius habet aut acquirit. Et si vnus habet literas à Magistro ordinis, vt non possit cogi ad officium prioratus, & eligatur, ac confirmetur, cum mandato, vt onus suscipiat, & non consentiat confirmationi, nedum non acquirit ius, sed neque est absolueudus, sed sufficit, vt cassetur electio, vt procedatur ad electionem alterius. Hæc ex cap. de elect. Prioris. Et Valentiz 1596. dicitur, quod si contigerit aliquem absolui à prioratu, ad eum finem, vt possit Prior alibi creari, & non alio fine, si confirmatio suum effectum non sortiatur quauis de causa, nulla erit censenda absolutio, & poterit in primo prioratu perseuerare, quicumque ille.

fit. Et aduertant Priores, vt deinceps etiam in illis prouinciis in quibus hæc id seruatum non fuit, literæ confirmationis Priorum legantur in capitulo, vel refectorio, & notetur in eis dies, hora, & locus intimationis Valleoleti 1605.

Quando etiam celebratur capitulum prouinciale, debet formari scrutinium super retentione, vel absolutione Prioris per Suppriorum, vel Vicarium eius, & duos antiquiores in ordine de Conuentu præfentes, cum expressione nominum, & officiorum eligentium exprimentium vota sua, quod scrutinium non publicetur, nec alicui ostendatur, sed sigillo Conuentus muniatur, & per socium mittatur ad capitulum prouinciale. Ita dicit Constit. cap. de capitulo prouinciali. Et ex formulario habetur, quod congregatis fratribus pro electione socij Prioris debent singuli fratres coram scrutatoribus sigillatim dicere. Ego frater talis peto confirmationem, vel peto amotionem, siue renuntio voto meo.

De Prælatiis in communi.

CAPVT XI.

PRæposito tanquam patri obediatur, multo magis Presbytero, qui omnium vestrum curam gerit. Vt ergo cuncta ista seruentur, & si quid minus seruatum fuerit, non negligenter prætereatur, sed vt emendandum corrigendumq; curetur, ad Præpositum præcipue pertinebit, vt ad Presbyterum, cuius est apud vos maior auctoritas referat, quod vires, vel modum eius excedit. Ipse vero, qui vobis præest, non se existimet potestate dominante, sed charitate seruiente felicem. Honore coram vobis Prælatus sit vobis, timore coram Deo substratus sit pedibus vestris. Circa omnes seipsum bonorum operum præbeat exemplum. Corripiat inquietos, consoletur pusillanimes, suscipiant infirmos, patiens sit ad omnes. Disciplinam libens habeat, metuendus imponat, & quamuis vtrumq; sit necessarium, tamen plus amari à vobis appetat, quam timeri, semper cogitans Deo se pro vobis redditurum esse rationem. Vnde, & vos magis obediendo, non solum vestri, sed etiam ipsius miseremini, qui inter vos, quanto in loco superiori, tanto in periculo maiori versatur. Item, Quando autem necessitas disciplinæ in moribus coercendis dicere vos dura verba compellit, etiam si ipsi modum vos excessisse sentitis, non à vobis exigitur, vt à vobis subditis veniam postuletis, ne apud eos, quos oportet esse subiectos, dum nimium seruatur humilitas, regendi frangatur auctoritas. Sed tamen petenda est venia ab omnium Domino, qui nouit eos, quos plus iusto fortè corripitis, quanta beneuolentia diligatis.

S. Augustinus in regula.

Colligenda

Colligenda sunt hic loco declarationum, quædam notatu digna circa Prælatos desumpta ex irrefragabili doctrina S. Thomæ. Qui autem appetunt, aut etiam inquirunt Prælatorum officium obseruent, quæ tradit. *s. doctor.* quodlib. 2. art. 11. ubi dicit ex D. August. Officium Prælati, & si administraretur vt decet, tamen indecenter appetitur. Cuius ratio est, quia qui appetit, aut superbus est, aut iniustus. Iniquitas enim est appetere sibi plus de dignitate, & potestate, nisi sit maior alijs. Et superbia est, existimare se esse alijs prælatione digniorem. Vnde Heb. 5. dicitur. Nemo assumit sibi honorem, sed qui vocatur à Deo tanquam Aaron. Et quia sæpe, se tuentur multi testimonio D. Pauli 1. Thim. 3. quod est. Si quis Episcopatum desiderat, bonum opus desiderat, perspicitur expositio huius dicti in D. Tho. 2. q. 185. artic. 1. ubi tradit hanc scitu dignam doctrinam. In Episcopatu sunt tria, episcopalis operatio, per quam intenditur vtilitas proximi, altitudo gradus, quia Episcopus præminet alijs, honor, qui sibi exhibetur, cum sufficientia rerum temporalium. Ex qua distinctione colligit hæc dicta. Appetere Episcopatum, siue quamcumque prælationem ratione honoris, & affluentia temporalium, pertinet ad ambitionem, vel cupiditatem, ex consequenti malum est, quem appetitum reprehendit Dominus Matth. 23. Amant primos accubitus, in cœnis, & primas cathedras in synagogis, & vocari ab hominibus Rabbi. Appetere Episcopatum ratione celsitudinis gradus, præsumptuosum est, & reprehenditur, Matth. 20. Scitis, quia principes gentium dominantur eorum, vos autem non sic, &c. Appetere Episcopatum præcisè propter opus tendens in vtilitatem proximi, laudabile est, quia appetitur quod bonum est, nam subditur. Qui Episcopatum desiderat bonum opus desiderat. Et tunc. *s. in principio Ecclesiæ* laudabile erat Episcopatum appetere, & quærere, quia non habebat annexa ea quæ appetitum illius deturpant, quandoquidem opus bonum cadebat sub desiderio, non autem dignitatis celsitudo, & honor. Appetere autem tale opus prout habet annexam celsitudinem dignitatis, honorem, & affluentiam diuitiarum, præsumptuosum videtur, nisi manifesta immineat necessitas, vel charitatis zelo diuinitus moueretur. Et quodlibet 3. art. 9. comparans appetitum magisterij cum appetitu prælatuæ dicit. Homo redditur dignus magisterio per scientiam, quam potest aliquis certitudinaliter scire se habere, ideo potest appetere, & petere licite cathedram magistralem. Homo autem fit idoneus ad officium pastorale per charitatē, vnde Dominus dixit Petro Ioan. vlt. Petre diligis me, &c. & nullus potest scire certo se habere charitatem, ideo semper est vitiosum pontificatum petere. Et nedum vitiosum est, appetere, & petere præsulatum modo iam dicto, sed etiam consentire electioni, aut confirmationi de se factæ. Vnde S. Thomas quodlibet 5. art. 22. ita in summa philosophatur. Electus consentiens confirmationi potest duo intendere. Si enim intendit aliquod temporale, puta honorem, diuitias, excussionem à iugo religionis, manifestum est, quod praua est intentio, & hic melius faceret, si non assentiret. Si autem intendit profectum Ecclesiæ, bona erit intentio, at quia ad hoc fructuose agendum opus est maxima idoneitate, quam non, nisi auxilio gratiæ habere homo potest, iuxta illud 2. Cor. 3. Idoneos

nos fecit miniſtros noui teſtamenti, poterit electas laudabiliter renuere conſiderans defectum ſuum ex humilitate, & poterit etiam laudabiliter annuere intendens ex charitate ſalutem proximi. Quia autem difficile eſt ſe purgatum agnoſcere, tutius eſt declinare, non tamen pertinaciter.

In primis autem præſules ad regimen deſtinati tenentur omnem adhibere curam, ac diligentiam, vt reformationem introducant, ſi collapſa eſt, ita enim præcipit Conc. Trid. ſeſſ. 25. cap. 1. de regularibus hac forma verborum.

Quo facilius ac maturius, ubi collapſa eſt, vetus, & regularis diſciplina inſtauretur, & ubi conſeruata eſt perſeueret, S. Synodus hoc decreto præcipit, vt omnes regulares tam viri, quam mulieres, ad regulam, quam profeſſi ſunt præſcriptum vitam inſtituant, & componant, atque in primis, qua ad ſua perfectionem profeſſionis, vt obedientie, paupertatis, & caſtittatis, ac ſi, qua alia ſunt peculiaria vota, & præcepta, & c. fideliter obſeruent. Omnisque cura, & diligentia à Superioribus adhibeatur, tam in capitulis generalibus, & prouincialibus, quam in eorum viſitationibus, qua ſuis temporibus facere non prætermittant, vt ab illis non recedatur, & c.

Propter hoc decretum Bononiæ 1564. dicitur à patribus. In primis quoniam generalis reformationis à S. Synodo Trid. dudum propoſitæ, pars non modica eſt, quæ regularibus inſtituitur, eius nos ſanctiſſ. decreta cum pietate ſuſcipientes, & qua decet obedientia exequi cupientes, omnibus fratribus tam Prælatiſ, quam ſubditis diſtinctè iniungimus, vt ipſius ſacri Concilij canones, præcipuè quæ de regularibus præſcribuntur attente legant, & ſollicitè obſeruent, & c. Et quicquid Prælati in communi, vel in particulari viderint reformandum, ſedulo exequantur, Romæ 1601. habetur. Ordinamus, & pro noſtrarum conſtitutionum regulari obſeruantia mandamus Prælatiſ omnibus eorum conſcientias in diem Domini aggravantes, vt earum obſeruantia, & Conuentuum ſuorum reformationi inuigilent, & Superiores ſe ipſos præbeant bonorū operum exemplum. Deinde Romæ 1608. ob difficultatem introducendi generalem reformationem in vniuerſo ordine decretum fuit, vt infra. Confirmamus illam ſanctiſſ. ordinationem olim à B. Raimundo de Capua Magiſtro ordinis factam, à Bonifacio Papa VIII. approbatam, & in multis capitulis præcipuè Valleſoletano innovatam, atque in pluribus prouinciis executioni mandatam, vt Prouincialis vnusquique in ſua prouincia, vnum, vel plures Conuentus deputet in quibus regula, & conſtitutiones in omni rigore, & exactiſſimè, ſiue ad vnguem ſeruentur. In quibus tamen Conuentibus, non niſi ſpontanei, & voluntarij assignentur, nec eis vlllo pacto liceat habitum, vel formam eius immutare, nec alias caerimonias, & obſeruantias, quam in ordine receptas, & approbatas inducere, nec poſſeſſiones, & alia bona immobilia, & precioſa ſine ſpeciali Magiſtri ord. licentia, alienare audeant, nec ſe ab obedientia Præſidentis prouinciæ ſubtrahere vlllo pacto præſumant. Hortamur autem prouinciarum Præſidentes, vt fratres in his Conuentibus assignatos omni charitate foueant, adiuuent, neque illis ſint impedimento, ſed in illa arctiori obſeruantia conſeruare, & augere procurent. Minus etiam principale Prælatorum eſt corrigere vitia, vt alij cohibeantur. Et circa hanc cor-

reſtione aduertât, quod tradit S. Tho. 4. ſent. diſt. 19. q. 1. ar. 2. quaſti. 2. 5. Duplex eſt opinio de correſtione facta à Prælato exiſtente in peccato mortali. Quidam dicunt quod ſi eſt in ſimili aut maiori peccato non poteſt corripere delinquentem ſive illud peccatum ſit occultum ſive notorium, nam alterum iudicans, ſeipſum condemnat. Alij dicunt eum poſſe corripere ſi illius peccatum eſt occultum, non autem ſi notorium. Vtraque autem opinio ſuſtineri poteſt ſecundum aliquid. Nam ſi Prælatus eſt in peccato etiam occulto, & corripit vt Prælatus peccat, quia quicumque indigne vtitur officio ſuo peccat, & Prælatus in peccato mortali etiam occulto indigne vtitur officio prælationis corripiendo, & quicquid aliud ſui officij exequendo, ergo &c. & ſecundum hunc ſenſum vera eſt prima opinio. Si autem corripit non vt Prælatus aut miniſter Eccleſiæ, ſed ex zelo charitatis, non peccat niſi propter ſcandalum, quod abeſt, quando eius peccatum occultum eſt, & in hoc ſenſu procedit ſecunda opinio. Quod ſi arguiſ, correſtio conuenit Prælatis de præcepto. Reſpondet S. doct. ibidem ad 2. & dicit non eſt Prælatus abſolutus ab officio corripendi propter peccatum, quia poteſt dimittere peccatum, vel officium reſignare, aut etiam humiliter ſuum peccatum recognoſcens, peccatorem admonere rogando, & tunc non peccabit.

Aduertant etiam quod traditur ab eodem 2. ſen. diſt. 44. quaſt. 2. ar. 3. vbi dicit. Ad hoc autem prælaciones in religionibus ordinantur, vt ſtatus religionis ſecundum inſtituta regulæ conſeruetur. Ad regulam autem pertinent aliqua dupliciter, quædam directe, vt ea quæ in regula præcipiuntur, vt non comedere carnes, ſilentium tenere, & huiusmodi, quædam indirecte, vt ea quæ pertinent ad pœnam tranſgreſſionum etiam ſi de eis nulla in regula fiat ſpecialis mentio. Et circa vtrorumque obſeruantiam Prælati ex debito ſui officij, intenti eſſe debent, memores quod ſicut oderunt peccare boni virtutis amore, ita oderunt peccare mali formidine pœnæ.

Non autem prætermittenda eſt illa admonitio ad Prælatos quæ habetur in Conc. Trid. ſeſſ. 13. cap. 1. de reſor. quæ talis eſt in ſubſtantia.

S. Synodus admonendos cenſet Prælatos, vt ſe Paſtores, non percussores eſſe meminerint, & ita præſſe ſubditis oportere, vt non eis dominentur, ſed tanquam filios diligant, vt monendo abſoluit deterreant, ne vbi deliquerint pœnis coërrere cogantur, quod ſi eos per fragilitatem peccare contigerit, illos arguant, moncant, increpent, in omni patientia, & bonitate cum ſepe plus in delinquentes agas benenolentia quam auſteritas, plus exhortatio quam comminatio, plus charitas quam poteſtas. Si autem ob delicti grauitatem virga opus ſit, tunc cum manuſuetudine rigor, cum miſericordiæ iudicium, cum lenitate ſeueritas, adhibenda eſt, vt ſine aſperitate diſciplina conſeruetur, & correſti emendentur, quod ſi reſiſcere noluerint, ceteri, ſalubri in eos animaduerſione exemplo, à vitijs deterueantur, cum etiam pji Paſtorum officium ſit, morbis primum lenia fomenta adhibere, poſt ad grauiora remedia deſcendere, & ceteros à contagionis periculo liberare.

CAPVT. XII.

Colligenda duxi hoc in capitulo ea quæ frequentius Prioribus contingunt seruanda, quarum quædam ex Constit. quædam ex ordinationibus postremis selecta sunt. In primis curet ne sua frangatur auctoritas à quocumque, & recolat quæ capite de grauiori culpa traduntur .f.

Si quis per contumaciam aut manifestam rebellionem inobediens extiterit, aut cum eo intus vel foris proterue contendere ausus fuerit. Item si quis procurauerit quod ipse vel alius eximatur via non iuridica à potestate sua. Et si quis per coniurationem vel conspirationem aut malitiosam concordiam contra eum manifeste, se erexerit, cogatur subire pœnam grauioris culpæ. Si tamen non malitiose sed in veritate habet quid quod tolerari non possit, primo eum cum omni humilitate corripiat, quod si frequenter admonitus non resipuerit, Provinciali aut visitatori notificet. Et quamuis ex regula Prælati plus amari appetere debeat quam timeri, caueat tamen ne apud eos quos oportet esse subiectos, dum nimium seruetur humilitas, regendi frangatur auctoritas.

In condendis legibus, præceptis, aut censuris, præ oculis habeat quæ traduntur in prologo Constitutionum .f. Prælati non faciant præcepta obligantia ad mortale in ira, & maxime contra subditos turbatos, & si fecerint irrita sint, facta tamē valeant quoad pœnas temporales. Præcepta in scriptis facta censentur sine ira facta. Nec faciant ea nisi in scriptis extra necessitatem. A multitudine præceptorum, & ordinationum abstineant, ne laqueos animabus iniiciant, & propter defectum aliquorum quos corrigere non audent, commutatem inuoluant. Excommunicationis autem gladius sobrie, & magna cum circumspectione exercendus est, cum experientia doceat si temere aut leuibus ex rebus incurtiatur, magis cōtemni quam formidari, & perniciem potius parere, quam salutem, & non nisi in scriptis seruata forma.

In dispensationibus ieiuniorum, abstinendarum, & vigiliarum aduertat eas prohibito concedere non posse, ne dissipator potius sit quam dispensator, sed tantum ex causa rationabili, & honesta, præcipue vero ob studium, vel prædicationem, aut animarum salutem nunquam tamen cum toto Cōuentu, nec cōmuniter, aut regulariter, seu facili, & in ieiunio seriæ 6. quod tanti sit in ordine, difficilem se exhibeat. Omnino esum carniū à refectorio excludat, & alibi non eum concedat, nisi ratione debilitatis aut infirmitatis, neque etiam extra Conuentum, ubi eum habemus. Et nulli tam Priores quam alij, extra domum comedant, nisi cum Episcopis, aut religiosis, & raro, sed communem victum refectorij sequantur. Et si Prior infirmatur cum alijs procuretur. Non permittat aliquos etiam Magistros in cameris comedere, nec ipse se à refectorio vel alijs locis communibus absenter. Circa infirmos tamen caueat ne sit negligens, sic enim procurandi

sunt, vt citius recreentur, curam adhibeat vt sint in Conuentu cameræ si deputatæ, bene instructæ de lectis, linteaminibus, & alijs, instituat infirmarium, qui eis prouideat de necessarijs, cui adiungantur coadiutores, cum opus fuerit.

In his quæ ad Dei cultum pertinent solliciti sint Priores, ipsi in primis seipso alijs exemplum præbeant, non permittant subditos suos quocumque prætextu siue paternitatis siue lectoriæ præteritæ, eximi à sequela chori, Magistris, Lectoribus, Prædicatoribus, ac legentibus aut prædicantibus exceptis. Inuigilent vt statutis horis diurnis pariter, & nocturnis laudes debita cum attentione, & pausis persoluantur, ceremoniæ tam ad Altare quàm in choro vniformiter ab omnibus seruètur, & omnia ad Dei cultum facienda decenter aptentur, vt nihil sit quod aduenientium oculos offendere possit. Eum numerum missarum tantum admittant, quem commode possint fratres implere. Curent officium mortuorum dici hora, qua omnes adesse possint.

Maxima cum vigilantia studia prouocent, iubeantque lecto-ribus, vt statutis horis lectiones suas perlegant, nec desint lectionibus, & conferentijs. Non permittant libros à communi bibliotheca extrahi sine viginti necessitate, & consilio patrum, Libros decedentium fratrum pro vñ communi conferuent, & vbi non sunt bibliothecæ constructæ deputetur vna camera, in qua recondantur libri pro communi vñ fratrum, & in dies emanant libri vtiles. Et vt studentes magis studijs incumbant non permittantur exire Conuentum nisi semel in mense ad campum recreationis causa.

Circa nouitios vero hæc obseruent Priores. non recipiant pueros ante quartumdecimum annum completum vel quintumdecimum inceptum, nec sine licentia, & approbatione litterarum testimonialium de moribus, & legitimatione illorum. Et si aliquis ante quintumdecimum annum inceptum receptus fuerit, sciant quod completo anno sextodecimo adhuc debent ei assignare tres menses ad minus, ad melius de ea deliberandum iuxta Constit. cap. de Nouitijs, Ante professionem infra duos menses, iterum ab examinadoribus de intentione, vita, & moribus tententur, & in capitulo proponantur, volentes exire non impedian, nec expellant sine patrum consilio, moncant de renuntiatione bonorum suorum facienda si volunt, operam dent vt omnes austeritates ordinis experiantur, non permittant eos studiis artium attendere, sed ceremonijs, cantui, psalmodiæ, & his similibus, ante professionem, incumbant. Non instituant aut destituant Magistros eorum ad libitum, sed consensum patrum requirant, & Prouincialis licentiam. Cum nouitius professus fuerit, procurent, vt in societatem aliorum professorum constituatur, nec tam puros quàm profectos permittant cum alijs Conuentum exire.

Ædificium aliquod respectiue notabile non faciant, nisi cum consilio peritorum, assensu patrum, & licentia Prouincialis, & inceptum ab alijs frequentantur, antequam, nouis manum apponant, & si in fabrica expendi debeat summa scutorum decem, accedat & consensus capituli. Superfluitates aut vanitates in cellis, lectis, cubiculis, alijs ornamentis, vbique abij-

ciant, vt apud omnes paupertas religiosa reluceat, preciosa quæque vt argentea, aurea, & ex lapidibus preciosis, in cultris, vaginis, &c. amoueant, & sacristiæ applicent. Vestes de communi panno, & vili materia sine plicis, &c. tantum permittant, prouideant de tunicellis, & lintheaminibus lanceis, & à cellis imagines profanas, & non pias abiiciant.

Deposita vbi consuetudo non est ea permittendi, non concedant, vbi vero concessa sunt, ea non nisi in moderata pecunia attentæ personarum qualitate, ac ad certum tempus, & determinatum vsum indulgeant, cogāt hospites si ultra sex dies apud ipsos moraturi sunt vt hanc legem depositi seruent. Moneant sēpe subditos teneri eis præsentare omnes, & quicumque pecunias sibi traditas sub formali præcepto infra terminum viginti quatuor horarum, & semel in anno omnia sibi ad vsum tradita ad pedes suorum Prælatorum integre ponere satagant, & sciant si qui habent libellaria instrumenta, aut inuestituras pecuniarum seu census, & ea reponant in communi archiuio Conuentus, & à Syndicis exigantur. In quo archiuio constituantur etiam inuentaria omnium scripturarum, iurium, bonorum, censuum, & fructuum qui colliguntur, & omnium mobilium quarumcumque officinarum. Non concedant licentias quibuscumque retinendi pecunias, aut alia quæque apud seculares. Deposita commune constituant, in quo recondantur pecuniæ omnes Conuentus antequam à Syndico vel alijs officialibus expendantur, cuius clauēs distinctas habeant Prior & duo patres depositarij, & cum recipiuntur aut tolluntur, illico in libro ibi constituto notentur.

Non exponant fratres ad ordines sacros, nisi præmisso examine in litterarum sufficientia per quinque examinatores, & consilio patrum in moribus approbatos ab his per vota secreta. Idemque obseruent circa exponendos prima vice ad audiendas confessiones tam fratrum quàm secularium.

Circa hospites aduertant, vt eos non recipiant sine debitis licentijs, nisi in carceribus, & punitos, ad suos Conuentus remittant, quas licentias, & perquirere debent, & legere. Apostatas, & fugitiuos ad Conuentus reducere conentur inuocato etiam si opus fuerit auxilio brachij secularis. Agant vt fratres bini incedant per ciuitatem & cum toto habitu, & socios prodeuntibus nominatim designent. Seculares in domibus non recipiant ad hospitium, nisi pro triduo ad summum. Non permittant fratres pernoctare extra conuentum in ciuitatibus, castris, & villis vbi domum habemus. Litteras hinc inde scriptas per fratres legant. Capitulum de quindena in quindena imo omni hebdomada habeant, in quo culpas fratrum audiant, & corrigant. Si ex hac vita decedat frater sui Conuentus, infra sex dies moneant omnes Prælatos illius provincie, qui Conuentui notificent illius mortem, vt suffragia persoluantur. Ostiariū instituant qui in tabella nomina exeuntium, & redeuntium annotet, vt perquisitus de eistrationem reddere possit, & hic curam habeat, ne seculares introeant. Hæc, & alia multa in Const. & ordinationibus mandata obseruare procurent. Et maxime notent duo dicta S. Thomæ, primum habetur 2.2. q. 47. ar. 4. ad 3. in

fine. f. Ex hoc ipso quod Prælati dissimulant videntur annuere, Alterum habetur 1. Thim. cap. 1. vbi versans illa verba Apostoli. (Secundum imperium Dei) dicit. Ex quo patet Prælatos ex necessitate præcepti, teneri ad ea quæ sunt proprii officij.

De institutione Supprioris, & eius potestate.

CAPVT XIII.

PRior autem conuentualis de consilio discretorum fratrum sui Conuentus instituat Suppriorem cuius officium erit habere diligentiam circa Conuentum, & corripere delinquentes, & in alijs quantum Prior assignauerit, vel ei permiserit. Idem autem Supprior mortuo vel amoto Priore, vices eius plenarie obtineat, quousque Prior eiusdem loci fuerit electus, confirmatus, & præsens in domo extiterit nisi Prouincialis aliter ordinauerit. In quotidianis capitulis Supprior non accusetur, nisi pro aliquo maiori excessu, secundum quod Priori visum fuerit.

Cap. de electione Prioris.

Non potest Prior instituere Suppriorem, nisi cum consilio specialiter ad hoc congregato maioris vel sanioris partis patrum illius Conuentus, qui ad consilium vocari solent. Et oportet vt instituendus, sit in eo Conuentu assignatus. Et potest etiam Prior Suppriorem institutum à se, tum à Prouinciali, absolueret. Cui dicto in cap. Valentino 1596. additur, id intelligendum esse cum patrum consilio, & per vota secreta, & alibi etiam additur, eos non posse absolui quando imminet tractatus eorum quæ ad capitulum mittenda sunt, nec antequam Prior suum adierit Conuentum.

Insuper Priores quando Suppriorem non habent in Conuentu, debent sub pœna absolutionis ab officio instituere vnum de assignatis iuxta Constitutionem, infra spacium vnus mensis.

Prouinciales in omnibus Conuentibus suæ provincie possunt Supprios instituere, etiam ex non assignatis in eo Conuentu vbi instituuntur, ibidem eos assignando, quia in rectoribus subordinatis quicquid conceditur minori, intelligitur concessum etiam maiori, nisi fiat exceptio, neque necesse est Prouincialem in illorum institutione consilium petere, vt traditur Barch. 1574. Et potest etiam eum ab officio amouere quandocumque placuerit etiam sine consilio, & etiam tempore quo mortuus vel amotus est Prior in eo Conuentu.

Item Supprior eo tempore quo Priorem habet siue absentem, siue præsentem, non habet auctoritatem nisi tantum quantum et à Priore conceditur, mortuo autem vel amoto Priore vices Prioris plenarie gerit. Vnde quamuis quâdo Priorem habet, non possit recipere fratres ad habitum, vel ad professionem, neq; ad sacros ordines promouere, potest tamen absente Priore per priuilegium quod dicitur Mare magnum omnes fratres sui Cõ-

uentus, & ad eum declinantes, ab omnibus excessibus, & censuris, à iure, vel à iudice, generaliter promulgatis, absoluerè, sacramentaque Eucharistiae, & Extreme vnctionis, conferre fratribus. Et quando Priorem praesentem vel absentem non habet potest praedicta facere. s. recipere fratres ad habitum, & ad professionem, confessorem eligere, aliorum fratrum confessiones audire, & absoluerè vt supra, & alios fratres ad audientiam confessionum fratrum exponere: non poterit tamen eos Episcopis praesentare pro audientia confessionum secularium, aut pro ordinibus suscipiendis, vel alia huiusmodi, quae Prioribus de iure non conueniunt, sed ex commissione, neque potest Vicarium in sui adiutorio assumere, sicut potest mortuo vel amoto Priore. Et tandem vt dicitur in decl. prologi, videtur posse vocari Praelatus tempore quo Priorem non habet, cum tunc plenarie vices eius gerat, & sit quasi Ordinarius.

Quia autem Suppriorum absentia à Conuentibus valde nociua est, non debent nec possunt eligi in socios Priorum euntium ad capitulum prouinciale nisi forsitan essent praedicatores generales, vt traditum fuit Romae 1608. Neque eis debet concedi facultas recipiendi fratres ad ordinem vel professionem nisi à Prouinciali. Ita decretum fuit Valleoleti 1605. Neque etiam nunc possunt admittere fratres ad audiendas confessiones aliorum fratrum, quia requiritur examen de quo dictum est cap. de institutione confessoriorum. Neque locum habent extra Conuentum suum, etiam super Baccalaureos suos si contingat Suppriorè, & Baccalaureum simul ad alium Conuentum declinare, vt traditur Barch. 1574. Inter patres autem à consilij conuocandi sunt post patres prouinciae. Ex decl. cap. de Recipiendis. Et ad hunc Suppriorè tempore electionis Prioris pertinebit conuocare electores ad electionem, & recipere vota eligentium, vt supra traditum fuit. Cap. de electione Prioris.

Suppriorès etiam quocumque modo instituti siue à Prouinciali siue à Priore persenerant in officio suo mortuis vel amotis eorum institutoribus, quod expresse legitur in prologo Constitutionum, vbi disponitur Confessores, Suppriorès, & Vicarios monialium, non expirare cum expirant eorum institutores, sicuti expirant Vicarij fratrum. Potest Supprior in aliquo casu Vicarium instituere dum Priorem habet: & hoc quando sibi à Priore commissum fuisset dicendo in suo recessu, instituo Vicarium eum, vel eos quem vel quos duxeris instituere.

De Vicarijs Conuentuum, & locorum.

CAPVT XIII.

Multi in ordine sunt, qui hoc nomiae Vicarij nuncupantur. Quidam enim sunt Vicarij generales siue prouintiarum, siue Congregationum, siue etiam totius ordinis, de quorum institutione, & officio suis locis infra pertractabitur. Sunt alij Vicarij Conuentuum particularium siue locorum, de quibus praesens est tractatus.

Vicarij Conuentuum sunt qui à Prioribus in sui adiutorium assumuntur.
Et quamuis,

Et quamuis Prior Suppriorē instituere non possit nisi vnum ex assignatis in suo Conuentu; poterit tamen Vicarium constituere, & assignatum, & non assignatum, imo, & Priorem alterius Conuentus, licet id agere non debeat, nisi pro vrgenti necessitate, nam secundum iura ordinarius potest vices suas committere his qui sunt alterius diocesis, oportet tamen vt Prior nedom sit electus, & confirmatus si Vicarium deputare debeat, sed requiritur vt etiam Conuentui suo præsens extiterit, & postea etiam absens constituere poterit. Cessabit autem potestas huius Vicarij illico quod Prior mortuus aut amotus fuerit ab officio.

Vicarius autem sic institutus, non potest alium Vicarium sibi assumere, neque etiam Supprior, nisi in casu mortis vel amotionis Prioris, quia tunc vices Prioris plenariè gerit. Prouincialis vero semper potest Vicarium instituere etiam supra Suppriorē. Et si instante electione mittat pro Vicario vnum ex alieno Conuentu, hic habebit vocem actiuam in ea electione, & vocales ad capitulum congregabit, & proponenda proponet. Supprior autem cum scrutatoribus vota eligentium recipiet.

Si accidat, quod mortuo vel amoto Priore, aut etiam eo absente Conuentus Suppriorē non habeat neque Vicarium, ne fratres sine capite remaneant tres antiquiores patres de consilio sibi Vicarium constituent modo in Constit. expresse. Ex cap. de elect. Prioris, qui est.

Si vero mortuo vel amoto aut absente Priore, domus Suppriorē præsentem vel Vicarium nõ habuerit, tres patres illius Conuentus præsentes, & vocem in electione habentes, qui primitus habitum nostri ordinis susceperunt, si tamen post professionem à nostro ordine nullatenus recesserunt, nisi per Magistrum ordinis, vel prouinciale aut generale capitulum cum eis fuerit dispensatum, aliquem fratrem de Conuentu illo antequam comedant, & bibant eligere teneantur, renuntiatione qualibet non obstante. Qui vices Prioris obtineat, quousque domus ipsa Priorem præsentem habeat vel Suppriorē aut Vicarium Prioris in eius absentia, vel Prouincialis aliter ordinauerit. Quod si prædicti tres non cõcordauerint, duorū sententia ad prouidendū, siue de vno illorum trium, siue de alio fratre conuētuali præsente, præualebit.

Vicarius sic institutus habet eandem auctoritatem in Conuentu, quam habent Suppiores mortuo vel amoto Priore, & ad eum spectat electionem dirigere.

Vocantur Vicarij locorum, qui præsunt domibus in quibus non alitur tantus numerus fratrum, vt possint in Conuentum erigi, & de istis ne minimum verbum in Constitutionibus habetur, & quæ notanda sunt, ab ordinationibus sunt petenda.

Hic ergo Vicarij eam solent habere potestatem supra fratres suos, quam habent Suppiores in Conuentibus mortuo aut amoto Priore. Et in suis locis præcedunt fratres suos, demptis Magistris si quos habent, & si con-

tingat Priorem aliquem ad locum venire, præcedet Vicarium, & eo præsentedit. Fidelium, ita dicitur Barch. 1574. & Romæ 1589. Et in ciuitatibus, vel castris, ubi sunt Conuentus, & loca huiusmodi in processionibus Vicarius locum tenebit immediate post Supiorem Conuentus & Baccalau-reos, si qui aderunt, Neapoli 1600.

De his tamen locis dicitur Barchin. 1574. Si Prouinciales repererint loca in quibus minus apte religio foueri possit, quin potius ocij, & dissipationis sint fomenta, & occasiones scandali, ea meliori qto poterunt modo, consultis grauioribus patribus resignent, & relinquunt. Et Valentiz 1596. statuitur, vt loca omnia in quibus ad minus quatuor clerici morari non possunt, deferantur, & renuntientur, sicuti præfenti decreto renuntiantur, excipiuntur tamen prouinciæ desolatæ, & existentia in partibus Indiarum, ac quæ pro hospitio itinerantibus seruiunt.

De Vicariis Congregationum siue nationum.

C A P V T X V.

STatuimus autem vt in singulis prouinciis Prouinciales vel eorum Vicarij, & Diffinitores capituli prouincialis, prouincias suas per Vicarias distinguant, secundum quod eis videbitur expedire, quibus singulis Vicarios præficiant, qui non sint Priores aut Lectores actu legentes, nisi prius à suis officiis absoluantur, requisito consilio fratrum præsentium ad dictas Vicarias pertinentium, qui sint de corpore capituli prouincialis. Qui Vicarij in domibus sibi assignatis Prouincialis plenariè vices gerant, exceptis dumtaxat institutione & destitutione Priorum, & electorum, & vbique sua loca teneant, nisi in capitulo, dum officium suæ Vicariæ exercent. Quorum potestas in die immediatè præcedente electionem Diffinitorum capituli prouincialis expiret. Hos etiam Vicarios Prouincialis corrigere possit, & ex causa rationabili amouere.

Ex cap. de electione Prouincialis.

Sub nomine horum Vicariorum comprehendi possunt, & illi, qui Visitatores vocantur & à Prouincialibus destinantur ad certos Conuentus visitandos, de quibus infra in hac 3. parte capitulo suo, & hi sunt qui vocari possunt Vicarij nationum.

Reperiuntur etiam quædam congregationes siue Vicariæ ex pluribus Conuentibus constantes, quæ per Vicarios reguntur, qui vocari solent Vicarij generales congregationum, siue Vicariarum, de quibus Constitutiones nullam mentionem faciunt, & sæpius in capitulis generalibus nominantur. Hi autem Vicarij in suis congregationibus solent habere eam potestatem, quam habent Prouinciales in suis prouinciis, hoc solo excepto, quod locum non habent in capitulis generalibus, nec ad illa Diffinitores mittuntur, nec in electione Magistri ordinis votum præstant.

Quantum autem in officio suo perdurare debeant, Iulius II. in suo privilegio primo decrevit hac verborum serie.

Voluntus autem, & auctoritate Apostolica statuimus, quod Vicarij generales congregationum exemptarum à Provincialibus, siue vite communis sint, siue regularis non possint ultra triennium in Vicariatus officio perdurare, sed perfecto triennio, ipso facto ab officio sint absolvi absque alia declaratione, siue absolutione, nec possint qui Vicarius fuit eiusdem Congregationis Vicarius esse infra sex annos immediate sequentes, nec intendimus consuetudines quarundam congregationum infringere, in quibus Vicarius prædictus tantum per biennium, durare consuevit.

Valleoleti 1605. declaratur Vicarios istos congregationum siue Vicarium expleto officio tenere locum super alios fratres congregationis, eo modo quo, & provinciales in suis provinciis tenent.

De Vicariis provinciarum mortuo vel amoto Provinciali.

CAPVT XVI.

STATUIMUS, & ordinamus, vt mortuo vel amoto Provinciali, vel Seo, & illo cui vices suas commiserit extra provinciam existente. Prior conuentualis illius loci in quo primum provinciale capitulum fuerit celebrandum, vices eius obtineat, quousque Provincialis illius provincie sit electus, & confirmatus, & ipse vel ille, cui vices suas commiserit præsens in provincia extiterit. Quod si capitulum Provinciale ex aliqua causa, ad Conuentum alium transferatur (quæ translatio fiat per Provincialem vel eius Vicarium de consilio discretorum) post translationem prioris Vicarij potestas expiret, & Prior loci illius ad quem capitulum fuerit translatum, vices Provincialis in omnibus obtinebit. Si autem Conuentus ille cui capitulum assignatum fuerat vel translatum, priorem non habuerit, vel eum infra tempus Vicariæ suæ mori vel amoueri contigerit, vel extra provinciam esse, durante eius absentia Prior illius domus vbi provinciale capitulum præcedens fuerat celebratum, vices Provincialis in omnibus obtineat, & sic deinceps retrocedendo quousque Conuentus ille in quo provinciale capitulum fuerat celebratum Priorem habuerit. Qui vices Provincialis obtinebit in omnibus quousque Conuentus ille in quo provinciale capitulum fuerit celebrandum Priorem habuerit. Qui vices Provincialis in omnibus obtinebit quousque Provincialis sit electus, & confirmatus, vel Magister ordinis, aut capitulum generale in prædictis casibus aliter ordinauerit, vel ipse Provincialis, aut ille cui vices suas commiserit præsens in provincia extiterit. Si vero Prior illius Conuentus vbi provinciale capitulum fuerit celebrandum in provincia præsens ex-

282 *De Vicariis prouinciarum mortuo vel amoto Prouinciali.*
riterit, sed aliqua ex causa capitulo non interfuerit prouincialis, si-
mili modo Prior illius Conuentus vbi præcedens capitulum fue-
rit celebratum vices Prouincialis in ipso capitulo, durante prædi-
cti Prioris absentia, in omnibus obtinebit, finito vero capitulo
Prior domus in quo nouiter fuit capitulum celebratum vices
Prouincialis in omnibus obtinebit.

Si Magister ordinis, vel capitulum generale aliquem fratrem
illius prouinciæ Vicarium instituerit in eadem, volumus ipsum
Vicarium in electione prædicta vocem habere. *Cap. de elect. Pro-
uincialis.*

Quilibet Vicarius generalis prouinciæ per quemcumque mo-
dum fuerit legitime institutus, locum Prouincialis teneat, Fide-
lium dicat, licentiam loquendi tribuat, & potest concedere litte-
ras de beneficiis illius prouinciæ durante capitulo prouinciali
dumtaxat. *Cap. de capitulo Prouinciali.*

Vicarij huiusmodi prouinciarum quamvis secundum constitutiones vi-
ces Prouincialium dicuntur obtinere in omnibus, & per omnia, non tamen
ob hoc potestatem habent super sorores ordinis, quia hæc potestas Prouin-
cialibus concessa est per priuilegia. Veruntamen in decl. prædicti textus di-
citur, Iulium II. per suas litteras in forma breuis P. F. Thomæ de Vio Ca-
ietano scriptas, concessisse Vicariis prouinciarum, & Conuentuum, ac
etiam Vicariis ordinis, vt mortuis, vel amotis, Magistro ordinis, Prouin-
cialibus, & Prioribus omnem potestatem, & facultatem, tam Apostolica
auctoritate, quam quomodolibet aliter concessam, & in posterum conce-
dendam ipsis Magistro ordinis Prouincialibus, & Prioribus præfati ordinis
Prædicatorum, exceptis illis, quæ in constitutionibus specialiter illis inhi-
bentur, ex speciali gratia.

Prouincia nostra vtriusque Lombardiz libera est, & immunis ab his an-
gustis inueniendi Vicarium casu mortis, vel amotionis Prouincialis, quia
illi per Constit. Apostolicam fuit concessum à Paulo III. vt semper succe-
dat in Vicariatu Prior Bononiensis. Sic enim dicit hic Pontifex Prouincia-
li dicitur prouinciæ.

*Exponi nobis fecisti, quod in capitulo prouinciali nuper celebrato in domo S. Do-
minici Brixia, statutum fuit, vt nullus Prior, etiam Prouincialis vltraquam per
biennium perdurare possit in officio, & in principio caputuli secundi anni officium
prouincialatus terminari debeat, & ex eo principio in posterum Vicarius prouinciæ,
sit & remaneat quousque Prouincialis alius sit electus, confirmatus, & presens in
prouincia. Item etiam fuit statutum, vt si Prouincialis infra tempus sui prouin-
cialatus decederet, vel amoveretur, tunc, & eo casu Prior Bononiensis, qui pro
tempore erit, vices Prouincialis obtineat, donec Prouincialis alius fuerit electus,
confirmatus & presens in prouincia. Et supplicari nobis fecisti, vt huiusmodi or-
dinationes confirmare dignemur, &c. Nos huiusmodi supplicationibus inclina-*

De Vicario ordinis mortuo, vel amoto Magistri, &c. 283
si auctoritate Apostolica per presentes approbamus, & confirmamus huiusmodi ordinationes & statuta illa quæ perpetua firmitate, robore obstinere, & inuiolabiliter obseruari debere mandamus. Non obstantibus constitutionibus Apostolicis, & aliis, quibuscumque, &c.

De Vicario ordinis mortuo, vel amoto Magistro ordinis.

CAPVT XVII.

Mortuo, siue amoto à Magisterio, Magistro ordinis, Prouincialis, illius prouinciæ in qua sequens capitulum fuerit celebrandum vices Magistri ordinis obtineat, quousque Magister ordinis sit electus, exceptis absolutionibus Priorum tum prouincialium aliarum prouinciarum, & translationibus fratrum de vna prouincia ad aliam de quibus se nullatenus intromittat, nisi fortè aliquis frater non Prouincialis existens, pro prouincialatus officio peteretur. Si autem prouincia in qua futurum capitulum generale est celebrandum Prouincialem non habuerit, vel infra tempus vicariæ suæ mori vel amoueri contigerit, Prouincialis illius prouinciæ in qua præcedens capitulum fuit celebratū, vices prædictas obtineat, & sic deinceps retrocedendo donec in aliqua prouinciarum isto modo valeat Vicarius inueniri. Postquam vero illa prouincia in qua fuerit capitulum generale celebrandum Prouincialem habuerit confirmatum, ipse prouincialis vices prædictas obtineat. *Ex cap. de electione Magistri ordinis.*

Si contingat mortuo, vel amoto Magistro ordinis capitulum generale assignatum in vna prouincia transferri ad aliam, auctoritas etiam vicarij transferatur ad Prouincialem ad cuius prouinciam capitulum translatum fuit. *Ex cap. de elect. Prouincialis.*

Tribus occasionibus instituuntur Vicarij generales totius ordinis in nostra religione, prima est, quando Magister ordinis aliquem talem instituit in sui adiutorium, siue sit præsens, siue absens ab vrbe Romana. Hunc autem instituere, & destituere potest Magister ordinis prout sibi videtur iuxta beneplacitum suum, & potest illi conferre eam facultatem, quam idoneam iudicabit. Alia occasione instituitur Vicarius generalis ordinis quæ est, quando celebratur capitulum generale, & aliquo casu interueniente Magister ordinis à capitulo abest. De quo Vicario ita disponit Constitutio cap. de capitulo generali.

Si vero dum celebratur capitulum generale Magistrum aliquam occasione abesse contigerit, vnus de Diffinitoribus prædicti capituli, ab ipsis Diffinitoribus, vel à maiori parte illorum assumatur in Magistri ordinis Vicarium, qui durante cap. vices Magi-

stri ordinis obtinebit, in omnibus dumtaxat, quæ ad ætatum, & acta capituli pertinebunt. Qui etiam locum Magistri vbique tenebit, Fidelium dicat, licentiam loquendi tribuat, & potest concedere litteras de beneficiis ordinis, vt Magister. In diffinitionibus tamen, vnam vocem tantum habeat. Quod si in eius assumptione in partes æquales se diuiserint, vnus de præsentibus fratribus eligatur ab ipsis, & in quorum sententiam declinauerit, ille sit Vicarius, cum quo Vicario Diffinitores in diffinitione procedant. Quod si in diffiniendo in partes æquales se diuiserint forma supradicta teneatur.

Est autem tertia occasio instituendi Vicarium generalem, siue amonitio Magistri ordinis, de qua sermo habetur in Constitut. supracitata. Quauis, vt plurimum summus Pontifex tali occasione auctoritate Apostolica Vicarium instituere illum, quem ipse idoneum iudicauerit. Si autem loco demortui Magistri ordinis succedit in vicariatu ille Prouincialis secundum Constitut. in cuius provincia celebrandum est capitulum generale, clarum est cum sit Prouincialis eum vocem habere in electione Generalis. Si autem sit institutus per sedem Apostolicam vocem non habet in prædicta electione, quia & si Alexander VI. vt habetur capite ultimo Constitutionum contulerit ei primam vocem in dicta electione, tamen vt habetur in decl. eiusdem capitis paulus III. hanc gratiam reuocauit, & post dictam reuocationem, nunquam fuit admissa aut seruata.

De electione Prouincialis.

CAPVT XVIII.

SI contingat Prouincialem in capitulo generali, vel medio tempore vsque ad capitulum prouinciale, vel in ipso capitulo prouinciali, mori vel amoueri, vel quocumque casu infra illud tempus prouinciam aliquam Prouinciali carere cõtingerit, vel carentia ipsa durauerit, ad ipsam prouinciale capitulum eius electio pertinebit qua peracta capitulum prouinciale celebrabitur. Quod si nec ipse in prouinciali ea. electus nec alius cõfirmatus fuerit, vel post prouinciale capitulum Prouincialem mori vel amoueri contigerit, qui eius locum obtinet teneatur, quam citius conuocare electores, & in die ad eligendum assignata Prouincialis eligatur, vel postuletur. Quod si die statuta non elegerint, vel postulauerint qui debent eligere, potestas prouidendi ad Magistrum ordinis transferatur. Et si fratres cuiuscumque prouinciæ intra an. postquam eis confluxerit, quod prouincia suo legitimo Prouinciali caret, Prouincialem non elegerint, vel postulauerint, ele-

ctio, siue prouisio de Prouinciali ad Magistrum ordinis sit deuoluta.

Volumus autem, quod prædicta electio, quæ non in ipso prouinciali capitulo, sed post capitulum debet celebrari, tantum spectet ad Priores Conuentuum, & Prædicatores generales, & vnũ fratrem de quolibet Conuentu ad hoc idem pro qualibet electione de Prouinciali facienda (si pluries fieri contigerit) nouiter electum, nisi confirmator præsens fuerit, vel in tam parua distantia, quod ante dissolutionem capituli, potuerit de cassatione electionis facta (si eam cassari contingat) nuntium peruenire. Tunc enim, & secunda, & tertia (si opus fuerit) electio ad eundem pertinebit. Qui secundum formam inferius in electione Magistri ordinis positam, electionem huiusmodi celebrabunt, hoc excepto, quod eos includi non oportet. Quod si Magister ordinis, vel cap. generale aliquem fratrem illius prouinciæ Vicarium instituerit in eadem, volumus ipsum Vicarium in electione prædicta vocem habere.

Tres autem Priores conuentuales, qui primitus habitum nostri ordinis susceperunt, cum electio per scrutinium facienda est, voluntatem singulorum sigillatim, & seorsum aliquantulum coram oculis omnium disquirant, & scribant, deinde scripturam publicent expressis nominibus eorũ, qui electi sunt. Et facta collatione numeri ad numerum si omnes, vel maior pars vltra medietatem omnium eligentium in vnum concordauerint, ille, qui primam vocem habuit surgens formet decretum dicens, Ego frater N. vice præsentium electorum, eligo Fr. N. in Priorem Prouincialem prouinciæ N. In nomine Patris, &c.

Instante vero Prouincialis electione, Priorum absolutiones fieri prohibemus nisi ob causam criminis, vel grauis scandali, vel ipsis Prioribus petentibus vel in capitulo prouinciali à Diffinitorio illius post electionem Prouincialis factam licet pendente, quoad confirmationem. Instare autem electionem Prouincialis dicimus, quandocumque prouincia Prouincialem non habet præsentem, vel absentem.

Prior autem Prouincialis supradicto modo electus poterit per Magistrum ordinis confirmari, vel eius electio cassari, si ipsi Magistro videbitur. Quod si ordo Magistrum non habuerit, ipsum electum confirmandi, vel infirmandi, & ad dictum officium sus-

ciendum compellendi, Vicarius ordinis habeat potestatem. Si vero post confirmationem per Magistrum ordinis factam antequam, ad electum confirmatio ipsa perueniat, Magistrum ordinis mori, vel amoueri contigerit, confirmatio suum sortiatur effectum. Statuimus autem, ut Prouincialis in capitulo generali à Magistro, & Diffinitoribus capituli, præmissa diligenti examinatione confirmetur, vel amoueat.

Pro ampliori declaratione eorum, quæ afferuntur in hac Constitut. circa electionem Prouincialis, aliqua sint animaduersione digna: Primū autem quod occurrit est tempus electionis eius, de quo ita loquitur declaratio huius cap. Circa principium ordinis singulis annis fiebant capitula generalia, & prouincialia, & primo celebrabatur capitulum generale, post vero prouinciale, in quo publicabantur acta cap. generalis. Si ergo Prouincialis moriebatur, aut amouebatur tempore medio inter capitulum prouinciale, & capitulum generale conuocabantur electores, & die statuta eligebatur Prouincialis, & nullum aliud capitulum prouinciale celebrabatur, quia iam celebratum erat. Si autem Prouincialis moriebatur, vel amouebatur medio tempore inter capitulum generale, & prouinciale, aut etiam in ipso capitulo generali, conuocabantur electores, & die statuta eligebatur Prouincialis, & simul etiam celebrabatur capitulum prouinciale, & legabantur acta capituli generalis. Et si ante capitulum generale prouincia inceperit carere Prouinciali, & non potuerint electores ante capitulum generale congregari ad eligendum Prouincialem, aut si eligerunt tamen non fuit confirmatus, & sic eius carentia durauit vsque ad capitulum generale, tunc, & eo casu electio Prouincialis pertinebit ad capitulum prouinciale, & non ad electores. Et pro maiori dilucidatione dictorum scito, quod quando quolibet anno celebrabantur capitula prouincialia, aliquando celebrabatur capitulum, sine electione Prouincialis, & tunc conueniebant Priores cum sociis suis, aliquando fiebat electio Prouincialis, sine capitulo, & tunc conueniebant Priores, & electores prouincialis, quod occorrebat, quando vacabat prouincialatus post capitulum prouinciale celebratum, aliquando celebrabatur simul capitulum, & electio prouincialis, & tunc conueniebant priores, & socij, qui socij erant etiam electores Prouincialis. At, quia postea prouinciales sicut & Priores facti sunt temporales, & habent præfixum tempus officij sui, ideo liberati sumus ab his angustiis & tempore completi officij sui conuocantur electores ad capitulum prouinciale, in quo etiam fit electio prouincialis, quod si contingat Prouincialem antequam compleat officium suum mori, vel amoueri, Vicarius prouinciæ quantocius poterit, conuocare debet conuocandos ad electionem futuri Prouincialis peragenda, quod si non suppetat tempus illos conuocandi ante ordinarium tempus celebrandi capitulum, supersedeatur vsque ad illud tempus. Recolendum tamen est id, quod statuit Iulius II. in suo priuilegio .i. quando decreuit Prouinciales debere in officio suo perseuerare tantum

tantum per quadriennium, ita enim disponit.

Verum ne capitula generalia oportunis contingat carere suffragiis, & fratres temporibus sacris discurrere, eadem auctoritate declaramus, quod si quadriennium aliquis Provincialis finiri contingat ordine non habente Magistrum, aut inchoato anno celebrandi capitulum generale, in quo Provinciales diffinire debent extensum intelligatur illius quadriennium in utroque casu usque ad capitulum generale completum, &c.

In provincia tamen Lombardie per Constitut. Pauli III. Provinciales sunt tantum biennales. Secundum, quod observandum est, in proposito est id quod habetur in Constitut. cap. de capitulo provinciali. scilicet quod convenientes ad illud, & vocem in eo habentes, sunt Priores conventuales cum singulis sociis eligendis à quolibet Conventu & Prædicatores generales, sub quorum nomine comprehenduntur etiam Magistri in sacra Theologia, qui gaudent privilegiis illorum, ac illi, qui fuerunt Provinciales. Et id, quod ex decl. huius capituli habetur. scilicet Sicut imminente electione Prioris non debent fieri mutationes fratrum in illo Conventu infra mensem ante electionem, nisi in casibus in Constitutionibus expressis, simili modo non debent fieri mutationes fratrum, priuationes vocum, absolutiones Priorum à tempore notitiæ carentiæ Provincialis, usque ad notitiam confirmationis eiusdem, nisi in casibus in præcedenti Constit. expressis. Est etiam Tertio observandum in electione Provincialis, nedum electores posse unum eligere, sed etiam posse alterum, aut plures in suis schedulis nominare, quia dicit Constit. quod si nec ipse in capitulo electus, nec alius fuerit confirmatus, super quibus verbis habetur talis declaratio. Cum per privilegia fuerit nobis concessum, ut cum occurrit electio faciendi de Priore, vel Provinciali, si ex aliqua causa contingat electionem non confirmari, poterit Superior confirmare auctoritate Apostolica confirmare aliquem de illis, quos electores, vel maior pars illorum ultra medietatem petierint, quando mittunt pro electi confirmatione, propter quod dicitur in textu, (vel alius. i. postulatus fuerit confirmatus.) De huiusmodi postulationibus dictum est satis supra capite suo. Quarto ponderanda sunt illa verba (Provincialis electus poterit per Magistrum ordinis confirmari, vel eius electio cassari si Magistro videbitur) super quibus ex decl. habetur, quod Magister ordinis per privilegia Bonifacii 8. & Clementis 7. potest singulos fratres Provinciales, Priores, & alios quoscunque officiales, ac Priorissas, quacumque auctoritate deputatos etiam per sedem Apostolicam quoties sibi videbitur, reuocare, etiam si esset per eandem sedem concessum quod remoueri non possint, & loco ipsorum alios substituere, officia ipsa limitare. Quæ privilegia recensentur infra capite de potestate Magistri ordinis.

Postmodum notandum est circa scrutatores electionis Provincialis, de quibus disponit Constitutio in hunc modum. scilicet Tres autem Priores conventuales, qui primitus habitum nostri ordinis susceperunt voluntates singulorum disquirant, & scribant &c. Quibus verbis crederem esse addenda illa omnia, quæ supra tradita fuerunt de scrutatoribus, maxime, quod oporteat tales Priores non dimisisse habitum religionis post professionem, &c. Et quod si unus antiquiorum impeditus fuerit ob infirmitatem, qui ta-

men in capitulo præfens sit, non succedat qui post eum est in ordine antiquior, sed alius eligatur modo tunc expresso. Circa electores Prouincialium, siue socios Priorum euntium ad capitulum prouinciale, nota illa verba Constit. l. Electio Prouincialis spectat ad Priores, & vnum fratrem de quolibet Conuentu pro qualibet electione facienda, si plures electiones fieri contingat, nouiter electum &c. quorum sensus est iuxta decl. huius capituli, quod socii Conuentuum electi pro capitulo prouinciali, vocem tantum habent in capitulo illius anni pro quo fuerunt electi. Si autem ex aliqua causa super sedeatur illo anno à capitulo, non admittendus erit ille ad actiones capituli celebrandi sequenti anno, sed alius eligi debet, similiter si ante mortem, vel amotionem Prouincialis fuerit in aliquo Conuentu electus socius Prioris pro capitulo prouinciali, & cōtingat fieri postea electionem Prouincialis propter mortem, vel amotionem alterius, non erit ille socius electus verus socius, siue elector, sed oportebit alium nouiter eligere.

De potestate, & officio Prouincialis.

CAPVT XIX.

Prouincialis eandem potestatem habet in sua prouincia, quā habet, & Magister ordinis, & eadem sibi reuerentia debetur ac obedientia à comprouincialibus, quæ & Magistro debetur, nisi Magister præfens extiterit. Item Prouincialis totam suam prouinciā per se si poterit, vel per Vicarios idoneos teneatur singulis annis visitare, quibus auctoritatem suam cōmittat prout sibi viderit expedire. Item Prouinciales cum fuerint absoluti pertinebunt ad illos Conuentus de quibus fuerunt assumpti, nisi per Superiores aliter de ipsis fuerit ordinatum. Statuimus, vt Prouinciales, & Diffinitores capituli prouincias suas per Vicarias distinguant, secundum quod eis expedire videbitur, quibus singulis Vicarios præficient, qui non sint Priores, nec lectores actu legentes, nisi prius à suis officiis absoluantur, requisito consilio patrum præsentium ad dictas vicarias pertinentium qui sint de corpore capituli prouincialis. Qui Vicarij in domibus sibi assignatis vices Prouincialis plenariè gerant. *Cap. de elect. Prouincialis.*

Potestas siue iurisdictio Prouincialium, non se extendit vltra limites suæ prouinciæ etiam si dum actu Prouinciales sunt, locum habeant supra Priores alienarum prouinciarum, in choro processionibus & etiam in refectione, dummodo tamen nolam non pullent, & absoluti ab officio Prouincialatus, locum super alios fratres tenent in sua prouincia dumtaxat, vt traditum est cap. de loco seruando. Et quando à Diffinitoribus capituli prouincialis committitur Prouinciali, vt possit omnia facere, quæ ipsi possent, non tamen conceditur propter hoc ei aliquod sibi denegatū à Constitutionibus, vnde vi huius concessionis non posset remittere pœnas priuatiuas condemnato ad pœnas grauioris culpæ. Et iuxta Constit. Iulij 11. supra re-

latam capite de conditionibus eligendorum, eorum officium solum per quadriennium perseuerat nisi forsitan hoc quadriennium finire contingat tempore quo ordo Magistrum non habet, aut inchoato anno celebrandi capitulum generale in quo Prouinciales diffinire debent. Quæ Const. Iulij II. est prima inter sua priuilegia ordini nostro concessa. Et si contingat Priorem aliquem actuale eligi, & confirmari in Prouincialem statim ut prouincialatus confirmationem accepit, ab officio prioratus censeatur absolutus, etiam si talis absolutio in literis confirmationis non sit expressa. Prouinciales titulares nullo pacto creentur, excepto Prouinciali Terræ Sanctæ, quo titulo Magister ordinis potest vnum ex sociis suis insignire, vel etiam titulo Prouincialis Angliæ, vel alterius desolatæ prouinciæ, per concessionem factam Magistro ordinis à Iulio 3. quæ habetur inter priuilegia fol. 157. nec vnus Prouinciæ possunt esse plures, quam duo Prouinciales, vnus in sua, & alius in alia prouincia quasi desolata, uti de mandato S. D. N. Papæ ordinatum fuit Romæ 1601. & confirmatum Valleoleti 1605. Mandatur autem multis Prouincialibus in diuersis capitulis generalibus, quorum præcipua hic breuiter recensenda sunt. Barch. 1574. eis præcipitur, ut in deligendis sociis non ducantur humano affectu, sed publicam utilitatem intendentes socios eligant, prudentia, religione, & eruditione, præstantes, boni nominis, & exempli, amabile suæ, qui sibi consilio, & zelo prodesse sciant, & possint. Romæ 1571. & Barchin. 1574. eisdem imponitur, vt infra quadriennium, quo in officio suo perseuerant, visitare teneantur omnes Conuentus curæ suæ commissos, & illi quorum potestas non extenditur ultra biennium, saltem semel personaliter visitare debeant. Et Barchin. 1574. admonentur, ne diutius in Conuentibus quos visitant moram trahant, cum grauis iactura Conuentibus ob eorum præsentiam, & fratres ad eos aduenientes, sequatur. Ita tamen, quod inter visitandum, non contenti sint audire tantum, sed etiam inuestigare de statu Conuentus, de Priorum regimine, officialium administratione, & Lectorum sollicitudine, & curent post se relinquere euidentem fructum visitationis suæ. Aduertant tamen, ne faciles se præbeant in eiiciendis à religione fratribus, seu exuendis habitu, sed circa eos seruetur Constitut. de graui culpa. Eisdem in cap. Veneto 1592. præcipitur, vt seipos bonorum operum præbeant exemplum, voluntariam amplectentes paupertatem, vanitates omnes, & superfluitates, refecando, in vestibus, comitatu, itineribus, in victu, & cubiculorum ornamentis, quatenus sic subditos suos ad perfectionem perducant. Ipsi tamen ex communibus contributionibus ita prouideatur, vt honestam suoque gradui conuenientem familiam alere possint, hac lege, vt dati, & accepti in capitulo prouinciali rationem reddere teneatur, & Parisiis additur, vt de regimine, & aliis actionibus suis examini se subiiciant. Obseruent etiam illud Const. decretum, quod habetur cap. de elect. Magistri ordin. 5.

Statuimus autem, quod Magister ordinis, & Prouincialis, ac quouismodo Præsides nihil accipiat, directe, vel indirecte, etiam spõ-

te oblatū, à quacūq; persona, siue prælata, siue subdita prætextu literarū, sigilli, registri, licētiæ confirmationis, & vniuersaliter cuiuscūque gratiarum aut iustitię concessæ, vel concedendæ, sed quilibet sit cōmunibus cōtributionibus cōtētus, & Prouinciales ac alij inferiores Prælati cōtrafacientes in pœnā à suis officijs absoluantur.

Romæ etiam 1571. & subinde in multis capitulis sequentibus prohibetur eisdem ac omnibus Visitatoribus, & Prælati, ne pecuniam, aut preciosa munera recipiant à fratribus, vel sororibus, ab his maximè, qui vel gratiam, vel iustitiam prætendunt, nec etiam secularium interuentu, exceptis paruis munusculis, quæ inter amicos offerri solent, & facultas ea retinendi tollitur, vnde vitium proprietatis incurrunt. Et in proposito obseruetur statutum Clementis 8. quo interdicat largitionem munerum inter religiosos his verbis.

Inter religiosos quoque ne prauæ ambitionis impulsu pro consequendis gradibus aliter alterius gratiam aucupetur, quacumque munerum largitio, nisi rerum minimarum cum licentia expressa Superiorum in scriptis, sit penitus interdicta.

Admonentur etiam Prouinciales Romæ 1583. vt per singulos annos bis saltem certiorum reddant Magistrum ordinis de statu suarum prouinciarum, cum illi cura sit de omnibus. Et Parisiis 1611. dicitur, vt Priores singulis mensibus Prouincialem moneant de negocijs occurrentibus sui Cōuentus, & Prouinciales idem faciant erga Magistrum sexies saltem in anno, qui in Europa sunt. Qui autem in Indus morantur toties quoties occasio se obtulerit. Et Venetiis 1592. statuitur, vt mittant notam præcipuorum Patrum, qui regularis obseruantię zelo, dexteritate prudentię in regendo, aut etiam literarum sufficientia pollent inter alios, quatenus opera eorum in negocijs vti possit. In assignandis hinc inde fratribus seruet, quod traditur, Romæ 1589. vt, abstineant à multitudine assignationum infra annum, vt vagandi tollatur occasio, & permittant Lectores prosequi censum lectionum cum eisdem discipulis. Neque concedant Præsidentibus Conuentuum assignationes indeterminatas, quas albas vocant, nec fratribus licentias dent absque temporis determinati designatione, quo transacto nullæ sunt, vt mandatur Valleoleti 1605. & confirmatur Romæ 1608. Procurent etiam certam habere notitiam de redditibus certis, & incertis quorumcumque Conuentuum, & de consilio grauiorum patrum singulis numerum præligant, vltra quem eos non aggrauent, vt de necessarijs providere possint vt traditur, & Valleoleti & Parisiis. Et si inter visitandū repererint loca in quibus religio minus foueri possit, quin potius sint ocij fomenta & scandali, maturo consilio discretorū renuntient, vt dicitur Barch. 1584. Et Valentię 1596. additur, vt loca in quibus ad minus quatuor fratres clerici morari non possunt, renuntientur, exceptis locis prouinciarum desolataram, & Indiarum, & his, quæ itinerantibus pro hospitio deseruiunt. Commissum etiam fuisse reperitur Prouincialibus Bonon. 1564. Romæ 1571. Barchin. 1574. Romæ 1580. & alibi, vt ad petitionem fratrum arde regularem vitam seruare volentium

vnus, vel plures Cōuentus deputent. Et præterea Valleoleti 1605. mandatur eisdem iuxta Constitut. Bonifacij VIII. vt in qualibet prouincia vnus, vel plures deputent Conuentus in quibus Constitut. cum omni rigore seruentur, nec in eis dispensetur in carnibus, & aliis regulari vitæ repugnantibus, nisi infirmitatis causa, ad quos tamen deputare non debent fratres, nisi sponte se exhibentes. Et huiusmodi fratres subditi suis Prouincialibus remaneant, nec possint formam habitus mutare, nec bona immobilia, aut preciosa alienare, nec alios fratres spernere, aut illis detrahre audeant, memores quod perfectio vitæ Christianæ in humilitate consistit. Et vice versa Prouinciales eos foueant in bono proposito, ac adiuuent, ne Domini spiritus in eis extinguatur. Et vt multa summarie annotemus, cauere debent Prouinciales infra scripta. Fugitiuos, & vagabundos non recipiant, nisi in carceribus, & punitos ad suos Conuentus remittant. Gratias siue remissiones pœnarum non concedant fratribus interuentu quorumcumq; secularium, iuxta Constitutiones Gregorij XIII. Clementis VIII. Pauli V. Nouitios ad habitum recipi non permittant, nisi habeant requisita tradita in Constitutionibus Apostolicis. Neque eos à cura Magistri abducant ante ordinem sacerdotij. Confessarios monialium non instituunt nisi ætate graues, & scientia præditos. Prædicatores non creent nisi præuio examine. Lectores nouitiis puris non assignent. Curent vt Conuentus in quibus nouitij aluntur bis in anno visitentur. Attendant, vt nedomabus non introducantur in prouinciis suis, sed reformationem in his quæ regularem obseruantiam concernunt introducant. Visitatoribus particularibus ad aliquos Conuentus visitandos missis visitationis tempus præfigant, vltra quod visitationem non protrahant. Non permittant Lectores artium tempore quadagesimæ ob conciones ordinariam lectionem dimittere. Ne Priores itinera voluntaria arripiant, & à suis Conuentibus facile recedant, diligentiam adhibeant. Studium linguarum, Græcæ, Hebraicæ, & Latinæ in Conuentibus vbi viget studium erigant, ac etiam Chaldææ in celebrioribus studiis, mandato D. Pauli V.

Insuper librum habeant quem regestum vocant, in quo principalia per eos acta notentur. Deputationes fratribus non nisi ad breue tempus concedant. Ad capitula generalia prouincialium proficiscantur, & si legitimum impedimentum obstitit Magistrum ordinis admoneant. Conuentibus in quibus electiones Prælatorum celebrandæ sunt nullum proponant eligendum, quod si necessitas id postulauerit, tres ad minus nominent. De translationibus conuërforum ad statum clericalem non se intromittant, nec de translationibus filiationum. Postremo Patissis 1611. admonentur, vt Prioribus Conuentuum auctoritatem, quæ eisdem per Constitutiones, & de iure communi concessa est, auferre aut limitare non attentent, & vice versa Priores facultatem Prouincialibus tantum concessam, sibi usurpare non præsumant. Hæc eadem seruare debent Vicarij Congregationum siue Vicariorum.

*De electione electoris Prouincialis, vel socij Prioris
euntis ad Capitulum Prouinciale.*

CAPVT XX.

Electio Prouincialis pertinet ad Priores, & vnum fratrem de quolibet Conuentu ad hoc idem pro qualibet electione de Prouinciali facienda, si pluries fieri contigerit, nouiter electum, nisi confirmator præsens fuerit, aut in tam parua distantia, quod ante dissolutionem prioris congregationis potuerit de cassatione electionis factæ, si eam cassari contingit, nuntium peruenire, tunc enim secūda, & tertia electio, si opus fuerit, ad eosdem pertinebit.

Qui electores à maiori parte vltra medietatem per disquisitionem Supprioris vel Vicarij eius, & duorum fratrum qui primitus habitum nostri ordinis susceperunt, &c. omnibus fratribus ad eum Conuentum pertinentibus conuocatis, eligantur, & ad eos pertinebit electionem Prouincialis celebrare, secundum formam in electione Magistri ordinis infra positam, excepto quod eos includi non oportet. *Ex cap. de electione Prouincialis.*

Ille elector in anno electionis Prouincialis sit etiam socius Prioris euntis ad capitulum prouinciale. Quod si eum impediri contingat antequam iter arripiat, Conuentus poterit alium eligere. Idem dicitur etiam de socio Prioris electo pro capitulo prouinciali. *Ibidem.*

Hi socij, & electores tantum de Conuentibus in quibus sunt assignati assumantur. *Ex cap. de electione diffin.*

In declaratione prædictorum videntur haberi duo dicta contraria, nam primo dicitur Priorem in electione electorum Prouincialium debere habere primam vocem, non obstante quod in Const. habeatur, talem electionem fieri debere per disquisitionem Supprioris, & duorum antiquiorum, & secundo subditur Priores non debere se intromittere de tempore, vel de die instituendo pro tali electione, nec de quocumque alio eorum quæ ad tractatū capituli prouincialis pertinent, vel ad electionē socij, nec eius electioni interesse debere, cū hæc ad Supprieores pertineant, nisi forsan dicatur primū dictū de electione electoris intelligi debere, secundum vero de electione socij. Qui elector vocem tantum habebit in capitulo illius anni, quod si eo anno supersedeatur à capitulo non erit admittendus ad capitulum sequens. Similiter si aliquis fuisset electus in electorem viuente Prouinciali, & postea contingeret eum mori aut amoneri, non erit talis frater verus elector, sed oportebit alium eligere quando electio fieri deberet per electores, & non per capitulum prouinciale.

Iste socius siue elector debet eligi per schedulas secundū formā canoniceam, vt traditū fuit Bononiæ 1564. Vbi etiam dicitur quod qui vno anno in vno Conuentu electus fuit in socium, non poterit in eodem Cōuentu anno sequenti eligi. Quod assertum reuocatum fuit Romæ 1569. Vbi vero non sunt quinque vocales excepto Priore non potest eligi socius, & ita electus non debet admitti, quia nulla est electio. Neap. 1600. Parisiis vero 1611. additur oportere esse ad minus sex vocales. Et qui vno anno sociū in vno Conuentu elegit, non poterit eodē anno in alio Conuentu alium eligere socium.

Quia absentia Suppriorum Conuentui valde damnoſa est, nullo modo debent eligi in socios Priorum, & qui oppositum fecerint, debent grauitè puniri, & voce priuari, ita dicitur in decl. cap. de elect. Prioris. Veruntamen Romæ 1608. declaratur Suppiores qui sunt Prædicatores generales posse ire ad capitulum, cum in eo vocem habeant. Simul autem cum electione socij debet formari scrutinium supra retentione vel amotione Prioris, iuxta seriem Const. cap. de capitulo Provinciali, vbi dicitur.

Fiat autem scrutinium secretum in conspectu omnium, super retentione vel absolutione Priorum, cum expressione nominum, & officiorum fratrum exprimentium vota sua præsentium in Conuentu, per Suppriorem vel eius Vicarium, & duos antiquiores in ordine, & sigillo Conuentus sigilletur, & mittatur per socium ad capitulum, & non debet publicari nec alicui ostendi.

Romæ 1571. declaratur huiusmodi scrutinia debere fieri iuxta morem ordinis, dispensando etiam super his qui per schedulas illa peragere solebant.

De electione Diffinitorum capituli provincialis.

C A P V T XXI.

IN singulis capitulis provincialibus, quatuor fratres de magis idoneis per disquisitionem Provincialis vel eius Vicarij, & Prioris, & Supprioris loci in quo celebratur capitulum, & si vnus defuerit per disquisitionem duorum, & si duo defuerint per disquisitionem duorum antiquiorum in ordine præsentium in capitulo, hoc modo eligantur. Prædicti duo vel tres scrutatores in eodem loco coram oculis omnium recipiant schedulas sigillatim omnium, conscribant nomina electorum in eis, & antequam fratres recedant, publicent scrutinium. Et illi in quibus plures conuenerint pro Diffinitoribus habeantur.

Prædicti Diffinitores eligantur die præcedenti diem assignationis capituli, & ex tunc illorum auctoritas incipiet. Quod si aliquem illorum durante capitulo mori vel impediri contigerit, alius eodem modo eligatur, qui loco de cedentis cum aliis omnia diffiniet, & tractabit. Qui in vno capitulo Diffinitores ele-

Si fuerint, sequenti anno ad idem officium non eligantur.

Declaratur autem quod ad hoc ut aliquis sit Diffinitor, non solum oportet ut habeat plures voces in comparatione aliorum, sed debet habere plures ultra medietatem. Et debent omnes quatuor Diffinitores eligi simul, & non sigillatim, nisi in illis prouinciis in quibus eliguntur per nationes. Et statim ut electi sunt, locum tenent super omnes fratres, inter se autem secundum ordinem graduum, vel Conuentuum dignitatem, & suam auctoritatem non possunt prorogare ultra decem dies, ut in Constit. notatur, cap. de solempni celeb. capituli, quod tempus etiam Diffinitoribus capituli generalis ibidem assignatur.

Ex hac autem declaratione deducitur. Diffinitores duobus modis eligi posse vel generaliter quando omnes vocales conueniunt ad electionem quatuor Diffinitorum, vel per nationes, quando vocales in quatuor partes diuiduntur, & unaquæque pars suum Diffinitorem eligit, ut fit in prouincia Lombardiz. Et Neapoli 1600. declaratur, quod in illis prouinciis in quibus collectim eliguntur, si accidit plures habere vota æqualia, illi præferantur qui aut ratione gradus, aut ratione antiquitatis in ordine alios præcedunt. Et si per nationes eliguntur, necesse est dicere duos antiquiores inter vocales vnius nationis, debere scrutari vota eligentium. Et Parisiis 1611. statuitur, ut ubi Diffinitores eliguntur per nationes, scrutatores vocalium etiam per nationes eligantur à patribus prouinciæ. In prouincia tamen Lombardiz nihil innovatum esse dicitur. Venetiis 1596. declaratur ad tollendas difficultates circa locum Diffinitorum, ut ipsi locum teneant inter se secundum ordinem Conuentuum, nec villo pacto detur locus primus Priori Conuentus in quo capitulum celebratur, si fuerit Diffinitor, nisi causa Magisterij honoratior locus sibi debeat.

De electione Diffinitoris capituli generalis.

CAPVT XXII.

STatuimus, ut imminente proximo capitulo generali Diffinitorum, in capitulo prouinciali eligatur vnus de magis idoneis à maiori parte capituli per disquisitionem Prouincialis, vel eius Vicarij, & Prioris ac Supprioris loci illius in quo capitulum prouinciale celebratur, & si vnus defuerit per disquisitionem duorum, & si duo defuerint per disquisitionem duorum antiquiorum in ordine præsentium in capitulo, eligatur, qui sit capituli generalis Diffinitor. Cui socius competens à Prouinciali, & Diffinitoribus assignetur. Qui Diffinitor, & socius solum ex suis prouinciis quorum sunt filij assumantur. quod si supersedeatur illo anno à capitulo generali, & in sequenti capitulo prouinciali, alter eligatur, hic erit Diffinitor capituli, si vero nullus electus fuerit, prior electus pro Diffinitore legitimo habeatur.

Nolumus

Nolumus autem quod qui in præcedenti capitulo electus fuerit Diffinitor, ad idem officium eligi valeat in anno diffitorum proxime sequenti. Si vero medio tempore decesserit, vel in Prouincialem electus fuerit, & confirmatus, vel aliquo modo impeditus, ita vt non possit ad capitulum generale venire, ipso iure eius loco socius eius Diffinitor habeatur, nisi forsan superuenerit Diffinitor, cui socius cedit, etiam post inceptam per eum diffinitionem. Quod si alterum eorum supradicto modo impediri contigerit primus Conuentus ad quem declinauerit, teneatur ei de competenti socio itineris providere.

Diffinitores capituli generalis per scrutinium canonicè eligi debent, & ideo prohibitum reperitur ne vocales in capitulo congregati committant Prouinciali aut Diffinitoribus capituli prouincialis electionem Diffinitoris prædicti, sed eligantur à maiori parte vltra medietatem iuxta seriem Constitut. Et Bonon. 1564. imponitur vt hæc electio fiat iuxta formam electionis canonicè traditam à Concilio Trid. Neap. 1600. instituitur, vt Prouinciales non possint eligi in Diffinitores capituli generalis diffinitorum tam primi quàm secundi, neque etiam deputari in socios eorum. Possunt tamen eligi Priores actuales. Et si quis Prior electus fuerit in Diffinitorem vel socium eius, propter eius absentiam à suo Conuentu non debet absolui, & si absoluitur, nulla est absolutio, nisi alia subsit causa.

Cum dicitur in Constit. Diffinitores, & socios debere esse de illa prouincia in qua eliguntur, declaratur, vnum dici de aliqua prouincia in hoc loco, quando in ea pro aliquo Conuentu illius prouinciæ professus est, vel quādo ad illam auctoritate Magistri ordinis, aut capituli generalis translatus est. Vnde quamuis frater alterius prouinciæ si in aliena prouincia per annum continuū moratus sit, habeatque alia requisita, possit eligere Priores, & eorum socios non tamen ipse poterit eligi in Diffinitorem vel socium eius. Romæ autem 1601. mandato S. D. N. Clementis VIII. ordinatur, vt in prouinciis quasi desolatis habentibus tantum aliquos Conuentus, non possint esse plures Diffinitores aut Prouinciales vnius alterius prouinciæ, ita vt quolibet prouinciæ vltra tria vota propria quæ habet in electione Magistri ordinis, non potest pro alienis prouinciis habere nisi vnum votum. Quādo autem in capitulo electionis Magistri ordinis nō habetur Diffinitor, & elector alicuius prouinciæ, tunc loco ipsorum debent duo Diffinitores cap. prouincialis, admitti, vt dicitur cap. de electione Magistri ord. Neap. 1600. Imponitur Prouincialibus, vt Diffinitoribus, & sociis euntibus ad capitulum generale dent sufficientem summam pecuniarū pensata qualitate personarum, & itineris, vt commo seire, & redire possint. Diffinitores tam capituli generalis quam prouincialis dicant Fidelium, etiam præsentem Priore. Vallesleti 1605. Et Diffinitores in anno diffinitorū tenebunt locum super Prouinciales Valentia 1596.

Hi socij cum contingit Prouincialem vel Diffinitorem ad capitulum non venire, & loco ipsorum diffinient, & socius Prouincialis tenebit locum post omnes Prouinciales, & si ibi erunt plures socij, illi inter se tenebunt locum suarum prouinciarum; sicut, & Diffinitores in anno Diffinitorum tenent locum supra Prouinciales, Valentiz 1596.

Quandoque etiam isti socij, Diffinitorum euadunt electores Magistri ordinis, nam data electione Diffinitoris, & deputatione socij eius in capitulo prouinciali, si post accideret mors vel amotio Magistri ordinis, & non suppeteret tempus eligendi electores illius, tunc Diffinitor prædictus, & socius eius essent electores Magistri in illo capitulo, quod esset capitulum Diffinitorum. Si autem non essent electi Diffinitor, & socius, neq; suppeteret tempus eligendi, tunc duo Diffinitores capituli prouincialis præcedentis antiquiores in ordine essent in capitulo generali electores. Ita pariter si fieret electio Magistri in capitulo generali prouincialium, & mors vel amotio Magistri ordinis accidisset post celebratum capitulum prouinciale, tunc etiam duo Diffinitores capituli prouincialis antiquiores admitti debent ad electionem, Hæc habentur capitulo de electione Magistri ordinis, & in decl. cius, & in actis cap. Romæ 1583.

De electione Magistri ordinis.

CAPVT XXIIII.

STatuimus, vt si ante festum S. Michaelis, vel in ipso festo contigerit Magistrum ordinis mori vel amoueri, Prior Conuentualis vel Prouincialis qui propinquior illi loco extiterit vbi Magister decessit, Parisiensi vel Bononiensi, sibi videlicet proximiori cum festinatione denuntiet. Alteruter autem istorum Conuentuum cui primo denunciatum fuerat, teneatur alteri nuntiare. Parisiensis autem Conuentus teneatur illico mortem vel amotionem prædictam nunciare Prouincialibus istis .s. Hispaniæ, Bethiciæ, Arragoniæ, Portugalliæ, Tholosanæ, Franciæ, Prouinciæ, Angliæ, Scotiæ, Hiberniæ, Germaniæ inferioris, Theutoniæ, & Prouinciarum Indiarum. Conuentus autem Bononiensis notificabit alijs Prouincialibus, .s. Lombardiæ, Romanæ, Regni, Trinacriæ, S. Thomæ, Calabriæ, Græciæ, Terræ Sanctæ, Bohemiæ, Dalmatiæ, Vngariæ, Saxoniæ, S. Petri Martyris, S. Dominici, & S. Catherinæ Senensis.

Si autem ante dictum festum S. Michaelis Magister ordinis decesserit vel amotus fuerit, nihilominus modo prædicto nuntietur, vt supersedeatur illo anno à capitulo generali.

Prouinciales igitur omnium prouinciarum singuli cum duobus

fratribus in capitulo provinciali electis à pluribus medietate omnium eligentium ad capitulum veniant generale. Si autem eo tempore fuerit celebratum capitulum provinciale, & fuerint in eo electi Diffinitor, & socius quia celebrandum erat capitulum Diffinitorum, tunc Diffinitor, & socius prædicti, erunt electores Magistri ordinis. Si autem in dicto capitulo provinciali non fuerint electi Diffinitor, & socius, quia proximum futurum capitulum generale non erat capitulum Diffinitorū, sed Prouincialium, tunc duo de Diffinitoribus capituli provincialis celebrati, qui primitus habitum nostri ordinis susceperunt, qui supersites sint, erunt illo anno electores Magistri ordinis, quorum antiquior erit etiam Diffinitor capituli. Qui si non venerit ad capitulum, aut extiterit Diffinitor præcedentis capituli generalis, tunc ad diffiniendum alter elector admittatur.

Qui postquam fuerint cōgregati in vigilia Pentecostes à Prioribus, & fratribus præsentibus in vno conclauī firmiter includantur, ita quod inde egredi nullatenus valeant, nec eis vllō modo alimenta subministrantur, quousque Magister ordinis secundum formam canonicam sit electus. Hoc autem tam ab electoribus quam à recludentibus præcipimus firmiter obseruari. Quod si quis contraire præsumperit, ipso facto sit excommunicatus, & pœnam grauioris culpæ sustinebit.

Forma autem electionis hæc est. Electoribus supradicto modo inclusis, si per scrutinium sit electio tres Prouinciales inter alios qui primitus habitum religionis susceperunt, voluntatem singulorum sigillatim, & seorsum aliquantulum coram oculis omnium recipiant, & conscribant, & notent numerum eorum qui electi sunt. Quod si inspirante Dei gratia in vnum omnes consenserint, aut maior pars vltra medietatem eligentium, ex vi talis electionis, & huius Constitut. ille sic electus, sit ordinis Magister.

Quod si aliquem vel aliquos de electoribus contigerit non venire, nihilominus per eos qui aduenerint, celebretur electio. Et hoc ita fiat, vt semper in secunda feria Pentecostes capitulum habeat Magistrum antiquum vel nouum, præsentem vel absentem, quia tunc incipit solemniter celebrari, ne acephalum iudicetur.

Hæc omnia quæ circa electionem Magistri statuta sunt, absque contradictione, præcipimus firmiter obseruari. Qui autem ausus fuerit contradicere pertinaciter vel rebellare, tanquam excom-

municatus, & schismaticus, & destructor nostri ordinis habeatur, & quousque satisfecerit à communione omnium sit penitus alienus, & pœnæ grauioris culpæ subiaceat. Præcipimus etiam in virtute Spiritus Sancti, vt nullus ante electionem Magistri ordinis statum ordinis aliquid audeat immutare.

Circa tempus electionis Magistri ordinis Constitutus aperte loquitur, nam si Magister moritur aut ab officio amouetur ante festum S. Michaelis, eligendus est Magister in vigilia Pentecostes proxime futura, idem etiam faciendum est si ipso die festo decedit. Si autem moritur vel amouetur post diem festum prædictum, reservabitur electio in subsequenter vigiliam Pentecostis. non illius anni proximi, sed subsequentis.

At pluscum difficultatis versatur circa electores, nam quamuis peritum sit ex qualibet provincia aduenire debere tres vocales qui sint Provincialis, Diffinitor, & Elector, quis tamen sit aut esse debeat Diffinitor, & Elector aliquando difficultatem habet. Dico igitur primo, quod si capitulum in quo celebranda est electio Magistri ordinis est capitulum Diffinitorum, distinguendum est, nam aut tempore mortis Magistri erat celebratum capitulum provinciale, & ex consequenti in eo erat electus Diffinitor, & socius, & hoc casu ambo isti vocem habebunt in electione, & socius Diffinitoris erit elector, aut non erat celebratum hoc capitulum provinciale, & tunc etiam subdividendum est, nam aut suppetit tempus celebrandi illud, aut non, si suppetit, celebretur, & eligatur Diffinitor, & elector, si non, duo Diffinitores capituli provincialis præcedentis, antiquiores in ordine superstitēs, sint electores Magistri, quorum duorum antiquior sit Diffinitor, & alter Elector, & si primus ad capitulum non venerit, aut in præcedenti capitulo generali fuerit Diffinitor, alter succedat, nam vnus non potest diffinire in duobus capitulis immediatis, & hoc est quod tradit Constitutio in illis verbis iuxta declarationem capituli Romani 1583. f.

Quando ex quacumque causa, non fuerint electi Diffinitor, & socius, vel electores, neque suppetat tempus vt eligantur, propter aliquod impedimentum legitimum iudicio discretorū, tunc duo diffinitores capituli provincialis, &c.

Hoc enim dictum ad capitulum Diffinitorum referendum est, non autem ad annum provinciale, vt ibidem dicitur. Si autem capitulum electionis sit capitulum Provinciale, siue sit celebratum capitulum provinciale, siue non, non debet aliud capitulum provinciale celebrari ad hunc effectum eligendi dictos Electores, sed assumi debent duo antiquiores Diffinitores capituli provincialis, qui erunt Electores Magistri ordinis modo dicto. Si tamen capitulum provinciale alia de causa celebraretur, tunc in eo eligi debent Diffinitor capituli generalis, & elector. Quod si contingeret antiquiorem Diffinitorem capituli provincialis, in Provinciale confirmatum fuisse tempore electionis, iudicandus est tanquam non superstes, & ideo alij duo sequentes munus electionis subibunt. Et ibidem. f. Romæ

1583. dicitur. Si antiquior illorum quatuor Diffinitorum capituli provincialis deficiet, aut morte, aut senio, infirmitate, vel alio impedimento, tunc primo succedat secundus, & secundo tertius, & tertio quartus, quod si omnes defecerint, recurrendum est ad capit. immediate præcedens, sic retrocedendo quousque provincia possit suis suffragijs gaudere.

Quoad formam electionis, non conveniunt in scrutatoribus huius electionis Constitutio, & declaratio, nam Constit. dicit tres de Provincialibus, qui primitus habitus nostri ordinis susceperunt debent voluntatem singulorum disquirere, & conscribere .i. iuxta decretum Conc. Trid. schedulas votorum recipere, & esse scrutatores, Declar. vero huius cap. dicit. Tunc Vicarius ordinis cum duobus Provincialibus, qui diutius habitum religionis portauerunt, vota singulorum disquirant, &c. In quam vero partem inclinandum sit iudices sint Superiores. Hoc tamen certum est, quod si Vicarius ordinis præter leges nostras esset à S. sede deputatus, non posset esse scrutator, cum nec vocem habeat per decretum Pauli III. quod reuocat Constitutionem Alex. VI. ut habetur cap. ult. Constit. Hæc autem sunt, quæ obseruari debent in electione Magistri ord. desumpta, tum ex formulario ord. tum ex declarationibus Constit. Primo deputantur examinatores vocalium, qui debent esse tres, vnus de Hispania, alter de Gallia, alius de Italia. Secundo in die electionis debet cantari missa de Spiritu Sancto, cui Vicarius ordinis cum Provincialibus, & Electoribus interesse debet, & debent in ea dici orationes de B. Virgine, & B. Dominico. Tertio congregentur fratres ad capitulum per Vicarium, & fiat sermo exhortatorius ad eligendum virum prudentem, discretum, maturum, doctrina, & virtutibus ornatum, zelatorem religionis, & obseruantie regularis. Quarto finito sermone includantur omnes electores in sacristia, vel alio loco per Priores, qui sunt in capitulo. Quinto in conclauilegatur Constitutio, & Rubrica de electione Magistri ordinis, & aliæ literæ Apostolicæ, si quæ sunt legendæ. Quinto seruentur, quæ supra tradita sunt seruanda in quacumque electione .s. perquisitio num placeat locus, & tempus celebrandi electionem per viam scrutiniij, protestatio de non admittendo, aut excludendo, non admittendos, nec excludendos, absolutio à censuris, inuocatio gratiæ Spiritus sancti per Hymnum, Veni Creator Spiritus, &c. & Antiphonam, Veni sancte Spiritus, &c. & orationem, Deus, qui corda, &c. Sexto scrutatores ad mensam in oculis omnium præparatam accedant, & primi schedulas suas in vna ponant, deinde omnes alij non turmatim, sed sigillatim, attendentibus scrutatoribus, ut vna tantum ab vno ponatur. Septimo numeret, ut videant, an sint æquales Electoribus, & percepta æqualitate aperiant, & legant eas, & notent quot vota quisque nominatus habeat. Octauo comburantur schedulæ. Nonno publicetur scrutinium per Vicarium electionis dicentem, quot vota quisque habuit. Decimo, si vnus à maiori parte vltra medietatem nominatus fuerit, dictus Vicarius, siue primus inter scrutatores formet decretum, ut supra, & ex vi talis electionis absque alia confirmatione electus sit Magister ordinis. Si autem primus in-

ter scrutatores reperitur electus, formet decretum secundus, ultimo in conclavi incipiatur. Te Deum, & fratres, qui sunt extra aperiant ostium conclavis, & prosequantur canticum, ad Ecclesiamque accedant duobus antiquioribus Prouincialibus Magistrum ducentibus post alios, & Magister prostrnat se ante gradus altaris, & antiquissimus Prouincialium dicat verbum, Saluum fac seruum tuum, &c. Dominus vobiscum. Oremus.

Concede quasumus omnipotens Deus, ut famulum tuum, quem ad regimen animarum nostrarum elegimus, dono tuae gratiae prosequaris, ut te largiente, cum ipsa tibi nostra electione placeamus. Per Christum Dominum, &c.

Postea iidem antiquissimi Prouinciales Magistrum eleuent, & faciant eum sedere in sua sede chori & interim ad capitulum pulsetur, & fratres sine processione ordine capitulum intrent, & ultimo Magister. Et positus in loco suo seipsum commendet orationibus fratrum, & proponat, quae proponenda habet circa spiritualia, & postea dicat, Adiutorium nostrum, &c.

De Magistri ordinis auctoritate, & officio.

CAPVT XXV.

Suprema est in ordine auctoritas, & iurisdictio Magistri ordinis super omnes fratres, & moniales, ab Apostolica sede immediate dependens, unde hic oportet priuilegia illi concessa recensere, Innocentius IV. in priuilegio suo primo, ei indulget, ut cum fuerit canonicus electus, illico confirmatus existat, & ut caput ordini praesideat, & haec sunt eius verba.

Cum igitur in Magister, & praedecessores tui iuxta eiusdem ordinis antiquam consuetudinem hactenus seruata, & a sede Apostolica tolerata, statim postquam electi secundum Constitutionis formam existitis, fratrum omnium curam gesseritis, magisterij officium plene, & libere in omnibus exercentes, ipsique fratres vobis deuote, & humiliter obederint, &c. Nos volentes omnem ambiguitatis scrupulum in hac parte de vestris cordibus amputare, &c. vestris supplicationis inclinati, ut successores tui Magistri, qui pro tempore erunt, statim postquam electi secundum Constitutiones praedictas fuerint, coispe veri eiusdem ordinis effecti Magistri curam animarum fratrum plene habeant, & libere gerant, ipsosque fratres auctoritate propria ligare, & soluere valeant, necnon in eodem ordine agere, quae ipsi Diffinitores iuxta memoratas Constitutiones secundum Deum viderint expedire, & magisterij officium licite in omnibus exercere, idemque fratres tibi, & successoribus tuis deuote, & humiliter intendant, &c. Apostolica auctoritate tenore praesentium, de fratrum nostrorum consilio indulgemus.

Idem recenset, & confirmat Sixtus IV. in Mari magno.

Consuetum tamen est ipso die electionis solemnii processione totius generalis capituli post vespertas Magistrum electum ad S. D. N. Papam deduci, & ab eodem humaniter, & beneuole recipi, quod, & solet toti ordini denuntiari in actis eiusdem capituli. Habet, etiam Magister ordinis illico electus iurisditionem super fratres Armenos. S. Basilij per diploma Bonifacii IX. quod est inter sua 6. & tale est.

Nos vestigijs inherentes Innocentij VI. Urbani V. ac nonnullorum prædecessorum nostrorum, dilectos filios fratres ordinis Armenorum Sancti Basilij, ac etiam visitatorum seu qui visiti, & Armeni nuncupantur, sub cura, & regimine ordinis fratrum Predicatorum auctoritate Apostolica subijcimus, & ponimus per presentes, statuentes, quod deinceps Magister dicti ordinis pro tempore existens per se, vel alium seu alios, in domibus, & locis omnibus dictorum fratrum Generales, seu Gubernatores, ac Vicarios, & alios officiales pro sua voluntatis beneplacito amovere, & electos confirmare, ac domos, & loca, ac fratres visitare, & ea qua correctionis, & visitationis officio noverint indigere, prædicta corrigere, & reformare prout de iure, vel consuetudine dicti ordinis fuerit faciendum, ac alia omnia, & singula erga fratres facere valeat, quæ præfatus Magister in ordine predicatorum facere potest, & debet, gratijs, & immunitatibus illis alias concessis in suo robore manentibus, Non obstantibus, &c.

Matinus V. plurima privilegia contulit Magistro ordinis, quæ habentur in suo privilegio 3. & hæc præcipua sunt.

Deuotus in hac parte supplicationibus inclinatus, & Benedicti, ac Gregorij II. & aliorum prædecessorum nostrorum vestigijs inherentes, de Apostolica potestatis plenitudine, ex certa scientia, tenore presentium indulgemus, Vt tu Magister ordinis, & successores tui pro tempore, in quolibet capitulo generali vni ex fratribus in theologia facultate prouecto, per tuam, vel successorum tuorum, necnon, & diffinitorum dicti capituli, vel aliorum Magistrorum ad hoc assumendorum, diligentem examinationem, sufficientem, & idoneum inuenio; magisterij honorem, & docendi licentiam in facultate prædicta largiri, & gratijs quibuscumque vri, & gaudere valeas, ac si in Parisiensi studio magisterium recepisset, possitis.

Quodque tu, & successores tui omnes, & singulos fratres ad partes infidelium transmissos seu in pœnitentiarios extra Romanam Curiam, & Inquisitores hereticæ prauitatis nec non Provinciales, Priores, Vicarios, Lectores, Baccalauros, per quoscumque, qualitercumque, & quauis auctoritate etiam nostra deputatos habereas; & in posterum deputandos, & alios quoscumque officiales, &c. renouare, & ab huiusmodi officijs, & administrationibus remouere, ac alijs loco ipsorum substituere, ac eorum officia limitare valeatis.

Vt etiam aliquem ex fratribus tui ordinis, Procuratorem deputare, & instituire, & institutum ab officio auouere, & alium loco eius ponere, semel, & pluries, toties & quouies, placebit, qui ipso facto omnium Provinciarum Conuentuum, & Locorum ordinis, & personarum censeatur Procurator, & sit, nec decedente Magistro ordinis expiret, donec per succedentem Magistrum aliter ordinetur, Dictusque Procurator possit causas quascumque tam civiles, quam criminales, ecclesiasticas, & mundanas, &c. per se, & per alium, seu alios, tam in Romana Curia, quam extra, contra quascumque personas, collegia, & vniuersitates mouere, & prosequi valeat, &c. valeatis.

Quodque tu, & successores tui cum quibuscumque personis tui ordinis virisque sexus, ex quorumque damnato coitu, procreatis, vel procreandis, vt ad quoscumque gradus, dignitates, honores, & officia in ipso ordine dumtaxat promoueri libere & licite possis, (generali excepto ordinis magistratu) auctoritate Apostolica dispensare valeatis.

Vt illos ex fratribus, qui forsitan ante legitimam ætatem se fecerint, aut permiserint à quocumque sacros ordines promoueri, ab omnibus senectijs, & pœnis, quas propterea incurrere

incurverint, eadem auctoritate absolvere, & super irregularitate forsitan per eos qualitercumque contracta, auctoritate Apostolica dispensare valeatis.

Ut quascunque verisq; sexus personas, tibi, & successoribus pro tempore, constitentes extra praedictam curiam, ab eorum peccatis in illis casibus tantum in quibus minores nostrae sedis paenitentiarj possunt, absolvere possitis.

Ut quonies tu, & successores tui per aliquas mundi partes iter facere contingerit, missam antequam dies illucescat circa tamen diurnam lucem celebrare, aut per alium idoneum sacerdotem celebrari facere possitis, ita ut vobis ad culpam imputari non valeat.

Iulius II. haec alia privilegia eidem Magistro concedit in suo privilegio.

Nos igitur tui supplicationibus in hac parte inclinati, auctoritate Apostolica ex speciali gratia concedimus, ut tu Magister, & successores tui, omnes verisq; sexus personas ad ordinem spectantes, licentiae ad confitendum peccata sua sacerdotibus alijs, disiciente idoneo ordinis Confessore, possitis.

Ut ad magistrerium in theologia, etiam peracto quadriennio lectura pro gradu & forma eius, servata tamen consuetudine dicti ordinis licentiam dare valeatis.

Ut moniales infirmas ad balnea de consilio medici, cum beneficio societatis fratrum licentiae valeatis, ita tamen, ut nulla sit omnino in honestatis suspicio, & vagationis, sine luxu.

Ut ordinationes factas à quodam Magistro ord. F. Vincentio Bandello, quamvis Apostolico praecepto firmatas, sicut & aliorum praedecessorum tuorum mutare, & revocare tu Magister valeas.

Idem Pontifex in suo privilegio 3. has eidem Magistro gratias confert.

Volumus, & tibi Magister ordinis concedimus, quod si in Consilio ordinis aut etiam circa privilegia ab ipsa S. Sede concessa vel in posterum concedenda, qua omnia tenore praesentium confirmamus, aliqua ambiguitas emergerit, tu illam quoad seriositatem conferentiarum tuorum quorumlibet tantum possis auctoritate Apostolica declarare.

Nolumus personas tui ordinis confessionalibus vel indulgentiarum litteris etiam per seculam sedem emissis vel emittendis, nisi consensu tuo accedente, & eo durante, gaudere posse.

Concedimus ut mulieres sorores quae de paenitentia vocantur, collegialiter viventes se tibi placuerit, & illa hoc cupiant, tria vota religionis in manus tuas, aut illorum quos duxeris deputandos, emittere licite valeant.

Binos praeterea fratres tibi de more socios, quorum unus Provincialis Terra Sanctae, aliter scriba esse solet, &c. ad Baccalaureatum, & Magistrum Theologiae gradus, & honores valeat promovere. Haec autem ita concedimus, ut eadem simili auctoritate successoribus tuis indulgeamus.

Idem Iulius II. in alio suo privilegio, quod habetur fol. 246. indulget, ut infra.

Volumus, & declaramus quod Magister generalis pro tempore, possit in regularis vitae fauorem eximere non solum Conventus fratrum à cura, & iurisdictione Provincialium, sed etiam monasteria sororum sub cura, & habitu eiusdem ordinis existentium, & collegia ac personas virisq; sexus utriusq; habitui eximere, quamvis secundum Consuetudinem, & privilegia Apostolica, ac fundaciones, cautum sit ut Provincialibus sub sint.

Iulius 3. duo privilegia infra notata Magistro ordinis praebeuit.

Concedimus tibi, & futuris generalibus, ut iuxta antiquam, & approbatam consuetudinem, unum ex sociis tuis nulla precedente electione, titulo Provincialis Terræ Sanctæ, vel Angliæ, vel alterius desolatæ provincie auctoritate Apostolica insignire valeas. Qui voce, loco, & alijs gratijs quibus ceteri Provinciales in dicto ordine, & cap. generalibus gaudere solent gaudeant, & potantur.

Item concedimus tibi Magistro, ut unum vel plures tui ordinis religiosos etiam in sacerdotio constitutos, in notarios siue tabelliones ad effectum ut inquisitiones, interrogationes, responsiones, attestations, confessiones, & alia quacumque qua circa negotiationem fidei, & officium inquisitionis pro tempore facienda occurrerint, constituere, & deputare possis, auctoritate Apostolica indulgemus.

Quantum vero habeat auctoritatem spiritualem super omnes fratres, & moniales circa absolutionem à peccatis, casibus, & censuris, & dispensationem super irregularitatibus, illegitimationibus &c. suis locis expressum fuit. Aduertatur tantum facultatem licentiandi moniales ad balnea moderatam fuisse per sac. Conc. Trid. sess. 25. cap. 5. quo in loco statuitur nemini sanctimonialium licere post professionem egredi à monasterio quacumque causa, nisi legitima ab Episcopo approbata quibuscumque priuilegijs non obstantibus.

Quædam etiam Magistro ordinis interdicta sunt, siue per mandata Apostolica, siue per nostras Constitutiones, quæ afferenda sunt. Vetitum autem reperitur nedum ipsi soli, sed etiam alijs Prælati ordinis concedere gratias aut gradus, & officia fratribus per mendicatos fauores existentium extra ordinem. Nam Gregorius XIII. ita digreditur in quadam sua Constitutione promulgata inter acta capiculi Romani 1580. Cuius summa est,

Dilectis filiis Magistro Generali, & Provincialibus, ac reliquis Prælati, per Apostolica scripta, & in virtute Sanctæ obedientie, precipimus, ne ad instantiam, & requisitionem quarumcumque personarum tam laicarum quam Ecclesiasticarum extra ordinem constitutarum, etiam Cardinalatus honore, ac quacumque seculari dignitate, etiam Regali, &c. fulgentium, cuius Religioso ullam gratiam concedere, vel penas aliquas remittere, præsumant, tenore præsentium, inhabilitantes fratres hac via fauores mendicantes, ad talia, & similia, & etiam maiora in ordine consequenda, à qua inhabilitatione non nisi per sedem Apostolicam dispensari posse volumus.

Clemens Papa VIII. aliam simile, & ampliorem edidit Const. talis tenoris.

Præfatam Gregorij prohibitionem de gratijs per mendicatos fauores ut præfertur, non concedendis, extendimus, & extendi debere decernimus, ad quoscumque gradus, honores, dignitates, officia, administrationes, functiones, & prælati eiusdem ordinis, Et propterea dilectis filiis Magistro Generali, Provincialibus, & alijs Prælati, eiusdem ordinis, auctoritate Apostolica in virtute S. Obedientie mandamus, ne post hæc aliquam gratiam, ad instantiam vel contemplationem, ut supra concedere audeant.

Quæ Constit. habetur in actis cap. Venetijs 1592.

Paulus V. eisdem Constit. ratificat, & confirmat his verbis.

Motu proprio, & ex certa scientia de Apostolica potestatis plenitudine dictorum Gregorij, & Clementis litteras, & in eis contenta quacumque, eorum tenores pro expressis habentes, auctoritate Apostolica perpetuo confirmamus, & approbamus, ac illis perpetua firmitatis robur adiciamus.

Ita habetur in cap. Romano 1608.

In Constit. etiam dist. 1. cap. 4. nu. 7. interdicatur Magistro ord. vt in fra.

Statuimus autem quod nec Magister ord. nec Prouincialis, aut quoquomodo in nostro ordine Præsident, aliquid accipiat directe vel indirecte, etiam sponte oblatum à quacumque persona siue Prælata siue subdita, prætextu literarum, sigilli, registri, licentiæ, confirmationis, & vniuersaliter cuiuscumque gratiæ, aut iustitiæ concessæ vel concedendæ, sed quilibet sit communibus contributionibus, & visitationibus contentus, &c. Et Magister ordinis, si in hoc excesserit à Diffinitoribus c. generalis corrigatur, & obstinate si restiterit, deponatur.

In capite autem 9. eiusdem dist. 2. nu. 6. dicitur.

Porro Magister ordinis, vel Prouinciales non mutant acta capituli prouincialis, aut generalis, nisi forte in speciali ex causa necessaria, & vtili. Item generale statutum ordinis, vel consuetudinem diu obtentam, & communiter approbatam in ordine, nec Magister ordinis, nec Prouincialis aliquatenus audeant immutare, nisi per tria c. fuerit approbatum.

Ex declarationibus infra notata sibi concessa apparent.

In capitulo Neapolitano 1600. declaratur, quod cum Magister ordinis omnimodam & plenariam habeat facultatem in toto ordine, tam in spiritualibus quam in temporalibus, tenentur omnes præsidentes Prouinciarum vicariarum, Congregationum, & Conuentuum siue Locorum ex officio sequere punire eos, qui quoquomodo ausi fuerint in discrimen vocare, vel aliquid tentare contra ipsius Magistri ordinis, & capituli generalis auctoritatem cum hoc sit supremum tribunal nostræ religionis. Quod vt faciant, ipsi sub pœna absolutionis ab eorum officiis districte mandamus.

Declaratur etiam in eodem capitulo, quod titulus Reuerendiss. Diffinitorio capituli generalis, & Magistro ordinis intra religionem à fratribus tantummodo debetur, nisi quis eodem potiaturo titulo ex privilegio sedis Apostolicæ, quod quidem ordini est insinuandum, vt per Constitutionem publicam eidem præstetur, quod sibi debetur. Repetitur idem Romæ 1608.

Admonetur etiam in eodē capitulo Reuerendiss. Magister ordinis, quod regulariter velit Romæ manere propter principaliora religionis negotia, & protectionem, & inde non discedere nisi urgente capituli generalis celebratione, vel aliquo alio negotio, vel visitatione, quæ suam omnino requirant præsentiam.

Ad Magistrum etiam ordinis solum pertinet concedere licentiam fratribus eundi Romam, ex dist. 2. capite de Itinerantibus, & decreto Apostolico quod habetur in cap. Romano 1601.

Facultatem dare vt Conuersi fiant clerici, & inde ad sacros ordines promoucantur.

Super. cap. de Conuersis.

Transferre affiliationes de vno ad alium Conuentū. *Cap. de Affiliationibus.*

Recipere ad habitum nostrū professos alterius ordinis. *Cap. de Recipiendis.*

Habilitare illegitimos ad gradus, & honores, Prioratus aut Dissinitoriatibus ibid. Restituere ad gratias ordinis qui per varia delicta priuati existunt,

De Inquisitoribus hæretica prauitatis.

CAPVT XXVI.

DE Inquisitoribus hæreticæ prauitatis dicimus non esse instituendos qui sufficienter in locis suæ inquisitionis nesciunt prædicare, quod si secus factum fuerit nullius sit roboris vel momenti.

Cap. de Predicatoribus.

Ex Constit. Bonifacij Papæ IX. quæ habetur dist. 2. cap. 17.

Statuimus, quod ordinis prædicatorum contra ordinis minorum, nec eiusdem ordinis minorum fratres, Inquisitores hæreticæ prauitatis pro tempore existentes, contra ordinis prædicatorum fratres aut etiam dicti ordinis prædicatorum fratres Inquisitores sine licentia Magistri aut Prouincialium, contra ipsos confratres eiusdem ordinis inquirere nequaquam possint, aut debeant. sed si quid prædicatorum contra prædicatorum vel minorum fratres, Inquisitores, & minores contra prædicatorum fratres de prauitate huiusmodi præsenferint, ad sedem Apostolicam, vel dictorum fratrum Superiores deferre teneantur.

Quoad institutionem, & destitutionem Inquisitorum, sunt multa rescripta Apostolica in quibus standum est, omittis decretis religionis.

In primis Sixtus IV. in Mari magno ita statuit.

Illos vero ipsius ordinis fratres, qui ad prædicandam crucem, vel ad inquirendam contra hæreticam prauitatem, seu ad alia huiusmodi negocia sunt, vel fuerint deputati, à sede Apostolica, in fili Magister, cuiq; successores remouere, seu renouare, & penitus transferre, ipsiq; quod supersedeant iniungere, aliosq; substituere, cum expedire uideritis, licite, & libere valeatis, ac in eos si contra inierint censuram Ecclesiasticam exercere, ac quilibet Prouincialis, & Vicarius eius, id ipsum in sua Prouincia circa fratres ipsius ordinis, quibus ab eadem sede similia committi contigerit facere possit, concedimus. Non obstantibus, &c.

Idem de verbo ad verbum concesserat Innocentius IV. vt habetur libro priuilegio fol. 246.

Sixtus IV. in eodem Mari magno prope finem decernit, vt infra.

Ceterum vt dictorum ordinum, scilicet prædicatorum, & minorum professores, qui Inquisitores hæreticæ prauitatis in diuersis mundi partibus deputantur, tanto diligentius eorum officia studant exercere, &c. quanto cognouerint, posse eorum errores sacrosus corrigi, concedimus, & statuimus, quod Magister prædicatorum, & Minister minorum, nunc, & pro tempore, generales, existentes, & si per dictos Inquisitores suorum ordinum reseruitur examinare, & querelas contra illos propositas audire, ac super illis,

quantum eis videbitur iustum, & equum statuere, & ordinare. Et si aliqui eos deliquisse inuenerint, illos iuxta excessum indigentiam etiam per amotionem ab officio, & alias corrigere, & punire libere & licite valeant. Et Predicatorum in minorum, & contra minorum ordinis inquisitores in Predicatorum professores quoscumque, officio Inquisitionis huiusmodi fungi illudque exercere nullatenus possint, absque licentia sedis Apostolica, &c.

De Inquisitoribus in Italia & præcipuè in Lombardia instituendis exat Constit. Innocentij 4. ex directorio Inquisitorum quæ est.

Volentes igitur in provincia Lombardia à Bononia, & Ferrara inclusivè, usque ad ultimos fines superiorum partium eiusdem Prouinciæ ac Marchie Lannensi, per aliquos de fratribus tui partem nostrâ sollicitudinis impleri, discretionis iuxta (sc. Prouinciali) per Apostolicam rescripta mandamus, quatenus tu, vel Vicarius tuus eam contigeris te abesse de consilio discretorum fratrum quatuor fratres tui Prioratus, viros ædum habentes Christianæ fidei, opere & sermone potentes, assuam, eisque inquisitionis officia committas contra hæreticos, eorumque sanctores, & complices, &c. exequendum iniungas. Si vero quemquam eorumdem ex causa videris esse amouendum, alium illo amoto substituas, &c.

Urbanus 4. ex directorio aliam Constitutionem edidit in fauorem Inquisitorum, quæ est.

Necatholica fidei negocium in partibus Lombardiæ, & Marchie Lannensis, Inquisitoribus fratribus commissum contingat impediri ex personarum defectu, volumus, & presentium auctoritate districte præcipimus, quatenus tu Prior Prouincialis singulis prædictis fratribus, i. Inquisitoribus, singulos socios fratres prædicti eruditius prouidos, & discretos, negotio fidei congruentes, sublata qualibet difficultate assignare procures, & nihilominus tam tu, quam alij Priores, Supplices, Vicarii, &c. quoties ab eisdem fratribus, quibus dictum negocium fidei commissum est, aut committetur, fueritis requisiti, de aliis etiam fratribus præter eos qui in sociis deputati fuerint, cum omni promptitudine providere curetis, &c.

Hodie tamen in tota Italia delegantur Inquisitores non à Prælatibus ordinum, sed ab Illustriss. D. Cardinalibus Inquisitoribus generalibus in tota Republica Christiana.

Pius 4. ex dicto directorio hanc promulgauit Constit.

Mota proprio &c. statuimus quod de cætero in omnibus Christiani orbis partibus Inquisitores haretica prauitatis, tam generales quam particulares, contra quoscumque religiosos etiam mendicantes, quouis modo privilegiatos & exemptos, de heresi suspectos, aut culpabiles, dummodo ab eorum Superioribus, & Prælatibus in causis huiusmodi præueniri non fuerint, iuxta facultates Sancti officij, inquirere, & procedere, aut culpabiles reperiros iuxta canonicas sanctiones castigare, acque punire, & alia etiam agere libere, & licite possint, & valeant, super quibus plenam, & liberam eisdem Inquisitoribus facultatem concedimus.

Demum Paulus V. hanc Constit. Pij 4. moderatur modo ut infra, recensita prius dicta Constit. verbatenus.

Nos igitur de consilio D. D. Cardinalium, Generalium, Inquisitorum, &c. Mota proprio omnia privilegia Prælatibus religiosorum etiam mendicantium concessa, &c. & per sedem Apostolicam approbata, & confirmata, & huiusmodi temporales & spirituales

ta, causas ad Sanctum officium spectantes cognoscendi, & terminandi, auctoritate Apostolica tenore presentium cassamus, & abolemus. Ipsique Prelatis etiam Generalibus, &c. de cetero quousque colore, in eisdem causis, motis, & mouendis, quoquomodo se intromittere, denuntiationes recipere testes examinare, processus conficere, causas ipsas cognoscere: &c. simili auctoritate inhibemus, volentes & expresse mandantes, ut religiosi possint, & debeant alios religiosos de herefi suspectos, Inquisitoribus vel Ordinariis locorum vicinioribus, libere denuntiare, absque hoc quod Superiores personas denunciandas, & causas perquirere, vel quomodolibet impedire, aut retardare audeant, vel presumant. Insuper omnes, & quascumque causas ad dictum officium pertinentes, contra quoscumque religiosos, etiam exemptos, ad nos harum serie auocamus, & eas in terminis in quibus reperiuntur Inquisitoribus, vel Ordinariis locorum vicinioribus committimus, &c.

Ex decl. cap. de Prædicatoribus hæc colliguntur.

Inquisitores actu non exercentes officium S. Inquisitionis, vel non se actu occupantes in eodem, existunt in potestate, & obedientia suorum Prælatorum siue Priorum, & eorum obedientias tenentur implere cum effectu, sicut, & cæteri fratres & ad chorum venire, & alia officia facere, nec debent extra Conuentum exire sine licentia suorum Prælatorum, & tenentur venire ad capitula.

Tenentur etiam de personalibus singulis annis reddere rationem suo Priori Conuentuali, de pertinentibus autem ad officium suo Priori Prouinciali.

Nunc autem dati, & accepti in officio rationem reddunt dictis Illustriss. D. Card. supremis Inquisitoribus generalibus.

Ex decl. cap. de capitulo generali habetur, Inquisitores qui non sunt Magistri teneant primum locum post Supiores, & Baccalaureos.

Nunc vero ex concessione Sacre Congregationis Sancti officij, tenent locum supra Supiores, & etiam altiore.

In cap. Romano 1580. dicitur, locum Ad. R. P. Commissarij in vrbe esse immediate post Ad. R. Prouincialem Romanum cum in Vrbe morari contingerit, & Postalios Prouinciales cum ad alias Prouincias proficisci eum oportuerit.

Romæ vero 1583. additur dictum Ad. R. Commissarium nedum habere locum post Prouincialem Romanum, sed etiam post omnes Prouinciales, & Vicarios Congregationum, & Vicariatum.

Romæ 1580. Admonentur Prouinciales, quod si inquisitores in Priores eligi contingerit, non consumentur, nisi consulto Magistro ordinis ne forte Sanctum officium Inquisitionis impediatur.

Nunc autem oportet ab Illustriss. D. Cardinalibus generalibus Inquisitoribus consensum habere.

De Protectore ordinis.

CAPVT XXVII.

DE institutione Protectoris ordinis, ac illorum protectione nil in nostris Constitutionibus, aut declarationibus, nec etiam in priuilegiis

ordini nostro concessis habemus, sed hæc ab aliis mendicare debemus.

Sixtus 4. in suo priuilegio 3. inter nostra priuilegia inserto multa dicit de Protectoribus, & primo refert de verbo ad verbum quādam Constitutionem Gregorij XI. cuius summa hæc est, & conceditur fratribus ordinis minorum.

Sane cum in B. Francisci regula hæc verba contineantur expresse v3. Per obedientiam ad hæc iniungo Ministris vt petant à D. Papa vnum de S. Romana Ecclesia Cardinalibus, qui sit Gubernator, Protector, & Corrector istius fraternitatis, vissemper subditi, & subiecti pedibus eiusdem S. Romæ Ecclesiæ, stabiles in fide catholica, paupertatem, & humilitatem, & Sanctum Euangelium Domini Iesu Christi, quod firmiter promissimus, obseruemus. Es ob id fratres semper pro tempore Protectorem petierunt, & obtinuerunt, sed aliqui Protectorum potestatem suam nimium extendisse dicuntur.

Nos igitur vt dictus ordo in sua quiete permaneat, &c. auctoritate Apostolica eisdem Protectoribus inbibemus districte, ne presumant.

Quæcumque ordinata statuta sine disposita, aut ordinanda statuenda & disponenda per generalia, aut prouincialia capitula, infringere, reprobare, corrigere, suspendere, dispensare super ipsis, vel contra ea aliquid immutare, quod contra regulam articulos extiterit manifeste aut quæcumque Prælatum, seu officialem dicti ordinis quocumque nomine nuncupetur, ponere seu instituere, deponere seu destituere, aut priuare, vel à suo officio suspendere, aut super eius libero exercitio, impedire.

Aliquem fratrem, ad lectoratum, vel quæcumque lecturam, seu studium, vel gradum promouere, aut promotos ab eis remouere, seu etiam reuocare aut de loco ad locum mittere aut mutare.

Aliquis fratri eundem ad quodcumque monasterium, vel locum alium, aut dominium, vel aliquam personam, licentiam impartiri.

Nec quemvis singularem fratrem de quocumque crimine punire, vel à pena liberare, aut eam minuire, augere vel immutare.

Auc etiam alicui fratri Locum, Cameram, cellam, Libros vel alias res dicti ordinis concedere, vel eius vsui deputare, aut quæcumque per Prælatos deputata, quomodolibet amouere, nec de rebz, aut correctione fratrum se intromittere quouis modo, ita vt dictus ordo, & ordinis fratres in nullo subiant suis iuris Protectoribus, nisi dumtaxat in casu quo fratrum communitas, vel capitulum generale, (quod absq) ab articulis regulæ, vel eorum aliquo deuiarent, alioquin si secus fecerint, id decernimus irritum, & inane, & fratres qui aliquid contra hanc nostram inhibitionem impetrabunt, vel impetratis etiam per alios ventur, puniantur eip penis quibus pro grauibus culpis secundum statuta ordinis puniri solent.

Cæterum, Protectores hortamur attentius sic nominis sui procrent effectum, quod ordo ipse non ladeatur in aliquo, sed potius ab aduersis oportuno defensionis clypeo protegatur, &c.

Subinde idem Sixtus 4. huic enarratæ Const. addit.

Dilecti filij F. Zanetti de Vltimo Ministri generalis, & totius generalis capituli supplicationibus inclinati, inhibitionem, & literas prædictas presentium tenore approbamus, & robur perpetua firmitatis obtinere debere decernimus, & Protectori qui pro tempore eius inhibitionem fore declaramus, ne nisi in casibus in literis prædictis

expressis se impediat. Neque in illis, dum non vniuersi, sed tantum a ligni illorum in quouis numero à fidei vnitare, & S. Romana Ecclesia obedientia deuiarent, vel regulam præfatam, non obseruarent.

In Compendio Priuilegiarum ord. min. refertur Iulium II. confir. masse prædictas literas Gregorij 11. & Sixti 4.

Rodericus in suo bullario inter bullas Gregorij 13. refert Const. quæ est eius 4. in qua roborat omnes prædictas concessiones Gregorij 11. & Sixti 4. & Iulij 1. & eas authenticas esse declarat, & subdit.

Ceterum nos, eosdem futuros Protectores hortamur assensius, quod præfati sic efficacem nominis sui officij procurent effectum, quod ordo per eos non ledatur in aliquo, sed potius ab aduersis suis oportuno defensionis clypeo, protegatur, & à noxis præseruetur, ut ex charitatis eorum gestis quierem, & consolationem præcipiat.

Vnde Collector priuilegiarum ordinis minorum obseruat Protectores in tribus tantum casibus se posse intromittere. s. quando non aliqui fratres sed tota communitas, vel capitulum generale deuiaret ab vnitare fidei, ab obedientia Romanæ Ecclesiæ, aut ab obseruantia regulæ. Credibile tamen est eos ampliorem habere potestatem, cum aliquando maiorem exerceant.

De Capitulo quotidiano.

CAPVT XXVIII.

Finitis matutinis teneatur capitulum, vel aliquando post primam vel etiam intermittatur, ne studium impediatur, secundum quod Prælato videbitur. Ingresso capitulum Conuentu, lector pronuntiet lunam, & quæ de calendario pronuntianda sunt, & Sacerdos prosequatur, Preciosa est, &c. deinde residentibus fratribus lector pronuntiet lectionem de Constitutionibus, vel de Euangelio pro tempore, præmisso, Iube domne, &c. Et hebdomarius subiungat, Regularibus discipulis, &c. vel Diuinum auxilium, &c. pro tempore, & facta absolutione pro defunctis, dicat qui tenet capitulum, Benedicite, & responso, Dominus, inclinent omnes deinde dicto à Priore. Retribuere dignare, &c. dictis etiam à Conuentu Psalmis, Ad te leuaui, &c. Et de profundis, &c. Kyrie eleison, &c. Pater noster, &c. Subsecutis etiam tribus versiculis. s. Oremus pro Domino Papa, &c. Saluos fac seruos, &c. Requiescant, &c. Dominus vobiscum, &c. Ab Hebdomario dicendis, cum his tribus collectis, Omnipotens sempiternus Deus qui facis, &c. Prætende, &c. Fidelium Deus, &c. Deinde resident fratres.

Tunc Prælatus poterit dicere breuiter si quid ad honestatem ordinis, & correctionem fratrum viderit expedire. Post hæc au-

tem egrediantur Nouitij. Quibus egressis dicat qui præest. Faciant venias qui se reos existimant. Continuo qui se reos intellexerint prostrati veniam petant. Deinde surgentes confiteantur culpas suas humiliter. Et quorum culpa talis est, quæ digna sit correctione, præparent se ad correctionem, quam Prior faciat vel ille cui inuenerit.

In capitulo vero nisi duabus de causis fratres non loquantur. scilicet culpas suas dicendos, vel aliorum simpliciter, & Prælati suis tantum ad interrogata respondendo. Vno etiam fratre loquente alius non loquatur. Nullus faciat proclamationem ex sola suspitione. Item nullus accuset de auditu, nisi dicat à quo audierit, & ille sit præsens in Conuentu.

Auditis vero culpis dicatur Psalmus, Laudate Dominum omnes, &c. cum versiculo, Ostende nobis, &c. Dominus vobiscum, &c. & collecta, Actiones nostras, &c. In fine dicat Prior, Adiutorium nostrum &c.

Capitulum de culpis si non potest fieri quotidie propter studium, & alias occupationes, debet saltem teneri in qualibet septimana, vel ad tardius semel infra quindenam, vt recitentur beneficia, & commendentur benefactores orationibus fratrum.

Cum dicitur fratres debere facere venias, ita debent intelligi veniæ, vt fratres se posternant non supra ventrem, sed super vnum latus in longum, tibiam vnā super aliam tibiam tenendo.

Hoc autem capitulū vocatur de culpis, quia fratres debent se accusare de omissione, & transgressione regulæ, quæ quāuis ex se essentialiter culpa non sit, dicitur tamen culpa antecedenter vel consequenter: antecedenter quidem, si ommissio vel transgressio fiat ex negligentia, non autem ex obliuione, aut fragilitate, aut inaduerentia consequenter si renuunt subire pœnam: nam in his ommissio, & transgressio, est peccatum veniale, & etiam mortale, si id fieret ex contemptu. De his dictum est supra.

Debent autem fratres in his capitulis accusare se de commissis manifestis contra regulam, & Constitutiones.

Venetis 1592. ordinatur, vt Priores, & locorum Præsidentes teneantur sæpius capitulum facere, ad minus de quindena in quindenam, gratias Deo cum suis subditis de receptis beneficiis reddituri, pro benefactoribus precaturi, & eosdem subditos ad regularem obseruantiam hortaturi, quando & de commissis defectibus illos reprehendere, & charitatiue corrigere tenebuntur. Confirmatur Valentini 1596. addendo tale capitulum fieri debere omni hebdomada, & tenebuntur Præsidentes audire culpas vnus chori à minus, vt in sequenti capitulo pro altero satis fiat. Repetitur idem Romæ 1601. & Valleoleri 1605. vbi etiam dicitur, quod Priores negligentes in hoc à Prouinciali à suis officiis absoluantur.

CAPVT XXIX.

Capitulum prouinciale post capitulum generale (quando, & vbi Prouincialis cum consilio Diffinitorum elegerit) celebretur. Capitulum autem prouinciale appellamus Priores cum singulis sociis à pluribus de capitulo suo vltra medietatem eligentium electis, & Prædicatores generales. Prædicatores autem generales dicimus Magistros in Sacra Theologia, & qui per Prouincialem, & Diffinitores Capituli prouincialis instituti sunt. Prouinciales etiam absoluti in prouinciis in quibus præfuerunt locum, & vocem habeant in electionibus Prouincialium Diffinitorum, & electorum Magistri ordinis. Et nullus Prior ducat secum plures fratres ad capitulum sine causa legitima.

Quod si Prouincialem à capitulo abesse contigerit, nec vices suas alicui commiserit, vel ille cui commiserit aliquo casu absens fuerit; Prior illius Conuentus in quo capitulum celebrandum est cum Diffinitoribus capituli in celebratione eiusdem procedat. Et prædicti Diffinitores electi vt supra tractabunt omnia, & diffinient cum Prouinciali, quod si in diffinitionibus se diuiserint in partes æquales, illorum sententia præualebit, in quorum partem Prouincialis declinauerit, alias vero sententia plurium præualebit. Si autem in absentia Prouincialis, vel eius Vicarij, partes sint æquales, vnus eligatur de capitulo, & in quorum partem consenserit, illorum sententia præualebit.

Isti etiam quatuor Diffinitores excessum Prouincialis confessi vel proclamati in capitulo coram fratribus audiant, & emendent, ei poenitentiam iniungentes. Si autem (quod absit) incorrigibilis extiterit, ipsum vsque ad capitulum generale suspendat ab officio prouincialatus, & eius excessum referant ad capitulum generale scripto communiter sigillato. Prouincialis etiam cū Diffinitoribus in quolibet capitulo determinent tempus, ante quod fratres ad capitulum sequens non veniant. Et Priores cum suo Conuentu capitulo prouinciali scribāt debita domus suæ, & causas debitorum. Similiter etiam Prouincialis, & Diffinitores suarū prouinciarum debita cum suis causis scribant capitulo generali.

Nulla petitio offeratur capitulo prouinciali nisi à Conuentu, nec generali capitulo, nisi à capitulo prouinciali, fuerit approbata. Nullus religioſus alterius ordinis, nec ſæcularis cuiuſcumque conditionis, ſecretis vel tractatibus capituli admittatur vlllo modo.

Capitula prouincialia deinceps ſint biennialia, & in quantum Prouinciali, & Diffinitoribus videbitur expedire. In ſingulis capitulis prouincialibus, auditis culpis, fiat ſcrutinium in conſpectu omnium ſuper retentione vel abſolutione Prouincialis, cum expreſſione nominum & officiorum fratrum, per Diffinitores capituli prouincialis, quod ſcrutinium non publicetur nec alicui oſtendatur, ſed ſtatim coram oculis omnium Diffinitorum ſigillis omnium Diffinitorum ſigilletur, & per Diffinitorem capituli generalis, vel eius ſocium Prouincialis in anno Prouincialium, ad capitulum generale deferatur.

Antiquitus quando ſingulis annis celebrabantur capitula generalia, poſt capitulum generale celebrabatur capitulum prouinciale, in quo publicabantur acta capituli generalis antea iniri, & eligebatur Diffinitor capituli generalis ſequentis, ſi erat capitulum Diffinitorum, vel assignabatur ſocius Prouinciali, ſi erat capitulum prouincialium. Poſtea vero ſtatutum fuit, accedente etiam auctoritate Gregorij 11. vt capitula generalia eſſent biennialia vel triennialia, & capitula prouincialia eſſent biennialia, quorum vnum congregabatur ſubito poſt capitulum generale, alterum vero poſt duos annos, ante tamen ſequentis capitulum generale. Et in hoc eligebatur Diffinitor, vel ſocius Prouincialis vt ſupra, & fiebat ſcrutinium ſuper retentione vel abſolutione Prouincialis. Nunc vero capitula generalia ſunt triennialia, & inter duo capitula generalia, mediant duo prouincialia. Imo Barchin. 1574. Admonentur Prouinciales, vt nulla ratione niſi grauiffima, nec inconſulto Magiſtro ordinis, omittant celebrare capitula prouincialia intermedia, cum hinc ſequantur incommoda, & non formetur ſcrutinium ſuper retentione vel amotione Prouincialis, & aliquando Diffinitores pro capitulo generali non habeantur.

Valentiz 1596. ordinatur ad tollenda grauamina ſubditorum, ſiue vera, ſiue prætenſa vt prouinciales, & Vicarij congregationum in capitulo prouinciali ſubeant iudicium ſuæ adminiſtrationis, & proponitur modus eligenditres Patres, quorum vnus ſit iudex, alij duo ſint conſultores ſuper querelis exhibitis contra eos. At in capitulo Romano 1601. dicitur. Reuocamus ordinationem factam in cap. Valentino, in qua præfigitur modus quo Prouinciales, & Vicarij congregationum iudicium ſuæ adminiſtrationis ſubire debent. Sed iterum Romæ 1608. ordinatur iuxta ſeriem Cõſtit. vt Prouinciales expleto ſui regiminis officio Diffinitoribus capituli prouincialis rationem reddant datorum, & acceptorum in officio, & quæ ſuperſunt, reponantur in communi depolito prouinciz. Quod & Paſſiis
Rr ij

1611. confirmatur, & apponitur, vt non solū de administratione temporalium, sed etiam de regimine, & actionib. rationē reddant. Constit. autē cap. de nouitiis, hęc verba habet. Quicūque frater pecuniam, vel alia quæcūq; receperit, expēderit, dispēsaauerit aut dispēdari fecerit, reddat singulis annis maiorib. suis rationē semel vel pluries si fuerit requisitus. f. Magister ordinis Diffinitoribus cap. generalis, Prouincialis Diffinitorib. c. prouincialis, &c.

De Capitulo generali.

CAPVT XXX.

Capitulum generale vna vice vltra montes, altera vice citra montes alternatim de triennio in triennium celebretur, nisi Magistri cum Diffinitoribus, vel cum discretorum consilio maturo, ex vrgentissima causa illud alibi assignare, aut assignatum præuenire, vel etiam prorogare, necessarium videatur, & nisi obitus Magistri ordinis acciderit. Quo eueniente fiat sicut decretū est capite de electione Magistri ordinis. Diffinitores autē in duobus capitulis, & Prouinciales in tertio capitulo cum Magistro ordinis omnia diffinient, constituent, & tractabunt. Quod si in partes æquales se diuiserint, illorum sententia præualebit, in quorū partem Magister ordinis inclinauerit. Si autem in partes inæquales, obtineat sententia plurium. Quod si aliqui ad capitulum præpediti non venerint, illi qui venerunt cum Magistro ord. omnia pertractabunt.

Si vero Magistrum aliqua occasione contigerit abesse, vnus de Diffinitoribus à Diffinitoribus, vel maiori parte illorum assumatur in Magistri ordinis Vicarium modo expresso cap. De Vicario ordinis, &c. Isti autem Diffinitores habebunt plenariam potestatem super excessu Magistri ordinis corrigendo, vel eo penitus remouendo. Ipsorum vero sententia tam in his quā in aliis inuiolabiliter obseruetur, ita quod à nemine ab illorum sententia liceat appellare. Et si appellatum fuerit, friuola & nulla appellatio habeatur. Appellationem enim intra nostrum ordinē, sub interminatione anathematis fieri inhibemus, cum non venerimus cōtendere sed, delicta corrigere. Item ad nullum iudicem extra ordinem, nisi ad sedem Apostolicam, cui ordo immediate subiectus est, aliquod membrum ord. subditum recurrat pro iustitia, sub pœna absolutionis ab officio si est Prælati, & priuationis vocis actiui, & passiuæ quoad alios, vtraquē ipso facto incurrenda.

Diffinitores igitur prædicti, quando eis videbitur expedire

excessum Magistri ordinis seorsum corrigant, & emendant. Qui coram ipsis humiliter se prosternens veniam faciat, & stans de suis excessibus se accuset, & Diffinitores audiant accusantem. Auditoris vero accusationib. secedat, vt eo absente, Diffinitores de eius correctione conferant, & disponant. Quod si prauaricator ordinis fuerit, aut contemptor, aut adeò negligens, & remissus quod ordinis dissolutionem, & destructionem inducat, moneantur à Diffinitoribus vt magistratui cedat, & locum ad manendum sibi eligat, vt possit honeste conuersari. Alioquin amouendi eum ab officio magistratus liberam habeant facultatem. Cessio autem Magistri non admittatur à Diffinitoribus, nisi propter aliquod prædictorum, aut defectum, aut impotentiam, quæ ipsum ab executione officij perpetuo impediret. Perpetuum autem dicimus quod Diffinitores, de prudentum consilio perpetuum iudicabunt.

Diffinitores autem, Dominica infra octauas Ascensionis Domini, vel sabbato præcedenti locum capituli intrare teneantur, & alibi ordinate loca sua teneant, quousque tempus suæ diffinitionis expiret.

Item in virtute Spiritus, & S. Obedientiæ præcipimus, ne quis causam depositionis Magistri ordinis, vel Prouincialis, vel eorum excessum, siue correctionem, vel secretum capituli, aut dissensiones Diffinitorum vel fratrum, vnde ordo noster possit turbari, vel infamari, audeat scienter extraneis publicare. Si quis autem ex deliberatione contra fecerit, tanquam excommunicatus, & schismaticus, & destructor nostri ordinis habeatur, & quousque satisfecerit, à communione omnium sit penitus alienus, & pœnæ grauioris culpæ subiacebit. Eadem distictione præcipimus, ne quis verbo vel facto ad diuisionem ordinis audeat laborare, quod si fecerit pœnæ grauioris culpæ subiacebit.

Statuimus etiam, & in virtute Spiritus Sancti, & S. Obedientiæ, & sub interminatione anathematis prohibemus distictione, ne Prouinciales Diffinitoribus, & Diffinitores Prouincialibus, per suas diffinitiones præiudicium aliquod audeant generare. Quod si facere attentauerint, prohibemus ne in hoc aliquis præsumat eis obedire.

Statuimus etiam, vt in capitulo in quo celebratur electio Magistri ordinis, si fuerit capitulum Prouincialium, vnus ex electo-

ribus admittatur ad diffiniendum cum Prouincialibus, & si vnus vel primus electorum defuerit, alter succedat. In anno verò Diffinitorum cum Diffinitoribus Prouinciales conuenient. Prouinciales eunti ad capitulum generale socius detur à Diffinitoribus capituli prouincialis, & si contingat Prouincialem impediri ita vt non accedat ad capitulum generale Prouincialium, socius loco ipsius admittatur cum Prouincialibus ad omnia tractanda, & diffinienda. Et in anno Diffinitorum, si Diffinitor venire ad capitulum non poterit, socius sibi assignatus loco ipsius habeatur vt Diffinitor, nisi ipse Diffinitor superueniat, qui non obstante diffinitione incepta per socium, diffiniat, & socius ceder, vt dictum est cap. de electione Diffinitoris.

De tempore, & loco celebrationis capituli generalis, Const. in principio ordinis sic habebat. Capitulum generale vno anno Parisiis, alio anno Bononiæ celebratur, & seruata fuit vsque annum 1244. Inde statutum fuit, vt etiam alibi celebrari posset. Et de ann. 1370. ordinatum fuit, vt de biennio in biennium celebraretur, aut saltem de triennio in triennium, accedente ad hoc auctoritate Gregorij XI. Et insertum erat in Constit. antiquis capitulum, cuius titulus erat. De capitulo generali biennali vel triennali. Postremo in cap. Romano 1553. & Romano 1558. & Auenioni 1561. assensu Iulij 3. sancitum fuit, vt de triennio in triennium, vna vice vltra montes, altera citra, vt in hac Constit. dicitur, celebraretur, & ita fuit seruatum, nisi in anno electionis Magistri ordinis, quia hac occasione semper à tempore prædicto, Romæ in faciem Pontificis capitulum celebratur.

Habent facultatem Diffinitores capituli generalis absoluer Magistrum ordinis ab officio, nedum à Const. sed etiam à Sede Apostolica, nam Innoc. III. suo primo priuilegio id decernit his verbis.

vt successores tui, & tu Magister à Diffinitoribus capituli secundum Constitutiones ordinis eiusdem absolui, & amoueri possitis, auctoritate presentium indulgemus.

Hoc idem concedit, & corroborat Sixtus IV. in Mari magno. Non tamen possunt Diffinitores illum absoluer nisi in casibus à Constit. productis. scilicet si esset præuicator ordinis. Diceretur autem præuicator si frequenter, & quasi ex habitu regulam, & Constit. transgredere, nam propriè vocatur præuicator, qui præ aliis plusquam debet legem transgreditur. Item si esset contemptor, hoc est si ita spernit & vilipendit leges vt nihil de eis curet, & pro nihilo reputat illas transgredi, & voluntas sua renuit illis subiici, & nulla subsistente causa eas transgreditur, cum firmo proposito perseverandi in transgressione. Item si esset adeo negligens & remissus, quod ordinis dissolutionem, & destructionem induceret, quando. scilicet non hortaretur fratres verbo, literis, ordinationibus, & exemplis ad honeste religioseque viuendum, si defectus non corrigeret, nec puniret. Si nunquam celebraret, nec ad chorum, & refectarium veniret. Qui si talis non esset, etiam si aliquando Constit. transgredere non ex contemptu, nec plus-

quam alij, & esset negligens aliquid circa diuina, & communitatem, non ob id posset à Diffinitoribus officio priuari.

Cum dicitur Prouinciales, & Diffinitores non posse in diffinitionibus præiudicium sibi inuicem generare, declaratur tunc præiudicium fieri, quando aliquid statueretur per quod auctoritas eorum tolleretur aut minueretur. Quod quidem fieri non potest nec per tria capitula generalia immediata, nec per capitulum generalissimum, sed tantum auctoritate D. Papæ. Non autem generatur præiudicium si id quod fuit statutum in vno vel pluribus capitulis per Diffinitores, reuocetur in alio capitulo per Prouinc. & è conuerso, vt sepe factum est.

In capitulo Neap. 1600. declaratur Diffinitorium capituli generalis esse supremum tribunal in ordine, cui omnes obedire tenentur, sicut & Magistro ordinis: & Prælati sub pœna absolutionis mandatur, vt seuerè puniant eos, qui audent in discrimen vocare illorum potestatem. Et sicut Magistro ordinis datur titulus Reuerendiss. ita & Diffinitorio dari debet. Et Romæ 1589. declaratur non esse in potestate alicuius Prouinciæ prætextu cuiuscumque consuetudinis, aut priuilegij, non acceptare acta capituli generalis, & ea non obseruare, & tales consuetudines aut priuilegia si quæ sunt, etiam auctoritate Apostolica interueniente, reuocantur. Vnde in fine actorum capituli solet apponi tali præceptum. Præcipimus in virtute Spiritus Sancti, & S. Obedientiæ Præsidentibus prouinciarum, & congregationum, vt acta huiusmodi in suis Conuentibus legere faciant publice quamprimum, & postea quater in anno, & executioni mandari procurent, & quod in quolibet Conuentu tres copię illorum habeantur, quarum vna cum aliis in deposito seruetur, alteram habeant Priores, tertiam Magistri nouitiorum. Ex quo præcepto colligitur in declarationibus cap. sequentis, acta, & ordinationes tum Magistri ordinis, tum capitulorum generalium in sua firmitate manere, etiam cessante illorum vita. Ad quid enim præciperetur vt in omnibus Conuentibus haberentur copię ordinationum, & conseruarentur in deposito, & legerentur quater in anno, si illis decedentibus annullarentur? Ex quibus patet reuocatam fuisse quandam declarationem asserentem, acta capitulorum generalium non habere vim, nisi solum vsque ad receptionem actorum capituli sequentis. Quod etiam fuit supra notatum .i. parte, cap. de promulgatione Constitut.

Sciendum est etiam, quod in ea prouincia in qua celebratur capitulum generale, simul cum eo debet etiam celebrari capitulum prouinciale à Prioribus, & sociis, imo, & prouinciæ vicinæ, si id vult Magister ordinis. Itaque enim decernit Constit. in hoc capite.

Statuimus insuper, vt omnes Priores cum sociis suis, & Prædicatores generales illius prouinciæ in qua celebratur capitulum generale illo anno veniant ad capitulum generale, nec ad aliud capitulum prouinciale celebrandum teneantur. Et quod idem faciant prouinciæ propinquæ, mandandi Magister ordinis facultatem habeat.

CAPVT XXXI.

Capitulum generale quantum ad auctoritatem Diffinitorum incipiat celebrari in vigilia Pentecostes. Cum autem secunda feria post Pentecostem, vel ipso die festo, fratres in capitulum venerint, primo omnium deuotè inuocetur Spiritus Sancti gratia, à qua filij Dei aguntur, & dicatur. Emitte Spiritum tuum, &c. & collecta de Spiritu Sancto. Deinde residentibus fratribus, & loca sua tenentibus, vt verbo Dei cœli firmentur, verbum Dei in communi fiat. Sermoni autem interesse poterunt, qui ad ædificationem interesse voluerint. Finito sermone, quia indigentibus quantocius subueniendum est, obitus fratrum post præcedens capitulum defunctorum in communi recitetur, & fiat eis communis absolutio, & dicatur psalmus, De profundis, &c. Kyrie, &c. Pater noster, &c. Cum versic. A porta, &c. Et oratio, Absolue, &c. Postmodum si litteræ legendæ sunt legantur, & eis suo tempore cum consilio respondeatur. Perlectis autem literis, & facta recommendatione viuorum, dicatur psalmus, Ad te leuaui, &c. Kyrie, &c. Pater noster, &c. cum versic. &c. Saluos fac, &c. & oratione, Prætende. Et tunc omnes qui non sunt de capitulo egrediantur. Quibus egressis qui missi sunt ad excusandum eos qui non adsunt, ad quid venerint loquatur. Si qui vero ad capitulum generale vel prouinciale sine licentia venerint, primo culpæ eorum audiantur, & recepta pœnitentia, à capitulo excludantur. Vt autem modus in eundo seruetur, nullus exeat sine licentia, & necessitate, egressus autem non discurrat, sed expleta necessitate citius reuertatur. Qui autem in præsentī anno visitare debuerant, & non sicut oportuit fecerunt, culpam suam dicant, & dignæ vindictæ subiaceant. Tunc etiam absentibus, qui adesse debuerant, & his qui peccauerunt, & non satisfecerunt, pœnitentia scripta mittatur.

Conuentus autem qui mittit accusationes ad capitulum generale vel prouinciale, scribat numerum, & nomina accusantium, & si accusant de visu, vel de auditu, Accusatio autem vnus tantum ad capitulum generale vel prouinciale non mittatur. Et tractatus eorum quæ mittenda sunt ad capitulū, vltra vnum diem non prolongetur. Qui autē habet facere proprias quæstiones, vel cōmunes

ad ordi-

ad ordinem vel prædicationem pertinentes, proponant fratribus à Magistro, & Diffinitoribus ad hoc statutis, vt pro loco, & tempore soluantur, & terminentur. Si qua vero dissensio inter fratres (quod absit) emerferit de libris vel de alijs, cum præponenda sint spiritualia temporalibus, non inde agatur in capitulo, sed dicti fratres extra capitulum discussa veritate, dissensionem dirimant, & inter fratres pacem restituant. De solutione autem, & terminatione quæstionum, de correctione fratrum, de inodo penitentiarum, & de prædicatoribus ad prædicandum, & situm mittendis, prælatus maior cum alijs qui ad hoc statuti sunt, tractabunt, & quidquid inde Spiritu Sancto donante ordinauerit, capitulum vnanimiter, & deuote recipiat.

Nullus murmuret, nullus reclamet, nullus contradicat. In fine fiat confessio & absolutio, & perseuerantibus benedictio detur. Et hæc eadem forma in capitulo prouinciali firmiter obseruetur.

Porro Magister ordinis aut prouinciales non mutant acta capituli generalis vel prouincialis, nisi forte in speciali ex causa urgente, & necessaria. Nec etiam generale statutum, seu cōsuetudinem diu approbatam in ordine aliquatenus immutare audeant, nisi per tria capitula fuerit approbatum. Ea vero quæ de generali capitulo dicta sunt, in vigilia Pentecostes debent inchoari.

Capitulum generale vltra sabbatum intra octauas Pentecostes, non prolongetur, nisi ex causa rationabili Magistro, & Diffinitoribus videatur, quod per vnum diem, vel duos ad plus debeat prolongari. Capitula etiam prouincialia infra prætaxatum numerum dierum terminentur. Necessitate urgente Magister ordinis vel Vicarius de assensu Prouincialis prouinciæ in qua celebrandum est capitulum generale, & de consilio discretorum poterit illud transferre ad alium Conuentum eiusdem prouinciæ, aut etiam quando in eadem prouincia commode celebrari non poterit, ad aliam prouinciam transportare, de consilio semper discretorum.

Quæ hic consideratione aut declaratione egent, alibi habentur, solum circa auctoritatis Diffinitorum tempus, huic Constitur. addo id quod habetur in præcedenti cap. de capitulo generali, vbi dicitur.

Diffinitores capituli generalis dominica infra octauas Ascensionis Domini vel Sabbato præcedenti locum capituli intrare teneantur, & ex tunc in choro, & alibi teneant sua loca quousque tempus suæ diffinitionis expiret.

Hoc videtur dissonum his quæ habentur in principio huius capituli, nisi dicatur. Diffinitores incipere tenere loca sua in Dominica infra octaua Ascensionis: & solum in vigilia Pentecostes eorum auctoritatem incipere. In nostra Prouincia Lombardiæ, solent hæc in capitulo prouinciali seruari. Feria 5. ante capitulum, per Prouincialem, Magistros, & Patres prouinciæ examinantur scrutinia Priorum, & sociorum. Feria 6. eliguntur Diffinitores per nationes, & ab eis cum Prouinciali instituuntur hi officiales .s. Vicarius capituli, Iudices in criminalibus, Iudices in civilibus, Iudices vestiũ, Examinatores recipiendorum, deputanturque disputatores, & Prædicatores, Sabbato post cantatam missam de Spiritu sancto, & sermonem de eligendo viro probo in Prouincialem, electio celebratur. Subinde Priores cum socijs sigillatim dant nomina in Diffinitorio fratrum quos remouere intendunt à suis Conuentibus. Deinde redeunt ad petendos quos volunt. Feria 2. vel 3. sit electio Diffinitoris capituli generalis, si futurum capitulum est Diffinitorum, & deputatur illi, aut Prouinciali socius pro eo capitulo. In fine Prouincialis, Diffinitores, Magistri, & Patres prouinciæ approbant Magistros Baccalaureos & Magistros studentium, & ab eisdem statuuntur quædam ordinationes pro manu tenenda regulari obseruantia.

Vltimo die conuocantur omnes fratres ad capitulum, præmittitur sermo, quo omnes ad obedientiam erga Superiores seruandam admonentur, inde dicto Benedicite à Prouinciali, recitantur beneficia maxime collata pro capitulo, & commendantur qui in capitulis commendari solent. Inter commendationem defunctorum recitantur nomina omnium qui decesserunt ex hac vita ab alio capitulo citra, & dicuntur psalmi, versiculi, & orationes ordinariæ. Post Prouincialis dicat quæ dicenda viderit expedire pro bono regimine prouinciæ, & postremo leguntur acta capituli, & mutationes fratrum in quolibet Conuentu factæ, & omnes cum benedictione ad propria reuertuntur.

De capitulo generalissimo.

CAPVT XXXII.

Capitulum generalissimum non conuocetur, nisi quando maior pars prouinciarum petierit, vel Magistro, cum media parte prouinciarum visum fuerit expedire. Prouinciæ vero quæ petunt, scribant causas quare petunt. De his tamen capitulum generale non habet iudicare vtrum sufficientes sint vel non, sed tamen scribantur, vt fratres de his ante capitulum conferre valeant. Priores autem Prouinciales singuli cum duobus socijs à suo capitulo prouinciali electis à pluribus medietate omnium eligentium, tale capitulum celebrabunt. Duobus autem annis ante pronuntietur, nisi vrgens fuerit necessitas.

Anno ab Incar. Domini 1228. Conuenerunt Parisijs in domo S. Iacobi, Priores Prouinciales vnà cum Venerabili Patre F. Iordane bonæ me. Magistro ordinis nostri, cum duobus Diffinitoribus à capitulis prouincialibus deputatis, in quos fratres omnes vota sua vnanimiter transtulerunt, eisdem potestatem plenariam concedentes, vt quicquid ab eis fieret, siue in constituendo, siue in destituendo, mutando, addendo vel diminuendo, de cætero firmum, & stabile maneret, nec liceret alicui (quantumcumque auctoritatis) capitulo, aliquid eorum immutare, quæ ipsi statuerunt perpetuis temporibus permanfura.

Priores igitur Prouinciales præfati cum suis Diffinitoribus, gratia Spiritus Sancti inuocata, quasdam Cõstitutiones ad vtilitatem, & honestatem, & conseruationem ordinis, præmissa diligenti examinatione vnanimiter, & concorditer, ediderunt, quas in locis suis in Constitutionibus inferere procurarunt. Inter alias autem quasdam voluerunt inuiolabiliter, & immutabiliter in perpetuum obseruari, v3. De possessionibus, & redditibus non habendis vel recipiendis, De appellationibus remouendis. Et quod non possit per fratres Diffinitores Prioribus Prouincialibus, neque per Priores Prouinciales fratribus Diffinitoribus in suis diffinitionibus aliquod præiudicium generari. Quasdam autem voluerunt sic immobiles permanere, vt non (nisi à consimili capitulo) nouis emergentibus articulis, casibus, vel negocijs, de ipsis possit aliquid pro tempore immutari. v3.

De Constit. non faciendis nisi per tria generalia capitula continua fuerint approbatæ. De non equitando. De expensis non portandis. De carnibus (nisi causa infirmitatis) non comedendis, ita tamen quod in his pro loco, & tempore Prælato liceat dispensare.

Propter istam Constitutionem editam in capitulo generalissimo de possessionibus & redditibus non habendis, multa à diuersis viris doctis, & timoratis dicta, & scripta sunt. & quæ huic proposito seruire possunt, habentur supra 1. part. cap. de possessionibus, & redditibus non habendis. Inter alia autem ad omnem scrupulum tollendum sufficiens esse debet decretum Conc. Trid. sess. 25. de regularibus cap. 3. loco prædicto relatum, per quod S. Synodos concedit omnibus Monasterijs, & domibus tam virorum quàm mulierum, etiam mendicantium, exceptis domibus Capucinatorum, & minorum de obseruantia, etiam his quibus ex Const. prohibitum erat, vt deinceps bona immobilia possidere liceat.

CAPVT XXXIII.

STatuimus vt quatuor fratres ad visitandam prouinciam in capitulo prouinciali à Prouinciali, & Diffinitoribus assignentur, vel plures, secundum quod capitulo prouinciali videbitur expedire. Qui excessus Priorum, & fratrum audiant, & emendent, absque constitutione, & immutatione status domus. Loca vero sua vbique teneant, nisi in capitulo dum ab eis officium suę correctionis exercetur, quod in tribus diebus continuis terminetur. Si quę autem grauiā, & periculosa inuenerint emeruisse à tempore visitationis vltimo factę per visitatorem præcedentem, licet correctā fuerint, nihilominus cum testimonio partis maioris capituli studeant denunciare Magistro, & Diffinitoribus capituli generalis, vel prouinciali, & Diffinitoribus capituli prouincialis, si ibi capitulum generale non fuerit celebrandum.

Visitatores præsentēs verbo, absentes scripto, referre debent Diffinitoribus capituli prouincialis, vel generalis, cum in sua prouincia celebratur, de his quos visitauerint fratribus, si in pace cōtinui, in studio assidui, in prædicatione seruētes, quę de eis fama, quis fructus, si in victu, vestitu & alijs secundum tenorem institutionum ordo seruetur.

Priores autem, & lectores, seu Supprieores in Visitatores non eligantur. Quod si quis Visitator antequam visitet, vel in ipsa visitatione in Priorem fuerit electus, & confirmatus, vel mortuus, aut alias impeditus, prouideat Prouincialis de alio fratre, qui visitet loco eius.

Visitatores non debent esse iuuenes, sed antiqui in ordine, graues, maturi, moribus, & vita approbati, qui in suis Visitacionibus de profectu iuuenum, & studentium, qualiter in moribus, & sciencia se habeant, & si fratres caste, & sine proprio viuant, & si silentium, ieiunia, abstinentiam à carnibus, & alia regularia instituta obseruēt debent diligenter inquirere, & omnia Prouinciali, & Diffinitoribus capituli prouincialis referre. Visitatores isti, & multo magis Prouinciales in Visitacionibus debent operam dare in primis, vt omnes cerimonię, quę ad altaris ministerium, & alia diuina officia in nostris ordinarijs notatę sunt, diligenter obseruentur, & in eis addiscendis, & exercendis iuuenes instruuntur, & vniformitas inter fratres maxime appareat. Vestium quoque sacratum, & corporalium, eadem sit forma, & castitas, quę tantum decet sacrificium. Quę omnia supra notata sunt locis suis.

Possunt Visitatores fratribus ad visitationem pertinentibus præceptum facere, & etiam sententiam excommunicationis ferre, quando per præceptum veritatem extorquere non possunt. Et fratres tenentur Visitatoribus; & Prælati præcipientibus revelare etiam secreta sibi commissa, quæ in periculum communitatis vergunt, vel etiam aliarum personarum.

Debent autem Visitatores primo excessus Priorum, & fratrum audire, & ea quæ sibi dicuntur, si fuerint alicuius momenti, in scriptis redigere, & ad audiendum defectus non potest tempus limitari, sed sufficit ut cum diligentia, & solitudine audiant, & tempus non amittant. Auditis autem fratribus, debent eos in priuato, vel in capitulo corrigere, & hoc munus correctionis in tribus continuis terminare. Quæ autem corrigenda inuenerint, Magistro, & Diffinitoribus capituli generalis, si illo anno in sua Prouincia celebrabitur verbo aut scripto denuntiare debent. Si autem alibi celebretur, Prouinciali, & Diffinitoribus capituli prouincialis notificabunt. Romæ autem 1601. Valloleti 1605. & Romæ 1608. ordinatur ut bis in anno mittantur Visitatores ad Conuentus in quibus sunt nouitiorum domus, & ordinent quæ ad eorum curam expedire nouerint, & prouideant. Item Romæ 1601. statuitur, ut postquam Magister ordinis aliquam visitauerit prouinciam, ne tanti labores suo frustrentur sine, post sex menses mittat ad illam Visitatorem, qui summa vigilatia scrutetur, an executioni mandentur, quæ à Magistro stabilita fuerunt.

Modus autem quem seruare debet Visitator in visitatione ex formulario ordinis hic est. Cum primum Visitator ad Conuentum visitandum peruenit, accepta benedictione, & facta breui oratione, ut in rubricis notatur, conuocari faciat fratres ad capitulum, & legi suas literas, ut innorescat omnibus sua auctoritas. Inde exponat succincte quæ intendit à fratribus audire, tam circa essentialia vota religionis, quam circa alias obseruantias regulares, maxime ad Dei cultum attinentes, ad literarum studia, & ad vitæ, & morum compositionem. Inde faciat præceptum in virtute S. Obedientiæ ut fratres dicant sibi confidenter, zelo religionis, & non animi passione quæ dicere tenentur, admonendo semper ut denuntiationem iudicalem præcedat, correctio fraterna. Inde vadat ad sepulturas fratrum comitatus à Conuentu, & dicat cum fratribus Psalmum, De profundis, &c. cum oratione Absolue, &c. pro defunctis. Postea infirmos si qui sunt, visitet,

S V M M A R I I

Pars Quarta.

DE DELINQVENTIVM
FRATRVM IVDICIBVS, CORRE-
CTIONIBVS, CVLPIS, ET POENIS.*De exemptione regularium.*

CAPVT I.

Regulares exempti vocari solent, quia non subduntur correctioni quorumcumque Prælatorum extraneorum, sed suis tantum, & subinde summo Pontifici immediate. Et primo exempti sunt tanquam Ecclesiasticæ personæ, à potestate quorumcumq; tribunalium seculariū, ob id in bulla Cœnæ Domini, quæ quotannis legi solet, solent hæc verba haberi.

Item excommunicamus, & anathematizamus omnes, & quoscumque Magistratus, iudices notarios, scribas, executores, subexecutores, quomodolibet se interponentes, in causis capitalibus, seu criminalibus, contra personas Ecclesiasticas, illas processando, banniendo, capiendo, carcerando, seu sententias contra illas ferendo, vel exequendo, sine speciali licentia sedis Apostolicæ, quique huiusmodi licentiam ad personas, & casus non expressos extendunt, vel alias illis perperam abutuntur, etiam si talia committentes sint Consiliarij, Senatores, Præsidentes, Cancellarij, Vicecancellarij aut quouis alio nomine nuncupati.

Sed adducenda sunt priuilegia quibus regulares eximuntur à potestate Ecclesiasticorum Prælatorum, etiam Episcoporum in quorum diœcesi morantur. Honorius III. in sua ordinis nostri confirmatione breuiori ita disponit.

Nos attendentes fratres tui ordinis futuros pugiles fidei, &c. confirmamus ordinem eum cum omnibus castreis, & possessionibus habitis, & habendis, & ipsum ordinem, possessiones, & iura, sub nostra protectione, & gubernatione suscipimus.

Idem etiam fuit cōfirmatum, & innouatum per subsequentes Romanos Pontifices, & duas tantum refecto Const. alteram Nicolai V. alteram Sixti IIII. Nicolaus igitur V. in suo priuilegio, 6. hæc habet formalia verba.

Hinc est quod supplicationibus inclinari, ac Nicol. III. Bened. XI. & aliorum prædecessorum nostrorum vestigijs inhaerentes, ordinem ipsum, ac Magistrum, Priores, & fratres presentes, & futuros, necnon quascunque sorores, domos, loca, & c. ab omni iurisdictione, dominio, subiectione, & potestate quoramlibet Ordinariorum, & Prælatorum, ac personarum Ecclesiasticarum, necnon à solutione cuiuscunque collectionis, & c. de Apostolica potestatis plenitudine, ex certa scientia prorsus eximimus, & totaliter liberamus, illos sub B. Petri, & Apostolica sedis immediata potestate, suscipimus. Decernentes ordinem, Magistrum, Priores, & fratres qui nunc sunt, & erunt pro tempore, domos, loca, & c. solum, & immediate sedi Apostolica subiacere, ita ut Ordinarij, & Prælati, aut huiusmodi alia persona, in eos generaliter vel specialiter, communiter vel diuisim, non possint quavis auctoritate, excommunicationis, suspensionis, & interdictis sententias, promulgare, aut alias etiam ratione delicti, seu contractus, vel rei de qua agitur, ubicunque committatur delictum, iniatur contractus, aut res ipsa consistat, potestatem seu iurisdictionem, aliquam quomodolibet exercere, & c. Nos enim quaslibet excommunicationum, suspensionum, & interdictis sententias, & quoscunque processus, quasvis pœnas, & sententias continentes, quas contra Magistrum, Priores, & fratres, domos, & c. contra formam presentium promulgari contigerit, irritas decernimus, & inanes, & c.

Sixtus IIII. in Mari magno, relatis priuilegijs prædecessorum, eximit nos his verbis.

Et ne prætextu Constitutionis Innocentijs III. quæ incipit, Volentes, locorum diocesanij, & alij Ordinarij, ac alij quicumque in personas, & loca fratrum prædicatorum contra Gregorij prædecessoris nostri ordinationem, sibi quamcumque iurisdictionem, & superioritatem vendicare præsumant, districtius inhiibemus, ne quispiam absque diste sedis specialem commissione, & auctoritate, in personas, & loca dicti ordinis, (vtpote prorsus exempta), aliquas excommunicationis, suspensionis, & interdictis sententias, specialem vel generaliter, quomodolibet promulgare, aut in personas, domos, & c. aliquam præminentiam, superioritatem, & iurisdictionem, quomodolibet exercere præsumant, etiam ratione contractus, vel delicti, seu rei de qua contractus ageretur, ubicunque iniatur contractus, committatur delictum, & res ipsa consistat. Decernimus quoque ex nunc quaslibet excommunicationis, suspensionis, & interdictis sententias, processus, & c. quos vel quas fieri contigerit, & c. etiam eorum exceptione (ut potè notoria) non allegata, nullius esse roboris aut momenti, & pro infectis haberi debere, & c. Non obstantibus, & c.

Subinde multi summi Pontifices, in confirmatione priuilegiorum mendicantium, & non mendicantium, de huiusmodi exemptione mentionem fecerunt, neque vñquam reuocata fuit hæc exemptio, nisi in quibusdam casibus in Conc. Trid. expressis, de quibus infra, & notanda sunt in hoc proposito verba Concilij, quæ leguntur sess. 25. de reg. cap. 22.

Hæc omnia, & singula in superioribus decretis contenta, obseruari S. Synodus præcipit, in omnibus canonijs, monasterijs, & c. quorumcumque Regularium, & Sanctimonialium, & c. tam mendicantium quam non mendicantium, non obstantibus illorum priuilegijs, sub quibuscumque formulis verborum conceptis, ac Maxe magnum appellatis, & c. Et in eadem sess. cap. 20. legitur. In cæteris omnibus præfatorum ordinum priuilegijs, & facultatibus, quæ ipsorum personas, loca, & iura concernunt, firma sint, & illa sa.

Post autem prædictum concilium, emanarunt confirmationes quam plurimæ diuersorum ordinum, in quibus apposita fuit illa particula dummodo non obſtent decretis Conc. Tridentini: Et inter alios, Pius V. ordini noſtro multa conceſſerat etiam ſupra Concilium. At Gregor. XIII. ea omnia reduxit ad terminos dicti Concilij. Et ſic uſus perſeuerat.

De recurrentibus ad tribunalia extra ordinem.

CAPVT II.

VT manu teneretur exemptio hæc in ordine, prohibitum fuit ne fratres ac ſorores poſſent ad tribunalia extra ordinem confugere. Et primo in Conſtit. diſt. 2. cap. 17. in quo habetur quædam Conſtit. Bonifacij Papæ IX. ita ſtatuitur.

Auctoritate Apoſtolica tenore præſentium, perpetua, & irrefragabili Conſtitutione ſancimus, ſtatuiumus, & ordinamus, &c. Quodq; nullus ex fratribus ac ſororibus huiusmodi, coram quocumque iudice, qui non ſit de dicto ordine, ex quacumque cauſa conuenire, ſeu facere conueniri, aliquem vel aliquam ex fratribus, & ſororibus poſſit, aut debeat, &c.

Item in cap. De capitulo generali habetur ſtatutum hoc.

Ad nullum iudicem extra ordinem, niſi ad ſedem Apoſtolicã, cui ordo noſter immediate ſubditus eſt, aliquod membrum ordinis, illique ſubditum pro iuſtitia recurat, ſub pœna abſolutionis ab officio, ſi eſt prælatus, ipſo facto incurrenda, vel ſub pœna priuationis vocis actiua, & paſſiua, etiam ipſo facto, quoad alios pariter incurrenda.

Item in capitulo de Itinerantibus ſtatuitur in hunc qui ſequitur modum.

Si quis frater noſtri ordinis, per ſe vel per alium, pro ſe, vel pro alio, ordinationem de ſe vel de alio factam, vel obedientiam ſibi vel alij fratri iniunctam, per quamcumque perſonam extra obedientiam noſtri ordinis conſtitutam, quocumque modo procurauerit reuocari, vel in aliqua prouincia aut Cõuentu, vel officio, ſiue etiam ſtudio generali poni, vel remanere, vel inde amoueri, vel cum perſonis extraneis commorari, ipſo facto ex vi præſentis ſtatuti in pœnam incidat grauioris culpæ, à qua diſpenſari non poſſit, niſi per Magiſtrum ordinis, vel capitulum generale.

Leo X. ad inſtanciam F. Thomæ de Vio Magiſtri generalis ſuo priuilegio 8. ita prohibet.

Nos qui ad ordinem prædictum, & eius perſonas ſingularem gerimus deuotionis affectum, cuiusque ſtatum tranquillum deſideramus, literarum prædictarum tenorem (.ſ. Bonifacij

Bonifacij IX. de quibus (supra) presentibus pro sufficienter expresso, & inserto habentes, statum, & ordinationem huiusmodi, & prout concernunt omnia, & singula in dictis literis contenta, auctoritate Apostolica, motu proprio, & ex certa scientia, tenore presentium approbamus, & confirmamus, ac perpetua firmitatis robur obtinere decernimus, suppletes, omnes, & singulos defectus, si forsitan intervenierunt. Ac pro potiori cautela, omnia, & singula, etiam sub excommunicationis late sententie pœna ipso facto incurrenda, auctoritate prefata, tenore presentium statuimus, & ordinamus, inhibentes sub eadem pœna quibusvis iudicibus tum Ecclesiasticis, tum secularibus, etiam Conservatoribus, &c. & camera Apostolica Aucimonensi, ne querelas fratrum, & sororum huiusmodi, contra alios fratres, & sorores dicti ordinis suscipiant, vel de eis cognoscant, & causas coram eis pendentes, ad suos indices ordinarios remittant, &c.

Inhibitus etiam fuit huiusmodi recursus ad tribunalia extra ordinem per viam appellationis, vt infra dicetur cap. de appellationibus. In cap. aut Valentino 1596. editum fuit huiusmodi præceptum, quod, & in tribus subsequentibus capitulis, Romano 1601. Valleoletano 1605. & Romano 1608. confirmatum fuit. .f. Præcipimus in virtute Spiritus Sancti, & S. Obedientie sub formali præcepto, nec non & sub pœna excommunicationis late sententie, & omnibus pœnis grauioris culpe, ne quis religionis nostræ negotia, siue fratrum siue monialium, quouis modo deferre audeat, directe vel indirecte per se vel per alios, ad tribunalia extra ordinem. Quod si qui sciuerint aliquem vel aliquos id fecisse, sub eodem præcepto formali, & pœna excommunicationis late sententie Priori Prouinciali, vel Conuentuali, infra terminum duodecim dierum, quorum quatuor primos pro primo, & quatuor secundos pro secundo, & quatuor tertios pro tertio & ultimo peremptorio termino assignamus, denunciare teneantur. Superior vero admonitus sub eodem formali præcepto, & excommunicationis late sententie pœna, intra terminum vt supra, præmissis præmittendis, pœnam transgressoribus, supra taxatam infligere omnino teneatur. Et nedum ex prædictis interdictum est fratribus ac sororibus confugere ad tribunalia extra ordinem, sed etiam in Constit. prohibetur Prælati, ne vllam auctoritatem conferant super fratres existentibus extra obedientiam nostram, ita enim habetur cap. de electione Prioris conuentualis.

Nulli autem Præsidenti ordinis liceat alicui, extra obedientiam nostri ordinis esistenti, curam committere super fratres, vel Conuentus ordinis quomodocumque, nisi Prælati ex ordine nostro assumptis, supra socios eis deputatos, quamdiu sunt eorum socij, & nisi super apostatas, & vagos, hoc est sine ordinis licentia, extra ordinem commorantes quamdiu sic extra manent, super quos volumus quod non solum Magister ordinis, sed etiam Prouinciales, & eorum Vicarij, possint potestatem concedere, omnibus Ecclesiasticis personis. Quod si secus factum fuerit, sit irritum, & inane.

Et in declarationibus super his verbis dicitur. Cum ordo noster immediate subiectus sit Romano pontifici, & exemptus à iurisdictione quorumcumque Prælatorum, & nullus frater neque etiam Præfatus possit renuntiare cuicumque privilegio ordini nostro concessio, absque assensu capituli generalis, ideo non licet cuicumque fratri committere auctoritatem super fratres, existentibus extra obedientiam nostri ordinis. Et qui talem auctoritatem dederit, vel alicui privilegio nostri ordinis renuntiaverit, puniri debet pœna grauioris culpæ.

De his in quibus ex Conc. Trid. Episcopis regulares subiiciuntur.

CAPVT. III.

Non obstante exemptione prædicta, multi sunt casus pro quibus regulares ab Episcoporum auctoritate dependent, & sunt etiam quedam delicta à regularibus commissa, ob quæ regulares ab eis puniri possunt, & oportet singula annotare, de delictis ageatur cap. sequenti. De primis habentur hæc Conc. Trid. decreta.

Nulli etiam regulari liceat imprimere, aut imprimi facere, quosvis libros de rebus sacris, nisi primum examinati, & approbati fuerint ab Ordinariis sub pœna anathematis, &c. sess. 4.

In indice autem librorum postremæ editionis superadditur, vt pro impressione quorumcumque librorum, præter Episcopi licentiam, requiratur etiam Inquisitoris concessio, & vtrique in fronte libri appareat.

Regulares etiam in Ecclesiis suorum ordinum prædicare non possunt sine licentia suorum Superiorum, cum quæse coram Episcopis præsentare tenebuntur, & ab eis benedictionem accipere. In Ecclesiis vero quæ suorum ordinum non sunt, præter licentiam Superiorum, etiam Episcopi licentiam habere teneantur, sine qua prædicare non possunt, sess. 5. cap. 2.

Nullus secularis aut regularis, etiam in Ecclesiis suorum ordinum contradicere Episcopo prædicare præsumat. sess. 24. cap. 4.

Si vero, quod absit, Prædicator errores, aut scandala disseminauerit in populum, etiam si in monasterio sui vel alterius ordinis prædicet, Episcopus ei prædicationem interdicit, quod si hæreses prædicauerit, contra eum secundum iuris dispositionem procedat, non obstante quocumque privilegio. Curent tamen Episcopi ne Prædicator calumniosè vexetur, sess. 5. cap. 2.

Regulares extra religionis suæ obedientiam viuentes, in sua diocesi Episcopi prædicare non permittant, nisi ipsi noti sint, & moribus ac doctrina præditi, sub prætextu quorumcumque privilegiorum. Ibidem.

Quæstiones elemosinarum, qui, & quæstuarum dicuntur, cuiuscumque conditionis sint, nec per se, nec per alios, prædicare præsumant, & contrasacientes ab Episcopis puniantur, privilegis non obstantibus. Ibidem.

Non patiantur Episcopi priuatis in domibus, atque omnino extra Ecclesiam vel oratoria ad diuinum cultum dedicata, ab eisdem Episcopis designanda, & visitanda, sacrificium misse, etiam à regularibus peragi, sess. 22.

A supremo ordine minorum ad sacros ordines non promoucantur regulares, nisi

post annum, & nisi necessitas, aut Ecclesie utilitas iudicio Episcopi aliud exposcat, sess. 23. c. 11.

Regulares ad subdiaconatum ante vigesimum secundum, ad diaconatum ante vigesimum tertium, ad presbyteratum ante vigesimum quintum aetatis sue annum, non promoucantur, nec sine Episcopi diligenti examine, privilegii non obstantibus, sess. 23. cap. 12.

Promoti ad subdiaconatus ordinem, si per annum saltem in eo non sint versati, ad altiores gradum, nisi aliud Episcopo videatur, ascendere non permittantur. Ibidem cap. 13.

Ad presbyteratum assumantur, qui in diaconatu ad minus annum integrum nisi ob Ecclesie utilitatem ac necessitatem, aliud Episcopo videretur, ministraverint. sess. 23. cap. 14.

Notatamen quod in his duobus decretis non nominantur regulares.

Abbatibus etiam exemptis non liceat in posterum, cuique, qui regularis sibi subditus non sit, tonsuram, vel minores ordines conferre, sess. 23. c. 10.

Duo sacri ordines non eodem die etiam regularibus conferantur, privil. ac indultis quibusvis concessis non obstantibus, sess. 23. c. 13.

Decernit S. Synodus, nullum Sacerdotem etiam regularem, posse confessiones secularium etiam sacerdotum audire, nisi ab Episcopo per examen, si eis videbitur necessarium esse, aut alias idoneus iudicetur, sess. 23. c. 15.

De cetero monasteria non erigantur, sine Episcopi, in cuius diocesi sunt erigenda, licentia prius obventa, sess. 25. c. 3.

In monasteriis quibus imminet cura animarum secularium, tam regulares quam seculares huiusmodi curam exercentes, sub sint immediatè in his quæ ad dictam curam, & sacramentorum administrationem pertinent, iurisdictioni, visitationi & correctioni Episcopi in cuius diocesi sunt sita. sess. 25. c. 11.

Censura, & interdicta nedum à sede Apostolica emanata, sed etiam ab Ordinariis promulgata, mandante Episcopo à regularibus in eorum Ecclesiis publicentur, atque servantur. sess. 25. c. 12.

Dies etiam festi quos in diocesi sua servandos, idem Episcopus præceperit, ab exemptis omnibus, etiam regularibus servantur. Ibidem.

Controversias de præcedentiæ inter Ecclesiasticas personas, etiam regulares, tum in processibus publicis, tum in his quæ sunt in tumultandis defunctorum corporibus, & in deferenda umbella, & aliis similibus, amota omni appellatione, non obstantibus quibuscumque Episcopus componat. sess. 25. c. 13.

Exempti omnes, tam clerici seculares, quam regulares quicumque, etiam monachi, ad publicas vocati processiones, accedere compellantur, iis tantum exceptis qui in strictiori clausura perpetuo vivunt. Ibidem.

Nulla renuntiatio, aut obligatio, à novitio ante professionem facta, etiam cum iuramento, vel in favorem cuiuscumque causæ piæ, valeat, nisi cum licentia Episcopi, vel eius Vicarii fiat, intra duos menses proximòs, ante dictam professionem, ac non alias intelligatur effectum suum sortiri, nisi secuta professione, & aliter facta, sit irrita, & nullius effectus. sess. 25. c. 16.

Quicumque regularis prætendat se per vim, & metum ingressum fuisse religionem, aut etiam dicat ante aetatem debitam professum fuisse, aut quid simile, velisque habitum di-

mittere quacumque de causa, aut etiam cum habitu discedere, sine licentia Superiorum, non audiat nisi infra quinquennium tantum à die professionis, & tunc non aliter, nisi causas quas prætenderit deduxerit coram Superiore suo, & Ordinario. Quod si habitum ante sponte dimiserit, nullatenus ad allegandum quamenūq; causam admittatur, sed ad monasterium redire cogatur, & tanquam apostata puniatur, interim nullo privilegio suæ religionis iunctur. sess. 25. cap. 19.

Respectu curæ monialium, Episcopi inuigilare debent, ut illarum clausura reparetur, & conseruetur. Ita enim decernit Conc. Trident. sess. 25. c. 5.

Bonifacii VIII. Constit. quæ incipit, Periculoso, reuenans S. Synodus, vniuersis Episcopis sub obsecratione diuini iudicij, & interminatione maledictionis æternæ præcipit, ut in omnibus monasterijs sibi subiectis, ordinaria, in alijs vero sedis Apostolicæ auctoritate, clausuram sanctimonialium, vbi violata fuerit diligenter restitui, & vbi inuiolata est, conseruari maximè præcurent, inobedientes per censuras Ecclesiasticas compescentes, inuocato etiam ad hoc auxilio brachij secularis, &c.

Item Nemini sanctimonialium licet post professionem exire à monasterio, etiam ad breue tempus, quocumque prætextu, nisi ex aliqua legitima causa ab Episcopo approbata, privilegijs quibuscumque non obstantibus, &c.

De monialium regimine in ordine ad Episcopos, plura dicuntur in summario Constitutionum earum.

In declarationibus, & ordinationibus mandatur, ut cum Episcopis non contendant fratres. Vnde super cap. de certis detractionibus vitandis, dicitur, Cum ex fauore, & gratia Prælatorum ordo noster plurimum promoveatur, debemus illos in reuerentia, & magna veneratione habere, & nullo modo eis detrachere, aut lites vel discordias cum eis habere, sed eorum famam defensare, & populos ad eorum obedientiam, & reuerentiam inducere, nec aliquo modo laicos ab ecclesiarum suarum frequentia auertere. Et qui oppositum fecerit, pœna grauioris culpæ puniatur. Et Bononiæ 1564. habetur. Diligenter attendant Prælati nostri ordinis, & quicumque alij fratres omnia quæ circa Episcoporum obseruantiam à S. Synodo fuerunt statuta, & si examinare velint Concessarios, & ordinandos, humiliter pareant, neque ipsi contradicentibus prædicare præsumant, etiam in nostris Ecclesijs. Et si in aliquo horum durius aliquando cum fratribus agere videantur, æquo animo sustineant, nec super ea re quæstiones aut lites moueant. Cæterum si non ferenda grauamina occurrant, consulatur Magister ordinis, vel prouincie Prælatus, ut secundum eorum consilium oportune provideatur.

Si quæ alia statuta post Conc. Trid. habentur, quibus regulares Episcopi subiiciantur, opponantur Confirmationes priuilegijs alicuius religionis post dictum concilium emanatæ, in quibus tantum prædicti Concilij casus excipiuntur.

De delictis regularium per Episcopos puniendis.

CAPVT IV.

Idem sacrum Conciliū quædam regularium delicta notat, quæ statuit per Episcopos puniri posse. Et hæc sunt.

Si vero (quod absit) prædicator errores aut scandala disseminauerit in populum.

etiam si in monasterio suo vel alterius ordinis prædicet, Episcopus ex prædicationem interdicit. Quod si hæreses prædicauerit, contra eum secundum iuris dispositionem procedat, &c. sess. 2. cap. 2.

Quæstiones elemosynarum, qui etiam vulgo quaestuarum dicuntur, cuiuscunque conditionis sint, nullo modo nec per se nec per alium prædicare præsumant, & contrasacientes ab Episcopo, & Ordinariis locorum, priuilegiis non obstantibus, oportunitate remedii omnino arceantur. Ibidem.

Nemo secularis clericus vel regularis extra monasterium degens etiam sui ordinis priuilegijs prætextu iustus censeatur, quominus si deliquerit ab Ordinario loci tanquam super hoc à sede Apostolica delegato secundum canonicas sanctiones visitari, puniri, & corrigi valeat. sess. 6. cap. 3.

Ille regularis qui studiorum causa ad vniuersitates mittuntur, in conuentibus tantum habitent, alioquin ab Ordinariis puniantur. sess. 25. cap. 4.

Qui extra claustra ducunt vitam, nedum in criminalibus subfunt periam allata correctioni Ordinariorum, sed etiam in ciuilibus, ita enim decernit S. Synodus sessione 7. cap. 14.

In ciuilibus causis mercedum, & miserabilium personarum clerici seculares vel regulares extra monasterium degentes, quomodolibet exempti, &c. etiam locorum ordinariis tanquam in hoc à sede Apostolica delegatis conueniri, & iuxta medio ad soluendum debitum cogi, & compelli possunt, priuilegiis non obstantibus, &c.

Qui etiam in claustris se continent, si extra ea delinquant, modo infra notando ab Episcopis corrigi poterunt.

Non liceat regularibus à suis Conuentibus recedere, etiam prætextu ad suos Superiores accedendi, nisi ab eisdem missi, aut vocati fuerint. Qui vero sine prædicto mandato in scriptis obtemperare reperiatur, ab ordinariis locorum tanquam desertor sui instituti puniatur. sess. 25. cap. 4.

Sixtus V. in sua Constitut. contra illegitimos lata, ampliat decretum hoc Concilij hac phrasi verborum.

Ideo præcipimus vniuersis, & singulis locorum Ordinariis, eorumque Vicariis generalibus, ut per suos officiales vel executores curent ab omnibus personis regulari habitu indutis, quas per ciuitates vel dioceses iter facere vel transire, & ad quacunque hospitium vel diuersoria se recipere contigerit, diligenter perquiri, num literas obedientie vel commendatitias habeant, quod si eas non habere, aut ignotos esse deprehenderit, contra eos tanquam criminum suspectos procedere, & tandem illos sub custodia detinere debeant, quousque de eisdem noticia habeatur.

Item Regularis non subditus Episcopo, qui intra claustra monasterij degit, & extra ea ita notorie deliquerit, ut populo scandalo sit, Episcopo instante à suo Superiore intra tempus ab Episcopo præfigendum seuerè puniatur, qui de punitione Episcopum certior reddat, sin minus à suo Superiore officio priuetur, & delinquens ab Episcopo puniri possit. sess. 25. cap. 14.

Clemens 8. pro prædicti decreti executione Constitutionem promulgauit, in qua hæc addidit.

Ceterum si Superior in delinquentem fratrem ut supra non animaduertit, quinimo si illum impunitum ad alia suorum ordinum loca extra Episcopi diocesim transmiserit volumus motu proprio, & auctoritate Apostolica decernimus, ut su-

perior instante Episcopo infra terminum ab Episcopo præfigendum, sub pœnis indignationis nostræ, priuationis officiorum, & dignitatum, ac inhabilitationis ad illa, & alia, & priuationis vocis actiue & passiue, ad quæ non nisi per sedem Apostolicam restitui possit, ipso facto incurrendis, ipsam regularem delinquentem à loco ad quem transmissus fuit reuocare, & in quo deliquit constituere teneatur. Quod si hoc facere prætermiseric, statuimus vt Ordinarius loci ad quem delinquens transmissus fuerit, super præmissis ab ordinario loci in quo deliquit requisitus, vel alias de illius delicto informatus, tanquam sedis Apostolicę delegatus, prædictum Concilij decretum omnino exequi, & in delinquentem regularem seuerè animaduertere possit, & debeat. Irritum decernentes, &c. Non obstantibus &c.

Item, Præcipit S. Synodus sub anathematis pœna, dantibus, & recipientibus (excepto victu & vestitu nouitiorum) ne hoc vllò modo fiat, & vt abeuntibus ante professionem omnino restituantur quæ suæ erant. Quod vt recte fiat, Episcopus etiam per censuras ecclesiasticas si opus fuerit, compellat. sess. 25. cap. 16.

Exempli omnes tam saculares quam regulares etiam monachi, ad publicas processiones vocati accedere compellantur. Ibid. cap. 13.

Et congregatio census Episcopos casibus prædictis posse regulares compellere per censuras ecclesiasticas, & alias pœnas arbitrarias.

Quod si quis, parochus, vel alius Sacerdos sine secularis sine regularis sit, etiam si id sibi ex priuilegio, aut immemorabili consuetudine licere contendat, alterius parochie sponsos sine licentia matrimonio coniungere, aut benedicere ausus fuerit, ipso iure suspensus maneat quandiu ab Ordinario à quo benedictio erat suscipienda, absoluetur. sess. 24. cap. 1.

Et quia emanauit decretum à sacra Congregatione regularium, quo cauetur ne aliquis regularis ad monasteria monialium accedat, & accedens ex Superiorum obedientia eas alloqui non possit, sub pœna priuationis vocis actiue, & passiue, & officiorum ac aliis pœnis arbitrariis, &c. notanda est ordinatio edita mandato S. D. N. in capitulo Romano 1601. quæ est tenoris huiusmodi. Cuius decreti locorum Ordinarij sint executores, & contra quoscumque regulares illius transgressores procedere possint, & debeant, dummodo prius Superiores regulares admonuerint, & ipsi post admonitionem fuerint negligentes. Si autem in flagranti regulares inuenti fuerint, possint Ordinarij illos carcerare, teneantur tamen illos suis Superioribus tradere, infra tempus ab eis præfigendum puniendos, qui Superiores debent de punitione illos certiores reddere, iuxta decretum Concilij Triden. Est etiam sciendum quod regularis delinquens in aliis decretis Concilij, non debet per Episcopum puniri, sed per suum Superiorem, quod deducitur à simili per quoddam decretum sacrę Congregationis, quod huiusmodi est.

Congregatio Concilij censuit, regulares qui absquẽ licentia Episcopi in Ecclesiis quæ suorum ordinum non sunt, prædicauerint; tametsi decreto Concilij contraxerint, non posse puniri ab Episcopo, sed tantum à suis Superioribus.

De Conseruatoribus.

CAPVT V.

CVM igitur regulares exempti sint à quorumcumque Prælatorum extraneorū iurisdictione, & sub immediata tutela sedis Apostolicæ consistent ad quam non potest in occurrentibus difficultatibus facilis haberi aditus, necesse fuit vt Conseruatores constitueretur qui nobis præsidio essent contra perturbatores & violatores priuilegiorum nostrorum. Et (quod viderim) Ioannes 22. fuit primus qui quosdam Episcopos ab eodem specialiter nominatos in suo priuilegio .i. Conseruatores pro ordine nostro instituit hac verborum serie.

Nos Magistri, & fratrum prædicatorum providere quieti, & malignorum conatibus obuiare volentes, fraternitati vestra per apostolica scripta mandamus, quatenus vos, vel duo, aut vnus vestrum per se, vel per alium seu alios, etiam si sint extra loca in quibus vos deputati estis Conseruatores iudices, eidem Magistro, & fratribus efficacis defensionis præsidio assistentes, non permittatis eos à quibuscumque molestari, vel eis damna, violentias, iniurias, vel molestias irrogari, facturi eisdem Magistro, & fratribus cum ab eis vel procuratoribus eorum fueritis requisiti, de quibuscumque molestiis, violentiis, iniuriis, & damnis presentibus, & futuris, in illis qua iudicalem requirunt indaginem, summarie, & de plano sine strepitu, & figura iudicii, in aliis vero prout qualitas exegerit, iustitia complementum. Molestatores, & iniuriatores huiusmodi, nec non, & contradictores quolibet, & rebelles, cuiuscumque dignitatis, status, vel conditionis extiterint, etiam si Pontificali præfulgeant dignitate quotiescumque expedierit, per censuram Ecclesiasticam appellatione postposita compescendo, inuocato ad hoc, si opus fuerit, auxilio brachij secularis. Non obstantibus literis Bonifacij 8. in quibus cauetur ne aliquis extra suam ciuitatem, & diocesim nisi in certis casibus ultra vnā dietam, &c. in iudicium euocetur, &c. Caterum volumus, quod quilibet vestrum prosequi valeat articulum etiam per alium inchoatum, quamvis inchoans nullo fuerit impedimento canonico impeditus, &c.

Sixtus 4. in Mari magno de Conseruatoribus pro ordine nostro decernit vt post.

Et nihilominus cuilibet in dignitate Ecclesiastica constituto, & Metropolitana, vel alterius Cathedralis Ecclesia Canonico per vniuersum orbem, qui desuper per Priores & F. fuerint requisiti, per Apostolica scripta mandamus quatenus per se vel per alios seu alium, vbi, & quando opus fuerit, dictis professoribus in præmissis efficacis defensionis præsidio assistentes, faciant eos pacifica possessione, vel quasi, priuilegiorum, & concessionum gaudere, non permittentes eos contra illorum priuilegiorum tenorem per Ordinarios, & quoscumque alios indebite molestari, aut eis grauamina, iniurias, & damna, inferri seu quomodolibet irrogari, ac etiam summarie, & de plano sine strepitu, & figura iudicii, sola facti veritate inspecta contra quoscumque cuiuscumque gradus, & dignitatis existant, etiam si Patriarchali, Archiepiscopali, & Episcopali, ac mundana forent dignitate muniti, in quibuscumque causis per eos mouendus quacumque ratione qua excogitari possit, eis ministrant iustitia complementum exequendo.

quod per eos fuerit ordinatum, & illos quos censuras, & pœnas prædictas incurrisse constitueris, irritos esse declares, &c. Contradiçtores per censuram Ecclesiasticam appellatione postposita compescendo, innuocato etiam, si opus fuerit auxilio brachij secularis. Non obstantibus Constitutionibus Bonifacij 8. &c.

Pius insuper V. in sua Constitutione qua confirmauit Priuilegia nostra, ampliora concedit circa Conseruatores, quæ vt clariora reddantur ad hæc capita redacta sunt. Primo igitur circa eos qui in Conseruatores eligi possunt, infra scriptos nominat, quibus, & Constitutionem dirigit his verbis.

Vniuersis, & singulis Patriarchis Archiepiscopis, & Episcopis, ac Abbasibus, & aliis personis in dignitate Ecclesiastica constitutis, nec non Metropolitanis, & Cathedralium Ecclesiarum Canonicis, ac prædictorum Vicariis in spiritualibus generalibus, vbi libet constitutis.

Modum vero eos eligendi hoc modo exprimit.

Per dictos fratres seu moniales, ac dicti ordinis prædicatorum Superiores, & domorum Priores, ac eorum singulos, pro tempore eligendi sunt Conseruatores, & iudices.

De illorum autem auctoritate ita disponit.

Quandiu autem dictum officium Conseruatoris exercuerint prædicti sic electi, & nemine quominus officium exerceant impediri possint, vel molestari, prohibemus, sub excommunicationis seu suspensionis lata sententiæ pœna, quam eo ipso incurrrere volumus.

Statuit etiam idem Pontifex vt sic electi teneantur munus Conseruatoriatus suscipere & exequi sub hac pœna. f.

Ita vt sic electi sub excommunicationis seu suspensionis lata sententiæ pœna, quâ statim quod munus Conseruatoris acceptare, & debite ac plenarie exequi neglexerint, absque alterius declarationis ministerio, incurrere volumus. Nec ab aliquo quam à Romano Pontifice, præterquam in mortis articulo absolui posse.

Causæ vero ab eisdem petrandæ in fauorem regularium istæ sunt.

Priores, Superiores, fratres ac moniales, etiam certij habitus oblatos ac eorum singulos aduersus inferentes eis aut eorum procuratoribus vel agentibus molestias sine perturbationes, iniurias, grauamina, vel damna in personis vel bonis, seu exigendo ab eis vectigilia, dacia, gabellas, collectas, aut alia onera, defendere, & præseruare, ac omnem eorum iurisdictionem exercere. Item neque eosdem coram aliis quam coram dictis Conseruatoribus, etiam vigore quarumcumque ordinationum regnorum coram secularibus iudicibus in iudicium vocari, vel alias molestari quauis occasione vel causa permittere, neque coram alio quocumque iudice sine ordinario, sine delegato, sine actores siue reiexsistant, &c. Et super præfatis personis efficacia defensionis præsidio assistere, nec permittere eos super eorum priuilegiis, indultiis, concessionibus, &c. per quoscumque Episcopos, Prælatos, Vicarios, Officiales, ac alias personas tam seculares quàm religiosas exemptas, & non exemptas, nec non Duces, Marchiones, Vniuersitates, &c. indebite molestari, aut eis vel eorum alienis, molestias, grauamina, damna, seu iniurias, iacturas irrogari, &c. Nec non contradiçtores quoslibet cuiuscumque status, & dignitatis extiterint, quoticumque expedierit auctoritate nostra per censuram ecclesiasticam, appellatione postposita compellere, innuocato etiam brachio seculari, &c. eosdem dictas

penas incurriffe declarare. Insuper conseruatiſſas quaſcumque ſuper quibuſcunque rebus, & negotiis, motas, & mouendas, aſſiſſue & paſſiue, cum omnibus incidentiſſis, & emergentiſſis annexis cognoscere, & decidere, & deciſas exequi, & executioni mandare, &c.

Modum etiam procedendi Conſeruatoribus proponit dicens.

Diſcretionem veſtram mandamus, quatenus vos, vel duo, aut vnus veſtrum, per vos vel per alium ſeu alios, etiam ſi ſint extra locum quibus deputati eſtis Conſeruatores, diſtis perſonis aſſiſtatis, &c. Necnon ſuper quibuſcuſque moleſtiis, damnis, iniuriis, &c. illariſſis ſine comminatioſſis, in illis qua iudicialem requirunt indaginem, ſummarie ſimpliciter, & de plano, ſine ſtrepitu, & figura iudicij ſola facti veritate inſpecta, in alius vero prout iuſtitia exegerit, iuſtitia complementum faciatis, &c.

Demum omnia in contrarium exiſtentia non obſtare decernit, cum derogatoriis in ampliſſima forma. Et quia contra hanc Pij V. Conſtitutionem aſſerri ſolet reuocatio edita per Gregorium 13. occurritur dicendo illam fuiſſe abolitam quoad ea tantum quæ contraria ſunt decretis Conc. Trid. quibus non obſtat electio Conſeruatorum, vt videre eſt leſſ. 14. cap. 5. vbi enim aliqua prohibuiſſet circa Conſeruatores, declarat regularia loca hoc decreto non comprehendere, ſed exempta eſſe.

Conſecutus in collatione priuilegiorum titulo 4. de Conſeruatoribus quædam tradit neceſſario ſcienda. Et de illorum electione dicit nedom capitulariter, verum etiam priuate fieri poſſe. Capitulariter .ſ. in capitulis generalibus vel prouincialibus ſive etiam cõuentualibus. Priuate vero per Magiſtrum ordinis, vel per Prouinciales, aut Priores, ſive Vicarios, ac per quolibet ſingulares fratres. Quæ electio conſtare debet per publicum inſtrumentum vel per Superiorum literas patentes, & ſic electi, à ſede Apoſtolica cum omnimoda auctoritate deputati exiſtunt. De modo procedendi notat illa verba ſummarie de plano, & ſine ſtrepitu, &c. & aſſert declarationem Clementis 4. quæ habetur Clem. vltima de verb. ſignif. & habet hæc verba.

Vt iudex cui talis modus procedendi commiſſus eſt, neceſſario libellum non exigat, liſis conteſtationem non poſtulet, in tempore feriatarum procedere poſſit, amputet dilationum materiam, liſem faciat breuiorem, exceptiones, & appellatiſſas fruſtratorias repellet, partium ad vocatorum contentiones tollat, multitudinem teſtium ſuperſuam refranet, declaramus, non ſic tamen liſem abbreviet, quod neceſſaria probationes, & deſenſiones non admittantur, &c.

De tempore durationis Conſeruatorum ſic electorum dicit eos non poſſe reuocari, quia illico à S. ſede deputantur. Et adducit decretum ſæcæ Congregationis Concilij in hoc propoſito, quod hujuſmodi eſt.

Regulares omnes in ciuitatibus Italia exiſtentes ſibi Conſeruatores eligant, coram quibus conueniri poſſint, ac ſemel electos non niſi in capitulis prouincialibus mutent, eorumque nomina ſiſta menſem Episcopis indicent, alioquin coram ipſis Ordinariis, conueniri poſſint.

Poſtremo notat Conſeruatores de labore ſuo reportare ſpiritualem remunerationem, quia efficiuntur participes miſſarum, ieiuniorum, ac orationum, & quorumcumque bonorum, quæ in ordine ſunt. Sic enim

concedit Iulius 2. Conseruatoribus ordinis minimorum in Constit. dicti Pontificis apud Confectum 3.

De modo procedendi in correctionibus fratrum.

CAPVT VI.

TRiplicem esse modum procedendi in punitionibus delictorum, omnes doctores vniuersim, tradunt. s. per denuntiationem, inquisitionem, & accusationem, quos etiam ex sacris scripturis colligunt. Denuntiationem docuit, D. N. Christus Math. 18. quando proposita correctione fraterna, & ea inutili existente subdit. Si illos non audierit, dic ecclesie. Inquisitionem docuit Deus Gen. 18. dum dicit Abraham. Clamor Sodomorum multiplicatus est, & peccatum illorum aggrauatum est nimis. Descendam & videbo, utrum clamorem qui venit ad me, opere compleuerint. Accusationis formam habemus Io. 8. ubi legitur. Adduxerunt Scribae, & Pharisei mulierem in adulterio deprehensam, & statuerunt eam in medio, & dixerunt Iesu. Hæc mulier modo deprehensa est in adulterio. Tu ergo quid dicis?

In multis differunt hi procedendi modi, nam inquisitio fit quando iudex ex officio suo inquirat delicta subditorum visitationis occasione quam Prælati regulares facere tenentur. Denuntiatio est, quando quis præcepto Superioris coactus, vel sponte zelo religionis crimen iudici denuntiat, ut ad emendationem principaliter procedat. Accusatio vero est, quando aliquis crimen Prælato defert, ut reus puniatur iuxta rigorem legis, obligando se ad delicti delati sufficientem probationem. Ex quibus declarationibus colligi possunt hæc discrimina. Inquisitionem generalem nihil præcedere necesse est. Vnde visitatores solo suo officio moti ad suos Conuentus accedentes præcipiunt ut si quæ habeant corrigenda reuelent, & ex illis ad inquirendum ducuntur. Inquisitionem vero specialem necessario præcedit notitia de persona delinquente, vel de delicti inquirendi infamia. Denuntiationem autem omnino præcedere debet Evangelica correctio. Accusator autem correctionem accusationi præmittere non tenetur. Et quia denuntiator, & accusator in hoc essentiali conueniunt, quod uterque delictum iudici patefacit, notanda est multiplex inter eos differentia. Prima est in fine, quia denuntiator principaliter intendit vel emendationem delinquentis, vel ad summum sui satisfactionem, quando offensus est, accusator vero punitionem iuxta rigorem legis intendit, data etiam delinquentis emendatione. Secunda in medio quia denuntiator post denuntiationem non habet de iure quod agat, accusator delictum probare tenetur, & si in probatione succumbit, penitur pœna, quam vocant talionis. Tertia in pœna, quia in accusatum tenetur iudex totam legis pœnam inferre, in denuntiatum vero potest eam mitigare, prout expediens iudicauerit. Quarta sumitur ex modo, quia denuntiator ex charitate prouenit, unde de ea agit S. Thom. 2. 2. q. 33. in tractatu de charitate, accusa-

fatio vero actus est iustitiæ & eam considerat S. Doct. 2.2. q. 68. in materia de iustitia. Quæ omnia lucidiora fient ex sequentibus.

Quocumque autem modo procedatur in correctionibus fratrum, notetur Constitutio Bonifacij 9. quæ habetur dist. 2. cap. 17. tenoris vt infra.

Statuimus, & ordinamus quod Magister ordinis, & alij præfidentes, ad quod id pertinuerit pro tempore, in correctionibus fratrum iuris ordine postposito secundum consuetudines approbatas, & instituta ordinis procedere liberè & licitè valeant, quod eis auctoritate Apostolica tenore præsentium ex certa scientia indulgemus.

Bonifacius 8. antea in suo privilegio 3. aliqd concessit. f.

Pensantes quod si regularium personarum correctio rimas, & apices iuris sequeretur, rigor huiusmodi lenesceret, & multiplici laxatione torperet, vestris supplicationibus inclinati auctoritate Apostolica vobis indulgemus, vt ad correctiones, & punitiones fratrum delinquentium infligendas, Prælati ordinis ad quos spectant, rimas & apices iuris postpositis, libere procedere valeant secundum consuetudines approbatas, & generalia instituta facta, & facienda. Neque volumus dictos fratres ab huiusmodi correctionibus & punitionibus posse appellare, &c.

Et in cap. Rom. 1601. dicitur. Et quoniam experientia nos docuit in processibus formandis, & causis pertractandis, si apices iuris seruentur, causas in infinitum protrahi, & fratrum delicta apud sæculares diuulgari, ordinamus ex cõcessione S. D. N. vt in causis prædictis sufficiat, vt fiat iudiciũ secundũ regulas à nostris Constit. præfixas, procedendo summarie simpliciter, & de plano sine & strepitu, figura iudicij, sola facti veritate inspecta. Quid autem sibi velint hæc verba, summarie, &c. dictum est cap. de Conservatoribus s. Et etiam obseruetur id quod in prologo Const. habetur. f. nullum posse condemnari ad penas grauioris culpæ siue ad carceres, nisi in iudicio confessum vel conuictum, & in scriptis. Qui processus non debent comburi, dum rei agunt in humanis, nec vlla ratione remaneant apud singulares fratres sub pœna grauioris culpæ, vt traditur Barchin. 1574. neque illorum copiarum etiam apud Prælatos completo illorum officio seruentur, iuxta tradita Venetiis 1592. sed in archiuo communi provinciarum, sub dicta pœna grauioris culpæ. Poterunt autem igni tradi post mortem reorum, dummodo sine iustitiæ periculo fieri queat respectu viuientium. Romæ 1589. Et norint iudices id quod tradit S. Thom. 2.2. q. 67. art. 4. f. non esse in illorum potestate remittere pœnas taxatas à lege delictis in sententiis ferendis, & quando proceditur via accusationis, & quãdo iudex non est supremus Prælati. Et post sententiam latam non possunt Prælati inferiores extra capitula remittere pœnas priuatiuas, ex traditis in cap. de grauiori culpa. Et etiam obseruent quod notatur cap. de certis detract. & sing. f.

Prælati qui incorrigendo transgressores inuenti fuerint negligentes, per generale vel Prouinciale capitulum ab officiis absoluantur, & puniantur.

De modo procedendi per denuntiationem.

CAPVT VII.

Denuntiatio duplex est pro quanto proposito nostro seruit, altera euangelica, altera iudicialis. Euangelica est, quæ sequitur correctionem, in qua primo admonetur frater delinquens secreto, deinde emendatione non secuta adhibentur testes, postea sequitur hæc denuntiatio significata per illa verba, Dic Ecclesiæ. Et hæc ad eum finem fit, vt Prælati non vt iudex, sed vt pater admoneat delinquentem etiam comminatoriis verbis. Iudicialis ea est, quæ sequitur euangelicam, quando illa non prodest, quæ habetur ex illis verbis. Si ecclesiam non audierit, fit tibi tanquam ethnicus, & publicanus .i. excommunicatus, excommunicatio namque iudicium sequitur. Differunt inter se valde hæc duæ denuntiationes, nam euangelica fit ore tantum sine scriptura, & figura iudicii, iudicialis vero si sit de graui crimine in scriptis redigenda est. Finis euangelicæ est sola emendatio delinquentis, qua habita delistit, iudicialis vero etiam si emendationem peccatoris intendat adhuc tamen satisfactionem offensæ expostulat siue publicam siue priuatam, ad differentiam accusatoris, qui vt dictum est publicam vindictam legis in suo rigore petit. Euangelica soli innitur charitati, iudicialis vero partim charitati, & partim iustitiæ, vnde hæc media est inter denuntiationem euangelicam & accusationem. Omittitur euangelica de iudicali aliqua dicamus.

Ex S. Thom. 2.2. q. 23. art. 7. primo notandum est, quod peccata duplicia sunt, quædam publica, quædam occulta. In publicis non tenetur denuntiator præmittere correctionem fraternam, quia hæc tantum de occultis fieri præcipitur dicente domino, Si peccauerit in te frater tuus, &c. Qui autem publice aliquem offendit, non solum eum cum peccat offendit, sed etiam alios videntes, quos turbat. Peccata autem occulta adhuc sunt subdiuidenda, nam quædam sunt in nocumentum corporale, vel spirituale proximi, vt proditio ciuitatis secreta, vel auersio hominis à fide & in horum denuntiatione non debet præmitti correctio, quia non solum in te peccat, sed etiam in alios, nisi forsitan similiter existimares quod proditor vel hæreticus per correctionem à delicto auerteretur, quod impossibile creditur est, & ideo talia delicta denuntianda sunt. Quædam vero peccata omnino occulta sunt, quæ malum inferunt tantum peccanti, vel ei etiam in quem peccatur per offensam vel notitiam solam, & in his denunciandis secreta monitio præcedere debet.

Contra hæc obici duo inter alia S. Doct. primum est quod in capitulis quotidianis religiosorum accusantur fratres de culpis non præmissa secreta

correctione, secundum est quia Prælati sæpe præcipiunt fratribus, vt renelent delicta fratrum ad punitionem. Et ad primum dicit in dictis capitulis fieri proclamationes tantum de leuibus delictis, non de his quæ infamiam asferunt. Ad secundum respondet: in illis præceptis semper præsupponitur correctio secreta, aliter peccaret Prælatus præcipiens, & subditus reuelans, quando modo dicto peccata sunt occulta.

Afferunt etiam theologi alios casus in quibus non tenemur præmittere correctionem secretam denuntiationi iudiciali .s. quando nulla esset spes emendationis, quando sibi iuste timeret de malo inferendo, quando in delicto graui periculum esset in mora, quando ageretur de delicto in perniciem multitudinis, & quando punitio delicti esset ob scandalum maxime necessaria. Et quod procedi quandoque debeat à denuntiatione euangelica ad iudicalem, habetur ex illo. Si Ecclesiam non audierit, sit tibi tanquam ethnicus, & publicanus. Et idem ad verbum tradit S. August. in regula per hæc verba.

Et si hanc de qua loquor oculi petulantiam in aliquo vestrum aduerteritis, statim admonete ne male cœpta progrediantur, sed de proximo corrigantur. Si autem post admonitionem iterum vel alio quoque die id ipsum cum facere videritis, iam velut vulneratum sanandum prodar, quicumque hoc potuerit inuenire. Prius tamen est alteri vel tertio demonstrandum, vt duorum vel trium possit ore conuinci, & competenti seueritate coerceri. Nec vos iudicetis esse maleuolos quando hoc indicatis. Magis quippe innocentes non estis, si fratres vestros quos indicando corrigere potestis tacendo perire permittitis. Si enim frater tuus vulnus habet in corpore, quod velit occultari dum timet secari, nonne crudeliter à te sileretur, & misericorditer indicaretur? Quanto ergo potius debes manifestare, ne deterius putrescat in corde? Sed antequam aliis demonstretur per quos conuincendus est si negauerit, prius Præposito debet ostendi, si admonitus neglexerit corrigi, ne forte possit secretius correctus non innotescere cæteris. Si autem negauerit, tunc neganti adhibendi sunt alij, etiam coram omnibus, vt possit non ab vno teste argui, sed à duobus vel tribus conuinci. Conuictus verò secundum Præpositi, vel etiam Presbyteri, ad cuius dispensationem pertinet, arbitrium, debet emendatoriam subire vindictam. Quam si ferre recusauerit, etiam si ipse non abcesserit, de vestra societate proiciatur. Non enim hoc fit crudeliter sed misericorditer, ne contagione pestifera plurimos perdat.

Multum conferunt huic proposito quæ cap. sequenti de accusatione traduntur propter affinitatem quam habent inter se denuntiatio, & accusatio.

CAPVT VIII.

Pertractat de accusatione S. Tho. 2. 2. q. 68. quatuor articulis, in quibus habentur quatuor notanda. Primum est circa necessitatem accusandi pro quo duas dat distinctiones. Prima est, aut accusator potest probare delictum, aut non. Secunda est, crimina sunt duplicia, quædam quæ vergunt in detrimentum temporale vel spirituale reipublicæ siue multitudinis, quædam in detrimentum tantum personæ. Tunc statuit hæc dicta. Sciens aliquod crimen quod sufficienter probare non potest, non tenetur quodcumque sit illud deferre iudici per accusationem, quia nullus tenetur assumere opus, quod ad debitum finem perducere non potest, finis autem accusationis est, vt delinquens conuictus puniatur ad beneficium boni communis. Item sciens crimen vergens tantum in damnum particularis, vt puta furtum, non tenetur accusare, etiam si habeat vnde illud probare possit, quia læsus potest dimittere offensam, cum sit dominus rerum suarum, & famæ, & de consilio est tales offensas dimittere. Congruit huic loco illud consilium Domini, quod habetur Matth. 5. Si quis percusserit te in maxilla, præbe ei alteram, & ei qui in iudicio vult contendere tecum, & tollere tunicam, da ei & pallium, & qui angariauerit te mille passus, vade cum eo alia duo. Vocauit autem hoc dictum consilium, non præceptum, quia si in his delictis delinquentem læsus accusaret, vel alius, non peccaret. Prohibetur enim sub præcepto, vt notat Caietanus hic, vindicta offensæ propria auctoritate acta, non publica, & prohibetur odiû, & liuor vindictæ, cum dicitur, Dimittite, & dimittimini, non autem reparatio damni sui, vel proximi. Item sciens crimen quod vergit in detrimentum reipublicæ, vel multitudinis, vt proditio ciuitatis, auersio hominum à fide, tenetur accusare. Probatur, quia vnusquisque tenetur manum apponere, vt bonum commune, siue reipublicæ, siue multitudinis conseruetur, & pœna accusato infligendo seruit pro medicina ad conseruandum bonum publicum. Hæc D. Thom. Vbi bene aduerte circa crimina accusanda, quæ dicit esse ea, quæ vergunt in detrimentum totius reipublicæ, aut multitudinis: vnde notant Doctores, quod assilini viarum accusandi sunt de necessitate, quia multitudinis bonum offendunt. Ita crederem in religionibus nedum accusandos esse, qui totius ordinis diuisionem emoliantur, sed etiam qui prouinciam, aut numerosum conuentum conturbant, vel suis delictis infamia notabiliter inurunt.

Secundum, quod notat S. Doct. in accusatione est, vt fiat scripto, ratio est, quia iudex ad instantiam accusatoris tenetur iustitiam ministrare, at ea quæ solum ore dicuntur, facile labuntur, & certa esse non possunt, vnde si sine scripto iudex à vero deniare posset. Quapropter in Constitutionibus dicitur, vt nullus condemnatur ad pœnas grauioris culpæ, vel ad carceres, nisi confessus, aut conuictus in scriptis.

In tertio notat tres defectus, qui in accusatione possunt misceri. s. Calumnia, quando accusator imponit falsa crimina. Præuicatio, quando

data accusatione adiualet partem aduersam indebitè. Tergiuersatio, quando desisteret à sufficienti probatione.

In quarto tradit pœnam infligendam accusatori deficienti in probatione, quæ, est pœna talionis .i. talis qualis esset accusato si conuinceretur imponenda. Nam iudex medius constituitur inter accusantem, & accusatum, & iustitiam inter eos seruare debet, quæ in æqualitate consistit, vt pœna nouimento respondeat.

Potest autem iudex desistere à prosecutione accusationis duplici de causa, vt ponderat S. Thom. in resp. ad 3. art. 3. primo si pari consensu se absoluant reus & accusator, secundo quando Princeps ad quem pertinet boni communis cura accusationem aboleret. Vbi Caietanus hoc notat. Quicumque iudex siue sit supremus siue inferior si aduertit accusationem calumniosam esse, tenetur eam abolere, & hoc notum est. Inde, cum agitur de accusatione in qua accusator petit satisfactionem de damno sibi illato, non debet iudex inferior sine consensu accusatoris accusationem reiicere, quia officium iudicis est reddere unicuique quod suum est. Post, Princeps supremus accusationem inceptam delere potest, quotiescumque viderit id cedere in bonum commune, vt si ex satisfactione vel punitione dubitaret de seditione, nam bonum particulare pro bono communi omittendum est. Item, iudex inferior in prædicto casu poterit accusationem in principio non admittere, aut inceptam dissimulare vel suspendere. Quod si ex abolitione vel dissimulatione aut suspensione accusationis nulum auxilium bono communi additur, iudex quilibet non debet neque potest ab incepta accusatione cessare, sed omni conatu eam prosequi debet.

De accusatoribus adnotetur quod dicitur in cap. de solem. celeb. capituli.

Conuentus qui mittit accusationes ad capitulum, scribat numerum, & nomina accusantium, & si accusant de visu vel auditu. Et vnus tantum accusatio non mittatur.

Et in declarationibus admonentur fratres ne aliquem accusent de crimine, nisi viderint ipsum delinquere, quod si de auditu tantum eum accusant, nouerint id sibi non licere, nisi probare possint, quod nedum ab aliis audierint, sed etiam quod in veritate accusatus illud crimen commiserit.

De modo procedendi per inquisitionem generalem.

CAPVT. IX.

Inquisitio differt à denuntiatione, & accusatione, quia denuntiat, & accusat subditus, Prælati vero inquirunt. Est autem inquisitio duplex, altera generalis cum inquiritur de delictis, & delinquentibus in genere, vt cum apud nos visitatores inquirunt an in conuentu sint fratres criminosi, altera specialis quando inquiritur de delicto, & persona speciali, vt si Petrus tale furtum commisit. Ex istis insurgit alia mixta, vt quando inquiritur persona de delicto in genere, puta si Petrus aliquod delictum commisit, vel è conuerso quando inquiritur quis tale furtum fecit. Inquisitio generalis à

342 *De modo procedendi per inquisitionem generalem.*
Prælati fieri potest & debet ex officio, etiam si nulla præcedant indicia.
Hæc mandatur cap. de Visitatoribus, ubi dicitur.

Statuimus ut quatuor fratres ad visitandam prouinciam in capitulo assignentur, qui excessus Priorum, & fratrum audiant, & emendent.

In formulario ordinis cap. de Visitatoribus statuitur ut cum primum ad conuentum visitandum peruenerint, capitulum intrent, & iniungant sine præcepti expressione ut quilibet dicat id quod sibi videtur dicendum pro bono ordinis secundum conscientiam. Et in prologo Constit. innuitur visitatores debere astringere fratres ad manifestanda delicta per præceptum formale dum dicit illud fieri posse sine scripto, & vocatur commune præceptum quod à Visitatorib. fit. Et hæc visitatio seu inquisitio generalis mandatur Prælati à Concil. Trid. sess. 25. cap. 1. ubi dicitur.

Omnis cura adhibeatur à Superioribus in suis capitulis, & visitationibus quas facere non prætermittant suis temporibus, ut ab obseruantia votorum, & regularum in-firmitatum non recedatur.

Hæc eadem visitatio mandatur Archiepiscopis in cap. Romana. De censibus in 6. quo in loco ad longum proponitur modus procedendi in ea, & corrigendi delicta inuenta, & eadem committitur Episcopis à Conc. Trid. cap. 3. sess. 24. ubi hæc verba notabilia habentur.

Visitatum autem præcipuus sit scopus sanam doctrinam expulsi erroribus inducere, bonos mores tueri, prauos corrigere, populum admonitionibus ad pacem, & innocentiam accendere, & cetera prout locus, & tempus feret ad fidelium fructum constituere.

Vi autem harum visitationum, & præcepti, poterunt fratres Visitatori tamquam, patri, denuntiare ea quæ existimauerint corrigenda, vel præmissa correctione iuxta Christi mandatum, vel etiam ea non præmissa, quando vel se aptos ad corrigendum non agnoscunt, vel quia sibi timerent de graui malo. Tenetur etiam subditus vi huius præcepti denuntiare vel accusare de his, de quibus dictum est quemlibet teneri ad accusandum, qui forsitan sine visitatione posset accusationem differre. Et amplius, sciens aliquem commisisse delictum in damnum ciuitatis vel multitudinis, & non habeat unde possit illud probare, poterit iudici denuntiare, quia denunciator non cogitur probare, ut accusator.

Difficultas hic emergit, num Visitator possit à generali ad specialem inquisitionem declinare, quando per visitationem manifestatur ei certum delictum de certa persona. Ad quod responderem cum debita submissione, quod si delictum est de numero eorum quæ homo tenetur accusare, poterit declinare ad specialem inuestigationem, sicut etiam posset extra visitationem procedere, nam accusator sufficit ad mouendum iudicem ut procedat. Potest etiam ad specialem inquisitionem deueniri quando per visitationem probaretur infamia contra aliquem de delicto. Insuper posset Visitator ex communi visitatione inquirere contra aliquem, quando ex visitatione resultarent indicia violenta contra eundem, ut si Visitatori constaret rem furto sublatam apud aliquem inuentam esse, posset iste de furto inquire.

In reliquis

In reliquis vero non vergentibus in damnum ciuitatis vel multitudinis, vel quando non præcedit infamia, aut indicium vehemens, non poterit Prælatus inquisitionem specialem formare. Et subditus in his casibus etiam vi præcepti non tenetur denuntiare. Et adrem, quod si Prælatus aut syndicus dilapidaret bona conuentus, aut religiosus notabiliter sæcularibus scandalum sua praua conuersatione præberet vt religio in opprobrium verteretur, talia crimina iudicari debent cecidentia in detrimentũ boni publici, aut multitudinis.

De modo procedendi per inquisitionem specialem.

CAPVT X.

HÆc inquisitio specialis duplex est, altera quæ dicitur meritoria, vt cum quis assumendus est ad Episcopatum sit inquisitio de meritis illius, num tanto muneri aptus sit, sed de hac non est habendus sermo. Altera nuncupatur criminalis, qua inquiritur, num talis persona tale crimen commiserit, & de hac tradenda sunt aliqua magis substantialia. Primo autem omnium notanda est doctrina S. Tho. 2. 2. q. 67. ar. 3. vbi habet, quod iudex constituitur inter duos hinc & inde disputantes tanquam medius, & omnibus auditis iustitiam ministrat, qui duo sunt accusator, & reus. Cum autem procedit per inquisitionem, in qua non est accusator, debet adesse aliquid loco accusatoris, quod erit publica infamia, sicut Gen. 4. inquisitionem fratricidij Cain præcessit rumor, vnde dicit Deus: Vox sanguinis fratris tui clamat ad me de terra, & Gen. 18. inquisitionem delicti sodomorum præcessit clamorosa infamia. Clamor sodomorum venit ad me. Et Lucæ 16. Paterfamilias inquirens malam villici administrationem præsensit infamiam, nam dicitur. Et hic diffamatus est apud eum, &c. Cum D. Tho. in hoc conueniunt Theologi, canonistæ, & iurisperiti. Verum apparet S. Tho. extendere hæc infamiam, ita vt sufficere videatur, quod eius loco vel expressa indicia præcedant, vel semiplena probatio, Nam q. 69. art. 2. docet iudicem iuste interrogare testes de persona delinquente, quando infamia, vel expressa indicia, vel semiplena probatio præcedit, interrogatio. n. inquisitio quædam est. Et Caietanus addit, quod dato vt vnus esset publice infamatus de vno crimine, contra eundem non posset fieri inquisitio de alio crimine, de quo non esset infamatus, quod expresse habetur cap. Inquisitionis extra de Accusat. vbi dicitur. Inquisitio fieri non debet, nisi super delictis, de quibus clamores præcesserint. Quod, & notatur in decla. cap. de grauiori culpa contra Petrum de Palude.

Sed grauis hic occurrit dubitatio, num data notorietate criminis, puta homicidij, quia apparet cadauer, possit iudex delinquentem inquirere sub censura præcipiendo, vt qui scit aut suspicatur de delinquente, illum prodad. In qua difficultate varia traduntur à doctoribus: satis autem mihi erit tradere, quid dicendum sit ex mente S. Doctoris, & discipulorum eius.

In primis pars affirmatiua persuadetur, primo ex vniuersali consuetudi-

ne totius orbis etiam inter regulares doctos, & timoratos, qui in similibus casibus ad talem inquisitionem descendunt. Secundo, quia si id iudices non peragerent, oriretur scandalum de eorum negligentia, & delicta grauiora impunita remanerent. In hanc sententiam cōuenisse videtur S. Tho. de quo refert Caietanus hic q. 69. & Siluester verbo Correctio §. 8. quod in quodam capitulo generali cum esset baccalaureus, sensit eo casu ad præceptum Prælati teneri subditum, suum & alienum delictum quantumvis occultum pandere. In oppositum est illa regula generalis, omnem inquisitionem præcedere debere, vel denuntiationem, vel accusationem, aut infamiam, vt iudex sit medius. Huic dubio respondeo per hæc dicta.

Si delictum, de quo queritur tale esset quod induceret detrimentum communitati aut multitudini, posset Prælatus per censuram veritatem indagare, & subditi tenerentur illam pandere, quia etiam sine Prælati mandato tenentur per accusationem tale delictum iudici deferre, vt iam dictum est.

Item si delictum esset tale quod tantum noceret priuatæ personæ, & publice esset commissum, posset iudex censura vt, & illi tenerentur reuelare, si infamia ad aures iudicis saltem extra iudicialiter peruenisset per dicta supra.

Item si delinquens in præiudicium tertij esset omnino occultus, iudex posset generaliter inquirere eum, & subditus non teneretur illum reuelare; nam iudex inquisitionem generalem exerceret ex officio, & nullus reuelare tenetur occulta delicta. Et hoc modo saluatur consuetudo vniuersalis orbis, & non potest iudex de negligentia argui: Neque frustratoria esset illa inquisitio, quia si delinquens esset infamatus de crimine, posset infamiam iudici pandere. Sunt qui asserunt eo casu posse inuestigari indicia generalia, puta qua hora, quomodo, quo loco, &c. fuerit delictum commissum, & si ex his resisterent manifesta indicia, posset inquirere ex eis specialiter delinquentem, quia hæc indicia locum infamiæ tenerent. Ad obiecta in contrarium satis dictum est. Et de S. Tho. Caietanus dicit, attendendam esse doctrinam quam nobis scriptam reliquit, non quod in dicto capitulo consultit.

Non est autem in proposito spernenda formula inquisitionis, quæ traditur in formulario ordinis, vbi dicitur. Quædam delicta sunt omnino, vel quasi omnino occulta vt illa quæ à solo committente, vel ab alio vidente sciuntur, & de his non debet fieri inquisitio. Quædam sunt delicta, quæ habent plures consortes, & Prælato etiam per relationem vnius facta sunt nota, & talia non sunt sine discussione dimittenda, sed debet ea scripto commendare non vt tunc puniat, sed vt conseruet, ita vt si postea similiter delinquant magis aggrauentur, debet tamen delinquentes acrius monere fecreto, & diligentius eos obseruare, & quandoque deferre, si illi alias sint claræ famæ vel si timeatur de aliquo malo. Quædam vero sunt occulte commissi, sed quandoque à pluribus dicuntur, & à plerisque nesciuntur, & tunc inquirendum est de vita, & moribus delinquentis in alijs locis, & si aggrauatus redditur, de consilio discretorum poterit archari, vt inquiratur deli-

etiam. Quædam sunt publice commissæ, & pluribus nota, & contra istorum operatores inquirendum est, cum ex S. Tho. 2. 2. q. 70. art. 1. habeatur iudicem posse inquirere, & quando infamia præcedit, & quando delicta sunt manifesta.

Et in decla. cap. de Visita. notatur fratres non teneri Prælato præcipienti delicta omnino occulta reuelare, sed charitatiue corripere, aut si se aptos non cognoscunt. Prælatum tanquam patrem admonere, vt secreto corrigat, quod non est dicere Ecclesiæ, quia non dicitur ei vt iudici. Si autem non sint totaliter occulta, sed per suspensiones ad notitiam multorū deuenerint vnde multi scandalizentur, cum bonum multitudinis præponendum sit bono vnius, Prælatus debet veritatem inquirere, & delinquentes punire, & testes examinati tenentur illa dicere.

De Testibus.

CAPVT XI.

S. Tho. 2. 2. q. 70. hæc puncta tradit de testibus. Primum attinet ad obligationem dicendi veritatem, & distinguit. nam aut testimonium eius exquiritur à iudice, aut non: Si non exquiritur, in duobus casibus tenetur se sponte exhibere. scilicet quando crimen esset in damnum reipublicæ vel multitudinis, & quando sciret aliquem iniuste condemnari ad mortem, debet enim facere quod in se est, vt eum liberet propalando veritatem alicui qui possit prodesse. Aut eius dictum inquiritur, & tunc est subdistingueudum, nam aut delictum est omnino occultum, & sibi solum manifestum, & tunc non tenetur illud pandere, quia occulta soli iudicio diuino subsunt. Si autem delictum non sit ita occultum, sed etiam alijs notum, distinguere oportet, quia aut illud nouit quia sibi in confessione sacramentali traditum fuit, quo casu non potest illud prodere, & tuta conscientia potest dicere, nescio, tum quia nescit vt homo, tum quia audita nesciuntur sed credantur, aut illud nouit sub secreti sigillo, & tunc propalare tenetur, quia male promissit in damnum iustitiæ, & tertij, aut illud nouit aliunde siue de visu siue de auditu, & eo casu si delictum est in damnum multitudinis vel tertij personæ, tenetur illud detegere, & tacendo mortaliter peccat, & ratione perijurij, & ratione falsi testimonij prohibitorum in lege, & ratione mendacij, quod perniciosum est, cum sit contra bonum iustitiæ.

Aliud punctum versatur circa qualitates testium ob quas repelluntur à testimonio ferendo, vel diminuitur illorum fides. Quarum aliquæ proueniunt ex culpa, vt infideles, infames, criminosi, & notati publice aliquo crimine. Quædam sine culpa ex defectu rationis, quales sunt amentes, pueri, mulieres, &c. vel ex affectu interno vt inimici, amici, domestici, familiares, &c. vel ex exteriori conditione, vt serui pauperes, & subditi, vel ex varietate dictorum suorum. Varietas autem pluribus modis accidere potest. 1. quâdo idem testis modo vnum, modo aliud dicit, & si variat in substantialibus, loco, & tempore, repellitur, & est periurus, si autem in circumstantijs re-

motis, quæ non ita attenduntur non officit. 2. quando variant diuersi testes inter se. Et tunc aut variant in substantia, quia aliqui affirmant delictum, alij negant: & eo casu Prælati debet pendere vtriusque partis testimonium numerum dignitatem, & qualitatem tum illorum, tum negotij, vt prudentia sua iudicet cui parti adherendum sit: aut variant in circumstantijs principalibus. s. loci, & temporis, si vnus dicat vidisse rapientem aliena tali die, & tali loco, alter dicat, vidisse alio die, & alio loco, & isti testes sunt singulares: si autem dissideant in circumstantijs remotis, vt quia vnus dicit fuisse tempus serenum, alius nubilosum, vel domum esse pictam, alter non, talis discordia testimonio non obest. quia ista à memoria facile labuntur, imo discordia in similibus facit testimonium credibilius, nam aliter ex condito videretur testimonium ferre. Idem dicendum est si vnus deponeret de certo loco & tempore, alter diceret de his non recordari.

Tertium est de quantitate testium, & dicit duos testes testes omni exceptione maiores plene probare delictum ex illo Deut. 7. in ore duorum vel trium stat omne verbum, & ad maiorem certitudinem tres, qui tamen nec vllus illorum debet esse accusator aut denuntiator.

Postremum est, testem falsum deponentem peccare mortaliter, quia agit contra duo præcepta. s. Non perjurabis, & non dices falsum testimonium contra fratrem tuum. Et etiam peccat dicendo mendacium, non tamen mortaliter necessario, nisi sit perniciosum.

De Reis.

CAPVT XII.

Questionem formauit S. Tho. 2. 2. quæst. 69. de iniustitia ex parte reorū: quæ ad duo capita reduci potest, primo an reus examinatus teneatur fateri delicta commissa. 2. quomodo possit se defendere. Et quoad primum distinguit, nam aut interrogatur reus secundum ordinem iuris, aut non: si sic, tenetur sub pœna peccati mortalis dicere veritatē, quia ex debito iustitiæ tenetur obedire Prælato in officio suo: sin minus, non tenetur, neque tamen debet dicere mendacium, quia hoc semper est malum. Interrogatur autem secundum ordinem iuris, quando & iudex est competens, & quando præcedit infamia contra reum, vel indicia manifesta, vel semiplena probatio, quo casu negans reus veritatem peccat contra dilectionem Dei, cuius est iudicium, & contra dilectionem proximi, tum ex parte iudicis cui negat quod debet, tum ex parte accusatoris, quem reddit mendacem, & dignum pœna talionis. Et Caietanus. vocatur infamia non frequens vox discolorum, sed vox proborum virorum, & sapientum. Vocantur autem indicia manifesta, quando sunt delicto proxima, & iudici nota per legitimas probationes, ac reo per copiam indiciorum. Et vocatur semiplena probatio, quando habetur vnus testis omni exceptione maior, qui non sit accusator nec delator nec socius criminis.

In decla. cap. de solem. celeb. cap. dicitur. Si aliquis accusatur de crimine

occulto, quod scitur tantum ab accusante, & accusato, non poterit iudex eum interrogare, aliter peccaret graviter, cum usurpet potestatem quam non habet, quia occulta Deo relinquenda sunt, & interrogatus non teneretur delictum fateri. Si tamen præter accusantem, & accusatum haberentur vel infamia de eo crimine, vel manifesta indicia, posset interrogari, & teneretur fateri.

Quoad secundum caput, ita differit S. Tho. Aliud est veritatem tacere, aliud falsitatem dicere, primum licet, quando reus non iure examinatur, secundum semper malum est. Ad id autem quod licitum est perlicita, & non illicita procedendum est, ideo reus interrogatus non potest per illicita se defendere, scilicet per falsitatem, fraudes & calumnias. Et talis falsitas quamvis esset officiosa reo, esset tamen perniciofa in se, quia esset contra dilectionem Dei, & proximi.

At si reducamus doctrinam hanc ad praxim redditur difficilis. Demus unum interrogari de crimine occulto, & nollet respondere, certe iudex iniquus cogat pœnis eum ad respondendum, & S. Tho. dicit reum eo casu posse declinare iudicium per appellationem. Religiosi vero quibus appellatio interdicta est ut dicatur, dicere debent. Probet accusator quod dicit, vel, Peto iustitiam, & similia. Qui tamen modus non constans est, quia ex eo percipiet iudex veram esse accusationem, cum aperte eam non neget. Soto in quæst. de ratione tegen. Existimat probabile esse, talicasu reum dicere posse sine mendacio, Nescio, hac intentione scilicet nescio ut teneatur vel velim dicere, quo sensu Christus Mar. 13. dicit. De illo die nemo hominum scit neque filius hominis, nesciuit enim ut diceret. Verum iniquus iudex de quo est sermo, non quiescet sed dicet. Dic precise num occidisti, vel deliquisti. Adrianus ut refert idem Soto affirmat posse reum dicere, non occidi, scilicet ut dicam. Contra quem arguit Soto, quia violentissimus esset sensus, si intenderet, non occidi ut dicam. Posset ergo reus postquam dixit, probet accusator, peto iustitiam, & c. subdere, dixi satis, confirmo quæ dixi, nil habeo quæ dicam, & similia. Quod si vexatur, patienter ferat. Admonet tandem reum sic negantem mendacium committere officiosum, cum supponatur iniuste examinari, nisi iuramentum interueniat.

Et sicut non licet dicere mendacium super delicto secreto, ita etiam non licet mentiri in defensionibus opponendo testibus exceptiones falsas, aut delicta secreta, quæ ipse solus nouit, quia calumniose se defenderet. Secus si opponeret crimina de quibus infamatus vel cõdemnatus existit, si tamen odium absit.

De appellationibus.

CAPVT XIII.

AVtoritate Apostolica tenore præsentium perpetua, & irrefragabili constitutione statuimus & ordinamus, & c. Quod nullus ex fratribus siue sororibus ordinis prædicatorum, & c. 2.

correctione quacumque seu ab aliquo Prælato quauis occasione appellare, aut contra eos querelam proponere, nisi prius coram Priore vel Prouinciali, seu Magistro ordinis, & successiue in generali capitulo causam vel querelam suam proposuerit verbo vel scriptis, possit aut debeat. *Cap. de Const. Bonifacij 9.*

Diffinitores capituli generalis habebunt plenariam potestatem super excessu Magistri ordinis corrigendo, vel de eo penitus remouendo. Ipsorum vero sententia, tam in his quam in alijs, inuolabiliter obseruetur, ita quod à nemine ab illorum sententia liceat appellare, & si appellatum fuerit, friuola sit, & nulla appellatio. Appellationem enim in nostro ordine sub interminatione anathematis fieri inhiibemus, cum non venerimus contendere, sed potius delicta corrigere.

Item ne delicta mancant impunita, & obedientia in nostro ordine per appellationes friuolas infringatur, statuimus quod quicumque frater nostri ordinis contra obedientiam appellare præsumpserit in futurum, nisi appellationi infra duos menses renuntiauerit, vel etiam infra annum prosequi non inceperit, aut ab incepta prosecutione destiterit, vel in ipsa succubuerit, adiudicatus carceri sit ipso facto, nec possit cum ipso ante annos duodecim dispensari, nisi per cap. generale. *Cap. de cap. generali.*

Leo X. confirmauit dictam Constitutionem Bonifacij IX. in priuilegio 8. his verbis.

Statutum, & ordinationem huiusmodi (s. Bonifacij IX.) ac omnia, & singula in eo contenta, auctoritate Apostolica motu proprio, & c. tenore presentium approbamus & confirmamus, &c. Et pro potiori cautela omnia, & singula, etiam sub excommunicationis laxe sententia pena eo ipso incurrenda statuimus, & ordinamus.

Bonifacius VIII. priuileg. 3. statuit vt infra.

Neque volumus eisdem fratribus licere ab eisdem correctionibus, & punitionibus aliquatenus appellare, prouida deliberatione, & maturitate debita, seruatis.

Refertur in decla. de cap. generali Iulium 1. concessisse breue huiusmodi Magistro.

A fide dignis accepimus, quod nonnulli tui ordinis fratres ac moniales, vt debitam correctionem, & absolutionem ab officijs subterfugiant, ad cancellariam Auenionensem & ad alias curias Ecclesiasticas vel saculares, à tuis, & aliorum Prælatorum ordinationibus appellare non erubescunt. Quocirca huiusmodi subterfugij obviare cupientes, fratribus ac monialibus dictis, ne appellationes interpositas prosequi, aut ab ordinationibus appellare, & iudicibus quasumque appellationes recipere aut illas cognoscere quouo modo præsumant, sub excommunicationis pena districte inhiibemus irritum, &c. Non obstantibus, &c.

In cap. Romano 1589. Denuntiatur hoc decretum Sacre Cong. Regul.

Quoniam nonnulli vagandi studio, siue dum imminentem commissorum criminum poenam ex suis Constit. aut alias debitam sibi metuunt, falsa, & commentitia grauamina causari, non immediatè ad sui ordinis Superiores s. à grauiamine Prioris ad Prouincialem, à Prouinciali ad Generalem, & à Generali ad Protectorem, prout cuiusque religionis Constit. disponitur, sed ad hanc Romanam curiam absque licentia fugiunt potiusquam recurrant, ex quo ordinum disciplina relaxatur, Prælati contemnuntur, & ipsi in dies audaciores euadunt, placuit sacre Congr. ex ordine Sanctiss. statuere ut si quis regularium in posterum temere, leuiter ex causa hanc aliam urbem, seu Curiam absque sui Superioris licentia & supradicta forma pratermissa adire præsumpserit, ad suos Superiores seuerius puniendus remittatur.

In decla. cap. de cap. generali habetur. Licet appellatio sit de iure naturali, tamen vnusquisque iuri suo potest renunciare, & eo ipso quod quis sponte proficetur secundum Constit. nostras, quæ appellationem prohibent, renuntiat iuri suo, sicut & iuri habendi proprium, aut ducendi uxorem, in quibus natura omnes liberos fecit, & ideo poena imposita fuit appellantis: Et S. Tho. 2. 2. q. 69. art. 3. dicit duplici de causa appellationes fieri, vel ex confidentia iustæ causæ; quando iniuste à iudice aggrauatur, & si licita est appellatio, vel causa differendæ moræ ne contra eum iusta sententia proferatur, & hoc est calumnie se defendere, quod illicitum est, quia iudici fit iniuria.

Romæ 1569. inter admonitiones ita habetur. Perturbationes ordinis quæ excitari solent prætextu appellationis, quæ præter dispositionem Constit. nostrarum & Constit. Bonifacij IX. ad sedem Apostolicam immediatè cõfugiunt tollere volentes, speciali auctoritate S. D. N. præcipimus in virtute S. Obedientiæ, & sub poena priuationis vtriusque vocis, & officiorum, ac excommunicationis latæ sententiæ omnibus fratribus ac monialibus, ne audeant quauis de causa contra seriem nostratum Constit. & literarum Bonifacij IX. immediatè, & non gradatim ad S. sedem, & multo minus ad alia tribunalia tam ecclesiastica quàm secularia quoquo pacto appellare. Et idem Romæ ordinatur 1601. In particulari prohibentur appellationes contra absolutionem ab officijs. Vnde in cap. prædicto dicitur.

Appellans ab absolutione facta vel faciendâ ab officijs prioratus; vel prouincialatus, siue Vicariatus, etiam prætextu grauaminis, ipso facto sit absolutus ab illo officio. Volentes quod in istis ratio grauaminis tam proprii quam communis non habeat locum: quo ad appellationem.

Et Iulius 2. id confirmat vt habetur lib. priuil. fol. 246. his verbis.

Cum appellationes religionis iugo, & statuti ordinis dissonent, supplicationibus inclinati auctoritate apostolica, &c. statuimus, ut si quis frater aut soror ab absolutione ab officio facta vel faciendâ appellauerit etiam prætextu grauaminis, &c. ipso facto ab officio pro quo appellauerit, sit absolutus vel absoluta.

Valleolati 1605. dicitur. Quicumque Prælati sui iudiciũ recusauerit, seuerissime puniatur, & Prælati non debent se recusatos iudicare, sed cogant, vt delinquentes poenitentia impositâ subeant, & interim Superiores moneant.

CAPVT XIII.

Delinquentium tanta est malitia, vt omnem conatum adhibeant, ne iudices illorum delicta noscant, & ideo perquisiti audacter negant, vnde necesse fuit inuenire remedia ad eruendam veritatem de ore illorum, quæ tria sunt. scilicet iuramentum, sequestratio, & tortura. Deberent omnes simplici dicto credere, sed quia omnis homo mendax est, introductum fuit vt habitis indicijs contra reum iudices ei iuramentum præbeant, quo cogatur sub pœna peccati mortalis veritatem aperire. Loco autem iuramenti consueuerunt Prælati nostri formare præceptum de dicenda veritate verbis obligantibus ad mortale. Fundamentum habet hic modus in S. Tho. 2. 2. q. 33. art. 7. ad vlt. vbi asserit, quod sicut iudex laicus vel ecclesiasticus potest iuramento veritatem exigere, ita religiosus Prælati præcepto. Et in formulario ordinis traditur exemplar dicti præcepti, & subditur illud debere fieri in scriptis, & legi in principio examinis. Et in decla. cap. de Visit. notatur visitatores præcipere pro habenda veritate, nulla facta iuramenti mentione. Et quando præceptum non sufficit, possunt sententiam excommunicationis ferre. Meminerint tamen illius quod tradit Conc. Trid. sess. 5. de reformat. cap. 3. hoc decreto.

In causis criminalibus, vbi executio realis vel personalis fieri potest, erit à censuris abstinendum, vel si executioni locus esse facile non possit licet iudici hoc spiritali gladio in delinquentes vri, si delicti qualitas, &c. id postulauerit.

Quando autem iuramento veritas haberi non potest, & vergeant indicia graua, & delictum sit enorme, deueniendum erit ad sequestrationem, quæ tria bona parit. 1. cum sit pœnalis mouet reum ad satendum delictum, 2. impedit ne querat quid deposuerint testes, vel eos subuertat, 3. retinet ne fugam arripiat. Et hi sunt qui dicuntur attentati ad differentiam destinatorum ad carceres per lententiam. Obseruetur in hoc quod asserit Concil. Trident. sess. 25. cap. 6. de reformat. f.

In criminibus ex incontinentia proueniens, & in atrocioribus delictis vbi de fuga timeatur, ne iudicium eludatur, & ideo opus sit personalis detentione, possit Episcopus solus ad summariam informationem, & necessariam detentionem procedere sermo in reliquis ordine prædicto. In omnibus autem casibus ex habeatur ratio, vt iuxta qualitatem delicti ac personarum delinquentes in loco decet teneantur.

Postremum remedium prædictis non sufficientibus est tortura, de qua in formulario cap. de iudicijs in ordine faciendis dicitur, quod præcedentibus indicijs possunt adhiberi tormenta corporalia qualia sunt abstinentiæ, disciplina, & huiusmodi donec fateantur. Et in decla. cap. de solemn. celeb. capituli dicitur. Si contra fratrem habentur testimonia secularium, non potest hic condemnari, potest tamen arctari, & ad quæstiones poni. Similiter si vnus accusatus à pluribus non contestibus, sed singularibus, non erit convictus, sed poterit ad quæstiones poni.

Hæc autem sunt indicia principaliora propter quæ reus torqueri potest præter nunc dicta. Primū, si reus vacillat in dictis, vel in substantia, ut cum primo fatetur delictum, postea negat, secus si primo negat, postea affirmat, vel in circumstantiis proximis, si modo vnam modo oppositam affert. Secundum est confessio extrajudicialis sufficienter probata. Tertium, testis vnus de visu omni exceptione maior cum infamia constante. Quartum, vnus testis similis cum indicio vehementi. Quintum plura indicia manifesta. Sextum, vnum indicium vehemens, & infamia. Hic vocatur indicium, illud factum cum quo vt plurimum stat delictum vt inuentio rei furto sublata, stare videtur cum furto.

De leui culpa.

CAPVT XV.

Leuī culpa est, si quis mox vt signum factum fuerit, non relictis omnibus cum matura festinatione differat se præparare, vt ad Ecclesiam ordinate, & composite quando debuērit, veniat. Si quis ad Gloria primi psalmi non affuerit. Si quis in choro male legendo vel cantando offendens non statim se coram omnibus humiliauerit. Si quis diuino non intentus officio, vagis oculis, & motu irreligioso leuitatem mentis ostenderit. Si quis in Ecclesia vel in dormitorio vel in cellis aliquid inquietudinis fecerit. Si quis in choro riserit, vel alios ridere fecerit. Si quis lectionem statuto tempore non præuiderit. Si quis aliud cantare vel legere præsumpserit, quam quod communis probat vsus. Si quis ad prædicationem vadens ociosa locutus fuerit.

Item leuī culpa est, si quis dissolute ridens cachinnis vel ludis dictis vel factis alios ad ridendum concitauerit. Si quis oculos vagos per plateas vel villas eundo ad vanitates frequēter direxerit. Si quis in vigilia Annunciationis & Natiuitatis Domini in principio capituli per negligentiam non affuerit, vt profuturæ redēptionis nostræ exordiis, corde, & corpore gratias agat Deo redēptori. Si quis de via veniens eadē hora si fieri poterit, benedictionē accipere neglexerit, vel absq; ea plus vna nocte moraturus exierit. Si quis ad lectiones dormierit. Si quis temporibus statutis cum aliis lectionē auditorus non affuerit. Si quis libros interdictos legerit.

Item leuī culpa est si quis Ecclesiæ vel altaris ornamenta negligenter tractauerit. Si quis vestes suas aut libros loco statuto honestè non deposuerit, vel negligenter tractauerit. Si quis indumenta vel alia fratri concessa sine ipsius licentia per se acceperit. Si quis aliquid vtensilium fregerit, vel perdiderit. Si quis cibi vel potus

aliquid effuderit. Si liber in quo legendū est, cuiuscumq; neglectu defuerit. Si quis dixerit aliquid, vnde offendantur fratres, vel egerit. Si quis cibum vel potum absq; benedictione sumpserit. Si quis in Conuentum hora qua debet venire distulerit. Si quis ad capitulum vel collationem non venerit, vel communi refectiōi non interfuerit. Si quis commune mandatum dimiserit. Si quis clamans in proclamatione sua iurgium fecerit. Si quis cum à quo proclamatus fuerit, eodem die quasi vindicando clamare præsumperit.

Item leuis culpa est, si quis cum iuramento vt loquendo fieri solet; aliquid negauerit, vel affirmauerit. Si quis turpem sermonem vel vaniloquium dixerit, vel quod grauius est in vsu habuerit. Si quis eorum qui officiis deputati sunt, in aliquo negligens repertus fuerit, vt sunt Priores in Conuentu custodiendo, doctores in docendo, studentes in studendo, scriptores in scribendo, cantores in officiis suis, procuratores in exterioribus procurandis, vestiarij in vestibus prouidendis, & custodiendis, infirmorum custos in infirmis custodiendis, & procurandis, & mortuis necessariis ministrandis, & cæteri in officiis suis vt iniunctum est eis. Clamatis vel proclamantibus se de supradictis debetur poenitentia secundum quod Prælato videbitur expedire.

Capitula ista de leui, graui, & grauiori culpa edita fuerunt in principio ordinis quo tempore transgressiones inducebant culpam mortalem vel venialem. Post consulentes Patres quieti ordinis statuerunt illam Constit. prologo insertam, scilicet quod regula, & Constit. non obligant ad culpam, sed ad poenam, nisi &c. Remanet tamen titulus his capitibus de culpa qui esse deberet de leui, graui, & grauiori poena.

Veruntamen transgressiones in his capitibus contentæ dici possunt culpæ non essentialiter, sed antecedenter, & consecutiue. Antecedenter quidem si transgressiones sunt ex negligentia, neglectus enim semper culpabilis est, secus si sunt ex inaduertentia vel ex obliuione, vt docet S. Thom. 2. 2. quæst. 186. art. 9. Et si transgressiones sunt ex leui negligentia erit culpa leuis, si ex graui grauis: Si ex malicia sunt, erunt grauior vel grauissima culpa. Consecutiue vocantur istæ transgressiones culpæ, quia omittentes poenam taxatam vel taxandam culpam non euadunt.

In istis capitibus continentur aliquæ transgressiones, quæ sunt essentialiter culpæ saltem veniales, vt sermo ociosus, oculus vagus, risus immoderatus, & similia; & quædam mortales, vt dicere opprobrium, frangere ieiunia Ecclesiæ, &c. quæ duplicem poenam inferunt, alteram quia lege diuina vetita sunt, alteram ex vi Constit.

Nota in hoc capite dici leuem esse culpam legere libros interdictos, quod intelligendum non est de libris interdictis ab Ecclesia, quorum lectio

punitur à S. Officio, sed de libris interdictis cap. de studentibus vbi dicitur studentes, in libris gentilium, & philosophorum non debeuster docere, nec artes liberales addiscere.

Solet autem pro his transgressionibus imponi abstinencia à vino vel cibo, aut etiam psalmi vel orationes, seu disciplina plus minus, & eadem transgressio notatur in cap. de leui, & cap. de graui, vt in primo cap. dicitur. Si quis clamans iurgium fecerit. In altero dicitur. Si quis fratri opprobrium dixerit, vt prudens Prælatus discernat quæ conuicia graui vel leui pœna puniendæ sunt.

De graui culpa.

CAPVT XVI.

Grauis culpa est, si quis inhonestè in audientia sæcularium cum aliquo contenderit. Si frater cum fratre intus vel foris lites habuerit. Si quis alicui fratrum opprobrium dixerit. Si quis mendacium de industria dixisse deprehensus fuerit. Si quis silentium non tenere in consuetudinem duxerit. Si quis culpam suam vel alterius defenderit. Si quis in illum à quo clamatus est vel quemlibet alium maledicta seu verba inordinata, & irreligiosa malitiosè inuexisse deprehensus fuerit. Si quis fratri præteritam culpam pro qua satisfecit improperauerit.

Item grauis culpa est, si quis mala de fratribus, aut patribus, vel domibus suis, vel sororibus malitiosè euomuerit, quæ testimonio fratrum suorum probare nequiuert. Si quis absq; licentia, & magna necessitate equitauerit, vel carnes comederit, vel etiam in via pecuniam portauerit, vel portati procurauerit. Si quis procedens vbi feminae sunt oculum fixerit, si tamen hoc in vsu habuerit, vel cum foemina solus non de confessionibus vel honestis locutus fuerit. Si quis ieiunia ab Ecclesia instituta fregerit sine causa, & licentia. Si quis literas alicui miserit, vel sibi missas legerit, quas primitus suo Præsidenti non ostenderit, Magistris in Theol & Inquisitoribus, & Prædicatoribus generalibus dumtaxat exceptis.

Pro huiusmodi culpis, & his similibus veniam petentibus, & non proclamatis, tres correctiones in capitulo dentur, & tres dies in pane, & aqua ieiunent. Clamatis vero vna dies, & vna correctio superaddantur. Præter hæc autem, psalmi & veniæ, secundum quod discretionis rectoris visum fuerit, pro qualitate culparum iungantur. Eadem pœna digni sunt qui postquam missi fuerint, sine licentia reuerti præsumpserint, vel ultra terminum sibi assignatum moram fecerint sine rationabili causa. Vel si quis pro victu, &

vestitu, vel qualibet alia re murmurauerit. Caueat autem quilibet frater ne proclamet aliquem in capitulo de crimine etiam de auditu, nisi ipsum crimen possit probare. Quod si accusatus negauerit, & accusans in probatione defecerit, pœna accusato debita puniatur.

De literis non scribendis.

CAPVT XVII.

SI quis literas alicui miserit, vel missas legerit, quas primitus Præsidenti non ostenderit, Magistris in Theol. Inquisitoribus, & Prædicatoribus generalibus dumtaxat exceptis, puniatur pœna grauis culpæ.

Referuntur in declar. huius cap. multæ ordinationes, quibus prohibetur ne fratres literas etiam apertas, & memorialia scribant, vel mittant, aut missas aperiant, vel legant sine licentia Prælati, quibus mandatur ne in hoc alicui deferant, demptis exclusis. Et Venetiis 1592. mandatur vt nullus nisi ad Superiores literas scribat alias non, nisi prius visas, & subscriptas à proprio Prælato, neque missas recipiat, aut aperiat, nisi illas eidem legendas præsentauerit sub pœna carceris per mensem, exceptis vt supra. Et Bononiæ 1564. præcipitur sub præcepto formali, ne quis scribat per se vel per alium literas criminosas, vel de grauioribus negociis ad quoscumque intus vel extra ordinem sine proprii nominis appositione, & delinquentes pœna grauioris culpæ puniantur. Idem confirmatur Romæ 1580. & apponitur pœna excommunicationis. Quæ innovatur Romæ 1589. & extenditur ad scribentes libellos famulos contra quoscumque aut eos euulgantes. Et Prælatis mandatur sub præcepto vt transgressores excommunicatos denuntient, & grauius puniant. Et Neap. 1600. mandatur vt Prælati inferiores super pœnis pro hoc inflictis dispensare nequeant.

Subscriptiones literarum communium, & consensus fratrum non fiant, nisi sint simul congregati in vno loco, & quilibet illorum sciat quæ in ipsis continentur, aliter nesciens contenta, & subscribens pœna grauioris culpæ plectatur, & inualida sint, quæ in contrarium fiunt. Et vnusquisque etiam Magistri in proprio nomine apponant nomen Fratris, vt traditur in declar. cap. de cap. generali, & Vallesoleti 1605. Et qui literas pro gradibus obtinendis scribunt caueant ne falso referant se vel alium legisse, aut prædicasse sufficienter secundum Constit. quia hac via gradus obtinentes, ad eos non admittentur, ita enim statuitur Romæ 1601. Vallesoleti 1605. Romæ 1508. & Parisiis 1611. Et mandato Clem. VIII. Romæ 1601. ordinatur, vt si qui tam temerarij fuerint, vt S. D. N. memorialia exhibere attentauerint, in quibus aliquid falsum contra fratres maxime Prælatos, contineatur, seuerissime puniantur. Quod & in cap. sequenti confirmatum fuit. Et Venetiis 1592. mandatur omnibus prouinciis, quatenus Procuratori ordinis expensas literarum soluant, vel easdem francas (vt vocant) transmittant.

CAPVT XVIII.

Culpa grauior est, si quis per contumaciam vel manifestam rebellionem, inobediens Prælato suo exstiterit, vel cum eo intus vel foris proterue contendere ausus fuerit. Item si quis literas Magistri ordinis vel Prouincialium, aut eorum sigilla falsificauerit, vel falsificatis scienter vsus fuerit, aut in Prælatum suum manus iniecerit temerè violentas, aut aliquod prædictorum fieri fecerit, carcerali custodiæ deputetur.

Si qui per coniurationem vel conspirationem vel malitiosam concordiam aduersus Prælatos suos manifestè se erexerint, supradicto modo pœniteant, & de cætero in omni vita sua extremum locum teneant, & vocem in capitulo non habeant, neque eis vlla obedientia committatur, nisi per Magistrum ordinis vel Diffinitores fuerint restituti. Si qui tamen non malitiose sed in veritate habuerint aliquid, quod tolerari non debeat, nec deceat, prius eos inter se cum omni humilitate, & charitate admoneant. Quod si frequenter admoniti se corrigere neglexerint, Prouinciali aut Visitatoribus significant, vt cum ad visitandum venerint, causa iudicetur, & Diffinitoribus capituli significetur. Aliter subditi Prælatos suos infamare non præsumant.

Notentur hic ex de cl. illa verba Const. f. Manifesta rebellio est, quando subditus pertinaciter verba sui Prælati contemnit, vt si Prælatus dicit, omnino volo vt facias hoc, & subditus dicit nolo facere, & transgreditur. Et S. Thom. 2. 2. q. 39. art. 1. ad 2. dicit tunc aliquem cum rebellionem Prælato non obedire, quando pertinaciter eius præcepta contemnit, & iudicium eius subire recusât. Proterue autem contentio est, improba, superba, & peruersa disceptatio vel impugnatio verborum cum tumultu. Vnde proterue contendere est, verba Prælati verbis tumultuosis vel clamorosis improbe, superbe, & peruerse impugnare. Si quis etiam præsumat dicere Priori sui Conuentus non esse Priorem, & se subtrahat ab eius obedientia, pœna grauioris culpæ puniatur, quod si aliquid dubium habeatur, expectetur declaratio Superioris. Idem dicendum est de his qui transgrediuntur præcepta Superiorum suorum. In cap. Veneto 1592. de obedientia religiosorum erga Prælatos dicitur. Ad obedientiam in subditis versus Prælatos tuendam, & quatenus opus sit complantandam, Prælati immediati cogant subditos suos obedire, in his ad quæ tenentur, pœnas que contumacibus indignant, nec eis eas remittere possint, sed Magistro ordinis vel Prouincia-

li referant. Multa de obedientia religiosorum supra traduntur, & parte 2.
cap. de instructione nouitiorum quo ad obedientiam, & parte hac 4. de
recurrentibus ad tribunalia extra ordinem, & de appellationibus.

De pœna mendicantium fauores ab extraneis.

CAPVT XIX.

Culpa grauior est si quis procurauerit, quod ipse vel alius
eximatur via non iuridica à potestate sui Prælati.

Si quis frater per se vel per alium, pro se vel pro alio, ordi-
nationem de se vel alio factam, vel obedientiam sibi vel alij in-
iunctam, per quamcumque personam extra obedientiam
ordinis constitutam: quocumque modo procurauerit re-
uocare, vel in aliqua prouincia vel Conuentu, aut officio siue
studio generali poni, vel remanere, aut amoueri, vel cum per-
sonis extraneis commorari, ipso facto in pœnam incidat gra-
uioris culpæ. *Cap. de Itinerantibus.*

De mendicantibus fauores per extraneos hæc notetur statuta Apostolica,
Gregor. 13. hoc diploma promulgauit, quod habetur in cap. Romano 1589.

*Dilectis filiis Magistro ordinis Provincialibus, & aliis Prælati ordinis Prædi-
catorum, &c. in virtute S. obedientia precipimus, ne ad instantiam quamcumque
personarum tam laicarum quam ecclesiasticarum extra dictum ordinem constitutarum,
etiam Cardinalatus honore, vel Regali, aut Imperiali, &c. excellentia fulgentium,
&c. cuius religio gratiam concedere, vel pœnas aliquas remittere audeant. Quini-
mo quoscumque fratres hac via per mendicatos fauores aliqua sibi procurantes, ad
alia, & similia, ac maiora, auctoritate Apostolica inbabiles esse declaramus, nec à
quoniam rehabilitari posse mandamus, nisi per sedem Apostolicam.*

Pro huius Const. obseruantia patres in dicto capitulo Romano ad-
monent vt infra. quamobrem omnes Prælatos admonemus, vt scientes se
non posse absque peccato mortali, quicquam ad instantiam vt supra con-
cedere, abstineant ab his. Subditosque pariter monemus, vt consideran-
tes hanc inhabilitatis pœnam, caueant ne aliquid hac via procurent. Idcir-
co ad huiusmodi abusus tollendos, in virtute Spiritus sancti, & S. obedien-
tiæ sub formali præcepto, & pœna excommunicationis latæ sententiæ, hac
vna pro trina canonica monitione præmissa precipimus, ne quispiam di-
recte vel indirecte, per se vel per alium, pro se vel pro aliis, apud perso-
nas extra ordinem nostrum constitutas, & ex nostro ordine non assumptas,
gratiam aliquam vel pœnarum remissionem à Prælati ordinis obten-
dam procuraret, nec ad hunc effectum munera secularibus spondeat, vel
exhibeat.

Clemens 8. aliam promulgauit Constit. quam habemus denuntiata
Venetiis 1592. in qua confirmatur illa Gregorij, & decretum capituli per
hæc verba.

Cum sicut accepimus ambigatur à quibysdam, quæ sub gratiarum vocabulo comprehendantur. Nos &c. litterarum Gregorij 13. ac decreti capituli generalis, quod incipit. Quamobrem omnes Pralatos admonemus, &c. tenores pro expressis habentes, motu proprio, ex certa scientia, de Apostolica potestatis plenitudine, litteras, & decretum huiusmodi, ac in eis contenta tenore presentium perpetuo confirmamus & perpetuæ firmitatis robur adiicimus, &c. Et dictam Gregorij prohibitionem extendimus ad quoscunque gradus, honores, dignitates, officia, administrationes, functiones, & prælaturas ordinis. Et propterea mandamus Magistro, & aliis Prælati, ne aliquid præmissorum ad instantiam personarum præfatarum quouis modo concedere audeant. Religiosi vero nedum procurare, sed nec etiam sponte oblatum recipere, neque ad hunc effectum manera impendere præsumant. Statuentes omnes delinquentes nulla monitione præcedente, absque processu de super habendo, sententias & pœnas præmissas irremissibiliter incurrere. Et ad eos de prædictis conuincendos, sola instantia, & preces, etiam ore tenus facta, plenam & sufficientem fidem in iudicio & extra faciant. Sicque ab omnibus iudicari debere mandamus, &c. Sublati à eis aliter indicandi potestate, &c. Non obstantibus, &c.

Paulus V. in sua Constitut. supradicta confirmauit vt habetur Romæ 1608. hoc modo.

Motu proprio ex certa scientia, de plenitudine potestatis Apostolica dictorum Gregorij & Clementis litteras, & in eis contenta eorumque tenores, presentibus pro expressis habentes, tenore presentium perpetuo confirmamus, ac illis perpetuæ firmitatis robur adiicimus, &c. Non obstantibus, &c.

Antea Romæ 1571. ordinatum fuerat ad occurrendum ambitioni quorundam, ne fratres ad sæculares cuiuscunque dignitatis confugiant, ad euadendum pœnas, aut quicquid aliud sibi iniunctum, vel ad obtinendum quemcunque gradum, & contrafacientes declarantur inhabiles ad quascunque dignitates ordinis, nisi per Magistrum ordinis restituantur. Et Prælati mandatur, vt delinquentes condemnent ad pœnas grauioris culpæ. Et qui huiusmodi transgressores cognoscunt, teneantur, superioribus notificare vt tantum dedecus ab ordine tollatur. Et in decla. cap. de Itinerantibus idem dicitur de his qui procurant, vt aliquis de prouincia vel de suo Conuentu expellatur.

De aliis delictis grauioris culpæ.

CAPVT XX.

Culpa grauior est, si quis percussor fuerit. Si quis crimen capitale i. pœna mortis in sæculo puniendum, commiserit. Si quis rem sibi collatam receperit, de his quæ prohibentur recipi. Si quis rem sibi collatam celauerit, quem B. Augustinus furti iudicio dicit esse condemnandum.

De percussoribus ex Const. habetur differentia inter percussorem simplicem, & eum qui manus violentas in Prælatum iniecerit, vel quemcumque lethaliter, vel grauius, aut atrociter percusserit, nam percussoribus imponenda est pœna grauioris culpæ, aliis vero in hoc capitulo.

dicatur pœna carceris infligenda est. Hic ergo de percussente leuiter agendum est. Et pro notitia talis percussiois obliuatur quod tradit Caietanus in summula verbo, Excommunicatio 10. quod percussio quandoque leuis est quandoque grauis, quandoque enormis. Et quamuis ad iudicem primo pertineat declarare qualitates istas, asserri tamen solent quædam regulæ ad eas discernendas. Vocatur ergo enormis percussio ex his, 1. ex magnitudine facti, vt quando peruenitur ad mutilationem mēbrorum, vel effusione sanguinis copiosā vel graue vulnus. 2. ex persona læsā, vt si per cuteretur Episc. vel Abbas, vel apud nos Magister ordinis, vel Prouincialis, aut Prior. 3. ex percussente, vt si laicus Sacerdotem inuaderet. 4. ex scandalo, vt si Monachus clericum secularem offenderet. 5. ex loco, vt si percussio fieret in platea vel coram Prælato. 6. ex qualitate vulneris, vt si fiat in facie. 7. ex irreuerentia, vt si fieret in Ecclesia, seu in sacerdotem sacris vestibus ornatum. 8. ex tempore, vt si ageretur in die festiuo solempni.

Dicitur autem percussio leuis à Confessio quæ fit manu, palma, pugno, vel virga, cum fractione dentium, depillatione capillorum, & cum parua effusione sanguinis siue ex ore, siue ex naso, ita tamen quod quauis leuis dicatur, interueniat peccatum mortale. Ex extremis autem leui. s. & enormi poterit quisque facile iudicare quæ mediæ sint, & graues. De absolutione à peccato, & censura iniectionis manus in clericum dictum est supra, cap. de Confessariis.

Crimen autem de quo Const. loquitur, nedum illud est quod punitur morte, sed etiam quod est peccatum mortale, & infamiam inducit, vt falsum testimonium, ebrietas continua, sacrilegium, & similia.

De proprietatis vitio tria connumerantur delicta. s. recipere id quod vetitum est recipi, celare Prælato id quod habetur, & rapere alteri concessa. Prohibentur autem recipi cap. de Itinerantibus munuscula à mulieribus. Et ex Const. Clemen. 8. interdicitur omnis munerum largitio, etiam inter. religiosos. Visitatoribus insuper prohibetur huiusmodi receptio, de quibus supra capitibus suis. Quid autem sit celare res Prælato, dictum est supra cum ageretur de instructione nouitiorum circa votum paupertatis. Et de furto tractabitur infra cap. de delictis puniendis pœna carceris, quæ furibus imponenda est.

De aliis delictis similibus sparsis in Const.

CAPVT XXI.

Non fiant, nec fieri permittantur in domibus nostris curiositates, notabiles, aut superfluitates in sculpturis, picturis, pauimentis, & aliis similibus, quæ paupertatem deformant. Et si quis contrafecerit, pœnis griori culpæ debitis subiaceat.

Cap. de domibus construendis.

Si quis in priuato Summum Pontificem diffamauerit, vel ipsius processus & facta, vel irreuerentiam notabilem fecerit, postquam iudicialiter constiterit, pœna grauioris culpæ puniatur.

Cap. de certis detract. vis.

Eandem

Eandem pœnam incurrant Præsidentes, & fratres qui cuilibet priuilegio ordini concessio, absque generalis capituli assensu renuntiauerit, sine cuius assensu renuntiatio nullius sit roboris, & momenti. *Ibidem.*

Similem pœnam incurrant omnes fratres etiam Præsidentes, qui sine causa vrgenti, & legitima litigauerint, aut appellauerint contra Diœcesanos quoscumque. *Ibidem.*

Idem fiat de falso accusatore, vel teste legitime conuicto, iudicialiter confesso in materia prædicta. Prælati vero qui in his corrigendis inuenti fuerint negligentes à suis officiis absoluantur. *Ibidem.*

Nullus fratrum etiam Prior recipiat depositum cuiuscumque nisi in communi deposito Conuentus. Contrarium autem faciens incurrat pœnâ grauioris culpæ *Ca. de nouitiis, & eorū instruct.*

Mandamus sub pœna absolutionis ab officio, necnon & grauioris culpæ Prælati, vt quando vocatus fuerit nouitius ad terminum suæ professionis suscipiendum, expresse protestentur eidem, quod professio obligabit eum ad tria vota secundum regulam B. August. & institutiones fratrum prædicatorum, & non secundum quod hodie hic vel ibi seruatur. *Ibidem*

Ex decl. huius cap. habentur hæc delicta prohibita sub pœna grauioris culpæ. Quicumque inducit per se vel per alium aliquem ad eligendum huc vel illum in Prælatum vel officialem ordinis. Qui suaserit alicui fugam à carceribus, aut quomodolibet ad id auxilium præstiterit, frangens vero carcerem carceri mancipandus est. Procurans amotionem Prouincialis ab officio suo, vel Visitatorem contra eum impetrans, nisi ad id facultatem habeat à maiori parte Priorum illius prouinciæ. Subscribens literas communes quas prius non vidit, & legit. Qui Conuentum sine licentia Superioris, etiam cum socio exierit. Qui detraxerit Prælati Ecclesiarum, aut lites cum eis habuerit, vel laicos ab eorum Ecclesiis auerterit.

Ex actis capitulorum generalium. Bononiæ 1564. sub hac pœna prohibetur, ne aliquis prædicet extra terminos suæ prouinciæ vel Conuentus, tam in nostris quam in alienis Ecclesiis, sine debita licentia. Ne quis literas criminosas scribat per se vel per alium cuiuscumque sine proprii nominis subscriptione. Romæ 1569. Ne aliquis prædicet etiam in villis, nisi theologiam audierit ad minus per duos annos. Ne quis ad monasteria monialium nisi missus, Romæ 1571. Ne quis ad sæculares cõfugiat pro obtinendis gratiis, vel remittendis pœnis. Romæ 1580. de quis detrahât fratri suo, etiam si vera dicat. Ne patres fauorem præstet iuuenibus temerariis, & inobedientibus. Romæ 1583. ne quis munuscula à monialibus recipiat, vel eis mittat. Romæ 1589. Vt Confessarij monialium missarum elemosynas ac numerum earum infra vnus diei spacium Prælati suis manifestent. Vene-

netiis 1592. Ne quis apud se originalia vel copias processuum retineat, qui in communi archiuio prouinciæ seruari debent. Valentiz 1596. Ne fratres, & moniales ante vnam diem electionis de ea tractent. Parisiis 1511. Ne Lectores, & Prædicatores in suis lectionibus, disputationibus, cōclusionibus, & compositionibus recedant nedum à sententia, verum neque à proprietate verborum S. Thomæ.

Importunum autem esset adunare ea quæ Prælati interdiciuntur sub pœna absolutionis vel suspensionis ab officio, pro quibus satis si id quod traditur cap. de cer. detract. vit. f. Prælatos qui in corrigendis transgressoribus fuerint negligentes, à suis officiis absolui debere.

De pœnis grauioris culpa.

CAPVT XXII.

SI quis de crimine grauioris culpæ proclamatus conuictus fuerit, sponte surgens veniam petat, & sui sceleris immanitatem lamentabiliter proferat, & denudatus, vt dignam recipiat suis meritis sententiam, vapulet quantum placuerit Prælato, & sit omnium nouissimus in Conuentu, vt qui culpam perpetrando non erubuit membrum diaboli fieri ad tēpus (vt relipiscat) sequestretur à consortio ouium Christi. In refectorio quoque ad communem mensam non sedebit cum aliis, sed in medio refectorij super nudam terram comedet, & providebitur ei seorsum panis grossior, & potus aquæ, nec reliquæ prandij sui cū aliis misceantur, vt cognoscat se ita sequestratum à consortio aliorum, quod priuetur, (nisi per pœnitentiam redeat) consortio Angelorum. Ad canonicas horas, & gratias post comestionē, ante ostium Ecclesiæ trāseuntibus fratribus prostratus iaceat, dum intrant, & exeunt. Nullus autem audeat se illi coniungere, vel aliquid mandare.

Prælati tamen ne in desperationem labi possit, mittat ad eum qui est in tali pœna seniores, qui cōmoneant eum ad pœnitentiam, prouocent ad patientiam, foueant per cōpassionē, hortentur ad satisfactionē, adiuuent per suam intercessionem, si viderint in eo humilitatem cordis, quibus etiam suffragetur totus Conuentus. Nec renuat Prælati cum eo facere misericordiam. Et si videbitur ei, denuo vapulet ad pedes singulorum, primo Prælati deinde vtriusque lateris fessorum.

Talis quamdiū est in hac pœnitentia, non communicet, nec veniat ad osculum pacis. Si Prædicator est prædicationis offi-

cium non exerceat, non notetur ad aliquod officium in Ecclesia, nec ei vlla committatur obedientia, nec vocem habeat nisi in sui accusatione ante plenariam satisfactionem, vel donec per Magistrum ordinis, vel Diffinitores capituli generalis, aut prouincialis fuerit restitutus. Si fuerit sacerdos vel diaconus his officii non fungatur, nisi postmodum religiose conuersatus fuerit.

Conuictus de crimine dicitur aliquis, quando habet contra se legitimos testes, aut quando iudicialiter illud fatetur in loco iudicii, vt in capitulo vel Diffinitorio, vel in loco vbi sunt consiliarij congregati, dato etiam quod confiteatur coactus per excommunicationem, vel per inclusionem, & disciplinas. Oportet tamen processum in scriptis redigere, per tradita in prologo Constit. vbi dicitur, nullum ad has penas debere damnari, nisi confessum vel conuictum, & in scriptis.

Condemnati ad huiusmodi penas ita debent in terra comedere, vt super nudam terram fideant, & ante eos ponatur asser immediatè super terram super quo ponatur tantum panis, & aqua. Qui vero ob fractionem silentij, vel alios defectus in terra sedent, debent habere formam ligneam, super quam fideant, & aliam super quam ponantur cibaria, quæ etiam alijs ministrantur, quæ pena in prandio tantum, & non in cæna persoluatur.

Non renuat Prælati misericordiam facere cum sic condemnatis in penis posituiis. s. sedendi in terra, prosternendi se ante pedes fratrum, disciplinas suscipiendi, orationes dicendi, ieiunandi, &c. cum consilio discretorum, non tamen poterit eis remittere penas priuatiuas. s. vocis, loci, officiorum, &c. quarum remissio pertinet ad Magistrum ordinis, vel Diffinitores capituli generalis, vel prouincialis. Restituuntur autem ad gratias ordinis altero duorum modorum, vel per completam satisfactionem, vt si vnus condēnetur per annum ad has penas, eo completo dicitur satisfecisse, vel per gratiosam remissionem Prælatorum infra tempus sibi assignatum, eo modo, quo etiam vnus dicitur soluisse debitum, vel quia soluit quod debebat, vel quia à creditore sibi debitum fuit remissum. Antiqua constitutio habebat hos condemnatos non esse liberos à penis, quousque satisfecissent plenariè, & fuissent per Superiores restituti. Nunc autem copulatiua in disiunctiuam mutata est, & legitur, vel donec fuissent per superiores restituti. Condemnatus ad has penas in vna prouincia, non potest remissionem consequi in alia, vt habetur in decla. cap. de Itinerantibus. Quæ dicta intelliguntur quando iuridice proceditur. Quod si causa secreto agatur, Prælati poterit in omnibus dispensare.

Valentiæ 1596. declaratum fuit, penas priuatiuas in Constit. taxatas ipso facto incurrendas, sola facti declaratione incurri, & iudicem in sententia ferenda, non posse eas minuere. Romæ 1589. statuitur vt condemnati ad dictas penas non assignentur nisi in magnis conuentibus in quibus penas sibi impositas adimpleant, & in obseruantia regulari retineantur. Idem traditur Romæ 1608. de omnibus discoloris & irreligiosis. Auctoritate etiam Apostolica Romæ 1589. statuitur, vt huiusmodi condemnati, & qui in posterum

condemnabuntur, & ad prælaturas, & ad alios gradus non assumâtur, nisi forte post multos annos ex ante acta vita mores in melius commutauerint, vt digni aliqua gratia iudicentur. Ad prælaturas tamèn de facili admitti non debent.

De pœnis accedentium ad monasteria monialium.

CAPVT XXIII.

IN cap. Romano 1569. & 1571. & Barchi. 1574. ordinatum reperitur. Ad monasteria monialium nostri ordinis nullus accedat sub pœna grauioris culpæ per mensem pro prima vice, & pro secûda, & vltcrius, ad arbitrium Prælati, exceptis Præsidentibus, Confessoribus ordinariis, & visitatoribus. Quod si alicui opus sit aliquando ad ea accedere petat licentiam à Prælato toties quoties, qui eam concedere nō possit nisi cognita vrgenti, & necessaria causa inscriptis exprimenda, accedente etiam assensu patrum à consiliis per suffragia secreta, ita vt tres patres ex quatuor consentiant. Et Romæ 1580. strictius ordinatur. Ac tollenda scandalorum, & peccatorum multorum seminaria, volumus omnes amicitias fratrum cum monialibus tam nostri quam alterius ordinis esse abolitas, & ne in posterum contrahantur, mādamus sub pœna grauioris culpæ ipso factō incurrenda, ne quis accedere possit ad eatum monasteria, nec litteras, aut munuscula per se vel per interpositas personas mittere, vel missa recipere audeat. Et si aliquis causa prædicationis vel missarum missus fuerit, cum eis non loquatur, reuocantes omnes licentias etiam à Magistris ordinis concessas: exceptis Prælati, & Confessariis illarum, & consanguineis vsque ad secundum gradum inclusi- uè, quibus raro licentia concedi possit, vt cum eis solis loquantur.

Romæ 1583. editæ fuerunt quædam ordinationes circa moniales, quæ im- pressæ habentur separatæ ab actis illius capituli, quæ sunt. Ad monasteria monialium nullus accedat, neque accedendi licentia concedatur, nisi in causis necessariis, & consanguineis in primo vel secundo gradu, & hoc raro, aliter sententiam excommunicationis ipso factō accedens incurrat, & si deliquerit vt populo scandalo sit, iuxta decretum Conc. Trid. sess. 25. ca. 14. instante Episcopo puniatur. Prælati autem, & Confessariis loqui licebit de necessariis tantum, & si exceßerint, Prælati ab officiis absoluantur, & Confessarij grauioris culpæ pœna puniantur. Nemo litteras, nuntios, aut schedulas ad eas mittat nec ab eis recipiat, exceptis prænominatis, quod si necessitas vel utilitas monasterij id requirat, non alteri mittantur quam Prælato aut confessorio, vel præfectæ monialium. Munuscula nullo modo mittantur, aut recipiantur, non tamen prohibentur eleemosynæ pro com- munitate, & infirmis. Ne liceat alicui fratri indumenta, pannos, aut alia quæcūque conficienda, sarcienda, aut abluenda mittere sub pœna amissio- nis rerū, & aliis Superiori arbitrariis pœnis. Quod si aliquid erit in quo mo- niales operari debeant, illud de licentia Superioris Priorissæ, tradatur mo- niali, cui sibi videbitur cōsignandū. Cōfessores monialiū pro capellanis in- seruīāt, nec alij adhibeātur, nisi vbi capellanæ fuerint institutæ, quod si alij

adierint pro missis, non liceat cum monialibus loqui sub pœna in prima ordinatione constituta. Postremo exiit decretum hoc à sacra Congreg. regularium.

Illustriss. DD. Cardinali, &c. expresso mandato sanctiss. D. N. Sixti V. vna vocis oraculo factò, decreuerunt, nulli religioso cuiuscumq; ordinis, filius, & cõditionis, ac dignitatus existat, Superiorib. Cõfessariis ordinariis & extraordinariis, ac Visitatorib. exceptis, licere absque licentia eiusdem sacra Congrega. accedere ad monasteria monialium, tam suis quam alterius ordinis ad colloquendû cum eis. Quod si aliquẽ ad prædicandum, vel celebrandum missam, mitti contigerit, prohibuerunt ne vllò quæsito colore moniales, aut alias personas intra clausuram degentes alloqui possint: Cõfessariis autem interdixerunt, ne in domibus monasterio earum contingens pernoctent, aut alios pernoctare faciant, aut secum retineant, neut extra tempora generalium cõfessionum vllò modo concedant. Eo vero tempore cõfessionem diurnam accipere vix permisit, & tunc cum sua habitatio à monasterio vniûm distat. Quæ omnia sub pœna priuationis officiorum, ac vocis æterna, & passiva ipso facto incurrenda & aliis pœnis dictæ Congregat. arbitrariis infligendis præceperunt inuolabiliter obseruari.

Romæ verò 1601. inter ordinationes monialium traditur. Huius decreti Congreg. Episcopi sunt executores, & contra transgressores procedere possunt, & debent, dummodo prius admoneant Superiores, & ipsi negligentes extiterint. Si autem in flagranti crimine regulares inuenti fuerint, possunt Ordinarij illos carcerare, & tenentur illos suis Superioribus tradere, infra tempus ab eis præfigendum puniendos, qui de punitione eos reddere debent certiores, iuxta decretum Concil. Trident.

De delictis pœna carceris puniendû.

CAPVT XXIV.

TVnc pœna sequestrationis tantum locum habet, quando propter peccatum mortale ad pœnam grauioris culpæ quis damnatur.

Si quis autem (quod Deus auertat) in peccatum carnis lapsus fuerit, aut furtum commiserit, quod sit notabile iudicio discretorum, vel literas Magistri ordinis vel Priorum Prouincialium, seu eorum sigilla falsificauerit, vel falsificatis scienter vsus fuerit, aut in Prælatum suum manus iniecerit temere violentas, aut quemcumque lethaliter vel grauitè, & atrociter percussit, aut infra septa Monasterij super se arma inuasua portare præsumpserit, aut aliquod prædictorum fieri fecerit aut ad taxillos luserit, carcerali custodiae mancipetur.

Si quis etiam alteri fratri ordinis, vel ipsi ordini crimen falsò imposuerit propter quod crimen secundum nostrarum seriem Constituit. frater aliquis carcerem mereretur, aut crimina quæcumque huiusmodi fratrum sæcularibus personis, & extra obe-

dientiam nostri ordinis constitutis reuelauerit, vnde fratri, vel ordini infamia vel damna fuerint subsecuta, modo consimili carceri mancipetur. Et nolumus quod huiusmodi ordinis destructores possint nisi per Magistrum ordinis vel generale capitulum liberari. Idem dicimus de fratribus qui inuenti fuerint ad taxillos lusisse, aut in sententiam excommunicationis à quocumque iudice nostri ordinis rite latam scienter incidisse, quos etiam pœnæ carceris volumus subiacere.

Statuimus quod si quis nefandum crimen concubitus contra naturam, homicidij, vel propinati (etiam effectu non secuto) veneni commiserit, perpetuo carceri sit addictus, à quo nec per Magistrum ordinis, nec per capitulum generale possit ante annos viginti liberari, & nihilominus aliis pœnis puniatur secundum Prælati discretionem. *Cap. de grauiori culpa.*

Quicumque in publica prædicatione, vel in communi coram secularium multitudine vllò tempore Summum Pontificem diffamauerit, vel eius processus, & facta: vel irreuerentiam notabilem fecerit; carcerali custodiæ mancipetur, nec inde liberetur nisi per capitulum generale, & cogatur si commode fieri poterit, in publico reuocare.

Item quicumque in nostro ordine inuenti fuerint singularem vitam quocumque modo vitiosam ducentes, & contra communem modum viuendi diù ab ordine approbatum, primo moneantur, & si admoniti correcti non fuerint, separentur, & in diuersis Conuentibus ponantur. Et si in malo persistant, per Prouincialem, vel per prouinciale capitulum carcerali custodiæ mancipentur.

Item quicumque crimen commiserit, pro quo in sæculo pœna mortis deberet puniri, in carcerem retrudatur pœnis aliis macerandus ibidem plus, & minus secundum delicti, & personæ qualitatem, & circumstantias aggrauantes, & diminuentes, & nisi per generale capitulum liberari e carcere non possit. Quod si secundo reciderit carceri perpetuo mancipetur. *Cap. de certis detract. & sin. vir.*

Statuimus vt quicumque contra obedientiam appellare præsumpserit in futurum, nisi ipsi appellationi infra duos menses renuntiauerit, vel etiam infra annum prosequi non inceperit, aut ab incepta prosecutione destiterit vel in ipsa succubuerit, adiudicatus carceri sit ipso facto, nec possit cū ipso nisi per capitulum

generale ante annos duodecim dispensari. *Cap. de cap. generali.*

Qui sine licentia ordinis ordinatus fuerit, ipso facto sit additus carceri ad minus per quatuor menses, & non permittatur exequi ordines, nisi de licentia Magistri ordinis. *Cap. de Apostatis.*

Hæc omnia delicta suis capitibus notata sunt. Scire tamen oportet, qui sint illi qui in Constitut. dicuntur singularem ducere vitam, quos dicit carceri esse mancipandos, si moniti non resipuerint, & in declar. notantur .s. Qui mercaturas exercent. Qui in arte alchymiz student, & operantur. Qui sine socio per ciuitates discurrent. Qui concubinas tenent. Qui monasteria sine licentia intrant. Qui habitum religionis non deferunt, vel occultant. Qui venationibus, & aliis exercitiis religiosis prohibitis frequentissime vacat. Qui ad chartas, & taxillos ludunt. Quibus addo id quod habetur cap. Clerici 2. De vita, & honest. cle. Ad aleas & taxillos clerici non ludant, nec huiusmodi ludis intersint.

Alia delicta carceri punienda ex actis capitulorum possunt colligi. In decla. cap. de grauiss. culpa habetur. Si qui iudicio discretorum sine graui periculo vel scandalo in communi tolerari non possunt, & communitati nocent, nec alij possunt eorum malos mores sustinere, in carcere tradantur. Romæ 1580. eadem pœna digni censentur qui de Superioribus suis criminia, quæ probare non possunt, euulgant. Venetiis 1592. Qui literas scribunt, præterquam ad Superiores, vel recipiunt, aut aperiunt sine licentia Superiorum, per mensem. Qui ad monasteria monialium sine licentia accedunt, per semestre. Valentiz 1596. Qui repertus fuerit summam pecuniarum per notabile tempus debere extra ordinem, vel de quo sæculares conuequantur, quousque satisfecerit. Quod & Romæ 1601. confirmatur, & Valleoleti 1605. Vbi additur eadem pœna carceris esse plectendos, qui cum sæcularibus debita contrahunt sine licentia. In pluribus capitulis statutum fuit, ut Itinerantes sine licentia, non recipiantur nisi in carceribus, & fugitiui a apostatæ ad carceres deducantur. De his qui aliquando ad carceres per sententiam condemnati fuerunt dicit Constit. cap. de apostatis, quod non prædicent, nec confessiones audiant, nec ad aliquam electionem admittantur, nisi fuerint restituti. Et restitutio non fiat ante tres annos ad minus. Et si fuerit prædicator generalis dicto officio non fungatur quicūq; ille sit, nec possit habere officia prioratus, superioratus, vicariatus, vel lectoratus, nec possit fieri Diffinitor aut elector Magistri ordinis sine dispensatione. Et Bononiæ 1564. de his qui hæresim abiurant de vehementi dicitur quod toto tempore vitæ suæ permittantur deessere humiliter peccata sua, nec promoueantur ad quoscumque gradus.

Et Neap. 1600. declaratur expensas quas fieri contigerit, & pro captura fratrum, & pro fratrum carceratione à primo die detentionis vsque ad diem educationis solui debere à Conuentibus quorum sunt filij, quod, & ante habetur in decl. cap. de apost. Et in decl. cap. de grauiori culpa hæc habentur, Prouinciales procurent ut in omnibus Conuentibus, suæ prouinciæ sint firmi, & fortes carceres. & Romæ 1569. imponitur Prioribus Conuen-

tuum vt infra sex menses executioni mandent prædictam ordinationem, stabilientes eos cum mæra, pessulo, & clauæ, firmis, & fortibus, aliter absoluatur ab officio. Suadens vero fratri fugam à carceribus pœnæ grauioris culpæ subiaceat per decem dies, frāgens vero serā sit carceri addidus per tres menses. Qui autē aliquē ex carcere extraxerit, aut carcerato aliquod instrumentum ad frangendum carcerem ministrauerit per se vel per alium, carceri mancipetur. Qui vero operam officacem dederit ad extrahendum aliquem de carceribus, ipso facto sit excommunicatus, & pœnis grauioris culpæ subiaceat. Et caueant Priores ne proprio iudicio sine consilio discretorum incarcerent fratres, quos si culpabiles repererint, non extrahant sine licentia Prouincialis, nec carceratos expolient rebus suis, sed eas consequent, vt eisdem, aut Conuentibus restituantur.

Notabile est quod tradit S. Tho. 2. 2. q. 65. art. 3. .f. Secundum ordinem iustitiæ homo potest carcerari, vel pro pœna delictorum suorum, vel pro cautela ad euitandum aliquod malum. Cuius ratio est, quia tria bona sunt in homine, quibus ob crimina iuste potest priuari, .f. delectatio sensuum, quæ homo priuatur per verberationem disciplinas, & abstinentias, liber vsus membrorum, quo priuatur per carcerationem, & substantia corporis, quæ priuatur per mutilationem, & mortem. Non licet tamen hæc mala inferre sine debito ordine iustitiæ.

De grauissima culpa, & pœna expulsionis.

C A P V T XXV.

Grauiissima culpa est incorrigibilitas illius qui nec culpas timet admittere, & pœnas recusat ferre. Talis de consilio discretorum carcerali custodiæ mancipetur. Et ibidem secundum exigentiam culparum iuxta discretionem Prælati, ieiuniis, & abstinentiis puniatur, vel secundum regulam Patris nostri Augustini si magis expediens iudicatur exutus habitu ordinis de ordine nostro expellatur, per Magistrum ordinis vel capitulum prouinciale. Quod tamen mature fiat, ita vt appareant gesta cum toto processu, & sententia in scriptis, & cum debitis subscriptionibus, & sigillis. Si tamen vsque ad illam horam sani capitis, & integri sensus extiterit. Nullus autem cum habitu ab ordine expellatur.

Incorrigibiles qui hæc pœna plectendi sunt, illi soli vocari debent, qui ex descriptionibus diuersis incorrigibilitatis notantur. Ex Const. vocantur incorrigibiles, qui culpas committere non timent, & qui pœnas impositas ferre recusant, & qui sæpius puniti non proficiunt. S. Tho. 2. 2. q. 186. art. 10. ad 3. vocat incorrigibiles eos, qui ad hoc perueniunt, vt non ex fragilitate vel ignorantia sed ex contēptu peccent, nam hi sunt, qui difficulter surgunt iuxta illud Hier. Confregisti iugum meum, dirupisti vincula mea, dixisti non seruā. Siluester verbo, Incorrigibilitas, distinguit dicens, Incorrigibilis vocatur, qui corrigi non potest, quod dupliciter accidit: simpliciter, quomodo damnati

damnati sunt incorrigibiles, quia de delictis suis pœnitere non possunt, cum in malo obstinati sint, & hoc modo in hac vita nullus incorrigibilis est. Secundum quid dicitur incorrigibilis, qui cum difficultate ob prauam consuetudinem corrigitur. Quorum quidam tales sunt de facto, qui longo tempore in peccatis perseverant: quidam verò tales sunt de iure. scilicet à iudice tales reputantur, quia ei parere nolunt in extremo iurisdictionis suæ. id est in sententia, qui verò obstitunt ei in principio, ut in citatione, contumaces vocantur. Et dicitur etiam talis, qui post condemnationem ad idem vel simile aut peius crimen redit. In decia. huius cap. nuncupantur tales, qui aperte corrigi, capi vel detineri non possunt, & qui recusant pœnas inflictas subire. Hi autem sunt, qui ex Constit. habitu exuti ab ordine expelli possunt. Et Constit. Apostolicæ quædā tradunt de eiectionis à religione propter quæ supponunt aliquos posse expelli. Inno. IV. in suo priuil. 26. de eiectionis disposita.

Paci, & tranquillitati vestre providere volentes, vobis (Mag. ord. & Prioribus,) de fratrum nostrorum consilio facultatem concedimus, ut eiectionis de vestro ordine vel sponte egressis, &c. licentiam dare possitis transeundi ad alios ordines præter arma portantium. Inhibentes, &c.

Sixtus IV. eadem repetens verba in Mari magno addit dicens.

Inhibemus etiam ne fratres, quos pro suis culpis expelli contigerit, vel qui proprio motu exierint, predicare, docere, aut confessiones audire præsumant.

Ioan. XXII. ut habetur in declarat. huius cap. hæc de prædictis tradit.

Ille autem qui propter culpam suam expellitur ab ordine, adhuc Prælati subditus est, fuit mortibundus quamvis à grege expulsus, tamen pastoris est.

S. August. in regula clare expulsionem præcepit his verbis.

Qui recusauerit emendatoriam subire vindictā, etiam si ipse non absecesserit de vestra societate proijciatur. Non enim hoc fit crudeliter sed misericorditer, ne contagione pestifera plurimos perdat.

In oppositum tamen est est cap. Ne religiosi, de regularibus, quod habet.

Statuimus ut Præsidentes secundum statum Concilij genera. is fugitivos suos, & eiectionis de ordine requirant annuatim, & compellant ut redeant, salua ordinis disciplina. Et si hoc regularis ordo non patitur, provideant ut apud monasterium in domibus religiosis maneat, si absque gravi scandalo fieri possit. Si vero inobedientes inuenerint, eos excommunicent, & excommunicatos denuntient, &c.

Nauarra versans hanc Constitutionem dicit eam debere exponi de eiectionis iniuste, vel non seruato ordine iuris, vel de eiectionis penitentibus recipi, & demum dicit eam non esse vsu receptam, sed per contrariam consuetudinem abrogatam. Et etiam dici potest eam seipsam declarare per illas conditiones, salua ordinis disciplina, & si absque graui scandalo fieri possit. Quibus innuitur, non facile esse deueniendum ad expulsionem, quod & affertur Barch. 1574. vbi admonetur Prouinciales ne faciles sint in eiiciendis religiosis ab ordine, sed considerent quid sibi velit hominem à religione expellere, & seruent Constit. formam. Et in decl. huius capitis interdicitur hæc expulsio Prioribus, & soli Magistro ordinis, & Prouincialibus refer-

uatur. Et potius ſeruetur quod traditur in decla. cap. de grauiori culpa, vt Prouinciales cum Diſſinitoribus vel cum quatuor prouinciæ patribus aut alijs qui Diſſiniores fuerunt, facinorofos puniant etiam pœna tritremium.

S. Tho. quol. vlt. art. vlt. ex profeſſo quaerit vtrum aliquis religioſus expelli debeat propter peccatum à religione, ſi ſit paratus corrigi, & ſuſtinere pœnam. Ad quod quaeritum reſpondet hoc modo. Reſpondeo dicendum, quod Apoſtolus dicit 1. Cor. 5. Auferte malum ex vobis, modicum enim fermentum totam maſſam corrumpit. Aufertur autem aliquis dupliciter, vel per pœnam corporalem, & hoc modo manifeſtum eſt aliquem auferri poſſe quantumcumque vellet pœnitere, ſicut homicida ſuſpenditur etiam ſi de peccato doleat. Vel per pœnam ſpiritualem, quod ſit per excommunicationem, & hoc non facit Eccleſia niſi ſit contumax. Et ratio huius eſt, quia per pœnam corporalem aufertur aliquid temporale, quod poteſt recompensari per aliquod maius bonum, ſed malum ſpirituale quod adimitur per excommunicationem non poteſt recompensari. Et ideo religio non debet infligere pœnam expulſionis, quamdiu vult corrigi, quoniam ſicut eſt excommunicatio in Eccleſia, ita eſt expulſio in religione. Et ideo dicendum eſt, quod nullus niſi propter contumaciam (i. incorrigibilitatem) expellendus eſt, ſed eſt ſequeſtrandus in carcere vel alio modo. Hæc S. Tho. Sicut ergo in Eccleſia contumaces expelluntur per excommunicationem, ita in religione incorrigibiles eiiciuntur habitu exuti. Et quia S. Tho. comparat expulſionem excommunicationi, obſeruentur iſtæ ſimilitudines inter eas. De excommunicatione tradit Conc. Trid. ſeſſ. 25. cap. 3. de ref. non niſi ſobriè, & cum circumſpectione ſerendam eſſe, aliter malos producit effectus, ita, & expulſio. Excommunicatio non niſi in incorrigibiles, & contumaces ſerenda eſt, & quando alia remedia non profunt, ſic, & expulſio. Excommunicatus vt ſit in conſcientiæ tutus, omnem conatum adhibere tenetur, vt abſoluatur, ita expulſus, qui ſi à ſua religione reiicitur, aliam quaerat etiam laxiorem. Et ſicut tenetur iudex excommunicatum abſolvere, quando paratus eſt ſatisfacere, ita & Præſatus his interuenientibus expulſum recipere tenetur.

Singulare tamen priuilegium conſeſſum fuit Societati Ieſuitarum à Greg. XIII. quod huiusmodi eſt, & eſt bulla 24. cuiusdem Pont. apud Rodericum.

Quapropter B. Ignatius diuino inſtinctu ita diſponendum duxit, vt biennio nonitriatus abſoluto, omnes qui in ſocietate perſeuerare valuerint, tria vota ſubſtantialia quidem ſimplicia tamen emittere debeant, quibus emiſiſis in corpus ſocietatis cooptati, & ex parte ipſorum obligati remanent. Quod ſi niſiſi diſcedant, apoſtaſia notam, & excommunicationem, ac alias pœnas quibus profeſſi ſubiacent, incurrunt, quamuis, rationabili ex cauſa à Præpoſito generalis dimitti, & variis huiusmodi liberari poſſint, (& infra.) Statuimus, & decernimus omnes, & quoscumque qui in ipſa ſocietate admiſſi biennio nonitriatus peracto tria vota prædicta tamen ſi ſimplicia emiſerint, emittentque in futurum, vere, & proprie eſſe religioſos, & cenſeri debere ubique & ab omnibus, &c. Et præcipimus ne quiſquam ſcrupulum de hoc cuiquam iniicere, nec illud in controuerſiam ponere audeas quoquo modo. Non obſtantibus, &c.

De excommunicationibus ordinis.

CAPVT XXVI.

Q Vicumque apostatauerit ipso facto sit excommunicatus, quam sententiam ferimus ex nunc presenti statuto. Et si quis post excommunicationem diuina celebrare præsumpserit, executione officij perpetuo carebit. Item quicumque literas Magistri ordinis vel Prouincialium, seu eorum sigilla falsificauerit, vel falsificatis scienter vsus fuerit, sententiam excommunicationis latam incurrat, & priuationem vocis, & officiorum.

Cap. de apostatis.

In virtute spiritus sancti, & S. obedientiæ, & sub excommunicationis pœna prohibemus, ne aliquis procuret, vt cura monialium vel quarumcunque mulierum fratribus nostris committatur sine licentia Magistri ordinis. *Cap. de domibus concedendis.*

Si quis contra ire his quæ statuta sunt circa electionem Magistri ordinis, ipso facto excommunicatus sit, siue sit de electoribus siue de includentibus. Item hæc omnia quæ circa electionem Magistri ordinis statuta sunt, absque contradictione præcipimus firmiter obseruari. Quicumque autem ausus fuerit, contradicere pertinaciter, tanquam excommunicatus, & schismaticus, ac destructor nostri ordinis habeatur, & quousque satisfecerit à communionem omnium sit penitus alienus. *Cap. de electione Magistri ordinis.*

Appellationem intra nostrum ordinem sub interminatione anathematis fieri inhibemus, cum non venerimus contendere, sed potius delicta corrigere. Item præcipimus ne quis causam depositionis Magistri vel prouincialium, vel eorum excessum, aut correctionem, vel secretum capituli, siuè dissensiones Diffinitorum vel fratrum, vnde ordo possit turbari vel infamari, audeat extraneis publicare. Et qui ex deliberatione contrafecerit, tanquam excommunicatus, & schismaticus ac destructuor nostri ordinis habeatur, & quousque satisfecerit, à communionem omnium sit penitus alienus. Eadem distictione præcipimus, ne quis verbo vel facto ad diuisionem ordinis audeat laborare, quod si fecerit pœna prædictæ subiaceat. *Cap. de capitulo generali.*

Statuimus, & sub interminatione anathematis prohibemus ne

prouinciales Diffinitoribus, & Diffinitores Prouincialibus per suas diffinitiones præiudicium aliquod audeant generare. *Ibidem.*

Nullus frater audeat quæstus facere, aut bullas aliquas prædicare nisi de licentia Magistri ordinis, sub pœna excommunicationis latæ sententiæ, quam in his scriptis sedentes pro tribunali ferimus. *Cap. de Prædicat.*

Præcipimus omnibus Prioribus prouincialibus, & co nuentualibus, & eorum Vicarijs in virtute Spiritus sancti, & S. obedientiæ, quod nulli fratri electo vel postulato extra ordinem ad quâcumque dignitatem vel gradum, infra tamen dignitatem episcopalem, licentiam concedant, electiones, & postulationes huiusmodi acceptandi, aut prosequendi. Eodem præcepto prohibentes ne fratres propter licentiam sibi datam contra prohibitionem hanc, electiones seu postulationes prædictas per se vel per alium prosequantur. Si quis autem in præmissis secus fecerit, incurrat excommunicationis sententiam ipso facto, quam præsentī statu- to ferimus. *Cap. de Itinerantibus.*

Nullus magistratur in theol. nisi prius actus exercuerit pro forma & gradu magisterij per quatuor annos in aliqua vniuersitate, oppositum faciens sit eo ipso excommunicatus, & gratijs priuatus. *Cap. de Studentibus.*

Auctoritate apostolica irrefragabili Constitutione sancimus, vt nullus ex fratribus ordinis prædicatorum absque licentia seu designatione capituli generalis secundum morem eiusdem ordinis ad legēdum pro forma, & ad honorem magisterij in Theologia promoueri, nec gradu Magisterij fungi possit aut debeat, nisi per dictum capitulum fuerit approbatus vel promotus. Contrarium verò faciens eo ipso excommunicationis sententiam incurrat, &c. Non obstantibus Constitutionibus Apostolicis, &c.

Cap. de Constitutionibus Bonifacy IX.

Ex actis capitulorum generalium istæ notandæ sunt excommunicationes quæ vel auctoritate Apostolica, vel per tria capitula generalia continua lata sunt.

Romæ 1589. contra examinatores recipiendorum ad habitum ordinatur. Præcipimus in virtute Spiritus sancti, & S. obedientiæ, nec non, & sub pœna excommunicationis latæ sententiæ hac vna pro trina canonica monitione præmissa, omnibus Prælatīs, & examinatores recipiendorum ad habitum vel professionem, vt neminem admittant vel capitulo proponant, nisi sciant distincte, & clare legere, & bene intelligant quæ legunt ac declarent, & linguam latinam calleant, & habeant alia requisita ex Const.

Sixti V. Quæ sententia profertur auctoritate Apostolica, & habeat robur perpetuæ Const. In sequenti cap. Veneto 1592. moderatur hoc modo. Vbi dicitur de recipiendis, & latinam calleant linguam, declaramus per hæc verba tantum intelligi, vt in grammaticalibus sint sufficienter instructi, & hoc obseruetur in prouincijs Hispaniæ, & Italiæ. In reliquis vero seruetur prout illarum deploranda calamitas patitur.

In eodem cap. Romano auctoritate Apostolica sic dicitur. Item ordinamus sub eodem præcepto formali, & pœna excommunicationis latæ sententiæ omnibus Prælati ne quempiam ad sacros ordines mittant, nisi sit probatæ vitæ, & bonorum morum, ac in literis sufficienter instructus, ita vt distincte, & clare legere sciat, & bene intelligat quæ legit, aliter admissi, non permittantur in ordinibus ministrare, &c. Item sub eodem præcepto, & pœna excommunicationis latæ sententiæ præcipimus, vt Prælati nullum mittant ad ordines, nisi prius scriptura approbata iuridicè constet eum legitimam ætatem habere iuxta Conc. Trid. Quæ ordinatio temperatur in cap. Veneto his verbis. A secunda ordinatione in qua agitur de sufficientia ordinandorum, declaramus ablatam esse excommunicationem, interueniente auctoritate Apostolica, aggrauantes tamen conscientiam Prælatorum in hoc, &c.

In eodem cap. Romano eadem Auctoritate dicitur. Ordinamus sub eodem præcepto formali, & eadem censura vt nullus Prædicator instituitur, nisi per integrum triennium, theologiam audierit, & per quinque examinatores, qui eum concionantem audierint, approbatus fuerit. Similiter nullus admittatur ad audiendas confessiones sæcularium, & fratrum nisi per quinque examinatores, vel vbi tot non suppetant per tres ad minus sufficiens iudicetur, Præcipientes ipsis Prædicatorum & Confessorum examinatribus sub eodem præcepto, & pœna excommunicationis latæ sententiæ, vt per vota secreta sua dantes suffragia, insufficientes excludant, & sufficientes admittant.

Ibidem etiam dicitur. Si Prælatus scienter non transmisit nouitium receptum ad Conuentum in quo nouitij educantur iuxta Constit. infra mensem, ipso facto sit excommunicatus, & absolutus ab officio.

Ibidem etiam mandatur sub eadem pœna excom. latæ sententiæ Prouincialibus, Vicarijs, Diffinitoribus, ac alijs qui prouisioni studiorum intendunt, ne officiales studiorum admittant nisi per vota secreta, & semoto omni particulari affectu solum aptos approbent. Et valentiæ 1596. examinatribus officialium prædictorum mandatur sub pœna excom. latæ sententiæ. ne odio vel amore quemquam admittant, vel repellant. Et Romæ 1601. reuocatur hæc excommunicatio.

Ibidem mandato Sixti V. præcipitur vt infra. Sua Sanctitas mandat vt in Conuentibus & Monasterijs non fiat ædificium notabile respectiue iuxta loci qualitatem, nisi de assensu maioris partis patrum à consilijs, & consilio peritorum ac licentia Prouincialis, & quod ab vno inceptum est, subsequens prosequatur, & nouum non incipiat. Priores vero, & Priorissæ si contra ordinationem istam agere præsumpserint, ipso facto excommunicationem incurrant, & officio priuentur.

Ibidem pro obseruantia Constit. Greg. XIII. contra mendicantes fauores per saculares statuitur. Quamobrem ad tollēdos abusūs, sub præcepto formali & pœna excom. latæ sent. præcipimus ne quisquam directè, vel indirectè, per se vel per alium, pro se vel pro alio, nostri ordinis, apud personas extra ordinem constitutas, & de eo non assumptas, gratiam aliquam vel pœnarum remissionem à Prælatis ordinis obtinendam procuret. Quæ ordinatio, & censura confirmata fuit à Clem. VIII.

Valentiz 1596. dicitur. Præcipimus in virtute Spiritu sancti, &c. sub pœna excom. latæ sent. &c. ne quis regulatis negocia fratrum aut monialium deferre audeat directè, vel indirectè, per se vel per alium ad tribunalia extra ordinem. Et id scientes sub eodem præcepto, & censura infra terminum duodecim dierum Prælato reuelare teneantur. Et Prælati admoniti sub eadem censura, præmissis præmittendis, delinquentes punire teneantur. Idem habetur Neap. 1600. Romæ 1601. Valleol. 1605.

Item Neap. Romæ, Valleol. & postea Romæ 1608. dicitur. Præcipimus in virtute Spiritu sancti, &c. ac pœna excom. latæ sent. &c. ne quis cuiuscumque gradus, & conditionis audeat extrahere libros à communi bibliotheca sine licentia Superioris, qui eam concedere non possit nisi de consilio patrum.

Romæ 1583. dicitur. De communi consensu totius ordinis prohibemus sub pœna excom. latæ sent. & pœnis grauioris culpæ, vt nullus procuret ordinis diuisionem nec institutionem Vicarij generalis Indiarum. Idem habetur Romæ 1589. & Venetijs 1592. & Romæ 1601.

Meminerint Prælati decreti Conc. Trid. sess. 25. cap. 3. quo cauetur ne excom. leuibus de causis inferatur, ne potius contemnatur quàm timeatur. Ex prologo Constit. vt feratur debet distinctè exprimi per verba, pœna excom. vel excom. latæ sentent. Et debet promulgari in scriptis, aliter lator per mensem suspensus efficitur. Et Clemens IV. priuilegio suo 4. concedit Magistro ordinis, & Prouincialibus, vt possint absoluerè eos, qui quadam incautela proferunt illam sine scriptis, & postea ex simplicitate sic suspensi diuina celebrant, ita tamen vt de cætero in similibus non excedant. Et de excommunicatis dicitur cap. de grauiori culpa.

Si quis in sententiam excommunicationis ritè latam à quocumque iudice nostri ordinis scienter inciderit, pœnæ carceris subiaceat.

De excommunicationibus canonum regulares afficientibus.

CAPVT XXVII.

1. **C**ontra quoscumque iniicientes manus violentas in clericos suadente diabolo, cap. Si quis suadente. 17. q. 4.
2. Contra inquisitores, & illorum officiales qui odij vel amoris, lucris aut commodi temporalis obtentu contra conscientiam omittunt procedere, au procedunt falso de hæretica prauitate contra aliquem Clem. de hæreticis, cap. Multorum.

3. Contra religiosos præsumentes sine licentia ministrare sacramenta Eucharistiz, & extremæ vnctionis decumbentibus sæcularib. & sponfas benedicere. Clem. de priuilegijs, cap. Religiosi.
4. Contra inducentes ad vouendum, iurandum, vel promittendum, vt eligant sepulturam in Ecclesijs suis. Clem. de pœnitent. cap. Cupientes.
5. Contra violantes interdictum S. sedis, ex cap. Si dominici de pœnit. & remiss.
6. Contra dantes, & recipientes pro ingressu religionis, ex cap. Sane. de simonia.
7. Contra eos qui asserunt mortaliter peccare dicentes B. Virginem fuisse conceptam in peccato originali, & è conuerso. ex cap. Graue nimis. de reliq. & Pio V.
8. Contra Prædicantes miracula falsa, vel incerta, aut prophetias in biblijs non contentas, & detrahentes Episcopis, & statui eorum, Conc. Late. sess. 11.
9. Contra persequentes eos, qui rogati vel induti, vt aliquem in monasterijs eligerent, noluerunt eligere. cap. Sciant cuncti. de elect. in 6.
10. Contra religiosos, qui decimas ad se non spectantes appropriare sibi præsumunt. Clem. de decimis, cap. religiosi.
11. Contra religiosos claustrum exeuntes, vt audiant leges vel physicam. Hono. III. cap. Ne clerici, & Mona.
12. Contra Religiosos de nouo loca vel domos ad habitandum recipientes, vel recepta mutantes, vel transferentes, cap. 1. de excess. lib. 6.
13. Contra monachos ad curias principum accedentes absque licentia, vt suis Prælati & monasterio damnum inferant. Clem. Ne in agro. de statu monachorum.
14. Contra religiosos professos temerè habitum dimittentes, cap. Vt periculosa, in 6.
15. Contra religiosos, & religiosas matrimonium contrahentes, Clem. de consan. c. 1.
16. Contra religiosos retrahentes à solutione decimarum audientes sermones suos Clem. de pœnis cap. Cupientes.
17. Contra religiosos quoscumque non seruantes interdictum, quando illud seruat matrix Ecclesia. Clem. Ex frequentibus, de sententia excommunicationis.
18. Contra religiosos mendicantes transeuntes ad aliam religionē, dempta Cartusianorum, absque licentia sedis Apostolicę, ex cap. Viam ambitiosę.
19. Contra monachos intra septa Monasterij arma tenentes. Clem. Ne in. de sta. mon.
20. Contra impressores librorum sine licentia Ordinarij vel Inquisitoris, Conc. Lateran.
21. Contra omnes ecclesiasticas personas alienantes quoquomodo bona ecclesiastica, & ea locantes vltra triennium. Paulus 2. cap. Ambitiosę.
22. Contra absoluentes à casibus in bulla cenę Domini contentis. In Bulla prædicta.

23. Contra defendentes licere sacerdoti existenti in mortali peccato celebrare, non præmissa confessione, habita copia Confessoris, Conc. Trid. sess. 13. cap. 11.
24. Contra quoscumque ingredientes monasteria monialium sine licentia. Idem sess. 25. cap. 5.
25. Contra cogentes mulierem ad suscipiendum habitum religionis, vel emittendam professionem, & consentientes eidem actui, & sua præsentia auctorizantes. Ibidem cap. 18.
26. Contra quoscumque sine iusta causa præbentes impedimentum, ne aliqua mulier religionis habitum suscipiat, vel professionem emitat. Ibidem.
27. Contra regulares recipientes à nouitijs, & nouitiabus, vel coratoribus eorum aliquid præter victum, & vestitum ante professionem. Ibidem cap. 16.
28. Contra quoscumque non præmissa professione fidei legentes Theologiam, vel Philosophiam, seu artes liberales. Pius IV. in Constit. In sacrosancta.
29. Contra quoscumque qui sine licentia Apostolica commentarios, glossas, annotationes &c. edere præsumunt super decretis Conc. Trid. Pius IV. Constit. Benedictus.
30. Contra quascumque mulieres ingredientes Conuentus regularium, & eas introducentes, ac admittentes. Pius V. Const. Regularium perso. & Decet. Romanum.
31. Contra moniales sine licentia clausuram exeuntes, demptis casibus incendiij, lepræ & epidimix. Pius V. Constitut. Decori, & honestati.
32. Contra offendentes officiales S. officij in personis, & rebus. Idem. Si de protegen.
33. Contra quoscumque pingentes agnos Dei, & eos venales proponentes Gregor. XIII.
34. Contra asserentes licere per literas vel nuntios Confessario sua peccata confiteri, & ab eo absente absolutionem recipere. Clemens VIII.

De Apostatis.

CAPVT XXVIII.

Qicumque apostatauerit ipso facto sit excommunicatus, quam sententiam ferimus præsentī statuto.

Præter hanc religionis excommunicationem in apostatas, habetur alia cap. Vt periculosa, ne cle. vel mona. in 6. cuius tenor est.

Vt periculosa religionis vagandi materia subtrahatur, districte inhiibemus ne de cætero aliquis quamcumque religionem tacite vel expresse professus, in scholis vel alibi temere habitum suæ religionis dimittat, &c. Si quis autem temerarius violator existierit, excommunicationis sententiam ipso facto incurrat.

De duobus statibus religiosorū agitur in hoc cap. s. Apostatis qui habitū dimittunt,

dimittunt, & fugitiui qui retento habitu ab obedientia Prælatorum retrocedunt. De primis D. Caietanus in summula verbo. Excommunicatio cap. 61. examinans dictam Constit. dicit. Dimittere habitum suæ religionis dupliciter contingit .s. totaliter, & ad tempus. Totaliter etiam fieri potest duobus modis, primo dimittendo illum animo non reassumendi, & sic nunquam dimittitur nisi apostatando, & incanone incidendo, secundo transiendo ad aliam religionem, & sic etiam si sine licentia transeat, non temere dimittit habitum suæ religionis, quia alterum recipiens, hic efficitur habitus suæ religionis. Ad tempus autem dimitti potest habitus bifariam vel simpliciter dimittendo, & alium induendo, vel tantum occultando. Qui habitum simpliciter dimittit ad horam, vel etiam ad diem ex leuitate, domesticè conuersando, non est excommunicatus, tum quia temere non dimittit, tum quia non adest materia vagandi. Qui vero habitum temere dimittit etiam ad tempus in canonem incidit, non enim est necesse vt dimissio sit perpetua, quod significatur per illud verbum (in scholis) non enim scholæ sunt perpetuæ. De occultantibus habitum subdit. Occultans habitum vt à conuersantibus cum eo qui aliter eum non nouerunt, reputetur non religiosus, in canonem incidit, quia etsi habitum non dimittat materialiter, dimittit tamen formaliter, cum vt religiosus non cognoscatur. Aut habitum occultat ita vt à conuersantibus licet non ab omnibus transeuntibus vt talis religionis religiosus cognoscatur, & talis in canonem non incidit, quia nec materialiter nec formaliter habitum dimittit.

Habet declar. huius capituli hæc notanda. Qui ex se ordinem egreditur, & statim reuertitur, non est iudicandus apostata, nec incidit in pœnas Constitutionum, quia tamen actum apostasiæ commisit, debet ab excommunicatione absolui, & ad cautelam ad gratias ordinis restitui. Deinde subdit. Religiosus, cum in publicum procedit, tenetur patenter deferre habitum, alias illum dimittendo vt det operam rei sibi illicitæ, peccat, & in excommunicationem incidit, quia temere dimittit.

Ideo dimittens habitum ad iaciendum palum ferreum, ad ludendum, pilam, ad saltandum, & tripudiandum, vel ad discurrendum de nocte, &c. efficitur reus canonis. Si autem illum dimittit ad balneandum se, vel ad natandum, vel ad piscandum vbi aquæ profundæ sunt, cum talia religionis prohibita non sint, non interuenit temeraria habitus dimissio, & ideo reus canonis non efficitur.

Bannes 2. 2. q. 12. art. 1. reprehendit hanc declarationem in ea parte in qua asserit religiosum dimittentem habitum vt det operam rei sibi illicitæ excommunicatum effici, quia inquit excommunicatio maior qualis est ista, præsupponit peccatum mortale, potest autem religiosus habitum dimittere pro opere sibi illicito venialiter tantum, & durum esset iudicare tali casu illum esse excommunicatum. Esset autem si habitum dimitteret, vt vagaretur maxime de nocte.

Non est omittenda mitior doctrina Siluestri verbo Excommunicatio. n. 9. §. 12. vbi docet dimissionem habitus aliquando fieri cum ligamine censuræ, & peccato, aliquando cum peccato sine ligamine, aliquando sine vtroq.

Fir primo modo cum quis habitum deponit, vt de nocte vagetur puta ad fornicandum, &c. Fir secundo modo, .i. cum peccato, & sine censura, quando ex iocosa leuitate habitus dimittitur, vt ad currendum, vel iaciendum palum, &c. Neque enim credibile est Prælatos voluisse rigorosa excommunicationis censura habitum siciocose dimittentes afficere. Fir tertio modo .i. sine vtroque, quando habitus deponitur pro iusta causa .f. balnei, & medicinæ, aut pro honesta recreatione, vt cum frater ord. prædicatorum induit habitum ord. minorum.

De fugitiuis autem notanda est differentia, quia aliqui fugiunt à minori Prælato ad maiorem prætendentes ab eo grauari, alij fugiunt quia nulli Superiiori subesse volunt, alij fugiunt dicentes teneri subuenire parentibus in necessitate constitutis. Dicamus verbum de singulis. De fugientibus à minore ad maiorem sunt qui dicunt eos peccare mortaliter ob grauem peccatam illis taxatam à Conc. Trid. sess. 25. cap. 4. .f.

Non liceat regularibus recedere à suis conueniis, etiam prætextu accedendi ad Superiores, nisi ab eis missi, aut vocati fuerint. Qui vero sine mandato in scriptis repositus fuerit, ab Ordinariis locorum vt delictor sui infirmi puniatur.

Possit tamen inferior Prælatus tanta szuitia subditum vexare, vt immunis redderetur à peccato, nam de excommunicatione apostasie non est dubium. Quo casu seruari potest, quod statuit Sixtus V. in 2. Constit. contra illegitimos, vbi habetur.

Quod si dicerent se ad Apostolicam sedem confagere ob gramina sibi à suis Superioribus illata, ideo ab ipsis licentiam obtinere non potuisse, non propterea recipiantur, nisi fide dignorum testimonio de licentia petita, & eis denegata consisteret.

De fugientibus à quorumcumque Prælatorum obedientia etiam habitum retento communis est sententia, eos vere apostatas esse, nam peius est retrocedere ab obedientia cui primus locus inter vota religionis debetur, quam habitum dimittere, qui monachum non facit. Et in Constit. hoc cap. nil dicitur de habitus dimissione, & aperte fugitiuos connumerat, dum dicit. Si fingerit secundo, &c.

De fugitiuis vt parentibus subueniant inuitis Prælatis notetur quod tradit S. Tho. 2. 2. q. 102. art. 4. ad 4. .f. Aliud dicendum est de eo qui est in seculo, & hic non debet religionem intrare relictis parentibus in necessitate positus, quia violaret præceptum de honore parentum, Aliud de eo qui religionem professus est, & hic cum reputetur mortuus mundo, non debet hac occasione claustrum exire. Tenetur tamen salua obedientia, & sue religionis statu studium adhibere, vt illis subueniatur. Et quod. 3. art. 16. addit. Sicut filius si esset mortuus corporaliter non teneretur subuenire parentibus in quacumque necessitate, ita nec mortuus spiritualiter, qualis est religiosus. D. Caietanus dicto loco 2. 1. interpretatur S. Tho. loqui de parentibus non in extrema necessitate positus, & credit religiosum petita, & non obenta licentia posse claustrum exire, vt subueniat parentibus extremam necessitatem patientibus, quia præceptum de honore parentum cum sit diuinum, præualeat omni voto. Notentur tamen illa verba D. Tho. .f. in quacumque necessitate. Siluester verbo, Religio, n. 9. dicit. Si pater erat

in necessitate quando filius ordinem intrauit peccauit, & tenetur magis obedire patri quam Prælato.

Si vero post ingressum filij in ordine, parentes egentes facti sunt, non potest filius obstante Prælato exire, vt eis subueniat. Ob id modo non recipitur filius in nostro ordine, nisi probet se parentes relinquere, qui sua ope, & subsidio non indigent.

De apostatarum receptione, & panis.

CAPVT XXIX.

SI apostata misertus sui redierit, depositis in claustro vestibus nudus cum virgis in capitulum veniat, & prostratus culpam suam dicat, & humiliatus veniam petat, & quamdiu Prælato placuerit pœnæ grauioris culpæ subiaceat, & in capitulo nudus se præsentabit semel in singulis septimanis. Infra hoc tempus pœnitentiæ vbique in Conuentu nouissimus erit, & duobus diebus in qualibet septimana per annum in pane & aqua ieiunabit. Et peracta pœnitentia ad priorem locum non redeat, nisi per Magistrum ordinis, vel capitulum generale, aut prouinciale, fuerit cum eo dispensatum. Quæ dispensatio per eisdem non fiat antè tres annos ad minus, ita tamen quod anni quibus fuit in apostasia non computentur ei quo ad locū, sed sit sub illis omnibus, qui habent plures annos in ordine, quam ipse habuerit quādo exiuit. Quod si secundo fugerit, & redierit supradictō modo pœniteat, & priori anno secundus addatur, si tertio tertius, & si quarto quartus.

Omnibus tamen fratribus pro huiusmodi pœnitentibus humiliter in cap. deprecantibus, Prælatus cum eorum pœnitentiarum perspexerit, eis indulgere vel remittere poterit, secundum quod suæ discretioni visum fuerit, vel placitum. Apostatæ vnus Conuentus, non recipiantur à Priore alterius Conuentus in eadem prouincia sine licentia Prouincialis, nec apostatæ aliarum prouinciarum, sine licentia Magistri ordinis. Si quis in apostasia ordinatus fuerit, executione sui officij perpetuo carebit.

Qui vero semel apostatauerit, vel de lapsu carnis conuictus fuerit, vel carceri sententialiter & legitime mancipatus fuerit, de cætero non prædicet, nec confessiones audiat, nec ad aliquam electionem ordinis admittatur, nisi per Magistrum ord. vel per Diffinitores capituli generalis vel prouincialis fuerit restitutus, quæ restitutio non fiat ante tres annos ad minus. Si fuerit Prædicator generalis suo officio non fungatur, nec possit habere officia Prioratus, vel Supprioratus, vel Vicariatus, aut Lectoratus, nec

possit fieri Diffinitor, nec Prædicator generalis, sine speciali licentia Magistri ordinis.

Munus Prælatorum est omni suo conatu apostatas, & fugitivos infra suos fines inquirere, & inuentos capere, & ad ordinem reducere, ita tradit Sixtus IV. in Mari magno.

Inhibemus ne quis professus in ordine vestro, ab ipso ordine sine Superioris licentia discedat, discedentem vero alique cautione literarum huiusmodi, prætexu privilegij Apostolici nullus audeat retinere. Quod si qui discesserint, & eos aliqui præsumpserint tenere, discedentes fratres, & detinentes eos, nisi post denuntiationem eiecerint, excommunicationis sententia volumus subiacere, &c. Apostatas quoque vestri ordinis excommunicare, capere, ligare, incarcerare, & subdere discipline regulari posse concedimus, per vos vel per alium in quocumq; habitu inuentos, innuocato etiam si opus fuerit, auxilio brachij secularis.

Leo X. suo privilegio 12. circa prædictos hæc obseruanda tradit.

Quodque unusquisque vestrum (s. Magister ordinis, Prouinciales, Priores, & Vicary,) in sua prouincia fratres extra ordinem quauis occasione morantes, ad ordinem compellere possit Apostolica auctoritate statuimus, &c. De illis vero qui post apostasiam, vel auferentes quod professionem nunquam, aut ante pubertatis annos, vel per vim & metum emiserunt, vel per literas Apostolicas obtinuerunt, &c. habitum religionis dimissi, & seculari assumpto vagantur, committimus vobis vt nisi ad aliam obseruantialem religionem transferant, &c. bullas, & processus auferatis, & habitum sacrilegè relictum reassumere cogatis, innuocato etiam brachio seculari. Quod si vobis non paruerint, & infra octo dies habitum perpetuo gestandum non reassumpserint, excommunicationem latæ sententiæ incurrant, à qua non nisi per Romanum Pont. vel Magistrum ordinis, extra mortis articulum, absolui possint.

De Apostatis prætextu quod ante legitimam ætatem, vel per vim aut metum professionem emiserunt, videndum est id quod statuit Conc. Trid. sess. 15. cap. 19. sup. relatam, & in decla. dicitur. Qui cum licentia sedis Apostolicæ habitum dimiserunt, non recipiantur nisi diligenter examinato processu super indulto facto. Et si vera, & rationabilis causa adducta fuerit, absque pœnitentia recipiantur. Si autem talis causa non inueniatur, & ideo breue surreptitium sit, non nisi vt apostatæ recipiantur, & qui per quatuor annos extra ordinem quouis modo steterint, non recipiantur sine speciali licentia Magistri ordinis, nec possint ante annos decem à sua receptione promoueri ad vllam dignitatem. Et qui cum pœnitentia apostatarum recipiuntur ea completa nouissimum etiam locum teneant infra clericos vel conuersos respectiue, quousque per Magistrum ordinis vel aliquod capitulum sint restituti. Quæ restitutio ita fiat, vt semper locum cedant his qui diutius habitum religionis portauerunt.

Quia apostasia culpas nō minuit sed auget, ideo apostata in apostasia delinquens rigore pœnitentie debet, etiam vsque ad pœnam grauioris culpe inclusiue, etiam si ob talia delicta ordinem exierit. Et receptis potest Prælati indulgere pœnas positiuas, non autem priuatiuas, quæ soli Magistro ordinis vel Diffinitoribus referuantur. Bono. 1564. admonentur Prouinciales,

ut apostatas ordini restitutos non assignent in locis ubi deliquerunt, quando nota est illorum infamia, licet eorum locorum filij sint.

Et Romæ 1569. dicitur apostatas quamvis remissionem pœnarum obtinuerint, non debere assumi ad prælaturas nisi post viginti annos. De bonis apostatarum in apostasia decedentium, & de apostatis in apostasia sacros ordines suscipientibus dictum fuit satis supra capitibus suis.

De indulgentiis regularibus collatis.

CAPVT XXX.

POST considerationem pœnarum quibus delicta corriguntur, recto ordine succedit tractatus indulgentiarum, quæ quædam remissiones pœnarum sunt. Præmittimus autem id quod tradit S. Tho. 2.2. q. 189. ar. 3. ad. 3. f. Rationabiliter dici potest eos qui religionis statum assumunt, remissionem omnium suorum peccatorum consequi. Nam si vigore eleemosynarum potest homo pro suis peccatis satisfacere iuxta illud Danielis 4. Peccata tua eleemosynis redime, multo magis religionem ingrediens, qui nedum bona sua propter Deum deserit, sed etiam omnes suas actiones ac seipsum Dei obsequio præbet usque ad mortem, pro suis delictis satisfaciet. Vnde in vitis patrum legitur introeuntes religionem, eandem recipere gratiam quam recipiunt per Baptismum Baptizati. Quæ remissio indulgentia vocari non potest quia non habet vim in thesauro Ecclesiæ, sed in propriis meritis.

Paulus 5. suo decreto omnes indulgentias regularibus concessas annullavit, & ad infra notatam reduxit formam, cuius summa hæc est.

Tenor reformationis.

Pro spirituali solatio omnium religiosorum quorumvis ordinum intra claustra, aut extra cum licentia suorum Superiorum legitima de causa illis concessa degentium, concedit eis S. D. N. Paulus Papa V. infra scriptas indulgentias, & gratias.

Cæterum omnes, & singulas Indulgentias quibuscumque ordinibus Institutis Regularibus etiam mendicantibus, & quibuslibet personis Regularibus, tam rigore priuilegiarum, & litterarum Apostolicarum, quam viue vocis oraculo, aut alias quouis modo per quoscumque Romanos Pontifices prædecessores suos ac per ipsos summes & Apostolicam sedem hæcenus concessas, confirmatas, & innouatas, auctoritate & tenore prædictis perpetuo renouauit cassauit, annullauit, & abrogauit, & ad præsentium suarum litterarum præscriptum modum reduxit, & moderatus est. Quæ indulgentie vult Sanctitas sua, ut omnes etiam concessæ sint omnibus religiosi monialibus regularibus cuiusvis Regulæ approbata, & intra claustra cum tribus votis solemnibus viucentibus, & perpetuam clausuram seruauitibus, tam Ordinariis locorum, quam regularibus cuiuscumque ordinis regula & instituti subiectis, suffragari. Præsentibus perpetuo temporibus duraturis. Non obstantibus, &c.

Tenor indulgentiarum.

1. Omnibus Christi fidelibus, qui canonice, & iuxta ordines cuiuslibet religionis, & Conflis. Apostolicas, habitam regularem à legitimis Superioribus, causa proficendi in id, suscepint, die primo eorum ingressus in ipsam religionem, si vere penitentes, & confessi sanctiss. Eucharistia Sacramentum sumpserint, plenariam concedit.

2. Cuilibet nouitio, qui pœnitens, & confessus, ac sacra communione refectus post completum probationis annum professionem emisit, etiam plenariam.

3. Cuilibet religioso intra claustrum Monasterij viuens; qui in festo principalis sui ordinis confessus, à sacra cõmunione refectus fuerit, aut Missam recitauerit, & pro Christianorum Principum concordia, harsum extirpatione, Romanis Pontificis salute, ac sanctæ matris Ecclesiæ exaltatione, pias ad Deum preces effuderit, etiam plenariam.

4. In cuiuslibet mortis articulo, si pariter vere pœnitens, & confessus, ac sacra communione refectus, vel quatenus id facere nequiuert, saltem contritus nomen IESU ore si poterit, sin autem corde, diuote innouerit, etiam plenariam.

5. Qui vero ad Presbyteratus ordinem canonicè promotus, & confessus, primam missam celebrauerit, necnon etiam iis religiosi, qui pariter confessi ac communione refecti, eidem missæ interfuerint, aut ipso die missam celebrabunt, etiam plenariam.

6. Li vero religiosi, qui de suorum Superiorum licentia à negotiis per decem diēs alieni in cella commorantur, aut ab aliorum conuersatione separati, in priorum librorum lectiōe, & aliarum rerum spiritualium, animos ad deuotionem & spiritum inducentes, considerationi operam dederint; addendo sæpe considerationes & meditationes diversarum fidei Catholica, diuinorum beneficiorum, quatuor nouissimorum, Passionis D. N. IESU Christi, ac aliorū exercitiorum, orationum iaculatoriarum aut vocalium, saltem per duas horas in diem & noctem orationibus mentalibus se exercendo, faciendo eodem tempore confessionem generalem, aut annualem, aut ordinariam, sanctissimum Eucharistiæ Sacramentū sumpserint, aut missam celebrauerint, toties pro quolibet prædictorum exercitiorum, plenariam similiter omnium peccatorum suorum Indulgentiam, & remissionem consequuntur.

7. Iidem religiosi intra claustra viuentes, qui suam Ecclesiam deuote uisitauerint, & ut præfertur, orauerint, consequuntur easdem indulgentias, quas uisitandas Ecclesias urbis, & extra eam, diebus stationum consequuntur, in omnibus diebus, perinde ac si ipsas urbis Ecclesias uisitassent.

8. Omnibus Religiosis intra claustra ut supra viuentibus, qui quinquies orationem Dominicam, & toties Salutationem Angelicam ante altare eorum Ecclesiæ dixerint, in quolibet die quinque annos, & totidem quadragenas de Indulgentia concedit.

9. Iis, qui de suorum Superiorum licentia in itinere existentes, aut extra claustra degentes, tanquam Prædicatores, & Lectores, quinquies tandem orationem Dominicam, & toties Salutationem Angelicam ante quodlibet Altare similiter dixerint, etiam quinque annos, & totidem quadragenas.

10. Eisdem religiosi, qui per mensem integrum singulis diebus, spatia media horæ Orationem mentalem fecerint, ac confessi, & sacra communione, vltima Dominica mensis huiusmodi, refecti fuerint, sexaginta annos & totidem quadragenas.

11. Qui contrite corde, & pœnitentes, eorum culpas, & peccata, ac imperfectiones in capitulis calparum accensabunt, & spiritualiter communicabunt, & exercitium virtutum facientes, tres annos, & totidem quadragenas.

12. Iis quotiescunque de licentia Sūmi Pontificis, & suorum Superiorum in ditiones, & terras infidelium, aut hereticorum ad conuocandum, aut Catholicos docendum, vel infideles, & hereticos ipsis ad fidē conuertendam, & Ecclesiæ gremio reducendū, missi fuerint, si pœnitentes & confessi ac sanctiss. Communione refecti fuerint, vel missam celebrauerint, ut melius ad huiusmodi opus separare valeant, pro duobus vicibus, videli-

et, quando itineris se accinxerint; & quando in provinciam ubi prædicta opera eis exerceenda erunt, ingressi fuerint, plenariam omnium peccatorum suorum indulgentiam & remissionem, elargiatur.

13. Cum Superior in Visitationibus generalibus, orationes quadraginta horarum pro bono visitationis progressu collocare volueris, iis Religiosis, qui diebus orationibus saltem spatio duarum horarum in diverso tempore interfuerint, & ibi pro Principum Christianorum concordia, hæresum extirpatione, Romani Pontificis salute, & sanctæ matris Ecclesiæ exaltatione, necnon disciplina, & obseruantia regularis augmento, pietas ad Deum, ut supradictum est, preces effuderint, si confessi, & sacra communione refecti fuerint, aut missam celebrauerint plenariam similiter omnium peccatorum Indulgentiam & remissionem, ut præfertur, conceditur.

Quibuscumque visitantibus nostras Ecclesias pœnitentibus, confessis, & sacra communione refectis, in diebus festis SS. Dominici, Petri Martyris, & Catharinæ Sen. indulgentiam plenariam concessit Sixtus 5. vt habetur Romæ 1589. Eandem indulgentiam plenariam concessit Clemens 8. pro festis S. Antonini, Thomæ Aquin. & Vincentij Confessorum, vt traditur Venetiis 1592. Et in bullis canonizationis SS. Hiacinthi, & Raimundi conceditur visitantibus Ecclesias ordinis, seu altaria illis sanctis erecta eadem indulgentia diebus eorum festiuis, quæ aliis sanctis ordinis concessa fuit.

De applicatione beneficiorum ordinis.

CAPVT XXXI.

DOcet S. Thom. 4. sen. dist. 20. ar. 4. solum Papam, & Episcopos posse conferre indulgentias ex thesauro Ecclesiæ; illū secundum plenitudinem potestatis, istos in partē sollicitudinis. Prælati autem religionum sicut & Parochi, cum non sint simpliciter Prælati sed coadiutores, non possunt propria auctoritate satisfactiones dicti thesauri distribuere. Possunt tamen Prælati ordinum applicare satisfactiones subditorum suorum quales sunt missæ, orationes, ieiunia, disciplinæ, &c. benefactoribus ac aliis personis religioni bene affectis. Quæ satisfactiones dupliciter aliis communicari possunt, vno modo ex charitate, propter quam omnia bona spiritalia timentibus Deum sunt communia, iuxta illud ps. Particeps ego sum omnium timentium te, & custodientium mandata tua. Altero modo ex intentione operantis dirigentis opus suum ad alterum, quo modo S. Pater Dominicus seipsum verberabat pro animabus peccatorum, & pro existentibus in purgatorio. Et hæc intentionis applicatio potest fieri, & singulariter quando vnus pro alio singulari opus satisfactorium peragit vt filius pro patre, & specialiter, quando vna cōgregatio pro familia altera satisfacit. & hoc modo Prælatus opera satisfactoria lux congregationis suæ intentione potest ordinare in beneficium singularis personæ, aut familiæ. Quod faciunt Prælati nostræ religionis, scilicet Magister ordinis, Prouinciales, & Priores de bonis suorum subditorum.

Et quidem Magister ordinis per suas literas multos religionis amicos re-

S V M M A R I V M

CONSTITVTIONVM

ET ORDINATIONVM

Editarum pro bono regimine Monialium, ac personarum tertij habitus, sub cura fratrum Ordinis Prædicatorum existentium.

Adiectis etiam particulis decretorum Sedis Apostolicæ, maximè Conc. Trid. & sacrarum Congregationum DD. Cardinalium, tum Conc. tum etiam Regularium.

Quæ ad earum vitam componendam spectare videntur.

De Monialium ordinis institutione.

C A P V T I.



PATER S. Dominicus instituto ordine Prædicatorum ex viris constante, animum appulit æstuans pro salute animarum omnium, vt ab huius sæculi tenebris & laqueis, scæminei sexus personas eriperet, ideo accersitis multis virginibus, quæ soli Deo vacare cupiebant, eas à mundi tumultibus sequestrauit, & monasteriis inclusit, se ipsas per tria religionis vota offerentes. Et in primis monasterium Prulianum adeptus, quod est in Tholosana prouincia situm, in eo quam plures virginibus inclusit, & domino consecrauit, vt spiritualibus armis contra principem tenebrarum fortiter dimicaret. Subinde Romæ consilio summi Pontificis quasdam moniales quæ cum libertate per ciuitatem pergebant, in monasterio S. Sixti quod ipse cum fratribus suis incolebat reclusit. Successu postea temporis, harum sanctimonialium numerus & monasteria per diuersas mundi partes dilatari, & augeri cœperunt.

De horum duorum monasteriorum Pruliani. s. & Romani erectione ita fatetur S. Antoninus 3. par. hist. cap. 21. §. 2. & §. ij. Erant in illis locis Tolosanis nobites quidam quiegestate compulsi filias suas tradebant hæreticis nutriendas, quarum perniciosum miseratus opprobrium D. Dominicus Monasterium Prulianum instituit, vbi ancilæ Christi sub perpetua clausura, sub obsecrationis mirabilibus, sub arcto silentio, manibus operantes, in puritate conscientiarum creatori suo iucundum exhiberent famulatum. Quæ

cum merito, & numero creuerint, in immensum odorem suum longè late-
que diffundentes, multas Deo deuotas fœminas procurauerunt ad similia
cœnobîa construenda. De altero, idem S. Chronista dicit. Cum B. Domi-
nicus esset in vrbe, mandato Honorij Papæ, assistentibus tribus S. Romæ
Ecclesiæ Cardinalibus, decreuit omnes sanctimoniales per vrbem disper-
sas, in vnum colligere, & in claustra sub clausura traducere. Quod opus cū
attentasset, illæ iam inueteratæ libertatis consuetudine absorptæ, eius per-
suasionibus stolidâ quadam audacia & fœminea pertinacia obstiterunt.
Erat tunc in vrbe monasterium monialium apud S. Mariam trans Tyberim.
Ad hoc accessit S. vir Dominicus, & suis monitis eas ad voluntatem D.
Papæ inclinauit, & ab omnibus (vna excepta) obedientiam manualementem ac-
cepit, quæ promiserunt ad S. Sixtum transire, si quædam S. imago B. Dei
genitricis Mariæ, quam dicunt B. Lucam ad similitudinem Deiparæ Virgi-
nis expressisse secum transiret, quæ alias ab eodem loco ablata (nescio quo
casu) ad eandem Ecclesiâ reportata fuerat, quam conditionem S. Pater
gratanter accepit, adiecto, quod si illa delata ad priorem locum rediisset, ab
obedientia præstita essent absolutæ. Audientes hæc proximi & cognati
monialium timorem excitarunt, vnde turbatæ moniales timore fœmi-
neo pœnitentiam de promissione præstita conceperunt. Hæc omnia San-
ctus in Spiritu cognouit & dedit locum iræ. Post aliquod temporis inter-
uallum, illuc accessit, missæque sacrificio peracto & prædicatione præmis-
sa, denuo eas ad spontaneam obedientiam adhortatus est, quæ de nouo pro-
misit Abbâtissa cum quibusdam monialibus. Postea vir prudens ordinauit
vt in capite ieiunij quadragesimalis omnes ad S. Sixtum conuenirent, quod
& factum est, & ex tunc illic habitare ceperunt. Et nocte sequenti, ne tortè
tumultus fieret in populo, imaginem prædictam cum faculis accensis, asso-
ciantibus Cardinalibus, & multitudine ciuium, à loco Translyberino ad
S. Sixtum propriis humeris deportauit. Tempore vero Pij V. Sancta imago
cum monialibus ad alium locum ob aeris intemperiem translata fuit, qui
Sancto Dominico dicatus est.

De cura monialium ordini interdicta.

CAPVT II.

EXpertis fuerunt Patres nostri antiqui, monialium regimen validū præ-
bere obstaculum studio & prædicationi verbi Dei, propter quam tan-
quam propter singularem finem nostra religio instituta fuit, idè omni sol-
licitudine tentarunt earum curam à se abdicare, & in primis Constitutio-
nem ediderunt, qua singulis prohibebatur, ne de cætero quis procurare
posset, vt noua reciperentur monasteria, ita enim habetur cap. de Domi-
bus construendis.

In virtute sanctæ obedientiæ, & sub excommunicationis pœ-
na districtè prohibemus, ne aliquis fratrum nostrorum labore
vel procuret de cætero, vt cura vel custodia monialium, seu
quarumlibet aliarum mulierum fratribus nostris committatur.

nisi de licentia Magistri ordinis speciali. Et prohibemus districte, ne aliquis curam recipiat prædictarum, nisi per tria capitula generalia continua fuerit approbatum, vel nisi cura per D. Papam ordini committatur, vel per alium qui possit facere commissionem prædictam, si quis verò contraire præsumpserit, poenæ grauiori culpæ debitæ subiaceat.

Item cap. de Recipiendis dicitur.

Prohibemus autem de cætero, ne aliquis aliquam mulierem tondeat, vel ad professionem recipiat.

Et in Constitutionibus monialium cap. 32. constituitur.

Inhibemus sub poena excommunicationis, ne soror aliqua det operam directe vel indirecte, scienter, quod aliqua domus sororum construatur, vel constructa ordini nostro committatur, nisi super hoc prius habeatur consensus capituli generalis. Eadē distinctione etiam ordinamus, ne vnquam in aliquo casu domus aliqua recipiatur sub cura ordinis, nisi cum sufficienti prouisione in bonis temporalibus pro necessitatibus sororum.

Neque his contenti maiores nostri fuerunt, sed apud sedem Apostolicam institerunt, vt quod ab ipsis constitutum fuerat auctoritate Apostolica firmaretur. Vnde factum est, vt Innocentius 4. talem constitutionem ediceret, quæ est 42. inter sua privilegia ordini nostro concessa.

Vebemens dudum nobis suasisit consideratio pietatis, vt nonnullarum religiosarum collegia vestro infererentur ordini, &c. vt per disciplinam vestra sollicitudinis regerentur, quatenus vasa fragilia seminarum virtutis soliditas custodiret, &c. Verum sicut ex parte vestra fuit coram nobis & fratribus nostris expositum, huiusmodi sollicitudinem vestro aduersari proposito, cum per eam interrumpatur in vobis doctrina profectus, quo morum disciplina reformatur in populo, & hæreticorum persecutio impeditur, &c. Nos igitur volentes, &c. ab omni cura, & sollicitudine quauis meritoria monasteriorum monialium quomodolibet vobis vniuersorum (S. Sixti de Vrbe vt potè ad Romanam Ecclesiam pertinente, & S. Marie nouæ de Pruliano Tholosana diacesis, quod per B. Dominicum ordinatum fuit, & Gregorium prædecessor noster vobis commisit, monasterijs exceptis) vos & ordinem vestrum de prædictorum nostrorum fratrum consilio vestris precibus inclinari duximus auctoritate Apostolica penitus absoluentes, Non obstantibus, &c. Vobis etiam indulgentes, vt ad recipiendam huiusmodi monialium curam per litteras sedis Apostolicæ vel legatorum eegi minime valeatis.

Et in declarationibus cap. de grauiori culpa, admonentur fratres ad euitandam familiaritatem quarumcumque seminarum, tum propter pericula, cum legamus Episcopos & Clericos post magnaalia, & signa miranda sanctitatis, propter eas naufragium pertulisse, tum propter infamiam qua bonum nomen religiosorum deturpatur, tum demum propter malum exemplum quod datur minoribus, qui videntes eos qui perfecti existimantur suere in familiaritatē mulierum, faciliiter corrumpunt. Et ideo nec propter vi-

licitatem temporalem, nec propter salutem animarum, debent religiosi cum quibuscumque mulieribus conuersationem habere. Ibidem etiam admonentur religiosi, vt fugiant occasiones omnes per quas excitatur amor carnalis inter religiosos & mulieres, quæ præcipue sunt aspectus, colloquutiones, literæ, munuscula, verba dulcia, & his similia.

De cura monialium ordini restituta.

CAPVT III.

QUod Innocentius 4. constitutione prædicta statuerat eximendo ab ordinis regimine moniales, Clemens pariter quartus reuocauit, & per priuilegium eius 7. eandem monialium curam, his grauissimis verbis ordini restituit.

Auctoritate Apostolica statimus, vt moniales, quæ vobis (s. Magistro ordinis, & Provincialibus ordinis Prædicatorum) per prædecessores nostros commissæ sunt, vel quæ per vos seu prædecessores vestros, aut per capitula generalia pro tempore fuerunt receptæ, &c. hoc à vobis ex huiusmodi commissione aut receptione beneficium consequentur s. quod ipsæ sub vestro magisterio vestrorumque successorum in perpetuum debeant permanere, ipsasque & earum monasteria vobis & vestris successoribus auctoritate Apostolica committimus ad cautelam, vt animarum ipsarum sollicitudinem gerentes & curam, eis de Constitutionibus vestris, quæ eis competunt, provideatis, &c. Huius Constitutionis Apostolicæ virtute Patres nostri quædam ordinis constitutiones illarum moribus congruentes ediderunt, de quibus infra agendum erit.

De exemptione, & priuilegijs monialium.

CAPVT IIII.

MAXIMA sollicitudine, & frequentibus precibus apud summos Pontifices institerunt Patres nostri, vt religio nostra Prædicatorum diuerfis & multis gratiis, fauoribus, immunitatibus, & exemptionibus ditaretur, & potissimum, vt ab obedientia, subiectione, & correctione Ordinariorum, & aliorum prælatorum eximeretur, quod quidem Dei munere, & obtinuerunt, & maximis sudoribus conseruauerunt usque ad nostra tempora. Laborauerunt insuper, vt eadem immunitates, & exemptiones monialibus nostræ curæ commissis communicarentur, quod & fuit impetratum, vt potissimum ex infra scriptis diplomatibus apparet.

Bonifacius 9. in suo priuilegio 4. indulget pro monialibus, vt infra. Hinc est quod nos dilecti filij Magistri ordinis, & aliarum personarum ord. Præd. supplicationibus inclinari, ac sæclicis record. Nicolai 4. Benedicti 11. & nonnullorum aliorum Pontificum Romanorum prædecessorum nostrorum vestigiis inhaerentes, ordinem ipsum, Magistrum, Priores, & Fratres, presentes, & futuros, nec non & quascumque sorores, domos, Monasteria, &c. quæ sub cura & regimine dicti ordinis fuerint proteмпore constituta, cum omnibus suis iuribus, & pertinentiis, quæ in presenti obtinent & insuturi obtinebunt iustis modis, ab iurisdictione, dominio, subiectione, & potestate, eximimus quorumlibet Ordinariorum, Prælatorum, ac personarum ecclesiasticarum, nec non à solutione cuiuscumque collectæ, pedagij, vel cuiuscumque aliorum generis exactionum, de Apostolica sedis plenitudine, & ex certa scientia, ta-

saliter liberamus, atq; in ius & proprietatem B. Petri, & sedis Apostolicę & sub eorum immediata protectione & nostra suscipimus, ita vt Ordinary & praelati, seu quauis alia persona in ea, vt pote exempta, generaliter, vel specialiter, communiter, vel diuifim, non possint quauis auctoritate, excommunicationis, suspensionis, & interdicti sententias promulgare, aut alias etiam ratione delicti, siue contractus, vel rei de qua agitur, ubicumque committatur delictum, iniatur contractus, aut res ipsa consistat, potestatem seu iurisdictionem aliquam quomodolibet exercere, &c. Sixtus IV. in Bulla quam Auream vocant idem concedit, vt infra. Et ne propter monasteria monialium sub cura, & institutis ordinum Predicatorum, & minorum degentia, contingat eorumdem fratrum quietem turbari, motu scientia, & auctoritate predictis statuimus, vt huiusmodi monasteria, & loca, nec non Abbatisse, & Priorisse, & persona predicta, eisdem priuilegijs, gratijs, immunitatibus, fauoribus, concessionibus, facultatibus, & indultis, tam temporalibus, quam spiritalibus predictis fratrum Predicatorum, & minorum ordinibus concessis, & in posterum concedendis quauis auctoritate, quatenus earum sexui & status non contradicant, libere & licite vt possint & debeant in omnibus & per omnia sine ulla differentia, ac si illis nominatim concessa sint, &c. Leo X. In suo priuilegio primo similem communicationem concedit, vt infra. Idcirco predecessorum nostrorum vestigijs inherentes; omnes, & singulas gratias, concessiones, indulgentias, peccatorum remissiones, prerogatiuas, fauores, immunitates, exemptiones, priuilegia, indulta, tam spiritalia, quam temporalia quauis que sint, que Minorum, eremitarum S. Augustini, Carmelitarum, Seruorum B. Marie, ac Minorum fratrum ordinibus, fratribus, locis, domibus, &c. & sororibus, siue monialibus, a predecessoribus nostris, aut etiam a nobis, & successoribus, comuni, diuifim, in genere, vel in specie, concessa sunt, aut in posterum concedentur, illa omnia & singula ac si nominatim exprimerentur pro sufficienter expressis habentes, dicto ordini Predicatorum, & illius Ecclesię, Magistro ordinis, Prioribus, fratribus, & sororibus, siue monialibus, motu proprio, non ad alicuius petitionis instantiam, ex nostra certa scientia, & liberalitate, de Apostolica auctoritate plenitudine communicamus, de nouo concedimus, & suffragari volumus ac si eisdem nominatim, directe, & expresse concessa fuerint, &c. Pius V. in bulla quę incipit. Ad hoc nos Deus prętulit, &c. quę apud Confectum est 3. idem concedit his grauissimis verbis. Nec non omnia & singula priuilegia, concessiones, suppressiones, extinctiones, vniones, incorporationes, applicationes, immunitates, exemptiones, libertates, prerogatiuas, fauores, communicationes, indulgentias, & alias quascunque gratias, dicto ordini Predicatorum, & eisdem pro tempore existentibus, Magistris, Prouincialibus, Prioribus, Præribus, & Monialibus prefatis, ac illorum domibus locis ac Monasterijs, &c. per quosunque Romanos Pontifices predecessores nostros, ac nos, & sedem Apostolicam ac illius sedis Legatos, Viscelegatos, Episcopos, Ordinarios, sub quibusunque tenoribus, & formulis verborum, &c. concessa, innouata, & approbata fuerunt, &c. Quę omnia, & singula ac si de verbo ad verbum inferrentur, &c. eisdem tenore, & auctoritate, &c. approbamus, innouamus, & confirmamus.

Afferri solet contra hoc priuilegium Pij V. reuocatio illius promulgata a Gregorio XIII. eius successore, & illius reductio ad terminos iuris veteris & dispositionem sacri Concilij Tridentini. Verum hoc propositum non

Ccc iij.

non obstat, tum quia Gregorius reuocauit, ea tantum, quæ militant contra dictum Concilium, inter quæ non est cõnumeranda exemptio monialium à regimine & potestate Episcoporum, imò in eo approbatur, cum etiam quia multi Pontifices Gregorij XIII. successores confirmarunt priuilegia diuersarum religionum, quatenus sunt in vsu, & non obstant decretis, Concilij. Quæ confirmatione per communicationem gaudent & nostræ moniales. Et Clem. VIII. eisdem conditionibus nostra priuilegia communiuit.

De Constitutionibus monialium.

CAPVT V.

QVoniam ex præcepto regulæ iubentur sorores habere cor
vnum & animam vnã in domino, iustum est, vt quæ sub
vna regulâ & vnus professionis voto viuunt, vniformes in ob-
seruantia canonicæ religionis inueniantur, quatenus vnitatem,
quæ interius seruanda est in cordibus, foueat & repræsentet vni-
formitas exterius seruata in moribus. Quod profecto eo compe-
tentius & plenius poterit seruari, si ea quæ agenda sunt scripto
fuerint commendata, si omnibus qualiter sit viuendum scriptura
teste innotescat, si mutare, vel addere, vel minuere, nulli quic-
quam propria voluntate liceat, ne si minima negligant paulatim
defluant. Ad hoc tamen in Conuentu suo quæ præest dispensan-
di cum sororibus habeat potestatem, cum sibi aliquando viderit
expedire, nisi in his in quibus Magister Ordinis, vel Prouincialis,
aut Vicarius earum, ex causa aliter ordinarent. Priorissæ etiam
vtatur dispensationibus sicut aliæ sorores. Vt igitur vnitati &
paci sororum prouideremus, librum istum quem Cõstitutionum
appellamus diligenter conscripsimus per certa capita distinctum,
vt quod quæritur facilius inueniatur. Declaramus autem quod
Cõstitutiones non obligent sorores ad culpam, sed ad pœnam
tantum, nisi propter præceptum, aut contemptum.

Copiose hæc omnia librata sunt in summatio fratrum parte prima.

De adificiis.

CAPVT VI.

ADificia sororum sint humilia, curiositate vel superfluitate
non notanda, & apponatur cura diligens, quod ordinentur
officinæ, prout melius fieri poterit, pro religione seruanda. Ante
omnia detur opera, quod clausurâ sit valde alta, & fortis, ita vt vel

egrediendi, vel ingrediendi per clausuram opportunitas nulla detur.

Inhibemus etiam sub pœna excommunicationis, ne aliqua det operam directè, vel indirectè, scienter, quod aliqua domus fororum construatur, vel constructa ordini fratrum Prædicatorum committatur, nisi prius super hoc habeatur consensus capituli generalis.

Bonifacius VIII. vt habetur in cap. cum ex eo, de excessu prælatorum inhibuit, *Ne aliqui ex ordine fratrum Prædic. sine minorum, aut aliorum mendicantium, quibuscunque privilegiis muniti existant, in aliqua ciuitate castro aut villa possint de nouo domos, aut loca recipere, aut recepta inuolare, aut quoquomodo alienare, sine transference, sine licentia sedis Apostolicæ, in qua de huiusmodi prohibitione expressa mentio fiat, & si secus egerint totum sit irritum, & inane.* At postea per varios summos Pontifices concessum fuit diuersis ordinibus, vt non obstante prædicta prohibitione possint fratres noua monasteria ædificare, aut ædificata pro suis vñsibus recipere absque licentia prædicta. Verum Concilium Tridentinum in hoc manu apposuit, & Sess. 25. cap. 3. in fine statuit, vt iñmilia loca regularium non erigantur sine licentia Episcoporum, in cuius diocesi erigenda sunt. Et Clemens VIII. præfigens modum Episcopis concedendi licentias istas statuit, vt si qui sunt alij religiosi in eo loco vbi noua ædificanda sunt, qui existiment se damnum esse passuros ex hoc, vocentur, & audiantur prius: quæ omnia fufe habes in summario Constitutionum fratrum parte prima cap. de domibus construendis.

Notandum tamen est in proposito decretum Conc. Trid. sess. 25. cap. 5. inhibens ne monasteria monialium existant extra mœnia ciuitatum hac verborum serie. *Et quia monasteria monialium extra mœnia ciuitatis vel oppidi constituta, malorum hominum præda, & alijs facinoribus, sine vlla sepe custodia sunt exposita, curent Episcopi & alij superiores, si ita videbitur expedire, vt sanctimonialia ex eis ad noua vel antiqua monasteria intra vrbes vel oppida frequentia reducantur, inuocato etiam auxilio si opus fuerit brachij secularis. Impedientes vero, vel non obediētes, per censuras Ecclesiasticas parere compellant.*

In cap. Romano 1589. promulgata fuit quædam ordinatio per D. Protectorem ordinis, nomine S. D. Sixti V. circa ædificia faciēda à fratribus, seu monialibus, quæ est huiusmodi. Sanctitas sua confirmat, & ordinat, si opus est, de nouo, quod alias etiam fuit ordinatum, &c. quod Priorissa non possit aliquod ædificium notabile inchoare sine assensu maioris partis matrum à consilijs, nec sine licentia Prouincialis, ac peritorum consilio, nec ædificia noua aggrediatur, quousque iam inchoata finita sint, & si Priorissa contra hoc agere præsumplerit, ipso facto excommunicationem incurrat, & officio priuetur; Vi autem prohibitionis huius non intenditur, quin possint inchoari illa ædificia quibus reparatur aliqua pars Conuentus collapsa, vel quæ ad ruinam tendat, vel quæ extra Conuentum fiunt, quibus annui census crescunt, dummodo etiam in istis, (si notabilia sunt) præcedat, & consensus, & licentia vt supra.

Non sit in clausura sororum nisi vnum ostium fortè & bonum, quod cum duabus clauibus vel pluribus quantitate & forma diuersis claudatur, cum vna intus, & cum alia exterius. Interior autem custodiatur exterius vel intus secundum dispositionem Prouincialis, vel Vicarij eius, exterior intus secundum dispositionem Priorissæ, & Conuentus. Aptetur etiam in aliquo loco conuenienti ipsius clausuræ in muro inseparabiliter inhaerens ipsi aliquod instrumentum rotundum, quod rotam vocamus, per quod ita possint res necessariæ dari, & recipi, quod dantes & accipientes possint nullatenus se videre. In ecclesia verò in aliquo loco intermedio inter sorores & exteriores, aptetur aliqua fenestra ferrata competentis magnitudinis, ad quam sermones fiant, & alio loco duæ fenestræ paruulæ ferratæ ad confessiones audiendas. Poterit etiam haberi aliquod locutorium ad loquendum cum extraneis in aliquo loco conuenienti, vbi aptetur fenestra ferrata simili modo sicut dictum est de fenestra maiori in Ecclesia ad prædicandum. Et ad hanc fenestram Ecclesiæ poterunt fieri locutiones cum extraneis, vbi huiusmodi locutorium non habetur. Porro omnes supradiætæ fenestræ aut fenestellæ ferratæ sic disponi debent, vel per duplicationem ferraturæ, vel per clauos acutos, quòd inter exteriores, & interiores nullus possit interuenire contactus. Item omnes fenestræ vel fenestellæ etiam rotæ debent interius habere ostia lignea bona cum clauibus diligenter firmanda. Præter supradiætæ fenestras nulla alia habeatur, nisi fortè causa loquendi vna alia similis fenestellæ confessionum in loco competenti de licentia Magistrj aut Prouincialis concedatur.

In primis occurrit quædam Constitutio Gregorij XIII. edita pro clausura sanctimonialium, quæ incipit, Deo sacris, in qua prohibet ostia Ecclesiæ versus, his verbis, *Declaramus nullis monialibus etiam tertiarijs licere habere ostium, per quod ex monasterio introiri possit in Ecclesiam exteriorem, in quam secularibus pateas aditus, quod omnino obstruendum est, neque licere egredi à ianua monasterij quæ pro clausura est, ad claudendam aliteram ianuam exteriorem, qua patere solet accessus secularibus venientibus ad rotas, siue crates, vel parlatoria, quia talia loca sunt extra clausuram.* In cap. Romano 1601. hæc nomine Sanctiss. Sancita fuerunt in proposito. In quolibet monasterio non permittantur plures crates ferreæ seu loca colloquijs destinata, quæ vulgo parlatoria vocantur, quam vna aut ad summum duæ, nisi monialium numerus

numerus siue loci cōditio plures necessario exigeret; quod Ordinarium arbitrio & conscientiz relinquitur, & hæc nisi ad audiendum Dei verbum vbi omnes moniales conuenire solent, nullo modo in Ecclesijs siue sacristijs sint, & si hucusque non fuerint clausæ, muro obstruantur. In sacristijs autem vna sit tantum rota, apta ad sacram suppellectilem introducendam, vel emittendam, & quoad fieri poterit arcta sit, & absque foramine, ex quo quid cerni possit. In monasterijs, in quibus vsque modo laminarum vsus non est introductus, ponantur in fenestris binæ crates ferreæ, introrsus altera, & altera extrorsus, & distinctæ adinuicem saltem per spacium duorum palmorum, vel totius crassitudinis muri, nec non spissæ & strictæ, ita vt nec puellæ manus per foramina transmitti possint. Collocatorium interius sit locus seris ocellus, in quem nulla monialium ingreditur nisi vocata, & venia à sua Superiori inpetrata, ibiquè auscultatrices huic muneri destinatæ semper adsint & assistant, quæ quidquid dicatur audire debent, nisi tale quid tractandū sit quod secretū postulet, quo casu de Priorissæ licentia cum propinquis vsque ad secundum consanguinitatis gradum permittatur agere, etiam remotis arbitris. Cum autem contingeret secularem aliquem aut regularem, siue Superior ille sit, siue Visitator, aut quouis munere fungens, in parlatoria ingredi vt moniales alloquatur, tunc fores parlatorii seu cubiculi in quo sunt crates & rotæ omnibus pateant, nec vilo modo quando ibi aliquis erit claudantur. Toto prandij tempore monasterij fores atquè adeo parlatoria & rotæ omnes diligēter ocludantur, nec vilo modo cuiquè etiam regulari pateant ad alloquendum aliudvè agendum. In fenestellis cōfessionalibus configātur laminæ ferreæ cum minutis foraminibus, ne moniales quippiam spectare possint nec à quopiam spectari. Fenestella vnde Sanctiss. Eucharistiz sacramentum moniales percipiunt alta sit dimidiato panno, lata vero integro, quæ binis foriculis totidemque seris & clauibus forinsecus ocludatur, & ad hanc mensuram & formam quamprimum vbiquè reducatur. Nulli ex monialibus personas Ecclesiasticas sæculares vel regulares aut laicas etiam consanguineas cuiuscunq; sexus ad fores monasterij alloqui, vel in eis apertis sistere, quacunque de causa liceat, nec fores huiusmodi aperiantur nisi ad introducendas vel emittendas personas vel res necessarias. Interdictum sit omnibus Confessarijs & alijs regularibus etiam superioribus, in cubiculis monasterij, ædibus, aut domibus monialium contiguis, pernoctare, sub pœnis priuationis vocis actiuz & passiuz & alijs arbitariis. In cubiculis monasterijs contiguis, in quibus Cōfessarij Superiores & alij ministri ingredi & degere solent, nullæ sint fores, crates, rotæ, seu fenestellæ, aut quæcunque foramina, & si quæ sunt muro ocludantur.

De clausura monialium.

CAPVT VIII.

Bonifacius VIII. primus omnium moniales hinc inde dispersas in suis clausit monasterijs, & per suam Cōstitutionem quæ incipit Periculoso,

statuit ut infra. Prasentis constitutione perpetuè valitura sancimus, vniuersas moniales prasentes & futuras cuiuscunque ordinis in quibuslibet mundi partibus existentes, sub perpetua clausura in suis monasterijs debere permanere, ita quod nulli earum iam professæ liceat quacunque causa monasteria egredi, nisi fortè tali ac tanto morbo euidenter laboraret, quod non possit cum alijs absque graui periculo aut scandalo commorari.

Compendium priuilegiorum ord. minorū verbo Clausura monialium, notat Benedictum XII. confirmasse hanc Constitution. his verbis.

Volentes Constitui. Bonifacij inuolabiliter seruari, &c. mandamus quod nulli monialium tacitè vel expresse professæ, sit vel esse valeat quacunque ratione vel causa clausuram huiusmodi deinceps egrediendi facultas, nisi fortè causa plantandi aut edificandi eandem religionem ad alium locum aliqua transmitterentur, vel fortè tanto ac tali morbo euidenter aliqua laborare constaret, quod non posset cum alijs absq; graui periculo aut scandalo commorari.

Idem compendium assert aliam constituit. Vrbani IV. huius seriei.

Omni tempore vitæ suæ moniales hanc regulam (.s. S. Clara) profitentes clausuræ mauerè firmiter teneantur infra murorum ambitum ad intrinsecam monasterij clausuræ deputatum, nisi forsan (quod absit) superuenerit inuitabilis & periculosa necessitas, sicut exustionis ignis, vel incurfus hostilis, seu alicuius huiusmodi, quæ dilationem nullo modo caperet ad egrediendi licentiam postulandam. In quibus casibus transferens se sorores ad locum alium competentem, in quo quanto commodè fieri poterit clausuræ morentur, quousque eis de monasterio provideri possit, vel nisi aliqua transmitterentur ad alium locum causa plantandi vel edificandi aut reformandi religionem eiusdem ordinis, seu causa regiminis, aut correctionis, aut alterius valde euidentis & grauis dispendij, &c.

Postremo Concilium Tridentinum huic clausuræ validam manum apposit, & sess. 25. de reg. cap. 5. ita statuit.

Bonifacij VIII. Constitutionem, quæ incipit Periculoso, innouans S. Synodus vniuersis Episcopis sub obtestatione diuini iudicij & interminatione maledictionis æternæ præcipit, ut in omnibus monasterijs sibi subiectis ordinaria, in alijs vero sedis Apostolicæ auctoritate clausuram sanctimonialium ubi violata fuerit diligenter restitui, & ubi inuiolata est conseruari maxime procurent. Inobedientes atque contradiatores per censuras Ecclesiasticas aliasque pœnas quacunque appellatione posposita compescerent, innouato etiam auxilio ad hoc, si opus fuerit, brachij secularis, quod auxilium res præbeatur omnes Christianos principes hortatur S. Synodus, & sub excommunicationis pœna ipsa factò incurrenda omnibus magistratibus secularibus iniungit, &c. Et post pauca subdit. Nemini autem sanctimonialium liceat post professionem exire à monasterio etiam ad breue tempus quocunque prætextu, nisi ex aliqua legitima causa ab Episcopo approbata, indultis quibuscunque & priuilegijs non obstantibus. Pius V. pro corroboratione præfati decreti duas edidit Constitutiones, quarum vna incipit Circa pastoralis officij, altera Decori & honestati, &c. In prima his verbis in substantia clausuram determinat. Auctoritate Apostolica tenore prasentium statuimus atque perpetuè decernimus vniuersas & singulas moniales prasentes & futuras cuiuscunque religionis &c. tacitè vel expresse professas religionem, etiam si conuersa aut quocunque alio nomine nuncupentur, etiam si ex insti-

entis aut ex fundatione ad clausuram non teneantur, nec unquam in earum monasterijs etiam ab immemorabili tempore ea seruata fuerit, sub perpetua clausura permanere debere, iuxta formam Consist. Bonifacij VIII. cap. Periculofo, & decretum Concilij Tridentini, quoniam & nos approbamus & innouamus in omnibus & per omnia, & illam districte mandamus obseruari, quod si aliqua moniales forsan reperiuntur quæ consuetudine etiam immemorabili aut instituto vel fundacione regula sua fretæ animo obstinato resistent, aut quoquo modo reluctentur, Ordinarij una cum superioribus earum omnibus iuris & facti remedijs compellant tanquam rebelles & incorrigibiles ad præcisè subeundam clausuram & perpetuè obseruandam &c.

In alia vero constitutione quæ incipit Decori & honestati, idem statuit, & apponit excommunicationis pœnam his grauissimis verbis.

Volumus sancimus & ordinamus, nulli Abbatissarum siue Priorissarum aut aliarum monialium &c. etiam mendicantium, quorumcunque graduum, statuum, aut dignitatum, etiam à Regia & Illustri prosapia ortarum, decetero, etiam infirmitatis siue parentum aut consanguineorum visitandorum, aut domorum eis subiectarum, alia uero occasione & prætextu, nisi ex causa magni incendij, vel infirmitatis lepra aut epidimie, quæ tamen infirmitas præter alios superiores ordinum quibus cura monialium incumbit, etiam per Episcopum seu alium loci ordinarium cognita & expressa in scriptis approbata sit, à præfatis Monasterijs exire licere, sed nec in prædictis casibus extra illa nisi ad necessarium tempus stare licere. Aliis egredientes siue egrediendi licentiam concedentes, nec non comitantes, ac illarum receptatrices personas, siue laicas siue Ecclesiasticas, aut consanguineas, excommunicationis maioris lata sententia vinculo statim eo ipso absque alia declaratione subiaccere, à quo præterquam à Romano Pontifice nisi in mortis articulo absolui nequeant. Et insuper tam egressas quàm superiores licentiam huiusmodi concedentes dignitatibus, officijs, administrationibus priuamus, & in posterum ad alia obtinenda inhabilisamus; Non obstantibus &c. Extat etiam alia Constitutio Gregorij XIII. quæ incipit Deo Sacris, quæ eandem Constitutionem Bonifacij VIII. Decretum Concilij, & Constit. Pij. V. innouauit, confirmauit, & inuolabiliter obseruari mandauit.

De clausura conuersarum & Tertiaryum.

CAPVT IX.

Conuersas siue Tertiarias professas ad clausuram seruandam teneri satis patere potest ex supra allegatis diplomatibus. Nam Bonifac. VIII. Urbanus IV. Benedictus XII. & Concilium Tridentinum inhihent egressum omnibus monialibus professis, inter quas comprehenduntur etiam Conuersæ, quia & istæ anno probationis elapso professionem tacite vel expresse emittunt. Pius V. melius etiam se explicat eas nominans, & dicens, etiam si conuersæ sint, in sua Constit. Cura pastoralis. Et adhuc in eadem constit. subdit hæc. *Mulieres quoque & quæ Tertiaria seu de penitentijs dicuntur, cuiuscunque ordinis sint, in congregatione viuentes, si & ipse professæ fuerint, ita vel solemne votum emisserint ad clausuram præcisè, ut præmittitur, & ipse teneantur. Quod si votum solemne non emisserint, Ordinarij una cum superioribus earum horten-*

ut & persuadere studeant ut illud emittant, & post professionem eidem clausura se subiciant, quod si recusauerint, & aliqua ex eis inuenta fuerint scandalose viuere seuerissimè puniantur. Ceteris verò sic alsque professione & clausura viuere omnino volentibus interdiximus ac in perpetuum prohibemus, ne in futurum aliam prorsus recipiant in religionem, quod si aliquas contra hoc decretum receperint, eas ad sic viuendum inhabiles reddimus, illarumque receptiones & professiones nullas esse decernimus. Porro ne moniales propter hanc clausuram, detrimentum aut incommodum patiantur, & ut eis opportunè provideatur, auctoritate Apostolica mandamus Ordinarijs & superioribus earum, ut curent colligi eleemosynas per cōuersas que non sint professæ, vel si professæ fuerint sint ætatis annorū quadraginta, & in domibus con-ignis, extra tamen Monasterium degant, & non ingrediantur clausuram aliarum monialium nisi in casibus ex earum Constitutionibus permisis, & de earum domo exire non possint pro eleemosynis colligendis, nisi de licentia Ordinarij vel earum superiorum, & de cetero nulla alia conuersa recipi possint etiam de assensu superiorum, quod si prædicto modo necessitatibus illarum prouisum non fuerit, mandamus ipsis Ordinarijs & superioribus, ut provideant de alijs personis pijs, quæ fidelium eleemosynas colligant, vel alias melius & commodiori modo quo fieri potest, etiam ex opere manuum ipsarum monialium provideatur &c. Gregorius XIII. in Constit. Deo Sacris, hæc de cōuersis tradit. Ceterum quod artines ad conuersas professas, quas prædictus Pius V. in suis literis sub certis conditionibus ibi contentis permisit posse manere extra Monasteria pro colligendis eleemosynis, eisdem locorum Ordinarijs iniungimus, ut in Monasterijs quibus prouisum esse cognouerint, computatis etiam laboribus quotidianis, easdem conuersas sub eadem clausura cum alijs monialibus reducant, nequè à suis Monasterijs amplius exire permittant. Conuersas vero non professas proficieri nolentes dimisso habitu domum remittant, neque alias in futurum nisi professionem suo tempore emissuras atque sub perpetua clausura mansuras recipi permittant, quod autem idem Pius V. statuit de cetero nullas alias conuersas professas recipi posse etiam de consensu Superiorum, esse intelligendum declaramus præter s. illas quæ extra monasterium in domibus contignis degerent.

In cap. Romano 1601. de Conuersis dicitur. Monialibus professis, ipsisq; conuersis quæ infra Monasterij clausuram degunt, non liceat inde egredi ad quæsttuandum, siuè conquirendas eleemosynas, etiam sub prætextu quātumuis vrgentis necessitatis, nisi prius obtenta nominatim eius rei licentia ab ipsa Congregatione regularium. Quandiu autem ipsa quæsttuandi necessitas durabit, nulla puella penitus in ipsis Monasterijs ad habitum regularem suscipiendum admittatur, etiam cum ipsius congregationis licentia, nisi in ea facta fuerit huiusmodi necessitatis & quæsttuandi licentiæ expressa mentio.

Quando liceat monialibus clausuram exire.

CAPVT X.

CIrca egressum sororum è domibus summam adhibere volentes cautelam, interdiximus sub pœna anathematis, ne

vnquam aliqua sororum egrediatur clausuram, nisi propter periculum ignis vel ruinæ, vel latronum, vel malefactorum, aut similia euentuum, qui solent vergere in periculum mortis, nisi fortè de licentia Magistri ex causa aliqua cõtigerit aliquam transferri ad aliam domum faciendam aut factam.

Concilium Trid. sess. 25. cap. 5. in genere tantum loquitur & statuit.

Nemini autem sanctimonialium liceat post professionem exire à monasterio etiam ad breue tempus quocumque pretexto, nisi ex aliqua legitima causa ab Episcopo approbata. Non obstant.

Quando autem aliqua causa pro legitima haberi possit, ex aliis concessionibus Apostolicis colligi debet. Bonifacius VIII. in Const. Periculoso, relata cap. de clausura monialium, prohibet egressum monialibus, nisi fortè tali ac tanto morbo euidenter laboraret, quod non posset cum aliis abique graui periculo aut scandalo commorari. Benedictus XII. ibidem relatus dicit, nisi fortè causa plantandi aut ædificandi eandem religionem. Et repetit causam à Bonifacio approbatam .s. pro graui morbo. Urbanus IV. ibidem adductus dicit, nisi superuenerit periculosa necessitas, sicut exultationis ignis, vel incurfus hostilis, seu alicuius huiusmodi, quæ dilationem non patiatur. Pius V. in Const. Decoris has exprimit causas, nisi ex causa magni incendij, vel infirmitatis lepræ, aut Epidimix. Iulius II. in suo priuilegio 2. concedit Magistro Ordinis talem gratiam. *Moniales infirmas ad balnea de consilio medici cum honesta societate sororum licentia re possit, ita tamen quod nulla sit omnino inhonestatis suspicio, vagationis aut luxus.* Nunc tamen ob Decretum Concilij hæc & aliæ causæ per Episcopum approbandæ sunt.

Conc. Trid. sess. 25. c. 7. disponit, quod si in aliquo monasterio nulla sit monialis ad regimen monasterij apta iuxta condiciones ibidem expositas, electrices possunt aliam ex alio monasterio eiusdem ordinis sibi in præfectam eligere. Et hoc consonat cõcessioni Urbani IV. qui dicit loco citato, posse vnã monialem transferri ab vno monasterio ad aliud causa reformandi illud, & causa regiminis, aut correctionis, aut alterius grauis dispendij. In his verò casibus notandum est id quod dicit prædictus Urbanus IV.

In quibus casibus (.s. incendij & c.) transferant se sorores in vnũ locum competentem, in quantum commodè fieri possit clausa maneat, quousque eis de monasterio prouideatur. Et Pius V. addit. *Et in prædictis casibus .s. incendij, lepræ, & Epidimix, extra monasterium stare non licet nisi ad necessarium tempus.*

In cap. autem Romano 1601. inter alias ordinationes editas nomine S. D. Papæ circa moniales hæc habetur. Nulli sacerdoti siue seculari siue regulari liceat moniales exorcizare absque expressa congregationis licentia, quæ dum conceditur, fiat exorcismus à sacerdotibus idoneis, nominatimque ad hoc munus per loci Ordinarium approbatis, idque in exteriori monasterij ecclesia, ianuis tamen clausis, adhibitisque si fieri potest monialis exorcizandæ nonnullis consanguineis, alijsq; personis timoræ conscientix, & spectatæ pietatis. Peracto autem exorcismo, ipsa monialis continuò in monasterio reducat. Aut vero & quando licentia concedi debeat monia-

libus conuersis pro conquirendis elemosynis dictum: est satis cap. praecedenti.

De ingressu in monasteria monialium.

CAPVT XI.

LEgem statuit Conc. Trid. super hoc sess. 25. cap. 5. in hunc modū, *Ingressi autem septem monasterij nemini liceat, cuiuscunque generis aut conditionis sexus, vel aetatis fuerint, sine Episcopi vel superioris licentia in scriptis obtenta, sub excommunicationis poena ipso facto incurrenda. Dare autem licentiam tantum Episcopus vel superior debet in casibus necessarijs, neq; alias nullo modo possit, etiam vigere cuiuscunque facultatis vel indulti hactenus concessi vel in posterum concedendi.*

Et quia multae personae nobiles ac illustres quarundam licentiarum vigore facilius ingressum petebant, Gregorius XIII. huic inconuenienti prouidens. Constit. edidit, quae incipit ubi gratiae & indulta, &c. qua prohibuit summarie ingressum ut infra.

Proinde Sanctissimum monialium quieti consulere volentes, auctoritate praesentium reuocamus & abolemus omnes licentias ingredendi monasteria monialium quibuscumque, etiam Comitissis, Marchionissis, Ducissis, & alijs quibuscunque mulieribus, ac viris quibuscunque &c. à praedecessoribus nostris & à S. sede, vel alijs quibuscunque, sub quibuscumque tenoribus concessis, etiam cum derogatorijs &c. etiam ad contemplationem Regum vel Imperatorum confirmatis &c. inhiabentes eisdem qui illas obtinuerunt sub excommunicationis poena ipso facto incurrenda, super qua à nemine nisi à Romano Pontifice praequam in mortis articulo absolutionis beneficium possit impartiri, ne ipsarum licentiarum praetextu monasteria quouisinodo ingredi audeant &c. Abbatissis verò nec non Abbatibus ac alijs virisq; sexus superioribus, sub eadem excommunicationis poena, ne non priuationis officiorum &c. & inhabilitationis &c. districte praecipimus, ne in monasteria sua qucuq; praetextu huiusmodi licentiarum ingredi faciant aut permittant. Quinetiam sub eisdem poenis ipso facto incurrendus, interdictimus omnibus & quibuscunque personis Ecclesiasticis Sacularibus ac Regularibus, etiam mendiicantibus &c. ne praetextu licentiarum ab Episcopis vel superioribus quibus illas concedendum casibus necessarijs tantum ex decreto Concilij facultas tribuitur, monasteria monialium prohibito, sed pro necessitatibus urgentibus duntaxat ingredi praesumant, neque moniales sub eisdem poenis tales admittant. Non obstantibus quibuscunque &c.

Quae desiderati possunt pro dilucidatione praedictorum habentur in 4. parte summarij cap. de poenis infligendis ingredientibus monasteria. Vbi potissimum annotatur Grego. XIII. declarasse nedum poenam excommunicationis incurrere eos qui ingrediuntur clausuram praetextu licentiarum, sed etiam introeuntes absque huiusmodi praetextu. Quod fundamentum etiam habet in praedicto Concilij Decreto, licet in eo non referuatur absolutio prout referuatur in bulla. Rodericus vero tomo 1. quæst. Regul. q. 46. art. 1. obseruat non peccare moniales introducentes infantes, quia ipsi nec peccare possunt cum careant usu rationis, nec eas ad peccandum incitare

possunt. Secus autem tenendum est de fatuis & amentibus, quia quamvis non possint peccare ob amentiam, possunt tamen alias ad peccatum incitare. Existimare autem neque in infantibus passim id admitti, quia posset esse aliqualis occasio peccandi monialibus, etiam si ipsi peccati & censuræ capaces non sint. Paulus Comitulus lib. de Censuris cap. 22. refert vidisse literas scriptas ab Illustriſſ. Cardinali S. Seuerini summo pœnitentiario Episcopo Perusino, continentes moniales infantes introducentes excommunicationem incurrit ex voto Clementis VIII. Vrger autem necessitas introeundi monasteria & Prælati earum & Confessarijs ac artificibus, de quibus singulariter dicendum est.

De ingressu Pralatorum.

CAPVT XII.

Magister Ordinis, Prior Prouincialis, vel Visitator ad hoc missus, causa visitationis ingredi poterit, cum societate fratrum matura interdum, sed rarò. Regem verò vel Reginam, Metropolitanum vel Diœcesanum, vel Legatum, vel Cardinalem, vel Papam, vel patronum siue patronam, si ab initio foundationis eis cōcessum fuerit, licebit ingredi cum societate honesta, & moderata, vbi vsque modo fuerit huiusmodi consuetudo.

De Regibus, Reginis, Metropolitanis, Diœcesano, & Patronis, non erit hic sermo, sed de Prælati sub quorum cura moniales existunt. Illi enim clausuram seruare tenentur sub pœna excommunicationis iuxta ea quæ capite præcedenti dicta sunt. De superioribus igitur Gregorius XIII. ita disposuit in bulla quæ incipit dubia quæ emergunt.

Cum fueris prouisum nò eis in posterum, nisi in casibus necessarijs, septa monialium ingredi licentia concederetur, & à nonnullis dubitatum esse scimus circa personas quæ alterius licentia non indigent, an liceat eis pro libito suæ voluntatis septa prædicta ingredi, vel potius seruare debeant regulam à Concilio præscriptam, nos quæsi conscientia monialium consulere volentes, Apostolica auctoritate declaramus, Prælatos omnes tam seculares quam regulares quibus cura monialium incumbit facultate sibi ex officio attributa ingrediendi monasteria ita vti posse, si id faciant in casibus necessarijs tantum, & à paucis, hisq; senioribus ac religiosi personis comitati. Quòd circa vnuerſos Prælatos Priores & alios quoscunq; Superiores regulares &c. monemus serio, vt facultate huiusmodi præterquam in casibus necessarijs neuiquam vtiantur. Quòd si contraxerint, si regulares fuerint, omni officio & ministerio priuentur, & excommunicationi subiacere declaramus &c.

Ex his habemus Prælatos non posse ingredi monasteria monialium, nisi ob causas necessarias siue vrgentes: quales autem sint causæ istæ, ex his non habetur, & alibi colligendæ sunt. Rodericus tomo 1. quæst. regul. q. 47. art. 7. refert Urbanum IV. in declaratione regulæ S. Claræ ita declarasse. *Lui*

tum esse declaramus Ministro Generali ord. Minorum quando celebrare voluerit aut proponere Dei verbum, cum quatuor aut quinque fratribus eiusdem ord. intra clausuram ingredi, sibi expedire videbitur. Visitatores vero monialium possunt ingredi ad tenendas visitationes, vel aliquid simile tangens suum officium quod de foris nequit fieri. Et tunc cum duobus religiosis idoneis & exemplaribus sociis, & non cum pluribus, Quis socij simul maneant, & dum intra clausuram erunt ab invicem nullatenus separentur.

In cap. Romano 1583. dicitur. Infra septa monasterij nullus superior ingrediatur, neque Visitatores, præterquam durante visitatione, seu alias in casibus necessariis iuxta decretum Concilij & Bullas summorum Pontificum, & tunc assumptis duobus sociis maturæ ætatis & illius Conventus grauioribus. Hæc ordinatio cum alijs habetur impressa separatim ab alijs actis capituli. Post Concilium Tridentinum non est admittendus pro celebranda Missa, aut prædicando Dei verbo, quia hæc fieri possunt commodè in Ecclesia exteriori. An vero occasione celebrandi pro monialibus infirmis licitus sit ingressus, dicitur cap. sequenti. Visitatores verò cum introeunt causa visitationis nedum proponere tenentur Dei verbum in capitulo, sed etiam debent cellas visitare inquirendo an aliquid teneant sorores contra statum religiosæ paupertatis, an rotæ, fenestræ, crates, ostia, ex interiori parte sint summe, stabiles, & infrastructæ, & in fine visitationis debent pœnitentias, disciplinas, & alias pœnas imponere, quæ existimantur causæ necessariæ, ideo illis ingressus conceditur cum sociis vt supra. Ex vsu. Sunt aliqui Episcopi, qui vigore Concilij existimant licitè intrare posse septa monasteriorum monialium exemptarum quæ sub cura regularium degunt, vt inuigilent super clausura, sed in hoc p. posito consideranda sunt Concilij verba, quæ huiusmodi sunt sess. 25. de regul. cap. 5. *S. Synodus vniuersis Episcopis sub obtestatione diuini iudicij & interminatione maledictionis æterna præcipit, vt in monasterijs sibi subiectis ordinaria, in alijs vero sedes Apostolica auctoritate, clausuram Sanctimonialium vbi violata fuerit diligenter restitui, & vbi inniolata est conservari maxime procurent &c.*

Ex quibus verbis non existimo posse colligi Episcopum in monasterijs sibi non subiectis pro libito prætextu conseruandæ clausuræ posse illa intrare, imo nec semel in principio sui regiminis, nisi quando aliquam rationabilem suspensionem haberet, quod aliqua ex parte violata clausura fuisset. Ita censet Rodericus tomo 2. qu. 47. artic. 10. Annorare tamen debent prælati non licere eis intrare monasteria pro electione Prioris celebranda, ob decretum Conc. Trid. sess. 25. cap. 7. quod habet hæc verba.

It vero qui electioni præest Episcopus, sine alius superior, claustra monasterij non ingrediatur, sed ante cancellorum senectellam vota singularum audiat vel accipiat. Neque etiã ingredi debent vt examinent nouitias quæ in proximo professionem debent emittere, etiam si aliqua sit suspicio quod non spõte profiteri velint à monialib. inductæ. Quo casu feruetur decretum Cõgregat. Concilij quod est.

Virgines à quibus professio emittenda est, si clausuram monasterij facta est, Episcopus ab ingressu absteineat, si autem habet causam iustam & certam suspicionis, in Ecclesia exteriori monasterij vel alia fiat examen.

CAPVT XIII.

SI aliquam ita infirmari contigerit quod ad locum consuetum communionis venire non possit, si oportuerit eam communicari; sacerdos in superpelliceo cum stola Corpus Christi deferens reuerenter, præcedentibus eum duabus sororibus cum cereis & vna cum aqua benedicta, & alia campanulam deferente, associantibus nihilominus aliquibus de maturioribus sororibus, ad infirmariam vadat, & infirmam communicet, prout in ordinario continetur. Si autem aliqua soror infirmatur in tantum quod eam inungi oporteat, tunc sacerdos indutus vt supra de communionedictum est, oleum sacre vnctionis deferat, & vna sorore Crucem portante præcedentibus duabus cum cereis ad infirmariam vadat, & totus Conuentus processionaliter antecedit. Intrantem autem Sacerdos infirmariam dicat, Pax huic domui & cetera fiant sicut notatum est in ordinario, ita tamen quod absterisiones cum stupis fiant à Priorissa, vel alia sorore cui iniunxerit. Cauendum est autem ne faciliter multiplicentur ingressus, modo causa communionis, modo causa vnctionis, sine magna necessitate, sed simul fiat vtrumque. Cum autem simul communicari & inungi aliquam oportuerit, soror aliqua Crucem porter, & frater vel socius sacram deferat vnctionem, & primo fiat communio, deindè vnctio. Et in isto casu semper remaneat Conuentus in infirmaria vsque ad completionem officij. Porro vbi copia ministrorum upradictorum non habetur in promptu, vel propter necessitatem festinare oportet, ommissa solemnitate prædicta & ministris & apparatu fiat sicut fieri potest bono modo.

Quanto præstantior est anima corpore, tanto etiam diligentius procuranda est salus animæ supra salutem corporis. Et si ob corporis necessitates vrgentes introire monasteria licet, multo magis id licebit Confessariis qui curæ animarum monialium deputati sunt. Quales autem sint istæ vrgentes causæ ex concessionibus Apostolicis perquirendum est.

Rodericus Tomo primo quæst. regul. q. 47. art. 4. colligit has causas. Et primo dicit licere confessario introire clausuram pro audienda confessione monialis infirmæ quæ commodè ad cratem venire cum aliis non potest, & refert Vrbani quatum in declaratione regulæ S. Claræ id concessisse his verbis.

Cum aliqua soror tanta fuerit infirmitatis quod ad locutorium commodè venire non possit, & habet necessitatem confitendi vel sumendi Corpus Christi, Confessor vel Va-

carius introcas, ita tamen quod exhibiturus huiusmodi Sacramenta alba, stola, & manipulo, cum duobus religiosis sociis vel vno ad minus alba vel saltem superpelliceo indutus ingrediatur, & morentur induti, & tradito Sacramento induti egrediantur nec moram faciant, & nullatenus se separent quin semper mutuo se prospicere possint. Ex qua concessione colligit Rodericus ibidem socium ingredientis confessorij debere esse clericum, cum soli clerici non laici vtantur superpelliceo & alba. Et quia in hac concessione non exprimitur qualis sit necessitas vt Confessarius pro audienda confessione ingrediatur, aliam adducit gratiam ab Adriano VI factam huiusmodi tenoris. *Quia interdum accidunt moniales vestra cura subiectas (scilicet Generali ordinis minorum) diuturna infirmitate laborare, & quandoque per annum & biennium ita morbo laborare, vt pro receptione sacramentorum ad cratem communem accedere non valeant, & spirituali consolatione priventur qua cetera moniales quintadecima quolibet die recreari solent. scilicet susceptione sancte Eucharistia, cumque Confessores ex eo quod non sint in necessitate seu articulo mortis constituti absque scrupulo ingredi monasterium non audeant, petitioni monialium annuentes &c. vobis & Confessoribus per vos deputatis, pro eisdem causis, & aliis necessariis occurrentibus ingredi clausuram, possitis auctoritate Apostolica concedimus.*

Et cum in cap. Cum infirmitas. De pœnit. & remissio. peccatorum. imponatur medicis, vt infirmos ad quos curandos vocati sunt moneant, vt prius spiritualem animæ medicum petant, à quo per absolutionem curentur ab infirmitatibus animæ, quod & Pius V. quadam sua Constitutione confirmavit, graues comminando pœnas medicis, si in confessos curant, hinc sequitur quod infirmitas corporalis, si causa sufficiens est vt medicus corporalis septa monasterij ingrediatur, est etiam causa necessaria vt Confessarius qui est medicus spiritualis ingrediatur pro audienda confessione.

Pro administranda etiam sacra Eucharistia his qui ad communem fenestellam accedere non possunt, Confessarij introire valent tempore necessitatis ex concessione Leonis X. quæ huiusmodi est. *Cum moniales sancte Clare infirmantur taliter quod non possint ad cratem venire ad audiendam missam, potest illo tempore Confessor earum vel Prelatus introire clausuram ad celebrandum in infirmaria, ne tales moniales remaneant sine missa, dummodo ad alia loca non discurat, nec ultra tempus necessarium in ea moretur, neque cum aliqua loquatur, nisi de his quæ ad missam pertinent.* Hanc gratiam exponit Rodericus esse intelligendam quando post missam monialis infirma corpore domini reficienda est. nam indecens videtur vt Sanctissimum Eucharistia sacramentum, quod iuxta sanctiones Concilij Tridentini non in Ecclesia interiori monialium seruandum est, sed in exteriori, portetur à sacerdote ab Ecclesia ad ianuam conuentus cum vno socio tantum, aut quod ponatur super rotam quousque confessor introierit, & inde ex rota deferat ad infirmam, quibus in decentiis occurritur, si missa infra septa monasterij celebretur, & infirma recreetur spiritualiter missam audiendo. Hoc tamen obseruandum est quando in infirmaria locus est condecens ad celebrandum institutus. Veruntamen in cap. Romano 1601. statuitur etiam nomine S. D. Papæ, quatenus in-

tra septa monasterij missa nullo modo celebretur.

Adinungendas autem moniales infirmas in periculo mortis existentes difficiles non se debent Confessorij exhibere, cum & hæc vnctio sit sacramentum Ecclesiæ, & hoc etiam habetur in specie concessum ab Urbano IV. monialibus S. Claræ, qui statuit Confessorem ingredi posse pro audienda confessione, & pro ministranda Eucharistia, nec non ad conferendum alia Sacramenta, quod vltimum verbum non nisi de sacramento extremæ vnctionis intelligendum est. Pro Sacramento enim confirmationis non intrat Confessor sed Episcopus, & potest monialis confirmari ad fenestellam communionis.

Pro exequiis funerum licitus etiam est ingressus, vnde Romæ 1583. statutum fuit. In exequiis monialium quando earum corpora sepulturæ sunt tradenda, ingrediantur ad sepeliendum solum qui necessarij fuerint, sed vestibus sacris induti, & non aliter, neque permittantur sæcularium cadauera infra clausuram monialium sepeliri.

Rodericus loco citato refert Paulum III. concessisse fratribus minoribus, & monialibus Sanctæ Claræ vt pro exequiis illarum possint sex fratres induti vt supra intrare. Addit etiam concessum fuisse per Urbanum IV. Vicario monialium, vt possit introire pro commendatione animæ in eius exhalatione, quod quidem etiam rationabile videtur, cum eo tempore diabolus fortius insurgat suis tentationibus.

De ingressu arisicum.

CAPVT XIV.

SI oportuerit infra terminos sororum aliqua opera fieri necessaria, poterunt intrare operarij aliqui, de licentia Prouincialis, vel Vicarij: & tunc Priorissa, Suppriorissa, & Procuratrix, vel alix tres de antiquis & maturis ad hoc deputatæ operariis loqui poterunt, ita tamen quod vna ab alijs duabus audiat, alix vero nullo modo cum eis loquantur nec ad eos accedant.

Urbanus IV. in declaratione regulæ S. Claræ prout refert compendium privilegiorum ord. mino. verbo, Ingredi monasteria, censuit infra scriptos posse intrare, qui sunt Medicus & minor causa multum grauis infirmitatis. Aliqui ad fodiendam vel aperiendam sepulturam seu postmodum coaptandam si Priorissæ, & Conuentui visum fuerit propter imbecillitatem sororum. Aliqui occasione incendij, vel tuius, vel alterius periculi, vel dispendij, seu pro tuendis monialibus à violentia quorumlibet, & pro aliquo opere exercendo quod commodè extra monasterium fieri non potest. Qui omnes expedito suo negotio & imminenti necessitati satisfacto exeant sine mora. Nulli tamen liceat intra clausuram comedere aut dormire. Notat Rodericus illa verba, & pro aliquo opere quod commodè intra monasterium fieri non potest, & dicit, aliquod opus non potest

comniode fieri ob laborem, vt plantatio arborum, portare onera, & similia, quandoque non ex labore sed ex industria, vt scindere ligna pro capsa fabricanda, dealbare parietes &c.

Aduertere tamen debent Prælati vt nunquam concedatur licentia Patri, vel, Matri, aut aliis consanguineis, intrandi clausuram ad visitandas filias moniales, aut sorores, etiam causa cuiuscunque infirmitatis, etiam cum periculo mortis: ita enim decreuit Congregatio Sacra Concilij.

Non potest Episcopus concedere facultatem ingrediendi clausuram Matri Sorori ac aliis consanguineis causa visitandi filiam in monasterio existentem gravi morbo laborantem, etiam si sit in periculo mortis, & multo minus quando habitum susceptura est vel professionem emissura.

De monialibus Comitaticibus ingredientium.

CAPVT XV.

QVando aliquis prædictorum ingreditur, Priorissa cum tribus antiquioribus eum semper comitetur. Aliæ vero non discurrant, sed sint in capitulo vel in Ecclesia, vel in alio loco honesto, præter illas quæ necessario occupantur in aliquibus officiis, donec extra domum regressus fuerit. Nulla loquatur cum aliquo ingredientium seorsum ab aliis, nisi fortè cum aliquo prædictorū qui possunt & debent intrare, & hoc de licentia Priorissæ, & excepta Priorissa, & tribus senioribus ad hoc deputatis. Priorissa & tres aliæ simul stent, & simul vadant, vel binæ, & binæ, nec aliqua aliarum loquatur cum alienis, nisi præsentē & audientē aliqua prædictarum. Loquatur autem cum aliis quos ex aliqua causa contigerit ingredi, de expedientibus breuiter & succincte. Si vero operarij quicumque intrauerint, Priorissa, Suppriorissa, & Procuratrix, vel aliæ tres de antiquis & maturis ad hoc deputatæ, operarios comitentur, &c.

Romæ 1601. ita ordinatum fuit. Comitantes Confessarios, Medicos, Chirurgos, & alios qui ex necessitate intra Claustra pro tempore sunt admittendi, quadraginta annis non paucioribus natæ sint, & semper dictas personas comitentur, vt ingressi fuerint,

De licentiis concedendis pro ingressu.

CAPVT XVI.

Concilium Trid. sess. 25. cap. 5. disponit vt infra:

Ca. Dare autem licentiam tantum Episcopus vel Superior debet in casibus necessariis, nec in aliis vllō modo possit, etiam vigore cuiuscunque secularis vel indulti habitus concessi vel in posterum concedendi.

Et quia multæ personæ nobiles vt Ducissæ, Comitissæ & c. prætextu licentiarum iam habitatum monasteria ingrediebantur, Gregorius 13. reuocauit omnes huiusmodi facultates, & prohibuit sub excommunicationis lætæ sententiæ pœna, ne aliqua ingrederetur aut à monialibus admitteretur.

Notandum est ex Roderico illam distinctionem (Episcopus, vel Superior) non habere hunc sentum vt vbicumque & in quibuscumque monasteriis sufficiat licentia Episcopi aut Superioris, sed singula singulis referenda sunt, idest Episcopis cōuenit dare licentiam pro ingressu in monasteriis sibi subditis, & Superioribus regularibus pro ingressu suorum monasteriorum, & iuxta hanc doctrinam sacra Congregatio Concilij declarauit in hunc modum.

Congregatio Concilij censuit licentiam ingrediendi septa monasteriorum monialium in causis necessariis quo ad monasteria regularibus subiecta pertinere tantum ad Superiores regulares.

Postea vero Congregatio Regularium statuit vt nedum Superior regularis, sed etiam Episcopus in monasteriis regularium copulatiue non disiunctiue licentiam concederet. Ita enim habetur in capitulo Romano 1601.

Obseruetur decretum sacre Congregationis, ne seculares accedant ad monasteria monialium sine licentia Ordinarij & Superioris regularis, nec à solis Superioribus regularibus concedantur huiusmodi licentiæ, nec etiam generales pro ministris, seruis, & alijs personis necessarijs, ingrediendi monasteria.

De Puellarum ingressis pro educatione.

CAPVT XVII.

Videbitur forsân alicui harum puellarum ingressum ob stare decreto Concilij Trid. statuenti, vt nulli concedatur ingressus, nisi pro causis necessarijs & vrgentibus, cum monialibus nulla immineat necessitas vt puellas educandas recipiant. Veruntamen habetur decretum Sacre Congregationis Concilij directum Episcopo Hieracensi, quo declaratur nullo Concilij decreto prohiberi quo minus puellæ in monasterijs educantur, si tamen eadem monasteria ante Concilium consueuerunt huiusmodi puellas recipere, & à Superioribus monasteriorum licentiam impetrauerint. Et Romæ 1601. ita ordinatur. Non recipiantur puellæ educationis causa in monasterijs, nisi de licentia Congregationis, obseruatis conditionibus in licentia contentis: Et si alicubi introductæ sunt sine licentiâ aut non seruatis illis conditionibus emittantur.

Conditiones quæ apponi solent in licentijs hæc sunt.

Vt monasterium in quo recipiendæ sunt consueuerit puellas educandas recipere.

De consensu Priorissæ & conuentus, & non aliter recipiantur.

Non minor octo annis recipiatur, nec vltra vigesimum quintum retineatur.

Nullam ancillam secum ducere permittatur.

Introducæ eo uestitu vtantur qui modestiæ virginali & honestati conueniat.

Ecc. iij.

Ad eandem clausuræ legem seruandam teneantur sicut & aliz moniales.

Semel à monasterio egressæ nunquam in eodem monasterio amplius intro mittantur, nisi infirmitatis curandæ causa & cum licentia egressæ fuerint.

Ex Roderico tomo 1. reg. q. q. 46. ar. 10. habetur istæ conditiones. Puellæ existentes in monasterio educandæ restituantur Patri quandocumque eas petierit. Egressæ infirmitatis causa non recipiantur sine licentia Superioris de consensu Priorissæ & Conuentus. Si puella educanda habitum religionis petierit, cum ad annum tertium decimum aut quartum decimum peruenierit, emittatur, quæ si postea religionem petierit, recipiatur ad habitum, si autem renuerit, non amplius recipiatur. Romæ autem 1601. ordinatum fuit vt mulieres quæcumque illæ sint ingredi volentes vt in monasteriis viuant, non recipiantur sine licentia Congregationis, & aliter receptæ eiciantur.

De Cubiculis Confessariorum.

CAPVT XVIII.

ROMÆ 1601. mandato D. Papæ hæc ordinata fuerunt. Interdictum sit omnibus Confessariis monialium ac aliis regularibus etiam Superioribus, in cubiculis, ædibus, seu domibus monasteriis monialibus contiguis pernoctare, vel alios pernoctare facere, vel alias secum retinere, nec liceat Confessariis tam ordinariis, quam extraordinariis, apud moniales in cubiculis parlatorij, vel aliis ædibus monasterio cõiunctis comedere, aut cibum sumere, nec ab ipsis hac de causa aliquid accipere, nisi tempore generalium confessionum, cum habitatio Confessorum à monasterio nimis distat, quo casu ubi consuevit refectionem recipere poterunt diurnam, & famuli laici qui factores monasterij vocantur prandium parent ex cibariis communibus, non autem moniales. Ea autem cibaria nil omnino habeant superflui, sed vno aut altero tantum ferculo consent. Et quoniam hoc modo eximuntur moniales à cura Confessariorum, vel etiam Superiorum, in his quæ ad victum pertinent, prohibetur ne in posterum deputentur moniales huic muneri, & nomen ac officium earum quæ hospitalares vocantur abolemus. Cum contigerit Confessarios ad monasteria accedere, secum ducant socios ex senioribus, quibus non liceat alloqui moniales, nec se absentent ab oculis illius, & alloquentes in pœnam incidant decreti. Confessarij, Superiores ac alij regulares, occasione suscepcionis habitus, aut professionis emittendæ nil prorsus sub quouis prætextu recipiant nec à monialibus, nec ab aliis quacumque consuetudine non obstante. Vbi vero fuerit consuetudo dandi aliquod Confessariis seu Cappellanis, pro illorum labore statuatur à Priorissis æqua, & idonea elemosyna quæ ære communi monasterij soluatur Superioribus, non autem ipsis Confessariis seu Cappellanis, quibus nunquam licebit aliquid accipere, & eisdem omnis vicissitudo munerum quantumvis exigui valoris omnino interdicta sit, iuxta Bullam

Clementis 8. de munerum largitione. In cubiculis Confessariorum vel ædibus in quibus Superiores ac laboratores seu factores degere solent, nullæ sint inter ipsos & moniales, fores, crates, parlatoria, vel fenestellæ, aut quæcumque foramina. Et si quæ sunt, muro obstruantur.

De Confessorum institutione, & officio.

CAPVT XIX.

Communio poterit fieri in anno quindecim vicibus, in diebus quibus visum fuerit fratribus curam habentibus illarum, dummodo ad præparandum se copiam Confessoris habere possint.

Nullus monialibus assignetur Confessor, nisi sit sufficientis ætatis & vitæ exemplaris. Valleoleti 1605. Et in cap. Romano 1589. auctoritate Apostolica statuitur, vt nullus admittatur ad audientiam confessionum tam fratrum, quam secularium, nisi per quinque examinatores, aut si tot non suppetant, per tres ad minus sufficiens iudicatus fuerit. Quibus examinatoribus mandatur sub præcepto formali. & pœna excommunicationis latæ sententiæ, vt per vota secreta dantes sua suffragia idoneos tantum admittant & insufficientes excludant. quod videtur etiam seruandum in examine Confessorum monialium. In cap. Romano 1569. dicitur. Confessores monialium habeant præfixum tempus duorum, vel trium annorum, quo completo alij subrogentur illorum loco. In cap. vero Romano 1583. dicitur, quod non permaneant in officio nisi per biennium. & Romæ 1601. statuitur, vt amoueantur completo triennio. Romæ 1589. dicitur. Confessores monialium eisdem missam celebrent, & pro capellanis deseruiant, neque alij admittantur, nisi vbi fuerint aliquæ capellanæ institutæ, vel Confessores præsenio pro capellanis seruire non possint, aut etiam si ob consuetudinem plures missæ in ea Ecclesia celebrari debeant, tunc enim alij ascisci poterunt, quibus tamen non licebit moniales alloqui sub pœna excommunicationis latæ sententiæ, siuè regulares nostri ordinis, siuè clerici seculares sint. Nulla monialis, vel quæuis alia persona quæ non sit de monasterio, audeat sine licentia Superioris alias priuatas missas sibi celebrare facere in Ecclesiis monialium, præter eas quæ à cappellanis deputatis communibus expensis monasterij sunt celebrandæ. Romæ 1589. mandatur Confessariis sub pœna grauioris culpæ, vt quæcumque elemosynas sibi promissas datas ac illarum numerum infra terminum vnus diei à receptione teneantur Prælati suis manifestare.

De confessione autem & communione monialium habetur decretum Conc. Trid. sess. 25. cap. 10. quod ita habet.

Attendant diligenter Episcopi & alij Superiores monialium, vt iuxta suas constitutiones admoventur, quod saltem semel singulis mensibus confessionem peccatorum faciant, & Sacrosanctam Eucharistiam suscipiant, & eo se salutari præsidio muniant.

ad omnes oppugnationes demonis fortiter superandas. Præter ordinarium autem Confessarium alius extraordinarius ab Episcopo & aliis Superioribus his aut ter in anno offertur.

Romæ 1601. dicitur. Confessores extraordinarij omnino monialibus assignentur, iuxta decretum Concilij Trident. Et Vallesoleti 1601. additur. Quod si alicui moniali ob peculiatem & spiritualement necessitatem aliquis detur Confessarius, id fieri mandamus seruata antiqua ordinis nostri consuetudine. Bononiæ 1564. Nulla soror nostri ordinis sacerdoti seculari aut regulari alterius ordinis confiteatur peccata sua absque licentia superioris sui, & contra facientes grauiter puniantur.

Congregatio regularium censuit. absente Priore & Conuentu, Confessor monialium, & non Superior, aut Vicarius Conuentus, suum monasterium gubernet & curam illius gerat.

In cap. Barchinonen. 1574. statuitur, vt communio generalis tempore quadragesimæ & aduentus fiat quolibet die Dominico, alio vero tempore fiat de quindena in quindenam. Et tempore electionis Priorum aut Priorissatum tenentur omnes vocales præmissa confessione sacram sumere Eucharistiam.

De officio Ecclesiæ.

CAPVT XX.

A Vdito primo signo surgant sorores cum matura festinatione, religiosè & honestè se præparando Matutinas autem & omnes horas canonicas simul audiant, nisi cum aliquibus ex causa fuerit dispensatum. Horæ canonicæ omnes in Ecclesia tractim & distinctè taliter dicantur, ne sorores deuotionem amittant, & alia quæ facere habent minimè impediuntur. Quod ita dicimus esse faciendum, vt in medio versus metrum cum pausa seruetur, non protrahendo vocem in pausa, vel in fine versus, hoc tamen magis & minus pro tempore seruetur: Horæ vero de B. Virgine post horas canonicas dicantur in Ecclesia. Tempore quo bis reficiuntur sorores, legatur ante completorium in Ecclesia, Sorores sobriæ estote &c. postea dicto ab ea quæ præest, Adiutorium nostrum in nomine Domini, & facta confessione, dictoque completorio, hebdomadaria aqua aspergat benedictam, postea dicatur Pater noster, & Credo in Deum. Post completorium autem receptis pro tempore disciplinis concedatur aliquod spacium competens sororibus ad vacandū sacris meditationibus, & orationibus priuatis, vsque ad signum, similiter & post matutinas, facto autem signo omnes egrediantur Ecclesiam, & intrent locum dormitionis. Aliquis tamen locus statuatur, in quo ad præuidendum officium diuinum sorores

res conueniant, praesente Priorissa, vel alia cui commiserit tempore opportuno.

Compendium priuilegiorum ord. Minorum, verbo, Moniales, refert duo priuilegia monialibus concessa circa diuinum officium, quæ sunt.

Leo Decimus decreuit moniales Sanctæ Clare etiam sanas non teneri semper officium diuinum persolvere in choro, & exonerando conscientiam illarum commisit discretioni Abbatissarum, ut quando, quomodo, & cum quibus sit hæc remissio toleranda, salenter inuigilens, & prudenter concedant, ne sub colore pietatis, ex nimia indulgentia permittant in aliquo generari habitum diuinae offensionis.

Clem. 7. concessit ut sorores quæ propter imperitiã nesciunt recitare officium perferret iudicio Prælatorum, aut Confessorum, seu etiam Abbatiss. recitando officium sororum laicarum censentur satisfecisse obligationi de dicendo officium ad quod tenentur.

De inclinationibus.

CAPVT XXI.

Finitis matutinis de B. Virgine, cum sorores in chorum venerint, inclinent ante altare profundè, & cum ad sedes suas venerint, facto signo ab ea quæ præest, flexis genibus, vel inclinata profundè pro tempore, dicant Pater noster, & Credo in Deum, & iterum facto signo ab ea quæ præest, surgant. Hora itaque deuotè incepta, versque ad altare muniant se signo Crucis, & ad Gloria Patri inclinet chorus contra chorum profundè, vel prosternant se profundè pro tempore, vsq; ad sicut erat. Hoc etiam faciendū est quoties Pater noster, & Credo in Deum, dicuntur, nisi in missa, & antè lectiones, & gratiarum actiones, in quibus inclinandum est solum, ad Pater noster, & ad orationem Retribuere. Idem etiam faciendum est ad primā collectā in missa, & ad postcommunem, & similiter ad orationem pro Ecclesia, & in singulis horis ad collectam, & ad Gloria Patri quotiescumque inchoatione horæ dicitur. Ad omnia autem alia Gloria Patri, & ad extremos versus hymnorum, & ad penultimum versum cantici Benedicite, inclinent vsque ad genua, Et quando cantatur Gloria in excelsis ad Suscipe deprecationem nostram, & ad benedictionem lectionum, & in capitulo ad orationem. Sancta Maria Item quando nomen Iesu in collecta, & in præfatione, & in Ant. Salue, vel in Gloria in excelsis nominatur. Quando autē nomen Iesu alias nominatur in choro, sorores eidē reuerentiam faciant capite deuotius inclinato. Item

in omni oratione, quādo nomē Domini Iesu Christi, & B. Virginis, & B. Dominici, nominatur, & quando nomen B. Virginis nominatur in Antiphona Salve, in Missa in Prefatione, ad Gratias agamus, ad versum, O Crux aue spes vnica &c. Sorores in choro deuotē inclinēt, sicut etiam fieri debet quando nomen Iesu & Mariæ in aliqua collecta nominatur. Hora itaque prædicto modo deuotē incepta postquam ad Gloria post Venite, inclinauerint, stet chorus contra chorum, deinde ad primum psalmum sedeat vnus chorus, & ad secundum stet, & sedeat alter chorus, & sic alternatim vsque ad Laudate Dominum de cœlis, & sic faciendum est ad horas. finita autem lectione in matutinis, nisi fiat officium pro mortuis, illa quæ legit, inter pulpitem quod est in medio chori & gradus altaris inclinationem faciat, vel prosternat se pro tēpore. In inclinationibus vero conformentur moribus earum ad quas declinant. Porro ad Salue sancta parens, ad Salue post completorium, & Veni sancte Spiritus, & ad Veni creator spiritus in die Pentecostes & per totam hebdomadam, & ad Credo in missa, ad Ex Maria virgine & homo factus est, flectant genua. In ferialibus diebus iaceant prostratæ à Sanctus vsque ad Agnus. In festis vero trium vel nouem lectionum iaceant prostratæ ab eleuatione Corporis Christi vsque ad Pater noster. In prostrationibus idem seruetur in festo trium & nouem lectionum. Quando Prælati vel quæ præest iniunxerit aliquam communem orationem, inclinēt omnes. Similiter omnes faciant quibus aliquid dicere vel facere iniunxerit, si autem aliquam obedientiam, vel officium, vel ministerium aliquod cuius iniunxerit humiliter se prosternens, suscipiat quod sibi iniunctum fuerit. Quando etiam sororibus quidpiam vestimenti tribuitur incinātes dicāt Benedictus Deus in donis suis.

De inclinationibus multa post has Constitutiones edita fuerunt, quæ videntur in Summario Constitutionum fratrum cap. de Inclinationibus. In particulari autem notentur quædam genuflexiones faciendæ ex decretis capitulorum generalium, ad O Crux aue spes vnica in hymno passionis, Ad Tantum ergo Sacramentum in hymno Corporis Christi, ad, Et procedentes adorauerunt eum in Euangelio Epiphaniæ, ad ex Maria virgine &c. ad, Et verbum caro factum est, ad, Te ergo quæsumus famulis tuis subueni, quos pretioso sanguine redemisti.

De suffragiis mortuorum.

CAPVT XXII.

A Festo S. Dionysij vsque ad Aduentum, pro anniuersario fratrum, & sororum familiarum, & receptorum per literas ad beneficia ordinis, literatæ sorores Psalterium non literatæ quingenta Pater noster dicant. Idem faciat quælibet soror pro sorore defuncta sui Conuentus, Et idem fiat pro Magistro ordinis, & pro Prouinciali defunctis. Idem etiam fiat pro Visitatore illarum, si in visitatione mori contigerit. Idem etiam fiat pro Procuratore ordinis si in Romana Curia in procurationis officio decedat. Quælibet literata pro fratribus & sororibus nostris defunctis triginta vicibus septem psalmos poenitentiales dicat in anno, Non literata triginta vicibus centum Pater noster. Anniuersarium Patrum & Matrum tertia die post purificationem celebratur. Anniuersarium benefactorum & familiarum die crastina post octauas S. Augustini. Anniuersarium fratrum & sororum in crastino S. Dionysij. Anniuersarium vero sepulcorum in Cæmeteriis nostris vbique prima die vacante post octauas Visitationis B. Virginis.

De Ieiuniis.

CAPVT XXIII.

A Pascha vsque ad festum S. Crucis reficiantur bis sorores, exceptis diebus Rogationum, & sextis feriis, & vigilia Pentecostes, & ieiuniis quatuor temporum, & vigiliis SS. Ioannis Baptistæ, Petri, & Pauli, Iacobi, Dominici Patris nostri, Laurentij, Assumptionis B. V. Mariæ, Bartholomæi, & Natiuitatis B. V. A festo autem S. Crucis vsque ad Pascha continuum teneant ieiunium, & nona dicta comedant, exceptis diebus Dominicis, nisi dispensatio fiat Interdum ex causa. in toto autem Aduentu, & Quadragesima, & ieiuniis quatuor temporum, in vigiliis Ascensionis, Pentecostes, S. Ioannis Baptistæ, SS. Petri, & Pauli, Iacobi, Dominici Patris nostri, Laurentij, Assumptionis, Bartholomæi, Natiuitatis, B. Mariæ, Matthæi, Simonis, & Iudæ, Om-

nium Sanctorum, Andreæ, & sextis feriis quadragesimali utatur cibo, nisi in locis in quibus in dictis sextis feriis aliter comederetur, vel nisi præcipuum festum fuerit, vel nisi cum aliqua ex causa dispensaretur. Quando autem festum habens vigiliam in qua secundum ordinem ieiunandum est euenerit in secunda feria, eius vigilia in præcedenti sabbato ieiunetur, contraria consuetudine non obstante. Feria secunda & tertia post quinquagesimam quadragesimali utantur cibo, & ieiunent. In Parasceue vero per totum diem in pane & aqua abstineant. Præcipuum festum dicimus duplex & supra.

De Cibo.

CAPVT XXIII.

HOra competentiant prandium, vel cœnam, à sacrissimâ paruis ictibus campana pulsetur, ut sorores venire ad refectorem non tardent, postmodum vero pulsetur cymbalum si cibus sit paratus, alioquin non sonetur donec paratus sit. Ablutis verò manibus, nolam refectorij quæ præest pulset, & tunc sorores ingrediantur. Quibus ingressis dicatur Benedicite, ab ea quæ dicit versiculos, & conuentus prosequatur benedictionem. Seruitrices autem incipiant ab inferioribus, usque ad mensam Priorissæ ascendentes. Nulla soror à prima mensa remaneat, nisi seruitrices, & nisi de licentia, & ex causa. Quotquot autem remanserint comedant in secunda, ita ut tertiam facere non oporteat. Nulla fiat pietantia seruitricibus vel ministris, quæ non sit Conuentui nisi sint infirmæ, vel minutz. Priorissâ comedat in refectorio, & cibariis Conuentus sit contenta. soror non mittat sorori pietantiâ (excepta Priorissâ) sed sibi datam dare potest à dextris, vel à sinistris tantum, similiter infirmariæ & aliz quæ ministrant in officio quocumque, nisi cû aliquibus Priorissâ dispensauerit ob aliquâ causâ. Pulmenta sint in Conuentu sine carnibus, præterquâ in infirmariis. Singulis diebus si fieri potest, & expedierit duo pulmenta cocta habeant sorores, poterit autem priorissâ superaddere, prout opus esse iudicauerit, & facultas permiserit. Si qua iuxta se sedenti viderit aliquid deesse de communi, requirat à ministra. Si qua de sororibus seruiendo vel comedendo in aliquo offenderit, surgentibus sororibus veniam petat, & facto signo ab ea quæ præest, redeat ad locum suum.

CAPVT XXV.

TEmpore ieiunij hora competenti Sacristissa ad collationem signum faciat, postea refectorij cimbalum pulset. Deinde fororibus venientibus in refectorio ad signum illius quæ præst, legat lectrix, præmisso, Iube domine benedicere, & sequatur benedictio Noctem quietam &c. Infra lectionem vero poterunt bibere quæ voluerint facto signo ab ea quæ præst, Et dicto, Benedicite, à lectrice, dataque benedictione ab hebdomadaria, Largitur omnium &c. Finita lectione dicat quæ præst, Adiutorium &c. Et tunc cum silentio intrent sorores Ecclesiam. Quæcunque extra horam bibere voluerit, licentiam petat, & vnam sociam accipiat.

CAPVT XXVI.

Circa infirmas caueat ne sit negligens Priorissa. Sic enim procurandæ sunt infirmæ, vt citius releuentur, sicut dicit S. Augustinus in regula. Poterunt autem quædam vesci carnibus, prout earum grauior exigit infirmitas vel debilitas, secundum quod Priorissæ visum fuerit. Si quæ vero talem infirmitatem habuerit, quæ nec eam debilitet multum, nec comedendi turbet appetitum, talis nec supra culcitram iaceat, nec consuetudinaria frangat ieiunia, nec cibos refectorij mutet. In domo non sint nisi duo loca in quibus comedant infirmæ & debiles, vnus carniū, & alius aliorum ciborum, nisi sit euidentis necessitas vel vrgens infirmitas. Si autem Priorissam infirmari contigerit, in infirmaria cum aliis procuretur.

CAPVT XXVII.

Minutio quater in anno fiat. Prima in mense Septemb. Secunda post Natale, Tertia post Pascha, Quarta post festum S. Ioann. Baptista. Præter has minutiones nulla sibi minuatur, nisi

discretio Priorissæ propter aliquam causam iudicauerit aliter alicui esse faciendum. Minutæ vero extra refectorium comedant cum silentio, & secundum quod facultas permiserit commodius procurentur. Causa vero minutionis carnes non comedant.

De Lectis.

CAPVT XXVIII.

SVper culcitræ non dormiant sorores, nisi in infirmaria, super stramina & saccones laneos dormire licebit. Quæ autem culcitræ petierint, vna die in pane & aqua ieiunent. Et cum tunica velo, & capitergio, & cinctæ dormiant, & etiam cum caligis in regionibus in quibus mulieres portare caligas consueuerunt. Nulla quæ in communi tolerari possit habeat specialem locum adiacendum, nisi fortè propter rerum custodiam cum necessitas hoc requirat. In quo casu non minus quam tres iaceant in loco prædicto.

De vestitu.

CAPVT XXIX.

VEstes laneas honestas non notabiliter preciosas deferant sorores, & in mantellis vilitas potius obseruetur. Lineis non vtantur ad carnem, Pellicum vero inter duas tunicas habere possunt, quod aliquantulum sit breuius tunicis. Lintheamina non habeantur, nisi forsan Priorissa in infirmaria cum aliqua propter grauem infirmitatem iudicauerit dispensandum. Pellicis & coopertoriis siluestrib. sorores non vtantur. Tunica vsque ad talos, scapularia verò, sine quibus non vadant, sint tunicis breuiora. Soccos, pepla, capitergia, & vela habeant, vt necesse fuerit, & facultas permiserit, Chirothecas autem non habeant.

Romæ 1601. ordinatum fuit ex commissione D. Papæ, vt nulla monialis serico indumento, nec palam, nec occultè vt præsumat, sed nec alio panni genere, quàm quod regulæ ordinis præscribunt. Caueant autem maximè, ne caput sanctimonialis vllò profano cultu deformetur. Moniales vllò vniquam tempore larvas gerere, vel vestimenta ad vsum vicorum pertinentia induere sub quo cunque prætextu non audeant.

De commutatione rerum.

CAPVT XXX.

OMnes sorores singulis annis, vel pluries si eis dictum fuerit, omnia sibi commissâ Priorissæ suæ exponant pariter & exhibeant, eius dispositioni omnia relinquendo. Nulla etiam ciphum vel Vas aliquod vel aliquid huiusmodi sibi appropriet. Item nulla habeat arcam, vel aliquid quod cum clauē firmetur, exceptis illis quæ propter officium suum necesse habent habere. Item nulla mittat, aut recipiat sine licentia, literas, vel schedulam scriptam, etiam sine sigillo, nec etiam scriptum aliquod in tabulis, vel in cerâ, nisi Magistro, aut Prouinciali, vel Vicario ostendat. Priorissa etiam cum duabus sororibus quas elegerit, cum sibi expedire videbitur, sororibus absentibus scrutetur singulos lectos sororum. Et si inueniat ibi aliquid quod soror sine licentia Priorissæ habeat, illud accipiat, & eam condignè puniat. Item sine licentia, & expressione personarum, quibuscunque hominibus nec dent, nec ab eis accipiant. Quæcunque autem contrafecerit, furti iudicio condemnetur.

In cap. Romano 1601. hæc sunt statuta mandato S. D. N. Pæpæ. Non possint moniales singulares etiam nomine communi pannos lineos, vel alia indumenta cuiuscunque generis, seu suppellectilem accipere à quocunque regulari, nec etiam nomine Conuentus, quorumcunque virorum, ad lauandum, vel purgandum, seu consuendum, vel circa ea aliquid faciendum. Moniales officiales monasterij in suis muneribus obeundis nihil sine licentia Priorissæ, nisi de re & pecunia monasterij expendant, & præsertim in ornandis Ecclesiis, seu oratoriis, tempore festiuitatum, vel quacunque alia occasione. Non liceat monialibus, nec priuato, nec communi Conuentus nomine, etiam si omnes in eo consenserint, lineos pannos, leæulos, stragulas, aut aliud huiusmodi cuiuscunque; suppellectilis generis, extra monasterium cuiquam sub quocunque prætextu, etiam regularibus eiusdem ordinis, vel ipsis Superioribus accommodare, nec pecuniam, vinum, granum, aut aliud simile mutuo dare. Superiores omnes in eam curam sedulo inuigilent, vt bona & iura vniuersa quæ ad monasterium pertinent qua decet fide & diligentia administrantur, & quotannis vel quoties opus fuerit exigant rationem ab officialibus seu aliis quæ ad hoc tenentur. Illæque in primis studeant, vt communis vita inter sanctimoniales vigeat, scemota penitus illâ proprietate, quæ decretis Concilij Trident. prohibetur. Moniales nullas prorsus literas ad regulares scribant, nisi ad primarium Superiorem, sub cuius regimine existunt, sed neque ad seculares scribant, nisi de licentia Priorissæ, neque vllas literas à quocunque recipiant nisi ab ea fuerint perlectæ. In

cap. Romano 1583. dicitur, quod si necessitas aut utilitas monasterij tulerit vt literæ vltro citroq; mittantur, non alteri quam Prelato, vel Confessori, aut Priorissæ tradantur. Munuscula à monialibus nullus recipiat omnino, aut illis mittat, & contrafacientes grauissimè puniantur. Per hoc autem non prohibetur elemosynas mittere pro communitate aut infirmis.

Videnda sunt ea quæ in alio summario habentur super Constitut. Clementis VIII. de largitione munerum regularibus interdicta. Ex decretis Congregationis.

Caveatur ne quæ moniali quisquam ex bonis monasterij, etiam ex sibi ad usum concessis, det aut donec, nec àlicuius generis bellaria, edulia, esculenta, offulas, confessiones, strupata, & alia similia quæcumque conficiant, aut coquant, nec vendant, aut donent, nisi de licentia Priorissæ, & de rebus minimæ impensæ, & consanguineis tantum.

De lauatura capitum.

CAPVT XXXI.

IN septem terminis dierum communionis quolibet anno poterunt lauari capita, & tonderi capilli monialium. Sit autem tonsura non modica, vt decet religiosas personas.

De Silentio.

CAPVT XXXII

Silentium teneant sorores in oratorio, claustro, dormitorio, & Scellis, & refectorio. Alibi verò loqui poterunt de licentia speciali, prout, & quando fuerit eis concessum: si qua tamen submissè aliquid, & breuiter de necessariis protulerit, non teneatur de silentij fractione. omnes autem vbique in mensa silentium teneant, tam Priorissæ quàm aliarum, excepta vna quæ maior erit inter alias, vel alia cui pro se loqui comiserit, & tunc taceat. Nulla autem ibidem loquatur aliarum, nisi de necessariis mensæ, & hoc per vnicam orationem vel dictionem breuiter & submissè. Si qua vero hoc silentium fregerit ex proposito, vel loquendi licentiam dederit, in vno prandio aquam tantum bibat, & vnam disciplinam in capitulo accipiat coram omnibus sororibus, sine dispensatione, exceptis infirmis decumbentibus. Caueat autem Priorissæ ne sit facilis ad dandas licentias loquendi sine causa rationabili. Quatuor de sororibus magis religiosis & discretis assignentur, sine quarum vna, vel duabus, vel Priorissæ, aut Suppriorissæ, nullæ licebit ire ad fenestram parlatorii sæcularium, nec aliquid loquatur ibi soror nisi de auditu sociæ aut sociarum. Ista autem sociæ vel sociæ debent accusare eam cum qua mittuntur, si in

Si in verbo, in gestu, vel aliter in aliquo notauerit eam reprehensibilem. Priorissa autem, & Suppriorissa cum aliquibus in prædicto locutorio non loquatur, nisi in præsentia alicuius quatuor prædictarum vel alicuius antiquarum sororum. Nulli detur licentia loquendi in locutorio sæcularium cum extraneis, aut intrandi locutorium, quamdiu horæ, vel missæ dicuntur, vel quādo Conuentus dormit, vel comedit, nisi ex causa necessaria. Ad fenestras confessionum nulla loquatur de alijs quam de confessione scienter & ex proposito, nisi forte de pertinentibus ad officium ecclesiæ cum exterioribus, & hoc de licentia, & submissè. Nulla confiteatur alicui sæculari, vel alicui cuiuscunque alterius religionis, etiam fratri, nisi de licentia Magistri ordinis, vel Prouincialis, aut illius cui super hoc secundum certam formam aliquis horum commiserit potestatem. Item ad rotam nulla loquatur nisi illa, vel illæ, quæ propter aliquod officium sunt ipsi rotæ deputatæ, & illæ etiam non loquantur ibi, nisi de pertinentibus ad officium prædictum. Pro prima fractione silentij ex deliberatione cõmissa extra mensam dicat soror psalmũ, Miserere mei Deus, & pro secunda recipiat in capitulo disciplinam coram omnibus, pro tertia sedeat semel in terra in prandio, & non in cœna. Computatio tamen ista inter duo capitula fiat. Priorissa tamen potest dare aliquas licentias generales Cellariæ, Coquinarijs, seu alijs officialibus, prout ratione officiorum visum fuerit expedire.

Videnda etiam sunt ea quæ supra tradita sunt de ianuis, cratibus, & fenestris.

De Recipiendis.

CAPVT XXXIII.

NVlla notabiliter iuuenis recipiatur in monialem. Non recipiatur etiam aliqua nisi cum diligenti examine factò seorsum de moribus, & vita, & viribus corporalibus, & industria animi, & vtrum sit coniugata, & non per Ecclesiam separata à viro. Examinetur etiam diligentius vtrum sit grauida, & si de hoc certitudo haberi non possit, expectandum est donec certitudo habeatur. Item inquiratur, vtrum sit serua vel ratiocinijs obligata, vel alterius professionis, vel occultam habeat infirmitatem, vel alia impedimenta propter quæ non expediat eam recipi. Hoc autem examen à Priorissa & duabus discretis sororibus de consensu capituli ad hoc electis fieri debet.

Duo decreta Concilij Trid. valde notanda sunt in monialium receptione ad habitum siue ad professionem. Primum habetur sess. 25. cap. 17. Et est tale.

Libertatis professionis virginum Deo dedicandarum prospiciens S. Synodus, statuit atque decernit, ut si puella quæ habitum regularem suscipere voluerit maior duodecim annis sit, non ante eum suscipiatur, nec postea ipsa vel alia professionem emittat, quam explorauerit Episcopus, vel eo absente Vicarius eius, aut aliquis eorum sumptibus ab eis deputatus, virginis voluntatem diligenter, an coacta, an seducta sit, an sciat quid agat: Et si voluntas eius pia & libera cognita fuerit, habueritq; conditiones requisitas iuxta monasterij illius & ordinis regulam, nec non monasterium fuerit idoneum, liberè ei profiteri liceat, cuius professionis tempus ne Episcopus ignoret, teneatur præfecta monasterij eum ante mensem certius facere. Quod si eum præfecta certius non fecerit, quædam Episcopo placuerit, ab officio suspensa sit.

Decretum etiam à Congregatione Concilij emanauit huiusmodi.

Episcopus debet explorare voluntatem virginum, & quando habitum assumere volunt, & etiam quando professionem debent emittere. Et ante quam monasterium ingrediantur, adducantur apud matronas honestas, nec sanguine illis coniunctas, nec aliquo modo suspectas, ubi remotis omnibus earum propinquis examinatur de sua voluntate.

Alterum Concilij decretum habetur sess. 25. cap. 18.

Anathematis S. Synodus subicit omnes & singulas personas cuiuscunque qualitatis vel conditionis fuerint, tam Clericos, quam Laicos, saculares vel regulares, atque etiam quolibet dignitate fulgentes, si quomodocunque coegerint aliquam virginem vel viduam, aut aliam quamcunque mulierem inuitam, præterquam in casibus à iure expressis, ad ingrediendum monasterium, aut ad suscipiendum habitum cuiuscunque religionis, aut ad emittendam professionem, quique consilium, auxilium, aut fauorem dederint, quique scientes eam non spontè ingredi monasterium, aut habitum suscipere, aut professionem emittere, quomodocumque eidem actus vel presentiam vel consensum vel auctoritatem interposuerint. Simili quoque anathemati subicit eos, qui sanctam virginum vel aliarum mulierum voluntatem, vel accipiendi, vel voti emittendi, quomodocumque sine iusta causa impederint. Eaque omnia & singula quæ ante professionem & in ipsa professione fieri oportet seruentur, non solum in monasteriis subiectis Episcopo, sed & in aliis quibuscunque. Ab his tamen excipiuntur mulieres quæ penitentes aut conuerse appellantur, in quibus Constitutiones earum seruentur.

Decretum etiam Congregationis Concilij habetur huiusmodi.

Non recipiantur moniales, neque etiam Conuersæ in quoduis monasterium, nisi in eo singula singulis monialibus propria cella, quæ siue ex muro vel camenio, aut ex tabulis siue ex telæ in communi dormitorio assignata sit, quæ inter se distincta sit, & actus inhabitent, & vacua super sit propria cella pro moniali recipienda. Item tam moniales quam Conuersæ suam cellam habeant, nec in vna plures simul commorentur, neque vna cum alia dormiat aut quiescat, sed seorsum qualibet in lecto suo.

Ex cap. Romani 1601. Nulla vniquam recipiatur in monasterio, nisi legitime acceptata fuerit per capitulum monialium, quibus renuentibus, nullatenus admitti possit, etiam si sit intra numerum. Non acceptentur puellæ in moniales ante duodecimum annum, nec eis ante huius temporis lapsum concedantur loca vacantia.

Romæ 1583. Pro prouincia Lombardiæ statuitur, vt nullo pacto in eodem monasterio plures quam duæ sorores, ex eodem Patre, vel Matre recipiantur.

Valentiæ 1596. ordinatur libertati vocalium consulendo, vt tam in receptione habitus, quam in professione, & fratrum, & monialium, vocales vota sua secreto dare debeant.

Hæc ordinatio reuocata fuit Romæ 1601. & hæc reuocatio confirmata fuit Valleoleti 1605. in quibus tamen reuocationibus de solis fratribus sermo fit.

Paulus III. viua vocis oraculo (quod refert Rodericus post Bullas eius) concessit monialibus S. Clara, vt puella susceptura habitum per decem aut quindecim dies antequam habitum induat regularem possit cum habitu seculari morari in monasterio, vt moniales experiri possint eius conuersationem & naturam, an sit idonea ad seruicium Deo, quod si eam non idoneam inuenerint, possint eam expellere, sed sine scandalo & querela fieri possit.

De numero monialium præfigendo.

CAPVT XXXIIII.

Magister ordinis vel Prouincialis, pensatis facultatibus domus quæ pro tempore fuerint, aliquem certum numerum sororum statuunt, vltra quem non recipiatur aliqua in sororem, nisi talis esset persona, quæ sine graui damno aut scandalo recusari non posset. Et tunc non nisi de consilio Magistri ordinis aut Prouincialis recipiatur. Nulla etiam promissio fiat de aliqua sorore recipienda, antequam locus vacauerit.

Concilium Trid. sess. 25. cap. 3. idem disponens dicit.

In prædictis autem monasterijs & domibus tam virorum quam mulierum, bona immobilia possidentibus, quam non possidentibus, is tantum numerus consuetuatur ac in posterum confernetur, qui vel ex redditibus proprijs monasteriorum, vel ex consuetis elemosynis commodè possit sustentari, nec de cætero similia loca erigantur sine Episcopi licentia prius obiecta.

Pius V. in sua Constit. quæ incipit Cura pastoralis officij, ita habet.

Es ne propter monialium numerum excessiuum clausuræ observatio violetur, inuentes decreto Concilij Trid. monialibus & illarum Superioribus districte inbibendo precipimus, ne plures in eodem monasterio recipiant & admittant, siue recipi aut admitti permittant, quam ex proprijs redditibus monasteriorum vel ex consuetis elemosynis sustentari possint.

Decreta Congregationis regulatium super hoc.

In constituendo autem prædicto numero monialium, obseruetur Sacri Concilij decretum, De dotibus autem earum quæ recipiuntur, ob ingressum monialium, cum nihil certi statuendum sit, ideo non debens connumerari inter redditus monasterij, nec inter consuetas elemosynas, neque etiam ea quæ dantur pro alimentis ingredientium. No-

niales vero quæ supra numerum constitutum recipiuntur, in locum decedentium monialium quæ erant infra numerum nequaquam subrogari debent, neque impedimento esse quin alie in loco earundem decedentium recipi possint, quæ numerariae sint, quinimo easdem sic supra numerum receptas supranumerarias semper esse, & remanere debent quantum ad hoc, etiam si aliis non differant.

Romæ 1601. Vbi iuxta decretum Concilij Trid. non est constitutus numerus monialium, qui vel ex redditibus propriis, vel ex consuetis elemosynis sustentari commodè possint, diffiniatur quam primum à locorū Ordinariis cum interuentu Superioris regularis, vel saltem ipso requisito, ex facultatibus quæ à monasterio in communi possidentur, habita etiam ratione elemosynatum. Et donec huiusmodi numerus fuerit constitutus, non recipiantur puellæ ad habitum. Numerus autem constitutus sub prætextu etiam quod redditus monasterij aucti fuerint, sine Congregationis licentia expressa nullo modo augeatur. Verum ubi monasteriū aliquas moniales supra constitutum numerum recipere voluerit, id non concedatur nisi licentia à sacra Congregatione obrenta. cum elemosyna duplicata, & sub aliis conditionibus quæ in huiusmodi licentia exprimi solent, eaque elemosyna omnino inuestiri debeat, nec in aliquem alium vsum vlllo modo conuertri possit.

De dotibus monialium, & alijs expensis.

CAPVT XXXV.

Conc. Trid. sess. 25. cap. 16. disponit vt infra.

C Sed neque ante professionem excepto vitiū & vestu nominij aut nominis illius temporis quo in probatione est, quocunque prætextu à parentibus vel propinquis aut curatoribus eius monasterio aliquid ex bonis eiusdem tribuatur, ne hac occasione discedere nequeat, quod totam vel maiorem partem substantia sua monasterium possideat, nec facile si discesserit id recuperare possit, quin S. Synodus præcipit sub anathematis pena dantibus & recipientibus, ne hoc vlllo modo fiat, & si abrenuntiauit ante professionem omnia restituantur quæ sua erant, quod vt rectè fiat Episcopus etiam per censuras Ecclesiasticas (si opus fuerit) compellat.

Decretum Sac. Congregationis Concilij emanauit huiusmodi.

Non vestiantur moniales nec admittantur ad habitum, nisi prius parentes vel illi ad quos earum cura spectat, promptam habuerint pecuniam pro dote vel elemosyna conuersa, & illam deposuerint soluendum monasterio post emissam professionem, ipsique monialibus interim probationis tempore alimenta ab eis præstentur. Hæ elemosyna siue dotes ante emissam professionem non soluuntur monasterio, nec aliqua obligatio aut renuminatio fiat nisi iuxta formam concilij.

Romæ 1601. In ingressu monialium, seu in habitu regulari, siue in velo suscipiendo, aut in professione emittenda, non fiant, nec sub aliquo prætextu permittantur fieri lauta aut sumptuosa conuiuia, sed sobrietantum ea quæ sacras virgines deceat animi corporisque recreatio concedatur. Superiores vero siue Cōfessarij aut alij officiales regulares, occasione

huiusmodi ingressus aut professionis, nihil prorsus sub quouis titulo seu prætextu à monialibus nec ab alijs accipere possunt, non obstante quacunque consuetudine in contrarium. Ex decretis Congregationis.

Sumptus faciendi à monialibus in velo suscipiendo aut emittenda professione à Superioribus taxentur.

Vocant in controuersiam aliqui, vt Rodericus refert tomo 2. q. 40. artic. 1. q. regul. num moniales committant simoniam exigendo dotes à puellis quæ habitum petunt. Ratio dubij est, quia Conc. Trid. sess. 15. cap. 3. statuit præfigendum esse numerum monialium in omni monasterio, qui sustentari possit ex redditibus & eleemosynis, & nullæ ultra hunc numerum recipiantur, quo casu non exigenter dotes pro sustentatione monialium, sed pro ingressu monasterij, & ideo committeretur simonia, ex D. Tho. 2. 2. q. 100. art. 3. ad 4. Eo maxime quia sæcè in omnibus monasteriis præfixus fuit hic numerus, & inter eleemosynas non fuerunt computatæ dotes iuxta decretum Congregationis. Veruntamen Roderitus loco citato refert duas declarationes Pontificias super hoc pro conscientijs monialium. Prima est Innocentij VIII. quæ huiusmodi est.

Quod moniales quia nesciunt discernere inter intentionem primariam, quæ causas simoniam, & secundariam quæ non causat, nunquam incurrunt simoniam, nisi in duobus casibus, Primus quando paciscuntur de aliquo soluendo pro ingressu, secundus quando recipiunt inhabiles cum spe habendi aliquid, quia tunc est illa prima intentio.

Altera est Clementis VII. qui ita declarat.

Quod moniales sub cura fratrum minorum nullam incurrant simoniam ex pactiõibus & conventionibus quas faciunt in receptione itinerantium in ipsarum ordinem, super dotibus recipiendis pro congruenti & sufficienti sustentatione illarum.

Accedit & similitudo, nam cum mulier maritum accipit tenetur dare dotem non pro sacramento matrimonij, quod vendi non potest, sed pro onere matrimonij. Ita sponsa Christi non pro ingressu monasterij, sed pro sua sustentatione dotem sine labe simoniæ dare debet, quas dotes determinare debent prælati iuxta locorum diuersitatem siue penuriam.

De modo recipiendi Nouitias ad habitum.

CAPVT XXXVI.

CUm puella recipienda ad habitum adducta fuerit in capitulum, prosternat se in medio. Interrogata verò ab ea quæ præst, quid querat, respondeat, Misericordiam Dei, & vestram. Qua ad nutum præfectæ erecta, exponat ei austeritatem ordinis, & propositum eius requirat. Quod si respondeat se proponere cuncta seruare, dicat post cætera, Dominus qui incepit ipse perficiat, & Conuentus respondeat, Amen. Tunc depositis sæcularibus vestibus, & religiosis indutis, in societate sororum in ca-

pitulo recipiatur. Et flectentibus omnibus sororibus genua cantetur, Veni Creator spiritus. quo incepto sorores binæ cantando ad Chorum pergant. Post Priorissam sequatur Magistra nouitiarum, secum ducens nouitiam tunc receptam vsque ad gradus altaris maioris. & ibi faciat eam prosterni. Completo hymno, & dicto Kyrie eleison &c. Pater noster &c. Vers. Emitte spiritum tuum &c. Saluam fac seruam &c. Et orationib. Deus qui corda &c. Et Prætexde Domine &c. à Magistra ducatur nouitia ad Priorissam, quæ aspergat eam aqua benedicta, & recipiat eam ad osculum pacis, & post eam omnes sorores, primo existentes in choro dextro, secundo in sinistro, & interim canteretur Te Deum, & postmodum ducatur ad Priorissam, quæ si placuerit mutabit ei nomen, & deinde assignabit ei annum probationis ad experiendum onera religionis, in quo erit libera reuerti ad sæculum, & religio ad eam recipiendam vel eiciendam. Et postea Priorissa dicet. Adiutorium nostrum in nomine Domini.

De Nouitiabus, & earum instructione.

CAPVT XXXVII.

PRiorissa nouitiatibus Magistram diligentem in ipsarum instructione præponat, quæ eas de ordine doceat, in ecclesia, & ubicunque negligenter se habuerint, verbo, vel signo quantum potuerit studeat emendare, necessaria prout potest debet eis procurare, de apertis negligentibus cum ante eam veniam petierint pœnitentiam dare, vel eas in capitulo proclamare. Humilitatem cordis & corporis doceat eas habere, frequenter purè & discretè confiteri, sine proprio viuere, propriam voluntatem deferere pro voluntate maiorum, obedientiam in omnibus voluntariam obseruare. Quomodo ubique & in omnibus se habere debeant eas instruere, quod locum in quo positæ fuerint ubique teneant, qualiter se ad cameras contineant, oculos sublimes non habeant, quomodo vel quid orent, & quam silenter, vt aliis rugitum non faciant, quomodo in capitulo, vel ubicunque reprehensæ fuerint ab ea quæ præest, venia sit facienda, & quod si qua sororem suam aliquo modo scandalizauerit, ad pedes eius prostrata veniam petat. Instruendæ etiam sunt nouitiæ, vt cum nemine contendere præsumant, & quod in

omnibus Magistræ suæ obediunt. In processione sociant sibi col-
lateralem attendant, nec loquantur locis & temporibus interdi-
ctis, nec alias sine licentia, & quod neminem penitus iudicent,
sed si qua ab aliqua fieri videant, licet mala videantur, bona sus-
piciunt, sæpè enim humanum fallitur iudicium, & quod non lo-
quantur de absente nisi quæ bona sunt, vt disciplinas frequenter
suscipiant, cum duabus manibus bibant & sedendo, libros, vestes
& alias res monasterij custodiant, si quid petierunt ab vna, quæ
præest, non petatur ab alia, nisi negatione priore exposita, & si
à maiore petierint, & negauerit, non vadant ad minorem. Item
confessiones nouitiarum ante professionem recipiantur, & dili-
genter de modo confessionis & de aliis instruantur. Item noui-
tiæ ante professionem de debitis se expediant, & omnia alia ad
pedes Priorissæ ponant. Item nouitiæ, & aliæ sorores quæ aptæ
sunt, in psalmodiâ & officio diuino studeant diligenter, præter
conuersas, quibus sufficiat, vt sciant, vel addiscant ea quæ debent
pro horis dicere, omnes verò in aliquo labore addiscendo vel
exercendo occupentur. Item nouitiæ non intersint capitulo de
culpīs, sed in principio se accusent, vel illarum Magistra earum
culpas extra capitulum audiat, & ipsas quantum poterit diligen-
ter in moribus instruat, & charitatiuè corripiat.

Ex ordinationibus sacre congregationis regularium.

*Monialibus omni cantus figuratus prohibetur, & tantum firmus permittitur, &
in Ecclesiis illarum tantum organa, & non alia musicalia instrumenta conceduntur,
Moniales sub vitio proprietatis non possunt mortis occasione cellas aut quæcunque alia
aliis etiam monialibus relinquere, & tales donationes aut contractus nulli sunt.*

De Conuersis.

CAP V T XXXVIII.

Licebit quoque aliquas intus recipere in conuersas, vbi hoc
expedierit in numero moderato, prout earum officiis &
adiutoriis aliæ sorores indigebunt. Hæ autem dicant profestis
diebus pro matutinis, viginti octo Pater noster. In festis autem
nouem lectionum quadraginta. Pro vespers quatuordecim: pro
qualibet aliarum horarum septem: loco preciosa, tria: pro bene-
dictione mensæ, vnum: post mensam pro gratiarum actione tria:
in ieiuniis, & vigiliis, & aliis quæ statui suo conueniunt, se aliis
conformabunt.

Pro Conuersis Fratribus declaratum fuit, vt simul cum numero Patre noster, perfoluant etiam Ave Maria in eodem numero. De suffragiis vero mortuorum dictum est supra cap. suo.

De anno probationis.

CAPVT XXXIX.

Concilium Trid. sess. 25. cap. 15. de regularibus ita desponit.
In qualibet religione tam virorum quam mulierum professio non fiat ante decimum sextum annum expletum, nec quæ in minori tempore quam per annum post susceptum habitum in probatione steterit ad professionem admittatur. Professio autem antea facta sit nulla, nullamque inducat obligationem ad alicuius regula, vel religionis, siue ordinis observantiam, aut ad alios quoscunque effectus. Nulla quoque renuntiatio siue obligatio antea facta, etiam cum iuramento, vel in fauorem cuiuscunque cause pia, valeat, nisi cum licentia Episcopi, siue eius Vicarii fiat, infra duos menses proximos ante professionem, ac non aliter intelligatur effectum suum sortiri nisi secuta professione, aliter verò facta etiam cum huius fauoris expressa renuntiatione etiam iurata, sit irrita & nullius effectus.

Notanda tamen est hic quedam Const. Pij V. relata in fine compendij priuilegiorum ordinis minorum, qua concedit vt moniales in legitima ætate constitutæ adueniente articulo mortis possint professionem emitte re non completo adhuc anno probationis, vt consequantur indulgentias, cuius summa est.

Supplicationibus inclinati, nouitiis monialibus ordinis S. Dominici, nunc & pro tempore existentibus. & earum singulis concedimus vt quando & quoties aliqua illarum nondum professæ, de medici consilio de hoc sæculo transitura conspiciuntur, ipsæ pro consolatione animæ suæ, professionem ante tempus requisitum, quatenus tamen in legitimæ ætate constitutæ sit, emitte re in manibus Priorissæ vel alterius Superioris illius domus possit, ita vt nouitiæ sic decedentes consequantur eas indulgentias, quas moniales verè professæ decedentes consequuntur. Nec non, & eisdem monialibus sic professis decedentibus plenariam suorum peccatorum indulgentiam auctoritate Apostolica largimur &c. Non obstantibus &c.

Sunt qui dicunt hanc gratiam reuocatam fuisse per Gregorium XIII. qui omnia priuilegia Pij V. ad terminos iuris communis, & Concilij Tridentini reduxit, & concilium annullat omnem professionem factam ante completum annum probationis. At Roder. tom. 3. q. 15. art. 6. respondet dupliciter, primo quod Greg. reuocauit priuilegia in foro exteriori, in foro autem conscientie reuocata non sunt. Secundo reuocauit Gregorius priuilegia contra Concilium concessa pertinentia ad regimen monialium, aut vitam, vel mores illarum, non autem quoad indulgentias, quales concedit hic Pius V. Et ideo reuera illa professio non tenet quoad alios effectus puta quod dos aut alia hæreditas ad monasterium perueniat, nam si mortem euaderet teneretur nouam professionem emitte re, & posset ad sæculum redire sine ea.

De modo faciendi professionem.

CAPVT XL.

CIrca finem anni probationis, Priorissa ante finem per duos menses admoneat Episcopum de instantia professionis eius, & præterea examinetur ab illis quibus incumbit. Quæ fideliter referant aptitudinem eius in capitulo, & Priorissa requirat consensum monialium, quo accedente completo anno ad professionem admittatur hoc modo. In medium capituli veniens, & prostrata. Priorissæ petenti quid petat, respondeat, Misericordiam Dei & vestram. Et expositis austeritatibus præcipuis religionis, & aliis impedimentis, & ea promittente se intendere omnia seruare, Priorissa dicat. Dominus qui incepit ipse perficiat, & Conuentus respondeat, Amen. Tunc accedat nouitia ad pedes Priorissæ & genua flectat, & Priorissa accipiat manus nouitæ inter manus suas, & liber Constitutionum super manus vtriusque ponatur, & quæ profitetur legat vt infra.

EGo soror N. facio professionem, & promitto obedientiam Deo, & B. Mariæ, & B. Dominico & tibi sorori N. vicè Reuerendiss. P. F. N. Magistri ordinis fratrum Prædicatorum & successorum eius, secundum regulam B. Augustini, & institutiones sororum, quarum cura prædicto ordini commissæ est, quod ero tibi obediens, aliisquæ Priorissis meis vsque ad mortem.

Nouitiarum autem vestes in earum professione hoc modo benedicantur: Ostende nobis Domine &c. Domine exaudi orationem meam &c. Oremus. Domine Iesu Christe, qui regimen nostræ mortalitatis induere dignatus es, obsecramus immensæ largitatis tuæ abundantiam, vt hoc genus vestimentorum, quod sancti Patres ad humilitatis & innocentie indicium ferre sanxerunt, ita benedicere digneris, vt quæ hoc vsa fuerit te induere mereatur Christum Dominum nostrum. Postmodum vestes aspergantur aqua benedicta. Ad professionem nulla recipiatur antè sextumdecimum annum. Nolumus etiam quod aliqua sorores benedicantur, cum S. Dominicus Pater noster hoc ordinasse dicatur circa illas quæ suo tempore fuerunt, Et huiusmodi benedictio soleat esse aliquibus occasio vt super alias se extolant.

H h h

Magister vel Prouincialis prouideat de Priorissâ. Vbi fuerit consuetudo talis vsque nunc, vt Priorissâ à Conuentu secundum formam canonicam per scrutinium, vel cōpromissionem, vel communem inspirationem eligatur, omnib. iuris subtilitatibus vel cauillationibus relegatis, à Magistro, vel Prouinciali, vel Vicario ad hoc specialiter assignato, si ei visum fuerit, confirmetur. Conuentus autem qui petit electæ confirmationem numerum scribat & nomina electarum. Si verò infra mensem non elegerint, Magister vel Prouincialis Conuentui de Priorissâ prouideat. Sorores autem post professionem, & non ante, ad electionem Priorissæ admittantur.

Modus eligendi Priorissas canonicè, secundum tenorem Constitutionis D. Bonifacij in VI. est iste. Conuentus debet compromittere in fratres qui audiant scrutinium ad eligendâ illam quàm maior pars nominauerit. Quo factò, & auditis omnibus vocibus sororum, non debent publicare vota sororum sigillatim, sed dicere simpliciter. Talis habet tot voces, & talis tot tunc ille frater: qui est prior interrogat si in aliam volunt consentire, & constans debet formare decretum sic: Ego frater N. vice mea & fratrum N. & N. compromissariorum, & sororum electricum consentientium (si non omnes consentiunt) eligo sororem N. in Priorissam monasterij N.

Conc. Tridentinum manum apposuit electionibus, & Priorum, & etiam Priorissarum, sess. 25. cap. 6. his verbis.

In electione Superiorum quorumcunque &c. & Abbatissarum atque aliarum prepositarum quo omnia rectè & sine ulla fraude fiant, in primis S. Synodus districte præcipit omnes supradictas eligi debere per vota secreta ut singulorum eligentium nomina nunquam publicentur &c. Et capite sequenti subdit.

Abbatissa & Priorissa, & quocunque alio nomine præfecta vel præposita appelletur, eligatur non minor annis quadraginta, & quæ octo annis post professionem emissam laudabiliter vixerit, quod si his qualitatibus non reperiatur in eodem monasterio, ex alio eiusdem ordinis eligi possit. Si hoc etiam Superiori in commodum videatur, ex his quæ in eodem monasterio annum trigesimum exceßerint & quinque saltem annis post professionem rectè vixerint, Episcopo vel alio superiore consentiente, eligatur. Is vero qui electioni præf. claustra monasterij non ingrediat, sed ante cancellarum fenestellam vota singularum audias vel accipias, In reliquis seruentur singulorum ordinum vel monasteriorum constitutiones.

Bononiæ 1564. dicitur statutum fuisse à Magistro ordinis, vt nulla soror ante quatuor annos à professione computandos ad electionem Priorissæ deinceps admittatur. Quod statutum repetitur & confirmatur Romæ 1583. & Romæ 1589. quod etiam extenditur ad tertiarias eligentes suas superiores.

Quia vero in cap. Valentino 1596. auctoritate Apostolica statutum fuit, vt fratres non habeant vocem in electionibus canonicis, nisi post duodecim annos completos à professione, ob id Neapoli 1600. extensum fuit prædictum decretum etiam ad moniales ordinis, ita vt nec actiuam nec passiuam vocem habere possint (etiam auctoritate Apostolica interueniente) nisi completo dicto duodecimo anno à professione. Quæ extensio fuit etiam confirmata Romæ 1601.

In eodem autem cap. Valentino 1596. ordinatur sub pœna grauioris culpæ tam fratribus, quam monialibus vocem habentibus in electione, ne de illa ante vnâ diem naturalem loqui siuè tractare possint. Reliquis verò vocem non habentibus siuè velatz, siuè cõuersæ fuerint, ne verbo vel scripto, per se, vel per alias personas quoquomodo de ipsa se intromittere audeant. Prælati verò mandatur sub formali præcepto & sub pœna absolutionis ab officiis, vt prætaxatam pœnam contrafacientibus iustigere debeant.

Romæ 1580. pro provincia vtriusque Lombardiæ statuitur, vt duæ moniales sorores in eodem monasterio non possint sibi inuicem immediatè succedere in Prioratu vel Supprioratu, sed semper alia mediet inter illas duas.

De institutione Suppriorissæ.

CAPVT XLII.

Priorissa de consilio discretarum sororum & Prouincialis seu Vicarij eius assensu instituat Suppriorissam, cuius officium erit habere diligentiam & curam circa Conuentum, & in aliis quantum Priorissa assignauerit ei vel permiserit. In quotidianis vero capitulis non proclametur, nisi aliquando pro magno excessu secundum quod Priorissæ visum fuerit. Eadem autem Suppriorissa mortua Priorissa vel amota vices eius plenarie obtineat, quousque Priorissa sit electa & confirmata, & in domo præsens extiterit, vel nisi Magister, Prior Prouincialis, vel Vicarius aliter ordinauerit.

De Circatricibus.

CAP. XLIII.

PRioriffa duas sorores discretas assignet & ordinet, ordinis zelatrices, quæ sint sollicitæ & intentæ circa gestus & facta sororum, & post cõpletorium, de die etiam interdum claustrum & alias officinas circuiant, & si quam in aliquo se habentem minus religiose inuenerint debebunt in capitulo proclamare. Visitatorem quoque tempore visitationis de statu religionis quomodo seruetur vel non seruetur plene informare.

De Cellariis.

CAP. XLIIII.

Cellariam sorores habeant vnã de maturioribus & discretioribus domus, quæ per se & socias sibi assignatas consilio Priorissæ & Suppriorissæ fideliter & deuotè bona temporalia procuret, quæ pecunias, pannos frumentum, vinum, vel aliquid huiusmodi sine licentia generali vel speciali dare non præsumat. Cellaria coram Priorissâ, & Suppriorissâ, & tribus de maturioribus sororibus ad hoc assignatis à Conuentu computationem faciat quolibet mense receptorum & expensarum. Semel autem in anno, vel amplius si visum fuerit, coram Priore Prouinciali vel eius Vicario computatio fiat, & status domus exponatur. Possessiones sine consensu Conuentus alienari, vel minui non possunt.

De labore.

CAP. XLV.

QVia ociositas inimica est animæ, & mater & nutrix vitiorum, nulla sit ociosa, sed diligenter obseruetur, vt exceptis illis horis & temporibus quibus orationi, vel officio, vel aliæ occupationi necessariæ debent intendere, operibus manuum ad utilitatem communem omnes attente insistant, prout fuerit ordinatum. Cum sororibus autem quandiu sunt in labore, Priorissâ, vel Suppriorissâ, vel aliqua alia ad hoc à Priorissâ assignata sit præsens. Laborent autem cum silentio. Nulla recedat à comuni laborari sine licentia & necessitate, quæ autem sic exierit expleta necessitate redeat.

De capitulo quotidiano.

CAPVT XLVI.

Finitis matutinis teneatur capitulum, vel post primam, vel post tertiam & missam, si missa post primam dicatur, aliquando etiam poterit intermiti si Priorissa videatur. Ingresso Conuentu capitulum lectrix pronuntiet lunam & quæ de Calendario pronuncianda sunt, & Hebdomadaria prosequatur Preciosa &c. Deinde sororibus residentibus lectrix pronuntiet lectionem de Constitutionibus vel de Euangelio pro tempore, præmisso lube domine &c. & Hebdomadaria subiungat benedictionem. Regularibus disciplinis &c. vel Diuinum auxilium &c. pro tempore, & facta absolutione pro defunctis, dicat quæ tenet capitulum. Benedicite & responso. Dominus, inclinent omnes. Deinde recitatis beneficijs, & recommendatis recommendandis orationibus, & dicto à Priorissa Retribuere dignare &c. dictis etiam à Conuentu psalmis. Ad te leuauimus &c. De profundis &c. Kyrie eleison, Pater noster, cum tribus versiculis .f. Oremus pro Domino Papa &c. Saluos fac seruos tuos, & ancillas &c. Requiescant in pace &c. dicendis ab Hebdomadaria cum his tribus collectis .f. Omnipotens sempiterne Deus, qui facis mirabilia &c. Prærende Domine &c. Fidelium Deus omnium &c. resideant sorores. Tunc quæ præest poterit dicere breuiter si quid ad honestatem & correctionem sororum viderit expedire. Post hæc dicat quæ præest, Faciant venias suas quæ se reas existimant. Continuo quæ se reas existimant prostratæ veniam petant. Deinde auditis primo nouitiabus, si in capitulo fuerint audiendæ, & egressis, alię surgant, & humiliter cōfiteantur culpas suas, & quarum culpa talis est, quæ digna sit correctione, præparent se ad correctionem, quam tenens capitulum faciat, vel illa cui iniunxerit. In capitulo vero sorores non loquantur, nisi duabus de causis .f. culpam suam vel aliarum dicendo simpliciter, & prælatis suis tantum ad interrogata respondendo. Vna etiam stante & loquente nulla loquatur. Nulla faciat proclamationem ex sola suspitione. Item nulla accuset de auditu, nisi personam à qua audierit dicat. Similiter quælibet caueat, ne nulum quod audierit de alia alteri conferat, nisi dicat à qua audierit. Auditis culpis dicatur Psal. Laudate, cum versu Ostende nobis.

Domine, & Domine exaudi &c. & collecta Actiones nostras &c. Et in fine dicat Priorissa. Adiutorium nostrum &c. Et si, soluitur capitulum. Cum non tenetur capitulum de culpis pronuncianda sunt ea quæ sunt de Calendario & deinde Preciosa, siue in choro, siue in capitulo modo supradicto, exceptis recitationibus beneficiorum & orationibus annexis.

De leui culpa.

CAPVT XLVII.

Leuī culpa est, si qua mox vt signum factum fuerit, non relictis omnibus cum matura festinatione se præparauerit, vt ad locum pro quo fit signum tempestiuè veniat. Si qua designatum sibi legendi vel cantandi officium non attentè compleuerit, vel responforium, vel antiphonam, vel aliud inceptura chorum turbauerit. Si qua malè legendo, vel cantando offenderit, & non se statim coram omnibus humiliauerit. si liber in quo legendum est in collatione, vel in capitulo, vel in Ecclesia cuiusquam negligentia defuerit. Similis culpa est, si qua ad mensam, vel collationem, vel sermonem, vel capitulum, vel ad horas in Ecclesia, vel ad laborerium commune citò non venerit, vel ad lectionem notata, ad benedictionem se tardè obtulerit. Si qua in dormitorio, vel alibi in Conuentu, aliquem tumultum fecerit, vel orantes, vel legentes, vel laborantes in aliquo inquietauerit. Si pannus ad inuoluendum calicem, vel patenam, aut corporale, stola, manipulus, vel similia per negligentiam cuiusquam in terram ceciderit, vel si vestes suas suo tempore & loco statuto honestè & ordinatè non reposuerit. Si qua cereum, vel aliquod utensiliū perdiderit, vel fregerit, vel aliquod vestimentum suorum deteriorauerit, vel amiserit: Si qua in officio, vel sermone, vel laborerio dormitauerit, vel oculos vagos habens per claustrum vel domum ad vanitates sapè direxerit. Si qua ociosè vacauerit, vel dissolutè riserit, vel alias ad ridendum concitauerit, vel in aliquo gestu, vel motu, vel statu, vel habitu, vel verbo, reprehensibilis apparuerit. Pro his culpis vnus psalmus, vel plures secundum quantitatem excessus prout tenenti capitulum videbitur, iniungatur.

De Media culpa.

CAPVT XLVIII.

Media culpa est, si qua ad gloria primi psalmi non affuerit, & in medio chori non satisfecerit, vel in vigilia Annuntiationis, siue Natiuitatis Domini in principio capituli non affuerit, vt pronuntiatis exordijs nostræ salutis & redēptionis, gratias agat corde & corpore Redemptori nostro. Similis culpa est si qua in choro non intenta diuino officio vagis oculis, & motu irreligioso, leuitatem mentis ostēderit. Si qua lectionem tempore statuto non præuiderit, vel aliud legere aut cantare præsumpserit, quam quod ordinatum est. Si qua in choro riserit aut alias ridere fecerit, vel in Conuentu aliquam dissolutionem fecerit. Item media culpa est si qua à capitulo, vel sermone, vel collatione, vel refectiōe communi, vel laborerio, vel hora aliqua ex causa minus rationabili remanserit. Si qua commune mandatum dimiserit. Si qua cibi vel potus aliquid absque benedictione sumpserit. Similis culpa est, si qua eam à qua proclamata est eadem die quasi vindicando se proclamauerit, vel clamans in proclamatione sua iurgium fecerit. Si qua, vt in loquendo fieri solet, cum iuramento aliquid affirmauerit, vel negauerit, vel vani loquium dixerit. Si qua sororem proprio nomine vocare omisso hoc nomine, soror, in vsu habuerit. Pro huiusmodi culpis psalmi disciplinæ & veniæ secundum discretionem tenentis capitulum imponantur, quantitate culparum inspecta.

De graui culpa.

CAPVT XLIX.

Grauis culpa est, si qua cum aliqua lites habuerit, vel inhonestè contenderit. Si qua alicui opprobrium dixerit, vel culpam pro qua satisfecerit impropærauerit. Si qua in proclamatione iurgium fecerit, vel in illam à qua proclamata est vel quamlibet aliam maledicta seu verba inordinata vel irreligiosa malitiosè inuexerit. Si qua discordias inter sorores disseminauerit, vel detraxerit, vel susurratrix inuenta fuerit. Si qua mala de sororibus vel domo malitiosè euomuerit, vel culpam suam, vel alterius pro-

teruè defenderit. Si qua mendacium scienter dixerit. Si qua pro victu, vel vestitu, vel qualibet alia re murmurauerit. Si qua silentium non tenere in consuetudinem duxerit. Si qua carnes absque licentia & necessitate comederit, vel ieiunia statuta fregerit. Si qua in aliquem oculum fixerit, vel turpem sermonem protulerit. Si qua res aliquas alij deputatas (quamuis non animo retinendi) sine licentia acceperit, vel à capitulo vel sermone aut communi dormitione sine causa aliqua & licentia remanserit. Pro huiusmodi culpis, & similibus, iniungantur tres dies in pane & aqua, & tres disciplinæ in capitulo coram omnibus recipiendæ, vel plures, & psalmi, & veniæ, prout secundum excessus maiores vel minores videbitur iustum esse.

De grauiori culpa.

CAPVT L.

Grauior culpa est si qua per contumaciam vel manifestam rebellionem suis maioribus inobediens extiterit, vel cum eis proteruè contendere ausa fuerit. Si qua aliam maliciosè percusserit. Si qua res aliquas alij concessas, vel de communi, animo celandi receperit, vel proprium habuerit. Similis culpa est, si qua munuscula vel alias res sine licentia dederit, vel receperit, vel receptas celauerit. Si qua literas, vel aliqua in scripto aliquo sine licentia miserit, vel receperit, vel legerit, vel sibi legi fecerit. Si qua aliquid inhonestum domus, vel sororum, vel secretum aliquod extraneo cuiquam reuelauerit, vel aliquod quodcunq; crimen capitale commiserit. Pro huiusmodi culpis, quæ rea fuerit veniam petens, sceleris sui inmanitatem lamentabiliter proferat, & denudata vsque ad cingulum vapulet ad pedes singularum, primo Priorissæ, deinde vtriusque lateris sedentium, & sit omnium nouissima in Conuentu. In refectorio quoque ad communem mensam non comedat cum alijs, sed in medio refectorij super nudam terram, & provideatur ei grossior panis & aqua, nisi quæ præest ei per misericordiam aliquid impendat, nec reliquæ prandij sui cum alijs misceantur. Ad canonicas horas, & ad gratias post comestionem ante ostium Ecclesiæ transeuntibus sororibus prostrata iaceat dum intrant & exeunt. Nulla verò audeat se coniungere ei vel aliquid mandare. Talis quandiu erit in hac pœnitentia non communicet, nec veniat ad osculum pacis, nec notetur

notetur ad aliquod officium in Ecclesia, nec vlla ei committatur obedientia. Priorissa vero, ne in desperationem labi possit, mittat ad eam quæ in tali pœnitentia est sorores, quæ moueant eam ad pœnitentiam, prouocent ad patientiam, foueant per compassionem, hortentur ad satisfactionem, adiuuent per suam intercessionem. Quibus & totus Conuentus suffragetur si apparuerit in ea vera humilitas, nec renuat quæ præest cum ea facere misericordiam, & si videbitur ei denuò vapulet modo prædicto. Eodem modo debet pœnitere si qua (quod absit) in peccatum carnis lapsa fuerit, quod grauius cæteris puniri censemus, & plusquam omnia abominamur. Poterit autem ei quæ talis fuerit velum nigrum auferri, quandiù fuerit in hac pœnitentia. Si vero huiusmodi peccatum occultum fuerit, disquisitione secreta secundum tempus & personam condignam agat pœnitentiam. Si vero aliquæ per conspirationem, vel coniurationem, aut malitiosam concordiam aduersus Priorissam vel Superiores suos manifestè se exerxerint, supradictò modo pœniteant, & de cætero in tota vita sua extremum locum sui ordinis teneant, & vocem in capitulo, nisi in sui accusatione, non habeant, nec eis aliqua obedientia iniungatur. Si qua tamen non malitiosè, sed in veritate aduersus Priorissam aliquid habuerit, quod tolerari non debeat, nec deceat, prius eam inter secum omni humilitate & charitate de sua correctione admoneat. Quod si frequenter admonita se corrigere neglexerit, aut contempserit, Prouinciali vel eius Vicario significetur.

De grauissima culpa.

CAPVT LI.

Grauiissima culpa est incorrigibilitas illius, quæ nec culpas timet admittere, & pœnam recusat ferre. Si qua igitur talis inuenta fuerit, exuta habitu sororum, & earum societate priuata, recludatur in locum sequestrum, & vtatur cibis qui pro grauiori culpa superius sunt expressi. Ad correctionem autem talium, habeantur aliqua loca apta, in quib. non solum prædictæ incorrigibiles, sed etiam contagiosæ & suspectæ notabiliter de nocumento inferendo in personis vel in rebus, vel de fuga, poterunt recludi. Pro culpis vero minorib. istis poterit interdum iniungi aliquibus, vt in eisdem locis morentur ad tempus sequestratæ, secundum quod videbitur expediens.

Pro monialibus incorrigilibus notandæ sunt duæ constitutiones Pontificiæ, prima est Innocentij VII. suo priuilegio 3. ita disponentis.

Nos igitur supplicationibus vestris inclinatis, vobis Magistro ordinis Prædicatorum, & Prouincialibus, vt quociescumque moniales vestre cura commissæ, excessus, & crimina committentes, pro tempore, & propter potentiam sanguineorum vel amicorum suorum corrigere non possitis, vos moniales ipsas probiusmodi excessibus, & criminibus, corrigendas, & puniendas locorum Ordinariis nuntiatis, vt iuxta exigentiam defectuum vel criminum commissorum corrigere possint, indulgemus auctoritate Apostolica tenore præsentium.

Altera est Leonis X. directæ Vicario Generali Lombardiæ quæ habetur in libro priuilegiorum nostrorum fol. 213. cuius substantia est.

Tibi, & successoribus tuis concedimus, vt praua monitione canonasteria & moniales, quæ iudicio Vicariorum Generalium qui pro tempore fuerint, ordinationes, & monita ipsi pro conseruatione regularis obseruantia facta, adimplere, & obseruare neglexerint, de consilio & assensu aliquorum patrum discretorum congregationis, valeatis omnino relinquere, ita vt de similibus monasteriis & monialibus curam & regimen amplius habere non tentamini &c. Non obstantibus &c.

In cap. Valentino 1596. Admonentur moniales quod tenentur ad obedientiam eorum quæ in nostris Constitutionibus continentur, quæ si libera voluntate & ex praua consuetudine prætermittant, conscientiam propriam lædunt, & graues pœnas incurrunt. Quare obligationi suæ satisfacturæ diligentiores sint in eis obseruandis, & Prælati etiam procurent id maiori qua possunt diligentia. Si vero occurrerit ex aliqua graui causa, vel legitimo impedimento, non posse aliquod monasterium illa adamussim feruare, ad Magistrum ordinis recurrant, causas & impedimenta proponendo, vt maturè consulatur quid factu opus sit.

De Apostatis.

CAPVT LII.

SI qua in apostasia vel fuga deprehensa fuerit, & adducta inuita, pœnam quæ supra determinata est de incorrigibili sustinebit. Si qua verò fugitiua voluntariè redierit, petens misericordiam, nullatenus recipiatur in perpetuum, maxime si de lapsu carnis commissio suspecta fuerit, nisi Magistro ordinis, vel Prouinciali super hoc consultis, & expresso casu aliud ex causa interdum iudicetur. Cum autem fuerit recipienda, denudata vsque ad cingulum cum virgis in capitulum veniat, & prostrata veniam petat, & pœnis supradictis de grauiori culpa, vel lapsu carnis, vel conspiratione, subiiciatur, receptura tamen de misericordiis ibi taxatis plus vel minus, citius vel tardius, secundum exigentiam excessus præcedentis, & signorum pœnitentiæ subsequæ.

S V M M A R I V M
R E G V L Æ , E T P R I V I L E -
G I O R V M F R A T R Ū M , E T
S O R O R V M T E R T I I , O R D I N I S ;

De pœnitentia Beati Dominici nuncupatorum, sub cura
fratrum Ordinis Prædicatorum, existentium,
editæ pro vita, & moribus illorum.

De institutione Tertiariorum de pœnitentia Beati Dominici.

C A P V T I.

GLORIOSVS fidei Catholicæ pugil ac Christi athleta
Beatus Pater Dominicus zelator boni Status Ecclesiæ mili-
tantis, quamvis per se, & suos fratres, tam in Tolosa
quam in Lombardia, in hæreticos triumphaliter dimicas-
set, ita vt tempore suæ canonizationis, coram summo
Pontifice Gregorio IX. probatum legitimè fuerit, cen-
tum millia hæreticorum, & vltra, conuersos fuisse ad fidem Catholicam,
doctrina, & miraculis suis: nam antea ita venenosa doctrina hæreticorum
infecerat mentes, quod fere omnia iura Ecclesiæ erant per eos occupata,
ac ea possidebant quasi iure hæreditario, ex quo cogebantur Pontifices
mendicare, nec vllam habebant potentiam, per quam possent errori resi-
stere, nec clericos aut pauperes secundum sui officij debitum valebant
iuuare, vnde in multis partibus etiam Italiæ regnabat ista iniquitas.
Quod S. P. Dominicus Zelotypa mentē cernens, & sustinere non valens,
qui pro se, & suis sequacibus, extremam elegerat paupertatem, cepit pro
diuitiis Ecclesiæ recuperandis decertare. Aduocans igitur aliquos laicos
Deum timentes, & sibi præcipua deuotione affectos, cepit tractare de
instituenda quadam sacra militia, quæ iura Ecclesiæ recuperaret, & de-
fensaret necnon & hæreticis resisteret. nam illos quos voluntarios re-
pperit, sic induxit quod iuramentum præstabant faciendi quæ dicta sunt
iuxta vires, & ad hæc exponere tam personam, quam ea quæ possidebant.
Vt autem à coniugibus in hoc opere sancto impediti non possent, horum

434 *De institutione Tertiary de pœnitentia Beati Dominici.*

uxores induxit vt iurarent, quod viros non impedirent, sed potius iuarent, & iuxta modum cooperarentur eis in omnibus possibilibus. Et S. P. vtrique parti copulæ seruanti ista, promittebat vitam æternam, vocauitque eos fratres de militia Iesu Christi. Et vt saltem per aliquod signum secernerentur ab aliis laicis, & aliquid super erogatorij operis adderent super consuetudinem aliorum, dedit eis colorem sui proprii habitus, vt .i. tam viri, quam mulieres, quacunque figura vestium vterentur, album tamen, & nigrum semper portarent, ita vt vterque color exterius appareret, ad innocentiam & humilitatis iudicium. Insuper assignauit eis quendam taxatum numerum Dominicæ orationis, & Salutationis Angelicæ, quem pro qualibet hora canonica deberent quotidie orando perficere, vt à diuino seruitio non vacarent. Et postquam B. P. Dominicus ita benè ordinauit, migravit ad cœlum, & crebrescentibus eius miraculis fuit à Gregorio IX. in numerum Sanctorum relatus. Hi autem fratres, & sorores de militia Iesu Christi, volentes ordinatori suo iam glorioso honorem reddere, decreuerunt mutare nomen, & vocari de pœnitentia B. Dominici, inducti, quia meritis, & miraculis dicti S. Patris, ac laboriosa doctrina fratrum suorum, iam pestis hæretica defecerat, & necessaria non apparebat multum pugna exterior, sed restabat vt per pœnitentiam interius pugnarent propter quod nomen de pœnitentia elegerunt, & ex toto cessauit ista militia, & eius effectus. Verum decedentibus huiusmodi status viris, scæminæ remanentes propter religiosam vitam quam elegerunt amplius nubere non audebant, & continentiam vidualem seruabant. Hoc cernentes aliæ viduæ quæ viuicatem seruare decreuerant, cœperunt dictas sorores de pœnitentia sequi, & illarum obseruantiam in suorum remissionem peccatorum imitari. Vnde paulatim crescentes in diuersis mundi partibus, & maxime in Italia, coegerunt fratres Prædicatores ad informandum eas de modo viuendi. Et ideo F. Munio Hispanus tunc existens Magister ordinis, modum illum viuendi scriptis mandauit, quem hodie habent, & vulgariter regulam vocant, quamuis propriè regula vocari non possit, quia nec illorum status propriè vocari debet regularis, cum tria vota in qualibet regularium religione necessaria non includat.

De Confirmatione regule fratrum de pœnitentia.

CAPVT II.

INnocentius VII. pro confirmatione huius regule talem edidit Constitutionem, in qua inserit capita regule de verbo ad verbum.

Quare pro parte fratrum, & sororum huiusmodi, nobis fuit humiliter supplicatum, vt regule suæ viuendi forma eorundem robur Apostolica confirmationis adiacere, illamque per ipsos fratres, & sorores presentes, & posteros in perpetuum obseruari mandare, de benignitate Apostolica dignamur. Nos igitur qui super præmissis omnibus, & singulis, Venerabilis fratris nostri Angeli Episcopi Hostiensis (cui examinationem eorundem commisimus, per ipsum faciendam, & quod ea quæ per illam reperiret nobis referre curare.) relatione plenaria & fidei sumus clarius informati, huiusmodi

supplicationibus inclinati, regulam suæ viuendi formam, quam per singula eius cepita clarè, & distinctè de verbo ad verbum, presentibus fecimus annotari, necnon statuta, & ordinationes prædictarum habentes & grata, illa auctoritate Apostolica, ex certa scientia confirmamus & præsentis scripti patrocinio communimus, & nihilominus regulam seu viuendi formam eandem, per ipsos fratres, & sorores præsenes, & posteros volumus, & mandamus perpetuis temporibus inuiolabiliter obseruari.

Eugenius 4. has Innoc. 7. literas roborauit hoc testimonio.

Hinc est quod nos tenorem quarundam literarum Innocenti in sua obedientia septimi nuncupati (de qua partes infra scripta erant) in ipsius registro reperiri, pro eo quod sicut exhibita nobis nuper pro parte delectorum filiorum fratrum & dilectarum filiarum sororum ordinis fratrum Prædicatorum de penitentia B. Dominici nuncupatorum in ciuitate Eugubina degentium petitio continebat, ipsi huiusmodi tenore ex certis causis se afferunt indigere, de registro ipso de verbo ad verbum transcribi, & ad fratrum & sororum prædictorum instantiam petentibus annotari fecimus.

Et subsequuntur præfatæ litteræ Innocentij cum capitibus regulæ de quibus infra.

De priuilegijs rerum ac personarum Fratrum de penitentia.

C A P V T. III.

Gregorius 9. exemit personas & bona horum fratrum à potestate quorumlibet Prælatorum, & eas sub sua recipit protectione his verbis, ut patet in priuilegio illorum, quod incipit Egrediens hæreticorum.

Vestris in istis petitionibus annuimus clementer, & personas vestras cum omnibus bonis, quæ in presentiarum rationabiliter possideris, & in futurum iustis modis præstante domino poteritis adipisci, sub B. Petri & nostræ protectione suscipimus, & præsentis scripti patrocinio communimus. Nihilominus statuentes, ut omnes qui secundum propositum vestrum Deo adhaerere voluerint, perpetuis temporibus sub Apostolica sedis & nostræ defensione consistant. Paci quoque vestræ prouidere volentes auctoritate Apostolica inhibemus, ne quis aliquem capere, rapinis & iniustis collectis, vel exactionibus fatigare, vel ad aliqua illicita inramenta, aut iniusta prælia cogere, aut alias indebitè molestare presumant, ecclesiarum & Episcoporum iure semper saluo &c. Præterea ex vobis in vera penitentia persistentibus, qui mortis periculū profunde Catholica, & Ecclesiæ libertate subtrahunt, peccatorum omnium veniam indulgemus. Nulli ergo &c.

Aliud priuilegium concessit idem Gregorius 9. eisdem Tertiariis quod habetur inter nostra, & est huius Pontificis 4. in quo eximuntur à quibusdam calumniis & oneribus.

Indultum etiam illis fuit per sedem Apostolicam, ut tempore generalis interdicti possint ad audienda diuina conuenire in eis Ecclesiis, in quibus ex priuilegio celebrare contingat, nam Honorius 4. concedit ut infra.

Vobis tertiariis (s. de penitentia seu militia &c.) auctoritate præsentium indulgemus ut tempore generalis interdicti liceat vobis in Ecclesiis, in quibus ex indulto Apostolico celebratur, audire diuina officia, & recipere Ecclesiastica sacramenta, dummodo causam non dederitis interdicti, nec vobis contingat specialiter interdicti.

Sixtus 4. in Marimagno concedit fratribus ordinis Prædicatorum ut &c.

436 *Quod prefata Tertiaria persona non continentur &c.*

hos Tertiarios utriusque sexus admittant in suis Ecclesiis ad audienda diuina tempore generalis interdicti. Leo vero 10. in bulla quæ incipit Sacro approbante Concilio, restrinxit has gratias his uerbis.

Ne censura Ecclesiastica ualeat, & minoris auctoritatis interdicti sententia reputetur, iidem Tertiarij in Ecclesijs suorum ordinum ad diuina officia tempore interdicti non admittantur, si causam interdicti dederint, vel causam ipsam nussiant, aut dantiu auxilium uel fauorem præsiterint.

Quod prefata Tertiaria persona non continetur sub nomine Beguinarum.

CAPVT IIII.

Clemens V. quamdam Clementinam promulgauit, & condemnauit certam mulierum sectam, ex partibus Alemaniz aduenientem, quæ Beguinæ vocabantur, & de trinitate, ac de diuina essentia disputabant, & opinionones fidei catholice non consonas circa sacramenta sub specie pietatis introducebant, & hanc sectam abolendam esse statuit, excommunicationemque ac alias pœnas in eam promulgauit. Qua occasione Tertiarie istæ personæ multa passæ sunt ac si & illæ sub hac secta comprehenderentur. Et ideo Ioannes 22. sua Constitutione declarauit sub harum Beguinarum condemnatarum nomine eas non contineri. In qua hæc habentur uerba in suo priuilegio, quod est in ordine suo quartum.

Nos igitur rationi contrarium repugnantes, si proba & improba simili censura percuterentur &c. fraternitati vestræ per Apostolica scripta mandamus ut vos (S. Episcopi per Lombardiam, & Tusciam destinati) & singuli uestrum, in suis ciuitatibus & diœcesibus de uita dictarum mulierum de pœnitentia B. Dominici nuncupatarum, laudabiliter uiuentium, diligentius informati, si reperiretis ita esse, non permittatis eas seu earum aliquas, in bonis, & personis occasione abolitionis prædictæ molestari, quousquæ de statu illarum aliud per Apostolicam sedem fuerit ordinatum, molestatores per censuram Ecclesiasticam compescendo &c.

Et proinde alij posteriores pontifices gratias & immunitates eisdem concesserunt ut infra magis palam fiet.

De priuilegijs pro Sacramentorum susceptione.

CAPVT V.

Bonifacius 9. in suo priuilegio 7. concedit ut infra.

Humilibus & honestis supplicationibus uestris inclinatis, uobis, & cuilibet uestrum (s. personis utriusquæ sexus de pœnitentia B. Dominici nuncupatis) pœnitentiam salutarem ac Sacramentum Eucharistia corporis Domini per idoneos fratres ordinis sancti Dominici in Italia constitutos, in locis in quibus morari, uel ad quæ uos declinare contigerit, quoties opus fuerit, præterquam in festo Resurrectionis D. N. licitè recipere valeatis, tenore presentium auctoritate Apostolica facultatem largimur.

Alexander 6. unico suo priuilegio facultatem hanc ampliauit modo & uerbis ut infra.

Hinc est quid uosens (s. Vicarij generalis prouinciæ Lombardiz) supplica-

tionibus inclinatis, singulis fratribus Congregationis Lombardiae, in prebiteratus ordine constitutis, nunc & pro tempore existentibus, de tua, & successorum licentia, seu praesentis domus omnibus, & singulis fratribus & sororibus de penitentia Beati Dominici nuncupatis, quando id petierint, tam in die resurrectionis Domini, & infractisdem festi octauam quam etiam alijs diebus, etiam in mortis articulo, Eucharistiam, & alia Sacramenta Ecclesiastica quaecumque exhibere, & ministrare, libere & licite valeant, cuiusvis licentia super hoc minime obtemperata, seu etiam petita, auctoritate Apostolica licentiam impartimur. Non obstantibus &c.

De priuilegijs Tertiariorum collegialiter viuentium.

CAPVT VI.

IN duas partes labentibus temporibus diuisa sunt haec personae Tertiariae, quaedam enim in vnum collegium vnicae manebant, possidentes bona tamen in communi, ad modum religiosorum, aliae vero in proprijs domibus habitabant, hinc factum fuit vt multa priuilegia à S. Sede illis concessa fuerint, & non istis. Primo ergo notabimus quae collegialiter viuentibus praestita fuere.

Sixtus 4. in suo priuilegio 6. tali exemptione Tertiarios decorauit.

Nos igitur supplicationibus Magistri ordinis Praedicatorum & vniuersorum fratrum ac sororum de penitentia B. Dominici nuncupatorum inclinatis, Communitatibus, Potestatibus, & officialibus praefatis sub excommunicationis poena mandamus, quam si moniti non respuerint eo ipso incurrant, ne eisdem veris non quassatis, aut propterea receptis fratribus, & sororibus continentibus, & non coniugatis, qui secundum regulam, & instituta dicti ordinis regularia viuunt, & perseuerant, grauius in aliqua libertati Ecclesiastica contraria inducere, aut ipsos F. & sorores quo minus gaudeant priuilegijs, immunitatibus tam fori quam personae, & verum; sicut alia persona Ecclesiastica, quomodo libet impedire presumant, auctoritate Apostolica tenore praesentium inhibemus. Et nihilominus Episcopis &c. & alijs quibuscumque personis in dignitate ecclesiastica, constitutis, ac Canonicis Ecclesiarum Cathedralium pro tempore existentibus, & cuiuslibet illorum, qui super his fuerint requisiti, per Apostolica scripta mandamus, ne permittant dictos fratres & sorores per quoscumque quauis auctoritate indebitè molestari, & contradicere per censuram ecclesiasticam appellatione postposita compellant. &c.

Idem Sixtus 4. in bulla quam Auream vocant pro Tertiariis ordinis minorum & Praedicatorum statuit vt infra.

Et ne propter monasteria monialium &c. etiam de penitentibus nuncupatorum vtriusque sexus, coniungat personas fratrum (s. Praedicatorum, & minorum) quietem turbare, motu scientia, & auctoritate praedictis, statnimus, vt huiusmodi monasteria &c. ac persona vtriusque ord. de penitentia nuncupata; eisdem priuilegijs, immunitatibus, gratiis, sanctoribus, concessionibus facultatibus, & indulgijs, spiritualibus, & temporalibus praedictis fratribus ordinum Praedicatorum, & minorum concessis, per nos, & praedecessores nostros, ac in posterum concedendis quauis auctoritate, quatenus eorum sexus & status non repugnent, libere & licite vt possint & debeant, in omnibus, & per omnia prosus, & sine ulla differentia ac si eisdem personis de penitentia &c. concessa forent, & concederentur expressa &c.

Idem Sixtus 4. in bulla apud Rodericum 25. de Tertiariis ordinis minorum agens disposuit ut infra.

Dudum accepimus quod quidam fratres, & sorores tertij ordinis B. Francisci, ex speciali concessione nostra, & predecessorum nostrorum collegialiter viuentes, post annum probationis, in manibus ministri vel ministræ &c. vouent, & promittunt obedientiam paupertatem castitatemque perpetuam solemniter coram toto suo collegio, dubitatumque à plerisque fuit an tale votum sit solemnne, & obliget tanquam tale. Nos igitur &c. auctoritate Apostolica tenore presentium statuimus, & declaramus, votum prefatum sic (ut præmittitur) emissum, vel quod emitteretur in futurum, de cetero habere vim, & validitatem voti solemnis, & inducere omnem effectum, quem inducit votum solemnne cuiusvisque religionis à S. Sede Apostolica approbata, districte præcipientes Superioribus eorumdem fratrum & sororum curam habentibus, presentibus, & futuris, ne eos qui tale votum emisserunt aut emittent de cetero matrimonium contrahere, seu ante contractum consummare, aut ipsam religionem dimittere, & ad seculari vitam redire permittant, & aliter facientes excommunicati declarentur &c. & si matrimonium post emissam professionem contraxerint, illud nullum esse declaretur.

Iulius 2. in suo priuilegio 3. de voto illorum differens sic ait.

Et insuper tibi Magistro ordinis concedimus, quod mulieres prædicti ordinis, quæ de penitentia nuncupantur, collegialiter viuentes, si tibi placuerit, & illæ hoc cupiant, ex benignitate Apostolica, tria vota religionis, in manus tuas, aut illorum quos ad hoc duxeris deputandos, emittere licite valeant.

Idem Iulius 2. in priuilegio suo 4. hæc habet verba in proposito.

Sororesque de penitentia B. Dominici nuncupata collegialiter viuentes, & volentes vouere tria religionis vota iuxta nostram concessionem, eadem auctoritate volumus ut proficiantur obedientiam tibi, & pro tempore existente Magistro generali, vel alteri vices Magistri Generalis tenenti usque ad mortem, secundum regulam B. Augustini. Et tamen propter hoc non teneantur ad clausuram, nec ad officium diuinum magis quam ex regula tertij habitus fratrum tenentur.

Paulus 3. in priuilegio suo 2. prædicta confirmans declarat ut infra.

Nos igitur obnubilantia dubia de cordibus fidelium tolli cupientes, auctoritate Apostolica tenore presentium declaramus, & statuimus, quod vota per fratres, & sorores Tertij ordinis seu de penitentia B. Dominici nuncupati, eo modo emissæ secundum quod fratres & sorores Tertij ordinis S. Francisci emittunt, sint, & censeantur, ac eundem faciant effectum, & ad religionis obseruantiam arctent, & obligent, quemadmodum & illa. Mandantes omnibus sub quorum cura degunt, siue in posterum degere contigerit, ne de cetero fratres & sorores qui huiusmodi vota emisserint, modo prædicto, matrimonium contrahere, aut antea contractum consummare, aut religionem dimittere, & ad seculari vitam redire permittant. Quod si matrimonium contraxerint, illud nullum esse decernentes, dictos fratres & sorores excommunicationis sententia innodatos esse tandem denuntient, donec ad correptionem eundem habitum religionis assumpserint, & votum ac professionem secundum statuta tertiiæ regulæ B. Dominici collegialiter viuentes obseruent.

Et absque dubio qui ita vouent, & collegialiter viuunt, gaudent omnibus gratiis, priuilegiis, immunitatibus, exemptionibus &c. quibus gaudent fratres,

fratres & moniales nostri ordinis iuxta superius dicta cap. 3.

Postea Pius V. has Tertiarias collegialiter viuentes, & predicto modo sessionem emittentes, ad clausuram perpetuam reduxit, vt patet in eius bulla super clausura monialium edita, in qua habet hæc verba.

Mulieres quoque quæ Tertiaria, vel de pænitentia vocantur, cuiuscumque fuerint ordinis in congregatione viuentes, & si ipsa professæ fuerint, ita vt solemne votum emiserint, ad clausuram præcisè teneantur. Quod si votum solenne non emiserint, Ordinarij vnacum superioribus earundem hortentur & persuaदेरēt, vt illud emittant, & post illud emissum clausuræ se subijciant. Cæteris autem omnibus sic absque professione & clausura viuere omnino volentibus, prohibemus perpetuò, nec in futuro ullam aliam in suum ordinē siue congregationem recipiant, quod si aliquas receperint, eas ad sic viuendum inhabiles reddimus, & illarum receptiones nullas esse decernimus.

Hinc factum est vt nullæ, aut paucæ in partibus Italiæ reperiantur Tertiariæ, quæ collegialiter viuunt sine clausura, & quæ nunc sunt, in propriis domibus, siue suis, siue consanguineorum suorum habitare consueuerunt.

De Tertiariis in propriis domibus degentibus, & illarum priuilegiis.

C A P V T V I I.

IN Concilio Lateranensi sub Leone X. Agitata fuit causa priuilegiorum Iordinum mendicantium, & simul etiam fratrum, & sororum de pænitentia dictorum. Et nomine Concilij Leo' Bullam promulgauit, quæ incipit Sacro approbante Concilio, quæ est 3. inter sua priuilegia, & his verbis declarauit horum priuilegia.

Fratres autem, & sorores Tertij ordinis, necnon & Mantellate, Corrigiatae, Pizoche-re, Cordellate, & aliæ quocumque nomine nuncupatæ in propriis domibus habitantes, sepulturam vbi voluerint eligere possunt, sed die Paschatis tantum Eucharistiam, necnon & extremam unctionem, cæteraque ecclesiastica sacramenta (pænitentia sacramento dumtaxat excepto) à proprio sacerdote recipere, & ad onera quæ laicis imponuntur perferenda teneantur, ac in foro seculari coram iudicibus secularibus conueniri possint. Es ne censura ecclesiastica vilescat & minoris auctoritatis interdicti sententia reputetur, iidem tertij ordinis fratres & sorores, ad diuina audienda in Ecclesiis suorum ordinum tempore interdicti nullatenus admittantur, si causam dederint interdicti, vel causam ipsam nutriant, aut danibus auxilium vel fauorem præstiterint. Collegialiter autem viuentes seu cum claustralibus habitantes, & mulieres virginalem, seu cælibem vitam, aut castam vidualem expresso voto, & sub dicto habitu degentes, priuilegiis quibus fratres ordinis gaudent gaudere debeant.

Idem Leo X. in suo priuilegio 7. eadem confirmat & declarat in hæc verba.

Cum autem sicut accepimus à quibusdam nimium curiosis vertatur in dubium an votum predictum (i. e. fratrum, & sororum tertij ordinis) in propriis domibus habitantium de voto solenni intelligatur, cum illud tria substantialia vota, scilicet obe-

340 *De Tertiariis in propriis domibus degentibus &c.*

dientiam, paupertatem, & castitatem contineat, & circa dicitas mulieres, virginalem, seu castam, & vidualem vitam ducentes, de virginitate & castitate tantummodo mentio fiat. Nos ad tollendum omne dubium, motu proprio, & ex certa scientia, ac de Apostolica potestatis plenitudine, harum serie decernimus, & declaramus, quod in præmissis de voto solemnæ religionis minime intelligi debeat, ita ut mulieres virginale, vel cælibem vitam simpliciter vouentes, etiam in consanguineorum, vel affinium suorum, aut propriis domibus, vel seorsum habitantes, privilegiis, & immunitatibus prædictis in omnibus & per omnia frui & gaudere debeant. Non obstantibus, &c.

Ex quibus verbis collegi apertè posse videtur, mulieres vidualem aut virginalem vitam vouentes tantum, nulla mentione facta de voto paupertatis, & obedientiæ, etiam si illarum votum non sit religionis, quia hoc necessàrio consistit in illis tribus votis, gaudere privilegiis fratrum si habitum religionis portant. Illæ vero mulieres quæ solum habitum portant nullum votum emittentes, sunt quæ privilegium sepulture habent, & in die Paschatis tenentur à proprio Parocho Communionem sumere, necnon & extremam unctionem in infirmitate.

Capucinus tamen in suis additionibus ad compendium privilegiorum ordinis minorum verbo Tertiarij, existimat reuocatam fuisse gratiam hanc Leonis X. concessam monialibus habitantibus in propriis domibus, eo quia Pius V. & Greg. 13. in confirmatione privilegiorum mendicantium fratrum, monialium, & Tertiariarum, nominant tantum Tertiarias in congregatione viuentes.

At postremo à sacra Congregatione Concilij exiit decretum, quod confirmat declarationem dicti Leonis X. in fauorem Tertiariorum, ut gaudere possint omnibus gratiis fratrum & monialium quod est.

Sacra Congregatio Concilij Tridentini Cardinalium interpretum consulta respondit, Fratres Tertiarios, Mantellatos, Corrigiarios, aliosque similes, ut ad eum ordinis, cuius tertia regule habitum assumpserunt, privilegium potiri, & ab ordinarij in iisdem exemptiones esse, si viri collegialiter viuant, aut cum claustralibus habitent, & mulieres si virginalem seu cælibem, aut castam vidualem expresso voto, & sub dicto habitu vitam traduxerint, quemadmodum cauetur Constitutione Concilij Lateranensis sub Leone X. quæ habetur sess. 2. in fine. Hoc autem voto mulierum alia duo, scilicet paupertatis & obedientiæ nequaquam includi. Quinimo huiusmodi mulieres si vitam virginalem aut cælibem simpliciter expressequeouerint, etiam in consanguineorum, & affinium suorum, aut propriis domibus, vel seorsum habitantes, prædictis privilegiis ordinis, cuius tertia regule habitum deferunt, exemptioneque ab Ordinarij iurisdictione frui debere, quemadmodum idem Leo postea declarauit Constitutione edita die prima Martij 1518. Quod si fratres & sorores tercij ordinis quid amplius prætendunt vigore consecrandis, posse ius suum prosequi in iudicio ordinario. Hiero. Card. Pampbilus.

CAPITA REGVLÆ.

De recipiendis, & eorum conditione.

CAPVT VIII.

IN primis, vt hic ordo continuum & perpetuum de bono in melius recipere valeat incrementum, quod ex receptione personarum bene dispositarum plurimum noscitur dependere, volumus & ordinamus, quod nullus recipiatur ad ordinem huius fraternitatis, nisi per Magistrum, siue directorem, & per Priorem dictæ fraternitatis, vel de ipsorum licentia, ac etiam de assensu maioris partis fratrum professorum fraternitatis eiusdem illius loci, præmissa tamen diligenti examinatione, quod sit honestæ vitæ, & bonæ famæ, ac de hæresi nullatenus sit suspectus, quinimo tanquam S. Dominici singularis in Domino filius, sit veritatis Catholicæ fidei iuxta suum modulum æmulator ac zelator præcipuus, qui etiam antequam habitum huius religionis recipiat, de alienis si qua habuerit satisfaciatur ad plenum, & proximis reconciliari, nec non paratum siue conditum suum testamentum tenere studeat iuxta consilium & ordinationem Confessoris discreti. Et eadem examinatio fiat de mulieribus ingressum huius ordinis petentibus, Habentibus tamen viros non pateat ingressus ad consortium dictæ fraternitatis, nisi de virorum suorum licentia & consensu, de quo consensu fiat publicum instrumentum. Idem quo ad hoc seruari volentes in viris vxores habentibus, nisi obstaret in ipsis vel altero ipsorum causa quæ legitima iudicaretur consilio discretorum.

Venetis 1592. dicitur: Ordinamus prout alias etiam fuit ordinatū, & strictissime inhibemus omnibus Prælati sub pœna absolutionis ab officiis statim si contrafecerint incurrenda, ne de cætero aliquam mulierem ad habitum tertij ordinis recipiant, quæ sit minoris ætatis quam quadraginta annorum, quæ non sit bonæ famæ, & honestæ familiæ, & quæ non habeat sibi vnde de victu & vestitu prouidere valeat sufficienter. Hoc de his quæ in propriis domibus habitant intelligitur. Confirmatur Neapoli 1600. & Romæ 1601. Vbi additur, quod de cætero non admittantur ad habitum nisi se obligauerint ad votum solemne, si in vna tantum domo vel monasterio simul habitauerint sub debita clausura.

OMnes autem, tam fratres quam sorores dictæ fraternitati induantur panno albo & nigro, qui nec in colore, nec in valore nimiam preciositatem pretendat, sicut decet honestati seruorum Christi. Mantellum sit de nigro, & fratrum capitula milititer sint de nigro, tunica vero de albo, quorum manica protendantur vsque ad pugnum, & sint clausæ. Corrigias de corio tantum habeant, quibus sorores cingantur sub tunica. In bursis, & calceamentis, & cæteris omnem mundanam refecent vanitatem. Vela vero sororum & bindæ sint alba de panno lineo vel canabino.

De benedictione vestium sine habitus, & de modo recipiendi ad hunc ordinem.

Recipiatur autem recipiendus in loco capituli fraternitatis, vel ante altare ecclesiæ fratrum ordinis Prædicatorum illius loci, & à Magistro, siue directore supradicto, vel eius Vicario, qui Magister assistente induendo, & petente humiliter flexis genibus recipi, præsentibus aliquibus aliis fratribus Prædicatoribus, & Priore fraternitatis, vel eius vices gerente, cum aliis de fraternitate, benedicet primo habitum eius qui debet recipi hoc modo videlicet. Ostende nobis Domine misericordiam tuam. Dominus vobiscum. Oremus. Domine Iesu Christe, qui regimen nostræ mortalitatis induere dignatus es &c. Postea vero tali habitu benedicto & per receptum seorsum induto, atque ad gradum altaris reuerso, & ante Magistrum genuflexo, dicet Magister. Veni creator Spiritus. Et fratres qui ei assistunt ipsum prosequantur vsque ad finem. Deinde dicatur Kyrie eleyson, Christe eleyson, Kyrie eleyson. Pater noster &c. Emitte spiritum tuum &c. Saluum fac seruum tuum &c. Dominus vobiscum, Oremus Deus, qui corda &c. & Pretende Domine &c. Et responso Amen aspergatur sic indurus à Magistro aqua benedicta. Omnes fratres fraternitatis ipsum recipiant ad osculum pacis. Et eodem modo ante altare recipiantur mulieres quemadmodum est de fratribus supradictum.

De professione, seu modo profitendi. CAP. XI.

Completo anno, vel ante si Magistro, & Priori supradictis, vel cui commiserint, & etiam maiori parti fratrum professorum fraternitatis visus fuerit idoneus, ad professionem recipiatur. Profitetur autem hoc modo videlicet. Ad honorem Dei omnipotentis Patris, & Filij, & Spiritus sancti, & B. Mariæ virginis, & B. Dominici. Ego N. coram vobis, N. Magistro, & Priori ordinis de pœnitentia B. Dominici talis loci, profiteor me velle de cætero vivere secundum regulam, & formam fratrum & sororum eiusdem ordinis de pœnitentia B. Dominici vsque ad mortem. Mulieres vero eodem modo profiteantur coram Magistro supradicto, & Priorissa, vel cui ipsi commiserint.

De permanentia in hoc statu. CAP. XII.

Statuimus autem, vt nullus frater nec soror huius fraternitatis & ordinis, post talem supradictam professionem de hoc ordine egredi valeant, nec eisdem ad sæculum reuerti liceat, sed bene possint libere transire ad vnam de approbatis religionibus tria vota solemnia profitentibus.

De horis Canonicis dicendis. CAP. XIII.

Fratre & sorores dicant quotidie omnes horas canonicas, nisi firmitate impediuntur. Pro Matutinis dicant viginti octo Pater: pro vespers quatuordecim, pro qualibet aliarum horarum septem. Ad honorem vero B. Mariæ semper virginis pro qualibet hora superius nominata tot Ave Maria, quot Pater noster, dicere teneantur. Pro benedictione autem mensæ dicant vnum Pater noster. Cum vero surgunt à mensa dicant similiter vnum Pater noster, pro gratiarum actione, psalmum Misere mei Deus, vel psalmum Laudate, qui sciunt. Omnes etiam qui sciunt symbolum Apostolorum videlicet, Credo in Deum, dicant illud semel in principio matutinarum, & etiam ante primam, & quando completorium fuerit terminatum. Qui autem sciunt & dicunt horas canonicas quemadmodum faciunt clerici prædicta Pater noster, & Ave Maria dicere minime teneantur.

De surgendo ad matutinas. CAP. XIV.

Ad matutinas Dominicis diebus, & festiuis à festo Omnium Sanctorum vsque ad festum Resurrectionis Dominicæ, omnes surgant. In Aduentu & quadragesima surgant, etiam omni nocte. Qui vero occupantur quotidiano opere manuali, horas

suas dicere poterunt de mane vsque ad vespervas exclusiue. De sero vero vespervas & completorium simul dicant.

De Confessione, & Communione. CAP. XV.

OMnes quater in anno ad minus videlicet in festo Natiuitatis Domini, Resurrectionis ipsius, Pentecostes, & in festo Assumptionis, aut Natiuitatis beatæ Virginis, peccata sua confiteantur diligenter, & Eucharistiæ deuote studeant recipere sacramentum, nisi forsan ex aliqua causa rationabili alicui ex ipsis esset à suis Confessoribus interdictum. Qui autem ex deuotione sua sæpius voluerint communicare infra annum, petita à suo Prælato licentia & obtenta deuotionem suam cum Dei benedictione poterunt executioni mandare.

De silentio in Ecclesia obseruando. CAP. XVI.

IN Ecclesia dum celebrantur missæ, vel cantatur diuinum officium, seu actualiter ibidem proponitur verbum Dei, omnes silentium seruare studeant, & orationi ac diuino officio diligenter intendant, nisi ex aliqua speciali & occurrente necessitate aliquid silenter loquantur.

De reuerentia exhibenda Ecclesiarum Prælati, & Ecclesiis eorundem. CAP. XVII.

FRatres & sorores Ecclesias quarum Parochiani & Parochianæ existunt, iuxta canonicas sanctiones, & bonos mores, & cum omni deuotione studeant visitare, & Ecclesiarum suarum Prælatos, videlicet Episcopos, & inferiores summè reuerentur, ipsorumque iura absque omni diminutione & fideliter eis soluant. Et hoc tam in decimis quàm in oblationibus alias quomodolibet cõsuetis.

De Ieiuniis. CAP. XVIII.

ADominica prima Aduentus vsque ad Natiuitatem Domini, quotidie tam fratres quàm sorores ieiunent. Et similiter à Dominica in quinquagesima vsque ad Pascha Resurrectionis Domini idem obseruent. Ferias autem sextas ieiunabunt omni tempore, & ieiunia omnia ab Ecclesia instituta. Qui autem voluerint amplius ieiunare, seu austeritates alias facere, poterunt habita licentia à Prælato suo, vel de consilio Confessoris discreti.

De cibo. CAP. XIX.

FRatres & sorores huius fraternitatis vti poterunt carnibus diebus Dominicis, tertia, & quinta feria, cæteris vero diebus abstineant, nisi sint infirmi, aut multum debiles vel minuti, vel

nisi præcipuum festum fuerit illa die, aut quia essent in itinere constituti.

De discursu fratrum & sororum. CAP. XX.

VAgos curiososque discursus per ciuitatem non faciant. Sorores vero solæ non discurrant maximè iuniores. Ad nuptias, siue ad dissoluta & mundana conuiuia, siue ad vana spectacula, nullo modo accedant. De ciuitate vero seu castro vbi habitant non exeant etiam causa peregrinationis, absque specialiter licentia Prælati vel magistri fraternitatis iam dictæ.

De armis à fratribus non ferendis. CAP. XXI.

Inualionis seu impugnationis arma secum fratres non deferant, nisi pro defensione fidei Christianæ, aut ex alia rationabili causa, & de suorum Prælatorum licentia.

De infirmis visitandis, & procurandis. CAP. XXII.

DEputentur per Priorem duo ex fratribus, qui cum quæpiam ex eisdem nouerint infirmari, ipsum quam citius charitatiuè poterunt studere visitare, & statim à principio ad recipiendam pœnitentiam & alia ecclesiastica sacramenta eundem efficaciter exhortentur, & si necesse fuerit ministerium corporale, prout commodè poterunt eisdem studeant exhibere. Si vero fuerit pauper, necessaria de bonis, propriis, vel communibus, prout facultas permiserit, sibi ministrare procurent. Et idem faciant sorores circa sorores suas infirmas.

De obitu fratrum & sororum, & suffragiis eorum.

CAP. XXIII.

QVando continget aliquem ex fratribus ex hac luce migrare, cæteris confratribus qui sunt in eadem ciuitate, vel castro nuntietur vt procurent defuncti exequiis personaliter interesse, à quibus non recedant donec corpus fuerit traditum sepulturæ. Hoc idem circa sorores decedentes volumus obseruari. Præterea infra octo dies post ipsius defuncti sepulturam immediatè sequentes, quilibet frater & soror dicat pro anima eius, sacerdos vnam missam; sciens vero psalterium, psalmos quinquaginta, illiterati vero centum Pater noster dicant, addendo in fine cuiuslibet Requiem æternam &c. Et præter hæc quilibet infra annum, pro fratrum, & sororum tam viuorum, quàm defunctorum, tres missas faciant celebrare, qui vero sciunt psalterium illud dicant. Et cæteri quingenta Pater noster dicere teneantur.

PRIORE Fraternitatis mortuo, vel amoto, Magister siue director fraternitatis cum consilio antiquorum de fraternitate instituat Priorem. Singulis autem annis infra octauas Paschæ vel alio tempore supradictus Magister habeat consilium cum antiquioribus de fraternitate super amotione vel confirmatione Prioris; & sic Priorem confirmare, vel amouere poterit, secundum quoddipse cum præfatis iudicauerit expedire. Consimiliter etiam de consilio dicti Magistri & aliquorum de fraternitate magis antiquorum poterit Prior fraternitatis ordinare de Supprior vel Vicario fraternitatis, & etiam postmodum confirmare vel amouere secundum quodd eisdem visum fuerit expedire. Qui Supprior vel Vicarius tantam potestatem habeat quantam Prior sibi concedet. Et hæc eadem forma in institutione & destitutione Priorissæ & Suppriorissæ simili modo obseruetur.

PRIORIS officium erit cum omni diligentia seruare in se quæ in regula scripta sunt, & sollicitam dare operam, vt ab aliis confratribus obseruentur; si quos vero viderit transgredientes, aut etiam negligentes, charitatiuè corripiat, & emendet. Vel si magis sibi videtur expediens, fraternitatis Magistro & directori vt corrigat poterit intimare. Priorissæ etiam erit officium sollicitè Ecclesiam visitare, ceteras etiam sorores excitare ad obseruantiam regularem, diligenter etiam per seipsam & alias quibus imponet obseruare, quod in incessu, statu habitu, nihil per aliquam confororem fiat, quod cuiusquam merito turbare possit aspectum. Præcipuè autem attendat ne sorores cum quocunque viro cuiuscunque conditionis existat familiaritatem contrahant, maxime iuniores, nisi forsan talis vir forori illi attineat infra tertium consanguinitatis gradum ad longius, cum hoc existens bonæ vitæ & famæ.

SI quis notatus fuerit de aliqua familiaritate suspecta, & ter admonitus per Prælatum, si se non emendauerit, excludatur ad tempus à capitulo, & à consortio cæterorum confratrum. Qui si nec sic se correxerit, tunc de fratrum consilio discretorum de ipsorum penitus consortio publicè excludatur, nec admittatur de cætero, nisi confratribus omnibus videatur esse correctus. Item si quis cõfrati vel alteri cuiuscunque opprobriū dixerit, quod sonare infamiam

infamiam videatur, aut ex ira quęquam percusserit, vel ad locum sibi prohibitum ire præsumperit, seu in obedientiam quamcunq; commiserit, aut etiam Prælato mendacium ex industria dixisse deprehensus fuerit, abstinencia panis & aquę, vel exclusionē à capitulo, aut etiam à cõsortio aliorum fratrum, plus vel minus secundũ conditionē personę & exigentiam delicti, grauius, vel leuius corrigatur. Item si quis crimen mortale commiserit, talis de cõsilio maioris partis fratrum professorũ fraternitatis illius loci, secundũ exigentiã culpę, & conditionē personę, grauius, vel leuius puniatur, sic tamẽ quod sit cæteris in exemplũ, quam punitionē si ferre recusauerit de cõsilio discretorũ de isto ordine expellatur. Circa sororũ vero correctionē illud idẽ volumus per omnia obseruari.

*De Congregatione fratrum & sororum, & institutione
Magistri eorum.* CAP. XXVII.

IN quolibet autem mense semel certa die & hora per supradictũ Magistrum vel eius Vicarium deputadis, ad Ecclesiam fratrum prædicatorum cõueniant fratres omnes ordinis fraternitatis Dei verbum, & etiam missam si hora competens fuerit pariter audieturi. Et tunc per ipsum Magistrum ipsis legatur regula ista, & exponatur. Et tunc de agendis fratres informet, & negligentes corrigat, & emendet, prout secundum Deum & regulam seu viuendi formulam viderit expedire. In cuiuslibet etiam mensis prima sexta feria, sorores ad Ecclesiam fratrum Prædicatorum conueniant similiter, Dei verbum & missam communiter audieturę: quibus etiam legatur regula ista, & exponatur; de suisque excessibus corrigantur per Magistrum deputatum eisdem. Volumus autem quod in qualibet ciuitate & castro vbi fuerint fratres, & sorores huiusmodi, habeant in Magistrũ & directorem aliquem idoneum fratrem sacerdotem de ordine Prædicatorum, quem postulauerint à generali Magistro vel Prouinciali illius prouincię dicti ordinis Prædicatorum, aut quem ipse generalis Magister seu Prouincialis per se vel alium eisdem concedere & assignare decreuerit. Volentes insuper, & statuentes, vniuersos fratres, & sorores huiusmodi de pœnitentia B. Dominici vbicunq; existant, directioni, & correctioni ipsius generalis Magistri ordinis antedicti, & prioris Prouincialis illius prouincię eiusdem ordinis, pro eorundem ampliori cõseruatione & promotione totaliter subiaccere, quan-

448 *De dispensatione facienda rationabili causa concurrente.*
tum ad illa videlicet quæ eorundem viuendi modum & formulam concernere dignoscuntur.

De dispensatione facienda rationabili causa concurrente.

CAPVT XXVIII.

PRior fraternitatis cum fratribus suis, & Priorissa cum suis sororibus, Magister autem & director eis deputatus eum vtrisque, in abstinentiis ieiuniis, & austeritatibus aliis in supradictis capitulis contentis, ex causa legitima, & rationabili, cum expedire viderint poterunt dispensare.

De obligatione regula huius, & viuendi formulæ.

CAPVT XXIX.

DEmum quemadmodum in cõstitutionibus ordinis fratrum Prædicatorum continetur, ita volumus & ordinamus quod in ista regula seu viuendi formula habeatur, videlicet quod præter diuina, & Ecclesiæ præcepta atque statuta in ea contenta, in reliquis huiusmodi regulæ cõstitutionibus siue ordinationibus fratres & sorores ad culpam nullatenus obligentur, sed solum ad penam, quæ cum à Prælato vel Magistro continget ex quauis transgressionis imponi, per transgressorem humiliter & promptè suscipiatur, & similiter opere perficiatur cooperante gratia Domini, & Redemptoris nostri Iesu Christi qui cum Patre, & Spiritu Sancto viuit, & regnat Deus per omnia sæcula sæculorum, Amen.

De modo, & ordine recipiendi fratres & sorores de penitentia B. Dominici ab habitu prædicti ordinis, qui communiter obseruatur.

CAPVT XXX.

ESt sciendum quod postquam homo recipiendus fuerit diligenter examinatus ab ipsis fratribus de penitentia B. Dominici professis & à Magistro ipsorum receptus, & acceptatus, secundum quod in regula, & in expositione eiusdem quantum ad fratres apparet. Tunc siue in die capituli ordinarij quod fit quolibet mense semel: siue in alia die ad hoc per ipsum Magistrum instituta, congregatis fratribus aliis de ordine Prædicatorum cum ipso Magistro seu direttore ac aliis quibuscunque honestis viris adesse volentibus apud Ecclesiam fratrum Prædicatorum, & ante altare constitutis, siue de mane siue aliam decenti hora secundum quod opportunitas ipsa requirer. Idem Magister prædictus vel al-

ter pater sui ordinis cui ipse commiserit, locabitur ante altaris medium cum facie versa ad fratres & personas alias circumstantes, & habitu illius qui debet indui super dextro altaris posito, & duobus etiam cereis accēsis super altare positis, ipse induēdus venire debet ad gradus altaris ante prēsentiā dicti Magistri, & cum sic venerit debet genuflectere & Magistro interrogāte. Quid petis, debet manibus cancellatis deuote & humiliter respōdere, Misericordiam Dei & vestram, siue in latino siue in vulgari sermone. Ipse vero Magister illud quod pro tunc dicendum iudicauerit, dicet. Et ubi induendus sumpto habitu debeat immediate aut modicum post profiteri, prout in quarto capitulo supradictæ regulæ, & expositione ipsius quo ad fratres apparet, benedicet habitū induendū secūdum quod habetur in tertio capitulo regulæ supradictæ dicendo in bona voce. Oī tē de nobis Domine misericordiam tuam. Et frater vel fratres. Et salutare tuum da nobis. Et Magister, Dñs vobiscū. Et fratres. Et cum spiritu tuo. Et Magister Oremus. Dñe Iesu Christe qui tegimen nostræ mortalitatis induere dignatus es, obsecramus immensæ largitatis tuæ abundantiam, vt hoc genus vestimentorum, quod sancti patres ad innocentie & sanctitatis indicium ferre sanxerunt, ita benedicere & digneris vt qui hoc vfus fuerit, te inducere mereatur Christū Dñm nostrum. Amen. Quo factō Magister aspergat habitum & etiam ipsum induere debentem habitum aqua benedicta. Et sic induendus illum deuote suscipiens depositis secularibus vestibus, à Magistro ipso habitu induetur. Et dum Magister eundem sic stantem ante se genibus flexis induit mittendo ei clamydem nigram, siue induendo ipsum clamyde nigra, dicet Veni creator Spiritus. Et fratres assistentes, & alij clerici, si qui adessent, vertendo se versus altare prosequentes dicent in bona voce hymnum. Veni creator spiritus. Et consimiliter Magister cum receptum induerit, verteret se ad altare genuflectēdo, prosequendo, atque dicendo cum eis, Mentēs tuorum visita, Imple superna gratia, Quæ tu creasti pectora. Quo primo versu dicto surgere debent omnes, & Magister debet stare, & vertere se ad circumstantes, alij verò contra se inuicem & sic dictum Hymnum pariter cōplere debent. Quo finito Magister dicet, Kyrie eleison, Christe eleison, Kyrie eleison Pater noster, cum fratribus voce submissa. Et cōsequenter in bona voce sicut supra, dicet Et ne nos inducas in tentationem. Et frater siue fratres, & si

qui clerici fuerint assistentes respōdebunt, Sed libera nos à malo. Et Magister. Emitte spiritū tuum & creabuntur. & illi. Et renouabis faciem terræ. Et ille, Saluū fac seruū tuum. Et illi. Deus meus sperantem in te. Et ille. Dñs vobiscum. Et illi. Et cum spiritu tuo. Et ille. Oremus. Deus qui corda fidelīū sancti spiritus illustratione docuisti, da nobis in eodem spiritu recta sapere, & de eius semper consolatione gaudere. Prætende Dñe famulo tuo dexteram cœlestis auxilij, vt te toto corde perquirat, & quæ digne postulat assequatur, per Christū Dñm nostrū. Amen. Deinde Magister aspergat fratrem nouiter indatum aqua benedicta. Qui tamen Magister in casu quo plures essent induendi, debet in supradictis orationibus & locutionibus semper vti numero plurali, & non singulari. Deinde vbi videatur Magistro & fratribus, quod frater indutus tunc ad professionem recipiatur; poterit tunc profiteri, secundum quod in quarto capitulo regulæ, & in expositione eiusdem quantum ad fratres pertinet, continetur hoc modo. Quod Magistro porrigente manus suas profiteri volenti, & ipso proficiente mittente manus suas in manibus magistri ad maiorem suæ professionis firmitatem, dicat tunc in bona voce intelligibili & expressa. Ad honorem Dei omnipotentis Patris, & Filij, & Spiritus sancti, & beatissimæ Virg. Mariæ, & B. Dominici. Ego frater N. coram vobis fratre N. Magistro, & coram vobis Priore, aut Suppriori, seu Vicario fratrum ordinis de pœnitentia S. Dominici, talis loci, facio professionem, & promitto me velle viuere de cætero secundum formam & regulam eiusdem ordinis de pœnitentia B. Dominici vsque ad mortem, Vel potius fiat in vulgari pro maiori euidencia.

De famulis fratrum.

CAP. XXXI.

EXtendūtur ita privilegia nostro ordini cōcessa, vt & serui siue famuli in obsequiis fratrum commorantes aliqua de illis participant, quæ referenda sunt.

Innocentius IV. in suo priuilegio 4. concedit eis vt possint à fratribus quibus seruiunt Sacramenta percipere, & hæc sunt eius verba.

Ceterum vt his qui vestris immorantur obsequijs, diuina intuitu pietatis, quod in salutem animarum veretur, de vestris manibus assequatur (Et loquitur Magistro ord. Prioribus, & fratribus) vobis de speciali gratia indulgemus, vt eis liberi cuncta ministrare possitis Sacramenta Ecclesiastica, & eosdem cum decedunt in vestris camerarijs sepelire.

Nicolaus V. suo priuilegio 4. extendit hanc facultatem ad omnes cohabitantes nobiscum etiam deuotionis gratia per hæc verba.

Nos predecessorum nostrorū in hac parte vestigijs inhaerentes, Magistri & Procuratoris precibus inclinari, Magistro, Prioribus, & fratribus ubilibet constitutis, omnibus & singulis personis infra septa & clausuram pro tempore commorantibus, quoties opus fuerit sacramēta Ecclesiastica libere & licite, sicut illi qui in eorum seruitijs insisterent, ministrandi, & eas post earum decessum in eorum camerarijs sepeliendi, diocesani locis aut alterius cuiuscunque super hoc minime requisita licentia, plenam & liberam concedimus tenore praesentium auctoritate apostolica facultatem, Non obstantibus &c.

Et in enarratione petitionis Magistri & Procuratoris praedictae, magis explicat de quibus personis intendat loqui dicens.

Cum autem, sicut a petitis continebat, per sepe in diuersis domibus & Conuentibus dicti ordinis contingat nonnullos Christi fideles causa deuotionis infra septa & clausuram domorum huiusmodi cohabitare &c.

In Mari magno Sixtus IV. concessionem praedictam circa eos qui in nostris obsequijs morantur refert, & approbat ac confirmat.

Innocentius VIII. ad hoc fauorem hunc magis extendit pro congregatione Lombardiae, vt apparet in suo priuilegio vnico per hunc modum.

Cum verò habeatis quamplurimos vobis obsequentes, ad quos huiusmodi indultum extēdi desideratis, vestris in hac parte supplicationis inclinatis, priuilegia huiusmodi ad quaslibet personas, fratribus & monialibus dictae congregationis communiter vel singularibus personis obsequia impendentes, etiam si eorū agros colant, aut greges pascant, vel ad modicum aut longum tempus conducti, aut alias seruitijs illorum dictae congregationis occupati sint, dummodo operas diurnas non exerceant, tenore praesentium extendimus, ac vobis, & dictae congregationis fratribus, vt praefatis personis extrema vltionis, confessionis, & Eucharistiae Sacramēta etiam in Paschate Resurrectionis ministrare libere & licite valeatis, Apostolica auctoritate cōcedimus. Et vos 2 censuris, & penis quas incurreretis huiusmodi personis sacramēta ministrando ac eorū cadauera in camerarijs vestris sepeliendo, eadē auctoritate absoluiamus, & vos absolutos esse declaramus.

Notat etiam Rodericus quāst. 67. tom. 2. reguli quāst. fratres audientes confessiones famulorum, & aliorum praefatorū, & eos absoluentes, debere habilitari ab Episcopis ad audientiam confessionū, iuxta decretum concilij sess. 23 cap. 16. vbi decernitur nullum posse audire confessiones saecularium, nec ad id idoneum reputari, nisi ab Episcopo idoneus iudicetur.

Ex capitulo generali Bononiae celebrato Anno Domini 1615.
post editum in lucem hoc summarium constitutionum
addita sunt quae sequuntur.

De Celebratione Missarum.



Mni septimana sacrosancti Eucharistiae sacramēti formae, etiā quae saecularib. porrigi solēt, qua par est reuerētia renouentur.

De officio Ecclesiae.

Quoties sacerdos ad thurificandum Altaria cappa seu pluviali indutus procedit, stulam deferat.

Diebus sabbathi in Virginis Mariae honorem ordinis nostri Aduocatae, litaniae de eadem post Salve Regina decantentur.

Octauæ solennes sanctissimi Rosarij mense Octobri celebrentur, ita tamen vt memoria de Angelis non prætermittatur.

Districte præcipimus conscientiam prælatorum aggravando, vt musicæ in Ecclesijs nostris moderatissimè fiant, neq; liceat eisdem musicis seriem diuini officij cõtra præscriptum ordinarij nostri truncare vel immutare.

Præcipimus sub pœna grauioris culpæ tam prælatis quam subditis, vt spectaculatam religiosa quam profana seu quascumque repræsentationes in Ecclesijs nostris & cæmeterijs nullo modo fieri permittant.

In diebus cænæ domini & pasceues ante sepulchrum vbi sacratissimū Christi corpus asseruatur, à nostris fratribus cum deuotione & religiosa grauitate vigilæ fiant, prout in multis capitulis generalibus ordinatum est, & idem diligentissimè seruari volumus quoties sanctissimum Eucharistiæ Sacramentum publicè adorandum proponitur.

Confirmamus & strictè obseruari volumus ordinationes in capitulis generalibus, Romano 1571. & Barchinonensi 1574. factas, vt publicè à solis sacerdotibus conciones habeantur.

De professis alterius Religionis non recipiendis.

Decernimus & declaramus, vt si quis fratrum nostrorum ex nostro ordine in alium comigrauerit, & denuo eo relicto ad nostrum rediens receptus fuerit, à tempore quo reuertitur ad nostrum ordinem, numerus annorum & antiquitas ratione loci illi computentur.

De vestitu.

Hortamur omnes fratres ordinis nostri, vt in deferèdo habitu sint uniformes, & volumus vt omnes Patres & Fratres nostri Ordinis, cuiuscumq; gradus & conditionis existant, translati vel assignati ad aliquas prouincias, deferant habitum more illarum Prouinciarum, Romæ exceptâ.

Pro Prouincialibus.

Nillus omnino Prouincialium inconsulto Magistro ordinis contributiones pro sui officij vsu & necessitatibus in prouincia augere valeat, expensas vero extraordinarias pro communi bono Prouinciæ de consilio capituli Prouincialis aut patrum Prouinciæ .i. magistrorum Prouinciæ & eorum qui fuerunt Prouinciales constituere poterit.

Mandamus omnibus Patribus Prouincialibus, Prioribus, ac præsidentibus conuentuum & locorum nostrorum, vt diligenter inuigilent quatenus sacristæ in omnibus conuentibus, Patrum & fratrum nostri ordinis, Immo & secularium sepulcorum siue in Ecclesia siue in Cæmeterijs & claustris nostris, nomina, loca, & tēpora in libro ad hoc præparato describāt. Litteræ Pontificiæ, quibus ordini nostro prouilegia cõceduntur vel, quibus à Magistro Ordinis singularia per necessaria Prouinciis aliquibus præscribuntur, perpetuo conseruentur. Mandamus igitur PP. Prouincialibus quatenus de consilio Patrum suarum Prouinciarū vnum vel duos Conuentus primarios pro huiusmodi litteris conseruandis designent, in quibus conuentibus omnes Prouinciales finem suis officiis imponentes de scitu Patrum Prouinciæ tales litteras reponere teneantur.

Omnes Prouinciales scripta omnia virorum Illustrum defunctorum

vel prælo mandent, vel si id fieri nequit, caractere bono describi, & in libris reponi curent.

Declaramus quod consilium Patrum cuiuscumque conuentus nullam prorsus habet supra Priorem Conuentus & multo minus supra Prouincialem eiusdem Prouinciæ Potestatem quocumq; abusu non obstante, præsertim autem damnamus paucos illos Conuentus, qui Prouincialem suum in eisdem Conuentibus, excepto visitationis tempore, tanquam Prouincialem recipere noluerint, ad Cōsiliū Patrum eorundem Conuentuum appellantes. Declarantes quod quemadmodum Prior Prouincialis in ordine nostro caput est suæ prouinciæ, ita etiam Prior Conuentualis sui Conuentus & omnium Patrum tam à consiliis quam aliorum. Vnde si Priores conuentuales in aliquo defecerint, debent subditi eorum ad Prouincialem recurrere. Contra facientes autem pœna contumacibus & conspiratoribus præscripta puniantur.

De lectoribus & prælectionibus.

Lectores actu legentes non fungantur officio concionatorum relicto suo munere in quadagesima, quod si hoc ex causa rationabili per Prouincialem alicui lectori concessum sit, non ipse lector sed Prouincialis lectorem alium qui eius vices gerat durante absentia prædicti lectoris substituat. Alias si id fieri non potest ut alius lector pro eodem tēpore habeatur, talis lector concionibus vacare non poterit, Prouinciis desolatis dumtaxat exceptis.

Lectores D. Thomam sequantur &c. Idem confirmatur in capitulo Bononiensi 1615, ubi id mandatur sub pœna priuationis vocis actiue & passivæ & omnium officiorū graduum & inhabilitationis perpetuæ ad omnes gradus suscipiendos. Et additur propter commentatorum varietatem ut illa relicta in Philosophicis quidem Aristotelem eius textum Commentariis patrum nostri ordinis explicando, in Theologicis vero doctrinā S. Thomæ ut est in littera singulariter specificæ & expresse nedom quantum ad ipsam substantiam, sed etiam quantum ad verba exactissime proponant explicent doceant & defendant tam in publicis quam in priuatis disputationibus repetitionibus aliisque scholasticis exercitiis. Ita ut si fieri possit textum D. Thomæ integrum memoriæ mandent, & eiusdem loquendi modo stylo ac verbis assuescant. Insuper Commentaria Illustissimi & Reuerendissimi Domini Cardinalis Caietani proponant.

Omnes lectores in prælegendo à festo S. Crucis vsq; ad festum S. Mariæ Magdalene vel S. Ioannis Baptistæ ad minus perseuerent, prælectioni vero singulis diebus horæ vnius & repetitioni seu conferentiæ alterius horæ tēpus præscribimus, ita tamē ut aliæ ordinariæ disputationes non prætermittantur.

Regentes, Bachelari, Magistri studentium, ceteriq; lectores actuales (vnica tantum eundem capitulum Prouinciale, quamdiu vocales fuerint, vel pro publicis disputationibus aut concionibus in eodem capitulo habendis occasione excepta) studij & lecturæ curam per aliquod spatium temporis notabile, ut puta per mensem, sub pœna priuationis officiorum suorum non deferant. Monemus autem PP. Prouinciales ut non nisi ex gra-

uissimis causis tam Priores quam lectores eorumq; discipulos à suis Conuentibus abesse permittant.

De studentibus.

Sub pœna absolutionis ab officio iniungitur omnibus Prouincialibus & Prioribus, ne fratres ratione studij mittant extra ordinem, sub eadem quoque pœna præcipitur ijsdem, vt si qui fratres scholas aut gymnasia extra ordinem frequentant, statim reuocentur, neq; vllus Prior quouis quæsito colore aut prætextu eos ibi detinere valeat.

Nulla ratione fratres etiam sacerdotes admittantur ad studium Theologicum nisi prius perfecte philosophiam audierint.

De nouitijs professis.

Confirmamus sæpius ordinatum, vt nouitij etiam professi maneant in Conueto Nouitiorum vsque ad sacerdotium.

De Bibliothecis.

Bibliothecæ in omnibus nostris conuentibus alicui ex grauib; Patribus committantur, pro quibus secundum possibilitatem taxandam per Capitula Prouincialia libros emere præsertim auctorum nostri Ordinis tam antiquiorum quam recentiorum ipsi Conuentus tenebuntur.

De Itinerantibus & eorundem licentijs.

Adonemus R.R. admodû P. Prouinciales, vt non nisi ob causas grauissimas in litteris cû præscripto tẽpore expressas & cum socio cõpetenti fratribus suarum prouinciarû in alias prouincias licentiam eundi cõcedant.

De Conuersis.

Vbi est consuetudo recipiendorum tertiariorû statuimus, vt nullus ad habitum conuerforum recipiatur, nisi prius per annos duos in habitu tertiarij conuentui inseruiert, vt sic spiritus atque vires eorum probentur, vbi vero non est consuetudo recipiendi tertiarios ordinamus, vt recepti ad habitum conuerforum, primo duobus annis integris eundem habitum cõuerforum deferant, deinde post biennium annus tertius in eodem habitu pro probatione illis assignetur.

Non recipiantur ad habitum clericalem &c. Idem confirmatur Bononiæ 1615. vbi additur, quod si quis vel per se vel per alium sibi habitum clerici dari procurauerit, & de eo conuictus fuerit, scapulari per sex menses priuetur, conuentumque per annum pro carcere habeat.

De Appellationibus.

Nvllus sub pœnis in capitulo Romæ 1612. circa idem taxatis, sine per se siue per alium sæcularẽ vel nostri ordinis fratrem cuiuscumq; gradus aut cõditionis existat, in curia Romana quidquam sine scitu Reuerendi Admodum Patris Procuratoris generalis ordinis tractare vel procurare audeat.

De Monialibus.

Concedimus omnib; nostri ordinis sororibus, vt in matutinis precibuslectionem quæ in pretio sa recitari solet de cõstitutionibus, quæ earum sunt propriæ desumant, quatenus ea quæ pro earum religiosa cõuersatione obseruare oportet in auribus earundem perpetuo reseruentur.

LAVS DEO B. MARIE V. ET B. DOMINICO.

ACTA CAPITVLI GENERALIS VLYS-
 sipponæ in Conuentu sancti Dominici Ordinis Fra-
 trum Prædicatorum, celebrati in festo S. Penteco-
 stes, 3. Iulij 1618. sub RR. P. Fr. Seraphino Sicco
 Papiense, sacre Theologiæ Professore, Magistro
 generali totius Ordinis Prædicatorum.

*In nomine sanctissimæ Trinitatis Patris & Filij & Spiritus san-
 cti, & Beata Mariæ semper Virginis, & Beati Patris no-
 stri Sancti Dominici, omniumque sanctorum & Sanctarum
 Dei.*

INCHOATIONES.



INCHOAMVS vt primus versus hymni *Aue maris stella*, fle-
 xis genibus in choro dicatur.

Inchoamus, vt in Ecclesijs nostris sanctissimum Eucha-
 ristia sacramentum in vno tantum altari (maiori videlicet)
 asseruetur. Quod si ob ministrandam populo sacram Com-
 munionem sit in aliquibus Prouinciis inducta iamque approbata Consue-
 tudo, vt idem sacramentum in alio etiam sacello & altari custodiatur: Man-
 damus vt eidem sacro ministerio Pater aliquis ex antiquioribus deputetur
 qui semper sit paratus audiendis secularium confessionibus & sollicitè
 (quod ei in meritum sanctæ obedientiæ præcipimus) procuret vt dictum
 sacellum & altare debito cum ornatu & decore conseruentur.

Confirmationes.

CONFIRMAMVS omnia acta Capituli Generalis proximè Bononiæ præ-
 habiti, nisi forte aliquid per acta huius Capituli pro temporis oppor-
 tunitate sit moderatum vel innouatum.

Confirmamus ordinationem illam vt in missis etiam priuatis paulo ante
 consecrationem diuinissimi sacramenti cereus accendatur.

Confirmamus id quod alias in Capitulo Salmanticæ 1551. statutum est,
 & Romæ 1571. suggerente etiam sanctissimo Domino innouatum, vt vi-
 delicet nouitij non nisi in maioribus & grauioribus Conuentibus & vbi
 in rei veritate viget regularis obseruantia non in minori quam senario nu-
 mero instituantur. Quod si in minoribus Conuentibus fuerint aliqui rece-
 pti statim ad grauiores Conuentus mittantur educandi, ibique pro Con-
 uentu, in quo, siue pro quo habitum susceperunt professionem facturi,
 quæ omnia & singula in multis præterea Capitulis generalibus confirmata
 fuerunt.

Confirmamus ordinationem Capituli Vallisoletani 1605. qua in hunc

modum cautum est; Libertati electionum, quam tantopere sacra Tridentina Synodus commendauit, consulere volentes: strictissime mandamus obseruari quod in Capitulo generali Bononiæ 1564. statutum fuit: Ne videlicet Prouinciales in singulis electionibus aliquos eligendos ipsis electoribus proponant, nisi specialis & vigens necessitas id postulauerit, & non alias, tuncque non pauciores quam tres proponantur: Addentes quod iidem Prouinciales nullomodo Priores electos confirmet, vel cassent, nisi de grauiorum Patrum consilio & per eorum vota secreta, scilicet per calculos albos & nigras.

Confirmamus declarationem sæpe alias factam & gloriæ constitutionum nostrarum distinctione 2. cap. 2. insertam, eos videlicet non posse eligi in Priores, qui Chorum, Dormitorium, Refectorium, & cōmunia prout decet, sequi non valent, Addentes insuper decretum sælicis recordationis Clementis Papæ 8. in quo habetur vt ad officia gradus & prælaturas illi præcipue eligantur, qui possint & consueuerint Regulas Ordinis, & constitutiones obseruare, præsertim quæ pertinent ad seruitium Choriæ vestitum & victum commune.

Confirmamus id quod in pluribus Capitulis ordinatum, præcipue vero Valentini 1596. ad memoriam reuocatum est, vt videlicet Magistri Baccalaurei & lectores memores sint eorum quæ habentur in declaratione nostrarum Constitutionum dist. 2. de studentibus circa doctrinam gloriosissimi Doctoris nostri Angelici D. Thomæ Aquinatis, quam legere, declarare, sustentare & defendere tenentur, contrarium vero facientes officio Lectoratus & quocumque alio Officio gradu & dignitate perpetuo sint priuati.

Confirmamus ordinationem disponētem vt studentes extranei peracto triennij studio ad suas prouincias reuertantur, reuocantes hoc decreto omnes Licentias hactenus concessas remanendi in studio generali ultra triennium, & aggrauantes superiorum conscientias quatenus hoc inuiolatè obseruari procurent.

Confirmamus Ordinationem in quam plurimis Capitulis generalibus stabilitam & tandem in Capitulo Parisiensi 1611. repetitam & confirmatam his præcis verbis. Quod nullus sub pœnis in Capitulo de grauiori culpa contentis ac etiam sub pœna excommunicationis latæ sententiæ, hac vna pro trina canonica monitione præmissa, cuius absolutio Magistro Ordinis reservatur) directe vel indirecte diuisionem Ordinis aut institutionem Vicarij Generalis Indiarum quouis prætextu audeat vel præsumat procurare.

Declaratio.

DEclaramus quod Priores biennales qui post Dominicam in Septuagesimâ sui Officij tempus expleant in eo nihilominus perseuerent vsquequo proximum sequens Capitulum prouinciale eiusdem anni fuerit celebratum.

Ordinationes.

Ordinamus vt oleum sanctum in ecclesia vel sacristia loco decenti & peculiariter ad hoc constructo apposita propria inscriptione, num-

quam vero in tabernaculo, vbi SS. Christi corpus adoratur, conseruetur.

Ordinamus vt in omnibus Sacristiis nostris, vel (si minus capaces illæ fuerint) alio sacro loco ipsis contiguo oratoria aliqua decenter præparata construantur, vbi Patres sacerdotes celebraturi sacra præmissa confessione & præuia oratione dignè & commode se disponere valeant.

Ordinamus & districte præcipimus Patribus Confessoribus sub pœna suspensionis ab audientia Confessionum, vt ob tanti decentiam sacramenti mulierum Confessiones semper ex Confessionalibus per minuta laminæ ferreæ vel alterius solidæ materiæ foramina excipiant, nunquam vero extra Cōfessionalia, neque aperta facie. Quod si qui hanc ordinationem & mandatum violare præsumperint, mandamus Patribus Prioribus eorum conscientias aggrauantes, vt eadem suspensionis pœna tales inobedientes puniant.

Ordinamus vt vnus tantum Confessarius ordinarius cuique Monasterio Monialium deputetur, vel duo ad summum, si ob multitudinem Monialium id necesse fuerit, extraordinarius autem Confessarius eisdem Monialibus offeratur bis aut ter in anno, iuxta decretum sacri Concilij Tridentini.

Ordinamus ne quis ratione nouæ assignationis possit eodem anno duos eligere Priores, nec socios pro Capitulo prouinciali, exceptis Regentibus, Lectoribus, & studentium Magistris, qui studiorum promouendorum intuitu aliis Conuentibus assignati fuerint, & etiam Supprioribus de nouo institutis. Quæ tamen exceptio non intelligatur de Lectoribus casuum conscientiz.

Admonitiones.

Admonemus omnes nostri Ordinis Fratres, vt omnino seruent decretum à Sanctissimo Domino nostro emanatum, quo prohibentur regulares accedere Romam sine licentia Magistri Ordinis, sub pœna priuationis vocis actiuz & passiuæ & carceris formalis per sex menses.

Admonemus omnes & singulos nostri Ordinis Fratres tam Prælatos quàm subditos, vt accurate perpendant decretum à sœcl. record. Gregorio 13. emanatum, quod Clemens Papa 8. confirmauit & extendit, & demùm Sanctissimus Dominus noster Paulus Papa 5. sic extantum in nouauit & roborauit, quo mandatur in virtute sanctæ obedientiz omnibus nostri Ordinis Prælati, ne ad instantiam quarumcumque personarum extra nostrum Ordinem constitutarum quacumque dignitate & excellentia fulgentium cuius nostri Ordinis Religioso vllam remittere pœnam aut gratiam concedere, vllò sue gradus, dignitates, officia, administrationes, functiones, seu prælaturas conferre audeant. Quicumque autem eiusdem nostri Ordinis Religiosi qui per huiusmodi mendicatos fauores aliquid ex prædictis sibi procurauerint, vel sibi sponte ad instantiam & contemperationem dictarum personarum oblatum receperint, vel ad hunc effectum munera aliqua impenderint, ad talia & similia ac etiam maiora consequenda inhabiles Apostolica auctoritate declarantur, ideoque omnes securitati suæ conscientiz prospiciant.

Admonemus PP. Prouinciales ne faciles sint in eiciendis Religiosis ab Ordine, sed considerent quid sibi velit hominem à Religione expellere. Potius autem seruent quod traditur in declaratione capituli de grauiori culpa, vt scilicet ipsi Prouinciales cum Diffinitoribus, vel cum quatuor prouinciarum Patribus aut aliis qui Diffinitores fuerint, facinorosos puniant etiam pœna trirremium. Numquam verò ob quodcumque crimen aliquem habitu exuant, & à religione expellant, nisi seruata præcisa & integra forma nostrarum Legum & Constitutionum, & de grauissimorum & doctissimorum Patrum maturo consilio per vota secreta.

Admonemus RR. PP. Prouinciales ne ad absolutionem Priorum quouomodo ipsi inauditis procedat, sed adhibito consilio duodecim Patrum ex grauioribus, vel si non suppetat numerus octo ad minus de eorum voto secreto & non aliter causam decernant.

Admonemus omnes Fratres nostri Ordinis tam Prælatos, quàm subditos, vt memores sint eorum quæ continentur in nostris Constitutionibus dist. i. cap. 18. textu 5. Quod videlicet quicumque crimina Fratrum sæcularibus personis extra obedientiam nostri Ordinis constitutis reuelauerint, vnde Fratri vel Ordini infamia vel damna fuerint subsecuta, carcerali custodia mancipentur, & quod huiusmodi Ordinis destructores non nisi per Magistrum Ordinis vel per Capitulum generale possint liberari. Præcipimusque omnibus Prælati & prouinciarum seu Conuentuum præsidentibus vt huiusmodi delinquentes pœnam in prædicta constitutione taxatam irremissibiliter subire compellant.

Admonemus omnes Patres Prouinciales & Priores, quibus Monasteriorum Monialium cura incumbit, vt procurent strictissime observari S. Concilij Tridentini decretum, quo cauetur ne sanctissimum Christi corpus intra chorum, vel septa Monasterij Monialium conseruetur, non obstante quocumque indulto seu privilegio.

Admonemus A. RR. PP. Prouinciales & prouinciarum Vicarios, & quoscumque Capitulum Diffinitores, conformiter ad ea quæ in pluribus Capitulis generalibus, & præsertim in Capitulo generali Romæ celebrato anno 1589. sancitas declarata, & Parisiis 1611. ad memoriam reuocata sunt, non esse in potestate alicuius prouinciarum prætextu cuiusvis consuetudinis aut priuilegij non acceptare acta seu statuta Capitulum generalium, sed omnes & singulas prouincias, decretis & ordinatis in eisdem Capitulis ita subiectas esse, vt vnaquæque earum teneatur ipsa acta in vnoquoque Conuentu publicare, acceptare, & inuiolabiliter observare, utpote pro communi bono prouinciarum Conuentuum & Fratrum facta. Et (quatenus opus esset) auctoritate Apostolica reuocatam & annullatam fuisse quamcumque consuetudinem aut quodcumque aliud in contrarium existens.

Commissio.

Committimus R^{mo} Magistro Ordinis, vt Constitutiones nostras cum declarationibus & appendicibus quas ipse apponi mandauit & nos in hoc Capitulo generali communi consensu approbauimus & acceptauimus

mus quamprimum prælo subiici & in lucem prodire in commune totius Religionis commodum procuret.

Concessiones.

Concedit Reuerendissimus Pater M. Ordinis omnibus & singulis Fratribus suæ curæ subiectis, quod semel eligere possint aliquem patrem sacerdotem ad audientiam Confessionum in nostro ordine expositum qui ipsos possit absolvere ab omnibus censuris casibus & peccatis in quæ ante horum publicationem incurrerint, idem absolutionis beneficium Monialibus conferre poterunt earum ordinarij Confessarij.

2. Concedit idem R. P. M. Ordinis omnibus RR. AA. PP. Diffinitoribus huius Capituli generalis, vt possit vnusquisque eorum aliquem de sua duntaxat provincia ad pœnas grauioris culpæ ante celebrationem huius Capituli damnatum (si quis fuerit) ad omnes gratias ordinis restituere, si tamen sua humilitate & rectæ vitæ exemplo huiusmodi fauore se dignum præstiterit.

Præcipimus in virtute spiritus sancti & sanctæ obedienciæ sub formali præcepto omnibus & singulis Prouinciarum Congregationum & Vicariarum præsidentibus, vt acta huius Capituli in omnibus Conuentibus suæ curæ subiectis intra duos menses à receptione præsentium legi, publicari, & semper inuiolabiliter obseruari faciant, & saltem quater in anno coram vniuscuiusque Conuentus communitate repeti. Mandantes insuper sub pœna absolutionis ab officio omnibus Prælati nostri Ordinis, vt trina in quolibet Conuentu haberi curent exemplaria, quorum vnum in communi deposito cum aliis consuatur, alterum habeant Priores seu præsidentes Conuentuum, tertium conseruent Magistri Notitiorum, ne quis prætextu ignorantie eorum quæ piè sancita sunt se possit excusare. Volumus autem vt exemplaribus impressis & sigillo Reuerendissimi Magistri Ordinis munitis eadem vbique fides adhibeatur, quæ ipsismet originalibus esset adhibenda. *In nomine Patris & Filij & Spiritus sancti. Amen.*

Præsens copia collata fuit fideliter ad suum originale impressum Hispali apud Franciscum de Lyra 1619. & Sigillo authoritatis Reuerendissimi munitum, his omnis quæ singulas Prouincias sigillatim spectant.



INDEX NOTABILI VM.

A



- A**bsolutio peccatorū quo
ad fratres. f. 107. & seq.
Absolutio peccatorū quo
ad sēculares. 212
Absoluere, & ligare potest fratres
Magister ordinis. 301
Absoluere potest Magister ord. sē-
culares, vt minores pēnitentia-
rij. 303
Abiurantes de vehementi non resti-
tuantur ad gradus. 317
Accusationis modus procedendi.
340
Administratio bonorum quomodo
fratribus concedenda. 129
Aedificare nouas domos quando li-
ceat. 20
Aedificare prope Ecclesias aliorum
quando liceat. 21
Aedificiorum qualitates. 23. & seq.
Affiliationes quomodo faciendz.
227
Alienatio bonorum, & officinarum
interdicta. 33
Altaris portatilis vsus, & forma. 46
Ampullæ altaris quales. 47
Annus probationis qualis. 110.
& seq.
Anniuersaria quando celebrāda. 66
Appellationum prohibitio. 347. &
seqq.
Apostatarum delictum, & pœna.
374. & seqq.
Arti alchimix studentes, & operam
dantes. 7. & 365
Archiuia scripturarum erigenda.
25.
Arma tenentes. 363. 373

Assumpti ex ordine ad dignitates
extra eum. 239. & seqq.
Attentio in persoluendo officio di-
uino. 59

B

- B**accalaureorum institutio, & of-
ficium. 187. & seq.
Benedictio Ecclesiarum, & rerum
sacrarum. 35. & seq.
Benedictio habitus. 152
Benedictio in chore, à quibus danda
sit. 57
Beneficia ordinis quomodo appli-
canda benefactoribus. 381
Bibliothecæ in Conuentibus eri-
gendz. 229
Bonorum Conuentus administra-
tio, & vsus quomodo conceden-
dus. 129
Bona fratrum defunctorum quo-
modo distribuenda. 231
Bursæ corporalium quales. 47

C

- C**ampana vna tantum habenda
48
Cquando pulsanda 54
Cadavera leuare, & portare quando
possumus. 39. & seq.
Cameræ pro infirmis, & hospiti-
bus habendz. 35
Capitulum quotidianum quomo-
do habendum. 310
Capitulum prouinciale quando, &
à quibus celebrandum. 312. & seq.
Capitulum generale quando, & à
quibus tenendum. 314
Capitulum generalissimum quan-
do, & à quibus agendum. 320.
& seq.

Index notabilium.

Capituli solemnns celebratio. 318
 Carceres ædificandi in conuentibus
 25. & 365
 Carcerum fractores, & ab eis fugientes, suadentes, adiuuantes &c. 366
 Carnis abſtinentia. 71. & ſeq. 363
 Carnis lapſus. 124
 Caſtitatis votum. 211
 Caſuum reſeruatio in ordine. 168
 Caſuum conſcientiæ lectio. 365
 Cartarum ludus. 24
 Cellarum qualitates, & vtentilia. 27
 Chori diſpoſitio 14. & ſeq. 101
 Completorium quomodo dicendum & ſalue regina. 369
 Concubitus contra naturam. 202. & ſeq.
 Confeſſorum approbatio, & aucto-
 ritas. 47
 Corporalia qualia. 268
 Confirmatio Priorum. 101
 Coniugati non recipiendi ad habi-
 tum. 173
 Concilio Trid. in nullo repugnandum. 328. & ſeq.
 Conc. Trid. decreta quibus Episcopis ſubiicimur. 177
 Conſilij Patres, decreta ſecretariis &c. 177
 Concluſiones in cap. diſputandæ quales. 7. & ſeq.
 Conſtitutionum editio, obligatio, mutatio, diſpenſatio. 333
 Conſuatorum electio, & potestas. 336
 Conuerſorum habitus, mores &c. 120
 Correptiones delinquentum fratrum. 355
 Contemptus quid ſit. 363
 Contemnati ad pœnas grauioris culpræ. 363
 ad Carceres. 363
 Culpræ leues, graues, grauiores, &

grauiffimæ. 351. & ſeq.
 D
 Declaraſiones Conſtit. mutationes. 19. & ſeq.
 Delicta fratrum quæ per Episcopos puniri poſſunt. 330
 Denunciatio euangelica, & iudicialis. 338
 Depoſiti locus. 25
 Depoſitum commune, & depoſitarij. 179
 Depoſita ſingularium fratrum. 134. & ſeq.
 Diſpenſatio quando, & quomodo fieri debeat. 15. & ſeq.
 Diſſinitorum electio, & potestas. 293
 Diſiſionem ordinis procurantes. 372
 Diſcurſus per ciuitatem. 226
 Doctor ſit in quolibet conuentu. 29
 Domus nouæ quando recipiendæ transferendæ, &c. 21
 Dormitorium de nocte claudendum. 24
 E
 Eccleſiarum ædificatio, conſecratio, cultus, immunitas. 35
 Eccleſiæ parochiales. 45
 Eleemoſynæ promiſſis. 51. & ſeq.
 Electionum modi, & formæ. 248
 Eligentium, & eligendorum conditiones. 257
 Electio Priorum. 268
 Electio Prouincialium. 284. & ſeq.
 Electio Diſſinitorum. 293
 Electio Magiſtri ordinis 297
 Electio ſociorum Prioris, Prouincialis, & Diſſinitoris. 292. & 296
 Episcopos ex ordine aſſumpti quæ ſeruare tenentur. 143
 Episcopis reuerentia exhibenda. 140
 non detrahendum illorum ſtatuli. 373
 Episcopis in quibus ſubdantur re-

Index notabilium.

gulares. 328
Episcopi quando regulares punire possint. 330
Equitare non licet nisi &c. 222
Equos alere non licet. 131
Eucharistiz sacramentum in pixide seruandum, & publicè exponendum. 45
Examinatores recipiendorum qualēs, & quid inquirant. 86
Excommunicationes Constitutæ, & Canonum in regulares. 369.
— & seqq.
Expellere à religione quando liceat. 366
Expensæ carceratorum soluendæ. 365
Extra claustra morantes. 244
Exemptio fratrum à quacumque potestate extra ordinem. 314
F
Falso crimen fratri imponentes. 359. & 363
Falsificantes literas, & sigilla. 363
Fugientes è carceribus, suadentes, & cooperantes. 366
Furtum notabile committentes. 363
Fratris nomen semper anteponendum nomini proprio. 354
G

Generalis, vide Magister ordinis.
Genuflexiones in choro quando faciendæ. 63. & seq.
Gradus Magisterij, & Baccalaureatus. 181. & seqq.
Grauis, grauior, & grauissima culpa. 353. & seqq.

H
Habitus ordinis qualis. 78.
Huiusmodi. 86. mortuis. 81.
Habitum dimittentes, & occultantes. 374. & seqq.
Hospites itinerantes. 224
Homicidij, & propinati veneni

pœna.

I
Ieiunandum quando. 68. & seqq.
Iesuitæ diligendi. 225
Incorrigibilis quis sit, & quæ pœna plectendus. 366
Indulgentiæ regularibus concessæ. 379
Illegitimi non recipiendi, & quomodo cum eis dispensandum. 97
Inclinationes in choro quomodo, & quando agendæ. 60
Infirmorum cura. 74
Imagines non sacræ, aut pix, è cellis tollendæ. 25
Infirmi incurabiles nō recipiendi. 93
Inquisitorum deputatio, & potestas. 306
Inquisitionis generalis, & specialis de delictis forma. 341
Inobedientes Prælati suis quomodo puniendi. 355
Impedimenta procurandi salutem animarum. 17
Interdicti tempore, quando missæ celebrandæ. 50
Itinerantium licentiæ, socij, &c. 218
L

Lapsus carnis. 363
Leuis culpa quæ, & illius pœna. 351
Leges nostræ non obligant ad culpam. 9
Leges pœnales quomodo obligent. 12
Lecti super quibus dormire licet. 76
Lectorum institutio, & officium. 174
Lectiones quales, & quantæ habendæ. 172
Lectio casuum conscientie. 168.
Sacræ Scripturæ. 172. & seqq.
Linguarum Hebraicæ, Græcæ, & Arabicæ doctrina. 169
Linguae mala secundum literas alphabeti.

phabeti. 85
Litaniz quando dicendæ in choro. 162
Libri non extrahendi ex bibliotheca, nec vendendi. 229
Literas superiorum falsificantes. 363
Loca parua renuncianda. 29
Locus seruandus inter fratres cuiuscumque status. 233
Ludus taxillorum, & cartarum. 365

M

M Agistri ordinis electio, institutio, & potestas. 297. & seqq.
Magister ordinis, potest Procureto-
rem ordinis instituere, Socios
suos ad Magisterium, vel Bacca-
laureatum promouere. Vnum
eorum Prouincialem instituere.
Terræ sanctæ, vel Angliæ. Vnum
Magistrum in quolibet capitulo
generali facere. Omnes officia-
les ordinis mutare, Omnes fra-
tres ligare, & soluere, Notarios
pro S. Officio creare, Leges no-
stras declarare, Ante diem mis-
sam celebrare, Super illegitimos
dispensare, Moniales ad balnea
licentiare, &c. 302. & seqq.
Magistro ordinis, & Diffinitorio
cap. generalis tantum, datur tit.
Reuerendiss. 305
Magistro ordinis quæ interdicta
sunt. 304
Magistri ordinis quando, & à qui-
bus absolui possit. 316
Magisterij appetitus, gradus, insti-
tutio, priuilegia, &c. 121. & seqq.
Magistri Nouitiorum institutio, &
auctoritas. 105
Mendicantes fauores ab extraneis.
356
Maria virgo Patrona singularis ord.
152.
Mercaturam exercentes quomodo

puniendi. 165
Mendicantes pauperes in Ecclesiis
non permittantur. 45
Minores Patres recipiendi ad hos-
pitium. 225
Missarum cultus, ceremoniæ, audi-
tio, obligationes, &c. 48
Minutio sanguinis quando facien-
da est. 75
Monasteria monialium accedentes
quomodo puniendi. 362
Mulieribus ingressus interdictus. 26
Mulierum consortium vitandum.
125
Mutatio legum non de facili fa-
cienda. 20

N

N Ouitiorum domus, receptio,
educatio, probatio, professio,
103. & seqq.
Numerus fratrum omnibus con-
uentibus præfigendus. 29
Negotia secularia non reducenda
ad tribunalia extra. 326

O

O Bedientiæ votum in quibus
consistit. 117
Obligatio professionis quanta sit.
142
Occasionem amoris carnalis vitan-
dæ, & quæ. 125
Officium diuinum quomodo in
choro, & extra persoluendum. 54
Officiæ Conuentus quæ, & non
alienandæ. 25
Ordinis præd. nomen, institutio,
præstantia, antiquitas, finis &c. r.
& seqq.
Ordinibus sacris initiandi qui. 169
Ordinationes capitulorum, & Præ-
latorum quantum durent. 14
Ostiarius conuentus semper assistat.
366

P

P Arochiales Ecclesiæ, & illarum
Parochi. 45

Index notabilium.

Patrum à consiliis institutio, numerus, &c.	177	tenda.	156
Patrum SS. lectioni insistendum est.	172	Profitentis intentio.	150
Paupertas ordinis, paupertati Christi, & Apost. conformis.	4	Profitemur B. Mariæ, B. Dominico, & Magistro ordinis.	153
Paupertati in particulari quæ repugnant.	126. & seqq.	Professi alterius ordinis non recipiendi.	93
Pœnæ legales quando afficiunt.	12	Proterua contentio in Prælato quæ sit.	355
Pœnæ levis, grauis, grauioris, grauissimæ culpæ; & carceris.	351	Proprium quid dicatur.	128
& seqq.		Proprietatis vitium quomodo puniendum.	358
Pecuniarum depositum, & vsus.	134	Prostrationes in choro quomodo, & quando agendæ.	64
Percussentium leuiter, & grauiter punitio.	357	Postulationis Prælatorum.	256
Possessiones ordini concessæ, alienatæ, & restitutæ.	30	Provincialium electio, & potestas	284. & seqq.
Pontifici Summo detrahentium pœna.	364		
Preciosa, & superflua religiosis vetita.	132		
Præcepta obligantia ad mortale.	122		
Præceptum sub pœna carceris, vel grauioris culpæ.	123		
Prædicatorum institutio, approbatio per Episcopos, officium.	189		
& seqq.			
Prædicatorum generalium institutio, numerus, priuilegia.	199		
Prælatorum officium.	270		
Priorum electio, & potestas.	268		
& 274.			
Præcedentiæ ordo in processionibus.	42		
Probationis annus qualis.	108		
Processionibus publicis interesse debemus.	42		
Processio S. Rosarii, & Dom. infra Oct. Corporis Christi.	ibid.		
Procedere in iudicio de plano, sine figura, & strepitu, quid sit.	335		
Professionis modus, obligatio, nullitas, præstantia.	142. & seqq.		
Professio pro quo conuentu emit-			

Q Vadragesimali cibo quando vtendum. 68. & seqq.
 Quarta funeralium pro quibus soluenda. 40
 Quæstus prædicatorum. 196

R Asura clericorum, & conuersorum. 82
 Rebellio in Prælatos quæ sit. 355
 Recipiendorum examinatores conditiones, &c. 86. & seqq.
 Reditus habere possumus. 32
 Religionis nobilitas à fine sumenda. 17
 Regulæ S. Augustini præstantia. 154
 Regentis studij officium. 186
 Regularium exemptio ab omni foro. 324
 Renuntiatio à nouitiis ante professionem facienda. 113
 Reorum examina, & tortura. 346
 Referuatio casuum in ordine. 211
 Reuelantes secreta actorum in consilio. 178
 Reuelantes crimina relig. extraneis. 363
 Reuerendiss. tit. soli Magistro ordinis. 305

Index notabilium.

S			
Alue regina quando, & quomodo dicendum.	57	gius condere.	114
Sacristiæ utensilia, & tabellæ.	97	S. Thomæ doctrina sustinenda, & declaranda.	173
Schedulæ electionum quomodo conscribendæ.	250	Testes falsi quomodo puniendi.	319
Scrutatores electionum quales.	253	Tortura reorum.	350
Scripturæ sacræ lectio.	169	Transire de vna religione ad aliam	94. & seq.
Sessiones, & stationes in choro quando faciendæ.	62	Translatio domorum.	22
Sepulturarum libertas.	39	Tribunalia extra ordinem petentes.	326.
Servi emptitij non recipiendi ad habitum.	91. & seq.		
Syndicorum institutio, & officium.	179	V	
Signum campanæ pro officio.	54	Eniz quomodo faciendæ in choro, & extra.	65
Singularem vitam ducentes qui dicantur.	365	Veneri propinati pœna.	364
Silentium quando, & vbi seruandum.	83	Venationi frequenter insistentes.	365
Studentes & studium.	105	Visitatores, & Visitatio.	322
Suffragia pro mortuis.	66	Vicarij Locorum, Conuentuum, Prouinciarum, ordinis.	278. & seq.
Supriorum institutio, officium, auctoritas.	277	Vicarij electionum.	268
Sociorum diuersorum electio.	292.	Vota professionis.	142
& 296.		Vota in electionibus quot requirantur.	252
T		Votum qui habent in electionibus.	257
Axillorum ludus prohibitus.	365.	Voto suo renunciantes.	252
Testium examina, & conditiones.	345.	Voto astricti quomodo ad ordinem recipiendi.	95
Testamentum quando potest reli-		Vfus rerum qualis concedendus.	130
		Vtensilium cellarum paupertas.	132

F I N I S.



